

0
LIBERTI FROMONDI

S. TH. L.

*Collegii Falconis in Academia
Lovaniensi Philosophiæ Profes-
soris Primarii.*

METEOROLOGICORVM

LIBRI SEX.

*Cui accessit in hac ultima Editione Thomæ Fieni,
& Lib. Fromondi Dissertationes de Cometa
Anni CIO. IOC. XVIII. Et Clarorum Astro-
rum Judicia De Pluvia Purpurea Bruxellensi.*



LONDINI,

Typis E. Tyler, Impensis Ed. Story, apud
quem Veneunt Cantabrigiæ. 1656.

51.35.11.11
HARVARD COLLEGE LIBRARY

DEGRAND FUND

July 31, 1931

B

ILLVSTR. ET REV^{MO}
DOMINO

D. MAXIMILIANO

VILLANO A GANDAVO
DE RASSEN GHEM

è Comitibus Issenghemiis Nobiliss.
Ecclesiæ Tornasensium Episcopo.

ILLVSTR. & REV^{ME}. DOMINE,



Enio, quò me meum mu-
nus ducit, quod de Mete-
oris sive sublimibus est; &
talibus oculis adspici suo
jure flagitavit: Plebei e-
nim hæc & pro fæce vulgari sunt: τὰ ἄνω
ἔστιν πρὸν ἡμᾶς, *quæ supranos, nihil ad nos:*
& fastigiis mortalium propriè Natura
ista in alto suspendit, ut suspiceretis Cre-
atoris in mirabilibus suis sapientiam &
majestatem. Is studii etiam hujus &
scriptionis princeps fuit finis: ut, in-
quam, animus scientiâ Naturæ succolla-

Lib. *Via*
perfect.
cap. 19.
¶ Lib.
Castel.
c. 1. *Ha-*
bit. 5.

tus, altius scandat, penetretque se longius in Omnipotentis admirationem & laudes. Nam etsi in rerum omnium etiam superficie, Numinis quandam imaginem depictam, aut impressè satis insculptam habemus; veriùs tamen pleniùsque in arcanis ipsis Naturæ, velut in recessu, habitat, ibique se eruditæ mentibus adorandum præbet. ut non de nihilo nuper non semel sexum suum Sancta illa virgo Theresia querelis incesse, per quem Philosophorum Auditoriis interesse non licuisset, & philosophari. Plurima enim, aiebat in coelo, in elementi, & totâ Naturâ rerum delitescunt, quæ utilissimè in solatia & bonum piarum mentium protrahantur, & infinitam gloriam Creatoris. Quò etiam eodem oculum intendisse adfirmat Reverendissimus & Sanctissimus Vir, Thomas Cantipratanus, Cameracensis olim Suffraganeus, dum *Libros de Naturis rerum*, quindecim totos annos, conquiritis undique ex Angliâ, Galliâ, Germaniâ, ejus rei Scriptoribus, consarcinavit.

Eâdem fini & mente vetustissimi illi humani generis conditores & Patriarchæ,

chæ, de Naturâ inter oves & agriculturam commentabantur: & eum, *Gen. c. 24.* narratur Isaac *egressus ad meditandum in agro, inclinât jam die*, id est, ad sidera & pendentia in sublimi contemplandum, & hinc gradu facto, erigendum animum in horum Auctorem; ut Hebræorum, Ly-rani, Abulensis, & plurimorum est interpretamentum. Apud plerumque etiam olim Nobilitatem in magno amore & studio hæc scientia fuit. Pericles, Dux ille Atheniensium tam multis laudatus, in similitudinem aliorum & exemplum sufficiet. cujus animi magnitudinem & notam illam celsitatem, grandiloquentiam deinde & genus dicendi sublime, fulgurans & tonans, à Meteorologiâ & scientiâ naturali fuisse, consensu cæterorum Plutarchus adfirmar.

Quidni igitur etiam apud Te, **ILLUST. ET REVER. DOMINE.** Meteorologica nostra sperent gratiam? & eò insigniorum, quòd Nobilitas Tua inter Belgii Illustrissimas, & per sexcentorum amplius annorum circuitus augustissimas Comitum Lovaniensium, Alostanorum, Flandrorum, sanguine aut affinitate Familias

complexa, sublimis & incolumi claritudine decurrete pergat in posteritatem.

Si retrò etiam supra hæc in Belgio initia memoriam mittimus, veterum statim Saxoniarum Regum stemmata impingemus; è quibus propinquâ origine fluxit Wycmannus ille ab Ottone Cæsare primus Arci Gandavenfi impositus Comes: à quo Villanorum & Gandavorum per Belgium sparsum genus.

Seneca l. 3.
cap. 28. de
Benef.

Sed claritudinem, Majorum virtutibus partam non supra ipsas virtutes aestimas; & maculosam vitiis Nobilitatem, *notam magis, quàm nobilem*, Romano Zenoni adfentis. Ut in purpurâ pannus, ita in Nobilitate deformitas vitiorum insignior: veluti contrà, lætiùs latiùsque se diffundit Virtus, ubi circumfusam habet Nobilitatis lucem.

Sociata ergo Illustrissimo generi Virtus, nobilissimæ Ecclesiæ Principatum Tibi fecit. nam genus solum apud illum Principem (ALBERTUM, inquam, PIUM) valere parum potuit, cui in amore tam flagranti Virtus, ut cætera omnia viderentur in frigore; qui in munerum collatione, sic illam & paritatem adspiciebat,
ut

ut nullius prætereà videretur sensum habere.

Alia præterpropter etiam causæ fuerunt, quæ me propriè circumstant, & nuperi beneficii magnitudo præsertim impulit, ut charteâ hac tabellâ nomina saltem mea efferrè, si nihil dare possim in solutum. Tametsi enim alieno, & Nominationum Academiae nostræ Jure, in cœtum Canonorum Illustris Ecclesiæ Tuæ Tornacensis intraverim; Te propitiotamen & volente factum, imò ultrò eunte Juri nostro obviàm. Utinam ceteri Prælatorum in Belgio, ad istam mentem, & sequantur exemplum! Musæ nostræ in tranquilliori forent: neque lites tot & tam pertinaces bonam sæpè vitæ viro-
rum eruditorum partem, utiliùs inter silentia studiorum ducendam, ad strepitus fori evocarent.

Sed favore isto, & prono, imò effuso in Academiam Lovaniensem affectu, qui Dignitate etiam illâ Episcopali, Tibi præivit olim, ILLUSTRISSIMUS D. FERRICUS, S. R. E. tit. S. Vitalis Presbyter Cardinalis, & Episcopus Tornacensis: cujus, & MAXIMILIANI J. Belgarum

tunc Principis sollicitudine, S I X T U S
PAPA IV. primum Nominationum pri-
vilegium (id est, munificentiae sequenti-
um Pontificum unicum exemplar) anno
M.CCCC.LXXXIII. universitati do-
navit.

*Castor
Pollux.

Ille ævo quidem longè anterior, Tu
beneficio tamen suppar, quo adfirmasti
quod Sanctissimus Pontifex suasore ipso
& parario nobis contulit. Salve par no-
bile Præsulum: nobis posthac* *Διόσχορος*,
& benefica duo sidera eritis: quorum al-
ter coelo jam & æternitati fixus, eodem
TU ILLUSTR. ET REVERENDISIME
DOMINE, virtutibus subvectus abis: si
antè ambitum ætatis impleveris (ô mol-
lissimè tamen, & in rem publicam diu
decurrat!) quem Tibi lex æterna circum-
scripsit. Sic vive, salve, vale ab

I L L U S T R. E T R E V^{MAE} D. T.

humillimo & devotissimo cliente

LIBERTO FROMONDO.

Lovanii Cal. Januariis

anni MDCCXXVII.

AD

AD LECTOREM.

Gustulum Philosophiæ Lovaniensis
& promulsidem hilari hoc & Sæ-
culari Fubilæo, quo Academia
nostra ducentessimum vitæ an-
num exambit, tibi propinare, Lector, animus
fuit; sequenturque reliqua, aut supprimen-
tur, perinde ut hac acceperis. A blandiori-
bus autem auspiciū cepi, ut paulatim ad
severiora te, aspernaturum fortasse statim
initio, deducerem: quæ etiam literarum con-
dimentis mitescei, & Bacchum istum castra-
vi mollioribus Nymphis. Publicum enim pa-
latum jam ferè sic est: nisi litteraturæ blan-
dimenta salivam moveant, fame potius emo-
riatur, quàm aliqua gustet. Naturam eti-
am imitatus sum, quæ prata camposque flo-
ribus spargit, & delicias ubique permiscet
humanis auxiliis. Aristoteles quoque noster,
qui alibi ferè tetricus, in historiolas hîc &
omnem amœnitatem sic lascivit, ut quidam
isto argumento nomen ejus arceant ab istis
Meteororum Libris. Sed unâ operâ Ethica,
Politica, Historias Animalium ei excutient;

quia laxior etiam belliorque hic est, & insolenti claritate digestus. Aliubi ergo sepea, dato studio, suo se atramento infuscat, aut materia hanc dissimilitudinem facit: non omnis enim Philosophiae pars aequalem cultum recipit.

Stilum autem sumpsi, non brevem illum, subpinguem, & veterascentem, quò me Genius & amor ducit sed neglectiorem paulisper, excussis tamen sordibus scholastici pulveris. Nec enim alio partu Clarissimam toto Orbe Plantinianam & Moretorum Officina exire Liber potuerit, unde dehonestum nihil & facitum solet. Ne tamen à Philosopho planè abire, & eloquentia vulgaris fastum nostrum accusarent, verba quadam artis deculpata nec boni aut belli commatis in usu, sed rarissimo, retinui: cum nulla Philosophia, quàm Meteorologica, minus barbaricis auxiliis indigeat.

Moles voluminis non oppido ampla, sed quantam tamen, quem sciam, nemo hactenus in ista materia effecit. Fortune id est, non meae laudis. Alii enim omnes in compendiis pagellas aliquot contracti, aut unius Aristotelis sensum totidem penè verbis, aut paulò liberalius (quod Vicomercatus fecit) enarrant,

nil longè ultra scollititi: ut meritò magnus
Tycho nuper Meteorologiam imperfectissi-
mam questus sit, & minimam ejus partem
hactenus constare.

Libro de
nova Cas-
siop.

Nec tamen ita mihi placeo, ut credam rem
hanc jam à me confectam aut profligatam
esse: & Mathematicos nostros provideo fa-
miliares sibi figuras requirere; quibus ab-
stinere tamen malui, ne Libri pretium accen-
derem: & quia pleraque omnia more philoso-
pho, qui lingua ferè tantum, manu rarò in
Scholis loquimur, putavi posse expediri. Non
tenui etiam pudorem, cum vidi nuper Sene-
cam, Gentilem Philosophum, in mediis Natu-
ra rebus subinde respirantem, & brevi uti-
lique diverticulo ad mores se ejicere; nec
Christianum adhuc, quod audiverim, fuisse,
qui sequeretur exemplum. Facio, sparsim ta-
men & rarenter, frigoris et fastidii quorun-
dam metuens; et quia ipse non ita pietatis a-
bundans, ut prolixè aliis, et plenis urnis ad-
metiar. In cetera fortasse Philosophia, si à me
perfici contingat, in istam partem futurus
effusior. Cur enim Philosophià ad Deum no-
strum euntē non comitamur, et à nebulonibus
quibusdam defendimus, qui infami raptu ad
impietatem trahunt, & intestabili prostitu-

unt

Lucan. lib.
10,

unt Atheismo? Nisi facimus, metuo ne in
re inutili studium posuerimus: similis illi
Endymioni, qui, ut est in fabulis, ab amasia
Luna in Latmio monte consopitus, etiam-
num hodie obdormit. id est, etatem in con-
templatione motûs istius sideris malè con-
sumpsit. Divus etiam Augustinus Fratres
suos olim. et me nuper perculit. Cùm enim
illi quæsisserent, An sidera circumducerentur,
an terra potius in orbem gyraret immobili
cælo: Multùm subtilibus & laboriosis ra-
tionibus ista perquiri ait, ut verè perci-
piatur, utrùm ita, an non ita sit: quibus
ineundis atque tractandis nec mihi jam
tempus est, nec illis esse debet, quos ad
salutem suam, & S. Ecclesiæ necessariam
utilitatem, cupimus informari.

Ne nimis magnam tamen studii hujus pœ-
nitentiam agamus, Augustinus ipse, de Tri-
nitate, de Civitate, et in istis ipsis super Ge-
nesin Libris, in Philosophia naturali mul-
tus, et, ad curiositatem penè, varius fuit.
Quid S. Clementem Alexandrinum, quid
S. Aquinatem, quid alios sine fine commemo-
rem quorum sanctitatē Philosophia adsedit,
et etiamsi alia defererent, nos tegunt satis?

Scriptura etiam Sacra plurifariam men-
tionem,

tionem, et dogmata ejus spargit, laudatque
Dei sapientiam, et adstupefcit n̄ istis mira-
bilibus: quod dicent Philosophiæ Sacræ con-
farcinatores.

Qui ducem deinde belli formant, Meteo-
rologiâ imbui præcipiunt: et Hannibalis,
Sertorii, aliorumque exemplo ostendi potest,
quantum momenti ad inclinandas acies, aut
stragem adversarum partium attulerit: et
ecce fulmen illud belli Iulius Cæsar, à cænâ
Cleopatræ cum Achoreo Philosopho Ægyp-
tio in multam noctem Meteorologistes fa-
ctus, gloriatur se

—media inter prælia semper
Stellarum, coelique plagis, superisq; vacasse. Lib. 2. cap.
10. in Ger

Agricolationi denique, mercatui, et ple-
roque hominum generi, utilitate propè neces-
saria, amœnitate jucundissima universis.

Tibi igitur etiam spero, Lector, erit, aut si
mustacea ista, et mellitorum delicias morose
fastidienter edis, sustine paulisper dentem,
solidius aliud et in quo exerceas, ego ceteri-
que Professionis hujus consecranei (qui in A-
cademia ista grex totus et sedicem sumus,
omnes juxta aut supra me validi) brevi da-
mus. Vale.

e
e

N

I

qu
eo
ob
μ

in
fu
ri
m
ca



LIBERTI FROMONDI
METEOROLOGICORVM

LIBER PRIMUS

De Meteoris in genere.

CAP. I.

Quid, & quotuplex Meteorum.



METEORUM Latine significat
sublime, aut. suspensum. Hinc
μετέωρος πλεῖν dicitur, qui non
nitus legit, sed nūvigat in alto.
Equus μετέωρος, qui pedes pri-
mores suspendit μετέωρος δίκη,
lis pendens: & inde μετεωεία,
supina oblivio & animi stupor:

qualem in Claudiano illo stolone notat Suetonius. In In. claud.
eo. inquit, (Claudio Cæsare) mirati sunt homines & cap. 39.
oblivionem. & inconsiderantiam: vel, ut Græcè dicam,
μετεωείαν, καὶ ἀβλεψίαν.

Philosophi verò Meteorum suum definiunt, Corpus
imperfectè mixtum, ex vapore vel exhalatione ortum in
sublimi. Hoc statuitur objectum Meteorologix, quam A-
ristoteles absolvit quatuor libris.

Corpus imperfectè mixtum, nihil aliud est, quàm Ele-
mentum infectum qualitatibus peregrinis. Talis aqua
calcfacta, glacies, nix, grando, &c. Nec est necesse, ut
C Elementi

Elementi nomen amittat. Licet enim in pluribus id eveniat (nec enim nix, aut grando, amplius aqua vocatur etiam si formam aquæ substantialem retineat) aqua tamen calida, nomen aquæ, ignis fatuus, nomen ignis, nondum perdidit.

Mixtio igitur imperfecta hîc, est conjunctio qualitatum peregrinarum cum naturalibus in eorum elemento. Sic enim mixtura quatuor graduum caloris cum totidem frigoris, aquam tepidam, imperfectè mixtam facit. Hæc mixtio vocatur imperfecta, quia nondum attingit perfectionem temperiei, quæ formam substantialem elementi expellat, & absolutè mixti introducat.

Itaque lapides, ranæ, & si quæ alia in sublimi perfectè mixta, ex vapore aut exhalatione coagulantur, meteoron non sunt; quia imperfectè mixta non sunt, cum abjecerint formam elementi.

Tris etiam, halo, parelii, & quæcunque *ἑμφασιν*, non *σώσασιν* habere dicuntur, quæ accidentia tantum, non corpora sunt, meteoron rationem recipere nequeunt.

Vapor est spiritus è corpore gravi humido, exhalatio è corpore sicco, resolutus, de quibus infra dicendum pluribus.

Sublime, spatium totum à terræ & aquæ globo à ultimam mundi superficiem, vocamus. Hoc ergò cœli partim, partim elementis levibus est plenum. Non tamen in toto eo spatium oriri meteora possunt: sed quatenus solum vapores & exhalationes ascendere valent; id est, à 52. milliaria Italica, ut postea ex Vitellone, & communiter Opticorum sententiâ, docemus.

Meteororum quidam in hypostaticum sive verum, & emphaticum sive apparens, dividunt. Sed emphaticum quo tamen totum Librum nostrum sextum consumpsimus, reverà meteororum non est.

Meliùs ergò ex materiæ diversitate, in id quod vapore, quod exhalatione, & quod utroque mixtum constat, dividemus. Quæ vapore constant, ut pluvia, nix, grando &c. aquea vocari solent: quia vapores plerique elemento aquæ exhalantur, & formam aquæ, in compositione istorum

istorum meteororum retinent. Quæ exhalationem promateriâ habent, partim ignea sunt; ut sidera cadentia, fulmen: quia reverà formam ignis inflammatione adeptæ sunt. partim non sunt; ut venti, & turbines. In quibus scilicet exhalatio nondum corrupta est in ignem. Vapore & exhalatione simul, nubes & nebulae contextæ sunt.

Ex jam enarratis patet, quædam inter ea quæ exhalatione constant, eam pro materia transeunte (ut ignea) quædam pro permanente (ut ventos) possidere. Inter aquea etiam, nubes vaporem, materiam permanentem; pluviam, nix, grando, transeuntem habent. Nec enim in pluviam, aut nivem, amplius superstes manet vapor, etiamsi servant aquæ formam.

C A P. II.

De loco generationis Meteororum.

Aristotelis nostri ordinem secuti, prius de loco ubi generantur meteora, deinde de caulis eorum dicemus.

Locus ille est tota elementi æris profunditas: quæ in tres regiones, infimam, mediam, & supremam, solet distinguui. Infima, est spatium æris à terra ad nubes: media ipsas nubes capit: suprema, à convexo nubium ad elementum ignis, aut, si ignis ibi nullus est, ad ipsum coelum expanditur.

A R T I C U L U S I.

De suprema regionis æris quantitate.

Dico primò: Probabile est, supremam æris regionem ad sidera fixa, & ipsum Firmamenti fornicem excurrere. Cometarum enim per vias Planetarum trajectoryes & motus, satis significant, coelos infra Firmamentum esse fluentes, nec è duro concrevisse. Quod alijs etiam argumentis egregiè ostendit Clariss. Medicus Thomas Fienus, in Comera anni 1648. Veri ergò simile est,

universum hinc usque ad fixas intervallum, aëre (sive partem superiorem æthera vocare mavis) repletum esse. Tycho tamen id quod Planetas interfuit, auram quamdam naturæ cœlestis, & diversæ ab his inferioribus, credit: sed nondum mihi persuasit: neque ex refractionibus siderum amplius colligere potuit, quàm partem illam ætheriam, rariorem esse nostrate aëre; quod verum erit, etiam si ejusdem speciei constituas. Halitus etiam terreni, effusissimè rarefacti, supra Lunam scandent quandoque, & partem cœlestis illius & Tychonici ætheris in mundum sublunarem depriment miscebunturque mortalia divinis & incorruptibilibus: quod non decet.

Dico secundò: Totus tamen aër inter Planetas, quem æthera appellamus, item pars ejus magna infra Lunam, spiritu calido scatet & infervescit. ut meritò Aristoteles eum. ignem (qui, inquit, simplici alio nomine caret) vel *πῦρ καυμα* fomitem incensionis, vocaverit. scio tamè à multis id accipi de aëre illo, qui statim supra nubes est: ultra quem statuunt aliquod aliud elementum puri ignis. Sed Aristoteles satis, nisi fallor, cap. 7. lib. 1. Meteor. dissentire eos refellit. Ait enī. *Τὸ κόσμος τὸ περὶ τὴν γῆν, ὅσον ὑπὸ τῇ ἐγκύκλιον ὅτι φορᾶν εἶναι τὸ πρῶτον μέρος ἀναθυμίαςιν ξηρὸν καὶ θερμὸν. Αὕτη δὲ καὶ τὸ συνεχὲς ὑπὸ αὐτῷ αἰρὶ ὅτι πολὺ συμφορεύεται πρὸς τὴν γῆν ἀπὸ τῆς φορᾶς, καὶ τὴν κινήσει τὴν κύκλου.*
Mundi qui circa terram quantum subcirculari latrone est, primam partem esse exhalationem siccam & calidam Ipsa verò cum magnâ parte continui infrâ aëris, circa terram unâ circumducitur à latrone & motu circulari.

En, ut primam partem sub cœlesti latrone, exhalationem vocet, Ac neputares intelligi de aëre proximè supra nubes, addit, exhalationem istam rapere secum aërem sibi continuum: id est, illum quem hactenus supremam aëris regionem appellare solemus. Hic ergo est, quem Aristoteles proprie aërem; alterum verò qui superest, & ad Lunam usque, aut verius ad ipsum Firmamenti fornicem, pertingit, propter exhalationum ferventium copiam & mixturam, ignem vocavit. Pluribus rationibus alibi ignem

ignem hunc quorundam Peripateticorum sublunarem confutabimus.

Dico tertio : Meteora quæ exhalationem terrestrem aut vaporem pro materiâ habent, plerumque non altius à terra quam 2. miliaribus Italicis, id est miliaribus Germanicis 12. Belgicis 17. elewantur. Ratio est, quia materia eorum sublimius non scandit. Summi etenim halitus, & ctepusculorum lampades, qui primi manè radium Solis rapiunt, & ultimi vespèri retinent, ac proinde altissimi sunt omnium qui videri à nobis possunt, totidem solum miliaribus à terra distant, ut post Alhazenum & vitellonem Tycho approbat multis experimentis. Scio tamē aliquos augere, & alios minuere hanc distantiā : sed media & jam olim recepta mensura magis hîc placet : & varietas ista provenit, quia in demonstrationē suam unus terræ ambitum majorem, alius minorem accipit.

Dixi antea, *plerumque*, quia, ut libro. 3. patebit. halitus in tantum aliquando rarefcere possunt, ut ad Lunā & inter Planetas perveniant, viderique fortassis à nobis possint : quia cum raritate aliquam adhuc opacitatem servant, quæ lumine Solis valeat colorari.

Dico quarto : Suprema illa meteororum regio à secundo & quinquagesimo miliaria terra, deorsum infra altissimorum montium cacumina descendit. Id inde intelligitur : quod montes quidam reperti, qui supra totam nubium stationem surrigunt vertices, penetrantque in regionem supremam.

———— Nubes excedit Olympus :

lib. 2.

Pacem summa tenent, ———

magnificè clamat apud Poëtam Pompeianum Brutus & dudum ante ipsum, de eodem Homerus :

Οὐτ' ἀνέμοισι τινάσεται, ἔτε ποτ' ὄμβρος

Δάεται. ———

Neque ventis concutitur, neque imbre rigatur.

Hinc apud eum aliosq, Olympus passim pro cœlo : quasi omnium montium excelsissimus, & cœlo ipsi attiguus esset. Sed sua, aut vicina, nimis mirantur, & in majus ex-

Lib. 75.

tollunt Græci. Xenagoras enim, ut Plutarchus in Paulo narrat, Ex Geometria & vero dimensus, reperit tantum 1270. passus in perpendicularo Olympi. Philadelphus etiam olim veri curiosus ascendit, & verticem ejus intra nubes invenit. Nec Atlas quoque, (quamquam Dion altissimum montium existimet) in supremam regionem venit: quippe

Æneid 4.

— cinctum assidue cui nubibus atris

Piniferum caput & ventis pulsatur, & imbri.

Æc 4.

Lib. 10.

Et Dion ipse fatetur. juga perpetuâ nive canescere. Intra igitur aut infra mediam regionem sunt: nam in supremâ, nives nullæ. Æmus deinde, mons Thraciæ eminentissimus, verticem in nubibus habet, ascendit enim olî Philip-
pus Macedonum Rex, vulgatæ opinioni credulus, inde mare Ponticum, Adriaticum, & Alpes Italiæ posse conspici. *Ubi autem jugis appropinquabant*, ait Livius, *adeo omnia contecta nebulâ, ut haud secus, quam nocturno itinere impedirentur.*

Lib. 2.

c. 65.

Dicæarchus, Plinio teste, curâ Regû montes permen-
sus, altissimum Pelion prodidit, passuum 1250. ratione perpendiculari. Quæ altitudo tamen minor, quàm Xenagorica illa Olympi; statque etiam sine dubio intra nubium regionem. Plinius tamen ibidem asserit, scire se, quosdam Alpium vertices tractu non brevior 50. passuum millibus assurgere. Quod si ita est, jam isti ad culmen supremæ regionis adspirabunt. Sed credo Plinium accipiendum de tractu & ascensu Alpium obliquo: nam nimis, puto, manifestè falsum est, ullum esse, qui tantum habeat perpendiculari.

Lib. 5.

cap. 22.

Si ergo montium ullus est, qui ultra mediam regionem se attollit, Caucasus in Asia est, Tenariffa in Canariis, Pariacaca in America. De Caucaaso Aristoteles lib. 1 cap. 13. Meteor. affirmat, videri à navigantibus in Mæotidæ (id est, ex distantia 560 milliarius, ut quidam arbitrantur) & tertâ parte noctis retinere Solis crepusculum. Similis excelsitas Casii montis apud Plinium (nisi tamen pro Caucaaso, Casius eû affinitate nominis fefellit) cujus vertex quartâ vigiliâ orientem per tenebras Solem aspicit,
brevis

breui temporis circumactu, diem noctemque pariter ostendens. Hujus tamen per directum altitudinem asserit solum esse 4. milliarium. **Tenariffam** referunt **Hispani** esse altitudinis 60. milliarium. In mari enim maxime conspicuus est ex intervallo 4. graduum: unde **Snellius** in **Eratosthene** suo colligit, perpendiculum ejus esse 9. mill.² Ex quibus tamen aliquid deducendum ob refractionem. Nam res in superficie maris refractè visa, altior justo apparet, & ex distantia longiori. Statuamus igitur caudacter in perpendiculo, octo milliaria. quantam altissimorum sub toto coelo montium excelsum, veterum Sapientum judicio, affirmat **Alhazenus** lib. de Crepusculis. Errare ergo videntur, qui nullum omnino montium credunt excedere 4. miliaria perdediculi. De longissima illa catena montium **Peruviz**, quæ 500. facile lucis à **Septentrione** in **Austrum** decurrit, narrat lib. 3. cap. 9. **Histor. Indic.** **Josephus Acosta**, tantæ altitudinis esse, ut si in comparisonem ducantur **Italiz Alpes**, casæ humiles, **Peruviani palatia** excelsa videri possint. Unum horum, nomine **Pariacacam**, cum pertransieret, aërem in vertice ita subtilem & tenuatum, ac humanæ respirationi sic inidoneum invenit, ut nausæa & vomitu ferè animam ructaverit.

Hi ergo, & si qui aliî paris sublimitatis montes, in supremâ regione habere vertices videntur; ubi aër viciniâ coeli, & exhalationibus ferventibus plurimum calet & extenuatur. Frustrâ igitur **Bened. Pererius** cap. 6. **Gen. disp. 9** conatur. astruere, nullos in universo montes esse, qui caenaine mediam aëris regionem excedant. imò **disp. 10.** dubitat, an aquæ diluvii, quæ 15. cubitis, omnibus sub coelo montibus fuerunt altiores, ad mediæ regionis nubes pertigerint; quia e nubibus, in fine etiam quadraginta dierum, cum altissimæ fuerunt diluvii aquæ, depluit, tamquam ex altiori loco, in montes & diluvium. Verum **Libro. 5.** rationes ejus dissolvemus, ubi de diluviis agimus.

Dico Quinto: Suprema regio deorsum videtur terminari circa quartum à terra milliare. Ratio est, quia ibi

media incipit, ut articulo sequenti patebit. Habet igitur suprema regio 48. miliaria Italica profunditatis. Ex altitudine enim 52. miliarium, quousque scandunt, ut plurimum, summi halitus, detrahenda solum 4. sunt pro media & infima regione, ut jamjam ostendemus.

ARTICULUS II.

De quantitate mediæ, & infimæ regionis.

Cardanus lib. 17. Subtil. negat nubes etiam excelsissimas duobus millibus passuum à terra unquam elevari: cum verò pluit, & denississimæ sunt, vix putat 500. passibus abesse. Hinc sequetur, infimam regionem, quæ à terra ad proximas nubes extenditur, solos 500. passus altitudinis habere; mediam verò, 1500. tanta enim erit intercapedo inter imam & summam nubem. Verum hæc mensura Cardani nimis brevis est, uti P. Sidonii nimis ampla: nam existimavit non minus 40. stadiorum (ist est, quinque miliarium) à terra altitudinem esse, in qua nubi ac venti nubesque proveniunt,

Dico ergo prius. convexa, sive suprema pars mediæ regionis, quatuor circiter miliaribus Italicis abesse videtur à superficie terræ. Argumentum meum est, quòd montes quidam, altitudinis perpendicularis miliarium quatuor, quandoque cano vertice visantur. Igitur nubes, materia earum nivium, consueque perveniunt. Antecedens probari fortasse exemplo Atlantis in Africa potest, quem Dion altissimum montium (falsò tamen) appellat. Nilominus excelsissima ejus juga perenni nive albenia, non multò brevius, quàm quatuor miliaribus à plano terræ fortassis attolluntur. Nam Suetonius Paullinus, quem Consulem se vidisse Plinius scribit, decimis solum castris in verticè ejus pervenit. nec tamen per ardua illa & inhospita juga, quæ à mortali nullo, ut testis est Dion, adiri possunt, extraxit exercitum.

Ætnæ etiam cacumen nivale. nec supra mediam regionem est. cum tamen Francis. Maurolycus Abbas Messanenensis in Sicilia, & Ætnæ accola, affirmat, ex eo sub-

*Plin lib. 2.
cap. 23.*

jectum

etum mare Mediterraneum ad 200. milliaria adspici-
unde Snellius in Eratosthene colligit, 40. circiter stadia
perpendiculi, sive milliaria quinque. Detrahimus ergo
unum milliare propter refractionem (nam oculus è ver-
ticemontis, per aërem vaporosum mari incubantem, &
speciem refractam, longius, & partes aliquas superficiei
maris infra horizontem visibilem conspexit) & remane-
bunt milliaria quatuor. Ac profectò non multo humili-
orem Ætnæ verticem, inde etiam intelligitur, quod
Snellius ab oculatis testibus se cognovisse dicat, fumum
& favillam Crateris ejus è portu Melitensi palā videri,
unde conficit altitudinem $31\frac{1}{2}$ stadiotum esse, id est, ite-
rum milliarium paullo minus quatuor.

Dico secundò: Infima superficies mediæ regionis, 500
circiter passibus, sive dimidio Italico milliari, à terra
distat. Nubes enim proximæ, quales sunt atræ illæ &
pluentes, vix longiori intervallo dividuntur à nobis. Li-
quet experimento subeuntium Italiæ Alpes. Deinde no-
tavi aliquando in nube pluviosâ & supra verticem meū
tonante, intervallum temporis, inter tonitru et corusca-
tionem fulminis, par ferme esse cum spatio quod inter
flammam tormenti majoris & crepitum intercedit, ex-
plosi ex distantia dimidii milliariis. Vide plura Libro 2.
ubi tormenta nostra cum fulminibus comparamus.

Exinde autem apertè colliges, mediæ regionis profun-
ditatem esse milliarium $3\frac{1}{2}$.

Dico tertio: Profunditas infimæ regionis dimidii so-
lum est milliariis. Tantulam enim jam ostendimus inter-
capedinem terræ & propinquissimæ nubis.

Solet autem altitudo hujus regionis definiri resulu-
torum Solis à terra: putantur enim vulgò radii non
altius quàm ad imam & concavam nubium superficiem
refrili. Itaque plerique sic finiunt: Infima regio est pars
aëris, quæ à terra versus cœlum porrigitur, quatenus ra-
diorum Solis reflexio pertingit.

Multi tamen hodie censent, eam longè altius, & ad
ipsam eiam Lunam pervenire. Si enim Luna, & Venus,
ceterique Planetæ, qui corpore opaco & terræ simillimo
sunt,

sunt, lucem solis ad nos usque tam uberrim reflectant, cur terra vicissim & que ad ipsos rejicere non possit? Credo equidem, quòd si oculus quipiam in orbe lunari foret, globum terræ & aquæ, instar ingentis sideris (nam terra ferè quadragies est Lunâ major) à Sole illustrem conspiceret. Species igitur visiles splendoris exciperet: quæ aliud non sunt quàm radii luminis; ut in Libris de Anima demonstrabimus:

Itaque propius verum erit si affirmes infimam regionem sursum finiri. ubi radii Solis à tellure reflexi, ita deficiunt & languent, ut nihil aut parum radii directi calefactionem adjuvare queant. Ibi autem nubes concresecere, & vapores redire ad naturale frigus incipiunt. Sive potius (ut ex intimo meo sensu dicam) ibi primæ nubes stant, & ascensum vapores finiunt; ubi aërem infimæ regione & se leviorē, aut unius ponderis, inveniunt. Alii enim ubique natura hanc servat legem, ut leviora tam altè scandant, donec medii in quo mouentur partem minoris ponderis, aut æquilibrum reperiant.

ARTICULUS III.

De figura regionum aëris.

Dico Primò: Concava superficies infimæ regionis est pænè rotunda: & qualis convexa globi terræ & aquæ, quem proximè amplectitur & tangit.

Dico secundò: Convexa verò ejus superficies, est figuræ propemodum ovalis: Nam talis est concava superficies mediæ regionis, cui convexa infimæ se conformat, quia undique contingit. Idcirco autem concavitas mediæ est ovalis; quia exhalationes & vapores in Zona torrida magis rareseunt, & altius scandunt, quàm in frigidis & temperatis, & hinc in istis utrimque Mundi verticibus, id est, sub polis propius terræ incubant nubes, nec ad dimidium totum milliare distant à superficie ejus. paulatim verò, & molli quodam clivo per temperatas in torridam ascendunt: ubi concavitas altissima est, & veluti gibbus ac media crassities figuræ ovalis. Unde sequitur nubem

ubem è Zona torrida pertemperatam, sub polum, ven-
torum flatu expulsam, perpetuò crassescere, & descen-
dere versus terræ superficiem. Quæ omnia primore a-
pectu, magnâ verisimilitudine blandiuntur, abeunt-
que non prodita difficultate, quam tamen benè inspecti,
relant.

Nam licet vapores sub, polis, ut pote calore languidiore
resoluti, densiores sint, aër tamen per quem scandunt
crassior etiam & pinguior, quàm sub Zona torrida est :
igitur æquè altè ascendunt, atque vapor Torridæ tenui-
or, per aërem rariorem. Ubi enim est æqualis proportio
corporis levioris ad medium gravius, æqualis etiam erit
ascensus. Ut si statuas totum spatium inter Lunam &
terram aquâ plenum, eodem modo in summam aquæ su-
perficiem suber enitetur, atque tenuissima exhalatio per
aërem tanto aquâ rariorem. Igitur ratio aliqua necessa-
riò reperienda, quæ ostendat vaporem torridæ, raritate
longiùs superare aërem infimæ regionis, ejusdem; Zone,
per quem in mediâ regionem ascendit, quàm Zone
frigidæ vapor aërem suum excellat. Causa est in majori
æstu torridæ. Quia enim ibi angulis rectis, aut propè, ra-
dii terram incidunt, & in seipsos reflectuntur, multiplica-
tâ in angusto luce, acerrimè urunt, & exhalationem ac-
vaporem, antequam adscendant, celerrimè in maximam
raritatem dissolvunt. Sic ignis magnus & valens, injectû
pabulum in flammam tenuissimam sine fumo statim
absumit; parvus verò aut lentus fumat tantùm, & sine
flamma, aut certè malignâ, pigram suscitât exhalatio-
nem. Sed quare pariter non tenuatur ab eadem causa in-
fimus Zone torridæ aër; ut eadem sit proportio vaporis
hujus Zone ad suum aërem, quæ vaporis Zone frigidæ
ad suum? Quia, credo; corpora densa, ut terra & aqua,
calorem densiorem & magis inculcatam, quàm aër Zone
torridæ, recipiunt; & hinc ubi calor sic multiplicatus
vincere potest subjecti sui densitatem, magno & subito
impetu dispergit in amplissimam raritatem. In subjecto
autem fluxo & raro, qualis est aër, minus virium habet;
& mollior solum fundit, non dissipat nihil obnitentem
materiam

materiam. Hæc res tota inclarescere potest per profundissimam, et pænè momentaneam rarefactionem pyrit pulveris injecto igne. Longè enim laxius rarefcit et discingitur illa materia, quàm vicinus, & flammæ contiguus aër. Terra verò & aqua frigidarum Zonarū languide tepescunt radio solari, nec ferè amplius tenuantur, quàm terræ circumfluus aër, quia & à natura sua, & à sole etiam aliquantam habet raritatem.

Ex quibus quoque satis intelligitur, infimam regionem eodem etiam loco, qualitatibus vertentis anni variari. æstate enim altissima est, hieme summissior. Possunt tamen etiam ardentissimo Sole humillimæ esse nubes, quales atræ illæ nimborum æstivorum, aut fulminum parentes, quæ humore multo gravidæ, & antiperistasi caloris constipatæ, in infimum aërem fervore anni tenuatum, altè succumbunt.

Dico tertio: Convexa superficies mediæ regionis videtur etiam ovalis. Si enim in torrida vapores scandant altius, quàm in frigidis & temperatis: ergò dorsum mediæ regionis gibbo quodam ibi in supremam regionem assurgit. Talis etiam est concavitas hujus supremæ regionis, quæ dorsum illud gibbosum cingit. convexitas verò ejus rotunda est, sive fornicem cæli, sive concavum aliquis sublunaris ignis proximè, contingat. Concavitas enim ignis etiam existimatur spherica; quia omnes undique partes æquis viribus nituntur sursum.

ARTICULUS IV.

Qualitates regionum aëris.

Qualitates primæ aëri naturales adhuc in incerto sunt. Aristoteles facit natura calidum, Stoici & Cardanus frigidum, Turnebus neutrum, sed omnium ex æquo captem: alibi arbitramur, spero hanc litem. Nunc de qualitatibus regionum ejus, sive ex à natura, sive foris veniant, dicam.

Dico primò: Suprema regio, ab exhalationibus fervidis, eò se per medias nubes transcribantibus, vel liberè cælo

elo sereno & innubi scandentibus, calida est, & sicca. cinia deinde cæli & siderum, sine ullo supernè nubium protentu, calorem ejus auget. Eleganter Jovianus:

*Ultima torrenti semper sitit usta calore,
Flammaram consueta vagos involvere tortus.*

Hinc refert Solinus, eos qui in Olympi cacumē ascende-
ant, solitos sumere spongas plenas aquā, ad suctum, &
emperandam aëris ferventis respirationem. Negavi ta-
men antè verticem Olympi penetrare in supremam regi-
onem. Certius ergo exemplum in altissimis Peruvie
montibus habemus, ubi Josephus Acosta, cum tenuissi-
mo ibi aëre ferè unā expiravit animam. Ex hac supremi-
eris qualitate rectè conjectat Scotus in 2. d. 17 (q. 2. pla-
nitiam Paradisi non fuisse excelsiorem mediā regione;
quod quidam contendunt. In Paradiso enim ver perpe-
uum, & summa aëris temperies fuit. Unde nec cacumen
jus nubes at igit.

Dico secundo: Media regio humida est & frigida, &
vaporibus ibi pendulis. P. t. t. experientiā peregrinorum
transeuntium per Alpes & mediam regionem, in Italiā.
Combricenses tamen frigus illud à Deo olim produ-
ctum, & jam conservari credunt. Sed Deus in talibus ef-
fectibus uti consuevit ministerio causarū secundarum.
Itaq; potius à vaporibus solū, eò scandentibus, aër ille
frigeratur. Sed quid si cælum sine nubilo sit, inquires,
aberitne ab ea regione frigus? Planissimè: redibitque
tantū postea, cum vaporibus, aut è terra subeuntibus,
aut adductis ventorum flabris. Existimo enim hīc
& ibi sparsim mediæ regionis frigus radio solari in-
fringi, cāmque dissipatis nubibus quandoque intepesce-
re; donec aliæ argentes succedant in locum pulsarum
advenerint. Non assentior tamē Ludovico Coronello (s
Philosophus Nōminalis est, & Hispanus, quod mireris;
qui ratiō addicti Occamistis) qui sentit sub torridā nul-
lum esse frigus mediæ regionis, neque ob intolerantiam
caloris ullas ibi nubes coagulari. Sed fallitur quia à cen-
tum paullō amplius annis hæc scribebat, quando non-
dum omnibus satis erant notæ pluvie & diluvia, quæ

*Lib. 7.
Physic,*

sub

sub ipso, etiam Aequatore inundant, quando sol est in
Æquinoctiis & capitibus eorum perpendicularis.

Nullibi autem, quàm circa montes, frigus mediæ re-
gionis & nubes sunt pertinaciores. Terræ enim monti-
næ & cautum rigor, vaporis ibi coagulum adjuvat, & ita
continet, ut circa totum annum nubila verticibus incuba-
re, aut ipsos coronare cernantur.

Dico tertio: Infima regio, omnes qualitates primæ
vicissim recipit. Jovianus rem versu dicat:

*Prima æquè patiens est frigoris, atque caloris,
Alternasque vices alterna vice rependit,*

Vere tepens, æstate calens, eadem horrida brumâ.

Causa hujus vicissitudinis penes, reflexionis varietatem
est, quâ radii Solis obliquiori angulo, hieme, quàm æste
te incident in terram, & resiliunt in altum. Angulus enim
incidentiæ par est angulo reflexionis, ut in speculis ex-
periri licet. Hinc æstate Sol vertici nostro magis admo-
tus, angulo rectiori terram irradiat, & reflexus ab ea ra-
dius in directum penè recurrit; eâque utriusque radii pro-
pinqvitate & cœtu calor uberius provenit. Vel si alia ima-
go dicendi magis allubescit: Sol hieme, etsi in Apogæo
& viciniôr nobis, obliquo tamen radio terram impingit
& quia montes, ædificia, plantæ, & infinita alia sunt
quibus terræ superficies exasperatur, umbras innumera-
re jiciunt in latus unum illustrata à Sole. Umbræ vero
omnes lumen frangunt aut debilitant, ne tantum va-
leat in calorem: & hinc etiam partim est, ut vespertina
mane, quando umbræ adultiores, æstus mollescat & re-
laxetur. Per æstatem autem, quia Sol nostro Zenitæ pro-
pinqvior, montes, & quæcumque in superficie terra
eminent, magis è vertice despicit, & undique in orbem
ferè illustrat, deterfâ circumcircâ omni umbrâ. Unde etiam
am loca quæ hibernum Solem sine umbrâ excipiunt, ut
montium latera, & clivi, & parietes ædificiorum, satim
incalescunt, nivæque fortè adhærentes, statim exerente
Sole contabescunt. Ita Cardanus lib. 4. Subtil. rationem
concinnandi hortum ostendit, qui totâ etiam hieme olera
& fructus educat: pariete scilicet mobili, & ad elevatio-
nem

hem & depressionem Solis sic composito & modulato,
ut angulis semper rectis incidentes radios excipiat, & in
subjectum horti fundum regerat & disseminet. Nescio
an non simili olim artificio Entellus ille apud Martia-
lem, uvas suas hibernis mensibus alebat. crystallo etiam
vires inclusisse videtur, ut injuriam cœli defenderet, &
ad multiplicandum deinde retractione lumen, & incre-
menta caloris.

*Qui Cœcyraei vidit pomaria Regis,
Rus, Entelle, tuæ præferat ille domûs.
Invida purpureos urat ne bruma racemos,
Et gelidum Bacchi mûnera frigus edat;
Condita perspicuâ vivit vindemia gemmâ,
Et tegitur felix, nec tamen uva latet.
Femineum lucet sic per bambycina corpus:
Calculus in nitida sic numeratur aquâ
Quid non ingenio voluit natura licere?
Autumnum sterilis ferre jubetur hiems.*

Breviter igitur, calor æstate, quàm cetero anno, fi-
grantior: quia à causa calorifica majori, & lumine magis
conferto venit. Lumen verò maxime multiplicante re-
flexiones; quæ æstate plures ad idem aëris punctum,
quàm alio tempore; fiunt. Hinc enim etiam, ubi Sol
vallem aliquam, inter nudas præsertim cautes, illucet,
in immensum quodammodo augetur calor; quia undi-
que ad eadem puncta aëris, à castrorum & saxorum su-
perficie, radii reflectuntur, focosque ubique constituunt.

ARTICULUS V.

*Quomodo radius Solis directus non impediat nubium
in mediâ regione concretionem.*

SOLUS in. 2. d. 17. q. 2. duas causas privativas affert
frigoris mediæ regionis, carentiam caloris producti à
radio Solis reflexo, qui tam altè non resilit, & carentiam
producti à directo. Sed cur radius iste à cœlo directè in
nubium tergum dejectus, non eas tepescit saltem, aut
etiam dissolvit? Quia veluti, lumen gemmarum, pu-
trium

trium fungorum, piscium, lucernarum, non calefacit, imò Lunæ frigefacit, inquit doctissimus Fortunius Licetus l. 2. de Novis Astris cap. 65. ita radius Solis directus, vi caloricā caret: calefacitque solā reflexione, atterendo aërem, humorēque exprimendo, ut ignescat. Verū, boni stomachi eum esse oportet, qui tam facile hæc concoquat. Ego certè fateor me infirmiorē. Nam radius directus ejusdem cum reflexo speciei est; cur non ergo cale etiam faciat? Nec attritionem illam, & expressionem humoris ex aëre intelligo. radii enim corpora non sunt, nec tam dura, quam silex & chalybs, ut mutuo affricu aër medius & deprehensus ignescat, deinde quis eos sic collidit?

Thomistæ quidam se omnibus molestis defunctos putant; si credant lumen Solis, non secundum gradum ultimum specificum, quo caloricum est, sed secundum gradū tantum genericum qualitatē in nubes recipi, Sed gradus genericus & specificus in eodem individuo, in unam omnino essentiam coalescunt, nec divelli queunt. Non potest igitur radius lucis abjicere gradum specificum in nubibus, & eum deinde in aëre infimæ regionis resumere. Locutio tamen sic tolerari potest: & ita D. Thomam explico: Lumen, non exercet omnem effectum in nubibus, quem alibi potest, non enim calorem ibi fundit, atque ita gradus luminis specificus & caloricus ibi ex parte saltē otiosus est, & veluti non esset, sed orti hujus causam investigamus.

Alii passim huc confugiunt: Unico tantum radio, eòque directo, mediam regionem penetrari; infimam, duplici, directo, ac reflexo. Creduntne se extra litem? non sunt. Sic enim in rixam possunt retrahi: Radius à cœlo ad terram uniformiter difformiter, ut loquimur, remittitur, & languescit: igitur in mediâ regione, quàm infimâ, plenior & intensior erit. Sed rem ad calculum deducamus. Sit in supremâ regione, quæ propinquior cœlo, intensus ut 6. in mediâ, ut 5. in infimâ, ut 4. in superficie terræ (unde fit reflexio) ut 3. Quia autem reflexio debilitat lucem, ut demonstrant Optici, non redibit eadem inten-

sione

sione sursum, quā in longum, sublato terræ obstaculo-
 propagatus fuisset : decrevisset autem directè protractus,
 à tertio usque ad secundum gradum : ut ergo debilior
 sursum reverberetur, oportet solūm reflecti ut unum. Ita
 enim etiam pila lusoria impacta in murum, minore im-
 petu resilire solet, quā transvolasset muri profunditatem
 per foramen, si quod ibi fortè incidisset. Compone igitur
 jam radium directum quatuor graduum infimæ regionis,
 cum radio à terra reflexo unius gradus, ex utroque si-
 mul lumen quinque solūm graduum concinnabis ; quod
 sunt scilicet in radio directo mediæ regionis. Ergo lumen
 in infima regione non est, quā in media, ad calefacia-
 endum potentius. Sed in infima dissolvit vapores, ergo in
 medio tantundem valebit.

Hoc tamen experientia longè fefellit : quia media re-
 gio manifestè frigidior quam infima est, & in ea sic coa-
 gulantur nubes, ut concretio radio solari discingi non
 possit. Dico tamen primò : Sicuti tota catena & circulus
 mediæ regionis non ubique est in pari frigore : ita potest
 hîc & ibi sparsim, brevi aut longiori tempore, totum
 illud insigne frigus, quo sic vaporem eò scandentem ad-
 stringit, perdere. Id sæpè viridi, & desæcatissimo ab
 omni nubilo cælo reor accidere. Cur enim necesse sem-
 per vaporem ibi adhærere, qui aërem illum frigeret : certè
 arenosis illis & arentibus Africæ desertis nullæ incubant
 nubes, nisi aliunde adductæ ventorum flatibus. Si verò ibi
 catena nubium fracta est, cur densitas aëris remollescere
 & fundi non potest icta & terebrata radio directo So-
 lis ? cur etiam exhalationum siccarum et pænè ardentium,
 quæ illac in superiora trajiciunt, fervorem non senti-
 tiant ? cur undique complectentis et dorso imminentis
 supremæ regionis astum ? Imò si rem ad vivum, et Ma-
 thematicam præcisionem, reseces : radius directus per
 mediam, sed serenatam et innubem regionem trajectus,
 ibi, ut ante jam diximus, quia vicinior suo fonti, uberior,
 et magis calorificus, quā per infimam regionem erit :
 quanquam fortasse discrimen sensui manifestum esse non
 possit. Nam sat credo, etiam multorum milliarium distan-
 tiâ,

Lib. 4. c.
II Nat,

tiâ, radium aliquâ parte intensiōis defecisse; intelligi sensu non valet. Pulchrè Seneca: *Qui dicit altioremontem, quia Solē propius excipiat, magis calere debere; idem dicere potest; longiorem hominem citius quam pusillum debere calefieri, & citius caput ejus quam pedes, At quisquis Mundum mensurâ suâ aestimaverit, & terram cogitaverit tenere puncti locum, intelliget, nihil in illa posse ita eminere, ut caelestia magis sentiat, velut in propinquum illis accesserit.* Nimis Stoicè et rigidè tamen hoc. Quid si enim Solem in Empyreo (cujus comparatione Orbis Lunæ cum incluso Mundo elementari, instar etiam est puncti) constituas; nonne Luna magis actionem Solis, quam terra sentiat?

Dico secundò: Nubes mediæ regionis opacitate suâ radium Solis sic debilitant, ut in calorem invalidas sit. Non enim quodlibet lumen calefacere potest, sed certa intensiōis mensura necessaria est: aut saltem, licet naturâ suâ calorificum sit, in tali subjecto tamen nihil omnino, aut quod sentiri et aestimari debeat, efficere valet, ob repugnantiam insignem frigoris. In infima verò regione nubes non consistunt, quæ opacitate radium strangulent, et veluti extinguant: sed aer ibi totus, si extra nebulum est, pellucet: vapore crassiori quidem quam sint fumi nubium, ut Lib. 5, ostendat, intertextus, sed diaphano tamen, quique radium frangat quidem, sed non rejiciat. Præcipuus tamen infimæ regionis æstus, non à radio directo, sed innumerâ à diversis terræ superficiebus, et radiorum sere in omnibus aëris huncis interfecantium, reflexione, ut Artic. proximo dixi, profluit. Multiplicatis enim per reflexionis varias, et in unum foculum concurrentibus radiis, certum ex speculis incendiariis est, calorem & ignem accendi. Et hinc liquet, non rectè à nobis ante positum esse calculum, dum tantundem luminis in media regione, quantum in infima colligebamus. Nam reflexiones ab infinitis terre asperitatibus radios in eundem locum conjicientibus, veluti rotidem parvis speculis, in immensum infimi aëris lumen augmentunt. Ideo enim à sapientissimo Opificie terræ superficie sic exasperata

perata: ut, inquam, lumen variis repercussionibus ubiq; in nodos se colligeret, focolosque innumeros accenderet, qui plantis alimenta in terra coquerent, & vitali eas calore animarent.

Sit ut in aëre infimo foculi sunt, inquies, cur eum calore suo non solvunt & rariorē aëre mediæ regionis faciunt? Faciunt sine dubio, & veluti in lagena humore plenâ partes quasdam, & atomos perpetuò scandentes, aliàs descendentes aspices: ita in aëre qui infranubes est, pars circa terrâ, ubi calore laxata fuerit, sursum in nubes, aut quousq; aliam ejusdem levitatis invenerit, perpetuò subit, descendente alterâ, quæ plus proni habuerit. Nam subita illa frigora, quæ alii in cœlestibus influentiis ferunt, à me aëri mediæ regionis algito, & in terram subito decumbenti (nullo etiam manifesto flatu) dantur: ut lib. 4. licebit cernere.

ARTICULUS VI.

An superior aeris regio raptu cali circumducatur.

Nihil vulgatius in Scholis nostris, & omnium ferè libris, quam elementum ignis, & supremam aëris, motu primi mobilis cœli Lunæ impresso, ab ortu ad Occasum quotidie circumagi. Verum, quid alii faciant nescio; ego certè olim & semper tricas, & quidem intricatissimas reperi in hoc motu. Estne enim tractio, an pulsio, an vectio iste raptus? Non tractus; quia quæ se trahunt, per asperas superficies, vel vinculo aliquo nexa esse debent: cœlorum verò superficies, ut omnes fatentur, glaberrima est. Non etiâ pulsio; quia impellens, locum alterius intrare nititur: idè enim loco compellit cedere: ut superficies cœli in eodè semper circumcise spatio se gyret, nec aëris aut ignis locum affectat, ut cogat inde cedere. Quæ vehuntur etiam, aut vinculo quopiam, aut pondere suo affigi vehiculo debent. Sic equus currum alligatus vehit, & hominem gravitate sua in curru defixum. Deinde, ut experiri cum Galilæo licet, vase rotundo in eodem spatio circumacto, inserta candelæ flammula non extingu-

tur, imò ne vibratur quidem : ergo signum est aërem inclusum, in quo candela flagrat, non rapi in orbem, motu superficiei concavæ vasis. Quibusdam sufficit respondisse, ignem, aut aëra cœlo subjectum, raptari, ut cœlum inferius à superiori proximè ambiente. Sed in isto etiam par est, aut etiam major difficultas ; quam in libris de cœlo, Deo favente, extricabimus.

Itaque quispiam neget aërem illum motu cœli sollicitari : quod ab iis longissimè est recedere, qui Oceanum etiam eodem raptu ab Ortum in Occasum volunt abire ; ut libro, 5. referemus. Sed præter auctoritatem Aristotelis, etiam Cometarum infra Lunam motus me trahit, imò fortè evincit, ut ari sublunari motum illum relinquamus : nimis enim pertinaces simus, si nullum Cometarum, qui cottidianâ periodo ab Ortum ad Occasum circumcunt, esse Lunari orbe inferiorem asserere perseveremus. Videntur autem isti Cometae, ab aëre in quo natant, circumvectari.

Quis ergò motum illum aëri facit, si cœlum non imprimit ? Intelligentiam hîc alligare, nimis fortasse frigidum ; nec pro philosopho qui in ultima solùm desperatione, in hæc latibula confugere debet. An vim magneticam inserere magis placeat ? sic enim ferrum, etiam sine contactu, magnes trahit. Sed hoc etiam asylum est solis desperabundis. Deinde vim istam per totum cœli fornitem diffusam esse oportebit : ergo maximè efficax erit, aëremque etiam hunc inferiorem, et quæ in eo pendent nubes, in orbem cottidianum circa terram ager.

Alius ergo modus est ; si aërem supremum fornici cœli tanquam, ut sic dicam, centro inniti levitate suâ statuas. Velati enim lapis gravitate superficiem terræ premens, in qua solùm (non aliter defixus) jacet, unâ circumfere-
tur, si ipsa centrum suum circuiret ; ita fortè ad raptum superficiei cœli, incubans et levitate eam premens inferior aër, ab ipsa in orbem portabitur.

Verùm nec hoc valdè allubescit : quia sic premi ab elementis levibus cœlum non existimo ; nisi fortè maximâ et insolenti aëris aut ignis raritate intumesceret, sine alterius

alterius partis condensatione, Mundus elementaris. Sed id non solet. Nam ideo tam obediens & facilis in densitatem est aër, ut statim in vicino se colligat & astringat, ubi in parte alia rarefcere, & plus spatii accipere contigerit. Deinde non semper sic aër cœlum sequeretur: sed solum cum raritate dissolvi contingeret. Elementa autem levia non incumbunt naturaliter cœlo, ipsumque obnituntur in altum levare, quia iis debitus non est cœlorum locus. Lapis verò nisi terræ sustentaculum subiectum haberet, præcipitaret se libenter ad centrum.

Quo ergo vertimus sententiam? Huc: vel difficultate oppressus, pedem non moveo. Dic, Planetas ocysissimo illo raptu, quo se cottidie per ætheris liquidi curricula torquent, mediam quod secant & propellunt, raptare etiam in orbem secum: quod non tam rigidè miraberis, si gruum, columbarum, aut sturnorum, gregatim volantium turmas, aërem quoque ante se agere cogites: si deinde, præter septem notissimos ingentis molis Planetas, astra etiam Medicea, Borbonia, & innumera fortassis (imò vix dubito) minora alia, in eodem æthere turmatim volare & circumcurrere. Asperitas quoque quorundam Planetarum ad hunc ætheris impulsu valere aliquid potest. Runditati enim, qua globos in orbem terit, minùs aër Resistit. Repugnat verò contumaciùs angulosis, magisque vicissim frangitur & propulsatur ab ipsis. Nec necesse est, ætheris raptum ad orbitam Lunæ statim finiri: quia jure & vinculo continuitatis, ær, sive ignis, qui infra est, aliquousque sequi valet. Fortasse etiam Lunæ tot montes & verrucæ ab Opifice dati, ut aërem inferiorem, his veluti uncis & retinaculis injectis, secum abriperet, quod Forrunius Licetus nuper credidit. Si aliter autem raptus aëris sublunaris expediri nequit: ecce mihi nova machina ad diffringendam orbium Planetarum soliditatem: cujus antea nunquam in mentem venit.

CAP. III.

De causa materiali meteororum.

Aristoteles, & universi omnes post eum, excepto uno Paracello, materiam omnium meteororum in duobus halitibus constituit; in vapore, calido & humido, qui Græcè ἀτμός; & exhalatione, calidâ & siccâ, quæ ἀναδυμνάσις. calidi sunt, à calore externo eos resolvente & contra naturam. vapor à natura humectus, quia aquâ præsertim, & corporibus mixtis humidis, aut succulentis; exhalatio sicca, quia terra præcipuè, & mixtis arenis, extrahitur. Unde halitus utriq; communis nil est aliud, quàm substantia levis quæ è corporibus gravibus virtute caloris rarefacientis resolvitur. Talem autem terrâ & aquâ exhalari manifesto experimento deprehenditur. aquam enim lacuû & fluminum, item terram imbre madefactam fumare, agros etiam sitientes & hiulcos, Sole istos, tenuem quemdam & velut igneam halitum expirare, oculis cernimus. Nebula etiam, ubi radio solari, victo rigore intepuit, manifestè in altum resurgit. idque imbrium & humoris est signum. Certum igitur, pluviam, vapore quem nebula fert & succollat, concreescere.

Paracelsus tamen pluvias, ventos, & omnia meteora vult siderum fructus esse (sic enim loquitur) ut arborum, poma, & statis temporibus effundi. Hinc etiam stellas, phialas & cucurbitas appellat, in quibus sulphur, sal, & Mercurius, quæ universorum meteororum ei materia sunt, continentur. Sed hæc plusquam Chymica sunt, & ægroti veteris mera somnia. Centum enim etiam annis, talis materia in terram nondum è stellâ aliquâ fixâ defluxisset. Nec reddi ratio solida potest, cur non eadem meteora promiscua sint omnibus anni temporibus. Verùm dubitationem habet, è quibus corporibus vaporetur hæc meteororum materia.

ARTICVLVS I.

*An ex terræ substantiâ etiam resolvi possint
exhalationes.*

DE aqua, & ceteris liquoribus, res omnibus confessa: quia ollas subjectis ignibus fumare, imò vacuari, lacus æstivis Solibus ebibi cernimus. Terræ tamen ullos halitus extrahi negat Plato, Bodinus: & hodie quidam alii.

Et res his rationibus regi potest. Primò, quia terram decrescere non videmus diutissimè expositam Soli; sed. solum arescere, extracto humore qui continebatur poris. Unde dissolvitur tantùm in pulverem, qui omni humore exsucto semper eadem quantitate perseverat. Sicuti ergo in animalivenæ mesenterii succum duntaxit utilem ad hepar rapiunt, partibus terrestribus & sæcutinis demissis in sentinam & alvum; ita sol è terrâ humorem tantùm imbrium secundum, aut succum aliquem oleosum ad ignearum impressionum generationem, nihil de substantia detrectando, videtur exlugere. Sic etiam plantæ terræ humorem, non terram vellicant: unde siccitatibus videmus exarescere.

Secundò: Ignis cineres, consumere, quia humore carent, nunquam potest; ergo nec terram, quæ naturâ suâ est siccissima.

Sed hæc nunquam me cōgent Aristotelem deferere: Igitur de substantiâ ipsa etiam terræ Sol aliquid in materiam meteororum decerpit.

Probo primò: Quia mixta insigni etiam siccitate prædita, ut thus, pulvis pyrius, sulphur,

Pers.

Sugosum piper, & pallentis grana cumini,
& universa aromata suas, exspirationes habent: cur non & terra?

Probo secundò: Quia aqua cœlestis, & nix liquata, multum sedimenti & terrestris limi habent; eo enim

fundam vasis altè satis oblimant: igitur terrena materia cum vapore exhalatur in nubes.

Tertiò: Ventorum aridorum, qui à mediterraneis & sitientibus spirant, materia sicca & terrestris est.

Quartò: Lignorum fumus magnà parte siccus & terrenus est; ut patet ex fuligine quâ caminos illinit: ergò etiam è substantia terræ similis exhalatio resolvi potest. Quispiam etiam fortasse idem è materia meteororum ignitorum conficere putabit: hæc enim ex humore aqueo & crudo nequeunt flammari. Verùm, neque etiam ex sicca & merissima terræ substantia: sed humore aliquo potius oleario & pingui: quem Sol tamen è terra in aquam poris conceptam dissolutâ & fatisciente calore permiscet, & ad pinguedinem istam perducit: unde aliqua saltem terræ pars in succum illum corrupta, in altam exspirat.

Sed objecta rejicienda sunt. De primo, fateor humorem intra poros terræ conceptum, obedientius longè, quàm siccas terræ partes, dissolvi & rarefcere nam experimur omnes liquores modico etiam calore statim fumare, & in auras diffundi. Ita humor liniei, viso statim igne, expirat in vaporem, linteo, quod sentire possis, nihilum diminuto. Causa videtur esse in mollietate, aut infirmitate etiam unionis integralis talitum corporum, aut denique in quadam rarefcendi proprietate, nondum adhuc satis hominibus notâ. Nam idem humor, qui cum mollis & fluxus esset, igni vaporanti illico respondebat, postquam in metallum, lapidem, aut crystallum dirigit, contumax est, & difficillimè obedit. Sic igitur etiam terra non facilè se exhalari finit, nisi humore aliquo mollita & subacta fuerit: tunc enim, ut lib. 3. Meteor. cap. 4. & alibi sæpè Aristoteles, liberalius in suas etiam exhalationes, non in solos humoris vapores se resolvit. Nego itaque terram decrefcere: sed pluviâ, spiritu e visceribus ascendente, & summis deinde patibus alligato, & post addensationem continuato, stercoratione etiam et lætaminibus, reparatur. Pulvis etiam diù insolatus et excoctus, sine dubio minor est: ubi verò singulæ arenulæ,

ac atomi, ad minima, ut loquimur, naturalia pervenerunt, difficilius aliquid carpi videtur: aut quia particulae metu praesentis corruptionis, dissolutioni pertinacius resistunt; aut quia unio integralis, ut in lapidibus & crystallis usa venit, longa percoctione facta firmior: in rarefactione autem fortasse intercedere oportet aliquam dissolutionem integram partium. Exemplum etiam succis melaerici retorqueri in contrarium potest. Nam venae illae etiam aliquas siccorum alimentorum humore potulento maceratas partes alliciunt, alias enim nihil de cibis solidis faceretur in substantiam animalis, totumque in excrementa abiret. Similiter plantae non purum putumque aquarum humorem, sed terrestri sicco fermentatum & incoctum attrestant.

De cineribus, Bodinus incorruptibiles, & omnium corporum naturalium materiam primam esse credit: nam omnia igne tandem destrui, solis exceptis cineribus, apparet. Sed tamen etiam ipsos ignibus diuturnis carpi, & magnitudinem pondusque decrescere, experientia affirmat. Reliquae vero partes, quae in tenuissimam scobem & farinam dissolutae pertinacissime flammis repugnant, atomis, & veluti minimis quibusdam naturalibus constant; in quibus humorem particulas alligantem ignis sic decoxit, ut vix calore diduci valeant. Cineres enim corpus aliquod mixtum ignibus generatum esse videntur: ut adeo mirum non sit, ab eodem, & iisdem qualitatibus non facile dissolvi à quibus esse acceperunt.

ARTIC.

ARTICULUS. II.

*An vapor & exhalatio specie differant ab elementis
gravibus, quibus extrahuntur.*

THimon lib. I. Meteor. q. 9. Tartaritus, alii que affirmant. Probat: quia incredibile est, formas terræ & aquæ remanere sub tanta materiæ raritate & levitate cum naturaliter densitatem & gravitatem appetant. Deinde, spiritus ex animalibus, plantis & ceteris mixtis resoluti, ab ipsis specie dissentiunt. Igitur nec vapor cum aquâ, & exhalatio cum terrâ consentient.

Dico tamen primò: si elementa sint corpora physice simplicia (id est, nullo materiæ & formæ substantialis cœtu coalita) ut multi Græcorum existimant: probabilius est, vaporem adhuc esse nudam aquæ, & exhalationem terræ, substantiam. In hac enim sententia, elementa naturaliter incorruptibilia sunt: & licet suscipere aliquam corporis mixti formam valeant; videtur tamen sæpius nondum super inducta fuisse, quandoquidem in naturam & proprietates elementorum tantâ pronitate relabantur. Id ergo quod vaporem & exhalationem vocamus, mixtum aliquod ex elemento antea gravi, & novitiâ formâ substantiali mixti non est; sed ipsa nuda substantia elementaris, vitata accidentibus peregrinis.

Dico secundo: Etiam si cum Aristotele nostro, & sensu ferè communi, elementa ex materia priori & formâ substantiali compingamus; verius est, vaporem aqueum, formam aquæ, & exhalationem terrenam, formam terræ, adhuc retinere. De vapore, res certior: quia sumus vapidus ex ollâ scandens & operculo adhærens, in aëre etiam fervido aut repenti, in aquam revertitur, nullâ ibi manifestâ causâ secundâ præsentē, quæ tam citò ex vapore valeat regenerare aquæ substantiam. Idem etiam ex omnibus distillationibus & sublimationibus, Chymichorum potest ostendi, ac facillimo reditu æstivi vaporis in rorem. De exhalatione fluctuo magis: quia raritas illa
tam

ram discincta & dissolutissima longissimè abivit à naturali terræ densitate. Sed nihil tamen refert : quia eadem forma maximam aliquando qualitatum repugnantium diversitatem perpetitur in suâ materiâ. Nonne enim aqua naturâ suâ frigidissima, ingenti quandoque calore, incolumi tamen formâ substantiali, effervescebat ? Nonne eadem naturaliter fluida & liquens, in glaciem alligatur & rigescit ? Nonne contrâ, metallum, durum à natura & consistens, igne solvitur & liquefcit ? Minus igitur jam mirare, terram salvâ formâ substantiali sic in fumos diffuere ; quidquid te videat Bodinus. Sed constâtne, terrestres exhalationes aliquando ad terræ densitatem & naturam redire ? Fateor, experientia nebulosior est, quàm in vapore. Tamen in aqua pluvia, & nivali, limus qui subsidit, terræ lutum videtur, in quod se reduxerunt refrigeratæ cum vapore exhalationes. Fallitur enim Thimon, qui partes terræ densas etiamnum & graves, in nubes à succollante spiritu rariore subvehi credit. Fallitur Plinius, qui vaporibus in altum, piscium etiam examina, imò lapides bajulari. Tam dispersus enim, & languidè scandens spiritus, tantum virium non habet.

Lib. 31.

Ad primum, Ostendimus jam aliorum exemplo, formam terræ à raritate illa exhalationis non necessario statim interfici. c. I.

Ad alterum, existimo plurimorum etiam mixtorum vapores & exhalationes, formâ non differre ab ipsis. Sic vapor Mercurii, Mercurius adhuc est ; cum à sublimatione se redenset, & ad ingenium rever. Taturthuris, sulphuris, & infinitorum mineralium exhalationes, veterem speciem servant. Difficultas grandior est, si viventibus fumi illi extrahantur. Vapores enim & humores florum & plantarum vivere non videntur post distillationem ; cum tamen antea partes plantarum essent, & vitam haberent. Itaque opus aliquo discrimine. sunt multi plantarum, succi, quibus ut sanguine nutriuntur : hi exanimæ sunt, & venis earum expressi, speciem non mutant : magno argumento, quòd in medicamentis per multos annos eandem

eandem vim purgandi & alterandi corpora retinent, quam in ipsis plantis habuerant: sic spiritus etiam, & sudores tertie concoctionis in animalibus residui, speciem suam per auras secum differunt. Si verò vapor aut exhalatio, partium viventium resolutione generatur, in homine & animalibus perfectis illico, & in ipsa dissolutione integrali partis, vita extinguatur: qui anima talis in materia abscessa à toto, & præsertim tam rata, non potest durare.

In plantis verò, & animalibus imperfectis, potest, saltem brevi tempore, paulò post tamen funeratur in cadaver.

Ex inanimatorum partibus etiam quandoque ignis halitus differentes specie gignit.

Ita vinum in aquam vitæ sublimatum, amplius vinum non est: quod ex vi illa admirabili calorificâ, quam deinde pertinacissimè retinet, ex levitate etiam quâ ceteris omnibus liquoribus superesse nititur, satis intelligi potest.

De causâ formali meteororum, dicemus speciatim in pertractatione singulorum, nunc uno verbo, & universè dico, esse aut figuram, aut localem motum, aut aliud accidens quod cum materia coit, illud accidentarium compositum, quod appellamus meteorum.

CAP. IV.

De causa efficiente meteororum.

CAusas efficientes proximas, quæ formam illam accidentariam inducunt, unde essentia completum & nomen habet meteorum, postea dabitur. Nunc remotam investigemus, quæ resolvit vaporem & exhalationem, omnium communem materiam.

ARTICULUS I.

*Georgius Agricola & Lydiatus nituntur ignem sub-
terraenum facer e principem auctorem va-
porum & exhalationum.*

Duplici ratione, terrâ & aquâ exhalari aliquando potest:
vel à supposito igne calefaciente, vel à Sole & cœlo
supernè impendente. Utroque modo fieri constat. Quia
& multi ignes subterranei sunt; & nihil evidentius, quàm
terram madefactam fumum expirare irradiante sole. Sed
controversia est, ab utra causa plus materiæ in meteora
resolvatur.

Georg. Agricola lib. de Causis subterraneorum, max-
imam & præcipuam halituum copiam à subterraneo
igne vaporari credit; nihil verò, quod ulla ratione tot
meteoris sufficere possit à Sole. Hunc etiam acriter con-
tra Peripateticos defendit Thomas Lydiatus Anglus, in
libello de Origine fontium. Munimenta inspiciamus,
quibus hæc opinio fidet.

In primis suppono, plurimos & maximos sub terra
ignes ardere: quos obscurius callidi plurifariam fontes,
Ætna, Vesuvius, Hecla, & tot alibi montium crateres
& Vulcani flammæ in cœlum vomentes, evidentius pro-
dunt. De quibus Aristotelem, sive alius est auctor, in lib.
de Mirabil: auscult. & Virruvium lib. 2. cap. 6. aliosque
potes consulere. Tales etiam plurimi in Americâ nuper
inventi, ut lib. 3. cap. 24. Hist. Indic. vidisse scribit Je-
sephus Acosta, Montes sunt altissimi, inquit, in plano
vertice, camino ad radices usque per immensam profun-
ditatē pertusi. Aliqui fumum tantū, alii flammam, alii per
intervalla utrumque, quidā etiam cineres, & id ab annis
centum, & tempore immemorabili eructant. Alibi etiam
in fundo camini, sine flamma aut fumo sic ardet ignis, ut
avarus quidam, inquit Acosta, suspicatus aurum esse, le-
betem per ferream catenam demiserit, quam momento
præterit temporis consumavit & absumpsit ignis. Si tot ergo
locis

locis ignium emicantium perpetua tot seculis sunt incendia, credibile est alios ferè ubiq; esse subterraneos ignes, qui si non id apertas flammæ, subtiles saltem exhalationum fumos per venas & rimulas in apertum exspirent, & materiam meteororum. Videtur enim terra instar animalis esse, quod focum & fontem caloris habet in corde: à quo spiritus per arterias hac illac per totum corpus, in extimam usque cutem, & denique foras per poros effunduntur. Ac veluti in animali, calor naturalis viscerum, tepidos vapores ac exhalationes non tantum per os & nares, manifesta spiracula, sed per infinitos alios cœcos meatus, quibus tota cutis cribro crebrius perforata est, suspirat: ita terra, præter ignivomos montium crateres, tenuibus nbique spiraculis pertusa est, quibus se etiam in auras exhalat.

Secundò: Vis calorifica Solis, non altiùs in terram, quàm pluvialis aqua, & arborum altissimarum radices, penetrat, id est, ad duos circiter passus, sive decem pedes, ut lib. 5. E. 6. art. 2. ostendemus, Ex tantula autem profunditate Sol pro tot diu noctuque sine cessatione spirantibus ventorum flabris, nascentibusque infinitis aliis meteoris, materiam, nisi nimis parcam, elicere non potest.

Tertiò: Magna pars superficiei terræ silvis, plantis, ædificiis, lapidibus tegitur: ex quâ proinde nihil, aut vix hilum Solis calor decerpere valet: constat enim etiam minimâ umbrâ Solem frangi, & terram refrigerescere. Ex reliquâ autem parte nudatâ fumi non eliciuntur suffecturi universis meteoris.

Quartò: Aqua stagnans, & soli multis diebus expectata, vix tandem tepescit: ergò Sol elevare non potest tot vapores, ut satis sint maximis illis & torrentissimis pluviis, quæ menses sæpè totos, & aliquando annos edurant.

Quintò: non resolvitur ex superficie & summâ cute Belgicæ telluris, exhalatio sulphurea & nitrosa, quæ fulminibus, & pluribus ignitis meteoris necessaria est. Cum igitur Belgium etiam fulminet, materia à visceribus, non superfice terræ, petenda erit.

Sextò · Nocte & hieme non pauciora, quàm die & æstate, meteora videmus. igitur materia non attrahitur à Sole, qui nocte nullas, hieme imbecillas vires habet. Imò qui sub polis habitant, medio anno, quo sole carent, non carent meteoris.

Ultimò: Idem experientia quadam Clarissimi Viri Medici ac Philosophi excellentissimi, Thomæ Fieni, hujus Academiæ Archiatri, firmare possumus. Qui è littore Batavico, sereno & amœnissimo cœlo quondam Oceanum prospectans, vidit è media maris superficie subito emicantem vaporem, capite humano vix ampliorem: qui perpetuo tamen effluxu, brevi temporis spacio, serenitate pullâ, densissimâ nebulâ totum implevit cœlum. Igitur sub terra, & fundo maris ignes aliqui latent, qui sæpe aliàs tales fumos in cœlum expirant.

ARTICULUS II.

*Defenditur Aristoteles, Agricola & Lydiatus
rejiçuntur.*

ARistotelis tamen nostri sententia est, Solē esse principem causam, & maximè universalem, vaporum & exhalationum. Ubique enim ejus meminit: ignis subterranei, parcissimè. Libro tamen Meteor. 2. c. 3. ab igne isto saporibus infici fontes, & cap. 4. exhalationem ventorum, in parte gigni affirmat.

Et est inprimis satis certum, multorum ventorum materiam excitari à Sole, Anniversarii enim omnes flatus, qui statis ferè diebus aut mensibus adspirare solent, à Sole manifestè reguntur. Sic namque Prodromi, Etesæ, Ornithiæ quorannis ferè velut ad condictum redeunt, sic vere & æstate flatus ante lucani, omni pænè die subauroram ad nos revolant; primi videlicet tepore crepusculi, surgente, & molliter deinde relabente, & refundente se halitu.

Secundò: Sæpe post imbrem, ut notat Aristoteles, sequi solet ventus: nec aliâ re, nisi quia terra humecta
&

et mollita, modico tepore superveniente, reddit obedi-
entiùs et faciliùs mixtos exhalationibus vapores.

Tertiò : Mateæ nimborum, et fulminum, evidenti
experimento, levantur à Sole. Namideo, vere præsertim
et æstate, post magnos calores sæpèfulminat, et effun-
dunt se nimbi, quia, inquam, Sol præcedenti ardore, plu-
res vapores et exhalationes attraxit, quàm possit di-
gerere.

Quartò : Oculis etiam ipsis cernimus primo mane
nebulas et vapores è mari, paludibus, fluminibus, valli-
bus subeuntes: et hoc secuturæ pluvie non mendax sæpè
signum habemus.

Exod. 16.

Sap. 16.

Quintò: si in campos æstate torrida, Sole ferventes,
oculos intendamus, subtilissimum ubique fumum exha-
lari deprehendemus; per quem medium conspectæ agro-
rum glebæ tremunt & vibrantur: veluti muri & lapides
platearum solent, si per exhalationes, quas in publicis
supplicationibus expirant nostræ faces, aspiciamus.

Sextò: Confessum etiam est, matutinum rorem à So-
le resorberi: quod Scriptura quoque de mannâ Hebræo-
rum fatetur: *Cum incaluisse Sol, liquefiebat: & alibi:*
Statim ab exiguo radio Solis calefactum, tabescebat: ac
deinde vaneſcebat in auras.

Septimò: qui in America sub Æquatore habitant,
perpetuos & profusissimos imbres, cum Sol in æquino-
ctiis, & vertici impendat, habent; ideòque incolæ tempus
illud anni sui hiemem appellant. Causa autem non in
ignibus subterraneis est, sed haud dubiè in Sole: qui in-
finitos præne è subjecto mari vapores simul haurit, quos
perpendiculari etiam & præsentissimo radio nequit dis-
sipare,

Solem etiam esse causam hujus effectus magis, quàm
ignes subterraneos, universalè, sic potest ostendi, Quam-
libet partem superficièi terræ subdivalem sex menses to-
tos singulis annis illustrat & calefacit: hoc tantum dis-
crimine: quòd in Zonâ torridâ, & duabus temperatis,
diem noctemque intra 24. horarum spatium alternet; in
frigidis verbò subutroque polo, diem unum perpetuum
sex

lex mensium faciat. Igitur ex omni terræ, & aquæ ambitu halitus evocat: ignis verò subterraneus, non undiq; & per totâ terræ superficiē in aëra se expirat; ut jamjam patēbit.

Ad primum ergo libenter damus, ignem ē terræ & magnæ matris visceribus, pluribus locis in cœlum suspirare. Nec enim eruditissimo Turnebo, in lib. de Calore, planè acquiescimus, qui, *Omnem, inquit, calorem ē cœlo proficisci certum habeo, ejusque perennem & jugem esse fontem Solem, reliquis tamen stellis in partem conferentibus.* Et deinde: *A medio terræ centro se promit, & quoquo versum diffundit frigus; ut cœli à culmine se calor deorsum demittit.* Nam calorem etiam aliquem terræ spiraculis imputamus, sed ista tamen spiracula rara sunt: nec ulla satis manifesta in Belgio, nisi fortè circa calidos Aquifgranensium fontes. Similitudo etiam terræ cum animali, non convenit. Animal enim ubique calet, nec ulla pars ejus interior est actu frigida, ut Medicorum experientia docet. Terra verò undique ferè sub cute sua (æstate præsertim, quando plurimi tamen halitus expirantur, & infra duos passus, quò cœlestis calor non pervenit) absolute alget. Non mirum igitur, calorem animalis undique per poros subtile aliquid, cujus odore canes heros suos & feras internoscunt, exhalare; terram verò plurifariam nil simile pati: aliàs ut hominis, ita terræ superficiem, calore & spiritu interaneorum se per cutem transfundente, ardescere, aut intepescere ferè semper experiremur.

Deinde, quàm altè ubique defossi sunt ignes illi subterranei? Certè enim ex puteis & fossis carbonariis ac metallicis, quæ magis ab aqua frigent, quàm ab igne caleant, apparet insignis eorum profunditas. Cautè igitur Jo. Dondus, Philosophus olim Patavinus, ad triginta nota milliaria infra terræ superficiem abscondit: nescilicet metallicas venas conflarent, aut comburerent, inquit, arborum radices. Sed quis tam credulus, ut per triginta milliarium crassitiem, spiritus illi ubique intolumes possint se in aëra nostrum extricare? sæpius profecto in via tam longa adhærebunt; aut rigore terræ, vel subterranearum aquarum extinguentur.

Denique nives nostræ, quæ tepore minimo tabescunt, manifestè ubique statim, subeuntibus tot è terræ venis spiritibus, liquefiunt. Sic enim in animalium villis, hominum vestibus, circa arborum truncos, celeriter solvuntur aut tabescunt, quia etiam arbores teporem quemdam & spiritum naturalem exhalant, quem nives diu non ferunt. Scio, reponent, terræ poros frigore ambientis aëris & jacentium nivium constringi, ne spiritus subterranei valeant eluctari. Videmus enim fumare terram, si effodiatur hiberno tempore; & nivem, quæ in agrum recens inaratum ceciderit, citò diffluere, quia partes terræ infra spiritu multo repentes aratrum invertit in superficiem.

Fateor etiam profectò, terræ poros, & humorem, si quis ipsis inerat, gelu sic alligari, ut halitus inclusi non reperiant exitum. Nego tamen id futurum, si isti ignibus subterraneis, ut volunt, exhalantur; ascenderent enim noctibus diebusque agmine perpetuo, & plurimi confertissimique circa summam terræ superficiem aggregarentur; quia obstructis aut conniventibus terræ poris libertas evolandi retunderetur. Unde frequenti appulsu ibi conglomerati & restagnantes, terram inflabunt, & meatus ad exitum subaperient; nivesque superjacentes in tabem, & aëra totum inferiorem in teporem remolliant. Sic enim pori animalium hiberno frigore contracti, ambulatione & motu spiritibus intus agitati, etiam usque ad sudoris eruptionem relaxantur.

Exhalationes igitur quibus terra arata fumat, natæ sunt circa ejus superficiem à sole, quando vires ad eousque penetrandum habuit; vel in aëre à frigore nocturno aut alio deprehensæ in terræ venas compulsæ fuerunt. Quod inde liquet: quia si fodias altius, fumum inde nullum exirurientem percipis. Nec omnis etiam arvus ager æquè halat; sed ille maximè, qui multo fimo & latamine satur, sæpèque exercetur: Fimera enim, ut agricolæ sciunt, plurimo spiritu ècrementis animalium turgent, & fumant. Terra etiam magis exercitata, fisculesior est, & idonea, hiatque magis recipiendis intra poros halitibus. Spiritus deinde inclusus, aliquatenus

quatenus se ipse amplificare, quia partes aliquas terræ, aut pinguis humoris intra meatus ejus concreti, repetere & dissolvere potest. Ita namque spiritus scæni mutuo contactu & confluxu se invicem calefaciant, ut faciant quandoque incendium. Non igitur necesse est credere, omnes istas exhalationes, quas terrâ expirari aliquando cernimus, aut à suppositis ignibus, aut immediate esse à Sole.

Ad secundum dico, ex decem illis terræ in profundum pedibus eductas exhalationes, ventis & meteoris omnibus ignitis largiter sufficere: si plusculum illud supplementum adjicias, quod è visceribus terræ afferunt subterranei ignes. Ratio à D. Augustino lib. 2. cap. 4. in Genesim, peti potest: quia quodvis continuum partibus infinitis constat, quæ sine fine rarefcere possunt in majus, & spatium amplius occupare. Quid ergo magni miri, si solidæ terræ particula in amplissimam exhalationem, aëre inferiori longè rariorem leviolemque, diffundi valet? Ecce enim granum unum pyrii pulveris (quis credat?) flammatum, in spatium 125000 majus dispergi Willebrordus Snelius se expertum affirmat. Deinde, non habeat sanè continuum, & materia terrestris partes infinitas: admittendæ tamen plurimæ erunt, in corpore densiori sese penetrantes, quæ per rarefactionem extramutuum situm distrahantur in spatium longè diffusius. Sed quare terræ tergum non tandem exinanitur, vellicatis, & in sublime abreptis tot cottidie ejus particulis? Petam vicissim ab agricolistis: Cur terræ viscera non crogantur & absumuntur tot intestinis depasta ubique incendiis? Respondeo igitur, facilius quàm ipsi: vapores & exhalationes in terram recidere, rursusque in eam reverti: ut denuo relevari, & perenni circulo iterum repluere, & ad nos valeant relabi. Responsum ad hoc secundum argumentum implebunt, quæ jam addemus.

De tertio: Verum est, ex terra inumbrata silvis & ædificiis non tantum à Sole extrahi, quantum ex apricis attamen radius, aliunde saltem, in umbras repercussus (nisi planè Cimmeriæ sint) modicè eas frangit & re-

Lib. 5.
cap. 9.
Nat.

pefacit. Verè & eleganter, id est, ut solet, Seneca : *Loca qua aliqua iniquitate naturæ ita clausa sunt, ut Solem accipere non possint illa quoque nubila & tristi luce calefiunt, & per diem minùs, quàm noctibus, rigent.*

Deinde, umbræ frequenter se cum Sole gyraunt, ut lux pleno aliquando radio illustret quidquid superficie terræ ab umbrâ, circum arborem forte aut domum se vertente & fugiente Solem, occupatum fuerit.

Denique ex plantis ipsis aliquid sublimari, inde liquer, quod nimio Sole flaccescant, ac exsiccentur : ex odore præterea, quem una cum spiritibus exhalant, aëremque universum cum salubritate aut noxa animalium implent. Hinc enim horri & silvæ in pestilentiam petuntur : & olim tali periculo suasæ à Medicis Principi Commodo laureæ silvæ, quia halitu suo luem abigerent. Fructus etiam plantarum latissimè & confertissimè spiritum disperguunt : ut jumenta quæ aromata vchunt, sæpè etiam adigantur in insaniam. A lapidibus quoque ipsis aliquid extorqueri satis intelligitur : quia vetustate fatiscunt, & exlucto omni humore dissolvuntur. Greges deinde animalium & armenta, & homines ipsi, præsertim qui vino, cerevisiâ pingui aut alio spiritali potu se largiter invitant, non parum forte in nubes & rem meteorologicam expirant. Camini etiam domorum in frigidis regionibus facilè rependunt & pensant obstaculum umbræ, quod ædificia Soli objiciunt.

Virgil.

Et jam summa procul villarum culmina fumant,
inquietabat ille. Ita profectò, fumant totam aliquando nubem, aut, si tam altè non statim ascendat, nebulam. Mane & vesperi caminos Leodienses ac Montenses præsertim, adspice, quando novo carbonario igne recalère incipit focus ; mentior, nisi mecum dicas, halitu illo tam copioso aliquid posse addi nubibus.

Sil lib. 4.

Nigranti piceus sensim caligine vertex

Voluitur, & pingui contorquet nubila fumo.

Hoc etiam valde æstimandum : Maris, lacuum, fluminum superficies ubique ferè sine umbris Soli esse expositas : quæ tamen terræ aquis nudatæ magnitudinem facile adæquant.

adæquant. Hinc enim immensa vaporum, imò etiam exhalationum copia evocari potest. Nam aquæ marinæ, & pleræque omnes aliæ, terrestrium halituum miscellâ inquinatissimæ sunt: relabuntur enim in eas supernè plurimæ exhalationes; alibique etiam è fundo veniunt, aut de rasus alveo limus humori confunditur. Igitur etiam ex aquis, terreni halitus aliquid à Sole sorberi potest in altum. Et hinc a mari, etiam ubi nullæ insulæ ejus interpellant unitatem, venti afflant; licet exhalatione molliori, quàm à terra; ut tetulerunt nobis Indici nauæ. Nam exhalatio terreno educta ferocior est, & magis procellosa.

Nec omittendum, quòd radius solaris altius multo in aquas, quàm terram, penetret. Sol enim, ait lib. 2. cap. 42. *Plinius, perspicuus urinantibus est, in quamlibet profundam aquarum altitudinem.* Nimium tamen, & falsum hoc est. Nam piscatores unionum maris Pacifici juxta Panamam referunt non infra quindecim cubita aspici a se Solem. Idem adserunt urinatores Indiæ Orientalis ad Ormurium, ut Ludovicus Barthena mihi testis. Verùm ex tanta saltem ferè profunditate, præsertim circa torridam, halitus à Sole resolvi è mari, & educi possunt.

Circa quartum, multi mecum olim decipiuntur, qui ferventes solùm, aut sic tepentes, ut digitus immeritus persentiscat, ollas fumantes vidimus. Potest enim reverà tenuis vapor, & qui visum omnem effugiat, aquâ expirare, etsi nullus teporem ejus valeat percipere. Calorem etenim non sentimus, nisi intensior fuerit illo, qui organum tactûs nostri contemperat. Potest autem aliquis remissior, ad vaporem fundendum & exhalandum sufficere. Et nonne linteum madens, frigido autumno aut hieme, suspensum etiam extra venti flatus, Sol exugit? tange tamen ipsum, teporem nullum tactus agnoscet. Nonne etiam illos ipsos lacus, quos æstate tepescere vix affirmas, Sol tamen ebibit?

Quintum etiam falsum sumit. Certè enim in Belgio ex omnibus pæne rudibus, & stabulis animalium, halituum, id est, materiam pulveris pyrii educimus, Chymici etiam nostri è rore per distillationes aliquam.

nitri, & salis ammoniaci partem eliciant, quam Sol proculdubio summâ tellure unâ cum roscido vapore extrahit. Itaque terra etiam nostra, halinitri ferax est, & materiæ fulminalis. Sulphuris quoque : cujus nup. r etiam apud ocellum urbium & orbis, Antuerpiam nostram, v. nam satis uberem, & beatam, repertam omnes scimus. Si quâ autem in parte halinitium & sulphur, sol parcius extrahit, rariùs Jovem fulminantem sentit, aut aliunde materiam advehunt flatus.

Sexto respondeo, noctibus apud nos rorem, pluviam, fulmina, &c. generari ex halitu quena dies antè proximè lapsi vaporaverint. Terra quoque diuino Sole calefacta, reporem etiam in noctem servat, reliquiâsque halituum quasdam expirat; ut incendiolorum, postquam deflagaverint, cineres solent. Hi autem nocturni spiritus pestilentiores sæpè diurnis creduntur: ut crassus ille & ater fuliginis, quam candela recens extincta spirat, vapor, nidore suo & noxiâ qualitate magis nares ac cerebrum offendit, quàm si eo se aleret, venenique malignitatem discuteret vivens flamma. quomodo etiam pestiferorum halitus nocentiores sunt, calido adhuc & à vita fumante corpore. Unde minus periculi habet, *decem etiam languentes invisere*, inquit, lib. 2. cap. 4. Cosm. noster *Gemma, quàm semel adesse mortuo, præsertim ubi recens cadaver exhalat, aut etiam illis adesse propius, qui primum è domo funebri prodierunt : quia pestis fomitem in veste circumferunt.* Qui etiam in Sphærâ stante, sive sub polo habitant, medio anno quo sol infra horizontem est, meteora, præsertim nives, sentiunt, de materia quam sol longo & pertinaci dimidiî itidem anni die vaporavit. Nec enim halitus in altum sublatus, statim necessario totus & universim relabitur, aut consumitur à sole; sed multos dies, imò menses potest pendulus in sublimi fluctuare. Venti etiam à Zonis temperatis in frigidas reflantes, vaporem & exhalationem aliunde sublimatam, adducunt. Stellæ deinde, circa polum præcipuè Arcticum, maximè illustres conferre fortassis aliquid insensibilis temporis valent. Luna tamen magis quæ singulis longæ illius noctis mensibus,

mensibus, dies circiter 14. supra eorum horizontem visitur. Ipsa enim, præsertim pleno aut tumidiori orbe, æmineo & imbecilli radio, lenit tamen quantum nos etiam experimur, noctis rigorem.

Nimio tamen acumine exerrat eruditiss. Medicus Franciscus Valeſius cap. 26. Sacræ Philoſ. dum regiones sub polis temperatiores circumjacentibus esse contendit. Quia, inquit, regio Arctico polo subjecta vincit proximas ac reliquas Septemtrionales plus dierum longitudine, quàm vincatur reſtitutione radiorum.

Verùm cum experientia pugnat: diuturnâ enim illâ sex mensium nocte totus diei antecedentis calor extinguitur: imò non sola nox, sed magna etiam diei pars apud ipsos hiemat: nam Hollandi, exitu etiam mensis Junii, mare sex pedum altitudine congelatum invenerunt. Causa, penes longitudinem noctis; & quia soli ibi Aquilones, exulantibus mollioribus & tepentibus ventis regnant: Audi Exercit. 37. Scaligerum: *Hieme, quæ decem sævit menses, quasi pavimento solidata maris superficies. æstate perpetua caligo, quæ pomeridianis horis unâ aut alterâ vix discussa, mox redintegratur.*

Sed addit Valeſius, nunquam ibi verius toto anno esse noctem, sed diem solùm, aut crepusculum, cum enim eorum horizon incidat in Æquinoctialem, Sol nunquâ altius, quàm 23. paulo amplius gradibus demergitur: quanta scilicet est intercapedo Æquatoris & brumalis Tropici. crepuscula tamen durant, inquit, etiam cum Sol 30. gradibus depressus est infra horizontem. Verùm à scammate, & vero hoc abit. Circulus enim crepuscularis 18. solis gradibus describitur infra horizontem: quam distantiam ubi Sol transiliit, lampades omnes crepusculorum extinguuntur. Deinde frigida sunt omnia crepuscula, nisi dies proximè fervidus præcesserit. Experientia denique illa pulchra & rarissima Clariss. Thomæ Fieni, probat solùm, quod etiam ultrò damus, ignes aliquos sub fundo maris vivere, & halitum quandoque per totam aquæ profunditatem in aëra nostrum se transfundere. Sed recusamus tamen, ignes subterraneos omnibus

aut plerisque terræ poris in cœlum respirare. Igniculos etiam, radicibus præsertim montium sparsim & rarè suppositos, non refecto. Tales quippe, thermas pluriariam nobis reperficiunt; imò frigidorum etiam fontium soli faciunt, aut saltem adjuvant generationem, ut lib. 5. ostendimus.

Hoc denique habet, & finio: Non scandunt vapores & exhalationes, attracti virtute aliquâ magneticâ Solis, ut Scaliger credit; sed dissolutâ elementi densitate, sponte suâ movent pedem, sive succollantur à propria levitate,

LIBER



LIBERTI FROMONDI
METEOROLOGICORVM
LIBER SECUNDUS:

De Meteoris ignitis

CAP: I.

Materia & forma ignitorum.

CAUSA materialis transiens meteororum ignitorum est ἀναδυμίασις, seu exhalatio idonea flamma, Hæc enim est, quæ inflammatione corrumpitur in ignem: qui est materia permanens hujus meteor. Ut autem exhalatio flammam, saltem visibilem, concipiat, debet esse viscosa, aut pinguis: quæ enim omni humore oleari carent, ut cineres, candelarum fuligines, &c. non recipiunt inflammationem. Hinc sequitur materiam istam: non esse puram putam terram in fumos exhalatam: mera enim terra, arida est & omnis pinguedinis expers: macerari ergo eam antè oportet humore aliquo pingui, poris ejus, virtute caloris solaris, aut alterius, incocto ex aqua pluviali, & partibus terræ in eam fatiscen-
tibus. Deinde bona, & fortasse melior materia horum meteororum pars, ex mixtis, ut sulphure, bitumine, plantis animalibus resolvitur.

Forma meteororum ignitorum, ut talium, sunt acciden-
tia

tia quadam, & præsertim situs aut motus materia, qui meteoris tribuit nomen. A situ enim & figuratione, aliquod lancea, aut trabis, &c. à motu ignis fatuus aut capra saltans, &c. appellatur. Forma eorum substantialis, est forma ignis, si exhalatio sit tota incensa: aliàs enim potest meteorum majori parte constare exhalatione adhuc crudâ, quæ lumine partis accensæ perfundatur & resplendeat.

Adverte, tamen multa sæpè haberi pro ignitis meteoris, quæ reverà non sunt: sed vel corpora sunt suapte luce fulgentia, ut ligna putria, fungique putres, vel sideris alicujus reflectunt lumen, ut trabes illæ, & luminosi tractus, qui nocte concubiant, post extinctis omnes crepusculorum reliquias, ab horizonte occiduo aut Boreali, subito evibrantur, aliquando etiam usque ad Meridianum. Imò Robert. Fluth Anglus scriptor, affirmat se quondam ignem fatuum noctu secutum & assecutum: & materiam invenisse non igneam, sed viscosam & lubricam, compactam in modum spermatis ranarum, distinguentibus nigris & exiguis maculis subalbidam, quæ vice speculi redderet stellarum lumen. Causa efficiens proxima, non omnium ignitorum eadem est: diciturque ea in singulis. Initium autem ab iis, quæ in infima regione circa terram generantur, faciemus: deinde per mediam ad supremam ascendemus.

CAP. II.

De meteoris ignitis infima regionis.

ARTICULUS I.

De Igne fatuo.

Hunc ignem & alios similes Plin. lib. 2. cap. 37. dicit in naturæ majestate abditos, & incertâ ratione oriri. Nos eos tamen, quantum Deus & meditatiō dederit, è latebris istis extrahemus. Ignis qui vulgò

ror fatuus erraticus etiam, aut ambulo solet appellari: Materia ejus exhalatio pinguis & viscosa: forma, saltus ille in modum hominis fatui, Causa exhalationem incendens, in difficili est & obscuro. Tres possumus imaginari. Prima saltus ipse exhalationem confricans & attenuans: sic enim eam ad formam ignis (à causa prima, quando secunda deest, producendam) disponit. Deinde, antiperistasis nocturni frigoris: hæc enim exhalationem densat, & partes subtiliores, in quibus fortasse est aliqua scintilla ignis, quam interdum Sol accendit, in centrum, aut in angustum cogit: ibique mutuo contactu se calefaciunt, & ab una reliquæ incendium rapiunt, vel certè etiam totam exhalationem Sol ante occasum incendere potuit, noctuque demum, extincto majori lumine, apparere cœpit. Sicuti enim astra non minus interdum, quam internocluo lucent, etsi non distinguamus: ita omnia ignita meteora die juxta ac nocte generari valent, licet lumine Solis nimis uberi perfusa, inter diem non conspiciantur. Tertia causa, antiperistasis nubium esse potest, quæ stellas cadentes & fulmina etiam accendit, materia enim fatui in nubibus fortasse fuit, indeque expulsa, in infimo aëre tamdiu fluctuat, donec tenacitate digestâ, tota deflagaverit. Hæ causæ etiam accommodari possunt Castoribus, Helenis, & id genus aliis.

Causa saltus fatui, sunt rores nocte in eum recidentes, & deprimentes, contra quos levitate suâ refurgit: fluctus etiam & inconstantia aëris: denique, prout densatur frigore, aut calore rarefcit, succumbit, aut in altum resilit.

Locus ubi frequentius apparet, paludes, cloacæ, cœmeteria, patibula sunt: quia ibi copia halituum pinguium, quos loca uliginosa, & mortuorum cadavere expirant. Tempus, æstas maximè, quando Solis efficacior ad solvendas exhalationes potentia; vel autumnus, quando terra incendio æstatis adhuc fumat, & Sol satis validus ad eliciendos, non absumendos, halitus. Hæc enim unica videtur ratio, cur omnia meteora ignita magis autumnis, quam aliâ anni tempestate frequententur. Durant autem fatui

fatui ignes aliquot etiam horis: quia licet perpetuò partes exhalationis subtiliores expirentur; aliæ tamen contumaciores adversus flammam paulatim accenduntur, & (ut fit in candela) decedentibus succedunt.

Flammulæ istæ in Germania & Belgio rariores, quàm in Hispaniâ, Africâ, & circa torridam, sunt. In montibus Hispaniæ viatores sæpè plurimas simul vident; in Æthiopia campi toti nocte ipsis, seu stellis, nitent.

Quia verò in materiâ lentâ, & tenaci ardent, aliquando signa militaria, aut viatorum hastas apprehendunt. Vidi, inquit Plinius, *nocturnis militum vigiliis, inherere pilis pro vallo*. Et, *Gylippo Syracusæ petenti, visa est stella super ipsam lanceam constitisse*, ait Seneca. Nuper etiam ante decretoriam illam Pragensem pugnam, narratur Illustr. & invictissimi Tribuni Legionis illius Walonice, verè fulminatricis, D. Guilielmi Verdugi vexillo ignis talis insedisse: idquæ augurium aliquod insecutæ mox ingentis illius victoriæ fuisse.

Solet sequi fugientes, aut fugit insectantes, quia ær ei pro vehiculo est: ær autem versus tergum inambulantis, motu vacui, affluit, ducitque secum suspensam in eo flammulam: unde videtur sequi: fugit verò & quidem evidentiùs, quia æris fluctus & undatio quam ambulans facit, eam propulsat & abigit: unde magis equitem quàm peditem fugit: ille enim majorem æris fluctum ante se agit. Ad flumina autem curiosos, aut turbatos, sequentes ducit: quia aqua crispâ, & sæpè fluctuante, superficie attiguum ærem secundo alveo deducit; in cujus locum alius, ignis fatui fortè vector, defluit, ad concavitates etiam & alia præcipitia; quia fortasse ventus ab eminentioribus repulsus eò se gyrat & devolvit. Adde certum, & expertum esse, malos Genios in perniciem mortalium aliquando hunc ignem dirigere. Ostendo id manifesto exemplo cujusdam mei affinis, qui mihi sæpè denarravit. Redibat is nocte oppido Viseto Haccuriam, natalem meum locum, æquali inter Leodium & Mosæ-Trajectum distantia: & ecce medio campo circumvolant eum subito tres quatuorvè fatuæ istæ faces. perterritus abjicit se illicò

Lib. 2.
cap. 37.

lib. 1.
Nat. c. 1.

illicò in terrâ, permanent tamen illæ, & uno aut altero passu ab eo distantes, fixæ & immobiles circumlucent. Cum diutius terræ inhæreret, & invocaret Dei opem, abiliunt inde dimidio amplius milliari. Exurgit tum quasi liber, videtque transvolasse Mosam. sed ecce vix duos aut tres passus confecerat, revolant derepentè, & cingunt ut prius: ibi ipse majori terrore in terram recidere, & pertinaci procubitu tam diu fatigare, donec rursus sine reditu diffugerent. Nihil certius, quàm talem motum non casu, sed ab Intelligentia aliqua directum fuisse.

Vulgus etiam fingit, animas Purgatorii esse, quæ vagentur circumdatæ, & alligatæ, hoc expiatorio igne. Et auget suspicionē, quod aliquando videantur voces quasdam edere: quia forsitan pars materiæ densior, concepto intus & intento spiritu rumpitur, & cum crepitu dissilit: vel quia nocturnus ros cum stridore flammulam iacidit; vel quia ipsa secando aëra sibilum facit: ipse etiam Genius aliquando rector, fingere voces ad terrorem aut dolum potest.

Id verò quod Robertus ille Fluth in manus nactus, ut in fine cap: præcedentis narrauimus, non ignis fatuus, sed gluten fortè aliquod in aëre concretum fuit: delapsum enim in terram ante se affirmat, quod ignis ille termē non solet: vel fortassis reliquæ alicujus stellæ cadentis fuērunt, quas ignis in talem substantiam decoxerit: sidus enim aliquando cœlo lapsum vidisse se, Clariss. Vir D. Petrus Castellanus, Medicinæ, & literarū Græcarū Professor, Vir tam fide dignus, quàm Medicinæ, & omni poliori litteraturâ inter Academiæ nostræ eruditissimos conspicuus, mihi narravit; materiamque ejus non longè abluisse, ab eaquam Fluth in fatuo suo igne deprehendit.

ARTICULUS II.

De Castore, Polluce, Helena.

TRes istos ignes, quæ etiam sidera à nautis appellan-
 tur, solus loci situs à fatuis distinguit: hi enim ter-
 ræ, illi mari impendent: unde aliquis è fatuo & ambu-
 lone Helena fiet & sexum mutabit, si ventus è terrâ in
 mare eum exhibilet. Si duo simul à nautis conspiciantur
Διόσχοροι, sive Castor & Pollux; si unicus, Helena vo-
 catur. Hispani & Galli circa mare Mediterraneū, S. Her-
 mi aut S. Telmi ignes; Itali, S. Petri & Nicolai, nomi-
 nant. Duo, felices, & tranquillitatis indices reputantur;
 unicus, mali ominis, & tempestatem importare. Temere
 tamen, ut credo: & ideo solum quia Castor & Pollux
 benefici olim navigantibus, profligatis toto mari piratis
 Helena verò soror, à Paride rapta, calamitosa, & oc-
 casio longæ illius & famosæ Trojanæ obsidionis. Car-
 danus tamen lib. 2. Subril. nritur veram causâ reddere,
 quia inquit, cum duo parvi sunt, & minimè lenti; alia
 enim in unum coissent. Sed frustra. Duo enim parvi
 possunt æquiparari uni majori: & licet forent len-
 tæ ac tenacis materiæ, non ideo statim in unum no-
 dum confluerent; quia fortè vento aut fluxu aëris non
 permittuntur jungi. Melius ergo Seneca lib. 1. Nat.
 cap. 1. vim nullam in numero ponit, sed in quiete so-
 lum & motu. In magna tempestate, inquit, apparent
 quasi stella velo insidentes: adjuvari se tunc periclitante
 existimant Pollucis & Castoris numine. Causa autem
 melioris spei est, quod jam apparet frangi tempestatem
 & desinere ventos. Quies ergo illa in antennis & velis
 significat flatus sopiri, & malaciam redire, sive unus, sive
 duo, pluresve ignes fuerint: cū vero iactari & discerpi in-
 cipiunt, ventos sentiunt prodromos tempestatis. Multi-
 tudo tamen etiā materiæ huc refert aliquid: nam exha-
 lationes plurimas, in flatus mox fortè recasuras, ascendisse
 se satis indicat: & hinc quò magis urit, & in materia den-
 sior

fiore ardet hic ignis, eò majorem & præsentio rem perniciem affert: ut verum illud Cardani esse possit: *Helena sidus circa malum navis, quod cadens etiam anea vasa colliquat, certus submersioni s nuntius.*

Ceterum, quia Castor & Pollux nautis salutare, aliquando effigies eorū pro *παρασήμα*, seu insigni figebantur in prora navis. Veteres enim, ut notat Jos. Scaliger, præter Tutelā, quæ Deus aut Dea in puppi erat, *μαγάσημον* (à quo nomen, navis accipiebat) ut Centaurum, Taurum, Arietem, Anguem, Castorem & Pollucem, in prora statuebant. Hinc S. Lucas Act. ultimo scribit navem Alexandrinam, quā S. Paulus Syracusas navigabat, habuisse pro *παρασήμα*, *Διοσκόρου*, Castorem & Pollucem.

ARTICULUS III.

De Igne lambente.

Hic ignis est exhalatio tenuis & rēcta, ex spiritibus animalium concinnata, & circa crines eorum relucens. Id autem veteres habebant pro rei cujusdam & fortunæ ingentis præsagio: unde ingeniosè capiti Juli, filii Æneæ, talem circum finxit Poëta:

Ecce levis summo de vertice visus Juli.

Fundere lumen apex, tactuque innoxia molli

Lambere flamma comas; & circum tempora pasci.

Aeneid. 2.

Et Æneas pater:

Nos pavidi trepidare metu crinemque flagrantem

Excitere, & sanctos restinguere fontibus ignes.

Sed non erat necesse. Flamma enim illa, innoxia lambere comas solet, ut Poëta antè dixit. Noto etiam, totam pænè ignis istius naturam tribus versibus ab eo signatam fuisse. In primis *apicem* vocat, quia flamma hæc in conum fastigiari solet: subtilissimā scilicet ejus parte citius in altum fugiente, & ceteras prævertente, sequè in apicem densante, ut sic facilis terebret: & vincat aëris ambientis resistantiam. Deinde *levem* dicit: quia flammula est,

est, texta è tenuissimo spiritu. Tertio, *tactum* ejus esse *mollem & innoxium*; & hoc ob materię tenuitatem: similis enim est flammę vini ardentis, in qua fluxa raritas vim amburendi planè discinxit. nam linteum eo madefactum nihil ustulat. contenta solum humorem exugere. Quarto *circum tempora pasci*. eadem enim flammula non diu perseverat, sed alia & alia, perpetuo agmine, à spiritibus ascendentibus, in supplementum pabuli venit. Denique, tempus quo tales ignes videri tantùm solent, nempe nocturnum (nam die, majus Solis lumen eos hebetat, aut prorsus suppressit) egregiè observavit. Factum id enim ipsa eà nocte, quā equus ille durateus Trojam cepit. Aliquando tamen, ubi halitus densior & pingui sudore (qualem magnus & improbus labor exprimit) est permixtus, interdum etiam se, è vicino saltem, videntum præbet. Sic Alexandro in ardore pugnæ caput scintillavit, sic Tiberii equus quondam flammigeravit: & de L. Martio Scipionum in Hispania ultore, Livius ex Antiate, *Flammam concionanti fusam è capite sine ipsius sensu, cum magno pavore circumstantium militum*, scribit. Servio Tullo etiam Rom. Regi, puero in regis cubanti. caput arsisse visum, creditumque Laris familiaris filium: & ob id Compitalia, & ludos Laribus primum instituisse, affirmat Plinius. Sed verisimile id puero in tenebris evenisse nisi etiam Magicum aliquid intervenerit. Porro irā aut vino æstuantia, capita, facilius hic ignis circumfulget: quia illis pori aperti & dehiantes, & spiritus plures ac magis ignibus idoneos suppeditant in flammam. Hinc Alexander quia vinosus & igneę complexionis (licet quidam apud Athenæum lib. 12. melancholicū, & idèò sanguinarium & crudelem fuisse dicat) aptus & proclivis hisce inflammationibus fuit. Existimo etiam, non rarò spiritum sine verā flammā & igne lucere. Patet id in equis & felibus, quos si adverso pilo vehementer frices. scintillas (nec puto ardentes) excuties: pari ratione, si saccaro (quod non semel sum expertus) in densis tenebris cultrum affrices flammās perpetuas, vix irritò ullo ictu, emicantes videbis: habeo tamen, cur dubitem igneane

neque flammulae, an lux & albedo spiritibus saccareis nativæ fiat. Certum enim est, multos esse spiritus qui lucem sine igne habent. Putasne Poëtam, cum Tarnam iratum describit.

Hic agitur furis, totoque ardentis ab ore

Aeneid. 12.

Scintilla absistunt : oculis micat acerbis ignis.

intellexisse ignem, qualis qui focum nostrum accendit? Plus ingenii habuit: scintillæ istæ nitent tantum, ut nitidulæ & lampyrides, non urunt : sunt enim animales aut alii in corpore spiritus, quos ira, pudor, & similis alia perturbatio per nervos opticos in tunicas oculorum expellit. Hinc flagrantibus illi Tibetii oculi, qui cum primum à somno patuissent, omnia in tenebris, ceu mediâ luce cernebant: tales etiam ferè Dictatori Syllæ qui etiam rutilâ cōâ, & ruberâ facie instar ochre fuit: quales, fallor, aut citius phantasticus iste ignis allambit, fulvus enim crinis fuligines aliquas concolores habet, spiritusque ruforum magis splendent : unde & sudor eorum propius quàm ceterorum, ad croceum accedit. Tales denique oculi flammigantes C. Mario, quibus, ceu geminis facibus, Cimbrum exterruit, quæ ad eum in obscuro carcere trucidandum submisserant Minturnienses, ut in Mario Plutarchus scribit. Ubi advertere licet, tres Principes insigniter crudeles & sanguinantes, C. Marium, Cor. Syllam, & Tiberium Cæsarem, pari oculorum habitu fuisse. Similes etiam canum rabientium in tenebris oculi. Scio deinde, cui à largiori paulò vini Hispanici potu, experrecto, nox visa collucere : & de quadam Comitissa lib. 1. Observat. narrat Schenckius, in morbo oculorum, nihil inter diem ac noctem distinxisse; sed omnia per tenebras, ut claro meridie, solitam cernere. Cuidam etiam pestifero nuper Collegium nostrum visum ardere, sed incendiū in oculis ejus tantum fuit. Asclepiodorus Philosophus in nocte, lucernâ nihil adjutus, libros legebat. Imò, ut jam video, duo Scaligeri, & Casaubonus tandem, si Deo placeat, affectant Tiberianos oculos: ut vix me teneam, quin etiam clamem in hoc me mustaceo laureolam invenisse. Spiritus autem tales clari & luminantes,

oculis & poris capitis confertim erumpentes, ignis lambentis speciem facere possunt. Tales etiam fortasse illius Carmelitæ, de quo lib. 8. Variet. cap. 43. Cardanus, cui per annos tredecim, quoties cucullum in occiput reduceret, flammæ erumpebant. Magiam enim fuisse non existimo; quia Religiosus: neque etiam sanctitatem, quia sæpè ad prandia & miraculi curiosis invitabatur, & ibat: magni autem sancti non tam facilè vadunt pransum foras. Aliquando tamen Deus luminosas ejusmodi irides capitibus amicorum suorum circumfundit, sicque vulgò eos pingimus: & S. Johannes Apoc: 10. vidit Angelum amictum nube: & iris in capite ejus, & facies ejus erat ut Sol. Facies quoque Christi Domini in monte Thabor, resplenduit juxta, aut supra fulgorem Solis: hæc autem coruscatio lucem & puritatem mentis significat.

CAP. III.

De meteoris ignitis media regionis.

ARTICULUS. I.

De Dracone, & Stellâ cadente.

PAracellus ridiculè censet draconē hunc esse animal igneum, natum in elemento ignis; ut muscas in aëre, pisces in aqua, vermes in terra: dicitque brevis vitæ, ut Salamandras: *genitas, inquit, sine semine, ex putrefactione sulphuris adurentis.* Sed cineres, & reliquæ ejus in terram decidentis, satis indicant ignem, non animal, fuisse. Repellitur autem, ut quidam existimant, hæc exhalatio à nubibus, in quas magno impetu incurrit. Verùm durities nubium non est tanta, ut retorquere deorsum tam validè possit, ut Lib. 4. circa causam efficientem ventorum dicemus. Itaque refrigeratio, quâ exhalatio in media regione aut circa concēlatur, & gravior aëre redditur, in quo pependit; vel certè explosio è nubibus,

more

more fulminis, est causa volantis & obliqui delapsus ejus. Hanc secundam causam esse frequentiore, probat color ille draconum cæruleus: qui haud dubie nasci videtur ex mixtura lucis exhalationis incensæ cum opacâ parte nubis, quàm erumpendo sibi implicat & unâ detrahit: unde etiam exhalatio valdè refrigerata, & tantum non extincta apparet: ut non sit jam mirum, tonitru nullum ab ea edi, cum languido, frigido, & fracto verbere nubem cadat: sic etiam pulvis madens, aut flammæ densioris, fragorem in bombarda surdum facit, glandemque tardè & cunctanter expellit. Sinuoso autè corpore sunt dracones, eâ ratione, quâ turbines, itidem è nubibus explosi: quia scilicet posterior pars exhalationis grandiore impetum quàm prior, accepit; eamque premendo arcu quodam aut gibbo in latus avertit: partes etiam nubis aut exhalationis utrimque appositæ, alarum imaginem, uti scintillæ quædam igneæ circa caput, similitudinem flammæ ore vomentis, facere possunt. Censeo tamen fabulosum, veros dracones ignem (nisi forte in ira, quod & equi possunt) solitos spirare.

Ex his potest araco volans sic finiri: *Exhalatio pinguis & copiosa accensa, quæ deorsum obliquè cadit è nubibus, similitudinem habens veri draconis volantis.* Forma autem veri draconis, oblonga est, tumente alvo, capite & caudâ gracili. Scaliger exercit. 183. de Atlanticis Solo contactu, inquit, dracones Atlantis montis interficiunt: capite sunt & caudâ gracillimi: alvi tanta vastitas, vix ut reptioni sint habiles. Alati tamen quidam sunt, & volant: quanquam Cardanus lib. 7. cap. 29. Variet. scribat se Lutetiæ quinque vidisse, bipedes. alis exiguis, ut vix, inquit, volare crediderim: caput parvum, & serpentum capiti simile, color lucidas plumæ nullæ, nec pili, magnitudo ejus qui alios præcellebat, cuniculi. Sed hi draconculi tantum erant. Plinius enim, etiam vicenarium pedum, in India nasci affirmat. Miratur tamen idem, unde Juba, Rex ille & Scriptor egregius, cristatos crediderit. nam *Draconum cristas, ait, qui viderit, non reperitur.*

Dracones signa sunt pestilentie & morborum: quia

aërem multis exhalationibus gravem & infectum esse oportet, ut tantæ molis meteora generentur, Qui devolantem aspexerit, Vulgus credit brevi moriturum: sed vanè. scio enim qui dudum vidit, adhuc superstitem.

Stella cadens, inquit Aristoteles, è nubibus, ut nucleus è digitis compressis, excernitur. Generatur ergo ut draco, & fulmen; sed sine crepitu, qui saltem exaudiatur à nobis: habetque se ad fulmen, ut glans sclopeti minoris ad majoris tormenti sphæram: ac veluti ex distantia medii milliaris, sclopeti flammulam vides, surdo sonitu; cū flammâ verò tormenti, audis & fragorem: ita lumen fulminis cernis, & audis simul bombum; non autem stellæ exsiliantis strepitum: quia exhalatio minor est, nec latâ & sonanti plagâ rumpit nubem. Ut etiam fulmina & dracones vero motu ad terram usque quandoque decidunt; ita de stellis cadentibus asserit Aristoteles: atque aliquando in flumina delabi. Poëta i. Georg.

*Sæpè etiam stollas vento impendente videbis
Præcipites cælo labi, noctisque per umbram
Flammarum longus à tergo albescere tractus.*

Et deinde:

— *De Cælo lapsa per umbras
Stella facem ducens multâ cum luce cucurrit.
Illam summa super labentem culmina tecti
Cernimus Idæâ claram se condere silvâ,
Signantemque vias: tum longo limite sulcus
Dat lucem, & latè circum loca sulphure fumant.*
Ubi in fine, ad materiam fulminis sulphuream alludit; ex qua etiam stella cadens.

Magnam porò hoc meteorum cum pyrobolis nostris, & id genus ignibus artificialibus, habet cognatione: nisi quòd hos flamma levet in altum; stellæ verò cadentes, contra naturam & cum injuria ignis, explodantur deorsum: aliàs sæpè in his, ut illis, materia paulatim in ipsa traiectione incenditur: sed non cum tanto crepitu stellæ in fine dissiliunt; quia materia loculamentum & claustra rumpenda non habet, ut pulvis chartâ toties replicatâ pressus & constrictus in pyre bolo. Hoc etiam di-

seriminis

scriminis est, quod quô magis pyrobolus flammam rapit, hoc magis festinat in cœlum: ubi stella contra, incremento ignis tardatur; quia levitas resistit motui deorsû.

Sed cur cœlo sereno plures, quàm in nubilo, faces cadunt, cum fulmen in magna solùm nubium densitate generetur? Negare illud possum: quia fortè stellæ, quas in serenitate putamus cadere, discurrentes potius sunt; quarum generatio longè diversa est, cum è nubibus non excuriantur, sed aliam & aliam materiam inflammando, imaginem tantùm discurrentes exprimant, cum revera locum non mutant. Deinde tamen etiam plures sereno cadunt; quia textura nubium tunc tenuior, & proinde facilius ab imbecilla stellulæ exhalatione dirumpitur: fulmen verò nubem densam & atram postulat, ut plures exhalationis partes in easdem angustias cogantur, & simul accendantur, majorique impetu ac tonante perfringant nubē. Interdiu etiam conspicuæ non sunt, ut fulmina: quia lumen tenuius facilius Sole tegitur, & nubes deinde illa tenebricosa fulmini umbram & noctem facit, ut videatur. Aliquando tamen vincunt etiam diem. *Nostra certè ætas, inquit Seneca, non semel vidit diurnas faces, alias ab Oriente in Occidentum versus, alias ab Occasu in Ortum.* Ita sidera dies suppressit: nuper tamen in fine mensis Augusti anni 1625 Venerem solari & purissimo meridie multis diebus aspeximus; cum aliqua etiam ubique, ut postea audivimus, plebis trepidatione. Cometam enim iterùm aliquem obscœni ominis existimabant. Primi Antuerpientes viderant, gens ingeniosa, magna anima, altarum & cœlestium cogitationum capax. Scripsit statim ad me, nuper hîc in profusione. Collega meus, nunc nobilis Ecclesiæ Cathedralis Brugensis Canonicus, Rich. & Eruditiss. D. Joan. Vander Gouwen. S. Th. L. Vir pierate & sciētîâ Theologiæ, Philosophiæ, aliâq; variâ & miscellaneâ planè eximius: suspicatusque quod verum erat: nempe Venerem matutinam, quæ uno non ampliùs ferè Signo antecedebat Solem. Circa perigæum etiam erat, & satis admota terris, ut species amplior se oculis ingereret. *Argumentum tempestatis nauta*
E3
putant

putant, ait Seneca ; *cum multæ transvolant stellæ*, quia scilicet cœlum plurimis exhalationibus mox reflaturo scatere oportet, in tanta ignium multitudine. Sideribus etiam deciduis, totidem viros illustres tunc extingui, Antiquitas censuit : quasi cum ipsis denasci oporteret, quæ nata credebant iisdem natalibus, & hujus vanitatis adhuc memoria aliqua tenuis manet apud nostrum vulgus.

Cætera quæ de hoc meteoro possent, communia sunt stellis discurrentibus, aut fulmini, ibique dicentur. Tantum ergo stellam cadentem definitio : *Exhalationem incensam è nube explosam deorsum, qua imaginem habet veræ stellæ cadentis* : & ab eo.

ARTICULUS II.

Quis modus generationis fulminis.

Audite quæso Paracelsum cap. 8. Meteor. *In stellis fulminantibus est sulphur in summo gradu, salpetra in summâ pinguedine, Mercurius in summâ contrarietate. Ex his tribus tonitru, fulmen, & tempestates fiunt ; quæ maxima totius Firmamenti actiones meteoricæ sunt.*

Putat ergo ipse in stellis quibusdam Firmamenti, instar mortationum cavis, sulphur, salpetram, argentum vivum permisceri, & inde fulmen accendi, excussumque ad terram pervenire.

Sed ridiculè : sic enim multis annorum millibus fulmen ad terram non pertingeret : cum lapis etiam molaris è concavo Firmamenti demissus, vix (si vulgarem Astronomorum de distantia ejus opinionem retinemus) 90. annis ad nos usque decid eret. Unde Vulcanus Iliad I. malus Geometer, aut certè, excussâ ei, in lapsu tam longinquo, mente, erravit in tempore ; cum die unico artificiali, ab oriente Sole ad occasum, concionatur se è cœlo cecidisse in Lemnum.

Sed exhalatio è terra in nubes sublata, sine dubio est materia fulminum. Ostendo unicâ ratione : quia noctes, quas

quas dies fervens, & plurimum in altum exhalans præcessit, maximè fulminales esse solent. Deinde circa montes ignivomos frequentissima sunt fulmina & tonitrua: non aliâ causâ, quam quia halitus multos & sulphureos expirant in eorum materiam.

De causa verò efficiente, est quod dubitem amplius. Ea verò duplex est, proxima, & remota, hæc est, quæ exhalationem accendit, illa, quæ accensum deorsum torquet: ipsa enim dat ultimam formam fulmini, qui est motus ille deorsum obliquus & transversalis. Et quidem de causa halitum inflammante, Empedocles, & post illum Seneca lib. 2. cap. 26. Natural. non existimant ignem in nube generari, sed genitum antè; nubium conflatu deorsum elidi. unde secundum eos, Sol aut ignis hic in terra flammam illas, antequam ascenderent, fecit. nec magis mirum, inquit, ignem in humore nubium tenui & roscido contineri, quam sub ipso mari, cujus aqua tantò crassior, longè facilius ignem obruit. Ignem verò subesse mari, probat; quia memoriâ Majorum mare Ægæum in fumum & flammam ebullit, quæ tandem etiam Insulam totam congestis pumicibusque semiuustis in altum expulit, sed ridet hoc Aristoteles: & perinde est inquit, ac si dicas, aquam, & nivem, & grandinem fuisse ante in nube, non ibi generari cum incipiunt delabi. Deinde sine ullâ arietatione & conflictu nubium sæpè fulminat. Denique ex tonitru & subitâ rupturâ nubis, satis intelligitur, ignem ibi repentè generari, ac in flammam locumque spatiosorem rarescere. Plinius lib. 2. cap. 20. docet fulmina esse deciduos trium Planetarum superiorum ignes; & ab iis expui cum crepitu, ut è flagranteligno carbo. Jovem tamen, qui inter Martem & Saturnum medius, dici præcipuè fulminatorem, quia à Saturno (ut interpretor) frigido, plurimum excrementitii humoris in eum decedit, recipitque à subiecto Marte ardorem quo digeratur, & fulmina conflatur. Sed sidera vaporibus pasci, antiquum nimis & jam antiquatum est: & cœlestium lucernarum deciduæ istæ emunctiones eodem argumento contemni possunt, quo lebetes Paracelsi, quibus salpe-

tram in Firmamento pro fulmine nobis coquit.

Itaque ignis iste fulmineus intra nubem nascitur, non aliunde, supernè, abt infernè, venit. Lucret. lib. 6. à ventis putat accendi : qui ibi tumultuantes.

*Quærentesque viam circum versantur, & ignis,
Semina convolvunt è nubibus, atque ita cogunt
Multa, rotanque cavis flammam fornacibus intus,
Donec divolsâ fulserunt nube corusci.*

Sed ventus generare ignem, aut resuscitare mortuū non potest, sed viventem, depulsâ fuligine suffocante pascit.

Dico ergo primò: Antiperistasis frigida nubis exhalationem fervidam, nondum ignitam, ignire per accidens potest; Ratio est, quia nubes se constringens, multas halitus & dispersas particulas in unum locū exprimit, quæ muruo affricu & discursu se extenuant, & intantum incalescunt, ut tandem recipiant formam ignis. Aqua causa propriè efficiente? inquires. Dic tu mihi ante, quanam scintillas, quas attritu chalybis elicis, producat : si das cœlum, si causam primam in defectu secundæ, eandem hîc reddam tibi.

Dico secundo: Sæpè ignea scintilla aliqua in tam spatiosa nube & tam latè disseminata exhalatione, inveniri potest, quæ reliquarum acervum incidens, incendiū faciat: aidentibus enim illis diebus, quos sequi fulmen solet, exhalatio non rarò tota ignea (etsi ob raritatem, flammam nullam videas) in nubes scandit: ibique magnâ sui parte extinguitur, superstitè tamen aliqua scintilla in spem resurrectionis.

Dico tertio: Stellæ etiam discurrentes, & cetera ignita supremæ regionis, in stationem nubium dejecta exhalationem forte ibi conglomeratam incendere aliquando in fulmen possunt.

Dico quartò: causa efficiens proxima fulminis, seu exhalationem accensam deorsum torquens, est impulsus, quem flamma rarecendo, & intra angustias compressa, ad evadendum accipit. Itaque hic est modus generationis fulminis. Exhalationes multæ sulphuræ & nitrosæ, nubibus antè confusæ, frigore tandem & condensatione vaporis

vaporis in unum cœtum conglobatæ flammam rapiunt, & collecto impetu extra nubis angustias se effractis claustris eijciunt: sicut propemodum pyriæ pulvis rarescens bombardâ erumpit & excutit glandem. Sed non credit Bodinus: nec habet contemnendam rationem.

ARTICVLVS III.

Demonstratio non esse, ut plurimum, causas fulminum: adversus Jo Bodinum.

FACILE intellexit Bodinus, quomodo è bombardâ, aut tormento ferreo aut æneo, flamma pulveris tantâ vi exiliret: non quomodo fulmen è nube rara & fragili: *Cum nihil sit, inquit lib. 2. Theat. vapore mollius, nihil exhalatione levius: cum nulla sint angustia, quibus aer quasi carceribus quibusdam concludatur, sed patentissimis regionibus excurrat; quis tam hebes, tam cæcus, qui rationes istas sine risu audire possit?* Itaque putat ipse à geniiis æres & dæmonibus semper fulmina jaci, & tumultum illum cœli eieri.

Et reverâ, perperam saxea veluti quædam antra & duros ac longissimi tractûs cavernarû fornice in nubibus pendulos, quibus illisa & fracta exhalatio sic mugiat, sibi quidam imaginantur, tales enim profectò ibi suspendine momento possunt: imò nubes & totus aer mediæ regionis levior est aëre infimo in quo spiramus, ut lib. 5. docebo: Parietes tamen quidam, & veluti claustra in nubibus sunt, etsi non tam dura quàm è metallo: partes enim circumfulæ nubis cingunt stringuntq; exhalationis globum, retinentque ne liberè fursum evolet. Quâ ratione, inquis, medium tam fluxæ raritatis id potest? Cogor hîc fateri, profectò, exhalationem fulminatricè nihil aut vix levior em esse superiori pariete nubis: aliâs enim (ut ignis noster per aërem inferiorem) perumperet. Si autem paulò levior est; longiori morâ tamen per nubem superiorem transiens, aliquantum (in circumferentia saltem) frigescit & densatur, gravataque in
inimam

infimam nubem refidit : hinc enim fit, ut hæc pars & fundus nubis maximè, & pænè solus fulminet : nam rarissimè excelsos illos vapores jacere ignem videmus. sed nigri illi & vicinissimi nobis id sæpè faciunt : quia halitū ex superioribus nubium ordinibus deorsum expressum, aut pondere relabentem excipiunt : comprimunt deinde, eoque se densando : ut etiam aquescant plerumque, & constringantur in pluviam : unde ferè solenne & perpetuū est, ut in omni fulmine, præsertim validiusculo, pluat, & nubes exoneretur. imò (attende) post singulos majores crepitus, novam habebis & insigniorem aquæ effusionem : quæ post sonitū quidem venit, sed ante tamen, aut simul incepit delabi : simul enim vapor in aquam se restringit, & exhalatio inter eum deprehensa, & premi indignata, erumpit : pluvia tamen tardiùs ad terram venit : quia tonitru celerius per totam profunditatē infimæ regionis speciem sui ad auditum mittit quàm cælestis gutta eam trajicere possit, Quomodo autem tam tenuem textum nubium lacerando, tantū fragorem edat, postea circa fulminalia nostratormenta, & tonitru, dicemus : Aliàs si genii soli fulminatores sint cur nubilo tantum fulminat ? cur non etiam hieme ? certè enim exhalationes dæmonibus deesse non possunt ; cum omni tempore, aliunde saltem, nobis magis fervidi soles colligere valeant.

*Sed in catilinianis prodigiis, Pompeiano ex muni cipio-
Plin. lib. 2. M Herennius Decurio sereno die fulmine ictus est, ait ex,
cap. 51. Plinio Bodinus. Certè, sed ideò insolens, & inter prodigia numerari meruit, ac fortasse genialis manus fulmen istud misit : quandoque enim fulmiant, ut liquet ex cop. 1. Jobi, ubi oves custod esque Satan cœlesti igne percussit ; sed nego, semper aut passim.*

Veruntamen nondum satis intelligimus, quo pacto exhalatio non firmitus quam nube levi clausa, cum tanta indignatione & impetu, ad terram usque, contra renissū ignem levitatis, se dejiciat : Fracastorius credit, calorem fulminis sic à frigore nubis repelli actione intentionali, ut loquimur, jaciendo in eum scilicet speciem tangibilem. Sed nimis hoc imbecille est jaculum, species enim

enim frigoris non est immediatè efficiens impetùs calorem repellentis : nam aliàs manus v. g. frigid a vicinam candelæ flammam à se palam averteret.

Itaque cùm omnia circumspicio, non video quàm manus Bodini evadam, nisi per fugam penetrationis. Igitur (ut in tormentis nostris) flamma in millecuplum & ultra, momento quasi, rarescens, ne magnitudo ejus magnitudinem nubis penetret, eam quàm promptissimè valet, dirumpit. Quare non summoveat, inquit, cùm tam flaccidè renitatur, sitque tam mollis? quid opus tanto impetu, ubi minimum impulsa flammæ se dilatanti aperit? Hic nodus, non dissimulo, me stringit. Sic tamen dissolvo. Exhalatio in angustum à nube se undiq; stipante contracta, & deinde tota simul inflàmata, tã celeri motu rarefcit, ut vicinæ & contiguae partes nubis, tantâ festinatione decedere ei & diffugere non valeant, quin flamma momentaneo ferè temporis puncto, tam latam expansionem postulans, non sentiat se, vehementer etiam, premi. Hoc enim hîc pensulatè cogito. Non solas partes vaporis proximè ambientes, sed etiam longissimè usq; ad finem nubis, supernè, infernè, flammæ resistunt: nam proximæ à fulmine impulsa, sequentes alias etiam trahunt: quia verò unaquæque non sine pugna, et si levi, loco suo cedit; multiplicata tamen tot intra velocissimū tempus, per eandem lineam resistentiæ, tantum flammæ se diffundenti obstant, quantum pauciores in corpore duro aut densiori; ut. v. g. in tubo ænei tormenti. Et hinc ecce videor mihi reperisse veram & legitimam causam, cur fulmina potissimum emicent in terram, & per infimam nubis superficiem. Quia inquam, in attris illis & humore multo gravidis, terræque proximis nubibus cudentur fulmina, ut proinde à cavitare in qua flammam concipiunt ad imam nubis superficiem, minor longe sit distantia, & vaporis crassitudo, quam ad convexam & summam quæsupremam aëris regionem tangit: tres enim quatuorve sæpè ordines nubium sunt, superpositi infimæ nubi, in qua est officina Vulcani & fulminis: quia eigò à parte superiori, & lat eribus (ubi etiam omnia plena

infimam nubem refidit : hinc enim fit, ut hæc pars & fundus nubis maximè, & pænè solus fulminet : nam rarissimè excelsos illos vapores jacere ignem videmus. sed nigri illi & vicinissimi nobis id sæpè faciunt: quia halitū ex superioribus nubium ordinibus deorsum expressum, aut pondere relabentem excipiunt: comprimunt deinde, eoque se densando: ut etiam aquescant plerumque, & constringantur in pluviā: unde ferè solenne & perpetuū est, ut in omni fulmine, præsertim validiusculo, pluat, & nubes exonerentur. imò (attende) post singulos majores crepitus, novam habebis & insigniorem aquæ effusionem: quæ post sonitū quidem venit, sed ante tamen, aut simul incepit delabi: simul enim vapor in aquam se restringit, & exhalatio inter eum deprehensa, & premi indignata, erumpit: pluvia tamen tardiùs ad terram venit: quia tonitru celerius per totam profunditatē infimæ regionis speciem sui ad auditum mittit quàm cælestis gutta eam trajicere possit, Quomodo autem tam tenuem textum nubium lacerando, tantū fragorem edat, postea circa fulminalia nostratormenta, & tonitru, dicemus: Aliàs si genii soli fulminatores sint cur nubilo tantum fulminat? cur non etiam hieme? certè enim exhalationes dæmonibus deesse non possunt; cum omni tempore, aliunde saltem, ubi magis fervidi soles colligere valeant.

*Sed in catilinianis prodigiis, Pompeiano ex muni cipio-
Plin. lib. 2. M Herennius Decurio sereno die fulmine ictus est, ait ex,
cap. 51. Plinio Bodinus. Certè, sed ideò insolens, & inter pro-
digia numerari meruit, ac fortasse genialis manus ful-
men istud misit: quandoque enim fulminant, ut liquet ex
cop. 1. Jobi, ubi oves custod esque Satan cœlesti igne per-
cussit; sed nego, semper aut passim.*

Veruntamen nondum satis intelligimus, quo pacto exhalatio non firmitus quam nube levi clausa, cum tanta indignatione & impetu, ad terram usque, contra reni-
sū ignem levitatis, se dejiciat: Fracastorius credit, calorē fulminis sic à frigore nubis repelli actione intentionali, ut loquimur, jaciendo in eum scilicet speciē tangibilem. Sed nimis hoc imbecille est jaculum, species enim

enim frigoris non est immediatè efficiens impetùs calorem repellentis : nam aliàs manus v. g. frigida vicinam candelæ flammam à se palam averteret.

Itaque cùm omnia circumspicio, non video quàm manus Bodini evadam, nisi per fugam penetrationis. Igitur (ut in tormentis nostris) flamma in millecuplum & ultra, momento quasi, rarescens, ne magnitudo ejus magnitudinem nubis penetret, eam quàm promptissimè valet, dirumpit. Quare non summoveo, inquit, cùm tam flaccidè renitatur, sitque tam mollis? quid opus tanto impetu, ubi minimum impulsa flammæ se dilatanti aperit? Hic nodus, non dissimulo, me stringit. Sic tamen dissolvo. Exhalatio in angustum à nube se undiq; stipante contracta, & deinde tota simul inflàmata, tam celeri motu rarefcit, ut vicinæ & contiguae partes nubis, tantà festinatione decedere ei & diffugere non valeant, quin flamma momentaneo ferè temporis puncto, tam latam expansionem postulans, non sentiat se, vehementer etiam, premi. Hoc enim hîc pensulatè cogito. Non solas partes vaporis proximè ambientes, sed etiam longissimè usq; ad finem nubis, supernè, infernè, flammæ resistunt: nam proximæ à fulmine impulsa, sequentes alias etiam trudent: quia verò unaquæque non sine pugnâ, et si levi, loco suo cedit; multiplicatae tamen tot intra velocissimū tempus, per eandem lineam resistentiæ, tantum flammæ se diffundenti obstant, quantum pauciores in corpore duro aut densiori; ut. v. g. in tubo ænei tormenti. Et hinc ecce videor mihi reperisse veram & legitimam causam, cur fulmina potissimum emicent in terram, & per infimam nubis superficiem. Quia inquam, in atris illis & humore multo gravidis, terræque proximis nubibus cudentur fulmina, ut proinde à cavitare in qua flammam concipiunt ad imam nubis superficiem, minor longe fit distantia, & vaporis crassitudo, quam ad convexam & summam quæsupremam aëris regionem tangit: tres enim quatuorve sæpè ordines nubium sunt, superpositi infimæ nubi, in qua est officina Vulcani & fulminis: quia eigò à parte superiori, & lat eribus (ubi etiam omnia plena

plena nubibus) longior & major resistantia est, flamma potius deorsum erumpit. Sed ecce hoc iterum (dum cogito) progressum opiniois meæ tardat. Aër namque infimæ regionis densior est nubibus, ut libro 5. probabimus: igitur magis fulmini, quàm nubes supernè impendentes, obstitet. Hoc ergo, quod præcipuū est præcedentibus adjiciendum restat. Et signanter considero, fulmen nunquam dejici, nisi pluentibus, aut rorantibus saltem nubibus. Itaque infinitæ pluviales aut roscidæ guttæ, ex superioribus nubibus densissimo & continuo (nec enim in aquā reversæ, vel momento temporis, inter corpora leviora ibi consistere possunt) agmine defluentes, & toto aëre inferiori densiores, flammæ in superiora conanti obstant, & motu etiam suo in terram deducunt. Muginatio mea nihil præterpropter, in quo acquiesceret, valuit excogitare.

Hinc sequetur, vix unquam, nisi depluentibus aut molli gravitate defidentibus supernis nubibus, fulmē in terram jaci: sed quandoque in cœlum, aut latus nubis pertundere; ut verissimum existimo, cum nubes non valdè atræ & pluviales tonant. Sed etiam me retinebis, injecto hoc unco: Cur aëre infimæ regionis plente, aut nebula degravato, exhalatio etiam in eo, hic apud nos non fulminat; cum densitas ejus satis magna sit, ut faciat resistantiam flammæ? Breviter me expedio. Quia exhalatio in infimo aëre non tam diu hæsit, ut multa & conferta possit in unum conglomerari: quod facit in nube: quo etiam ex variis & distictis terræ regionibus, tanquam in locum communem, plurimæ ascendunt. Maximā enim affluentiam opus est ad generandum fulmen. Deinde nubes guttatim, & intervallo aliquo aëris stillicidia discerpente per infimam regionem depluit: toto verò simul & continuo (æstate præsertim & in nimbis illis fulminantibus) in media regione ubi fulminis materiam utero gestat, in aquam se, undique fulmen amplectentem resolvit.

Aristoph. in Nubibus. Ex his liquet, non pessimè Socratem: apud Comicum. Strepsiadem suum docere, fulmen in nubibus nasci.

"Οταγ

Ὅταν εἰς αὐτὰς ἄνεμος ξηρὸς μετεωρεῖθης
κατακλῆθῃ,

Ἐνδοθεν αὐτὰς ὥσπερ κύσιν φῦσά. καὶ περὶ ὧν
ἀνάσκησ

Πῆξας αὐτὰς ἔξω φέρεται σοβαρὲς.

Cum in eas ventus siccus subvectus, inclusus fuerit;

Intus eas, tamquam vesicam, inflat: & deinde vi

Frangens, erumpit violentus.

quid quid nugator Aristophanes irrideat. Poëta etiam: *Virgil. 9.*

— *Cum Jupiter horridus Austris* *Aeneid.*

Torquet aquosam hiemem, & cælo cava nubila rumpit.

Cava autem nubila sunt, quia exhalatio in globum & cinnum confluens, cavitatem aliquam & alvum concinnat. In utroque tamen, pro vento, exhalatio reponi debet.

ARTICULUS IV.

De fulgure & coruscatione.

Fulgura Antiqui fulgetra dicebant, teste Senecâ; & fulgere, penultimâ brevi, pro fulgurare. Fulgur autem

accidente tantum à fulmine differt. Pulchre Seneca:

Eodem modo fit fulgur quod tantum splendet, & fulmen *Lib. 2.*

quod mittitur: sed illi levior vis, alimentique est minus, & *cap. 57.*

ut breviter dicam quod sentio: fulmen est fulgur inten-

tum, id est, impetu majori vibratum, unde fulmina per-

rumpunt nubem, fulgura diducunt & aperiunt imbecilli-

ori ictu, iterum Fulguratio (id est, fulgur; sumit enim

concretim) est fulmen, non in terras usque perlatum. Alias

verò sic finit: Fulguratio est aeres deducentis se, corruer- *Cap. 21.*

tisque jaçtatio, languidum ignem, nec exiturum aperiens. *Cap. 18.*

Unde intelligitur duplex esse genus fulguris: unum, quod

more fulminis nubem terebrat & erumpit, sed ad terram

non venit; vel quia impetu non satis valido, vel quia ignis

in jactu diffilit, aut in obliquum nimis se detorsit. alterum,

ignem tantum in nube rarâ ostendit, non emittit. Sic ergo

adæquatè definire fulmen potes: Fulmen est exhalatio

multa & subtilis in nube accensa, & deorsum ad terram

usque vi erumpens. Hoc verò totum etiam in fulgur cadit, si

tantum

tantum dicas, *ad terram non pervenire*. Excluditur stella e nube cadens; quia moles exhalationis non est tanta. Draco vero, non est exhalatio subtilis, sed densa turbida, & partem nubi defractam secum devolvens: ideoque color impurus, & subviridis, non argenteus aut auratus, qualis solet fulminum.

Coruscatio, Græcè *ἀσσηνῆ*, concretim valet quod fulgur, abstractum vero significat jactum tremuli luminis ab exhalatione in nube accensa, hic autem jactus, non est localis & proprius, sed metaphoricus: est enim revera productio tremuli in specie luminis per medium: coruscus enim Latine tremulum significat: unde Virgilius *silvas coruscas*, & quidam apud Plautum, *se frigore coruscum dixit*. Coruscatio igitur latius fulminatione & fulguratione patet: etsi fulminatio sæpè non jactum corusci luminis à fulmine, sed ipsū fulminis ictum signet. Jupiter enim fulminat, quos fulmine icit. Tremere autē lumen coruscatione jaculatum videtur, & tamen nō facit: quia momēto jacitur & extinguitur; unde radius in nubem retrahi apparet: & si nova flamma, quod solet, fulgurationem iteret, idem videtur rursus exsilire quise receperat: vibrari ergo dicas, cū hasta, quam dextera nunc intentat, nunc reducit: hinc Habacuc. cap. 3. *fulmen, fulgurans Dei hasta appellatur*. In luce sagittarum tuarum ibunt, in splendore fulgurantis hasta tua: Binam similem fulgurationem inter prodigia anni 1564. refert Cor. Gemma lib. 2. cap. 2. Cosmogr. unam 18. die Febr. mediā nocte, alteram 7. Octob. Nube, inquit, illustri qua Luna claritatem vinceret, intra limbum obscurum atque sublividum comprehensā, alternis excussi radii, alternis flamma ad singulos ventorum impetus excurrebant. Qui subinde velut in hasta speciem dehiscēte cælo, cū vastā ngluvie sorpturi terras: & maria videbantur.

Ciliorum etiam & palpebrarum nictus, quas solemus claudere ad ictum coruscationis, iugēt imaginem tremoris: unde fulgura etiam nictare dicuntur: & eleganter Lucretius de materiā fulguris:

Semina quæ faciunt nictantia fulgura flamma.

ARTICULUS V.

Fulminum divisio.

Longam illam, ex disciplina & superstitione Hetruscorum fulminum divisionem, in monitoria, pestifera, fallacia, deprecanda, &c. non attingo: & vide lib. 2. Nat. cap. 49. apud Senecam. Aristoteles magis pro Philosopho, duo tantum genera, ἀργῦτα καὶ φλόεοντα, clarum & fumosum, facit. Primum tenuiore spiritu, alterum crassiore constat: Plinius tamen lib. 2. cap. 51. paulò distinctius, tria constituit: siccum, humidum, clarum. Duo priora non adurunt, sed siccum tenuitate suâ durâ dissipat, humidum tantum infuscat: clarum, mira operatur: nam flammâ lucente & digestæ subtilitatis omnia penetrat, seque per omnes venas insinuat, & acrimè urit, Teneris tamen & rarioribus parcit; quia non inheret, ac ita citius quàm ut possit amburere, se per poros transfundit mora enim aliqua ad urendum necessaria est: nam hinc manus sæpè ducta & reducta per flammam, vix calorem sentit: mollia etiam & rara sine vulnere transvolat, configitque solum cum duris & pressis; quia illa dant, hæc negant facilem transitum.

ARTICULUS VI.

De admirandis effectis fulminum.

Primò, Loculis integris ac illæsis conflatur argentum, id enim Plutarchus lib. 4. Sympos. quæst. 2. narrat suo tempore accidisse militi Romæ excubias agenti. Simile est, quod incolumi vaginâ gladium fundat. Vetera jam non moror, audite quid M. Antonio Mureto Romæ contigerit. Fulmen, inquit, in palatium Hypolyti Card. Ferrariensis desidens, ad mea usque cubacula pervenit: ibi gladii qui ad lectum unius è famulis meis pendebat, mucronem ita colliquefecit, ut in globulum converterit, vagina pror-

suu illa sã. Inviolato etiam ligno, circa pila ferrum omne destillat, ait Seneca: Quorum omnium una causa est in raritate fulminis, quæ per corpora laxa & fungosa sine injuriâ momento ferè se transcribat, in densis, ubi compressæ venæ, hæret, vique se insinuat, & spiritu conferto se per omnes meatuum angustias cuneante,

Lucret. l. 6.

Dissolvit nodos omnes, & vincla relaxat,
metallæque fundit. Ex hoc effectu rectè probat Aristoteles, fulmen non esse (quod vulgus hodie & olim putat) lapidam, sed spiritum & tenuissimam exhalationem.

Secundò, doelia fulmine exhauriuntur, ut Plinius lib. 2. cap. 5 i. scribit: intactis operimentis, nullòque alio vestigio relicto. Et Carus:

Lucret. l. 6.

Curat item ut vasis integris, vina repente
Diffugiant: quia nimirum facile omnia circum
Conlaxat, rareque facit lateramina vasis,
Adveniens calor ejus ut insinuatur in ipsum. &
Mobiliter solvens, differt primordia vini.

Pervenias ergo ligni, vasi, facili, & lubrico transitu, illavapores dissolvit, qui per poros vasis, trajectu illo flammæ laxatos, expirant in auras. Simili fulminis potentia Wolfgangus Meurerus in Meteorol. narrat quemdam Ministrum, in via qua Lipsia itur Torgam, ita subito ereptum ex hominum oculis, ut postea nusquam apparuerit. Putat enim carnes ejus & ossa in cineres & ventos abiisse. Et nescio an longè dispar Romuli exitus, magnæ & immortalis illius Romæ Conditoris. Cùm enim ad exercitum recensendum, ait Livius, concionem in campo ad Capra paludem haberet, subito coorta tempestas cum magno fragore tonitribusque tam denso Regem operuit nimbo, ut conspectum ejus concioni abstulerit: nec deinde in terris Romulus fuit. Fulmine igitur dissipatum, aut procellâ & turbine sublimem raptum oportuit: quod Patres, qui proximi adstiterant, retulerunt, ad plebem:

Fulmini fortasse etiam & casui fortuito dabunt Athei nostri, decinationem illam admirandam anno 1599. perjury

perjuri illius Publicani Gerardimontensis in Flandria :
cujus miserū cada ver oculis etiam usurpavit Clarissimus
Vir, Medicinæ & omnis Litieraturæ eruditione excultis-
simus, Petrus Castellanus; descripsitque carmine Eudi-
tiss. Vir Henricus Culens S. Th. L. Pastor etiamnum Ge-
rardimontensis, qui infelicem illum funeravit :

Pulverem humanā vidi sub mole cadaver :

In tanto nusquam corpore corpus erat.

Omnia pulvis erant, iterū dico, omnia pulvis ;

Et versa in cineres machina tanta fuit.

Omnia pulvis erant, cervix, caput, ilia, nervi,

Ossaque cum pleno ventre, saburra, nates.

Pulvis erant crurum tenuis omnia : qua velut ictu

Indeclinato cesa fuisse putes.

*Henricus
Culens in
suis Strenis.*

Sed nocte S. Andreæ, & tempore frigido ac minimè ful-
minali, id monstri accidit : & eādē vespertinā negotium
ei fuerat cum quodam alio tricone ; adjuraveratque se
nil recusare, verti corpus in cinerem ; nisi res quæpiam
aut factum, quod in rixam venerat, ita haberet. Au-
dite igitur hæc, Athei, & agnoscite vindicem Numinis
manum.

Tertium miraculum, planè oppositum est secundo
Stat, inquit Seneca, *fracto dolio vinum : nec ultra tridu-
um rigor ille durat.* Oporteret autem materiam hujus ful-
minis densiorem esse præcedenti : quia ergò crassitiem
suam per venas ligni extrahere non valet, diffringit. Sed
cur etiam vinum non dispergit ? Respondeo: Sæpius, si-
ne dubio, id facit : aliquando tamen, magno miraculo
factum, ut membrana quædam ex viscido humore & ex-
halatione, aut partim vino ipso, subito percocta, vinum,
ceu uter quidam, involveret ac retineret: nec dissipat, quia
omnem ejus impetum retudit & fregit resistantia vasis.
fit autem illud verisimile, ex eo quod tradat Albertus,
psyllium frigidæ & viscosæ remperiei, vino injectum,
calore ejus rejici in circumferentiam, ibique durari in
membranam, quæ sine alio vase contineat vinum. Ali-
quando etiam non tantum corticem vino obducit, sed
ad centrum usque, perpetuo rigore congelat. Vi-

Lib. 2.
cap. 57.

num autem sic gelatum, ait Seneca, cum ad priorem habitum redit, potum aut exanimat, aut dementes facit. Inest enim fulmini pestiferum quoddam sulphur, aut aliorum spirituum noxiorum miscella, ut ex pluribus aliis effectis probari potest. Sulphur autem in eo est quod precipue ardet & comburit : nam etiam, si sulphur inflammatum ferro apprimas, ferrum in guttas friabiles statim destillare videbis. Omni verò fulmini permixtum sulphur, ex pulvere nostro sulphureo, qui fulmini planè cognatus, satis ostendi potest. Deinde omnibus fulguritis inest odor quidam sulphureus, ut Seneca, Plinius, & ipsa experientia dicit. Fulmine aliquo simili gelata, sic obriuisse videntur octo messorum illorum membra : qui in Lemno insulâ sub quercu cœnantes, & fulmine ibi percussi, eâdem imagine quâ discubuerant, exanimati inventi sunt : ut unus comedere videretur, alter oîi poculum admove, tertius bibere. Cumque omnes nigri essent, imagines totidem statuarum representabant, inquit, Cardanus. Ab halitu etiam pestilente & sulphureo forsitan fuit, quod miratur Plinius, Martiam principem Romanarum, istam gravidam, partu exanimato, citra ullum aliud incommodum vixisse. Spiritus enim sulphureus intactis, admirabili eventu, ossibus, vitatis etiam partibus matris nobilioribus, per uteri tantum molliem, & corculum ac vitalia parvius in illo jacentis transvolavit : ideoque hunc innoxia matre interemit.

Lib. 8. c. 43.
Varet.

Quartò: Fulmineus ignis nullâ aquâ quandoque extinguì valet. Sic Dion lib. 78. sub. Imp. Macrino tactum de cœlo, ipso Vulcanalium die, Theatrum narrat, nec aquâ fluminali, aut cœlesti profusissimâ, incendium comprimi potuisse : fortè bituminosus spiritus sulphuri immixtus fuit : bitumen enim flagrare sub aquis, Lib. 5. ubi de Thermis, dicemus. Tale fulmen cum pluvia, cœlo evocatum à Legione Meliteni Christiana (quæ ideo fulminatrix appellata) M. Aurelio Imp. in Quados (qui nunc Bohemi putantur, aut circâ) pugnante, & exercitu toto extremâ siti laborante. Vapore enim fulminis torrebantur Quadi. nec ullum in aqua cœlesti remedium

erat :

erat: alebat enim potius flammās, levabatque tantum Romanorum sitim.

Quintò : Plutarchus lib. 4. Sympoſ. q. 2. negat dormientes facile ici fulmine: narratque ibi Dorotheus, cui-dam domi suæ ſtertenti pecuniam in crumena conflatā, ipſo innoxio, fuiſſe. Philoſophumque Pythagoricum forte obvium, conſultum de cauſa reſpondiſſe: conſuleret deos, ſe verò nescire. Pharetra etiam Regis Mithridatis, appenſa lecto iſta, arſeruntque in ea ſagittæ, nescio ipſo, & dormiente: & aliquandiu antè, pueriles ejus cunæ fulminatæ, perſtriſtā ſolū infantis fronte: ideoque Dionyſius appellatus, ſive Bacchus: quia hic etiam fulmine ſemiſtulatus in matre Semele. Cauſam affert Plutarchus: quia in dormientibus pori aperti & hiantes tranſitum facilem præbent fulmini. ſed proſectò contrà eſt. Extremæ enim partes corporis in ſomno potius rigent & condensantur, calore in centrum & interiora retracto. Deinde dormientium oſſa ſaltem non ſe aperiunt, & laxantur. Altera igitur ratio ejus melior eſt: nempe, vigilantes sæpè putari fulminatos, qui tamen tantum afflati, corruunt ſolo metu vicini fulminis & exanimantur: timor verò iſte dormientes nō tangit. Hinc paſtores, ut tonitruī terrorem pecori depellant, aut minuunt, gregem ſparſum colligunt, & immiſſo cane, compellunt in unum: ſocietas enim iſta levat metum, qui non rarò trepidum à natura & imbellē pecus panè exanimat. Dormientes etiam ſomno ſternuntur, fulmen autem obliquo & tranſverſali ictu facilius erectos in pedes ferit.

ARTICULUS VII.

De lapide fulmineo.

Lapis aliquando è nubibus cum fulmine cadit qui dicitur etiam telū, aut cuneus fulminis: numerariq; inter effectus ejus poteſt. Generatur autem ex exhalatione terreſtri viſcoſā, & humore nubis, quos ardor fulminis celerrimā tranſmutatione, in ipſo etiam caſu (nam

grave ibi suspendi aut hærere non potest) permiscet, & in laterem coquit. Talem Cordubæ delapsum, & à se visum, testatus olim Avicenna, ut Averroës lib. 2 Meteor. c. 2. scribit: odoris erat sulphurei, inquit, & naturæ ammoniaci. Leves etiam plerique sunt, & simillimi pumicibus illis adustis, quos interdum eructant flammivomi montes. Aliquando non lapis, sed ferrum, aut aliud metallum, cum fulmine cadit. Id autem fit, cum sulphuræ exhalationi argentum vivum contemperatum fuerit, ut credunt Chymici. Sic in Persia cælo coruscante ærea corpora hamatis sagittis similia cecidisse narrat Avicenna; & prope Lurgeam, ferri massam 50. librarum, Georg. Agricolar: tentatumque ut inde cuderent urentes, sed materiã fuisse inobedientem, nec igne molliori, aut malleis duci potuisse. De lapide isto seu telo fulminis silentium apud Aristotelem est; quia, ut Vicomercatus credit, de re hac, postea compertã, nondum ei liquebat satis.

ARTICULUS VII.

Quæ res fulmini obnoxia, aut ab eo tuta.

Nihil celebratius est, quàm alta & eminentia frequentius fulminari.

Georg. 1.

*Aut Athon, aut Rhodopen, aut alta Ceraunia telo
Dejicit,*

canit de Jove Poëta. Hinc quia in urbibus nil excelsius Templorum turribus, sæpissime feriuntur: altissimæ etiam arborum, quæque in montanis, ut ilex, æsculus, quercus ornus, fulminibus olim infames.

Claud.

*Incubuit nunquam cælestis flamma salictis,
Nec parvi frutices iram meruere Tonantis:
Ingentes quercus, annosas fulminat ornos.*

In causa est, obliquitas fulminis: nec enim lineã perpendiculari, sed transversariã, ad terram venit. hinc facile incurrit quidquid in superficie ejus eminet, antequam ipsam tangat. Motum autem istum obliquum Aristoteles, per *diametrum*, vocat: quia similis est motui quo aliquid per *diametrum* quadrati in superficie horizontis

zontis erecti decurrit: unde etiam alibi quadrupedes per diametrum incedere docet: pes enim prior dexter & posterior sinister animalis, est in eadem diametro quadrangularis figuræ, descriptæ in superficie terræ, sub ventre, inter quatuor pedes ejus; sicuti etiā, pes prior sinister cum posteriore dextro: levato autem primore pede dextro ac in terram defixo, sinistrum posteriorem admoveret, & similiter post priorem sinistrum dexter posterior sequi solet: id est, pes posterior priorem ejusdem diametri immediate consecutur.

Obliquitatis verò fulminis hæc ab Aristotele affertur ratio: quod levitas flammæ per vim explosæ deorsum, in coelum resurgat, quantum valet: ideoque in transversum deflectat, motu quasi composito ex descensu & ascensu recto. Sive, ut eleganter Seneca, *quia natura ignis sursum vocat, injuria deorsum premit, incipit obliquus esse.*

Hoc etiam addendum: aërem: quò propius fulmen ad terram aecedit, densiorem inveniri; & hinc difficilius secari, ac in latus magis magisque detorqueri: ibi enim aër rarior est, quia altior à terrâ, nec tam contumaciter transicum præbet, quam alter fulmini subiectus rectâ deorsum.

Tertiò, & principaliter: Quia unica linea est, quæ à centro nubis, unde exploditur fulmen, rectâ & perpendiculariter in terram decurrit, infinitæ verò, quæ circumcirca illam, ad angulos obliquos descendunt; hinc longè proclivius est, fulmen angulo obliquo, quàm recto, nubem pertundere; ac linea aliqua transversali, quàm unicâ illâ perpendiculari, dejici. Trifulcum hinc etiam dicitur, quòd pluribus simul foraminibus, & in sulcos divisa, flamma erumpat.

Veteres autem magno consensu, inter arbores, laurum fulmine tangi negant: quod mirum, quia non tantum plana, sed etiam montes amat: plurima enim olim in Helicone & Parnasso; indeque Apollini sacra & Musis. Fracastorius lib. de Antipat. putat truncum solum lauri non percuti, quia rotundus admodum, & lævis

densique corticis ; ut proinde exhalatio ei non facile & tenaciter inhærere possit, eâdem enim ratione fulmen vix columnas lædere solet : quia, inquam, totunditas declinat & eludit ictus. Sic etiâ Carbonarii nostri Leodienses, ignem suum Græcum, fulminibus planè cognatissimum, innoxii sæpè evadunt, telâ benè firmâ, & à textore, recenti, undique test : hæc enim, quia lubrica, & veluti cerata, & minimè laxa est, flammam illam circum volantem ægrè admittit. Sed amplius putavit antiquitas. Nam Columella folia lauri, gallinæ incubanti, contra fulmen & tonitrua, subjici imperat : & Tiberium Cæsarem, tonante cœlo & in fulminum metu, lauro solitum coronari, tradit Plinius, existimabant ergo etiam folia tuta esse à periculo. Mihi opinio hæc invaluisse videtur : quia spiritus quem folia lauri exhalant, contagioni aëris resistit. unde Commodus Imp. teste Herodiano, consilio Medicorum, tempore pestis, in laureas silvas olim secessit, & in tali periculo etiam lauri ramos affigebant foribus : Cubili ergo etiam gallinæ, in tonitru supponi possunt, ne sulphurei halitus, qui tunc per aëra disperguntur, ova inficiant : & hinc quoque dolii quidam imponebant, ne tonitru liquorem perverteret.

Alias quæ illa tanta vis lauri, quæ fulmen tam validi impetûs avertat ? nulla profectò & ut absolvam verbo : Vicomercatus, qui initio sæculi lapsi scripsit, à paucis annis, laurum in Italia fulminatam, ait : Eadem, credo, vanitas ficum à periculo inamunem fecit. inter lapides, hyacinthum non sentire fulminæ, nec hominem qui eum gestet, asserit Cardanus, sed Scaliger & ego ridemus. vitulum etiam marinum non percuti inter pisces, referunt multi antiqui : & explicant quidam, quod raritate suæ pellis ejus, fulmen transmittat ; ideoque lædi non possit. Verùm si nil aliud sit, frustrâ tabernacula ex pellibus ejus facta contra fulmen, ut narrat Plinius, nisi exhalationem repellant : valde etiam frustrâ Imp. Augustus fuit, qui, ut refert Tranquillus, tonitrua & fulgura paulò infirmius expavescebat : ut semper & ubique pellem vituli marini circumferret pro remedio ; atque ad omnem

majoris

Lib. 15.
cap. 30.

In Octav.
cap. 90.

majoris tempestatis suspicionem, in abditum & concameratum locum se reciperet. Hunc postea imitatus Imp. Severus lecticam etiam suam tali corio integri præcepit. Aquila etiam non icitur, ait Plinius, & ideo Jovis armiger, & ejus fulmen gerit. Sed omnes Auctores ab aliis accepisse se referunt, nec ullus sibi satis fudit.

ARTICULUS IX.

Causa tonitru, Anaxagora, Seneca, Paracelsi, Bodini, rejectæ.

INter effectus fulminis Aristoteles tonitru numerat. Anaxagoras fieri illum sonum putat extinctione flammæ in humore nubis: ut ferrum candens in aqua ferrariorum stridet. Sed solum etiam judicium aurium, quæ de bombo illo satis advertunt nubem rumpi & crepare potius, quam extinguï, & trucidari (ut loquitur Lucretius) in humido ignem, satis eum refellit. Aliter Seneca libro 2. Nat. c. 27. *Non quem admodum, ait, illisæ manus inter se plausum edunt, sic illisarum inter se nubium sonus potest esse magnus, quia magna concurrunt*: Oportet etiam concavitatem concavitati obverti, *quia aversa inter se manus non plaudunt, sed palma cum palma collata plausum facit*: Sed frustra: quia nubes corpora mollia sunt quæ omni impetui facillime cedunt, & statim confundunt figuram: secus est in manibus: si enim cavitates complodantur, ær deprehensus, soliditate manuum offensus, necessario rumpi debet, & ibi trucidari cum sonitu. Quis etiam in omni tonitru adspicit nubes inter se adversis frontibus arietare & concurrere?

Paracelsus verò hic, ut ubique, miram Philosophiam dat suis Helvetiis. *Strepitus iste, inquit, resonat per totum Firmamentum, non aliter ac si bombardæ sub testudine laxaretur: cælum enim est reflexionis testudo. Quod risu magis dignum, quam refutatione*: si enim à fornice Firmamenti ad aures nostras tonitru redire operteret, multis annis, in tanto cæli à terra intervallo, post coruscationem fulminis, sonitum audiremus.

Bodinus, iterum dæmonas suos tonantes facit, ratione duplici: quia sereno cœlo & in nubi quandoque tonat: ergo non ex crepitu ruptæ nubis existit ille sonus. Deinde, fulgurat sæpè, & exsiliunt è nubibus flammæ, sine fragore: igitur dæmones & ætæi genii tumultus istos cient, quandoquidem nulla alia causa sit in promptu.

Sed victus difficultate, aut odio Aristotelis ei solenni & inexpiabili, huc confugit. Deinde nihil solidi asserere potest; cur non tam per hiemem ac æstatem frequententur tonitrua: dæmones enim omni tempore frangere ærem, aut exhalationes ad tonandum calefacere & disponere, item, si hîc desint, ex Zona torrida adducere valent. Cur etiam dies fervidos & sudore diffuentes sequi sæpè solet nox tumultuosa & tonans? certè enim aliis etiam noctibus genii turbas istas turbare possunt.

Ad primam rationem respondeo: Sereno cœlo tonat, sed rarò, & invalido impetu: audimus enim tonitru, ut obscuros tormentorum ictus ex longo intervallo deficientes: ex altissimis igitur nubibus veniunt: quæ licet rariores & minus opacæ, quàm aliæ, radios solis transmittant; frigoris tamen & densitatem reliquam habent, quibus ardentem & leviolem exhalationem includant & non nihil stringant, cogantque erumpere cum sonitu. Si verò peritnaciter affirmes, sine ullo nubilo, tonitru quandoque exaudiri; ausim quidlibet deponere alterutrum horum esse: aut terrestria tonitrua, aut extra visibilem nostrum horizontem in nubibus excitari. Terrestria voco, quæ ab exhalatione per cavernas subterraneas se versante & tumultuante, vel etiam effringente sua claustra, efficiuntur. Talia plerumque audiuntur ante terræ motum. Possunt etiam, defæcatissimo apud nos cœlo, atræ & hiemantes nubes, quas non videmus, in proximo horizonte esse, ibique cum tonitru fulminare. Quàm sæpè in vicinâ Hannoniâ, quàm sæpè Gandavi (urbe in toto Belgio, ut mihi videtur, fulminibus maximè obnoxia) nobis hîc tranquillis, cœlum micat, mugit, & rum-pitur? Tonitru igitur inde ad auditum nostrum pervenire, etiamsi non coruscatio fulminis, potest; cum enim
nubes

nubes fulminans, infra horizontis visibilis terminum, & terræ curvaturam sit, lumen ejus, quod speciem lineis tantum rectis jaculatur, videre nequimus: sonus verò etiam per lineas incurvas exaudiri potest, nec distantia semidiametri horizontis visibilis, est nimis magna: quia nautæ Portugaleses asserunt, ex intervallo 50. miliarum in mari audiri tonitrua excitata in nubibus illis, quæ toto anno coronant verticem montis Serræ Leonis in Africa, qui putatur *Θεῶν ὄχημα* Antiquorum. Semidiameter verò visibilis horizontis vix 6. leucas Belgicas, sive miliaria Italica 18. ut Lib. 4. cap 5. a. 3. dicam. Deinde in famosa illa Ostendæ Flandriæ obsidione, tormentorum fragor ad 30. amplius leucas horarias, seu Belgicas, se diffudit. Imò (quod magis mireris) strepitus tympani à 12. levcis in mari aliquando intellectus fuit. Sed fulgurat etiam sine tonitru, inquit Bodinus. ergo exhalatio exsiliens crepitum illum fulminis non facit. Sed nego sequelam. *Quia* (dic tu Seneca) *tenuior & infirmior spiritus, quo in flammam valuit, non valuit in sonum.* Aut certè, si cum strepitu (quod credo) exivit, imbecillior fuit, quàm ut potuerit aures nostras impellere.

ARTICULUS X.

Peripatetica, & vera causa efficiens tonitruui.

Aristoteles tonitru cum Vulcani. aut, ut alii vocabant, Vestæ risu comparat: id est, cum crepitu quem ligna in igne, spiritu intus rarefacto, & cutem dirumpente, edunt. Hic autem risus in viridi corylo, & foliis juniperi, & lauri est maximè insignis. Lucretius:

*Nec res ulla magis, quàm Phœbi Delphica laurus,
Terribili sonitu, flammâ crepitante crematur.*

Sed si Aristoteles fulminalium nostrorum bombardarum tonitrua audisset, exilem & puerilem Vulcani risum contempsisset, summa enim affinitas est inter nubium & tormentorum tonitrua, ut postea ostendam.

Itaque

Itaque verissimum est, nasci tonitu ictu illo quo exhalatio aërem & nubem frangit. sed ante dividendum est tonitru in *crepans, stridens, & tumultuans* sive *murrans*: non enim omnium eadem omnino sunt causæ.

Dico Primò: Tonitru crepans fit, quando spiritus intra nubem accensus, & subito latissimè & celerimo impetu rarefactus, simul & semel nubem effringit & dissipat, exemplum ejus rei tenue in castaneâ, non inciso cortice, extra ignem cum bombo & crepitu exsiliante, habemus, majus autem, in plavere nostro pyrio, qui flammatus & rarefactus, tanto fragore, tormenti tubo erumpit. Sed non est similitudo, inquiunt: nam flamma tormenti, duritiem metalli habet, quâ se allidat & frangat; fulmen verò mollissimam tantum nubem cædit, Fateor, res non est extra difficultatem. Cum tamen omnem lapidem tento & moveo, hoc mihi videtur: Sonitum bombardarum & tormentorum non edi allisione flammæ pulveris ad ruhū metallicum, (alias enim ferreus & æreus tubus differentes & dissonos efficerent sonitus, contra experientiam,) sed flammâ ex angustiis tubi in liberum aëra exsiliante, eumque disjiciente ac diserpente, omnis enim sonus videtur ex lacecratione aëris vel alius corporis fluidi proximè nasci. Itaque tonitru crepans, ictu illo excitatur, quo & nubem & vicinum aërem exhalatio dissipat & displodit. Quod ex sonitu ignis fodinarum carbonariam, quem Leodienſes nostri appellant Græcum, firmari potest, halitus enim ille carbonarius & bituminosus confertim candelâ fortè incidens, valido & tormentario planè fragore diserpitur, sine allisione ad aliud durum, quod tam insignitè valeat sonare. Quæ verò sit illa vis propriè & physicè efficiens soni; an impetus, an virtus alia somniculosa, quæ impetu excitatur ad agendum, in lib. 2. de Animâ, Deo dante, dicturi sumus. Allisio enim illa corporum, item fractio intercepti aëris, sine dubio, tantum possunt esse causa sine quâ non talis effectus; etiam si passim causas efficientes appellemus.

Dico

METEOROLOGICORUM. Lib. II. 75

Dico Secundò: Tonitru stridens fit, cùm nubes non unico ictu dispellitur, sed exhalatio successivè incensa, non vniversim, sed per partes & agminè quodam erumpit, sic enim contingit longior sonus, & simillimus illi quo quis chartam, aut pannum novum, subito & vehementi impetu discerpit. aër enim celeri motu, in hiatum laceratæ nubis, contra periculum Vacui, se injiciens, sequentibus partibus exhalationis occurrit, discerpiturque in ista rixa cum stridore.

Dico Territo: Tonitru tumultuans nascitur, cùm exhalatio per nubem rumpit & discurrit. Palàm enim motum illum ex sonitu mobili & fugace intelligimus, aliquando namque per totam nubium curvaturam ab Ortum ad occasum transcurrit. Laborem etiam ejus, ubi in nubem densiorem incidit, & quomodo tardiori gressu oblectetur, & vix se expediat, facilè sentimus. Fieri tamen quandoque potest, ut una exhalatio alteram inflāmet, & sic videatur locum mutare; quod tamen non facit. Hoc tonitru, ut plurimùm, sine coruscatione est; quia exhalatio aut non satis flammæ habet, aut clauditur & supprimitur opacitate nubis.

Ex dictis colligiter, cæteris partius, insignius esse hoc tonitru murmur, si aduersus, quàm si secundum nubium agmen exhalatio nitatur & decurrat, sic navis aut homo aduerso flumine vadens, magis in aqua strepit, quàm secundo defluens, ubi enim major conflictus, ibi etiam vocalior sonitus: Ex quibus omnibus sic finietur tonitru: *Sonitus vehemens ab exhalatione excitatus fractiōne nubis.* Sed reliqua quædam quæ ad ipsum, etiam addamus.

ARTICULUS XI.

*Cur demum post coruscationem,
tonitru audiamus.*

Fulminis lucem, nisi fractâ jam nube, videre non possumus, unde laceratio ista nubis, & fragor seu tonitru
inter

inter eam excitatum, Prius est, aut saltem simul cum coruscatione lucis: & tamen auditur semper seriùs. Causa est, quia species visibilis ex quacumque distantia ab objecto in oculum momento emicat; species verò soni, tempore & per hæitationem quamdam ad aurem venit. Primo igitur instanti quo nubes rimã agit, & ostendit flammam, videri potest fulmen, quia tam repenti species ejus pervenit ad oculum: nondum sentiri potest sonus; quia per gyros quosdam & fluctus aëris, species ejus descendit ad terram. Ita enim explico jam temporaneam illam & tardam trajectionem soni; ostendãque latè lib. 2. de Animã: licet olim cum Conimbricentibus & aliis passim, contempserim vibrationem istam medii usque ad aurem.

Hinc enim est, quòd in majore sonitu & impressiore ictu, quia celerius crispatur aër, ocyùs etiam species veniat ad auditum. Id egregio experimento, Vigiliã illã fulminali sancti Laurentii anno 1625. comperi. Nubes enim immobilis, atrocissimè tulminans & tonans impendebat Lovanio & meo capiti, idone aq̃ue maximè erat, ut distantiam inter coruscationem & tonitru dimitterer. Cum crepitus maximi erant, subito, viso fulmine, cum tremore fenestrarum, totiùsque ædificii vibratione, sequebatur tam propinquè sonitus, ut vix unicus pulsus arteriæ intercederet. In minori autem fragore, duodecim etiam pulsus sæpè numerabam post coruscationem, antequam prodiret tonitru, pulsus verò unus, est quater millesima, & quater cente sima, quinquagesima pars horæ: cum arteria mea salubriter & moderatè micat, micationes enim 4450. horæ spatio curiosè (parvæ quippe istæ temporum mensuræ usui sæpè veniant) computavi. Hoc etiam adnotavi, Ubi fulmen sine pluvia erat, tunc ictus languidiores, & rardiùs tonitru sequebatur coruscationem. Nempe hoc firmat, quod jam antè docui: arctissimè tunc exhalationem stringi, insigniorèsq̃, esse crepius, quando nubes se exonerat, & resolvit in aquam.

Hinc deinde etiam, rudi saltem Minervã, mensuraie poteris

poteris distantia terræ à nube fulminante, comparando coruscationem & tonitru, cum flammâ & strepitu tormenti majoris, distici à : è aliquanto intervallo. Ego certè anno 1624. die 6. Septembris, cum Senerissimus Princeps Poloniæ Ladislaus venit Lovanium, inter coruscationem & sonitum moschetorum, quæ quadrante circiter Belgici milliaris obviam processerant, interstitium Salutationis Angelicæ, quæ facilè 10. arteriæ pulsus implet, numerabam : Parvum ergo nubis tonitru, pari expectatione sequens suam flammam, intervallum nubis æquale (milliarii scilicet quadrantis) significabit à terræ superficie. Sed tonitrua vix solent tam tenuiter sonare : & majoribus potius tormentis componenda sunt, unde angustior est mora temporis inter coruscationem & tonitru nubis, quadrante milliaris à nobis distantis, quàm inter fulgetram & crepitum moscheti.

Hoc etiam in considerationem adduci debet. Tonitru in aëre rariore juxta nubes, sonitum verò tormenti in densiore, juxta terræ superficiem excitari. Hinc enim, quia mediū densius, tardius impellitur & agitur in gyros; posito etiam pari ictu & sono, fragor tormenti motu illo per infimū aërem transversali, pigrius paulò (si Mathematicè rem examines) ad aurem post coruscationem venit, quàm fragor tonitru, qui per circulos in aëre leviori promptius se diffundentes ad terram descendit.

ARTICULUS XII.

De effectibus tonitru.

Tonitru, quia sonus quidam est, physicè solam sui speciem efficit. Alii tamen quidam effectus ei tribuuntur : quia causa eorum physica tonitru comitatur, sed est magis occulta & insensibilis, ideoque vulgus, qui sensum libenter sequitur, eique favet, tonitruo potius adscribit.

Primò, Tubera terræ (quæ instar fungorum, & olim
in

in magnis deliciis)gignit. Ita enim lib. 19. cap. 3 Plinius. & Juvenalis de iis:

Et faciunt lautas optata tonitrua cœnas.

Plutarchus lib. 2. q. 2. Sympos. & Scaliger. Exercit. 180. putant terram impulsu aeris & undatione illa quæ fit in tonitruo, terram concuti, & superficiẽ ejus ad proferenda tubera laxari. Sed id parum juvat. præcipuum & pænè unicum est, quòd aqua nube tonante effusa, tepens & spirituum plena ac turgida fit, quæ permixta & maritata terræ, facillè concrevit in tubera.

Secundo, Tonitru vinum & cerevisiam musteam ac recentem acore inficit. Thimon lib. 2. Meteor. quæst. 9. censet id fieri motu aëris, qui in liquorem adactus, cum turbat, ac sursum deorsum pervertit. Sed frustra. venti enim validè spirantes, magis aërem movent, quàm tonitru; nec tamen ideo corrumpunt liquores. Thimoni tamen lib. 2. cap. 48. de Occult. assentiur noster Lemnius: dicitque se ante tempestatem soleri vasa sua præmunire, superpositâ ferri laminâ cum sale, aut silicibus. quæ tamen videtur solum opponere fulminibus, non mero tonitruo: *Quia, inquit, fulmen cum durissimis conficitur, in eaque potissimè vim suam exerit.* Thimo non paulò antiquior, narrat suo tempore fragmina vitrorum vasis solere injici, contra tonitruï metus. Verissima nihil omninò causa hujus effectus, videntur esse tennes quidam halitus sulphurei, & ceteræ fulguris dissilientis reliquiae, quæ per aërem dispersæ, se in omnia foramina & rimas insinuant, unde optimum remedium est, spiracula cavarum quàm diligentissimè obstruete, & vasa operculare. Cerevisia verò recens & adhuc ab igne tepens, promptius acorẽ biber: quia spiritus quibus tota turget, facile rapiunt aëris sulphur & noxam, eamque vulgant & infundunt toti liquori.

Tertiò: Tonitru validum aliquando surda stros fecit. Tympanum enim auris, aëris impulsu rumpit aut laxat. In similem effectum crepitus etiam tormentorum quandoque valuit. & hinc quoque molitores & tympanistæ, obtrusi sunt auditûs. Pari ratione coruscatio fulminum

aut

aut tormentorum, quosdam olim excacavit. Narrat enim lib. I. Observat. Schenckkius, Præfectum quemdam machinatum in obsidione Metensi, frequenti coruscatione, citra ullam pulveris offensionem: lumina amisisse.

Quartè: Terrore animalibus injecto, multa per accidens operatur tonitru. De conchis margaritarum parentibus lib. 9 cap. 35. Plinius: *Tradunt, inquit, si tonnerit, pavidas ac repentè compressas, quæ vocant phystemata, efficere, specie modò inani inflata sine corpore: hos esse concharum abortus.* Dicitur etiam tonitru juvare & incitare cervarum partus, juxta illud Psal. 28. *Vox Domini (id est, tonitru) parparantis cervos vel, ut in Hebræo, cervas. & D. Hieronymus vertit: Vox Domini obstetricans cervis.* quia scilicet horrore tonitru concussæ effundunt suos partus, aliàs, ob magnitudinem & perfectionem, difficiles unde Job. 39. *Parturientes cervas observasti? incurvantur ad fœtus, & pariunt, & mugitus emittunt. separantur filii earum, & pergunt ad pascuum. egrediuntur, & non revertuntur ad eas.*

Homines etiam valde fulminea & tonitrua expavescunt. Sic olim Parthi tympanis quibusdam & cymbalis æneis tonitrua mentiti, ac iæ Romanam exterruerunt, ut narrat Plutarchus in Crasso. Cæsar Caligula, deorum ille aliàs contemptor, ad minima tonitrua & fulgura conivere, caput obvolvere; ad verò majora, proripere se è strato, sublectumque condere solebat. Quem tamen pavorem ut dissimularet, machinam excogitavit, inquit Dio, quâ tonitribus obstriperet; & cælo tamquam terrestris quidam Jupiter, retonaret. Lapidem etiam contra fulmina retorquebat; Jovémque ad duellum evocabat, inclamans Homericum istud *A jacies ad Ulysses: Ἡ μὲ ἀνὰ δῖον, ἢ ἐγὼ σε. Tolle me, aut ego te.* Quod etiam narrat & ridet (quis enim tam helleborosum caput etiam non decachinne?) Senecâ lib. I. de Ira, Homines enim *ἀσπαρνὴν ἐκ πυέλας fulgur ex pelui*, ut vetus adagium habet, excitare possunt, & inanes in cælum minas mittere.

A Domino autem ibi: *emissiones fulgurum, & tamquam* Sap. cap. 5.

Sueton. in
Caligula
cap. 51.

Job. 38.

quam à bene curvato arcu nubium exterminabuntur, & ad locum certum insilient. nubes, est arcus; Deus, sagittarius; fulmen, sagitta; scopus, peccator; aut quid quid tangere destinaverit. Numquid elevabis in nebulâ vocem tuam, inquit Jobo, & impetus aquarum operiet te? numquid mittes fulgura, & ibunt; & revertentia dicent tibi, Adsumus.

Matth 25.

Merito igitur veteres illi tenebriones, solū inter deos Jovem fulmine arnaverunt, & nos quoties cœlorum mugitus audimus, terrorum & reverentiâ veri & magni Numinis concipiamus: recordemurque extremi illius & decumani fulminis: *Discedite à me maledicti in ignem æternum.* O omni horâ vitæ nostræ timendum & horribile fulmen; & quo nocentius & majus nullum mitti posse intelliges, si intelligis quid æternum,

ARTICULUS. XII.

Tempus, & signa fulminum, ac tonitru.

Fulmina sine veris, & initio autumnis, aut æstatis exitu maximè hîc frequentantur. Majus enim (ut multis jam annis vidi) cum arbores sunt in flore, & Augustus, collectâ partim, sed non totâ messe, vix umquam evadunt sine fulgure & strepitu. Ratio est, quia tunc sol multas, & quæ ad generationem fulminis sufficiant, exhalationes educit, nec eas tamen digerit, ut mediâ & flagrantissimâ æstate, Hieme vero, vix quod satis ad talem effectum esse possit, extrahere valet, terrâ frigore adstrictâ aut connivente. Hinc in Septentrionalibus regionibus rara admodum fulmina, ob eandem rationem, ut narrat Olaus. In Anglia etiam quoties fulminatum, inter illius anni prodigia recenset Polyd. Virgilius, Rerum Anglicarū Scriptor: licet cœli Anglicani temperies nostrâ longè sit tepidior, & ut quidam referunt, Italica sappar, nubes etiâ plurimæ ibi coeunt, ob vapores vicini maris, ut inde fulminum non accîdat defectus. Igitur ad inopiam, aut potius qualitatem exhalationum, recurrendum est.

est. Terra enim Britannica, candida tota & cretacea est : nec sulphureas & nitrosas exhalationes expirat, quales fulmen flagitat.

Ubi autem hiemes tepent, minusque hiemant, circa etiam totum annum (modò terra sulphure fumet) tonare & fulminare potest. Pulchrè Plinius : *Crebra fulmina Lib. 2. in Italia : quia mobilior aër misiore hieme, & aestate nim- cap. 50. bosâ, semper quodammodo vernat vel autumnat. Italia quoque partibus iis quæ à Septentrione discedunt ad teporem, qualis est Urbis & Campania tractus, juxta hieme & aestate fulgurat ; quod non in alio fit.* In Belgio rarissimum est hibernum fulmen : habetque hoc Lemnius pro certo signo secururæ mox ingentis tempestatis.

Signum verò fulgurum & tonitruum instantis nullum colligo probabilius, quàm si dies unus aut plures antecedentes valdè fervidi, & cœlum deinde prætexat se nubibus, ut meritò intempestivas illas flammæ & tonitruæ anni 1624. die 12. Novem. Lovanii fuerim demiratus; cùm præsertim dies multi anteivissent gelidi & humentes. Sed nesciebam, quid Neptunus & Jupiter in Oceano nostro contra nothum illum Mansfeldium è Hollandia in Britanniam velificantem, molirentur, naufragium enim in illa tempestate passus, suffocatus etiam diu creditus fuit : donec iterùm tandem, divinâ providentiâ eum differente, emerfit, ad desaltandam, quam malè inchoavit, fabulam.

E fulminibus etiam olim, de variis eventis, lætis aut tristibus, conjectabat augurum superstitiosa natio, vanitates eorum non opus hic refellere; quibus nec ipsi Romani, qui aliquid amplius ingenii & Minervæ haberent, satis fidebant. Hoc solum è Plinio addam : Quod si ab Oriente jactum fulmen, eodem rediisset, summam felicitatem existimabant portendi: talèq; ostentum Syllæ Dictatori datum fuit; qui deinde Felicis nomen sibi adoptavit. Sed quare Felix? quia scilicet tot millia civium proscribere, & trucidare impunè potuit. O præva interpretatio, clamat Plinius, & futuro tempore infelix!

Lib 7.
cap. 43.

infelix! non melioris sortis tunc fuere percutentes, quoriam miseremur hodie, cum Syllam nemo non oderit? Adde jam luem pedicularem, quâ infelix ejus corpus seipsum erosit; & æstima, quàm felix & verax fulmen illud fuit.

ARTICVLVS XIV.

Tormentorum nostrorum, & fulminum comparatio.

Bombardas & fulminalia nostra tormenta, Germanus Monachus, Bertholdus Schunarsus, vel malus gemius, in perniciem generis humani reperit: vel fortè ars ex Oriente allata, nam in Japoniâ & Regno Chinesis, bombardæ jam in usu vetèri erant, cum eò appulerunt Lusitani. Quidam etiam nolunt rem hanc esse novitiæ inventionis, sed veteribus cognitam, ex illis versibus Pœtæ & Aeneidos:

Vidi & crudeles dantem Salmonæa pœnas,

Dum flammæ Jovis, & sonitus imitatur Olympi.

Quomodo enim, inquit, fulmen Jovis & tonitruum imitatus ille, nisi bombardâ & pulvere pyrio? Sed non existimo. sequitur enim paulò post:

Demens, qui nimbas, & non imitabile fulmen

Aere, & cornipedum cursu simulabat equorum.

Videtur enim Salmonæus ille quadrigis vectus, strepitu rotarum, & æratis equorum calcibus, tonitruum imitatus. fortasse etiam æream machinam & tonantem, ut Caligula, in curru habuit: quod videtur Suidas insinuare ardentes etiam faces, ut par Jovi à suis haberetur (Rex enim, an tyrannus, in Theffalia fuit) instar fulminum in obvios quosque è curru per medios volante jacularetur. Veteri tormenta aliquot ex Germaniâ nacti, anno 1380. primi ad Fossas Clodias, contra Genuenses usi sunt, ut narrat Guicciard. lib. I. Histor. & Platina in vita Urbani VI. Sed usum aut famam paulò recentiorē facillè ex Petrarchâ colligo, qui in Dialogo quodâ bombardarum meminit. Petrarcha verò anno 1374. vivere desuit.

Pleique

Pleræque machinæ majores, teste Cardano lib. 2. Subtil. per quinque millia passuum, 60. ferri libras excutunt. res profectò incredibilis, nisi experimentum fidem affereret. Imò Rothmannus narrat, Principem suum, Wilhelmum Lantgravium Hassiæ, fecisse periculum in ictu horizontali duplicis carter, ut vocant; invenitque globum vix intra duo horæ minuta, interram delapsum esse. Unoquoque verò minuto, tria circiter millia passuum talis tormenti globus conficit. igitur in sexto tantum milliari Italico, id est, post iter duorum milliarium Belgicorum, defecit. Quod tamen, an credere debeam, paullulum subdubito. Ictus enim horizontalis, ut omnes fatentur, maximè omnium imbecillis est; uti fortissimus, cum tormentum mediam elevationem habet, facitque cum plano horizontis angulum semirectum. qualem situm affabre satis canis nobis repræsentat, cum clunibus insidens, priores pedes, quantum potest, stare facit; & iis, ut solet, semirectè in terram defixis sustentat arduum caput, & primam corporis longitudinem.

Pro quo notandum, duodecim plerumque statui tormenti elevationes: sic ut ultima & summa sit, quâ os tubi directè respicit in cælum, verum sex solum primæ, serviunt explosioni. Septem enim sunt species explosionis. Prima est horizontalis: in qua scilicet tormentum non elevatur, sed jacet parallelum horizonti. Secunda fit, in prima elevatione; & ita deinde usque ad sextam elevationem. Brevissimè exploditur globus ictu horizontali, longissimè in sexta elevatione: adeò ut Alex. Capobianco sextam elevationem statuatur in viribus duodecuplam ad situm horizontalem: ut si pila, 10. stadia ictu horizontali perceret, antequam in terram cadat, in sexta elevatione, 120. conficiet, si eodem tormento & pulvere utaris. Ludovicus tamen Collado, (cui Adrianus Romanus noster in sua Polemica magis fudit) experimento in falconetta pilæ trium librarum à se facto, hanc differentiam constituit,

Elevatio. Ratio virium: Differentia.

0.	368.	0.
1.	594.	226.
2.	794.	200.
3.	954.	160.
4.	1010.	56.
5.	1040.	30.
6.	1053.	13.

Nicolaus Tartalea elevationes singulas in duas dissectat, & universam 24. ponit. unde duodecimā, quæ aliorum sexta est, validissimam constituit expertum verò se affirmat, pilam quæ è duodecimo elevationis puncto ad pedes 1972. excussa fuerat, demisso ad decimum punctum tormento, 100. pedes longitudinis perdidisse. Tota hæc inter istos exploratores differentia, à magnitudine vel longitudine tormenti, aut qualitate vel quantitate pulveris venit. Infinitis enim exemplis constare (contra quorundam, inquit, mendacium) asserit Biringuccius, tormentum brevius, eodem pulvere & globo onustum, per amplius spatiū pilam ejaculari, quàm aliud longius; modò totus pulvis inflāmetur, & universas vires colligat in tubo.

Pulvis autem fit ex tribus, halinitro, vel potiùs, salpetrā (nam hanc à halinitro Veterum distare, probat Exercit. 104 Scaliger) ex sulphure, & carbone. Non idem autē sumitur pro majoribus & minoribus tormentis. Si enim sclopetum pulvere illo crassiore machinarum oneraveris, vix ad decem orgyas glandem excuties, ait Biringuccius: si minuto sclopetorum pulvilculo, machinas franges, immensa etenim flamma, momento ferè temporis, ex eo accenditur; cū unumquodque pulveris granum, flammam (Snellii experimento) 125000. se majorem spargat. Pro majoribus tormentis accipiuntur tres partes halinitri, ut docet Biringuccius, duæ partes carboni, & una sulphuris. Pro mediocribus, quinque partes halinitri,

halinitri, una sulphuris, una cum dimidia carbonis. Pro bombardis minoribus, decem partes halinitri, una sulphuris, & una carbonis ex virgis nucis avellanæ. Quidam, ut celeriores pulverem faciant, & intendant ictum, singulæ cuique libræ sulphuris, unciam unam Mercurii, seu argenti vivi admiscunt; alii libræ halinitri, quartam unciam partem salis ammoniaci. quidam etiam, ex Colladi præcepto, pulverem in tubo, hastâ transfigunt ad accelerandam inflammationem. Porro vis præcipua pulveris est in halinitro, quod à sulphure promptè accensum, puncto ferè temporis universum deflagrat sine ullo cinere.

Porro Cardanus pondus pulveris postulat ponderi sphaeræ excutiendæ æquale: Biringuccius duas tertias partes dicit sufficere. Et hanc proportionem à fusoribus nostris Mechliniensibus servari jam audio, cum de novitio aliquo tormento experimentum sumunt. si enim sphaera 30. librarum fuerit, tubo 20. libras pulveris infundunt. Sed quid hinc pro fulmine nostro accipimus? Inprimis; materiam sulphuream & nitrosam pulveri pyrio & fulminibus communem esse. omnibus enim fulguritis odor sulphuris inest, spiritus verò nitrosus ad celeritatem inflammationis facit, estque principalis causa, cur exhalatio angustiarum impatiens tam impotente impetu effringat nubem. Quædam acida etiam vaporis qualitas incitare quandoque fortassis ictum potest; cum acetum pulveri tormentario infusum, vires magnas addat & impetum, ut affirmat Libavius Epist. ad Rulandum.

Præter similitudinem in materia, est alia in modo explosionis: quia utraque fit per subitam rarefactionem materiæ, unius intra tormentum, alterius intra nubis cavum. Sed in hoc grande discrimen: quod flamma fulminis (excepto rarissimo eventu, quo lapis fulmineus jacitur) sine alio telo sit; flamma verò pulveris, pilam excutiat: ideoque plerumque magis nocet quàm fulmen. Imò nunc subit mirari, quomodo fulmen in terram usque id est, per 500. amplius passus, quibus nubes quando-

que abest, dejici valeat cum tantâ noxâ & strage. flamma enim pulveris densa & conferta, quam interdum videre possis, vix longius uno pede (curiosè animadverti) profilit ex ore moscheri. quâ ratione igitur illa flamma cælestis huc usque venit? Si fulminaret, ut pulvis aureus aut calx Martis, deorsum, faciliè intelligeremus: nunc verò sursum aut in obliquum se jact, ut pulvis noster nitrosus. Ut illud autem de pulvere aureo capias, hoc etiam accipe Ex purissimi auri ramentis paratur pulvis, qui radiis maximè solaribus, aut modico igne accensus, non sursum, ut pulvis tormentarius, sed rectâ deorsum, cum majori etiam boatu, & viribus decuplo potentioribus fulminat. Itaque si in mensa accendatur, eam pertundet. Sed fulmen cælestè, tam pretiosâ exhalatione non constat. Itaque præter hæc, nihil quod afferam, habeo. Materia fulminis sæpius viscosam & tenacem aliquam partem permixtâ habet, in qua spiritus ille tenuior colligitur & coercetur, ne motu dispergatur & diffuset. sic etiam è tenaci quadâ pulveris fuligine, circulos quosdam è moscheris & majoribus tormentis, se per longissimum aëris tractum conspirare & gyrate videmus. Deinde tantus etiam esse impetus potest, ut purus & liquidus flammæ spiritus, aërem ad terram usque conglobatus trebet. Res etenim rara tota, & fluxæ liquiditatis, maximo impetu, etiam cum naturæ renisu, jaci potest. Pater, ubi vapor levis in pila ærea rarefactus vehementi flatu, per angustum foramen se deorsum exspirat. Audi etiam Libavium: *Dum æs Cyprium in purum excoquitur, antequam perfectum sit, si injeceris aliquid aquæ, prorumpit ex catino motu violentissimo, prostermitque & verberat quidquid attingit.* Puerilem etiam historiolum, quæ nudiusquartus, dum hæc commentor, accidit, nisi puerile sit, allinam istis chartis. Tenuia enim quædam sæpè rebus maximis affundunt lucem. Philosophiæ in Collegio nostro studiosi quatuor aut quinque, atramentum in poculo satis grandi, & faciliè 32. unciarum capace, infuso largiter vino ardenti & aceto, apud ignem coquebant, operculato etiam orificio, ne respiraret. cum ecce subito

tonitru

tonitru rarefacta materia poculum rumpit, & per omnes cubiculi parietes valido impetu dispersa, vicinos aliquot Æthiopus fecit, & graviter ambussit. illi repentino fulmine attoniti, & se invicem respuentes, vix diu post spiritum & sanguinem receperunt. nempe reverà quiddam fulmini affine poculo inerat: vinum enim ardens, sulphuris vicem & halinitri simul implet, cum facillimè accendatur & rareseat in immensum. additum etiam acetum, tamquam altera halinitri portio: quia pulverem etiam tormentarium incitat, ut antè monuimus ex Libavio.

Denique, ut semel finiam, quod Plinius de fulmine Lib. 2.
cap. 54. narrat: *Neminem tangi qui prior viderit fulmen, aut tonitru audierit*, de tormentis nostris fulminalibus etiam verum est. Hoc enim, credo, tantum voluit Plinius: cum videmus fulmen, posse nos evitare, quia venit è longinquo: quando verò tonitru audimus, serum jam ferè esse de periculo cogitare, quia jactus fulminis, ante aut cum sono pervenit ad destinatum. Si ergo ante sonitum icti non fuimus, eo audito sumus extra periculi aleam. Non ausim tamen universim promittere securitatem. Ocyor enim quandoque est strepitus, quam telum. In bellis nostris, acies pedestris, ubi coruscationem tormentorum videt, procumbit in faciem. Marchio Vastius cum ab Invictissimo Imperatore suo Carolo V. premissus esset, ut exploraret è propinquo situm urbis Arlatensis in Provincia, majori globo trajectus esset, nisi abisset ubi conspexit flammam. Idem evenit Laurentio Mediceo Juniori, Catharinæ illius Mediceæ, tot Regum in Gallia maris, parenti, in Italia ante Mondolphum.

Hoc etiam ante abicim adiciam: Si verum est quod Seneca, Plinius, & alii expertum dicunt, fulmen non altius quàm quinque pedes in terram descendere, longè profundiorē noxam esse nostrorum tormentorum. Sphæræ enim terram intrant etiam ad vigesimam pedem. Verum tamen hæc inæqualitas, oriri potest ex nimia distantia nubis à terra: virèque fulminum, sicutæ fortassis

tassis aliquando pares aut supra, si locus explosionis non longius abesset, quàm tormentum,

CAPUT. IV.

De procellis.

ARTICULUS. I.

Qua causa procellarum.

CAUSÆ procellarum eadem pænè omnes, quæ fulminum. Materia enim est exhalatio, sed paulò tamen crudior. forma, explosio illa è nubibus, & motus deorsum. causa efficiens, antiperistasis frigoris nubium, & quas antè dedimus fulmini finalis, etiam eadem: metus scilicet & reverentia Creatoris; præter alias quasdam.

Procellas vocat Plinius repentinos flatūs, aut ventos procellosos. eorum tamen ortus multum abīt à generatione communium ventorum, atque à fulminibus propius abīunt.

Tres species enumerat Aristoteles, Ecnephiam, Typhonem, & Præstera. *Ecnephias est exhalatio copiosa, tota simul excussa è nubibus magnā vi deorsum, sine gyro & inflammatione.* Crudam ergo oportet exhalationem esse, & adversus flammam contumacem. calorem tamen magnum habet. quomodo enim aliās tam subito raresceret, & disploderet nubem? Nam disjicit verius, inquit Plinius, quàm rumpit nubilum.

Typhon, Latine Turbo, est exhalatio copiosa, explosa è nubibus sine inflammatione, sed cum gyro deorsum. unde Turbo nil est aliud, quàm Ecnephias quidam vertiginosus & gyrans. unde hac circulatione, partem aliquam nubis defringit, secumque deorsum rapit & versat, inquit Aristoteles. Hujus porro vertiginis duæ possunt esse causæ. Primò, si duplex sit ordo nubium, & superior extundat,

extundat, inferior verò retundat exhalationem: sic enim pars exhalationis posterior priori reflexæ superveniens, cum ea rixatur, quia una abire, altera redire contendit: impetus tamen deorsum fortior est & magis intentus: atque ita pars posterior priorem detrahit, in rixa tamen, & cum aliqua vertigine. Secundò, exhalationem sine circumgyratione explosam incurrit deinde ventus aliquis transversalis, circumagiturque usque ad terram.

Præster est Typhon inflammatus. Longâ enim vertigine, quâ partes inter se confricantur, Turbo concepit flammam, & transit in Præsterem. nam

Fit quoque, ut interdum venti vis missa sine igne,

Ignescat tamen in spatio, longoque meatu.

Exploditur verò sæpè Præster,

In mare de cælo tamquam demissa columna.

monstrum maximè formidabile nautis.

Lucret.

Lib. 6.

Idem:

ARTICULUS II.

Procellarum effectus.

Idem ferè sunt qui fulminis; nisi quod procellæ, crassiore spiritu non ita penetrent sicuti fulmè, sed frangant Potiùs; turbent, & disjiciant. Turbo præterea rapidâ vertigine locû ex loco mutans, ait Plinius, navigia contorta frangit; & percussus, correpta secum in cælum refert, & sorbet in excelsum. Compescitur tamen, inquit, facili remedio, infuso inadvenientè aceto, cui est frigidissima natura. Nautæ in nostro Oceano potentiori & tutiori utuntur remedio: tormenta enim in adventantè explodunt, ut globo, & aëris impulsu, exhalationem dissipent: torquet autem se & circumat longissimè per superficiem maris, specie aliquot modiorum calcis dissolutæ in fumos. Simpliciores nautæ dæmonem (quod etiam Bodinus, qui dæmones ubique fatigat, credit) fumum illum iatus animantem & rotantem existimant. Ædificia quoque & ingentes arbores turbinibus sæpè eradicantur, & animalia in sublime abripiuntur. quomodo fortè olim

olim abreptus ille vitulus, quem repluisse narrat Avicenna: nimis enim vitulus sim, si putem in nubibus generatum.

ARTICULUS III.

Præfagia procellarum, & tempestatum.

Tempesta, quando in malam partem sumitur, Ecnephas, Turbines, Presteres, ventos etiam omnes validos, aëris inferioris tranquillitatem & statum turbantes, fulmina & grandinem procellosam, comprehendit. Plurima autem sunt tempestatum præfagia, quæ apud Virgil. lib. I. Georg. apud Plin. lib. I. 8. cap. 35. & Lucanum lib. 5 ubi Amyclas nauta (cujus iuguriolum Cæsar solus & ignoratus, intempesta nocte pulsat) trajectum Adriatici, per omnia signa tempestatum, frustra dissuadet. Sed adverte, pleraque omnia non tantum turbines, & cetera quæ amplectimur nomine tempestatis, significare, sed simplicem etiam pluviam, aliaque nubium misilia. Sunt ergo signa sæpè satis certamutationis auræ, & vaporis aut exhalationis supernè relapsuræ; sed non perinde, an id in specie Ecnephas, an venti communis, an pluvie, &c. futurum sit. Ea autem in duas classes separabimus. Alia enim ab inanimatis, alia ab animantibus sumi possunt. Hæc sunt in prima classe.

Si Sol in nube oratur, aut occidat: si parelli eum cingant. Hoc ab Arato est, illud à Virgilio :

*Ille ubi nascentem maculis varia verit ortum
Conditus in nubem, medioque refugerit orbe,
Suspecti tibi sint imbres.*

& Amyclas apud Lucanum :

Nam Sol non rutilas deduxit in æquora nubes.

Quod verò Virgilius de Sole, medio orbe refugiente, addit; clarius Plinius: Sol concavus oriens pluvias prædicit. Si nubes, inquit etiam, Solem circumludent, quanto minus luminis relinquent, tanto turbidior tempesta erit, si vero duplex etiam orbis fuerit, ea atrocior. Denique, si
ante

ante ortum radii se ostendent, aquam & ventum significabunt. Idem fiet, Sic ipse etiam orbis solaris aliquanto maturius, quàm proximis diebus, in conspectum venerit Hoc enim, adagiale istud Gallicum, fundamentum habet.

*Femme qui parle Latin.
Enfant qui boit du vin,
Soleil levé matin,
Jamais n'auront bonne fin.*

A Luna quoque præagia quædam sunt. Si in exortu radios in Austrum & Boream dispergat: si cornua crassa & inflata habeat: si insolenter palleat, aut erubescat. Si Planetæ micent, & fixæ supra modum lascivæ sint & scintillantes. Si faces per aëra solito densius volent.

*Sapè etiam stellas, vento impendente, videbis
Præcípites cælo labi, noëlisque per umbram
Flammarum longos à tergo albescere tractus.*

*Virgil. 1.
Georg.*

Horum omnium una ratio est, quia indicant multos vapores aut exhalationes pendere in aëre, quæ materia sunt meteororum hiemantium, & spargentium tempestates. Sol enim, Luna, & omnia sidera per medios vapores refractè conspecta, ampliant speciem, per exhalationes verò, purpurant aut irruant: subsiliunt & scintillant, ascensu, descensu earum, ceteroque discursu & gyratione per aërem.

Dices: Nubes in qua v.g. Sol exoricens surgit, ad limbum horizontis, & procul nobis abest: quomodo igitur illa potest in verticem nostram recidere? Respondco: Quas putas tam longè distitas, vix sæpè distant dimidio Belgico milliari: patet ex vapore qui impressam tenet iridem, cujus cornua horizonti insidere videntur; cum tamen non rarò paululum ultra nos attingant terram. Deinde tota semidiameter horizontis visibilis in superficie terræ non est 6 milliariibus Belgicis longior, ut lib. 4. ostendemus: nec longe ultra hanc distantiam possumus in cælo videre nubem. Sol etiam exorivus, vapores obfidentes horizontem, rarefacit & dispergit aliquando usque

que ad axem horizontis, & nostrum verticem. Denique vapor circa Finitorem, significat alium etiam passim fluctuare per totum aërem, à sole mox exorituro elevandum, & recasurum.

Animalia quoque hæc signa habent. Si gallinaceus aut anas frequenter & temerè cantet interdium: si grues revertantur, aut demissiùs volent: si cygnos, anseres, anates

Virgil. 1.
Georg.

*Certatim largos humeris infundere rores,
Nunc caput objectare fretis, nunc currere in undas;
Et studio incassum videas gestire lavandi.*

si boves cælum suspicientes olfactent, aut se contra pilum lambant: si porci lascivientes stramen & manipulos ore discerpant: si feles barbas lavent: si pecora indecore exulrent. Homines etiam aut callo pedum digitos præter solitum urente, aut podagrâ, aliisque vitiiis admonentur tempestatum. Lemnius etiam lib. 3. cap. 3. de Occult. affirmat fatuos, & quibuscumque mens vacillat in Belgio, magis loquaciter & turbulentè per compita discurrere, tribus etiam diebus ante tempestatem. Causam istorum reddere tentavit Virgilius:

Lib. 1.
Georg.

*Ubi Jupiter humidus Austris
Densat, erant quæ rara modo, & quæ densa relaxat:
Vertuntur species animorum, & pectora motus
Nunc alios, alios dum nimbila ventus agebat,
Concipiunt: hinc ille avium concentus in agris,
Et læta pecudes, & ovantes gutture corvi.*

Itaque in densitatem & raritatem corporum, quæ ex aëris temperie nascitur, reducit lasciviâ illam & motus animalium. Sed hoc latius explicandum, & addendum aliquid est.

Dico igitur ante tempestatē, & cùm jam multæ nubes, aut vapor in aëre incipiunt cogi, humorem non paucum, deorsum, non quidem guttatim in pluvias, & ut percipi facile possit, sed instar aëris densioris, aut roris continui, perpetuò defluere: id enim necessarium est, simul atque vapor, minimâ gravitatis adjectione, aëris, in quo pensilis fluctuabat, superaverit æquilibrium. Hic ergò, quia tenuissimus

tenuissimus est, in animalium poros & cutem facile penetrat, & titillando aut morficando ad saltus inconditos, aut voces sollicitat: quædam etiam se lambunt, ut humorem illum titillantem detergant: facilius autem bruta, quàm homines, eum sentiunt, vel quia corpora mutationibus & injuriis cœli magis obnoxia, habent, (& hinc etiam non omnia æque patiuntur, & præfagiunt,) vel, ut Beverus noster lib. 1. Meteor. quia instinctu & impetu naturæ in perturbationes & motus abripiuntur, quos in hominibus frænât & componit ratio. Per illam etiam causam expediri potest, quod narrat Plinius, Trifolium inhorrescere & folia subrigere contra tempestatem: affirmatque Jo: Porta, se expertum lib. 10. Villæ c. 25. Nervi enim quibus folia ejus intenduntur, aut relaxantur, frigore & qualitate humoris contrahi possunt, & folia surrigere. Et sic etiam mirabile illud extrico, quod visum à se asseverat Rondellierius: Corio scilicet vituli marini ventorû mutationes indicari. Austro enim afflante pili emicant & inhorrescunt: Boreâ verb redeunte ita reslacciscunt, & in planiciem desidunt, ut nullos esse putes. Hic deinde vapor rorulentus, supernè defluus, & tempestatum aut imbrium prodromus, omnium plantarum æstate, post Siccitates, odorem irritat. quod sæpè in Orvala sum expertus, quæ ante imbrem, aut vesperi, quando refluere incipiunt rores, longius multo & incitatus odorem spargit.

Hæc eadem causa, cur fores acrius strideant, ligna in igne crepitent, fungi circa lucernas conerescant ante tempestatem.

Ceterùm in periculo procellarum aut fulminis pulsantur campanæ apud Christianos; quia Benedictione vim quandam acceperunt ad abigendos dæmones, qui sæpè tempestatum auctores. Ventilatio etiam aëris avertere, aut hebetare aliquantulum potest impetum fulminis.

CAP. V.

De meteoris suprema regionis aëris.

Cum exhalationes sæpè leviores vaporibus sint, haud dubiè nubes, & in supremam aëris regionem transcendunt. ibique in varias meteororum imagines accendi possunt: quales caprae, trabs, bolides, faeces, dolia, clypei, stellæ discurrentes, &c. Cave tamen existimare, hæc ita supremæ regioni affixa esse, ut similia, in mediâ (ubi raræ in ea nubes, aut nullæ sunt) aut infimâ exoriri nequeant. Fax enim, inquit Plinius, Germanico Cesare gladiatorum spectaculum edente, præter ora populi, meridiano transcurrit. Alia etiam incendia non raro ad terram veniunt: adeo ut nuper lintea sub dium expansa Lovanii ustulaverint. Hæc autem quæ flammam usque ad terram ferunt, verisimile est, è propinquo rapuisse. Potest tamen, ut è nubibus, aut supremâ etiam regione descenderint; ubi præsertim incendium vastum est, aut materia tenax & ignium tolerans. Ita olim inter acies Mithridatis & Luculli, cælo repenitè diffusio, ingentis dolii flamma, coloris argenti fuli, ait Plutarchus in Lucullo, in terram decidit.

Omnia verò hæc metæora, eadem imagine & exemplo definiri debent: ut, Capra saltans est meteorum supremæ regionis figura & subsultu similitudinem habens vera capra saltantis. Trabs est meteorum igneum supremæ regionis, situ materia in longum porrecta & jacentis, habens imaginem verae trabis. & ita in ceteris. Causa igitur eorum materialis, est exhalatio flammans: formalis, figura, aut motus, qui proximum fundamentum similitudinis sit, cum re alia, cujus meteorum adoptavit nomen: finalis, purgatio aëris, aut Numinis, & mortalium terror: efficiens, sol & astra, aut scintilla aliqua alterius ignis exhalationem fortè incidens: attritus etiam & confusio halituum; maximè, si suprema regio se & universa in se pendentia, cum cælo gyrat in orbem.

ARTI-

Lib. 2.
cap. 25.

ARTICULUS I.

De Capra, Trahe, Pyramide, &c.

Seneca fatetur ignorare se, cur Aristoteles globum quendam igneum, caprum appellaret. Sed ipse non fuit primus nomenclator, & à barbula, & floccis circumpendentibus, lascivoq; saltu, nomen sine dubio accepit. Flocci autem illi pensiles, partes exhalationis paulo rariores sunt, & in speciem lanarium floccorum interciscæ. Saltus potest esse verus, potest etiam tantum apparere. Verus erit, si spiratus rarior materiam densiorem identidem levet, & subito deflatur, expediens se & evanescens. apparens verò, si flamma corporis densior & uberior, illico se in barbitum, anteventulasque caproneas, & crinientes undiq; villas, ejiciat, & iis statim deflagrantibus & dissipatis, iterum se (idque sæpius interpolatis vicibus) in corpus exhalationis recipere appareat. Caprâ Lunari magnitudine visam, Paulo Emilio bellum adversû Perseum Regem Macedonum gerente, narrat Seneca. Nos quoque, inquit, vidimus non semel flammam ingentis pile specie, quæ tamen in ipso cursu suo dissipata est. Vidimus circa D. Augusti excessum simile prodigium: vidimus cum de Seiano actum id est, mors, ei à Senatu decreta, nec Germanici mors sine denuntiatione tali fuit. Verum non hæc omnia capris, sed quadam trabibus, aut facibus, cometisve elementaribus adnumeranda. De excessu Augusti Dion. Sol totus defecerat, magna pars cœli ardere visa, ligna ignita de cœlo visa cadere, crinita & sanguinolenta stellæ fulserant.

Trabs oblonga & jacens esse debet: aliàs si stet, columna potius erit. Trabem olim conspectam, cum Lacedæmonii classē victi, Græciæ imperium amiserant, narrat Plinius. & à fido teste nuper audiui, aurumno anni 1625. ingentem trabis molem, in tempesta nocte ab occasu exortam, paullatimque ad cœli culmen evectam, Lunam clarissimè splendentem infuscasse. De trabi etiam admi-
rabile

rabili anni 1560, quæ per duas horas arsit, vide Gemmam lib. 2. cap. 2. Cosmo g.

Pyramis ab aliis vocatur ignis perpendicularis, erecta autem hæc flamma apparet, latiorque in basi, sursum in conum & turbinem abit, describit eleganter, & simul causam talis figuræ scribit Jovianus :

*Leve in ærium se tollit acumen
Consurgens graviora suo se pondere ad imum
Detrudunt, donec tunc sub imagine flammam
Concipit, & rutilus micat inter sidera conus.*

Sic etiam in lignorum & candelarum flamma, partes graviores infra alias fidunt, levioribus in pyramidis conum effugientibus.

Stipulæ ardentes sunt, cum exhalatio longè lateque sparsa, & subinde relucens, speciem stipularum in agris flagrantium repræsentat.

Clypeus etiam ardens & in orbem scintillans, ab Occasu in ortum, Marianis temporibus, visus transcurrere, Plutarcho teste.

Fax nomen est generale, & in stellas discurrentes, & cadentes cadere potest. Plinius in lampadem, & bolidem dividit. Lampas *vestigia longa facit, priore parte ardente: bolis verò perpetua ardens, longiorem trahit limitem,* inquit: unde etiam patet, utramque appellationem in stellas discurrentes & cadentes competere: nunc enim lampadis, nunc bolidis formam adoptant.

Stellæ discurrentes serenâ ferè solùm & sidereâ nocte visuntur. Non exploduntur è nubibus, ut cadentes, sed per materiam in supremo aëre in longum expansam discurrere apparent; cum reverà locum non deserant, sed flamma una alteram continentem accendat & suscitet: sic flamma candelæ ardentis, in lychnum candelæ extinctæ & adhuc fumantis, descendere videtur, ait Aristoteles, si hanc illi ita supponas, ut fumus in flammam incidat: pari modo ignis per stupam, aut pulverem pyrium, invitatus aut abreptus pabulo, imaginem præbet discursantis. Non est autem planè necesse, totam exhalationem continuam esse: quia una pars aliam non longiter remo-

tam

tam per ærem intervallarē incendere potest; ut in stupra igni ferē attiguā cernimus: sed in naphthā evidentius: in quam undecunq; visam transfiliunt protinus ignes, inquit Plinius. Sic Medea pellicem, filiam Regis Creontis, à Jasone superinductam cremavit, corona ejus sacrificantis naphthā illitā, & raptā ignibus. Sed cur stella semper rectā discurrit, cum incredibile sit materiam flammæ nunquam in obliquum disponi? Respondeo, sæpius tortuosam esse; sed distantia obliquitatem celat, nec è longinquo apparet, ubi hinc inde semita divertit, & se torquet: vidi etiam hisce oculis non semel, stellas istas, non directo limite, sed hac illac vagas & palantes, veluti etiā tractum tenuem à tergo relictum, statim se dilatare, & utrinque spargere.

Sed quæres iterum: Cur semper transversim discurrunt? Nego id esse perpetuum: est tamen solemnius: quia si exhalatio recta sursum deorsumve commet, & vertici nostro immineat, stare eodem loco defixam apparebit: si autem à vertice absit, ascendere aut descendere videbis: sæpius tamen descendere: quia à parte superiori & cælestibus propinquiori exhalatio promptius incendiū rapit: ibi enim levior, & purior, magisque ignea, & vicina flammæ. Si etiam halitus dispositura horizonti parallela fuerit, & pars prima, media, ac ultima æquali intervallo à terræ superficie distent: nisi motus in verticem & zenith nostrū tendat, parebit ferē descendere in fine: quia linea recta altior oculo, parte illā semper depressior & propinquior terræ videtur, quæ propius ad finitorem accedit. Quantæ molis, inquires, oportet stellas istas esse, ut hinc eas conspiciamus? Respondeo; Satis grandis, præsertim si in altissima parte supremæ regionis sit inflammatio, quæ sententiā Vitellonis, & ferē communi, 52. circiter Italicis miliaribus absistit à terra; quæ distantia est ter ferē longior, quā semidiameter horizontis visibilis, seu linea quæ ab oculo nostro exiēditur ad punctū in superficie terræ remotissimum, quod mitti à nobis visus potest. Nihilominus, quia fax in tenebris, etiam per totā illam horizontis visibilis semidiametru, ex Pharo aliqua

oculos navigantium facile incurrit; non est necesse, multis partibus faces nostras amplitudine flammæ superari ab illis celestibus. Ratio est, quod faces per tenebras noctis conspectæ, vicinum aëra perfundant radiis, criniantque se denso satis lumine, quod majori Solis jubare non dilutum, simul cum luce facis ad aspectum venit.

Sed alius præterea videtur esse stellæ discurrentis generationis modus: si nempe vero discursu se trajiciat, nec tamen nubes eam, ut stellam eadentem, extundat: quid enim verat, exhalationem, materiâ affluente, & in nodum visco fortasse suo se alligante gravatam pondere suo refluere? de talibus canere mihi jam videtur Virgilius:

Aneia. 3:

— Cælo ceu sæpè refixa

Transcurrunt, crinemque volantia sidera ducunt.

Ecce enī affixa cælo, deinde refigi, & transcurrere dicit ergo flamma instar sideris veri eodem loco fixa primū conspiciebatur, deinde absumit: & hinc est, ut puris & fidecis noctibus tam numerosos stellarū populos videre putemus; cum faculæ sparsim interlucentes (quas postea refigi & delabietiam cernimus) pro legitimis astris fallant.

Motus verò earum in fine plerumq; tardior, vel (ut in pyrobolis nostris artificialibus) quia materia in fine deflagavit, & ipiritus ignei molem ferentes, parti exspiraverunt: quod verum est, si exhalatio se in cælum rectâ vel obliquè evibraverit: vel (si deorsum est motus) quia aër versus terram perpetuò occurrit densior, densiusque ac per lineas centro viciniore, ideoque propius sibi admotas, halitus aquei & terrestres in contrarium scandunt. vel tertio, quia materia motu diffilit, aut rarescit, ut pigrior in fine ad casum sit: vel denique, si exhalatio à vertice nostro pari celeritate, & lineâ ad superficiem horizontis parallelâ, abscurrat: ratione tamē opticâ retardari parebit, quo longius abiverit, motus; quia æquales portiones illius lineæ quam decurrit, minores videntur quò longius recedunt à nostro vertice.

Intelliges, quid velim, si magnæ alicujus aulæ tigna in tabulato transversaria suspexeris: quæ enim directè
supra

supra caput sunt, ampliora lacunaria aperire & magis à se distare, quàm remotiora, apparent.

Quæres tandem, an columnam illam ignis Exod. 14. quæ 40 annos filios Israel traduxit per desertum, meteoris igneis accenseamus. Franciscus Aguilonius lib. 5. Optic. nubi isti in imaginē columnæ ab Angelo conformatae, putat ignem divinā virtute infusum, prohibita tamen urendi facultate; ut in rubo, & Babylonicā fornace. Sed nil usus tam insolenti miraculo. Exhalationes ergo flagrantes potius erant de materia meteororū, quas Angelus singulis noctibus collecto novo supplemento reparabat.

Denique hoc præcedentibus auctarium adjicio. Stellas discurrentes, & id genus transversos ignes, in prodigiis & maleficis signis habitos à Veteribus, & juxta cometas fuisse. Ostendere possum infinitis exemplis. Sufficiet unum à Poëta Pompeiano

Lucan. l. 1.

*Ignota obscura viderunt sidera noctes,
Ardentemque polum flammis, cæloque volantes
Obliquas per inane faces, criuemque tremendi
Sideris, & terris mutantem regna cometam.*

Sed quantam hæc signa mereantur fidem, dicemus in Cometis libro sequenti.

ARTICULUS. II.

De Galaxia.

Aristoteles galaxiam, seu circulum lacteum, permiscet meteoris ignitis supremæ regionis. Parmenides, partes Firmamenti densiores, & ferè stellantes, Democritus legitimarum stellarum infinitam congeriē existimavit. Tres istæ sententiæ de veritatis principatu certant, ceteræ fabulares palā sunt: ut esse lac Junonis ore Mercurii in cœli pavementum abjecti effusum, aut partem illam nublata & signatam incendio Phaëthontis: & alia id genus somnia: nec longè probabilior etiam Theophrastus qui duorum hemispheriorum compagem & commissuram, ac veluti citatricem dixit: quasi scilicet Deus in-

tegrum Firmamenti orbem, per diversa hemisphæria, ut nostri tornatores solent, excavare, & deinde plumbaturâ ferruminare, debuerit.

Qui verò partes Firmamenti rariores, & illac efflorescentem Empyreï lucem crediderunt, non tam inepti, veri tamen non sunt: ut à nobis dicenda satis docebunt.

Dico primò: Via lactea, non est congeries exhalationum in summa aëris regione incensarum, Ita Averroës, & passim omnes Peripatetici, qui deserunt hîc suû Aristotelem. Probatursuppl. argumentum. Primò, quia incredibile tam immensâ exhalationum molem tot annis, circa totum cæli ambitum, perpetuò eâdem imagine durasse: reliqua enim metæora constantiam illam non habent, sed figuram infinitis modis evariant: deinde, quæ terra, quæ maria in quotidianum tot ibi deflagantium exhalationum pabulum tam diu sufficiant? Secundò, omnes qui ubique & ab omni ævo de galaxia scripserunt, easdem planè & circumcisè Firmamenti stellas intra eam includunt, & per Geminos & Sagittarium deducunt. Hinc colligimus, nullam pati aspectûs diversitatem sive parallaxim: quam tamen satis grandem experiremur, si in regione elementari infra Lunam, & non in altissimo æthere, haberet stationem. Averroës etiam fatetur, se Cordubæ in Hispania, & Marochi in Africa, in eodem prorsus Lactææ margine Aquilæ stellam adspexisse: quod in illa civitatum istarum distantia facere non potuit, si galaxia intra Mundum Elementarem tam depressa foret, tamque in signem haberet parallaxim.

Sed dum hæc mugior, ecce prodit in lucem præclarum opus Eruditissimi Viri Fortunii Liceti, Philosophi Patavini, de Novis astris: in quo cap. 56. libri. 2. contra hæc tela rueri & retinere conatur Aristotelem, animo quidem grandi & à me laudatò, sed non pari eventu. Duas ab Aristotele galaxias, unam cœlestem, alteram elementarem, agnitas credit: cœlestis est tractus ille cœli, infinitis stellulis, quas Aristoteles Sporades, id est, sparsas, vocat, instratus & luminosus. Præter hunc est, inquit, simillimus ei directè in regione elementari suppositus, è tenuissimorum halituum stamine contextus.

Sed

Sed cur hic non subit aspectus diversitatem? Quia, air, tam rarus est ignis, ut vix, sine galaxia cœlesti, per eum, Sporadum suarum radios trajiciente, sit visibilis. Verum facile retrahi potest ex hac fuga. Nam quod vix videri potest, revera videri potest: alias enim quo alio sensu, quàm visu, circulum illum elementarem deprehendemus? Itaq; parallaxis sine dubio eum proder: fietque ut galaxia elementaris nunc ab hac parte, nunc ab altera galaxiæ cœlestis appareat: cum enim cœlestis galaxiæ margo qui prior oritur, prior etiam occidat; sequitur, alium marginem, post ortum ejus, spectare horizontem orientalem, & alium spectare occiduum, ante ejus occasum: cum ergo & in ortu & in occasu galaxia elementaris infra cœlestem & horizonti propior, propter aspectus diversitatem, appareat: uno tempore infra illum marginem cœlestis galaxiæ, alio infra alterum erit: quod affirmari sine risu non potest. Cur etiam flamma illa elementaris nunquam figuram hîc aut ibi turbat? cur pro copia aut raritate exhalationum ascendentium colorem non incendit aut relaxat? quæ causa materiam sub easdem semper stellas colligit? An vis quædam Sporadum magnetica, & spirituum attrahens? Sed nimis hoc quæsitum & metaphysicum est: ut quid enim pari semper mensurâ, cur non altius & in cœlum usque trahit? Adde, quidquid galaxiæ videmus, moveri, & quidem æquo passu cum sideribus cœlo adhærentibus: suprema verò ælis regio, aut non sequitur, aut tardius, cœlestes motus: galaxia igitur in ea pensilis, relinquetur, parebitque singulis diebus, more Planetarum, aliquouſque reciprocasse in ortus.

Dico secundò: Nec galaxia est pars Firmamenti perpetua & densior, quæ tanquam continua Zona cœlum cingat. Et quidem non cerni in ea solem, ut speculo, scitè refellit Aristoteles: quia cum in visione speculari, angulus reflexionis angulo incidentiæ par esse debeat, non semper eodem modo sol in galaxia appareret, quandoquidem non unum semper adspectum ad eam retinear. Imò aliquando serenissimo & viridi cœlo nō videremus;

quia species solaris à speculo isto reflexa, extra oculum nostrum caderet. Verum nec esse partem cœli, quæ perpetuam sine interpolatione densitatem & lucem habeat, jam patebit.

Dico tertio; Galaxia est instar Zonæ innumerabilibus gemmulis, angustissimis distinguentibus intervallis, intertextæ. Totam enim illam Viam ejusmodi fidereis lapillis stratam, nuper nobis arundo Batavica ostendit: Unde alia causa quærenda non est, ubi certam hanc habemus. Facile autem intelligi potest, quare unum & continuum Lac istud appareat, quia videlicet, etsi per singulas stellulas lux illa intercisa sit, & media spatia interpellent unitatē, ex longinquo tamen, nisi Telescopii beneficio, discerni non valet. Ita cœnum nocturnæ faces vicinæ sibi, sed tamen divisæ, imaginem procul aspectæ mentiuntur unius continui ignis quippe intervalla breviora sunt, quàm ut distinctè cerni possint; & reguntur insuper aspergine vicinæ undique lucis.

Sed objicit doctiss. Licetus: In capite Orionis, Præsepi, Pleiadibus, acervos stellarum, arundine illâ suâ faber, rimâ, detexit nuper Galilæus; & tamen nullam ibi galaxiam representant. Igitur pars cœli continua est, non discreta stellatim. Sed hoc Galilæi inventum potius galaxiam nostrâ asserit. Nam nebulosa illa in capite Orionis, imaginem nubeculæ albensis habet, quæ non longè à galaxiæ Lacte abluat. Est autem (quod antiquitas nesciit) unius & viginti stellarum nodus. Præsepe etiam, seu nebulosa inter duos asellos in imagine Cancræ, subatrida nubecula est, quâ concinnat 40 amplius minutissimarum stellarum cinnus. Veluti ergo hic unum confusum & nubilo quasi implicitum lumen, non intervalla siderum, cernimus: ita in galaxia usu venit. Ubi verò stellæ plures in uno grege, majusculæ sunt, ut in Pleiadibus, aliarum minuscularum interjectarum luculas offuscant; ut manifestè spatia media in albore non valeant: sicque in Pleiadum cœtu 6. aut 7. stellæ singulares & seorsim apparent, viridi aut cæruleo, non apertè lactescente, inter eas intervâllo. Ita etiam Luna cùm satis est illustris,

& Cancro aut Sagittario admota, galaxiam infuseat, candoremque ejus, ut sæpè vidi, evanescere facit. Fieri etiam potest, ut minuta quædam siderum, ut sic dicam, puncta, sparsim per totum cœli fornicem collucentia, etsi plura fortè in gregem coierint, lucem tamen tam validam confundere non possint, quæ ad oculum sub imagine nebulosæ, aut galaxiæ, veniat, nisi juvante & rapiente speciem ejus tubo.

Sed, petet curiosior aliquis. In quo præcisè & adæquatè subjecto, est candor iste quem cernimus in galaxia? Respondeo: In stellulis partim, partim citra ipsas in propinquo medio, ubi radios satis densos & uberes trlicant & confundunt: hoc enim etiam modo, majorum siderum luces cerni, alibi docebo, Ego etiam in libello, quem de Cometa anni 1618. cum Clar. Medico & Mathematico D. Thomâ Fieno, scripsi, huc illuc conjecturam meam versans & mittens, divinabam fortè galaxiam cingulum quoddam solutile esse, pluresque ejus gemmulas, quandoq; in unam grandio rem, & novum aliquod sidus (quale famosum illud Cassiopææ Cygni, &c.) confluere: quod etiamnum probabile existimo, cum fluctu tamen nunc majori, ut facilè colliges ex libro sequenti.

Ceterùm Galaxiæ circulus perfectus non est, sed multis partibus deflectit & torquet, veluti semitæ in agris: alibi etiam duplex triplexve excurrit; ut juxta Olorem, ubi latissimus. Verùm etiam est, quod Aristoteles asserit, intra quam extra Tropicos esse angustio rem: sed non firmiter inde collegit, ex halitibus contextam esse: quia scilicet sol inter Tropicos nimio ardore spiritus extenuat & absumit, ut proinde galaxia ibi jejuniè & malignè alatur. Verùm hac ratione, autumnæ & aliis partibus anni, quando densius adscendunt exhalationes, oporteret galaxiam ampliorem & uberio rem fieri: sicuti tum etiam cetera ignita pleniora sunt, & magis frequentantur.

Si verò me interroges, cur extra Tropicos galaxia amplior; dic tu mihi antè, cur in hac quàm illâ cœli parte plura aut illustriora sidera defixerit Deus: prior demisso capite abibis, ego deinde sequar: quam multorum enim

fines nos latent! Posidonius tamen, ne hîc obmutesceret, Extra Tropicos, inquit, galaxia major, & densiores stellarum greges sunt, ut regionum illarum frigus & rigor sideribus minoribus molliretur, quando sole non satis possunt. Quod non perinde ridendum, ac istud Plinii lib. 18. c. 29. *Circuli Lactei defluvio, velut ex ubere aliquo, sata cuncta lactescere, duorum siderum observatione, Aquila in Septentrionali parte, & in Austrina, Caniculæ.* Quæ tamen verba ad probabilitatem aliquam etiam reduci possunt, si vicinæ galaxiæ sideribus, similem Aquilæ & Caniculæ influentiam tribuamus.

Hoc denique bellum satis, nec insuper habendû, quod Josephus Acosta lib. 1. Hist. Ind. c. 2. sæpè adspexisse & admiratum se dicit: Circa polum Australem, Galaxiam mirificè splendescere, multisque locis, maculis ferrugineis, instar Lunæ deficientis, distinctam esse: fixasque & immobiles eas perseverare. Quid autem eæ sunt? Dic, partes cœli sine sideribus transparentes, aut plurimas fusci vel subrufi luminis stellas colligatas in unum nodum.

Finio, si id etiam accipis. Alia præterea, veluti circuli Lactei segmenta, dispersa esse aliis quibuscûq; cœli regionibus, extra familiam istam, quæ totum ambitum suum implet, galaxiam: hinc quidam tres aut quatuor galaxias memorant: definiri verò illa potest: *Circulus luminosus, ex minutissimis Firmamenti sideribus concinnatus, ipsumque per Geminos & Sagittarium in duo hemisphæria dividens.*

Igneis supremæ regionis meteoris Aristoteles. etiam Cometas permiscuit: sed tractatio eorum plenior est, quàm ut hujus Libri modus eam capiat. Itaque in totum Librum tertium diffundemus.

LIBERTI FROMONDI
METEOROLOGICORVM
LIBER TERTIUS:

De Cometis.

PAuca de Cometis à Vereribus cum magnâ curâ scripta habemus. serò & seriò magis hanc rem aggressi Regiomontanus in Cometa anni 1475. Vogelinus in altero anni 1532. Gemma Phrysius, & filius ejus, Corn. Gemma. Sed parum adhuc effecerunt, si cum sequentibus componantur: & præsertim cum Tychone Braheo, de Novâ stellâ Cassiop. & in Cometa anni 1577 post & cum ipso infiniti alii propemodû turmatim concurrerunt, ut ex hoc mustaceo etiam ipsi laureolam peterent. Sed plurimos excitavit Cometa ista nuperus anni 1618. de quo Keplerus, Snellius, Cysatus, Clariss. & Ampliss. Vir D. Erycius Puteanus, Clariss. Vir & Academiae nostræ Archiater D. Thomas Fienus, cujus onerariæ ego cymbam meam alligavi, & sine ferè numero alii. sed novissimè, & satis ampliter Eruditiss. Vir & Clar. Philosophus Piravinus, D. Fortunius Licetus, & Doctiss. ac Clar. ejusdem Academiae Mathematicus D. Jo. Camillus Gloriosus; & ante eos paulò, Clar. Viri, & perillustres Equitis, Scipionis Claramontii Antitycho. qui tamen omnes in varias sententias abièrunt, & litè adhuc in plerisque sub Judice reliquerunt. Nos, quod verisimilius post tot illustria ingenia, & fortissimas rationes,

nes, subterhabitis (ne liber hic supra aliorum molem monströse se inflet) levioribus, in synopsim & aspectum dabimus.

Primò autem de causa Cometarum materiali ac formali, deinde efficiente & finali, denique de affectibus & præfagiis agemus. Quia verò definiri materia Cometarum, sine loco generationis eorum, non potest; ideo de isto in antecessum, aliquid.

CAPUT I.

De loco generationis Cometarum.

ARTICULUS I.

Cometæ quidam cœlestes sunt, ex minimâ quorundam parallaxi.

HOc enim à Mathematicis, & præsertim Tychone, & Keplero: nuper sic probatum, ut pudeat non credere. Multis verò argumentis id conficiunt: sed unum validissimum est, & sine quo fortasse alia contemni, aut eludi possint. Ipse verò est parallaxis, sive diversitas aspectus: quâ colligunt, fidus, aut quodvis aliud in aëre pendulum, eò altius à terræ centro elevatum esse, quo minorem habet parallaxin. De parallaxi autem tota in Libris de Cœlo, Deo dante, plenius dicemus: nunc, ut sine figurâ Mathematicâ (cujus exemplum tantisper à Tychone, aut Clavio in cap. 1. Sphæræ, sumere, si lubet, potes, Minervâ saltem pingui, quantum ferè jam satis est, capias;

Nota, duplici viâ inveniri posse Cometæ parallaxin.

Primò, ex eodem loco terræ, considerando cometam in duplici situ, uno elevatiori, & altero depresso. cometa enim qui circa Meridianum, v.g. alicui stellæ fixæ junctus apparet, divergendo cum ipsâ versus Occasum, paulatim

Paulatim magis magisque ab ea elongatur, si longè infra
 eam in aëre pendeat. adeò ut linea visus, cometam trans-
 gressa in partem Firmamenti infra stellam fixam casura
 sit, cui tamen circa Meridianum propinquissimus come-
 ta apparebat. unde cometam viciniorē horizonti, quàm
 stellam, judicabis. Axioma enim perspectivum est, *Co-
 metam aut sidus semper à parallaxi deprimi.* Quod ut
 ostendant expressius, præter lineam loci visi (quæ à cen-
 tro oculi per cometam, in octavā sphaeram tendi debet)
 aliam loci veri imaginantur: quæ à centro terræ, iterum
 per cometam, in sphaeram octavam transit, si cometa ci-
 tra aut ultra Meridianum fuerit, duæ istæ lineæ se inter-
 secabunt in centro ejus, modò tamen etiam cometa hu-
 milior stellis fixis sit. Angulus autem intersectionis eò
 obrusior & major erit, magisque locus visus à loco vero
 distabit, quò cometa terræ vicinior erit.

Secundò, è duobus locis distantibus, ut v.g. Lovanio
 & Pragâ, eodem temporis articulo, aspiciendo cometam,
 si enim dependeat in aëre longè infra Lunā, radii visus
 aspicientium, qui se in cometæ centro decussabunt, per
 valdè sensibilem distantiam divaricabuntur, & à se ab-
 ibunt, antequam ad fixarum orbem perveniet, unde ipsi
 eundem cometam sub diversis Firmamenti partibus con-
 spicient. Facile me intelliges, si pilam è fornice templi,
 paullo profundius in aëre pensilem cogites: & à duo-
 bus simul conspici ex oppositis templi angulis. pila enim
 ista uni aliam fornicis partem tegere videbitur, quàm
 alteri.

Hæc facula tibi sic leviter accensa, sublustriora quæ
 jam ostendam, faciet.

Dico Primò: Multi cometæ minorem quàm Luna
 parallaxin habent: ergo altius à terrâ elevantur, & in-
 ter cœlestes planetas curricula habent. Sequela est evi-
 dens intelligenti parallaxin. De Antecedente est totum
 dubium. Sed probatur in cometis annorum 1577. 1580.
 1585. 1590. 1593. qui in Tychonem observatorem, re-
 rum cœlestium, quotquot à Ptolomæo huc usque vixe-
 runt, consultissimum, insiderunt. Nec Rothmannus
 etiam

etiam, Wilhelmi Lantgravii Hassiæ, & insignis etiam Mathematici, Mathematicus, Mæstlinus Mathematicus Tubingensis, aliique plures, qui, omnes à se ad examen parallaxeos vocatos, reppererunt, quàm Lunam, habuisse minorem. Idem fortiter & impressè in cometa anni 1607. & 1618. asserit Jo. Keplerus, Mathematicus Cæsarius, & discipulus Tychonis. idem Clarissimi & Præstantissimi Viri, Thomas Fienus, Erycius Puteanus, Cysatus, Snellius, Piso, Rhodius, &c. tunc judicaverunt. Pauci tamen, in veteri de Cometis tantum ignitis opinione defixi, nihil se moverunt; quorum aliquos videbitis articulo sequenti.

Dico Secundò: Nova sidera sine caudâ, sine barbâ, sine ullo crine, omni ævo, in cælo inter sidera etiam fixa nata sunt: quidni caudata etiam, barbata, crinita possint? Antecedens per varias historias deduci potest. Septima Pleiadum tempore Homeri, aut belli Trojani, nulla fuisse putatur, cum sex solæ, Iliad. λ. in poculo Nestoris insculptæ fuerint. postea tamen Simonides apud Athenæum lib. 11. M. Varro, Plinius, & omnes passim septem effecerunt. septima tamen iterum jam excidit: nam Telescopium Galilæi nuper eam cernere non valuit. Verum non existimo Pleiadum gregem umquam senis astris fuisse numerosiorem Fabula verò de septimâ, nata ex errore & allucinatione oculorum. cum enim lubrici admodum & lascivi sint luminis, angustissimisque discernantur intervallis, oculus in earum distinctionem intentus, & aciem brevissimo trajectu ab una in aliam versans & commutans, facile speciem alterius, in medium inter duas proximas spatium, secum defert, putatque septimam, aut quandoque etiam octavam cernere. Id ita habere, experimento cujusque (certò tamen meo) constare potest. nam aliquando septem, & paulò post sex, & iterum septem aspicio. minora etiam quædam sidera, quæ numero 40. vicinissima Pleiadibus numerat Galilæus, aliquid fortasse adferre possunt (sed vix credo facere) ad illius septimæ speciem.

Certiora novorum siderum exempla, inter omnia quæ celebrantur,

celebrantur, sunt, illud quod Hipparchus suo tempore deprehendit, ut lib. 2. cap. 25. narrat Plinius: deinde famosum Cassiopææ anni 1572. de quo tam multa Corn. Gemma noster, & Tycho Braheus: tertio, quod anno 1604. in Sagittario fulsit: quartum anno 1600. pectori Cygni enatum, etiamnum adspicimus. Hæ omnes stellæ sine parallaxi, & orbi fixarum insertæ & inoculatæ fuerunt; quandoquidem pari cum ipsis passu, eodẽque locode fixæ inceserint ab Ortum in occasum. De quibus plura admetiri, in Libros de Cœlo differimus. Sed vide ut argumentum illud à parallaxi. infringere, aut eludere quidam conati.

ARTICULUS II.

Argumentum parallaxeos frustrâ eludunt Scaliger, Claramontius, Galilæus.

SCaliger Exercit. 79. confitetur, cometas quosdam minorem subire parallaxin, quàm Lunam, etiam si illi longè infra ipsam in aëre pendeant, quia cometa, ait, sequitur naturam & motum sideris, quod exhalationem attrahit, & suspensam tenet. Sed vide, quomodo Rothmannus in Cometa anni 1585. eum tractet. Verum enim verò, inquit, mi Scaliger, hæc tua subtilitas (quo honore aliquoties Cardani subtilitates dignaris) scuticâ digna est. Homerum, optimum & ab omnibus probatum poetam, contumeliose Graculum appellas; hic quo nomine te appellem? Sed cum contra ignorantem principia non sit disputandum, te prius Mathematicis corripiendum & erudiendum tradam, ut ab iis discas, quid parallaxis sit, & unde. Hæc si didiceris, facilis mihi tecum contentio erit. quoniam ipse errorem tuum ad pudorem, usque agnosces; nec cometas supra Lunam, in sphaeris Planetarum hære ne-gabis. Nimis tamen leuere hæc & acri dente. Mirum tamen est in tanto Viro, nesciuisse, quid parallaxis. Alicubi, recordor, Erasmus nostrum, totius nature ignarum facit, certò ipse Mathematicarum (quæ tamen necessariae Philosopho)

Philosopho) parum gnarus fuit. Videre enim, quoties A, B, C, D, & mathema aliquod in Cardano occurrit, ab eo, ut à vivis carbonibus, abstinentem manum. Neque tamen per hæc, summi Viri magnitudinem detrectare est animus: sed Philosophos monere, quàm sine Mathematicarum rudis saltem fulcimento, facilis sit in errores in excusabiles prolapsus. Dialogus etiam, Problema, qui de gravium ac levium motu, & Puerpera, qui de animâ, non significat tantam in Erasmo naturæ ignorantiam, quantam ei Scaliger offundit.

Sed ad diverticulum, & demus (quod non ex animo tamen facio) Scaligero, astrum aliquod vi magneticâ Cometam in aëre suspensam gubernare; poterit certè, ne à recto tramite aberrer, corrigere, non eripere parallaxin; ut intelligenti definitionem parallaxis liquet. Fac enim à sideribus fixis ad Lunam unicum continuum & rigidum orbem esse, cui à universa omnium cælorum astra infixæ sint; non ideo Luna minorem, quàm nunc, sentiet parallaxin. Si enim à Meridiano cum aliquâ stellâ octavi orbis directè superpositâ, in Occasû declinaverit. statim diduci ab eâ apparebit, & aperire parallaxin. si ergo cometa infra Lunâ est, regatur, non regatur ab aliquo astro duce, quod excelsius sit quàm Luna; fieri tamen omnino nequit, ut parallaxis ejus sit lunari minore: in quo deceptus est Scaliger. Verùm majus negotium faceffit Scipio Claramontius qui duobus libris Antitychonis sui, cometam anni 1577. quem Tycho tot rationibus in æthere regione supra Lunam firmaverat, in aërem retrahit. Parallaxin enim lunari ampliorem habuisse, ostendere conatur, Tychonemque nunc calculum male ponere, nunc refractionem, quæ parallaxin turbabat, non satis considerasse, & id genus alia: quibus non pauci credituri fortassis erant, nisi Kepleri Hyperaspistes Claramontio maturè abrogasset fidem. Innumeros ejus numeros & computus, infinitum sit, nec pro modo hujus Libri, conari refellere. melius quàm equidem possim, & egregiè id egit Keplerus: quem adi, si lubet, in Hyperaspiste. Hoc solum addo: Nisi Tychonis organis & faberrimo illi

illi Sextanti credimus, omnium fides abjicienda erit. Nemo enim à Ptolomæi temporibus, aut fortè numquam, fuit, qui majore curâ rem istam machinalem curaverit. Ex ære etenim solidissimo, & ingentis magnitudinis, ut omnibus etiâ minutis sat ampla & justa spatia aperiret, machinas fabricavit. In Geometria etiâ & Astronomia, sui temporis facile Princeps fuit; & eâ re à Divo & Augustissimo Imp. Rudolpho ex Daniâ in Bohemicam Aulam advocatus. Nec fuit etiam tam infans Tycho, ut nesciverit refractiones attollere sidera, quæ parallaxis deprimit; vel eas in observationibus suis, ubi fortè parallaxis aliquid interturbarent, non attenderit. Itaque, sicuti in constituendis distantis, & ordine Planetarum, quem deinde adfirmavere eclipses, parallaxis valuit; non video cur eadem etiam cometas cum Planetis componere, & ordine eorum statuere non possit.

Unde nec nobis contemptus Bodini satisfacit, quo hac solùm ratione ætherios cometas abjicit, quia doctrina parallaxis incerta est, inquit, nec ulla earum differentia reperitur supra Venerem. Non enim tam incerta & fallax est, modò à viris eruditis, & concinnis organis administrata fuerit. Nec verum etiam illud, quod de Venere adjicit. In Sole namque & Marte manifestum est discerniculum parallaxis.

Sed istos dimittamus, Guiduccius ex Magistri sui Galilæi sententiâ aliter eludere hoc argumentum parallaxis nititur: sed nititur tantum, non facit. Ut parelij, halones, aut irides, inquit, sub cælo sunt & ferè apud nos; tamen nullam in iis observamus parallaxis: quidni idem esse poterit in cometis sublunaribus? Aliquid & multum diceret, si cometa (quemadmodum halones) lumen Solis essent, per totam nubem vel ætherem sparsum, quod aliud aliudve in distinctis partibus nubis è dissitis terræ locis appareret. nam quod halo parallaxis non videatur pati, sed semper eodem ambitu sidus medium coronare, siue sidus altum, siue depressum sit, causa est, quia non unus idemque halo est, qui à Meridiano, cum sidere versus occasum descendit. alias, si idem perpetuò foret, juxta horizontem

horizontem occiduum maxima parallaxi sidus non jam amplius in ejus centro, sed supra ipsum totum, aut longè vicinius segmento superiori appareret. Cometa verò non est talis *ἑμπασις*, seu meteorū apparens; sed *ὑπερσείας*, & corpus lucidum, quod sine comite sidere idē transfer-
tur de loco in locum; cūm motus ei sæpè sit à Meridie in Septentrionem, aut retro; quò sidus cœleste nullum-
motum dirigit.

Eodem modo se expedit, & aberrat (ut jam recorder) Eruditiss. P. Dominicus Bannes 1. part. quæst. 66. art. 2. in difficultate novæ stellæ Cassiopææ: quam in aëre sublunari (ne cœlos fateretur corruptibiles) pependisse, nec parallaxin, ut in halone, notari valuisse, satis diffuse; propositā etiam imagine, docet.

ARTICVLVS III.

Cometa quidam cœlestes etiam esse colliguntur, ex motu proprio sub eodem circulo maximo.

ITa colligit Tycho, aliique post eum, Quis enim existimet flammeum cometam aëri supremo, ut infimo solent ignes fatui, innatantem, tam composito proprio motu incedere, ut vix latum, ut sic dicam, unguem abeat à tramite circuli maximi, totum cœli fornicem in duas partes æquales dividente? Tot namque halitus jugiter summam aëris regionem incurrentes, vix potest, ut non frequenter uibrent, & fluctu etiam aliquo jactent, cometâsque aëris circulo incepto depellant. Sed accurrit Claramontius. & primò negat motum proprium cometarum per circulum maximum circuire. Verùm facile repellitur, si sidera fixa observentur, sub quibus cometa anni 1618. per Libram, Booten, & Ursam ereptavit in circulum Arcticum. semita enim illa, ut hîc Lovanii tunc notavimus, vix, nisi paululum fortè in fine, extravit, à segmento circuli majoris. Idem Lincii in Austria Keplerus, Ingolstadii in Bavaria observavit Cysarus: & cūm etiam sub eadem astra singulo quoque die direxisse cursum,

sum, ab universis tantâ locorû intercapedine diffitis, visus sit, non potuit, nisi exiguam admodum, subiisse parallaxin. Similem in circulo maximo, contra raptum primi mobilis, reciprocationem habuit anni 1577. cometes, singulorum enim dierum segmenta, protracta eandem per mediam cœli curvaturam, ad eclipticam habuerant inclinationem, ut olim ostendit Tycho: reclamante tamen postea Claramontio; sed compressit eum Keplerus. Secundò tamen, ne nimis sit pertinax, dat Claramontius, motum ivisse sub circulo majori; nec propterea tamen cometam inter Planetas in æthere fuisse. & rationem affert, quæ plurimum ingenii habet, sed parum veritatis. Omne grave, aut leve, inquit, circulariter motum, necessario per circulum maximum movetur: quia grave directè semper adspicit & nitiur in centrum, leve directè surrigit se à centro in mediam sphæræ curvaturam. Ita enim verba ejus, pauca & perplexa, explico. Itaque cometa in summo aëre pendulus, aliquantulâ, quam adhuc retinet, gravitate, terram lineâ despicit, quæ rectâ tendit in centrum, unde si circulariter impellatur, in circulum majorem ibit, qui totum terræ globum, & (quod inde confectarium est) cœlum ipsum videatur secare in duo hemisphæria. Sed quàm id non sit necesse, ex omnibus cometis patet, qui raptu primi mobilis, nunc Æquinoctialem, id est, circulum maximum, nunc parallelos ad alterum Tropicorum declinantes, id est, circulos minores, describunt. quæ autem ratio est, cur gravitas potius motum eorum proprium per circulum maximum dirigat, quàm motum raptûs, ab aëre (ut patet) cui inæquitat, communicatum? quando cometa anni 1618. à Tropico Capricorni ad Æquatorem motu proprio venit, cur ibi non adhæsit, circulumque illum eundem maximum identidem repetiit, non intersecando eum, & pedem ultra promovendo versus Cancrum, usque ad ipsum etiam Arcticum polum? Sic enim Jo. Baptista Benedictus Epist. ad Andr. Provanam docet, navim in mari versus Æquatorem semper declinare, & remotis terræ impedimentis eò delapsuram, perpetuòque ibi circuituram

globum. quamquam nondum intelligam quomodo id futurum sit; etiamsi terra tota obruta sit aquis, & aquæ elementum raptum primi mobilis sequeretur ab Ortu ad Occasum. Quæ enim causa movens, navem ad *Æquinoctialem* & mediam illam globi aquei curvaturam adduceret? Aqua enim à *Tropico Cancri*, v.g. cò, naturali gravitatis impetu, non deflueret, cum nulla ibi lacuna, neque aqua centro, quàm sub *Tropico*, vicinior futura sit. Itaque unda navem sub *Tropicum* circumducit; neque inde, nisi vento aut aliâ vi expulsa, discedet. Sed *impetus naturalis corporum motorum, semper in superficiebus circularum majorum sunt*, ait *Benedictus*. Sit ita sanè, verùm motus ille navis sub *Tropico* ab aqua vehente, naturalis non est. non enim est descensus quidam; cum toto tempore periodi retineat parem distantiam à gravitatis centro. Fateor aliàs, motus naturales gravium & levium, fieri per circuli majoris diametrum, si recti sint, (lapis enim directè in centrum cadens, ab uno puncto cœli recedit, tenditque in aliud directè oppositum) si verò ab impedimentis obliquitatè aliquam contrahant (ut cum lapis per recti planitiem, vel æquabilem montis devexitatem prolabitur) diriguntur necessariò sub ejusdem majoris circuli circumferentiam. Sit enim mons, qui à *Septentrione* devergat in *Meridiem*, grave è vertice ejus demissum, sub *Meridiano* (qui circulus major est) decurret, eisque motu suo subtendet veluti figuræ ovalis segmentum. Ratio est, quia nititur, quàm rectissimè potest, ad centrum.

Sed hæc neque *Benedictum*, neque *Claramontium* vel *hilum* juvant; nisi ille ostendat *Oceanum* sub *Æquatore* esse depressiorem, (quod quidam tamen affirmant, quia plures ibi vapores *Sol* fervidus & torrens attrahit) quàm sub *Tropicis*: hic verò, aërem supremæ regionis, in quo natat cometa, vel ipsam cometam densiorem gravioremque esse aëre ad quem motu proprio fluit, aut leviolem: sed tunc motus proprius nō erit circularis (qualem tamen *Claramontius* statuit) verùm rectus sursum aut deorsum, vel trajectorius & transversalis. Itaque sicuti
motu

motu rapidis, cometa sub polo Arctico brevem circellum circa axem Mundi, cum eodem semper ad centrum terræ respectu circumcurrere potest; ita quantum est ex parte gravitatis aut levitatis ejus, nil vetat quin motu proprio ab Occasu, v.g. ad Ortum eundem circulum conficere valeat. Finio igitur, & statuo probabiliter, Cometas illos tam composito nec fluctuanti sub eodem circulo maximo, motu proprio labentes, in regione ætheria, non tam turbidâ & vacillante quàm est ista sublunaris, circumagi: aut si ibi etiam exhalationes sunt, quæ ætherem quandoque fluctuant, non potest ex tanto intervallo error, quo cometa à circulo maximo excidit, notari.

Adverte etiam, si cometæ proprius motus (ut plerique hætenus existimaverunt) apparens tantum sit, & instar stellæ discurrentis; parte scilicet unâ exhalationis alteram invitante, & rapiente ejus flammam; vix probabili colore defendi posse, motum istum leges circuli majoris observare, nam exhalatio & novus cometa inflammandus à veteri, non solum antè, sub eodem circulo majori disponi, sed etiam ad latus utrimque, & undique potest materia illa circumfundi. Igitur verum potius in cometa, etiam sublunari, motum agnoscere oportet. A quâ verò causâ fiat, & an circularis sit, infra dispungemus. Si autem ab Intelligentiâ aliquâ esse (& huc etiam satis inclinat Tycho) quis affirmet, facile sic per circulum maximum ibit; sed versari eum in elementari regione, statim parallaxis prodit. Vides ergo, parallaxin unicuique pænè fulcrum esse, quod Tychonis & recentiorum de cometis cælestibus opinionem sustentat. Nam etiam sine ullâ Intelligentiâ Cometæ elementaris motrice, defendi posse ejus apparentem sub circulo maximo progressionem (modò trajectory, non circularis sit) postea ostendemus.

Quid ergo hoc toto Articuli circuitu effecimus? Hoc. Si motus Cometarum proprius, circularis est, quod Claramontius, cum Tychone, & aliis statuit; non istum sub eodem circulo maximo, si in Elemento æris tur-

bido & vacillante pendet, nisi Angelus eum ducat & gubernet. Si verò motus ille transversalis sursum est, & trajectorius, magis tamen etiam obnoxius turbationi erit, proniusque à circulo maximo deerrare apparebit, si in aëre, quam si in æthere fit.

ARTICULUS. IV.

Ex ortu & occasu cometarum colligi, quosdam saltem supremam aëris regionem longè excedere.

Libro primo, ex Vitell. & aliis, altissimos terræ halitus, qui videri à nobis possunt, 52000. passuū, id est, 13. ferè mill. Germanica non excedere diximus. Verum statuamus, inquit doctissimus Cysatus lib. de cometâ anni 1618. cap 3. ad 20. milliaria Germanica illam altitudinem extendi, & cometâ elementarem tantâ intercapedine à nobis abesse. fac deinde oriri: totum arcum visibilem, quem supra horizontem nostrum describit, duarum horarum spatio percurrit, nec eum ampliùs illo die videbimus. quod de cometâ anni 1618. & plerique aliis ridiculum, & contra sensum communem est: cùm pluribus longè horis conspicui fuerint instar legitimorum siderum, & adhuc sine occasu ex oculis evanuerint, suppressi abundiori luce orientis Solis. Tam brevi autem tempore occasurum, ostenditur ex eo quòd vix ad 6. milliaria Belgica visus noster in superficie terræ se extendat. & licet nubes, & supremam aëris regionem, finemque altissimatum terræ exhalationum, aliquantum ultra illam distantiam cernere valeamus; arcus tamen nobis conspicuus circuli, distantia 20. milliarium Germanicorum à terra, descripti, tantus non est, quin duabus solum horis percurri potuerit. nam 24. graduum, & 24. minutorum est. unde unâ horâ & 48. minutis absolvetur; quandoquidem integrum circulum 360. graduum tempore 24. horarum exambiat. Itaque duabus & viginti amplius horis, ex illis 24. reliquis, conditus infra horizontem visibilem, abditos circuli sui arcus decurret: transvo-

transvolabitque per apertam nobis cœli faciem, ut nubes propulsæ ventorum flabris solent, unius alteriusve horæ spatio. Quod autem astra inter ortum occasumque tam diu supra horizontem, & in oculis nostris iter agant, causa est penes ingentem eorum à terrâ distantiam, quod enim longiori intervallo circuli circa terram describuntur, eò majores arcus visibiles nobis ostendunt. Deinde linea etiam, ut vocant, visualis, ab oculo emicans, à puncto terræ longissimè distito quem videmus, infra istam terræ curvaturam perpetuò descendit, quia origo ejus (id est, noster oculus) elevata est supra terræ superficiem, altiorque est puncto illo remotissimo quem destringit. Et hinc quò longius versus Mundi circumferentiam educitur, eò prolixius infra horizontem, quem in terra nobis circumscribimus, decurrit.

Unde quia multi cometæ parèm cum astris supra horizontem moram traxerunt, probantur etiam non inferiorem habuisse altitudinem.

Hinc etiam patet, quàm merito posteriores Astronomi, ut Regiomontanus, Vogelinus, & alii, qui cum Aristotele nostro omnes cometas sublunares existimabant, tot tamen eos miliaribus à terrâ removerint. Nam Regiomontanus cometam anni 1475. novem terræ semidiаметris, sive, ejus computatione, 8200. miliaribus Ger. Vogelinus cometam anni 1532. millibus passuum 4686. Germanicis verò miliaribus (quorum singulum quodque 4000 passuum habet) 1171 attollit. hæc autem excellentia omnes halitus illos solemnes & crepusculorum lampades longè infra se relinquit.

ARTICULUS. V.

An Aristoteles Cometas cœlestes, & novitia in cœlo astra, quandoque gigni existimaverit.

Ita putat Eruditiss. Licetus lib. 5. de Novis astris. c. 41. ex lib. 2. de Cœlo cap. 7. ubi Philosophus ait, *stellas esse ex eo corpore, in quo latationem habent. ergo fiunt quan-*

doque novæ ex materiâ ætheris, vel orbium in quibus moventur. Nam stellæ illæ veteres, coaræ sunt suis orbibus, non factæ ex aliqua eorum parte. Secundo, & clarius, cap. 8. *Astra esse sphericæ consentaneum est mihi*, inquit, *generanti ea ex tali corpore*, id est, cœlesti. Vides ergo, ait Licetus, astra quædam generabilia esse: non autem æterna illa, sed alia ex materia cœli subinde concinnata. Vellem hæc esse vera, & Aristotelem trahi posse in consensum. sed vereor, frustrâ tentari. Quis enim non videat, hæc ingeniosè quidem, sed anxie conquistata ad illinendum ori Philosophi hunc colorem? Sine dubio enim loquitur de omnibus astris, etiam illis antiquissimis, quæ semper in cœlo suspicimus. hæc autem constare dicit materiâ suorum orbium, quorum sunt partes, & quæ ea generare, id est, genita docere, ex corpore, sive materiâ cœlesti. non tamen sic ut pars aliqua cœli rarior densata fuerit in astrum: sed astra cum ceteris orbium partibus genita sunt ab æterno (Aristotelis, & falsâ, mente) actione eductivâ, ut loquimur; quam sæpè generationem vocamus, licet per eam nulla materia præexistens, à privatione ad formam transeat: quod accidit, quando materia nullo reali momento temporis formam suam antecedit. Hæc ergo loca non sufficiunt ad infuscanda clarissima testimonia Aristotelis, ubi toties cœlum clamat quintam essentiam, ingenerabilem & incorruptibilem esse: probâque, quia tot jam annorum circuitibus, nulla generatio, nulla corruptio, nulla accretio, nulla detractio animadversa in sideribus.

Nec alia loca quæ Licetus affert pro cometis cœlestibus, premunt acrius.

Primo, Lib. I. Meteor. cap. I. affirmat cometas oriri in loco lationi siderum maximè vicino: igitur non in suprema æris regione, inter quam & cœlum interjecta est ingens profunditas Elementi ignis, inquit Licetus.

Sed id palâm à mente, Philosophi abit. Cometis enī galaxiam, & *καρυδοειδὴν ὁμοιωτάτην*, ignitas imagines iungit, quas pariter in eodē loco sideribus maximè propinquas nasci dicit. nec tamen eas, sine dubio, supra totum
 æris

aëris Elementum extollit. Itaque summum aëris fastigium, admotum proximè sideribus dixit, aut quia nondum determinaverat, an aliquod ignis Elementum interjectum esset, ut putat Vicomercatus; aut quia inter regiones meteororum feraces, illa est maximè contermina sideribus; aut denique, quia nullum aliud sub orbe Lunæ, Elementum ignis credidit, quàm aërem fumosis & ardentibus telluris expirationibus scatentem, ut Lib. 2. docuimus.

Secundò, Lib. I. Meteor. cap. 7. *Quando, inquit, in inferiori loco principium consistentia fuerit, per se apparet Cometes: quando autem sub astrorum aliquo errante vel inerrante constiterit exhalatio, tunc cometes fit horum aliquod.* Ubi duplicem cometam videtur distinguere, unum solitarium, præcul à sideribus, in regione elementari infra Lunam; alterum supra Lunam, immediatè circa aliquod sidus, quod exhalatio crinit. Sed hoc intemperamentum evertitur proximè sequentibus. *Non enim, inquit, apud ipsa astra coma fit: sed quemadmodum area circa Solem & Lunam, &c.* Sicuti ergo area, sive halo, non in cælo, sed in nubibus vel aëre est, ita coma illa & crines, qui astris fixis, aut errantibus quandoq; sparguntur. Discriminat tamen hanc comam ab area: quod hæc per ἀνάκλασιν, sive reflectionem, à nube aliquantulum distante, seu speculo, coma vero non sit lux astri valè reflexè in nube, sed color ipsius vaporis aut exhalationis mixti cum radio sideris quem incorporat & bibit. Cum autem Aristoteles ait: *Tunc cometes fit horum (siderum fixorum aut errantium) aliquod: significat ipsum astrum induere cometæ similitudinem, quia à suppositâ, in aëre longè inferiori exhalatione videtur criniri.* Sed quid ergo postea addit? *Quando juxta stellam facta fuerit talis concretio, eadem latione necesse est apparere moveri cometem, quàm stellam.* cum autem per se seorsim constiterit, tunc videtur relinqui. *talis enim est latitudo Mundi circa terram.* Putat Doctiss. Licetus clarissimè indicari genus unum cometarum juxta & inter sidera in ipso cælo, quod careat parallaxi, ideoque pari passu videatur

incedere cum vicino astro; alterum vero, quod in aëre profundissimè infra cœlum versetur, relinquaturque motu siderum, & latam ac evidentem patiatur parallaxin. Vicomercatus autem, & alii plures hanc formant sententiam: Cometa, cum *juxta sidus*, id est, altissimè à terrâ elevatus, & intra ipsam ignis sphaeram, videtur morû sideris assequi, propter celerem Elementi ignis conversionem: cum autem *per se*, id est, longe à cœlo & sideribus, in aëre scilicet, statim supra nubes constiterit, tunc ab astris oculis prælatis relinquitur; quia aër in quo fluctuat, pigre cœli raptum consecatur. Et favent profectò quæ deinde subjiciuntur: *Talis enim est latitudo Mundi circa terram*, id est, latitudo Mundi ignei & aërei, est velocior in altissimâ sui parte, quæ est ignis.

Verum omnes isti interpretes videntur mihi extra oleas abire. Agit enim disertè Aristoteles de distinctione cometarum, qui vera quidem sidera, sed comantia aliquo halitu sublunari, ab iis qui per se seorsim à sideribus proprio igne ardent, quàm enī violentum est, *ὅταν δὲ συστῇ καὶ αὐτὸν*, quando concreverit per se, interpretari, quando procul à cœlo: planus autem & verissimus sensus est, quando separatim ab astro concreverit. de astro namq; aliquo singulari, non de toto cœlo, loquitur. Itaque hæc mens Philosophi quando coma ex radiis in vapore vel exhalatione subjectâ, circa verum sidus apparuerit (quo modo Aristoteles olim coxam Canis, nos anno 1618. Venerem, & nuper anno 1624 Arcturum comantem aspeximus) non videtur deseri, nec pati parallaxin; non quia sit in cœlo, & circumliget proximè rotunditatem ipsius sideris, sed quia cum ipso, ut halo (cujus etiam similitudinem adducit) solet, æquo passu incedit, aut potius sic apparet, & reverà tamen non facit. veluti enim non idem est halo, sed alius aliûsq; perpetuâ serie in diversis vaporis superficiebus depingitur, ita nō una coma cum sidere circumambulat, sed diversi halitus oculum & sidus interfusi, diversam rapiunt. quando verò crines illi, radii siderum in vapore aut exhalatione tumentes non sunt, sed ignea lampas seorsim ab omnibus sideribus,

in

in summo aëre supra uubes uisitur, relinquitur ab astris, & manifestam subit parallaxin: quia talis est latitudo *Mundi circa terram*, ut superiora rapidius ferantur, præferriq; videantur iis quæ oculo propinquiora: quod tamen, si fatendum est, non ubique habet veritatem. Nam cometa aëre ius cum sidere aliquo exoritur, infra ipsum (quia parallaxis deprimet) apparebit, paulatimque ascensu ad Meridianum se illi propius admovebit: in descensu uero ad Occasum, etiam prævertet; quia iterum, parallaxi se diducente, locus visus infra verum manifestè cadet. Quid ergo? An Aristoteles hic parum Opticus? nolim fateri. est enim, ubi etiam cometa inferior à sidere relinqui appareat: ut si ante occasum prius, & deinde post exortum, utrumque aspicias: sic enim cometa primò occidentalior, & ante sidus, qui postea tamen, quasi prælato sidere, in utriusque ortu, retrò & orienterior erit. Ratio est, quia & in ortu & in occasu, parallaxis cometam oculo propinquiores dejicit, & horis magis admovent. Itaque uerius longè, Aristotelem cometas aut novitias stellas, excellentiores Lunari orbe nunquam agnovisse. Incredibile enim est alias tam parcè de iis locutum, & unicosolum ac obscuro uerbo obiter tetigisse. Deinde sidera, & cælum totum ex duro concretum (quidquid Eruditiss. Licetus contra responsiter) ἀστὲρ ἐν δὲ σφαιρῇ τοῖς κύκλοις φέρεται ἀστὲρ ἐν δὲ σφαιρῇ τοῖς κύκλοις φέρεται infixa orbibus ferri, lib. 2. de. Cælo c. 8. non per liquentes aliquos ætheris campos, affirmat: quod tamen fieri, pænè necessarium est, si cometas & nova sidera in cælum attollimus.

ARTICULUS VI.

Cometas aliquos sublunares esse.

HOc enim saltem reddamus Aristoteli nostro, qui universos omnes docuit sub Luna nasci sed nondum novum in cælo sidus Hipparchus, nondum cometam supra Jovem Ptochus, nondum supra Venerum Albumazar, nondum Tycho, Rothmanus, alique, hoc & clauso sæculo,

saeculo, penè infiniti, variis sparsim coeli regionibus, viderant; nondum altitudines eorum ad exactas parallaxis leges vocatae, aut satis examinatae erant.

Nolim tamen pertinaciam Tychonis, qui nullam, nisi caelestem, cometam unquam fuisse pertendit, sectari; neque tot eruditissimis viis, Aristoreli, Ptolomæo, Regiomontano, Vogelino, aliisque sine fine, glaucomam obijcere: quanquam de cometa illo anni 1475. Regiomontani allucinarum contendat Tycho. & mendosâ demonstratione 6. gradus parallaxeos collegisse: & certè sic factum vehementer addubito. In motu enim ejus proprio quiddam fuit divinum, Geometricum, aetherium, & caelesti corpori consentaneum, supraque sortem penitus elementarem: ut lib. 1. cap. 8. Cosmocrit: noster Gemma.

Alii tamen cometæ quidam per varia tempora & historias sparsividentur fuisse elementares: ut ille in primis, qui teste Aristotele, sub Aristæi imperio, saltus quosdam fecit, & tertiâ coeli partem occupavit, propeque Orionis Zonam est dissolutus. Audi etiam lib. 54: Dionem, de cometa Agrippæ, generi Augusti, mortis prænuntio. Cometa, inquit, cum multos dies Urbi imminens arparuisset, in facies abiit: & Seneca de eo qui Attalo regnante, initio apparuit modicus, deinde sustulit se, diffuditque, & usque in Aequinoctialem circulum venit; ita ut illam plagam coeli, cui Lactea nomen est, in immensum extentus aquaret. Quidam etiam, ut narrat Sozomenus, olim supra Constantinopolim, ad terram usque pependit. & Plin. lib. 2. cap. 35. Licinium Syllanum cum suo comitatu vidisse, scintillam cælo cadentē crevisse paulatim in Lunæ amplitudinem: in cælum deinde iterum receptam, factamque Lampadem, id est, ut planè apparet, cometam Lampadiam. Jovianus Pontanus, de alio à se viso circa Booren:

*Nam memini quondam Icario de sidere lapsum,
Squallentem præferre comam, tardoque meatu
Flectere sub gelidum Boreæ penetrabilis orbem.
Hinc rursus præferre caput, cursuque secundo*

Vertere

*Vertere in occasum, ac laxis insistere habenis,
Donec Agenorei sensit fera cornua Tauri.*

Hic igitur initio, comâ præeunte in Boream ibat, deinde in occasum iter, sequente crine, convertit, juxtaque Taurum contabuit, cur autem hunc aliosque existimē elementarios, statim edicam. Quid plura? anno 1470. cometa, quasi nubes, longissimis capillis, totum Zodiacum Idib: Jan. decurrit, ait lib. 2. Theat. Bodinus, & paulò antè, anno 1450. alius romphææ similis, plenum & tumentem Lunæ orbem subiens infuscavit. Cometæ etiam anni 1543. cauda evolavit, & rivum, in quem delapsa, exhaustit, ut narrat Senectus: & Scaliget Exercit. 79. affirmat Cometam sui temporis visum delabi: & Claudianus.

De raptu.

*Præceps sanguineo delabitur igne Cometes
Prodigiale rubens.*

E simili comera deciduo, natam Phaëthontis fabulam putat Vicomercatus: quamquam ad Sodomæ & Gomorrhæ incendium referat Tertullianus.

E cometarum denique sublunarium materiâ, formata videtur crux illa, olim à Thomâ Cantipratano consp. Lib. 2. c. 1. Ego, inquit, fidelium novissimus, antequam piissimus Ludo vicus Francorum Rex, anno ab Incarnat. 1246. c. 3. nu. 9. crucem transmarinam susciperet, crucem in in cœlo ex clarissimo & sidereo lumine vidi: nec recolo me decentius & operosius formatam crucem unquam sub aliquâ materia vel figura vidisse: octonos habere cubitos in longitudine mihi planissime visum est: serenum cœlum erat valdè, & sine aliquâ nube.

Sed cur omnes illos cometas, elementares decernimus? Respondeo: partim, quia motu turbido & incondito, partim subito incendio, & latissima diffusionē, aut lapsu etiâ in terram, vel offuscatione Lunæ satis naturam igneam, aut aliter elementarem ostendunt: atque ita nobiscum Keplerus (qui hīs à Tychone Magistro, in parte abivit) Mœstlinus, Thaddæus, Rothmannus, Licetus, alique sentiunt.

Signum etiam ferè manifestarium Cometæ sublunaris est,

est, ejus immobilitas. Si enim summus æther, ab ortu in Occasum cœlo obsecundat, aut in sequelam invitus trahitur (ut non pauci rentur) necesse est inter nubes, aut proximè eas, cometam illum defixum esse, qui tam est pertinax, ut nullo sollicitetur motu. Tolis fortasse Xiphias sive Gladius ille, quem tam diu, ante excidium, Hierosolymis inbæsisse narrat Josephus. Et profectò, si in summa aëris regione, aut etiam infra, capras saltare, stellas discurrere, faces aut dracones volare facimus; cur non etiam igneos cometas, quos sola incendii pertinacia, aut figuræ discerniculum a billis dividit, damus? cur non deinde fieri potest, ut exhalatio à Sole, aut alio astro perfusa, crinem sine incendio ducat, aut spargat comam?

Itaque, si nœ audietis, hoc statuam: In toto inter nubes & primum cœli fornicem intervallo, coiri posse cometas: nulla verò cœli cameratio citra fixarum orbem occurrit, ut bellis validisque argumentis impressè mihi Vir Magnus, Thomas Fienus, in Cometa anni 1618. asseruit. Unde nulla eccentricorum soliditas & durities obstrigillare & officere valet cometarū, per Planetarum curricula, trajectionibus. Cometa igitur aliquis circa nubes & in vicino stat: alius sublimior est, & in spatia etiam elementi ignis (id est, aëris, à cœli vicinia, & adustis terræ halitibus, æstuantis) ut ille anni 1475. quem celebravit Regio montanus, se penetrat: tertius Luna excelsior, circa Mercurium aut venerem expirat: est; qui ad Solem, Martem, Jovem, aut etiam Saturnum, & culmen ætheris adspirat: qui lunam & nos interjecti (quia in loco proprio elementorū) elementares, qui lunarem orbitam & fixas inter currunt, ætherios, aut cælestes nuncupamus, Inter Mercurium & Venerem, Cometam anni 844. Albumazar, inter Venerem & Martem (systema enim Tychonicum jam placet, quod Venere Solem includit, & illam proximè infra Martem locat) Cometam anni 1577 Tycho in nostrum anni 1618. Cysatus, inter Martem & Jovem: Cometam anni 1580. iterum Tycho, & Mœstlinus, inter Jovem & Saturnum, Cometam anni 1585. Rothmannus immirit, In fine enim, inquit,

inquit, omnem imaginem parallaxis amisit, quàm alias, etiam dimidii minuti, emendatissimo Sextante facile deprehendisset.

CAP: II.

De materia Cometarum.

ARTICULUS I.

*Materiam sublunarium Cometarum esse terræ
& aquæ halitus.*

Quæ enim promptior & probabilior afferri potest, quàm ea, quæ ceterorum ignitorum, & tot alias in sublimi pendentium imagines subit? Sed discrimen aliquod interjiciendum est. Nam Cometæ sublunates, alii criniunt sidus, alii seorsim liberi palantur, aut stant eodem loco defixi. Priorum materia, est, sine dubio, exhalatio aut vapor, in quo sideris radius se multiplicat, & in comam tricat & confundit. Verùm ejusmodi Cometæ non toti, sed coma duntaxat, sublunaris est: melior enim pars, sidus nempe ipsum cincinnatum, est in cælo: posteriorum etiam materia, saltem transiens, est exhalatio ignibus idonea, si cometa vero igne ardeat: si autem non ardet, sed nodus quidam illustris, & radiorum tricæ sunt, iterum halitum pensilem pro materia subjecta habent. Eruditiss. Licetus partem etiam Elementi ignis censet quandoque densari in Cometam: & hanc esse causam, cur autumnino frequentissimi Cometæ, quia tunc exhalationibus Elementum istud incrementa rapit; seq; densat potius, quàm deorsum, depresso aëre, protuberet. Sed vix assentior, tanta densitate cogi à se ignem, ne descendat, cum raritatem tantopere amet, videamusque pulveris flammam undique in orbem, & deorsum etiam, ac cum descensu ignis, rarefcere. Deinde sic omnibus pœne autumnis, nec solum particulam
unam

unam (ut sic dicam) ignis, sed quantum inter Tropicum Cancri & circulum Arcticum est, oporteret in Cometam concrefcere. Scaliger verò Exercit. 79. negat ullum cometam igne constare, sed omnium materiam, halitum crudam esse, & à Sole tantum, an alio sidere, perfundi. Causam dat Bodinus lib. 2. Theat. quia nullæ silvæ satis esse possunt diu alendo tanto corpori. Verum, si exhalationes instar Trojæ & civitatis ardentis, non rarò in nubibus visuntur (qualia prodigia, initio Belgicorum tumultuum, sæpè à se conspecta narrat in Cosmocritice noster Gemma) nescio cur ita metuat: ne pabulum Cometam deficiat, Bodinus. Talia enim incendia Trojana, parcè & maliguè dispensata, diu sustentare Cometam, præsertim non altè elevatum nec amplum, valent. Cogita etiam, multum vaporis admixtum oleo exhalationis, quam tenuiter è venis sorbet, & allambit ignis; nec quidquid in Cometa cernis, flammam esse; sed vaporem; & partem exhalationis adhuc crudam & incendi contumacem, igneâ solùm luce inclusæ flammulæ colorari; & defines fortasse alimentorum sumptus vereri. Deinde, sicuti cum flammâ facis per caliginem noctis visâ, multum luminis simul in aërem vicinum protuberantis, radiosque ignem coronantes cernis: ita non solùm Cometæ lampadem, sed circumfusum unâ lumen vides, tumidiorumque coniectas, quàm reverà sit.

Si verò omnes Cometæ sublunares lucent tantum, rebrati radio solari, nulli ardent, ut Scaliger credit, extinguerentur illapsi in umbrâ terræ, ut in nocturnis nubibus usu venit: oportet igitur aut ultra umbræ conum, in altissimo æthere esse, aut ad latus, aut in umbra, propria ignea an alia luce, fulgere. Licetus etiam lib. 4. cap. 23. contendit Cometæ quandoque eclipsin pati: quia erubescunt, ut Luna in eclipsi; item à Venere & Mercurio qui semper circa Solem, sic totâ nocte illustrari possunt: ut diliquium & solis absentiam non sentiant. Sed hæc una opera nubes tota nocte illustres nobis efficerent. Itaque Cometarum rubor, a materiæ opacitate, non eclipsi, est: unde non soli rubent, qui ex adverso Solis, in umbrâ terræ, consistunt

consistunt. Venus etiam & Mercurius non in eo semper aspectu sunt, ut videre, & lucula aliqua aspergere Cometam à terra inumbratum possint. Versum deinde Homeri producit Licetus: sed non amplius affirmat, quam Cometam nunc nubibus condi, nunc rursus emergere: nihil de eclipsi. Sed quis tamen nobis satis edicer, an Cometæ elementares quidam in umbra terræ nunquam passi deliquium? Nemo, credo, poterit. in tanto hætenus scientiæ hujus & observationis neglectu. Et profectò, cum ratio affirmet, aliquos, sine materiæ conflagratione, rapere posse radium Solis; etiam tales haud dubiè obtenebrescent & exstinguentur, si in unbram impeerint, venerintque in oppositionem Solis.

Si qui verò id non patiantur, at supra umbræ conum & cœlestes sunt; aut, si infra, lucent propriis ignibus.

Verum, quæ potest, inclamant, ut exhalatio tanta ex terra aquave resolvatur, quæ ex tam immani à nobis intervallo cernatur, & in confinia etià Lunaris orbitæ subeat, quæ Copernici calculo à terra abest 1. terræ semidiametris? Hæc aliquando aëris profunditas, fateor. despecta turbationem mihi fecit, ut negarem halitus è terra in vicina Lunæ posse scandere. Sed reputanti postea, quàm blenni ergo & stupidi illi Veteres, Plinius etiam, Seneca, & alii, qui sidera vaporibus tam certò putaverunt pasci si usque eò nullâ ratione pertinere valuerint; quàm exiguus deinde titio, amplum exhalet fumum, & pulvisculi tormentarii granum in flammam intumescat 125000. se majorem; subiit altiùs in hanc rem me demittere, & introspicere, si qua via reliqua esse, reducendi Aristotelem in aliquam partem hujus scenæ partem, toties jam à recentioribus explosum.

Demus itaque, Aristoteli Cometarum cœlestium nunquam venisse in mentem: hoc tamen etiam ei reddamus, sublunares fumosis terræ halitibus aliquando concrecere, siue ardeant, siue splendeant raptum, perfusi ab astris, & præsertim Sole in toto spatio quod hinc expanditur ad Lunam. Exhalationem, inquires iterum, ad tot terræ semidiametros ascendere? Ita dico: & cogita, quæso, mecum,

mecum, quàm multæ quot idie nubes, sine sensibili aquarũ dispendio, in altum vaporentur; quàm longi & continui ventorum flatus, sine terræ detrimento. Profecto, si nubium ille circulus Orbem terræ undique præcingens, extollatur in Lunæ altitudinem, speciem explicabit lunari longâ ampliore; cum terra nubibus tamen illis inclusa toties sit Lunâ major. Adde, jam non opus esse tot fumis, ut imaginem crinitæ stellæ tam angusti ambitûs exprimant: cum præsertim exhalationes in immensum ferè rarescere & discingi oporteat, ut tã altè subeant: nisi enim tota aëre sublunari rariores & leviores sint, nunquam ascensu eum transmitterent. Et hinc existimo, nubem circumferentiz oppidi Lovaniensis parerem, in tantam raritatem posse diffuere, ut adæquet amplitudine totam Brabantiam, imò Belgium: imò (quid dico? si vera est Peripatericorum textura continui ex infinitis, potest sine termino & fine in majus diffundi. Audi D. August. lib. 2. cap. 4 de Genesi, probantem, supra cœlos fideos, quos fluxos & liquentes, putavit, suspendi posse aqueum vaporem. *Si per illud cœlum, inquit, potest minutioribus guttis levior halitus humoris extendi, qui pondere cadere non cogatur: ipsi quippe (Philosophi) subtilissimâ ratione persuadent, nullum esse quamlibet exiguum corpusculum, in quo divisio finiatur, sed infinitè omnia dividi.*

Sed ascendant sanè ad Lunam terreni halitus, minimè pertinax aliquis dicet, nemo tamen tam Augustus, qui eos hinc videbit; uti nec Elementum ignis aut aëris ibi propter fluxam raritatem, nullus unquam alpexit, extenuatio enim illa partium, & dissolutissima raritudo visûs acie transmittit, non tenet infixam. Hoc telum olim etiam timui, nunc prædè contemno. Nam eludi potest, distinctione raritatis ab opacitate. Fieri enim potest: ut corpus altero rarius, plus tamen opacitatis obtineat, videaturq; ubi alterum lateat, sic nubes aëre infimo rariores levioresque, ut lib. 5. ostendam, in media regione conspicuæ, quia magis opacæ, sunt, lumenque reflectunt, nec tamen graviolem densioremq; inter nos & ipsas aëra cernere,

ob perspicuitatem, valemus. Ita ergo exhalatio in aëris fastigium evecta, retinere opacitatem nonnullam potest, quā visendam se præbeat. Cui rei profunditas ipsius etiam plurimum conferet: nam sæpè, ubi duo, tres, decem, aut centum palmi ejusdem profunditatis, opacitatem notabilem concinnare nequeunt, aliquot tamen centeni aut milleni facient aspecti per eandem lineam: distantia etiam auget tenebras illas & opacitatem: manifesto exemplo nebulae in quam acies nostra è propinquo figi non potest, potest è remotiori. Hoc deniq; magnitudini Cometarum adjiciendum: Non tantum, ut antè etiam monitum, lumen opacitati exhalationis incorporatū ceramini, sed simul quod circa per aliquod spatium in orbem ubertim refusum. Hoc est, quod in hanc rem adnixus, valui. da tu, si plus potes, & reddemus gratiam.

ARTICULUS II.

Cometae caelestes, sidera non sunt ex illis mundo coevis. Adversus Chaldaeos, Senecam, Cardanum, Fracastorium.

HOS tamen non valdè longè rejicio, quia viri eruditissimi etiā hodie ab ipsis sentiunt; & rerū coelestium, aliarum que plurimarum scientia Clariss. Vir Thomas Fienus, in Cometa anni 1618. novam iis & egrègiam (licet ludenti nec pertinaciter inhærenti calando) probabilitatis speciem fecit. Illi autem censent, Cometæ caelestes, astra quædam per ætherem inier. Planetas palantia esse, quæ vel ingentibus epicyclis se in aspectum nostrum demittant, revocentque (quomodo Cor. Gemma sidus Cassiopeæ anni 1572. ex altissimo æthere descendisse putat) vel radiis solaribus & die plerumque (ut Mercurius) recti & suppositi, aliquando tamen longius in noctem & oculos nostros excurrunt. Igitur certas esse licet hætenus ignoratas, siderum istorū leges, & ad constitutum ire redireque existimant. Veniet autem tempus, auguratur Seneca, quo ista quæ nunc latent, in lucem

dies extraha, & longioris aui diligentia veniet tempus quo posterì nostri tam apertanos nescisse mirentur. Sed vix est, ut credam Magne Sapiens.

Cardanus lib. Subtil. 4. globos sidereos per ætheris campos vagos & errantes credit, qui non semper faciem illustrem (quod in Luna etiam cernimus) obvertant terris, caudasque ejiciant trajecti radio Solis. Vel, inquit, minuta quædam astra sunt, quæ, nisi defæcatissima cœli facie, latent. Fracastorius amplius audet, & cœlum novum Cometarum infra Lunarem orbem nobis fabricat. Multa adversus istos dici possunt: hoc uno tamen videntur refelli, quòd Cometæ etiam cœlestes figuram & colorem in fine ita varient, ut manifestè cernas pallefcere, & in mortè dissolvi, non abire incolumes à nobis: expirant enim quicquid habent vivæ lucis, luridi tandem & informes; manentque veluti cineres & claræ reliquæ præcedentis cujusdam ignis, aut digestæ exhalationis. Hoc etiâ adversus Senecam est, quod sensim in descensu Cometarum speciem ampliari oporteret, si ex culmine ætheris paulatim defluant in Planetarum regiones. Aliter tamen omnino res habet: nam plerumque statim maximi sunt, & deinde carpuntur, detrectantque, non ampliant suam molem. Deinde, post mortem Demetrii Syriæ Regis, ante bellum Achaicum (Seneca ipse est testis) magnitudine etiam solari Cometes fuit: talis verò, non nisi longissimo tempore, & per omnium stellarum magnitudines decrescendo, semper interî coruscus & rotundi capitis (quod paulo minùs scio non factum) ex oculis se subducere potuit. Id verò deinde Cardano obstat, quod si Cometæ fungosi capitis, transmittent omni tempore radium Solis, caudatumque aut barbatum plurifariam æthera toto anno videbimus. Quod etiam addit de stellulis, sereno apparentibus, latentibus nubilo, non potest æstimari: quia & Cometæ satis ampli, & pluviis etiam noctibus sæpè conspiciuntur. Sed lib. 1. Variet; cap. 1. mutat Cardanus: & docet, Cometam, nodum quendam luminis esse, è multis stellarum in unam cœli particulam confusis & intersecantibus se radiis, transfixum

zum deinde (ut candelæ flammâ) radio Solis. Sed motus Cometæ hanc causam respuit: cur enim noster annus 1618. ad polum Arcticum ascendere visus? certè nullis tunc aut unquam astris in illam cœli plagam iter fuit: deinde plurimæ, ubique ætheris, radiorum conspirationes & intersectiones fiunt sine Cometis.

Fracastorius etiam frustra est, cum suis novorum orbium infra Lunam machinationibus, quia multi Cometæ Lunâ excelsiores: & infinitos fabricari oporteat, cum alii Cometæ in austrum, alii in Boream, Ortum, Occasum, & quodvis horizontis punctum, motu proprio discedere valeant: singulis autem qui in diversam abeunt cœli regionem, singuli & distincti dandi erunt orbis.

Sed ante hujus Articuli clausulam, etiam accipite quid Bodinus de Cometis. Democriti, inquit, sententia in mentem mihi venit, ut existimem Cometæ esse illustrium virorum mentes, quæ posteaquam innumerabilibus seculis vixerunt in terris, tandem obitura, (vide Politici stultitiam) ut omnia quæ oriuntur, occasum minantur, extremos peragunt triumphos, aut in cœlum stellatum quasi splendida sidera revocantur: ac propterea sequuntur fames, morbi populares, civilia bella: quasi civitates ac populi ducibus illis optimis & gubernatoribus, qui divinos furores placabant, defererentur. Noli irasci, ride mecum Lector hunc Philosophum Rabbinicum, & Peripateticum astringem,

Lib. 2.
Theat.

ARTICULUS III.

Nec Cometæ esse plurimum stellarum se in unum conglomerantium cœtus.

Veterum quidam, ut Anaxagoras, Zeno, Democritus, quos Aristoteles refellit, Cometæ multarum stellarum glomeramina esse contendebant; & in partem eos hodie Cysatus Ingolstadiensis Mathematicus, & Licetus Philosophus Patavinus sequuntur. Plurima enim sidera frequenti agmine per ætherem errare & palari, Medicæ circa Jovem, Borbonia circa Solem, satis evincunt.

Medicæ autem, quaterna novitia astra circumludentia Jovem, in Familiæ Medicæ decus, Galilæus Florentinus appellavit: maculas illas vagâ & errante eclipsi solem sublabentes, Regiæ Borboniorum genti, Joannes Tarde Gallus dedit. Hispani, quasi scientiæ siderali minimè dediti, & curarum ab illo Magno suo Alphonso longè diversi, nîbil dū pro suo Rege in cœlo repererunt. Insulas fortasse in Oceano malunt: & profectò, nemo, credo, paulò indigentior est, qui simplicem in bulga ducatum, quàm sidera centum in æthere volantiâ, habere non præferat.

Sed intra oleas: Astra igitur talia, inquit, errabunda quandoque in cœtum eundem & consortium incidunt, apparentque jam universa & conglobata, quæ singula & dispersa ob parvitatem latebant: ubi etiam contiguæ omnes & compressæ stellulæ istæ fuerint, Cometa calvus, imberbis, & simius erit: si verò malè cohæsa, & per intervalla radius solaris transitum inveniat, caudæ symmate aut barba insignis, vel aliter acerse comes & intonsus apparebit. Atque ita rem habere, duplici experimento confici certò, ut videtur, potest. Primò, quia Nicephorus lib. 12. cap. 37. Cometam quendam, ex plurimis stellulis circa unum grandiore, ut apes circa regem, confluentibus, coaluisse scribit. Deinde, ne hîc fortè tergiversemur, ecce ipse Cysatus, caput & nucleum Cometæ anni 1618. in plurimas stellulas & scintillas cœlestis lucis, quale cingulum Orionis, & Medicæ comites Jovis, discessisse, per tubum Opticum, diu & multis aliis testibus, aspexit: dubitatque an Anaxagoras & Nicephorus illum stellarū confluxum, Democritus digressum & dissolutionem simili etiam tubo olim non viderint. *Fuisse enim, inquit usum tubi Optici antiquis etiam Astronomis familiarem, testatur Liber vetustissimus, in Bibliotheca Monasterii Scheurensis, scriptus ante 400. annos: quo in Libro inter cetera schemata, etiam Astronomus per tubum Opticum in cælum intentum, sidera contemplanis visitur.*

Nihilominus Aristotelis olim, & Seneca hanc opinionem

onem acriter oppugnavit, duorum Cometarum (præter alia) exemplo; quorum unus ante bellum Achaicum solari disco æqualis, alter Attalo regnante, totum cælum, iustar Lactæ, ambitu suo cinxit : quantâ ergo stellularum istarum confluge, ad tantum orbem concinnandum, opus erit ? Si autem tot vagi greges per æthera palantur, singulis pænè momentis aliæ in alias incurrent, numerosumque comitatum facient : sicque frequentissimi, qui tamen tam rari, Cometæ erunt. Sico tamen reponi posse, Cometas illos ex elementaribus fortassis fuisse ; & posteriorem, sirmate suo & caudâ, non ipso corpore, cæli ambitum circumligasse. Verùm sine dubio est, ingentes etiam Cometarum orbis in cælis quandoque effulgere : neque tam levî declinatione vim & ictum hujus argumenti posse vitari. Sed quid ais, Seneca, de famoso illo, & omnium mortalium oculis custodito Cometâ, qui ortu suo Helicen & Burim merisit ? certè enim in duas stellas abiisse Ephorus commemorat. *Non magnâ molitione, inquit, detrahenda est auctoritas Ephoro ; Historicus est.* Lib 7. c. 16. *Quidam incredibilium relatu commendationem parant, & lectorem aliud acturum, si per quotidiana duceretur, miraculo excitant & deinde : Ephorus non religiosissima fidei, sæpè decipitur, sæpè decipit.* Siccine tamen per conculcatam boni fortassis viri auctoritatem transis ? retrahi certè potes, exemplo Cometæ prodromi mortis Agrippæ sub Augusto, quem Dion (nisi hîc iterum tamen Grecam fidem accuses) in faces (& quid, nisi stellas ?) discessisse scribit ; potes certiùs, oculorum Nicephori & Cysati fide.

Rationē tamen Senecæ contemnere non possum : nec istam Aristotelis ; quod non aliquando tantū, sed sēper oportere : Cometas cœlestes, in stellas spargi & dissipari. Hæc etiam me ab illa sententia valdè avertit ; quod videam Cometas ferè sēper totam plenitudinem intio statim habere, non sensim & particulatim incrementa attrahere : id tamen non fiat, si stellatim & minutatim tota moles coërit : ut enim duæ tresve primū apiculæ circa regem suum convolant, & aliæ deinde

plures pluresque conglomérantur, donec impleant totū globum : ita Cometæ multis diebus & mensibus (tardi enim ferè siderum proprii motus esse solent) magnitudinem suam colligent, Multi deinde parvi Cometarum globuli passim in toto æthere, & longè faciliùs quàm unus aliquis amplior, acervabuntur: quia proclivius erit, stellas sex aut septem hîc, decem aut duodecim ibi, quàm universas in numerosum unū gregem confluere. Adde, insolens esse, vera sidera iter in Septentrionem vel Austrum etiam usque ad polos, quod quidam Cometæ faciunt, intendere : & denique color ille rubidus & flammans, & in senio laridus etiam & nigrescens, satis significare videtur, non argenteo aut cœlesti stellarū lumine coivisse, quali albicat & lactescit galaxia; sed insinceriori alio, & in terrestribus veluti fumis laborante, & semi-suffocato. Scio tamen mihi reponendum : sidera quædam ibi intervolare maculosa, quorū concretio aliquid quodammodò ripuit terrenæ sordis ; quæque radium solis malignè bibant, & opacitate nimîa declinent in ruborem, aut pænè etiam in nigrorem insuscitant : tales enim tenebriones illi, & maculosi histriones, qui Pyrrhichien ducunt circa Solem.

Sed argumenta, quæ adversus illam Cometarum structuram attulimus, fallor, aut satis ostendunt conjecturæ hujus debilitatem. & deinde licet Planetæ omnes, Planetarumque satellites, in parte à Sole aversâ caligent; in adversa tamen egregiè, & luce magis digesta & amœniori, quàm vulgus Cometarum, splendant: quod in Jovis comitibus, & faculis macularum Solis (sic facies satellitum Solis illustres, & ad Principem suum respectantes, quas circa extremum ejus marginē molli laterum inclinatione ostendunt, jam vocamus) manifestè apparet : rident enim lætâ specie non lugubri & funestâ terrent.

Sed quid ego oculis Nicephori & Cysati facimus? an excutivisse, & collyrium damus? Non est opus. Ab illo incipiamus.

Nego igitur Cysato, Nicephorum vidisse per tubum, aut aliter Cometam illum examine parvarum stellularum

rum coivisse ; non quia cæcus, sed quia sine oculis & vitra, tunc fuit. Nicephorus enim iste trecentis vix annis à temporibus nostris abest, Cometa mille ferè & trecentis: igitur hic mille propemodum annis illo senior fuit. Nā circa annum Christi 390. & tempora cædis illius famossæ Thessalonicensium, sub Theodosio Imp. exortum scribit; Scriptor verò ipse vix est, ut annum Christi 1300. dudum antecesserit, ut ex Epistola Historiæ dedicatoria liquet. Ab alio ergo, fortasse etiam simili, Græculo, & fluxæ fidei (vidi enim Annales Cardinalis Baronii, & neminem, per totam Tomorum seriem, sæpius vapulantem Nicephoro) Cometæ illius Theodosiani historiam accepit.

Sed demus esse veram : recuso tamen, scintillas illas quæ Cometam majorem circumfluxerunt, sidera fuisse : quod patet vel ex solo motu, qui perturbatus & inconditus fuit, non compositus & cœlestis, nam undique, ut testatur, ad Cometam advolabant, ut apes ad suum ducem. Unde in Aristotelis favorem obedientius Cometa iste trahi potest, quàm Democriti & Cysati : flammulæ enim elementares, & veluti fatui ignes, aut exhalationes solâ luce perfusæ, fuisse videntur. Quod verò fortasse etiam dioptrico tubo usum Democriti & Nicephorum addubitat Cysatus : ne faciat : nam id non silerent, & res ista plus famæ habuisset, si olim passim cognita eruditis. Potest tamen (& ita etiam sentio) ut fuerit duobus attributus ; quod ex lib. Portæ ferè constat, et nuper in Hannonia, inter veterem cujusdam Castellii supellectilē, dioptricus tubus repertus narratur, æruginosus & multæ antiquitatis. Hollandum tamen, aut Genium Hollandi specie (fratrem tamen suum Jacobum Metium fuisse, contendit Adrianus Metius, Franekerensis Mathematicus) qui à Joanne Lippersein, Middelburgensi opifice, cavum & convexum specillum fieri curaverat, repertorē scribit Hieronymus Sirturus, anno 1609. Opifex autem, cum vidisset Hollandum adducentem & reducentem ab oculo vitra, ut inveniret punctum concursus, statim pro se similia concinnavit : & primo pulcherrimæ artis ex-

perimento obstupefactus, & vitra tubo condēda suspica-
tus, munus hoc Principi Mauritio defert. *Inde tanta rei*
novitas, inquit Sirturus, per totū effunditur Orbem: &
plura alia finguntur Specilla, sed nullum contigit melius
Part. 2 c. 1. *& aptius priore (ego vidi & tractavi) adeo ut dicas non*
Telesc. *artes solum sed ipsam Naturam omnia conferre, ut mag-*
nis Principibus inserviant.

Verūm, quid jam Eruditiss. Cysati Telescopio respon-
demus? Nolim planè offundere caligines. Nec do tamen
etiam, congeriem Planetarum vidisse: licet fortasse quos-
dam cœlestis exhalationis radiantes nodos, solutiles, &
in ceteri ætheris raritatem postea dissolutos: de quibus
plura statim Articulo VI.

ARTICULUS IV.

*Non omnium cœlestium Cometarum materiam,
esse terrestres halitus.*

Affirmant tamen Rothmannus, Galilæus, Guiduccius,
& quidam alii. Probant, quia *καταρρέματα* & exha-
lationes videmus sæpè altā & concubiā nocte, à Sole
profundissimè infra horizon: ē demerso illustrari: igitur
in altissimo æthere, supra umbræ terræ conum, aut circa
latera, prope verticem pendent. lumen enim non rape-
rent, si caderent intra umbram: si verò halitus terreni in
cœlum usque scandunt, cur non hinc omnium Cometa-
rum materiam sumimus? Et nocturnos illos splendores
extra noctem & umbram esse, hoc etiam indicio conje-
ctamus: quia æstate præsertim se ostentant, & in Septen-
trione: cum scilicet Sol versatur in Signis Borealibus, &
umbra terræ in Austrum declinat, & majus ætheris spa-
tium versus Septentrionem, denudat, datque sub radii
solaris ictum. Deinde. nos ante terræ halitus ad Lunæ
regionem admisimus, cur non (si etiam atque etiam ra-
rescant) altius, & in planetarum superiorum circos
evēhimus? nullum enim in orbibus eccentricis obstacu-
lum esse potest, quos ante liquecere fluereque jussimus.

Aut

Aut certè si à propria raritate & levitate eò usque eniti non valent, dicamus, cum Rothmanno, humeris Angelorum subvehi, ad terrorem mortalium, & ostentum.

Verùm id non satis philosophum est: & Deus causis magis naturalibus uti amat, etiam ubi homines ad reverentiam sui, aut scelerum poenitudinem permovere talibus portentosis effectibus solet. Quod tamen me à sententia Galilæi valdè abstinere, est novorum astrorum in altissimo æther & sub ipso Firmamenti fornice generatio, videntur enim cælestes Cometæ ex eadem, aut proximè affini materiâ esse, astra verò illa, vix attrahi possum ut credam, concinnata ex halitu elementari, nam ex citatissimus ille, & argenteâ radiorum comâ lasciviens, sideris Cassiopæani fulgor, clamat se in materia nobiliori, & à se fortasse lucidâ & radiante, flagrare. Ut enim exhalatio terrestris ad Firmamentum, aut orbitam Saturni ascendat, infinitum penè rarefcere oportet: unde si lumine perfundatur, non tam acriter id reflectet, quàm nubes: albicans in media aëris regione. Si dicas, halitum accensum esse, & flammæ suas vibrare. non tamen sic evadis: quia ignem illum sine fine rariorem esse altero, qui Lunam allambit, necesse erit, & proinde non satis conspicuum: quanto minùs, tam petulanter flammigantem? quæ terrestrium exhalationum etiam supplementa sufficere potuerunt, ad ignem toties Orbis terræ ampliorem, anno toto & triente, alendum? Si namque quævis stella primæ magnitudinis centies amplius, terra & aquæ globum mole superet, quid dices de novâ illâ Cassiopææ, quæ amplitudine omnes primæ magnitudinis longè vicit? Stet ergo fixum, aliam materiam querendam pro astris novitiis, quàm elementarem.

Igitur & hæc Cometis cælestibus, præsertim illis excellentissimis, & amceniori ac Venericâ aut Joviali luce fulgentibus idonea, maximèque probabilis erit. Video negari posse, nova sidera reverà nova, sed vetera esse, quæ aliquando in conspectum se demittunt, & deinde reciprocant ac refugiunt in altum. Sed ratio, cur antè negavimus Cometas id facere, etiâ in astris novis hoc refellit Paulatim.

Paulatim enim discessu isto incrementa sumerent, nec sic colorem mutarent, ut in mortem palleſcere, infuſcari, & ſatis manifeſtè exſpirare appareret. quod tamen in Caſſiopæano factum, Gemma notavit.

In Cometa let, & abjiciat Wellebrordus Snellius, *Fingamus*, inquit, anni 1618. *universam hanc æris regionem, quæ undique circa hunc* cap. 6. *terra globum* (ad 52. Italicorum, ſeu 13. Germanicorum

milliarium altitudinem) *circumfunditur, totam, inquam, illam atmosphæram* (id eſt, vaporum ſive halituum terræ exſpirantium ſphæram) *in unam aliquam ſphæram contrahi & conglobari, ea tamen Cometæ corpus nequaquam ſuâ mole exæquabit.* Computat enim globi terreni diametrum triplam eſſe, ad diametrum globi qui ex toto illo ære trium regionum, ſine rarefactione ullâ aut condensatione, compingeretur, & proinde globum terræ ad ærium, proportionem habere, qualem 27 $\frac{1}{2}$ ad 1. Multi autem Cometæ propiùs accedunt ad terræ magnitudinem, præſertim excelsiſſimi illi qui circa orbitam Martis aut Jovis ſuſpiciuntur. Cauda etiam Cometæ 1518. cùm longitudo 50. graduum, & latitudo trium aut quatuor fuit, ſi rotundetur in globum, aliquoties millies terræ ſphæram vincet: quàm ergo improbabile, imò inſanum, imputare tantam molem terræ exhalationibus. Hi Erudiſſi. Snelli clamores, fateor, me non nihil feriunt; ſed non perinde, ac ratio prior, deducta eſt novis aſtris. Facile enim contra reclamet Galilæus: non opus eſſe, ut exhalationem in globum unum contrahas, ſed poſſe complanari, ut nubes; ſicque viſibilem diametrum multò longiùs, quàm ſi exhalatio ſphærica forte, extendi. Deinde halitus ſub eâdem denſitate, quam in ſua atmosphæra obtinent, ad ſidera non aſcendunt, ſed largiter expandi & rareſcere debent. unde Cometæ inter Planetas verſantes, cū amplitudine exhalationum circa terram hærentiû & quidem in unum globum reſtriſtarum, malè comparat. Si namque tota atmosphæra in illam raritatem, quam halitus in æthere ſummo pendulus habet, diffunderetur, ſine comparatione amplior,

amplior, quàm nunc, esset; & si in vias Planetarum scanneret, maximæ cœli parti subtenderetur, non tantùm parvæ stellæ aut Cometæ imaginem ostenderet. Caudæ deinde molis de halitibus concinnatam negabit, sed radiorum solarium fascem per caput Cometæ trajectum licet.

Ad rationem & experientiam Rothmanni & Galilæi, nego, splendores illos intempestâ nocte, circa horizontem Septentrionalē, subito relucens, in halitibus terrestribus, qui in vias Planetarum ascenderint, plerumque hære: sed vel in cælestibus, quos fortè expirant Planetæ; vel esse trabes aut stipulas longè infra Lunam ardentes, vel astrorum nocturnorum lumen in vaporibus densioribus incorporatum. Ita enim aër Ponti, Aristotele teste, quia suâ crassitie nocturnum stellarum splendorem combibit, auroram æmulatur. Vel denique (quod super omnia probo) radius Solis vaporibus infra horizontē condito insertus, in vaporem alium aut exhalationem nobis conspicuam; intra umbram terræ refringitur. Maximæ enim & insolentes circa horizontis limbum refractiones aliquando eveniunt. Sic Hollandi anno 1596. cum circa Zemblam novam, & ultimam Thulen, in perpetua mediæ frigiditatis anni nocte, navigarent, Solem 17. totis diebus, ante legitimum, quo supra horizontē emergere debuerat, tempus, conspexerunt. consulti verbò doctissimi quique Mathematici, in multitudinem & crassamentum vaporum illarum regionum, imaginem Solis refringentium rerulerunt. Rothmanus etiam ipse, Epistolâ ad Tycho-nem, scribit se Venerem quondam, toto panē horæ quadrante, vidisse quasi stationariam, nec motu primi mobilis se promoventem. duobus etiam gradibus supra horizontem apparuisse elevatam, cum exacto calculo, todidem esset infra. quod sine dubio refractionis opus fuit. unde dissoluto aut abactō vapore, dicit momento imaginem ejus infra horizontem suppressam evanuisse.

Ad alterum, dico, ascensum terrenorum fumorum ad Lunæ orbitam, imò altiùs, si fortè supra ætherē rareseat, utcumque

utcumque tolerari posse; sed nego, ad omnium Cometa-
rum cælestium, præsertim altissimorum illorum, & sic ra-
diantium, materiam eos sufficere. De minutis autem
quibusdam, fuscis aut pallidis, nec longè excelsioribus
lunari semitâ, nolim pertinaciter pugnare.

ARTICULUS V.

*Neque cælestium Cometarum materiam, esse partem fluidi
ætheris in nodum contractam & addensatam*

ERuditissimus Licetus, infinitis pænè sententiis labori-
osè & doctè refutatis, tandè in illam Tychonis, aut
in partem ejus, discedit, quæ mihi etiam, septimo abhinc
retrò anno, lib. de Cometâ anni 1618. ferè allubesce-
bat, nunc satis displicet. Volunt, partem ætheris flui-
dam & raram, in nodum densiorem alligari, qui radio so-
lari trajectus barbam promittat, aut trahat caudam. Pro-
bari potest: quia ut aër apud nos ita quandoque densa-
tur, ut lumen solis sorbeat & coloretur, cur non etiam
vertex & nodus fluxæ illius substantiæ, in qua Planetæ
circumgyrantur? Si quæras de causâ condensante; re-
spondi anno illo 1618. esse frigus: nullam quippe aliam
promptiorem videbam. Rejicit tamen id Licetus, quia
nullum inter sidera potest esse frigus, cùm omne â teri â
& aqua proveniat.

Duplicem ergo aliam causam excogitavit. Prima est,
motus Planetarum, qui rapidissimâ vertigine ab Angelis
rotati, æthera ante se propulsum densant, ut aves, inquit,
volantes, aërem; & naves velificantes, undam. Altera
est, natura & forma substantialis ætheris, quæ materiam
suam radiis solaribus rarefactam, ad densitatem, ubi po-
test, reducit. apperit enim, ut putat, æther densitatem, &
impetu naturæ in eam se contrahit, ubi radiis siderum
se extricare contigerit.

Sed utraque hæc causa non magno opere videtur posse
refelli. Prima, quia motus localis rei duræ per medium
fluidum volantis, non potest ita condensare; ut de causa
motûs

mo ūs projectorum, adversus Dandinum, & alios alibi ostendemus. avis enim aërem propellens, non valet ita addensare, ut ille qui per syringem in folle lusorio eum constipat & intendit; quia habet quod diffugiat, & se recipiat, sine insigni suâ vel aliterius condensatione. nam unus loco pulsus, alium deinde submover, & hic etiam alium catenatim. Ne tamē minimo impulsu totum Elementum aëris vacillare oporteat, aliqua in singulis paribus accidit condensatio; sed tam tenuis & dispersa, ut in unaquaque sit insensibilis. Similiter navis potius in spumas rarefacit, quam vel ferē hilum condenset aquam. hanc enim condensationi valdē contumacem esse, patet, quod ne frigore quidem intensissimo & durissimē glaciante, vix ac ne vix contractior fiat; cū glacies neque densior, neque gravior aquâ fluente sit, cui innatat. Scio tamen, quid Licetus lib. 2. cap. 14. doceat. rem videlicet aliquam densiorem non esse graviorem seipsâ rarefactâ; affertque exemplum in metallis quæ liquata tantundem ponderis, quantum dura & consistentia, habent. Verū mollities largiter à raritate, & durities à densitate distinguenda est, plumbum igitur liquefactum mollius, non rarius, est consistenti: ideoque nullum reperire est in pondere discrimen. Non esse rarius, liquet, vel ex forma illa, quâ infuso plumbo fiunt glandes jaculatoriæ: quæ enim liquato impleta, eadem plenissima manet, ubi induruit à refrigeratione. signum igitur est, frigore intra formam non contrahi & addensari. Deinde licet daremus Liceto, ætherem, Planetarum trajaçione, colligi in nodos & densari; densitas tamen ista non esset tam pertinax, ut aliquot menses edurare posset, & quandiu vivunt Comete. aër enim hic motu condensatus, statim, ubi solido nullo stringitur & tenetur, in raritatem suam resilit. Sed fortasse hanc primam causam à se imbecillem, secunda juvabit Non facit tamen. Si enim ab intrinseco & naturæ impetu æther ad densitatem redit, & in ea, quantum valet, se firmat & continet: ergo circa Mundi polos, ubi radius solaris invalidus concretionem impedire non potest, perpetua nubes, &

Cometa

Cometa circulo Arctico æqualis apparebit.

Secundò, singulis noctibus æther nobis impendens ad densitatem suam redibit: quia Sol longissimè abest; imò, ut alibi affirmat Licetus, extremus radiorum ejus mucro ad oppositam eclipticæ semitam non pertingit. alia autem sidera sæpe non tantum habent lucis, ut dissolvere ætherem possint, & distinere ne condensatione se recolligat. Hoc quippe solum accidere potest in plurimorum astrorum cœtu, & magnis Planetarū conjunctionibus, quod significat etiam ipse Licetus, nam ideo magnis conjunctionibus Cometas plerumque enasci docet; quia æther aliquot Planetarū in unum conspirantibus radiis fusus & rarefactus, cœtu dissoluto acrius se densat, & in Comeram alligat; ut aqua post calefactionem facilius & durius in glaciem rigeseit.

Tertiò, non capio, quomodo radii siderum substantiam ætheris rarefaciant, si æther (quod credit Licetus) est incapax caloris. Nam, quidquid dicat, radius proximè non videtur efficiens raritatis; sed calorem producit, qui deinde subjectum suum disrarat & fundit. ideo enim glacies, pellucens & plena solaris luminis, nō statim, sed pedetentim, calore increcente tabescit. Igitur nihil dum, quod stringat ætherem in Cometas, video, præter frigus illud à me disputatum anno 1618, nisi Angeli condensantis manum implores, aut ad occultam, quæ sine frigore condenseret, influentiam fugias, teque in hoc ignorantie asylo abscondas.

Cur tamen etiam frigore & condensatione ætheris fieri Cometas, minus jam placeat, hoc est: Quia quidquid addensatur, in eodem medio succumbit, & descendit profundius. Cometæ ergo, increbrescente paulatim condensatione, molliter subsiderent, cum tamen contrā sit, & primo ortu demissimi sint, & deinde perpetuò in altum scandant.

Deinde stellæ, si quæ sint, frigorificæ, ætherem è regione Soli oppositum semper conducent & densabunt; quia Sol ob eo longissimè abest, & satis diu. movetur enim illa ætheris pars ab Ortum in Occasum ex adverso Solis,

Solis, donec hic se illi admoveat, proprio & tardo regressu, ab Occasu in Ortum.

Adde, promptius in umbris Planerarum, quos altrinsecus Sol illucet, & circa senem & frigidum Saturnum, ac præsertim acronyctum & Soli oppositum: exorituos sic Cometas. quæ omnia experientia refellit.

ARTICVLVS VI.

*Cometarum caelestium materiam è sideribus
fortè exhalari.*

Quid enim aliud jam eligam? ceterum nihil mihi reliquum feci. Scio tamen hîc mihi clamores paratos ab iis præsertim qui cælestia corrumpi, clementa aut decrementa sumere, negant. sed per Deum immortalem, probabilius aliud nobis reponant, & beabunt. ego enim jam Cometas in maximis & abditissimis Naturæ miraculis pono.

Inter autem varias meas conjecturas in Libello Cometæ anni 1618. una erat, halitus fortasse quosdam, vi præsertim Solis, Planetarû corporibus exspirari (quod Copernicanis videram non omnino displicere) & inde materiam esse cælestibus Cometis. Ipsa enim similitudo materiæ talis cû exhalationibus terrestribus, quibus formantur Cometæ sublunares, colorè aliquem veritatis statim facit. Secutus deinde nuper Camillus Gloriosus, qui cap. 4. lib. 5. de Cometis, egregiè hanc opinionem confirmat; nisi quòd Solem, cum Snellio, se in illos macularum fumos putat nocte dièque expirare. cû enim astra ista Borbonia, sive maculæ, latissimæ & numerosæ sint, si Solis visceribus eructentur; metuo profectò ne brevi se evisceret, & totus erogetur. Solem itaque inter Planetas, ab hac exspirandi lege excipio. quia magis immortalis hæc publica Mundi lampas esse debuit; ne eâ extinctâ, esset sine lumine.

Itaque, ut perveniam quò tendo, hoc præstruendum, & in eam sententiâ abundum, quæ cælos & sidera è materiâ

teriâ sublunari, compingit, ut coriûpi aut decrefcere, generari aut accrefcere, quandoque valeant. Nec difficilis veniæ futurus hîc eft nofter Aristoteles, qui lib. 2. cap. 5. de Cœlo, ait, *Ταῖς μὲν ἀκείβεσέρας ἀναγκαίς ὅταντις ἐπιτύχη, τὸ τε χεῖν ἔχειν δεῖ τοῖς εὐ εἰσκασι.* Si quis certiores neceffitates affecutus fuerit, gratias agere oportet invenientibus. & cap. 3. fe excufat, quod πρόρρωθεν, ἔχ' ἔτ' ὠτόπῳ πολὺ δὲ μᾶλλον τῶ τ' συμβεβηκότων αὐτοῖς πέει. πᾶμπαν ὀλίγω ἤχδιν αἰδῶσιν, *eminus, nō ut ipfo loco: multo verò magis, eo quod eorum, quæ cœlis accidunt, per paucorum sensum habeamus, incertam & vacillantem cælestium inquisitionem faciat.* Non vult igitur hîc in sua verba pertinaciter jurari, paratus etiâ ipse melioribus acquiscere. Nos vero Christiani, quid proprius rectiorem Sacrarum Literarum interpretationem accedat, curiose circumspiciere, quam in unum Aristotelēm oculum defixum tenere, debemus. Et quidem plurimī Genfis Interpretes, ac inter eos, Beda, S. Hyeronimus, S. Cyrilus, S. Clemens lib. 2. Recognitionum, existimant, initio Mundi, totum spatium inter terram & Em-pyrum, implem fuisse aquis, & partem earum duratam in Firmamentum, sidera, & orbes, si qui alii, cælestes. Unde Vir longè Euditiffimus, Ludovicus Molina, in Opere 6. dierum, disput. 5. *Ex Scriptura Sacra apertè colligi arbitramur, inquit, materiam cœlorum (si Em-pyreum excipias : de quo contrarium probabiliter defendi posset) convenire in specie cum materia rerum sublunari-um.* docetque etiam concretos ex aqua. Serrarius in 2. Petri 3. contendit, adversus Franciscum Suarez, cœlos fidereos extremo die solvandos: nec esse cur Scripturam non tam propriè accipiamus, nisi anticipatam tantum Aristotelicarum quarundam, quæ facile solvi possunt, rationum opinionem. & Doctiff. noster (sic conterraneum appello) Cornelius á Lapide, in cap. 1. Genesis, ostendit Sacræ Scripturæ esse magis conformem. Hoc statuto, cum materia siderum, jam qualitatium elementarium sit capax, cur adversus eorum expirationes, tam contumaces sumus? Certe dum cogito, omnes Planetas corpora

corpora opaca, & in parte à Sole averſa terræ ſimillima eſſe, dum montes, & valles, toriugesque cæſuras, verrucas, & tubercula in Luna, per Arundinem noſtram aſpicio, minùs mirari eos incipio, qui cæleſtem quamdam terram eſſe dixerunt: & quidni etiam addam, ſumare iſtam radio ſolari, & in vicinum ætherem ſe expirare?

Verùm aliqua ſunt, quæ me non leviter conturbant. Primò, cur non jam tot annis cernimus figuram ſiderum depravatam, & molem decreviſſe, continuâ illâ expiratione? Deinde, mollia ſic, non dura & adamantina eſſe oportebit; aliàs enim non carperentur actione Solis. ſed cur ergo non diſſiliunt tam rapido circa Mundum rotatu? Tertiò venti & pluviz etiam ex eâdem materiâ, in Orbe illo ſidereo naſcentur: quod inviſum, inauditum, incredendum. Hæc, ut verum fatear, me acriter urunt.

De primo tamen Clariff. Virum, Thomam Fienum, in eruditiffimo Cometâ anni 1618. audiamus. Poſſunt, inquit, *maxima generationes & corruptiones, maximaq; permutationes in cælo fieri, etiamſi à nobis non conſpiciantur, hoc viſus noſtri debilitas, & immenſa cæli diſtancia faciunt. nec magis permutationes aut generationes ullas in hoc Mundo inferiore videremus, ſi in cælo Luna eſſemus conſtituti (in quo tamen nunc, propter viciniam & propinquitatem, admirabiles quotidie fieri animadvertimus) quàm modo videmus in cælo.*

Et Ampliff. ac Clar. Vir Erycius Puteanus in elegantiffimo & bello de eodem Cometâ Libello: *Homines & bruta, arbores & ſtripes; urbes & ades oriuntur & pereunt; imò, ut pereant. Sed quantilla hæc, ſi tanquam membra Orbis cenſeantur? Manent interim regiones & maria, montes, & flumina, paſſimque, tamquam non mutetur, moles hæret. In cælo quidni ad eundem modum varietas ludat? cogita minuta multa, & panè infinita, partim generari, partim corrumpi quotidie; ſed humanis oculis nequaquam comprehendì. Minuta? imò, & magna quædam, rariùs tamen, quia magna ſunt. Quid igitur? non idè*

aut *cælum* esse *cælum* definit, aut *astra*, *astra*. Omnino licet mutetur terra, *Mundus* tamen, *Mundus* est: *Mundi* enim pars quædam à Deo constituta. Sic mutetur *cælum*, permanere tamē *Mundus* potest: pars enim *Mundi* & *cælum* est. Breviter ergo, *Planetarum* orbes detrimentum, aut mutilationē aliquā pati possunt, & patiuntur, etiam si ex tanto intervallo id oculis non sentiamus.

Ad alterū, assero *Planetas* corpora dura, sed non adeo, ut nihil inde radius *Solis* carpere valeat, aut exsurgere, & lapides enim hīc ac metalla detrectantur, & aliquid abjiciunt de pondere, si diu insolentur. nec tamen *Planetas* duritiei tam contumacis existimo. Neque mirum, raptu illo non dissilire; quia ne *Cometæ* quidem tam rari & fungosi dissolvuntur. imò spumarum globos, incolumes portari ac defluere videmus, secundo & satis rapido flumine, nec nisi serò dispergi. Ratio igitur est, quia *Planetæ*, *Cometæ*, & æther vehens, fluunt in eandem *Mundi* partem, ab Ortu scilicet in Occasum. de motu altero, *Planetis* & *Cometis* proprio, dicemus, quod satis erit, postea.

De tercio, negare malim pluvias umquam è halitibus *Planetarum* ibi concrescere; nisi cum *Keplero*, & quibusdam aliis, affirmares, in *Luna* ingentia, que vaporari possint, maria esse. Verūm fumos tantū n̄ sicciore, non insigniter ad pluviam humidos, extrahi autumo: quia *Planetæ* sicci & rigentes sunt, non humentes & fluxi. Sed an in ventos possint halitus eorum relabi? Dico, in regione illā tot fiderum luminibus fervidā, difficulter fortasse ita posse frigore densari, ut magno, & in flatum valente impetu, queant defluere. Itaque sæpius erit, ut mollior residant, quā precipites & torrentes devolvantur. Verūm, quò tunc recidunt? ad terrāne, an ad *Planetam* suum singuli, unde extrañi sunt? Si hoc postremum fiat, hoc commodum nati erimus. quod habeamus, unde sarcire detrimentum, quod passi fuerant *Planetæ* per illā expirationē. ut enim terra se reparat per vapores & exhalationes, quæ in eam relabuntur; ita *Planetæ* faciant. Sed tot centra gravitatis, quot *Planetæ*, sic statuenda erunt;

erunt; ut ejusque scilicet undique partes in suum; non in alienum nitantur. quâ ratione longè promptius fuerit intelligere, quomodo ingenia illa corpora naturali libramento, in summo illo æthere dependeant sine lapsu. In quo sensu, aut prope, magnum Copernicum jam video. Equidem existimo, ait lib. I. cap. 9. Revolut gravitatem non aliud esse, quàm appetentiam quamdam naturalem partibus inditam à divina providentia Opificis universorum, ut in unitatem integritatemque suam sese conferant, in formam globi coeuntes: quam affectionem credibile est etiam Soli, Lunæ, cæterisque errantium fulgoribus inesse: ut ejus efficaciam, in eâ, quâ se repræsentant, rotunditate permaneant; qua nihilominus multis modis suos efficiunt circuitus.

Vel si pertinaciter contendis, siderum gravitatem ejusdem esse rationis cum elementariis omniâque in terram niti; do tibi, sidereas quandoque exhalationes eousque defluere, donec ætherem aut aërem se graviorem inveniant: quomodo validè satis rejicies?

Historiæ etiam quædam in cælestium exhalationum probationem attrahuntur.

Septem continuis noctibus post cæsum in Curia Dictatorem Cæsarem, resplenduit Cometes, & circa totum illum annum Sol lugubri & pallidâ facie semper fuit: adeo ut malignâ, nec satis calorificâ luce, vix ullos terræ fructus perducere valuerit ad maturitatem, ut in Cæsare scribit Plutarchus & Poëta Princeps:

Sol tibi signa dabit. Solem quis dicere falsum

Audeat ille etiam cacos instare tumultus

Sapè monet, fraudemque & operta tumescere bella.

Ille etiam extincto miseratus Casare Romam,

Cum caput obscurâ nitidum ferrugine textit,

Impiâque aternam timuerunt secula noctem.

& lib. I 5. Metamorph. ille ingeniosus, de eadem cæde

Arma, ferunt, inter nigras crepitantia nubes,

Terribilesque tubas, auditâque cornua cælo,

Pramnuisse nefas. Solis quoque tristis imago,

Lurida sollicitis præbebat lumina terris.

Georg.

lib. I.

Anno etiam Christiano 1547. quatruiduo, à 24. ad 28. Aprilis, Sol ubique, mœstâ & ferrugineâ specie illuxit, ut narrat Keplerus. quod, ut jam in mentem venit, Galli trahere possint in funestum Apollini (in quo Poëtæ Solem intelligunt) & omnibus Literatis, fatum Francisci primi, qui pridie Kal. Aprilis eodem anno, in Arce Rambuleranâ excessit.

Hebetatio autem ista radiorum Solis, per totam Europam, & latius fortasse visa, videtur in altissimos, & Soli propè admotos, halitus rejicienda. qui enim infra Lunam eum subtexunt, nisi immensam latitudinem occupent, non possunt, propter aspectûs diversitatem, in toto uno hemisphærio se illi obtendere. Video tamen hîc maculas solares, sive astra Borbonia, culpari posse, quæ insolenti concursu & multitudine se Soli objecerint. Aliquâdo enim 30. simul visuntur: quidni potest, ut (licet eventu raro) etiam 50. aut plures? Nec statim etiam transvolant; sed quædam decimo, quædam undecimo, aliæ duodecimo, aut decimo tertio die diametrum Solis trajiciunt.

Sed antequam discedam, non dissimulabo quid etiam me habet sollicitum. Dixi initio, Solem veriùs nil exhalare, aut certè minimum. quomodo autem, cùm materia ejus caloris capax sit, & in tanta abundantia affluentissimæ lucis, oporteat etiam esse ferventissimum? si verbò sic ardet, cur non etiam se in ætherem exspirat? Dic tamen, aut habere temperiem calori repugnantem, aut si calet, duritiem tam obstinatâ esse, ut nil sinat detrectari. Nec id in coelo mirum. Audi Plinium de terreno adamante. *Invieta vis (adamantis) violentissime natura rerum, ferri ignisque contemptrix, hircino rumpitur sanguine.* De ferro tamen negat rei geminariæ peritissimus Scriptor, Anselmus Boëtius Belga. quippe malleo frangi affirmat: sed ignis tamen injurias ita perferre, ut vividior & præstantior, nil diminuto pondere, eximatur. Item, ex amianto lapide molli & friabili texuntur mappe ignibus inviolabiles. olîmque Regum inde tunicæ funebres fiebant, ut cremata cadavera à rogi cinere separarentur.

pararentur. *Ardentes in focis conviviorum ex eo vidimus mappas, inquit Plinius, sordibus exustis splendescentes igni magis, quam possent aquis. vidit & Baptista Porta Venetiis Quidni ergo simili corpore, & minùs etiam ignibus obnoxio, Universi illa lampas esse possit; varinquam, illud admirabile, opus Excelsi?*

Eccles. 43.

ARTICVLUS VII.

*Quomodo è halitibus caelestibus concinnandi
atherei Cometa.*

HOc est quod palleo, quòd quis non prandeat, hoc est. *Pers.*
Hres enī perplexissima, & omnem ferè conatum eludit. sed cūm aciem undique verso, nil probabilius video, quàm si Cometæ caelestes generatione minimum à sublunariis distent. Ascendunt igitur propriâ levitate per vastissima illa ætheris spatia halitus Planetarii, & in lucidam nubem cœunt, quem vocamus Cometam. Rarissimi ergo sunt, cūm tam altè, & ad fornicem ipsum Firmamenti quandoque, erugiant. quid tum? videri tamen, & reflectere lucem possunt; quia cum opacitatis aliquâ mixturâ sunt. Innumeræ ergo halituum istorum superficies, per longam & multorum millinrium profunditatem, sibi invicem ultrò citròque lumen reddentes, & sic multiplicatum deorsum rejicientes, speciem illam stellæ flagrantis, aut coruscantis faciunt. Ingentis enim latitudinis & profunditatis nubes a nimo deformanda est, per quam radius solaris hac illâc errabundus, & cum modicâ saltem ubique reflexione se contorquens, tandem in caudam aut barbam plerumque evadit: ita tamen, ut in profunditate tantâ, sat lucis amittat & relinquat, ut ipsa se eo tingat, & reflectat ad speciem. Cur igitur non magis frequentantur, inquires, Cometæ, cūm verosimile sit, ætherias ibi nubes, ut aërias circa nos & terrâ, toto anno pendere? Negare tamen id possum. quia terrâ & aquâ molliores sunt, ideóque Soli halitum evocanti magis obediunt, quàm sidera, duri & contumacis

habitu. Deinde exhalationem amplissimam esse necesse est, ut hinc à nobis tam dissitis conspiciatur, quod æstimare ex superioribus Planetis licet, qui terrâ majores, tam angustos tamen in speciem orbiculos explicant. Itaque si in sphaeris Planetarum degeremus, plurima forte cælestium nebularum vellera, toto æthere passim dispersa videremus, quorum jam species evanescit nimia spatii intercapedine.

Sed quid de novitiis fixis, & Firmamento velut inhaerentibus sideribus censemus? in genere Cometarum, an seorsim ea habemus? Plenius id in Libris de Cælo arbitrabitur. Obiter jam dico, è materia cælestium Cometarum videri. Ratio est, quia carpuntur, relanguescunt, & finiuntur, ut Cometæ. Fiunt ergo, cum halitus extra omnem parallaxin, ad Saturnum & ultra ascendit, ut jam appareat à solo primo Mobili, sine alio proprio motu, rapi. Ita verò fulget, quia materia cælestis avidè lucem bibit, & sidera fixa è propinquo cerratim in eam radios conjiciunt. sæpius etiam in galaxia, aut juxta, visuntur; quia infinitæ ibi Sporades, quæ confusis radiis viam illam lacte inalbant, suâ etiam aspergine ubertim halitum inebriant. Scintillant autem, & ardere videntur, ab eadem causâ, quâ fixæ, propter distantiam, & alia, quæ alibi enarrabuntur. Dubito etiam, an ex ipsis fixis, nihil ad novarum materiam exhaletur.

Non est etiam perpetuum, novas fixas Lactæ adseri. Nam Simon Marius anno 1612. unam in cingulo Andromedæ, Justus Pyrgius Langravii Hassiæ Automatopeus, alteram in Antinoo, Keplerus anno 1602. aliam in Pisce, David Fabricius anno 1596. in Ceto, sat procul à galaxiâ, nisi caligo aut lippitudines eos sefellerint, sunt conspicati.

CAPUT III.

De causâ formali, efficiente, finali Cometarum.

HÆc universa breviter, & in fasce dici possunt. Forma Cometæ tam caelestis, quàm sublunaris, est figura stellaris, & lumen. hæc enim universim fundant similitudinem Cometæ, mobilis, sive immobilis, comantis, sive calvi, cum vero sidere. Species deinde singulæ Cometarum, aliquod aliud accidens, ut motum, aut quietem; vel etiam partem integrantem, ut comam, candam, barbam adjiciunt. Figura autem capitis, licet è longinquo sphaerica appareat, quia distantia inæqualitates supprimit, & rotundat (quadratum enim, aut triangulare, & omne angulosum, imaginem rotundi procul ostendit) sæpius tamen reverâ non est talis.

Causa efficiens proxima, est Sol, aut aliud astrum quod radio suo materiam Cometæ trajicit & colorat. Causa verò sitûs, quem in aëre sive æthere habet, est imperus qui halitum in altum abstulit, & in figuram talem concinnavit. impetus verò iste est à levitate spiritus: ut statim, cum de motu Cometæ proprio, dicemus. Finis Cometarum sublunarium, est purgatio aëris à noxiis exhalationibus; omnium verò, comminatio divinæ manûs & flagelli imminentis. Quæri tamen potest, & meretur.

ARTICULUS UNICUS.

An Comete aliquid presagiant, & quomodo?

Nihil vulgo magis persuasum est, quàm Cometas malorum prænuntios esse.

Οὐδὲὶς κομήτης, ὅστις ἔ κακὸν φέρει,

Nullus Cometes, qui malum nullum ferat,

canebant illi Antiqui, Plinius lib. 2. cap. 25. Cometes ter-

Georg. 1.

rificum magnâ ex parte sidus, ac non leviter piatum: ut civili motu, Octavio Consule, iterumque Pompeii & Cæsaris bella. deinde ante pugnam Philippensem, post cæsum Cæsarem, Virgilius:

*Non aliàs cælo ceciderunt plura sereno
Fulgura, nec dirî toties arsere Crmeta.*

Silius lib. 8.

— non unus crine corusco

Manil.

Claud;

Regnorum everfor, rubuit lethale Cometes.

Nunquam futilibus excaudit ignibus ather.

Et nunquam cælo spectatum impunè Cometam.

Annal. 14.

In Nerone
cap. 36.

Tria autem publicè illa mala, bellum, famen, pestem, & privatim Principum mortem prælagire existimatur. Unde cum sub Nerone Cometes effulisset, vulgus passim, inquit Tacitus, quasi eo jam depulso, quisnam diligeretur inquirebat. sed cum multi toto ejus Principatu exorirentur, ut cladem à capite suo depelleret, sanguine illustri solitus erat expiare: doctus id à Babilo Astrologo, ut narrat Suetonius. Infinitum autem sit consarcinare omnes calamitates, omnium Principum exitus, cum hac denuntiatione. Alios antè aut post, Romanos Cæsares omitto, Claudium, Vitellium, Vespasianum, Didium Julianum, Severum, Macrinum, sic excessisse noto in Dione. Aut si recentiora magis allubescunt: Anno 1558. Augusto mense, invictiss Imp. Caroli V. & anno 1618 Decembri & Januario sequenti, Augustissimi Cæsaris Matthiæ mortem Cometes antecessit. extinctus enim hic anno 1619, in Martio.

Lib. 7. Nat.
cap. 17.

Quidam tamen etiam fausti putantur Cometæ. ut ille qui post necem Julii Cæsaris, ludos Veneri Genitrici celebrante Augusto, horâ die undecimâ emerfit. cum enim tamquam sibi faustum coli in Templo publicè edixit Augustus. Et Seneca, alterum initio Neroniani Principatus (quem lætissimum vocat) exorientem, Cometeris ceteris detraxisse infamiam affirmat. Quid ita? quia, credo, mors Neronis nō respondit. Sed profectò vel ideo infauitissimus, quod pestem illam humani generis non sustulerit, & tot illustrium vitorum, & in iis Senecæ ipsius,

ipſius, eadē non præverſerit. Inter fauſtos etiā numerari poteſt ille anni 1607: qui Belgis duodecim annorum inducias tulit. ſed ecce tamen tunc ſtatim arma in Clivia & Juliaco ſuſcitata, exitu, ſine hærede relicto, deſuncti Principis. Ita fit proſecto: ſi Orbem terrarū univerſim circumſpicias, læta ſemper alicubi cernes permixta triſtibus: nec ullum credo tam nocentem Cometam fuiſſe, qui nulli Regioni parceret; imò qui multis etiam non potuerit videri nova gaudia artuliſſe.

Sed non in iſtum tamen, puto, finem, ſed ad triſtiora, mittitur. Solet enim benigniſſimum Numen, ubi menſura flagitorum noſtrorum ad plenitudinē venit, & vindictam hęc potiùs temporariam quam æternam parat, naturalium iſtorum effectū occasione uti, & terrore illo ad poenitentiam & ſui reſpectum convertere. Itaque cum Clariff: & erudiſſimo noſtro Thomā Fieno, in Cometa anni 1618. nego Cometam, maxime cæleſtem, calamitatum phyſicam cauſam (quomodo enim exhalatio illa, ſive Sole tantum perſuſa, ſive ignis etiam eſt, ex illo intervallo tantum valeat?) non nego tamen, ſignum ex inſtitutione divina eſſe; quam omnium temporum hiſtoria affirmat. Igitur Cometa res quidam naturalis eſt, ut Iris; utraque tamen ſupernaturalem à Deo ſignificationem habet. Et huc verba D. Damasceni lib. 2. Fidei Orthod. cap. 7 ducere potes. *Cometa Dei imperio, certis temporibus conſtantur, ruſuſque dilabuntur.* Dicitur enim ſpecialiter effectum illum, etiam naturalem, producere Deus, quem ex mero arbitrio ad finem planè extrinſecum, quò cauſæ talis effectus creatæ, nullâ ratione aspirare dici poſſunt, mittit & deſtinat: ut etiam Genef, c. 9. *Arcum meum ponam in nubibus, & erit ſignum fœderis inter me & inter terram.* Arcum tamen iſtum non ſolus, & digito ſuo depingit, ſine penicillo radii ſolaris, qui concauſa ejus eſt, & quidem purè naturalis. Ariſtoteles tamen ſignum naturale ventorum & ſiccitatis Cometas autumat; non quia efficiant, ſed quia exhalationes aliæ plurimæ & confertæ, quæ unâ è terra (quam arentem ideo & exſuccam deſtituunt) in aëra ſcandunt, & miſcelâ inquinant.

Inde

Lib. I.
cap. I.
Variet.

*Inde mors imbecillium, inquit Cardanus, qui non exercentur, qui curis multis distrahuntur, qui cibis delicatioribus utuntur, qui Veneri indulgent, quique facile agrotant, & ad senium inclinant, & parum dormiunt. Tales igitur cum sint multi Principes, mori aliquem eorum, in quem omnia hæc magis convenierint, plerumque contingit. Adde, opinione illâ, quasi noxii & in mortem missi, sideris, perturbari aliquando fortè Principes cū jactura valetudinis. Sed imbecillæ hæc causæ sunt; & siquid in sublu-
naribus fortasse valent, in cœlestibus Cometis, qui terræ filii non sunt, nihil possunt. Igitur, aut non potius, quàm turba vilis, occidant tunc Reges, videnturque tantum, quia sublimium casus est insignior; aut certè tali ostento nuntiat Deus mortem ab aliis causis, jam jamque paratis, inferendam.*

Porro ad præsagium & terrorem, Cometæ cœlestes magis idonei sunt elementaribus: cū enim altissimi & in omnium oculis circulos suos decircinent, latius & ad plures Numinis metum spargunt. Colorem etiam huc referre aliquid putant. Atrati enim aut sanguinantes, Saturninii aut Martiales existimantur, & argenteis illis ac Venereis nocentiores. Fixæ deinde quibus superegit, aspectus Planetarum mutuus, & Signum ubi ortum & incunabula habuit, non negliguntur: barba denique censetur mucronem intendere in eam Provinciam: cui dirissimè minatur. Verum hæc incerto fundo concepta, nimisquam vacillant: barbam enim casu in illud cœli punctum dirigit, quod contigerit opponi Soli. Sol quippe, caput, & barba Cometæ in eadem linea circuli maximi sunt: nequedum satis expertum, an Deus cuspidē illâ barbæ, in quam maximè partem desevitura sit ira, velito stendere. Sed ad quos, ergo pertinere debet metus? inquires. Dico, ad omnes & universos; quia omnes peccamus: est tamen, curiis crebris arteria micet, corque palpitem, qui pluribus aut gravioribus sceleribus sunt co-
operti.

Hoc etiam festinanti exciderat: reprehendo in manum: & accipe, priusquam me hinc amolior. Doctissi-
mus

mus Keplerus in libro Cometarum anni 1607. & 1618. Cometas causam turbarum sublunarium censet per sympathiam, quā elementaria cum Cometis & cælo, habent: & Sebastianum Lusitaniæ Regem à Cometa anni 1577. stimulatum, ut in Africam trajiceret, & suam perniciem. *Facultas mundi sublunaris*, inquit, *Cometam persentiscit & obstupescit, unaque facultates cetera omnium rerum, sublunarium*, Et deinde: *Facultas telluris insolenti Cometa apparitione consternata, uno terrestris superficiei loco multum exsudat vaporum, pro qualitate illius partis sui corporis: hinc diuturna pluvia & eluviones*. Quæ ridenda paulominus hîc scio; quia ad istam sympathiam, oporteat unam & eandem cæli, & rerum elementarium esse animam: item, quod terram ingens quoddam, & siderum etiam ac Cometarum intelligens, animal faciat, non dubito palam à modestissimis etiam decachinnandam: & reverà Vir ille in Marhesi tantus, tam pertinacior jam annorum quibus in eo durat, de Telluris animatione & motu, paradoxo, magnam ceteræ scientiæ suæ aspergit labem.

CAP: IV.

De proprietatibus Cometarum.

PRæcipuæ, & quæ in difficultate insigni, sunt color, figura, magnitudo, motus. De colore tamen, uno verbo absolvo, tota diversitas enim venit à materiæ opacitate aut transparentia: hæc nempe radium Solis resolvit, digeritque in clarum & argenteum colorem; illa astringit, declinatque in ruborem, aut etiam propè infuscat in atrum. A figura sumuntur omnes species Cometarū. Aristoteles duas tantum recenset, Crinitum (qui propriè Cometes, sparsis in orbem comis) & Pogoniam, sive barbatum: ad quas reduci possunt omnes, quas Plinius ad decem multiplicat: quicunque enim penè rotundi, proprii Cometæ, alii Pogoniæ quidam vocari possunt.

Ad

Ad Cometę ergo pertinent. *Δισκός*, qui colore electri, & figurā disci, raros crines ē margine mittit. *Πιδέτης*, doliari figurā, in concavo, fumidę lucis inquit Plinius *Λαμπάδίας*, facis ardentis æmulus. *Ἰππεύς*, qui equinas jubas celerrimi motus; atque in orbē circa se euntes imitatur. *Ἀργυροχόμης*, argenteo crinē ita refulgens, ait Plin ut vix contueri liceat, speciēque humanā Dei effigiem in se ostendens: Quę verba nebuloſa ſunt: & nescio an ad Cometem, ſive ſtellam, quę Magorum ad Chriſti incunabula dux fuit, referri non poſſint. Fortaſſe enim fama, & res, fuit, ſub Auguſti Principatu, Cometam in Oriente & Judęā viſū, in quo imago pueruli expreſſa, quem Chriſtiani dicerent hominem Deum. Certē, dum cętera cęleſtis huius Natiuitatis admiranda cogito, hoc non pro maximo, ſed in minimis, ducere non vereor.

Hi verō ad Pogoniarum claſſem ſpectant: *Ξιφίας*, bre. vi & in mucronem gladii faſtigiato crine: hic autē omnium pallidiſſimus eſt, ait Plinius, & quodam gladii nitore, ſine radiis. *Ακοντίας*, jaculi modo vibratus, ocyſſimo ſignificatu. De tali Titus Imp. in quinto ſuo Conſulatu, præclaro carmine ſcripſit: nec alius Cometa poſt hunc viſus Plinio, qui cinere Veſuvii ſuffocatus, brevi illo Titi Principatu. *Κερατίας*, cornu speciē habens: qualis fuit, cū Græcia apud Salamina depugnauit. *Λογχιτης*, haſtę effigie: qualis anno v.c.ccc. i. c. Caudatum autem vulgō à Pogoniā ipſo, ſive barbato, non diſtinguunt. Solus enim aſpectus ad ſolem facit hanc differentiam. Nam ſi raptu primi Mobilis manē prævertat Solis oriū, barbatus eſt, quia cincinnus prior ſupra horizonē aſſurgit, & ſpectat in Occaſum, ut noviffimus ille anni 1618. Si verō veſperi in hemiſphærio noſtro relinquatur ob occaſo Sole, caudatus erit, & ſyrma trahet à tergo: ut alter anni 1577. de quo tam multa Tycho. Cauſa eſt, quōd cauda, ſive barba ſemper jaciatur in partem Mundi contrariam Soli. Sed hæc crinium & barbarum materia abire debet in longiorem diſputationem.

ARTICULUS VI.

Causa barbarum & villorum in Cometis.

ROthmannus, & plerique verustiores existimarunt, barbas Pogoniarum, esse tenues & villosos capitis floccos, huic aut illi parti, temporibus scilicet, occipiti, aut sincipiti, casu adhaerescerent. Keplerus, & Snellius, affluviū quoddam, quo materia capitis se exonerat in partem à Sole aduersam:

Dico Primò: Negari non potest, quin in Cometis, tam sublunaribus quàm cœlestibus, tam ardentibus quàm solâ siderum luce conspicuis, flocci quidam rariores dependere, & crinire capita valeant. Patet exemplo Caprarum: & quia Cometae omnes in circumferentia magis fungosi & lanares, quàm circa centrum capitis apparent.

Dico secundò: caudæ pleræque omnes illæ longæ, barbæ, jacula, hastæ, sive quo alio nomine censeantur, radii solares sunt per cerebrum (ut sic dicam) capitis Cometæ transverberati. Ita Appianus, uterque Gemma, Tycho, & plerique jam universi: probatur quia in omnibus Cometis, qui à centum jam ampliùs annis effulserunt, observatum est, caudas à Sole avertisse: igitur signum pænè evidens, radios per medinm transadigi, & a versâ parte extrudi. Primus autem qui hujus rei publicum indicium fecit, ceterisq; oculos aperuit, fuit Petrus Appianus, ut Tycho & Gemma Phrysius testantur: Hic deinde in octo continenter, idē observavit. *Hoc enim, ait in Radio Astron: jam inde ab anno 1532. à nobis jugiter observatum est, quòd cauda sive coma semper rectissima projiciatur in contrariam Soli partem: quod etiam diligenter à Petro Appiano est primò in lucem emissum.* Cornelius Gemma, filius ejus, in Cometa anni 1556. et aliquot aliis, id est, omnibus à se visis, experiētiā patris adfirmat: & universi quoque huc usq; secuti sunt: imo talem etiam fuisse caudam illius, anni 1475. ex historia ejus apud

Regio.

Regiomontanum intelligi potest. *Contingebat, inquit, ut statim post Solis occasum, cauda Orientem respiceret: appropinquante medio noctis, respiciebat Meridiem: post medium noctis respiciebat Occidentem.* Similis denique caudæ fuisse videtur ille in principatu Macrini apud Dionem. *Sidus, inquit, ab Occasu versus Ortum multis noctibus caudam porrigenz, gravem nobis perturbationem attulit.* Sol enim ante ipsum occidens, caudam ei in Ortum intendeat. Quod verò non in pluribus id Cometis animadversum, oſcitantiâ ſpectatorum factum eſt, qui de ingenio caudæ & totâ naturâ Cometarum parum ſolliciti, vix hilum poſteriorum ſolertiam: adjuverunt. Noſtra demum & proxima ætas cum magna curâ rem iſtam habuit, & ad ſecuram adminicula tranſmitter, quibus fortè perveniet ad hoc arcanum.

Verùm experimenta quædam regeri in nos poſſunt. Lantgravius enim Haſſiæ, inquit Rothmannus, notavit caudam Cometæ anni 1558. decem etiam gradibus deflexiſſe ab oppoſito ſolis: & Tycho caudam famoſi, anni 1577. Veneri non Soli, directè reſpondiſſe: quod Snellius etiam in Cometâ anni 1618. initio ſaltem, factum affirmat: poſtea ramen ad Solis oppoſitum ſe correxiſſe. Ita denique Michaël Mœſtlinus advertit in altero anni 1580. qui primo devians, deinde in eundem circum maximum reduxit ſe cum capite ſuo & Sole. Sed pauca iſta exceptiones legem generalem frangere non poſſunt, quâ ſe cauda ſolemniter & ſerè conſtanter avertit à Sole. cauſa igitur alia potiùs quærenda huius varietatis: ſicut etſi Sole lucente, acerrimè quandoque gelet: non ſtatim ideo dicimus glaciem à lumine) quod plerumque aliàs calorificum experimur) ſtringi; ſed aliam huius cauſam ſolemus inveſtigare. Itaque axis caudæ, ſive linea ducta per mediam longitudinem, aberrat pauliſper in laſus, à linea quæ è centro Solis per centrum capitis Cometæ, in oppoſitum circuli maximi punctum tenditur; quia radius propter materiæ capitis profunditatem, & variâ opacitatem, avertitur ne exeat directè in oppoſitum: unde initio ſtatim id evenire ſolet, quando ſcilicet cerebrum

brum Cometæ maximè opacum est, crudum, & indigestum: ubi autem opacitas se paulisper deduxerit, & laxaverit exitum, radius tunc emicat in directum. Hæc eadem videtur causa, cur cauda sub principium ortus Cometæ, non effundatur statim prolixissimè: quia, inquam, radii solares cunctanter, difficulter, & malignè per obstacula, & nimis adstrictam capitis opacitatem in adversum eluctantur: postea verò, digestâ nonnihil materiâ, longius se ejaculatur: donec halitu rarecente, & vanescente, accidatur paulatim, & tandem unâ cum capite expiret.

Quod autem axis ejus aliquando in oppositum Veneris exeat, idè fortè est; quia Venus argenteâ & satis uberi luce, propinqui Solis radium juvat, unaque se per Cometæ caput transfundit. Non fuit etiam verum, Cometam anni 1558. tot gradibus à Solis opposito diversisse. Nam Cornelius Gemma Lovanii eodem tempore, quo Lantgravius Cassellis eum observavit, caudamque paulominus oppositum Solis spectasse dicit: & Tycho-Gemmæ potius credit: suspectatque Lantgravii observationem; quia Torquetum, quo usus, vidisse se, & vitiosum deprehendisse asseverat,

Ex superiori etiam doctrina, non difficulter intelligi potest, cur aliquando cauda discindatur, & in ramos plures se spargat, quod in illo anni 1577. Cornelius Gemma tradit: aliquando etiam subito in caput retrahatur, & iterum se explodat; ut in novissimo anni 1618. semel factum, Cysatus affirmat: hæc enim omnia dispositio partium cerebri in capite, item agitatio & motus, quo nunc viam radiis obstruit, nunc rursû aperit, efficere valet. Similis causa Pogoniam in proprium Cometen, aut retro, transformare potest. Ita Olympiade cvi 12. jubæ effigies murata est in hastam, 21. Plinius. Generatur enim undique in orbem crinitus Cometes, quando radii confertim, & vniuersi caput pertundere non possunt, sed hac illac disperguntur: & rebulliant in superficiem, eamque coronant. Evenit autem aliquando, ut qui initio materiam non perruperint, postea halitu se dissolvente, viam reperiant.

Alio etiam modo è crinito Pogonias, aut contrà, fieri potest per accessum videlicet, aut recessum à Sole. Si enim Cometes Soli oppositus secundum Zodiaci longitudinem fuerit, sine symmate aut barba, capite tantum comanti apparet; qui motu proprio ad Solem paulatim barbam promittere incipit, aut extendere caudam: sicuti reversò, fit ut barba sensim attondeatur, quò propius ad oppositum Solis accedit: id enim Tycho in Cometa anni 1580. & Rothmannus in anni 1585. notavit: hic enim ubi ad oppositionem pervenit, perfectus Cometes factus,cano capite, dependentibus undique villis. Ratio esse debet, quòd & radii Solis per tantum intervallum trajecti, debiliores, & si quis est, circinnus per capitis verticem directà in cœlum è regione Solis exeat; ut non facile à nobis hinc cerni valeat, præsertim si fuerit valdè excelsus, caput enim tum cirro & comæ in altum surrectæ obstat, regitque, ne longitudo ejus videatur: quod etiam situs ille stans & in cœlum erectus facit: nam columna etiam longissima, si oculo multò altior, brevissima tamen, aut etiam in globum contracta apparet; quia rectitudo ejus non satis longitudinem explicat, & omnia superficiei puncta sub acutissimis angulis conspiciuntur. Et hinc etiam fiet, ut talis Cometæ caput, cauda, ceu orbiculari & undique cingente comâ, involutum esse videatur.

Hoc etiam argumentum ferè mihi effugerat, quo olim in Cometa anni 1618. ostendi barbam radiorum solarium fasce figurari. Die enim duodecimâ Decemb. mirabar horâ nonâ, decimâ, & porro ad mediam noctem, ne pilum barbæ sub rotis Plaustrum à me videri, ubi tamen manè prolixissimam conspexeram: tandem verò post mediam noctem, cum Sol, & Cometa, qui Solem paululum antecedeat, reverti ad horizontem nostrum ortivû inciperent, barba juxta Plaustrum paulatim redire & formari cœpit, tenuissimo primùm & albente tractu, ut, planè matutina crepuscula solent: qui tamen sensim sumebat incrementum, & incendebatur, quò propius Cometæ caput & sol ad horizontem et orium accederent. Dixi tunc, & jam repeto: hoc argumentum nullâ specie eludi

eludi posse, quin conficiat barbam illam, radios Solis fuisse per Cometæ cerebrum cuneatos. Nulla enim alia vel apparenter causa fingi potest. Ideò autem albentes illi barbae tractus tanto tempore aurore prævertebant, quia Cometæ caput longè altius omnibus vaporibus erat, qui prima manè crepuscula rapiunt; & proinde barbam, quæ tali capite per altissimi ætheris spacia profundebatur, necesse erat maturius apparere: quò enim aliquid excelsius est, eò citius exoritur, atque in oculos venit.

ARTICULUS II.

In qua materia lux illa cauda Cometarum sustentetur.

ETiam hoc difficulter extricamus. Keplerus existimat, effluvium quoddam exhalationum ex capite, per radios Solis in plagam oppositam expelli; idque Cometæ caudam; & subiectum illius lucis esse. Verùm cum radii, corpora non sint, quæ instar cuneorum adacta, materiæ partem ante se extendant, sed accidentia, quæ rarefaciendo solum, tenuiore & leviori spiritu sponte, quâ potest, diffugiente, caput exonerent; non est facile intellectu, cur non undique, & maximè per partem capitis, Soli vicinissimâ, quæ acrius in ingressu radiorum uri videtur, se halitus illi expirent. Deinde quomodo caput non statim excerebratur & evanescit tam largo, profuso, & perpetuo multorum dierum effluvio? Certè enim Cysatus barbam Pogonie anni 1618. aliquando spatium 445. terræ semidiametrorum, id est. 382700. mill. Germanicorum occupasse putat; adeò ut totum terrarum Orbem septuagies potuerit circumligare: cum tamen caput, unde flumen illud effundendum erat, non supra 553. mill. Germanica habuerit in circuitu. Denique, cur cauda toties capite, unde expellitur, levior, non resupinat se semper & iurgit in cœlum?

Alii ergo malunt, inter exhalationes & strigment
N æthera

ætheris latissimè, circum diffusa, caput Cometæ incede-
 re, illique velut innatare : hæc autem licet rariora sint, &
 magis transparentia ipso Cometâ; reliquum tamen æthe-
 ra densitate & opacitate vincunt, ideoque lumine Solis
 colorantur. Sed quare igitur, inquires, color iste non un-
 dique in orbem circa Cometâ sparsus apparet, cum tota
 illa exhalatio lumine perfundatur? Respondet ingeniosè
 Licetus : Quia à fronte, quâ Cometa respicit Solem, &
 lateribus, nimiam luce opacitas exhalationis diluitur, ut
 reliquo ætheri similis videatur : non ita trans Cometæ
 caput, ubi umbra capitis, opacitatem quodammodò ad-
 juvat, & lumen inumbratum irrufat, ut nigriori, & à cir-
 cumfluo æthere, discolori specie appareat. Indignor pro-
 fectò, tam pulchram rationem falsitatis mixtura esse de-
 formatam. Nam, quantum hîc cernimus, nec remissius
 in umbra lumen, specie rufi se oculis objicit : & deinde,
 cum Cometæ plerique omnes, orbe solari longè sint
 minores, umbras jacent pyramidas, latissimas statim à
 capite Cometæ, consumentesque se deinde paulatim, &
 finientes in conum: quod tamen minimè respondet figu-
 ris caudarum: quæ imagine potius scoparum plerumque
 visuntur, in exitu capitis angustissimæ, & thyrsus satis
 gracilem habent, in fine dispersæ in muscarium. Itaque
 in oppositam tota diametro sententiam (pedetentim ta-
 men & morosè, ut in re anxia) discedimus: nempe, plu-
 rimam & uberrimam lucem, à radiis solis intra cerebrû
 capitis aggregatis, caudæ infundi dicimus. Imaginè hu-
 jus refractionis putant quidam habere globo vitreo soli-
 do, aut aquâ pleno, ita radio solari, per angustissimum
 foramen in conclave obscuratum illabenti, exposito, ut
 pars radiorum in parietem album indicat, pars margine
 vitrei globi excipiat: sic enim speciem firmatis non
 longè à comis illis Cometarû abludentem videbis. Ve-
 rûm non constat undique similitudo: Nam caput Come-
 tæ, solidum quoddam, densum & continuum non est (ut
 antè satis, nisi fallor, ostendimus) quod ita lumen aggreget,
 ad id perpendicularem refringat : condensantur tamen,
 & in nodum quasi unum contriciuntur radii, propter qua-
 litatem

litatem fortasse materiæ cœlestis, quæ tenuissima veluti
scoebe & ramentis, infinitisque superficiebus constat, quæ
lumen sibi invicem dant redduntque. Radii tamen Solis
non toti in illa capitis materiâ consumuntur, sed longius
in caudâ trajiciuntur, adjuti in super& intenti à luce quæ
in capite adhæsit. Cauda verò è capite, æquali circiter
cum ipso latitudine, emicat, deinde radiis se dissecantibus
rarefcit & dispergitur: eo ferè modo, quo cœlo guttante
& subtillo, Sol per quædam nubium foramina, radios
& virgarum veluti fascies jaculatur, in exitu strictos &
compressos, sed paulatim se deducentes & spargentes us-
que ad terræ contactum. Sed quomodo in raro & liquido
æthere apparere potest lumen caudæ? quia minima densitas
sufficit ad reflectendû: color enim ille ceruleus, quæ pu-
tamus hæere in fornice cœli, lumen ab altissimo aëre,
sive æthere, ad nos reverberatum est: quia licet unaquæ-
que pars illius aëriæ profunditatis paucum, nec satis
sensibile lumen reflectat; universæ tamen simul in
summam unam, quod facile cerni potest, conferunt:
quia verò etiam plurimæ minutæ umbræ, & minima in-
finitarum partium aëris opacitas in unum confunditur;
ideò lucem, quæ aliàs candida est, inclinant in colorem
cæruleum. Si autem contingat tractum aliquem ætheris
uberiori & velati inculcato lumine perfundi, tunc illicò
discrimen se prodet, & interlucebit ille, candoremque
ostendet in cæruleo aut virenti utrinque ætheris campo.

Sic ergo colorari imaginor caudam illam Cometæ.
Adde, jam non ambiri Cometam purissimo æthere, sed
multos exhalationis rarioris floccos, aut tenuem pulvis-
culum, qui capite expiratur, comitari: hic autem extra
caudam Cometæ, lumen Solis non ita plene, ut insigniter
luceat, bibit; sed siccius & dilutius quàm cauda, quæ &
à capite & à Sole abundantius perfunditur. Hæc tamen
non omnino mihi mentem implent: sed abundanter
men jam est vel semisemelico.

ARTICVLVS III.

Causa curvatura cauda in Cometis.

Cum ex Optica doceamur, ait Keplerus, radios luminosos, arcus non esse, sed lineas rectas: curvatura syrmatis Cometarum in motu materiae est capite in caudam ebullientis referenda videtur. Sed non mihi: quia veluti fumi & spiritus incendio exhalantes non uno & constanti modo sinuosi sunt, sed in varias spiras & figuras se torquent: ita caudae illae non eodem schemate curvae aut directae tot diebus permanent. Cauda Cometæ anni 1618. initio Decemb. cum primum vidimus, in Austrum falcata erat, direxit se deinde, postremo concavum obvertit Septentrioni, & sic porro perseveravit in finem. Similis ferè mutatio accidit in cauda Cometæ anni 1596. & 1580. & 1577. Imò Keplerus lib. Astron. Opticæ cap. 6. num. 13. nec sine ratione existimat, curvaturam & gibbum caudæ, constanti lege ad eam Mundi plagam extuberare, in quam tota cauda ab opposito Solis deflectit. Adeò, inquit, *ut deflexus caudæ à Solis diametro, nihil aliud quàm pars curvatura sit.* hæc ergo caudæ sinuatio tribuenda non videtur turbido, & incondito effluvio materiae est capite Cometæ.

Guiduccius refractioni potius imputat: quomodo etiam remus in aqua incurvus apparet. Sed aliud reperire oportet: nam sic juxta horizontem, ubi major & plenior vaporum abundantia, maximè curvam & arcuatam esse oporteret: non est tamen: imò non alibi, quàm circa horizontem, caudam Cometæ anni 1618. Cysatus & ego directiorem aspeximus: rectissimo enim radiorum tractu surgebat, qui paulatim in ascensu versus Meridianum se falcabat. Nec in hoc tantum, sed solemne etiam fuit in ceteris Pogoniis.

Tycho ergò & Cysatus censent, reverà caudas omnes rectas & infestas esse; arcuatas tamen videri, quia pars una oculo vicinior, obtusiori angulo, altera remotior, acutiori

tiori cernitur. Ita enim in tabulato aliquo quod oculus suspicit, pars capiti imminens, altior, quā alia remotior, apparet, nam oculus in tota tabulati longitudine duo puncta æquē distantia non reperit; sed remotiora acutiori angulo, ultimum verò acutissimo omnium conspicit: quod proinde pavimento propinquissimum apparet, licet totum tabulatum rectum & horizoni ac pavimento parallelum sit, ut ex Vitell. lib. 4. theor. 31. sumi potest. Sed hoc difficultatem non exhaurit, imò integram & plenam relinquit. Explicat enim solum, quomodo pars caudæ horizoni vicinior, depressior & terræ magis admota appareat, curvaturam in Austrum aut Septentrionem deflexam nō expedit. Nec causa ista adhiberi potest curvati illi, tamen maximæ, quam per verticem transiens, dum in Meridiano ipso jacet, ostendit. Denique sunt, quibus satis est, curvaturam hanc, similitudine candelæ celeriter per aërem raptæ, depinxisse: motus enim iste, flammulæ pyramidem sinuat, & conum retro reflectit. Sed frustrā: sic enim semper curvatura caudæ à linea motus se averteret: cū tamen caput Cometæ, & caudæ cuspis, arcum aliquando faciant circa nervum per quem Cometa incedit: ut in illo anni 1618. vidimus. Item si cauda, radii Solis sunt, defendi ista opinio non potest. Quid ergo dicemus? ignorantiam hīc fatebimur (quod ingenuè faciunt Tycho & Keplerus) & latere etiamnum causam in Naturæ arcanis? Aliquid tamen etiam, ne obmutisse videamur, conjectemus. Quid si quispiam quandoque, è cœlesti aut aliā exhalatione, lenis ventus barbas illas afflando sinuet? Quod tamen non omnino placet; quia etiam Cometæ caput fluctuaret, & barba in unam eandemq; curvaturam tam pertinax non esset. Quid si igitur (ut in caudis avium, & præsertim picarum, cernere est) quædam radiorum, ut sic dicam, in latere uno pennæ, mediis breviores, citra finem caudæ deficient? ibi enim latior, & gibbo quodam intumescere apparebit. Sed cur in altera parte sinum facit, & se cavat? Accipe hoc, & abi, neque pluribus interroges. Quia radii ibi nulli, aut rariores quā ut expressè, ut ceteri

densiores, cerni possint : cavitas ergo apparet quia luce tenui & semiplena pars illa oculos effugit : hinc enim non statim à capite, ubi radii magis compressi & uberiores, sed aliquanto post, & circa medium finis & curvatura insignior se aperit.

Sed quam neque hoc, neque quidquid aliud prospicio, mihi intellectum in tranquillo ponit. Ite nunc Mortales, & acie illâ divina rimamini & penetrare, quam unius etiam Cometæ barba vobis hebetat & obtundit. Verè *mirabilia opera Altissimi, & gloriosa, & absconsa* ! Hic fructus Philosophiæ nostræ, & studii quod in omnem Mundi partem mittimus ; & confessio imbecillitatis, & spontanea intellectus nostri, in tenebras Fidei divinæ, abjecto, quem alibi ferè ubique sic etiam caligantem experimur. Quid in arcanis illis abditissimis divinæ Triadis, Incarnationis, Eucharistiæ, Predestinationis, recessibus evidentiam à me exigis, quam in uno Cometæ, imò tuo crine, mihi præstare non potes ? Dic enim, quâ materiâ è mento suspendas illam barbam ? dic, quæ causa, ubi statim emicuit, ei duritiem istam faciat, & colorem ? De hac enim lanâ caprinâ animosè rixantur Galenus & Argenterius, ceteraque columnæ Medicorum. Quam substantialem formam in barbâ tuâ locasti ? fateberis, scio ignorantiam, sed audi, quid Magni Medici te fecisse autument. Plurimi inaniam, multi vegetativam, Clar. Fienus rationalem etiam animam, putant. I iam noctua, & isto oculo cælum & Solem postula inspicere. Nec tamen ideo statim effodiendus est, quod faciunt scelerati quidam : humanæ, inquam, mentis imbecillitatem in mortalitatem ejus ducunt ; & quasi gratias agere meruant, divini muneris præstantiam adulterant aut corrumpunt. Ingratæ creaturæ in suum Creatorem ! Scilicet, quia Angelis pares non sumus, supbares manere non possumus ; sed ad porcos statim, cum sociis Ulyssis, descendere oporteat, & intrare haram : Audiamus veracem potius & cælestem linguam. *Minuisti eum paulo minus ab Angelis, gloriâ & honore coronasti eum, & constituisti eum super opera manuum tuarum.* Ita est, non tam

tam acutum quàm Aquilæ illæ cœlestes, quàm Angeli, inquā, cernimus: nocturnæ tamen plurima in tenebris nostris videmus; ad quæ non adspirant oculis, & omni cœlesti luce capiti isti talpæ: Cogita quàm multa de cœlo & Mundo, Deo & Angelis, præteritis, præsentibus, futuris, æternitate ipsâ, virtutibus & vitiis, philosophemur; & infinitum inter nos & brutorum genus interval- lum despicias, inspuesque impurissimo istorum Epicureo- rum ori. Sed eos in libros de Anima differamus, ubi plu- ribus vapulabunt: maneatque ipsi tantisper, nisi redire malint, inter pecudes & jumenta, digni mediis fidiis qui cum Nabuchodonosore comedere fœnum, aut cum Asi- no Apuleiano sarcinas dorso gestare cogantur: nos, ho- mines esse perseveremus.

ARTICULUS IV.

De motu Cometarum.

COMETARUM motus potest esse verus vel apparens. Ap- parere enim moveri Cometæ elementares & ignei possunt, licet reverà non faciant, si exhalatio una aliam accendat; ut in stellis discurrentibus est explicatum. Ita fortasse aliquando Cometæ visi ad terram decurrere, aut subito & diffuso incendio comprehendisse magnam cœli partem: nisi hoc factum tamen, evibratâ & derepente & dispersâ comâ.

Veros motus plerique Cometarum duos habent: pri- mum ab Ortu in Occasum, secundum primi Mobilis, & aëris sive ætheris in quo naant, raptum; alterum, pro- prium ab Occasu in Ortum, aut à Septentrione in Au- strum; aut retro, ab Austro in Septentrionem.

Ad Occasu in Ortum Cometa Vogelini anno 1532. & Tychonis anno 1577. reciprocavit. A Septentrione in Austrum, duo à Seneca, unus sub Claudio, alter sub Nerone, conspecti: eodem enim Septentrionis loco enati, Claudianus per Occasum, Neronianus per Ortum defle- xit ad Meridiem.

Sed plurimi iter intendunt in Septentrionē. Fecit hoc magnus ille sub Theodosio, de quo lib. 12. cap. 37. Nicephorus; alter item anno 1474. à Regiomontano celebratus, & alius anno 1533. de quo Gemma Pater, in Radio Astron: *Vidimus*, inquit, *Cometam anno 1533. in Julio, ab Hirci sidere secundum viam Lactee ductum, motum per Cassiopeiæ sidus, hoc est, simul in precedentia Signorum, & longè in Boream.* Talis etiam ille initio sæculi elapsi visus à Vicomercato, (annum non designavit) qui juxta Virginis Vindemiatricem natus, inde in Septentriones elapsus, voluminibus Draconis implicitus exspiravit. Talis denique nuperus & famosissimus noster anni 1618. Et simul observo plerosque affectare iter per Booten & Ursam majorem. Aliqui etiam juxta Polum exorti, per medium ipsum transgressi in partem alteram: ut ille apud Claudianum, de Bello Getico:

*Qui primum roseo Phœbi prolatus ab Ortu,
Quà micat astrigera senior cum conjuge Cephens;
Inde Lycaoniâ paulatim expulsus ab Arcto,
Crine vago, Getici fœdavit sidera plaustris,
Donec in exiguum moriens vanesceret ignem.*

Sed quæ causa huius proprii motus? Res iterum in abdito & nebulosa. Vicomercatus tam simplex est, ut putet, ignem Cometæ prioris, quasi per stupam, venâ pabuli invitatum, longius serpere, generarique novum perpetuâ serie Cometem. non eundem ex uno in alium locum transgredi. Sed si universim ita est, nunquam diu sub eodem circulo maximo Cometa incedere parebit: sed incerto & fluctuanti motu huc illuc, quo materia vocabit, discurrere, ut volantia sidera solent, videbis.

Rothmannus, nec displicet Tycho, Angelo hanc euram adscribit, & unico ictu expedit se omnibus molestiis. Et profectò si Cometæ motu proprio, circulum circa Solem (ut Planetæ, Tychonico, & valdè omnibus pænè iam probabili systemate, faciunt) aut circa aliud quodcunque centrū, decircinent, vix post longam fætigationem, aliam causam reperiam: nisi singas à propria
forma

formâ abire in hanc aut istâ, Mundi partem. sed incredibile est, omnes Cometas formâ substantiali differre, qui carpunt diversum iter. Et quidni ergo Angeli qui Planetas regunt, etiam Cometarum (qui temporanei quidam Planetæ (habenas accipiant? Quo fine? inquires. Incerro nobis. & quàm multi alii nos latent? vel certè isto: ad mortalium terrorem, & impendentium malorum metum. Verum in effectibus istis tam naturalibus, ultimum effugium ad angelos & occultas causas esse oportet, & ubi nullæ viæ, nullæ semitæ aliorum percurrere possunt.

Galilæus & Guiduccius verò hæc conantur. Cometam rectâ lineâ à centro terræ in cælum à propriâ levitate portari existimant; nec ullo alio motu circulari, quàm raptu primi mobilis, circumferri, Motus autè ille rectus proprius, habet imaginem circularis: quia quò Cometa terræ vicinior, & maiorem parallaxin subit, eò depressior apparet: cum verò ascensu parallaxin diminuerit, versus zenith & verticem nostrum se admovisse judicamus. Imaginem hujus rei tenuem, sed facilem intellectu, in alauda ave habemus: quæ se rectâ in cælum levans, speciem tamen sub circulo maximo volantis præbet. ubi enim primum terram deserit, segmento circuli horizontem tangenti respondet; deinde paulatim ascendendo, reliquis ejusdè circuli superioribus segmentis subvolare apparet. Idem fit in sagitta rectâ sursum emissa, ac per axem ipsum horizontis.

Hæc sententia prope verum est, sed neque dum attingit. Nam, ut optimè aduertit Camillus Gloriosus, nullus unquam Cometa per verticem nostrum transire parèret; quod tamen novissimus iste anni 1618. fecit. Sequere enim oculo, aut imaginatione alaudæ aut sagittæ illum volatum, & ad ipsum etiam Firmamenti fornicem producas, numquam trans zenith & caput tuum ire videbis. Deinde Cometæ supra Lunam nati, vix uno aut altero gradu sic gressum promovebunt motu proprio, toto tempore durationis.

Itaque verius est, quod Keplero & Cysatio nuper visum:

sum: Motum Cometarum proprium, trajectorium & transversalem esse, non circulare aut rectâ sursum. Similis, inquam, est trajectionibus illis ignitorum, quæ non lineâ ad terram perpendiculari, sed obliquâ, & ut Aristoteles loquitur, per diametrum quadrati deferuntur. Probat, quia hæc unâ ratione, et causa efficiens illius motus, & incessus sub eodem circulo maximo, & quidquid aliud est, quod tam impense omnes admirantur, utcumque sic expediti poterit. Nam aufertur sursum à proprio, & eum quodammodo animante, spiritu Cometa. oblique autem, à simili causâ, quâ trajectiones aliæ, ut fulmē & stellæ cadentes, transversum devolant in terrâ. id est, gravitas in capite Cometæ residua, rixam aliquam bajulo & succollanti spiritui facit. itaque lineâ transversariâ per ætherem, in altum trajicit, si perpendiculari, & à centro terræeductâ non valet, medium etiam secandum, & nonnihil fortè resistens, obliquitatem aliquam creare potest.

Eidem etiam circulo maximo subrepere apparet; quia linea illa trajectoria, recta est, quantum saltem hinc ex tanto intervallo cernere licet, & subtrinsa segmento circuli majoris Imaginare globum tormenti oblique è cœlo Lunæ (ut statue in angulo semirecto, & sexto puncto elevationis, si vis) in polum Arcticum explodi, omniumque Planetarum vias trajicere; sub circulo maximo & mediâ semper Firmamenti cameratione volantem hinc aspiceres, nisi tam parvus esset, existima jam sic trajici à propriâ levitate Cometam; & quò te deducere volebam, tenes. Interea tamen etiam motu ætheris ab Ortum in Occasum fluit; nec dissolvitur, quia æther tenuissimus, & facile se dividi patitur, accedit. ita alvo magnæ navis, à prorâ ad puppim, inambulans, nullum aëris ibi conclusi renisum experitur, etiam si hic cum navi contrariam ambulanti partem tendat.

Initio autem celerimi sunt Cometæ; quia spiritibus tunc magis turgent, & viribus integris sunt; quæ paulatim deinde hæc illac, rarefcente à calore & radio solari halitu, se expirant. Quia verò quandoque circa medi-

um plurimi spiritus simul & subitò in raritatem dissolvuntur, qui antea pigri & densiores erant, ideo in saltus quosdam aliquando visus se concitasse Cometa. Deinde in principio, cum videlicet terræ propinquior est, æquales partes lineæ trajectory ejus, majoribus circuli in cælo maximi segmentis subtendi videntur, ideoque Cometæ caput oculis moveri; ut à paullisper etiam in Optica exercitato facile intelligitur.

Sed quare plures Cometarum Septentrionem motu proprio nituntur? Hic hæreo, nec scio quæ extricem, nisi hoc sit: Raptus ætheris à Planetis eum secantibus, aut, si mavis, à primo Mobili, ab Ortus ad occasum, circa Æquinoctialem & cæli medium, quàm circa polos Mundi, rapidior est; & hinc Cometa in æthere Zonæ torridæ natus, & eum trajicere sursum obnitens, in latus, ubi clementior raptus, & æther veluti stagnans, sensim deducitur: sicque levitate Cometæ molliorem transitum veluti quæritante, ad polos Mundi, Austrinum aut Boreum submovetur. nisi hic iterum ploras, & imploras opera Angelorum.

ARTICULUS V.

De magnitudine, & duratione Cometarum.

Cometæ primo exortu plerique omnes maximâ mole apparent: & quia terræ propinquissimi, & quia carpuntur deinde, ac rarefcente capiet crebrum & spiritum vitæque paustrenid erogant.

Si autem veræ sunt hypothese Astronomorum de amplitudine Planetarum, & inter eorum orbis Cometæ penetrant, non potest, quin hi etiam ingenti mole sint, cum ex tam altâ distantia, & diametro satis amplâ & insigni à nobis conspiciantur. Hinc Cometam anni 1577. die 13. Novemb. cum primum ab eo visus, eratque appars diameter 7. minorum, distantia verò ab oculo, 210. terræ semidiametrorum, statuit Tycho bis ferè Lunâ minorem, habuisseque in vera diametro, milliarum Germanica

Germanica 368. Novissimum autem istum anni 1618. Cylatus 550. milliariibus Germanicis per ambitum circumscribit. quem proinde duobus vix mensibus quis circumcurrisset quotidiano decem milliarum Ger. itinere. diametro autem ejus milliari Germ. 175 donat. Regio-
montanus verò diāmetrum Cometæ anni 1475: ad 16. milliaria Ger. Vogelinus alterius, anni 1532. ad unicum milliare & quadrantem, restringit. Sed Tychoni, & pluribus videntur aberrasse in metienda distantia à terra, ideòque capitella istorum Cometarum nimium circumcidisse.

Longitudo comæ etiam est inconstans & incerta. Tycho in cauda sui Cometæ anno 1577. sex & nonaginta terræ semidiametros (quarum quælibet 860. milliaria Germ. continet) Cylatus in barba anni 1618. cum prolixissima fuit, quandrings quadringenta quinque, id est milliaria Germ. 382700. invenit. unde septuagies totum terrarum Orbem circumligare per circulum maximum potuit. Suffecit tamen Vogelino, Symmati Cometæ anni 1532. milliaria Germ. 182. dedisse.

De duratione Cometarum, lib. 2. cap. 25. sic decernit Plinius: *Brevissimum quo cernuntur spatium, septem dierum annotatum est; longissimum, octoginta.* Mendum tamen hic subesse, & literam C. numero excidisse putat Muretus, & Plinium scripsisse *longissimum C. octoginta.* Consentienter scilicet magno Senecæ, qui lib. 7. Nat. cap. 21. *Sex mensibus hic, inquit, quem vos Neronis Principatu latissimo vidimus, spectandum se præbuit.* Reverti enim huic ignorare non potuit Plinius, qui tunc etiam vixit, & omnia scivit. dies autem 180. sex mensium æquant ambitum. Josephus tamen Xiphiam. quemdam toto anno supra Jerosolimam pependisse narrat, ante ejus excidium. Sed tam pertinax duratio est insolens in Cometis. astra verò quæ novitia, & attonso capite sine comâ effulgent, vitaliora sunt. nam Cassiopæanum anni 1572. solidum annum & trientem, alterum in pectore Cygni annos jam 26. eduravit, apparêtque non valdè festinare ad interitum. Tota diversitas durationis in
materiæ

materiae contumaciâ, & propinquitate, viribûsque Solis reponi debet. tam diu enim Cometes vivit, quàm materia contra digerentes se dissipantésque radios continere valet. Novitia autem sidera faciliùs fortasse ætatem ferunt; quia altissima, & ipsi Firmamenti concamerationi fermè adhærent, adeòque non pleno illo (uti Cometæ) & torrenti radio Solis, è vicino perfunduntur; sed extremo solùm & morienti mucrone, ac blando mollique Fixarum lacte inalbantur. Porò ætas Cometarum magis solemnisis, est trium aut duorum mensium, aut sex hebdomadarum. tanta enim ferè Cometæ anni 1475. 1577. 1618. & aliorum passim.

ARTICULUS VI.

Quo tempore anni plures Cometa.

OMnibus anni mensibus Cometas quandoque exoriri, sed plurimos tamen autumnò & hieme, historiarû fide ostendi potest. Causa obscura: & quæ sine dubio Aristotelem pertraxit, ut Cometas omnes, terrestres decerneret, trabium scilicet & caprarum igneos fratres: qui, ut cetera meteora ignita, ideo autumnò præcipuè visantur, quia multæ tunc æstivorum halituum reliquæ in aëre etiamnum pendent, quas Sol imbecillus & ad Capricornum recedens, absumere non valet, aut dissipare ne in vorticem coeant, & Cometæ nodum. Et profecto argumentum validum apparet, ac quod terreæ primæ specie. Sed bene inspectum, non facit. Cum enim Cometæ quidam, etiam circa altissimos Planetas, & ad ipsum pænè Firmamenti fornicem consistant, non possunt tam brevi aliquot mensium spatio, imò neque multis annis, à terrâ, etiam ocysissimo ascensu, ad illam altitudinem pervenire, globus enim tormenti rectissimâ lineâ, & per axem horizontis in cælum explosus, vix annis nonaginta ad Firmamenti contactum pertineret, etiam si horis singulis miliaria ducenta pervolareret; cum tamen centum solium & octoginta faciat. expertem

pertum enim est, singulo quoque horæ minuto, tria circiter ab eo percurri. Vide ergo, quot annos exhalationem terræ tantò sæpè lentiolem, & transversario, non recto, motu expulsam, impendere oporteat, ut ad istam excelsitatem, vel dimidiam, aut quartam ejus partem ascendat. Nō igitur ea quæ initio autumnii, aut æstate antecedenti adhuc in terra fuit, potest in fine illius, aut hieme, tam alta suspici

Deinde Cometæ quos autumnio hîc adspicimus, non ~~in yalio~~ nostri plerumque & terrigenæ sunt; sed e Zonâ torridâ, ut nuperus anni 1618, aut aliunde ad Septentrionem veniunt. Igitur si exhalatione terrestri constant, non è climate nostro, aut Zonâ hac temperatâ, sed ex alia, ubi autumnus fortè non erat, in cœlum ascenderunt.

Dico ergo Primò: Autumnio plures apud nos Cometæ terrestres & sublunares, eadem de causâ, quâ frequentiora materia alia ignita, sunt.

Dico Secundò. Etiam Cometæ cælestes tunc facilius concresecunt; quia Sol à Signis Septentrionalibus discedens, halitus Planetarum corporibus extractos, in nubem & Cometæ globum finit coire.

Dico Tertiò: Aliquando à Sole circa æquinoctiū autumnale, & ultra in brumam, se versante, evadunt in Septentrionem Cometæ; quia materia ibi resoluta, vires radiorum citius effugit (Sole præsertim in contrariam partem tendente) quam dispergi valeat, aut digeri.

Dico Quartò. Magnis Planetarum conjunctionibus nascuntur non rarò Cometæ; quia cœu illo, & mutuâ è vicino irradiatione spiritum fortè eliciunt, & materiem Cometarum.

Dico Quintò: Non solum raptus Cometarum ab Ortui ad Occasum rapidissimus est, quia 24. horis circumcurrit circulum, orbitæ alicujus Planetæ parem: sed etiam motus proprius, quo è Zonâ torridâ v.g. paucis diebus in Septentrionem elabitur, & nostrum autumnum. Quod facile æstimabis, si perpendas, unum aut alterum gradum, quem quotidie conficit, in cœlis sive circulis

circulis Planetarum, multorum milliarium esse spatium.

Finieram, nisi hæc etiam clausula venisset in mentem. Cur motus proprius quorundam Cometarum, in fine, cochleæ instar, se torquet, & paulisper à circuli maximi segmento deflectit? hoc enim Doctiss. Cysatus, hoc Eru- ditiss. noster Godefridus Wendelinus, Vir ampliore for- tunâ dignissimus, in Cometa anni 1618. notavit. Non existimo, quia plures stellulæ, ex quibus Cometa com- pactus sit, in unam Mundi partem, quam alteram disce- dant; ut putat Cysatus (hanc enim Cometæ, è sideribus quæ nunc gregatim incedant, nunc se iterum dispergant, concretionem jam antè rejecimus:) sed quia Cometa extremis admotus, evanidus, & vacui terè capitis, tenui & imbecillo spiritu vectus, facilè se motu raptus, aut ab alia causa, in latus depelli sinit. vel certè, quia circa fi- nem reliquæ spiritus se hanc illac displodunt, aut effun- dunt, & titubatione agitant uelut ebrium caput. Imago hujus in pyrobolis nostris est. pulvis enim initio multus & accensus rectà sursum aufert: in fine verò rectitudi- nem torquet, & depravat.



LIBERTI FROMONDI
METEOROLOGICORVM
LIBER QUARTUS

De Ventis.

Psal. 134.

Ventorum scientiam in difficili & abdito esse significat Regius Psaltes: *Qui producit ventos de thesauris suis*, id est, potentiâ Dei secretissimâ & ditissimâ, quæ numquam exhaustiri potest; et interpretatur Illust.

Eccles. 11.

Card. Bellarminus. et Ecclesiastes: *Quomodo ignoras quæ sit via spiritûs*, id est, venti, & quâ ratione compingantur ossa in ventre pregnantis; sic nescis opera Dei, qui fabricator est omnium. et Veritas: *Spiritus ubi vult spirat, & vocem ejus audis, sed nescis unde veniat, & quo vadat*. Nos tamen quod meditatio et longa observatio docere potuit, enarrabimus.

Joan. 3.

Ac in primis, quod solemus, doctrinam Aristotelis, et causas ventorum in compendium dabimus: omniâque deinde in disputationem longiorem mittemus.

Causa ventorum materialis Aristoteli, est exhalatio sicca & cruda. Formalis, motus ille transversalis per terram, unde quia ventus, compositum quoddam accidentarium est ex halitu et motu illo locali, immobilis (quod mireris) est; quia forma & motus quo constat, transferri idem numero nequit de loco in locum. sola ergo exhalatio, quæ materia venti est, mutat locum. Causa efficiens proxima est illa quæ in halitu producit immediatè venti

venti formam sive motum. Est ergo *impetus quidam*; si verum est, *impetum* distingui à *motu*, & esse instrumentum generale omnis alterius causæ moventis, ad efficiendum localem motum. Ille verò impulsus, vel ex repulsiu nubium, vel à propria exhalationis refrigeratæ gravitate nascitur; ut docebimus statim. Causa finalis est: *eventilatio aëris, & utilitas animantium*. præter ceteros effectus, ad quos, ut fines, adhiberi possunt venti, ut cernere erit infra.

CAPUT I.

De causâ materiali ventorum.

ARTICULUS I.

Materiam venti non esse aerem

PLurimi Veterum, ut apud Aristotelem & Plutarchum videre est, aërem in materiam ventorum traxerunt. quos postea super secuti Cardanus lib. 1. cap. 1. Variet: Copernicus lib. 1. cap. 8. Revolut. Bodinus lib. 2. Theatri, Benedictus Epistolâ ad Pancrat. Mellanum. His omnibus placet vetusta Hippocratis definitio, ventum nil aliud esse, quàm *aëris fluctum*. Et disertè eudum ante ipsos Seneca lib. 5. Nat. affirmat, aëra tranquillum hoc à vento distare, quod à flumine lacum.

Ut ergo aqua lacustris, si per alveum effluere incipiat, fluminis accipit nomen: ita aër silens & stagnans, ventus fiet, si in unam aliquam partem impetum ceperit, & spiraret. Et profectò ventum aut ventulum sæpè sumi pro fluctu aëris flabellati, non est dubium, Terentius:

Cape hoc flabellum, & ventulum huic sic facito.
quod Græci *πινίλιν* dicebant, ut ad Varronem notat Jos. Scaliger. Imò Aristoteles ipse Sect. 23. Problem. consensienter

sentienter Veteribus, quos tamen in Meteor. refellit, Vē-
um definit, *ἀέρ & σύνασις*, *aëris impulsum*. Et facilli-
mè omnium hanc sententiam defendere possunt, qui vē-
tos omnes etiam ordinarios ab Angelis cieri docent, quis
enim tam hebes, ut non facilè intelligat quomodo cæle-
stes illi Æoli aërem huc illuc propulsare, & in ventum
expire possint?

Aristoteles tamen lib. 2. Meteor. cap. 4. materiam
venti exhalationem & vaporem statuit, non aërem Ele-
mentarem. cū verò in Problem. ventum, aëris impu-
sum dicit, aërem, ut sæpè etiam in Meteoris, pro spiritu
& exhalatione capit; ut rectè in Theoria ventorum notat
Eruditiss. Romanus noster.

Refelluntur ergo Veteres, & eorum hodie consectanei,
quia fluxus ille aëris transversalis, vel naturalis est; vel
contra, aut præter naturam. Non naturalis; quia aër ani-
mal nō est, ut somniant Stoici, quod sponte se in omnes
differentias situs impellit; sed corpus inanimatum, quod
in medio graviore, levitæ suæ sursum, in leviori, gravitate
deorsum, rectà tendit.

Si autem motus ille contra aut præter naturam est, er-
go ab aliquo extrinsecus impellente fit. Quod autem
erit illud? Certi quidam Planetarum aspectus, & vento-
sæ influentiæ, inquit Astrologi. & lib. 4. cap. 31. de
Angelis, consentit Eruditiss. Franciscus Suarez. si enim
Luna mare ab Ortū in Occasum, Sol tot flores & helio-
tropia circumducit; cur etiam ipsi, aut certè alia sidera,
non valeant aërem in ventum trahere aut propellere?
Sed profectò sideribus non inesse vim aëris attractricē
aut expultricem, inde patet, quòd aliàs omnes venti sem-
per aut diutissimè in unam Mundi partem inclinarent.
si enim attraherentur, semper sequerentur sidera exorien-
tia, ab Ortū ad Occasum, ut mare Lunam, & heliotro-
pia Solem. si repellerentur, sidus quod vim extimulandi
aërem in Septentriones haberet, illorsum omni die, ex-
oriens propelleret. Hoc autem experientia longè respuit.
sæpè enim sub omnibus iisdem sideribus aër contrariis
ventis jactatur. ut hodie fiat Auster, cras eodem horæ
puncto

puncto Boreas, ut sæpè observavi, nullâ in ullo siderum aspectu factâ insigni mutatione.

Theologi quidam malunt ab Angelis concitari & ventilari aërem. Sed eos ab hoc ministerio removebimus, ubi causam efficientem ventorum disputabimus. Alii rarefactione aut condensatione huc illuc affluere, & sic in ventos & fluctus abire: quos etiam ibidem refellemus. Itaque præter aërem spiritus alius, qui per ipsum fluat & terebret, necessarius est, ut proximo Articulo ostendamus.

ARTICULUS II.

Halitum, venti materiam esse.

Nulla enim alia statui potest, si aër elementaris, quem jam antè rejecimus, non est; Deinde, venti procellosi, ut Lib. 2. docuimus, exhalatione calidâ et siccâ, instar fulminis, generantur; igitur verisimile est, eandem esse materiam ceterorum. Tertiò, nautæ vehementissimos et turbulentissimos ventorum circa Promontoria & littora experiuntur, ut Jos. Acosta lib. 3. histor. Indic. cap. 8. fatetur, quia scilicet halitu è vicinâ terrâ resoluta constant, qui initio & integris viribus validissimus est, lassatus verò spatio, & debilitatus pervenit in altum mare. Unde Christoph. Columbus Indiarum ille repertor, conjecit terrâ ultra Oceanum Atlanticum esse, quia inde venti satis validi & feroces affluerent? Quartò, nisi exhalatio materia ventorum sit, nulla causa est, cur Etesiae et alii venti solemnes, certis anni temporibus adspirent. Item, cur post pluviam plerumque sequi soleat ventus. Terra enim mollita & tabefacta, facilius Soli obedit, & dissolvitur in exhalationes, quæ deinde ventis cedunt in materiam. Exhalatio tamen terrestri inera numquam est tota materia venti. Multos enim unâ vapores perplexos & permixtos trahit. aëris etiam aliquam partem ante se agit, sequiturque deinde alia à tergo, ut repleat vacuum. Breviter, cogita flumen aliquod

rapidum aut torrentem in mare incurrere, aquae ejus canali per eas facto longè terebrantem, & undam ante se propulsantem: & venti per aërem fluentis habebis imaginem. Denique, rubedo coeli, & omnia signa ventorum, indicant spiritus aliquos in sublimi hærere, qui brevi in flatus defluent.

CAPUT II.

De causâ efficiente ventorum.

ARTICULUS I.

Rarefactionem, aut condensationem, causam efficientem ventorum omnium non esse. Adversus Vitruvium, & Jo. Baptist. Benedictum.

CAusam efficientem ventorum remotam hic non quærimus. illa enim eadem est, quæ omnium Meteororum: Sol nempe, aut alia causa resolvens exhalationem. Proximam ergo investigamus, quæ motum illum obliquum imprimit, qui est ultima forma venti. Et quidem si impetus est qualitas secundæ speciei, & potentia naturalis immediatè efficiens omnem motum localem, ut plerique Lovanienses hodie censent; etiam motus ventorum erit proximè efficiens. sed alibi ostendam, impulsus illum non esse qualitatem, sed ipsum localem motum. Volumus ergo nunc scire causam, quæ det vento transversalem illum impulsus.

Vitruvius lib. 1. cap. 6. putat eum à calore aërem rarefaciente excitari. & probat hoc exemplo. *Fiunt, inquit, Aeolipila area, cava. hæc habent punctum angustissimum, quo aqua infunduntur, collocanturque ad ignem. & antequam incalescant, non habent ullum spiritum: simulac autem fervere cœperint, efficiunt vehementem flammam. Ita scire & judicare licet è parvulo brevissimoque spectaculo,*

ſpectaculo, de magnis & immanibus cœli ventorumque natura rationibus. Exiſtimat ergo, ut aqua in pila ſeu ſphæra illa ærea rarefacta, per anguſtias foraminis ſe exſpirat; ita aërem ſubitâ rarefactione diffluere in ventum. ideoque ventum definit, *Aëris fluentem undam.* Idem ferè Benedictus: *Nec Ariſtoteles, ait, nec alius ex ejus fautoribus animadvertit, rarum mediante calore, & denſum mediante frigore, eſſe cauſam ventorum.* Et probat, quia ſi nubes Solem lucentem ſubeat & obſcuret, ſtatim aliquâ aurâ perſtringi nos & affliri ſentimus. non quia aliqua tunc exhalatio magis adſpiret, quam antè Sole extra nubilum ſplendente; ſed quia aër circa nos ſubitò à nube inumbratus, ſe frigore colligit & condenſat, quiq; remotior erat, ad nos convolat & circumfluit. Et in parte ſiltem accedit Seneca lib. 5. Nat. cap. 6. *Aliquando per ſe ipſe Sol, inquit, cauſa venti eſt, fundens rigentem aëra, & ex denſo coactioque explicans.* oſtenditque in flatibus antelucanis, qui moveri & exiſtimari ſolent ſub aurorâ. quia etiam antequam Sol appareat, *lumine ipſo valet, inquit: & nondum quidem aëra radiis impellit, jam tamen laceſſit & irritat, luce præmiſſâ.* Otto autem Sole, vis eorum relangueſcit; quia ſpiritus nimis tenuatur, & tepore diffunditur. unde numquam uſque ad meridiem tales auræ producuntur.

Verùm licet Sol, aut etiam Aurora exoriens, aëra nocturnum, frigore rigentem & denſatum, item vapores & exhalationes infima regione hærentes, in blandam & levem auram tepore ſuo relaxet: hæc tamen validiſſimorum illorum flatuum cauſa eſſe non poteſt.

Probatur Primò: Quia pleno ſæpè meridie, v. g. quando aër plenam & totam raritatem habet, quam illo die à Sole accipere poteſt, repente exiſtunt venti: nec tamen à rarefactione aëris, quæ nulla eſt; neque à condenſatione, quia ſuppono etiam nullum ei accedere novum frigus, quod condenſet.

Secundò: Incredible eſt, ventos autumnales validos & feroces, qui tantas ſæpè edunt ſtrages, ſolâ aëris rarefactione aut denſatione commoveri. Recordor tamen

etiam (ne oblitum putes) quantis viribus, fulmina & procellæ è nubibus, flâma pulveris accensa, è tormento, ob subam rarefactionem, erumpant: sed maxima & ignea, ac repentinâ rarefactio, item angustiae loci, in quo exhalatio vel flamma constringitur, vehementiam illam faciunt aut intendunt. Aër verò quem in ventos rarefcere volunt, liber et solutus per totam infimam regionem expanditur, nec tantâ celeritate & impetu rarefcit, quantâ flammæ fulminum, aut exhalatio turbinum fumida, fervida, & pænè flammans: sed molliter et sine angustiarum ullâ resistantiâ funditur.

Tertiò: Æstate, quando calore maximè rarefcit, aut hieme, quando frigore densatur aër, plurimi & acerrimi venti eum exercerent, contrâ tamen est. & plures ac actiores per ver et autumnum discurrunt.

Quartò: In omnem differentiam positionis, sursum, deorsum, antrorsum, retrorsum, & undique in orbem, calore rarefcit aër: ergo quando Lovanii rarefcet, The-nenses, qui nobis siti ad Orientem, ab Occasu Zephyrum, Bruxellenses, ab Ortus Subsolanum, Mechlienses, à Meridie Austrum, Namurcenses, à Septentrione Boream, Lovanio tamquam omnium ventorum istorum centro, spirare sentient, quod tamen palàm falsum. Tam vicinæ enim civitates unum eundemque, ut plurimum, ventum uno tempore habent.

Si verò aëris condensatione venti oriantur: sit ergo iterum Lovaniensis iste aër qui condensatur. huc igitur ab Ortus, Occasu, Meridie, Septentrione, rarior aër confluet, veluti in centrum circa quod fit condensatione: atque ita ab omni parte cœli undique simul venti nos incurrent, quod etiam refutat experientia. Si dicas, numquam contingere, ut Lovanii tantum, & non in aliis circa regionibus sic condensetur: demus hoc, tantundem enim conficiemus. Itaque totius Brabantiae, aut etiam Belgii, aër gelu constringatur, venti ab omni Mundi cardine in Belgium concurrent: cum tamen unicum tunc plerumque ventum, ut Boream, aut alium frigidum, regnare experiamur.

Quinto:

Quintò: Venti gelidi & hiemales, ut plurimum, frigus & densitatem illam in aëre producant: ergo prius est, ventum hiemantem spirare, quàm aërem addensari. ac proinde condensatio causa venti non est, sed effectus.

Denique: Quando aër condensatione colligitur in minus spatium, ille qui circumcinctus est, aliquantum quidem se promovet, metu vacui, ut impleat locum, ab eo qui condensatur, relictum; sed non instar torrentis se per aërem illum densiorem effundit; nec, ut Venti solent, transcurrit integram regionem; sed in vicino consistit, quia periculum vacui non flagitat motum ulteriorem.

ARTICULUS II.

Motum venti non propriè fieri repulsu exhalationis à nubibus, ut plerique existimant.

Peripatetici pænè omnes ventum à nubibus, aut frigore mediæ regionis, deorsum repelli docent: ideoque motum obliquum esse, quia exhalationis levitas sursum nititur contra repercussionis ictum, qui rectà deorsum tendit: ex quâ rixâ motus in latus deflectit, & fit transversalis.

Dico Primò: Nubes non repellit deorsum exhalationem venti, ut paries pilam lusoriam solet. Probat: quia licet exhalatio maximo impetu sursum ferretur; nubes tamen, quia mollis est & rara, non ita se ei objicit, ut transitu arceat. vapor enim nubiū, quamdiu non depluit, rariore est aëre infimæ regionis, ut lib. 5. ostendemus. Itaque ventus potiùs nubes pertundet, & se transcribabit, quàm deorsum, impetu præsertim tam valido, resiliet: Deinde, primo statim exhalationis ictu turbabitur & confundetur figura nubis: unde secunda exhalatio in aliam figuram impacta, in aliam partem quàm prima reflectetur; fietque ut nunquam diu ab eodem cœli puncto & per eandem lineam spiret ventus.

Dico Secundò: Nec frigus mediæ regionis habet
 O 4 propriam

propriam vim repellendi exhalationem calidam. Probat-
 tur, quia inter qualitates primas non est talis antipathia,
 quâ se virtute aliqua loco-motivâ abigant & repellant;
 ut magnetes aliqui ferrum, alias enim calor ignis aquam
 frigidam statim repelleret, & aqua ignem, ante qualitatu
 primarum actionem & reactionem: quod non experi-
 mur. calor ergo non aliter abigit frigus, quàm calefaci-
 endo & rarefaciendo subjectum ejus, dandôque ei levita-
 tem, quâ fugiat & mutet locum; frigus contra, refrigeran-
 do, densando, & aggravando caloris subjectum. Sen-
 tentiam tamen quam jam oppugnamus, quidam credunt
 esse Aristotelis in libro de Mundo. sed liber iste, sine du-
 bio. Aristotelis non est, ut docti pænè omnes fatentur.
 Libro autem 2. Meteor. cap. 4. hanc causam reddit obli-
 quitatis motûs ventorum: *Ὅτι πᾶς ὁ κύκλος ἀπὸ τοῦ ἀνέ-
 σταντος τῆς πορᾶς. Quia omnis, qui in circuitu est aër, latio-
 nem consequitur.* Id est, licet exhalatio rectâ sursum, ut
 ibidem ait, feratur; deorsum tamen obliquè retorquetur
 ab aëre supremæ regionis, qui raptum cœli sequitur ab
 Oriente in Occalum. Sed Alexandro Aphrodisio, sum-
 mo Peripatetico, displicuit hæc ratio Aristotelis, & egre-
 giè oppugnat: Sic enim, inquit, omnes venti, ab Ori-
 ente spirarent; quia à motu illo supremi aëris detorque-
 rentur ad Occalum, cum suprema regio motu cœli rapia-
 tur in illam partem. Adde nunc, in altissimorum mon-
 tium vertices flatus vix pervenire, ut Sc. Et. 26. Problem.
 fatetur ipse Aristoteles: quomodo ergo ab aëre, qui ibi
 incipit in orbem cum cœlo verti, deorsum repelli possût
 ventorum exhalationes? Deinde, aër supremæ regionis
 qui sub polis est, languidiùs retorqueret flatus, quia tar-
 diùs circuit motu cœli; cum tamen à Septentrione irru-
 ant ferocissimi venti. Denique, probabilius fortassis est,
 ut Lib. 1. docuimus, vicinum cœlo aërem, ne hiium, aut
 non tam longè saltem à cœlo trahi, ut motus descendat
 usque ad aërem, qui circumfunditur cacuminibus excel-
 sissimorum montium. Itaque Sc. Et. 26. Problem. aliam
 causam affert Aristoteles, quæ deinde placuit discipu-
 lo ejus Theophrasto: multisque recentioribus, cum
 Doctiss.

METEOROLOGICORUM. Lib. IV. 185

Doctiss. nostro Adr. Romano lib. de Theoria Ventor. Affirmat, exhalationem partibus heterogeneis, unâ calidâ subtile ac levi, alterâ frigidâ, densiori & gravi, constare. Cum autem inquit Aristoteles, alterum sursum, alterum deorsum versus nitatur, & neutrum alterum superet, nec fieri possit ut ibi pendulum hæreat, obliquè ferri necesse est. Igitur ex rixi partium elevantium & deprimentium oritur motus ille transversarius ventosæ exhalationis. Quia enim levitas non sat virium habet, ut rectâ sursum gravitatem renitentem auferat, nec gravitas, ut levitatem lineâ perpendiculari ad terram deducat; hinc utraque junctis & permixtis viribus, motum lateralem, ex rectis sursum & deorsum quasi composu facit. Verum si tantopere levitas gravitati resistit, ut tantam curvaturam in motu venti efficiat; qui potest, ut vehementiâ illâ, quâ domos sæpè & arbores evertit, ad terram se allidat? Deinde, si gravitas absolutè levitatem superat, (quod necesse est, ut ad terram veniat) cur non rectâ deorsum potius, licet tardiori motu, exhalationem detrahât? Dices: Rariores spiritus materiæ graviori permixti, & eâ rectâ à centro terræ sursum sublevantes, impediunt ne recidere possit contra: directû eorû nixum, ideoq; defluit obliquè, in latus. Verum, licet id intelligi queat, si materia illa venti densior & gravior, solida sit, & impediat, ne liberè transpirent inclusi spiritus, cum tamen tota fluxa sit, & motu illo, quo discerpitur & diffluit, laxissimum exitum det omnibus partibus levioribus; nō satis capio, quomodo contra partium graviorum propensione nō sic renitantur, ut necesse sit motû obliquare. Conimbricenses igitur Tract. 6. Meteor. c. 3 cum viderent hæc non planè satisfacere, ad influentias siderum recurrunt. Sed ante id rejecimus, artic. 1. c. 1. hujus libri. Nec etiam Eruditiss. illis Viris usquequaque placuit; addunt enim: Verum, ut ingenuè fateamur, hoc unum (motus ventorum) est ex iis, quæ in naturæ contemplatione, magnâ ex parte latent. Ideoque aliquis forte inveniatur, qui in Deum immediatè referat; quia dicuntur venti Psal. 134. produci de thesauris ejus. Item Amos cap. 4. Formans montes, & creans

creans ventum, faciens matutinam nebulam.

Se d tales & tam ordinarios effectus non solet operari causa illa prima, sine ministerio secundarum; licet ei passim tribuantur: ut Psal. 73. *Tuus est dies, & tua est nox, tu fabricatus es auroram & Solem; tu fecisti terminos terræ æstatem & ver, tu plasmasti ea.* Diem tamen, & auroram, æstatem, & ver, non facit nisi per Solem & fidera. Alii ergo paulò molliùs & probabiliùs onus movendi ventos in Angelos reclinant.

ARTICULUS III.

*Angeli non sunt ventorum ordinariorum Aëli.
Adversus Bodinum, & quosdam alios.*

DUbiū non est, quin Deus operā Angelorum utatur quandoque in excitandis tempestatibus, & insolente motu ventorum: ut Jonæ cap. 1. *Dominus misit ventum magnum in mare, & facta est tempestas magna in mari* Et Exod. 10. *Dominus induxit ventum urentem totā illā diē & nocte: & manē factō ventus urens levavit locustas.* Quæ sine dubio patrata sunt ministerio Angelorum, quos in talibus adhibere solet. Psal. etiam 77. *plagæ illæ Ægypti vocantur, immissiones per Angelos malos, Dæmontes etiā permissione, celi non jussu divino, sæpè ventos & procellas movent, ut Jobi cap. 1. Repentē ventus vehemens irruit à regione deserti, & concussit quatuor angulos domus, &c.* Magi quoque Septentrionales, ventos secundos navigantibus vendunt: & Rex Sueciæ Erricus, undecunque collibuisse, flatus adspirantes pileo evocabat: unde & ipse, *Pilei ventosi* cognomentum accepit. Aristæus deinde in Cæa maris Ægæi insulâ, deficientes aliquot annis Etesias, sacrificio Jovi peracto, revocavit, ut auctor Theophrastus libro de Ventis. Plutarchus etiam in Lucullo illustre exemplum habet. Cū Mithridares Rex Ponti validâ classe urbem Cyzicum premeret, laboraretque eū depellere Lucullus, Proserpina, cui fortè dies tunc festus erat, Aristogoræ, Magistratui

tui urbis à secretis, nocte apparuit: & in *Cras*, inquit, *tubicinem Lybicum cum tubicine Pontico comittam.* *Ænigma* non intelligebatur, donec luce insequente, Auster ferox & truculentus à Libya adspirans, tempestate commotâ Ponticam classem & omnes machinas Mathematici Niconidis collisit, & diffregit.

Tales ergo extraordinarii flatus, sine dubio Angelorû bonorum aut malorum effectus sunt. Sed de omnibus aliis etiam, qui ordinaria lege fluunt, idem existimat lib. 2. Theatri Bodinus, & hîc Lovanii Philosophi quidam; à quibus aliquando propius, quàm nunc, abfui.

Sed tamen ostendi potest, primò, ex Scriptura sacra. Psal. 17. dicitur Deus *ascendere super Cherubim, & volare super pennas, ventorum.* Et Psal. 103. *Qui ponis nubem ascensum tuum, qui ambulat super pennas ventorum.* Currus ergo & quadrigæ divinæ, sunt nubes; equi vectores, venti; aurigæ, quos Cherubim vocat; sagittæ, fulmina quæ è nubibus jaciuntur, ut Illustris. Card. Bellarminus commentatur. Veluit ergo equi ab aurigis insidentibus; ita Pegasi illi ventorum ab Intelligentiis reſtricibus incitantur. Idem etiam fortasse significatur Psal. 134. *Qui producit ventos de thesauris suis* Thesauri enim Dei, Angeli dici possunt, in quibus ipse tot divitias recondidit. Denique, Apoc: 7: S. Johannes vidit *quatuor Angelos stantes super quatuor angulos terræ, tenentes quatuor ventos, ne flarent super terram, &c.* Ergo penes eos est ventorum arbitrium.

Secundò: Angeli, opinione Aristotelis & D Augustini, movent coelos; quidni etiam idem faciant ventis? certè enim utilitas quæ animantibus provenit à ventis? flagitare videtur. ut res tanta non cõmittatur nisi causis intelligentibus.

Tertiò: Huc trahi potest, quod narrant quidam; in toto littore Perùano. seu illâ Americæ longitudine quæ mari Pacifico adjacet, duos tantùm ventos. Australem & Occiduum, regnare. Item regiones multæ ventos quosdam peculiare & provinciales habent, ut Gallia Narbonensis Circium, Apulia Japigem, &c. quorum causa
penes

penes Angelos esse videtur, quia aëra vel exhalationem in hanc vel illam partem, pro libitu, flabellant: cur enim alias non omnes regiones, omnes ventos promiscuè sentirent?

Sed hæc sententia displicet. Primò: quia non satis Philosophicum, & imbecillitatis signum est, tam sæpè ad invisibilium causarum opem, quando aliter potest, confugere. Deinde, nullâ certâ lege flant venti, sed eodem aliquando die ter, quater, & sæpiùs variant: modò etiam acriùs, modò languidiùs veniunt ab eodem horizontis puncto: quæ irregularitas satis significat, non regi immediate ab aliqua substantia intellectuali, in cujus operationibus constantia major & lex certior animadverti solet. Tertiò, cum in omni terræ puncto incipiat aliquis horizon, ubique disponendi erunt Angeli, aut nullibi: cum nulla sit major ratio unius horizontis, quam alterius. Quartò, aliqui venti tantum die, alii nocte, sunt qui vere, aut autumno, vel aliâ parte anni flare amant: quorum ratio reddi non potest: si Angeli ventos arbitrio frænant aut laxant: potest verò, si statuatur alia causa movens.

Ad primum ergo fateor cum D. Damasceno; *Angelos curare terræ certas partes, præfectosque gentibus & locis:* Et cum D. Hieronimo cap. 28. in *Ezech: Traditas esse Angelis ad regendum Provincias, quasi Judicibus, ab Imperatore.* Et cum D. Aug. lib. 84. q. 74. *Unamquamque rem visibilem in hoc mundo habere Angelicam potestatem sibi præpositam:* quod plerique omnes de speciebus rerum visibilium, non individuis interpretantur: Apoc. etiam c. 14. fit mentio Angeli ignium, & cap. 16. Angeli aquarum. Addamus Angelum aëris & terræ: nego tamen, naturales elementorum operationes plerumque per Angelorum ministerium excerceri, ignis calefacit, aqua frigefacit, aut per alveum fluminum delabitur, sine opera Angelorum. Præsumt ergo solùm elementis ad operationes extraordinarias per eas exercendas, ut 1. p. q. 110. art 1. ad 2. docet D. Thomas, & secundum modos quibus res corporeæ subsunt divinæ regulæ in ordine ad finem prædestinationis, ut ibi Cajetanus.

Ventorum

Ventorum autem status tam naturalis est, quàm lapsus fluminum, ut postea videbis. Ex illis igitur Psalmis nihil aliud solidè colliges, quàm Deum Cherubinis, velut equis velocissimis, vectum, subitò Davidi & amicis suis contra hostes opè tulisse, id est, per Angelos extraordinariam fugam aut cædem fecisse; aut excitatis undique ventis, & morâ tempestate, præsentiam suam ostendisse, ut pulchrè Psal. illum 17. Jansenius noster interpretatur. Non vult ergo Psaltes, à Cherubinis esse ordinarios & cottidianos flatus ventorum. Adde, ascensum super Cherubim, à D. Hieronymo intelligi de ascensu corporeo Christi super omnes choros Angelorû: & à D. Augustino, de ascensu super plenitudinem scientiæ (hanc enim significat vox Hebraica, Cherubim.) quia Christus charitatem omnem, quæ est plenitudo scientiæ, superavit, dum pro nobis posuit animam. Thesauri etiâ de quibus Deus ventos producit, nō Angeli, sed potentia Dei, addita, sunt, ut initio hujus libri diximus; aut certè loca subterranea & ignorata nobis: hæc enim propriè significat vox thesaurus. Patet ex vultu Epitaphio Poëtæ Nævii,

Itaque postquam est Orcivo traditus thesauro,
id est, Orco subterraneo;

Obliti sunt Romæ linguâ Latinâ loquier.

Et Tertul. cap. 46. Apolog. Si *gebeennam*, inquit, *comminemur*, quæ est *arcani ignis subterraneus ad pœnam thesaurus, decachinnamur*. Sic etiam sumpsit versor Psalmorum, *Ponens in thesauris abyssos*, id est, aquæ molem Psal. 32. quæ initio totâ terram operiebat, in subterraneis antris & cavernis Locus etiam Apoc. tantùm ostendit, Angelos extraordinario Dei jussu frenare posse, aut incitare vêtros

Secundum argumentû retorqueri potest in Auctores. Angeli enim movent (si tamen etiam faciant) cœlos maxime regulari & compositissimo motu: nihil verò inconstantius vento: signum ergo est, huc illuc à causa fortuita, non ab Angelis impelli. Nec premit, quod additur, de utilitate ventorum: quia causæ naturales sunt sic ab Auctore naturæ dispositæ, ut necesse sit ventum aliquando

quando in hanc, aliquando in istam partem inclinare; sicque unaquæque Regio Valeat perflari, nisi montes aut alia obstantia flatibus objiciantur.

De tertio audiendus Josephus Acoſta Americæ ſcientiſſimus, & incolæ: ait enim lib. 3. Hiſtor. cap. 21. littus Pervanum ab Ortu cingi duabus catenis altiffimorum montium (priores Sierras, alios Andes vocant) qui ventos Orientales & Septentrionales arcant. Trans verò illos, in Orientali Americæ parte, perpetuò Subſolanus flat ab Ortu. Non ergo Angeli hanc ventorum diverſitatem faciunt, ſed loricæ illæ montium. Imò mihi ecce hinc in *Æolos* iſtos cœleſtes novum naſcitur argumentum. Si enim locorum Genii ventos faciunt, cur nullus in montibus illis poſitus eſt, qui Pervanis ab Ortu ſpiret? utilis certè fuerit iſ ventus; cùm, ut idem Auctor oſtendit, ejus defectu nunquam toto anno circa illud litus pluat. Venti etiam Provinciales in altitudinem aut humilitatem regionum, obſtacula montium, aut plana camporum, an aliam cauſam, rejiciendi, non in operam Angelorum.

ARTICULUS IV.

Cauſam efficientem motûs ventorum, non eſſe terræ pulmones. Adverſus Keplerum.

ERuditiff. Ver Jo. Keplerus, Mathematicus Cæſarius, lib. 4. Harmonicæ cap. 7. terram ingens quoddam animal eſſe, multis argumentis & ſerio affirmat, quæ per montium crateres & caminos, ceu os aut nares, ventos nobis expiret. Itaque veluti nos aërem, & interaneorum fuligines, ore, miniſterio pulmonum, in obliquum effundimus; ita putat ventos à terra eſſari, vitali actione, quâ pulmones, quos in viſceribus ingentes habet, identidem dilatat & contrahit. Quod autem certis Planetarū aſpectibus venti aut tempeſtates commoventur, inde, inquit, eſt: quia terra ſympathiam cum cœlo habet, & naturali inſtinctu ſiderum poſituram cognoscit.

Verùm

Verum terræ animationem lib. sequenti, circa æstum maris, & longius in libris de de anima refellemus. Deinde, sæpè venti ab alto mari, aut partibus etiam mediterraneis advolant, ubi terra nullos caminos aut insignia spiracula habet. Tertiò plerumque crateres & spiracula montium & terræ, non in latus, sed sursum in cœlū spectant: quid ergo spiritus in cœlum directè euntes, in latus reflectit? hæc enim proxima causa motus ventorum, quam tamdiu quærimus.

ARTICULUS V.

Ventos gravitate suâ in terram defluere, ut torrentes & flumina per alveos.

CAusam enim aliam post longam meditationem, reperire nullâ valui. Probatur primò, quia pluvia, grando, nivis & alia ferè cœli missilia, gravitate sua delabuntur; cur non & venti possint? Certum enim est, exhalationes non minius in nubibus & mediâ regione refrigerare & condensari, quàm vapores: sive à natura terræ, quam nondum amiserunt, sive à frigore vaporum & illius regionis. Ergo sublato æquilibrio exhalationes tunc recident, cum in medio liquido & fluente, id quod propensius & gravius est, cadat semper infra levius aut minus grave.

Secundò: Non in alia causa facilè acquiescam, cur autumnus plerumque ventosus; nisi quia exhalationes plurimæ æstate collectæ, tunc refrigerant, & refluunt deorsum.

Tertiò: Rubedo nubium & Lunæ ventos significat, quia per confertas exhalationes aspiciuntur, quæ paulatim frigore densantur in ventos.

Quartò: Dic quare colore suo comprimat ventos, & meridie non raró sopiantur diurni flatus? quia, credo, infigne frigus & densitas necessaria est ad ventorum fluxum, quam nimius calor impedit.

Quinto: Ideo à polis & frigidis cœli cardinibus & ferociore

ferociores venti. Aristotele & Theophrasto test; quia ibi plus frigoris spiritū condensans. Hinc etiam fluctus ab Aquilone excitati simul ac ventus posuit, sternuntur & conflaescunt, ut ex Hometro & experientia notat Agellius lib. 2. cap. ult. cum tamen post flatum Austri mare diu permaneat undabundum: causa est, Aquilonis, frigidioris & gravioris, lapsus in mare magis rectus & princeps: ubi contra Auster, quia levior & obliquior, propellit directē in latus undam, ideoque diutius impetum & vacillationem retinet, quam si fracta esset superne. Fallor, aut idem significavit naturæ consulti limus Poëta:

Virgil.
Aeneid. 1.

*Incubnere mari, totumque à sedibus imis,
Una Eurisque Notusque ruunt, creberque procellis
Africus, & vastos volvunt ad littora fluctus.*

Nam eruere mare à sedibus imis, & volvere ad littora fluctus, est ventorum oblique magis incidentium: quales Eurus, Notus, & Africus, qui in Europam non veniunt à frigido cardine.

Sextò: Matutinae auræ, quæ à fluminibus aut lacubus molliter aspirant, planè videntur esse vapores antè sublatis, & leni frigeratione contracti, pondere suo relabentes: ergo simile erit in ventis illis grandioribus & legitimis.

Job. 28.

Septimò. S. Jobum deduco in hunc sensum. *Qui fecit ventis pondus, & aquas appendit in mensura.* Veluti enim Deus per causas secundas aquis gravibus levitatem dat, & in nubibus suspendit: ita levissimæ exhalationi gravitatem & pondus reddit, ut delabatur.

Denique, videtur id sensitse Aristoteles lib. 1. Meteor. cap. 3. negat enim in supræmæ aëris regione nasci ventos, quia nimius ibi calor, coagulum & condensationem exhalationis impedit. Deinde lib. 2. cap. 4. docet, Austrum à Tropico Cancræ & Zonæ torridæ facilius ad Septentrionem & polum Arcticum, quam Boream ad Meridiem & eandem Zonam pervenire: cujus una videtur ratio, quod Boreas à polo, rectiori lineâ & breviori in terram, utpote gravior, decidat; Auster vero calidior & levior per lineam

lineam obliquiorem & longiorem in Septentriones effluat. Et Sect. Problemat. 26. comparat ventum cum aqua fluminum: ut sicuti in Atho & excelsissimis illis montium, nullæ aut parcissimæ aquæ fluunt; ita venti ibi rarissimi: causa utriusque eadem: quia insigne frigus abest, quod & vapores in aquam, & exhalationem in ventum cogat: unde non pessimè lib. de Mundo Apuleius ventum definit, *Multum & vehemens in unum coacti aeris* (melius tamen, exhalationis) *flumen*. Venti enim reverà flumina quædam aëria sunt; quæ tamen non certo alveo feruntur, sed per vastum cœli spatium, lato impetu, ut elegantur Seneca.

Video tamen, his aut similibus telis oppugnari posse nostram sententiam.

Primò: cur tam obliquè, & non, ut pluvia aut grando ad perpendiculum, venti in terram cadunt? Deinde: Cur tam procul per superficiem terræ se evolvunt, ut patet in turbinibus illis, quibus pulvis per ingentes aliquando & planos campos æstate contorquetur?

Ille volat, simul arva fugâ, simul aquora verrens. Georg. 1.
certè aqua pluvialis delapsa eodem loco adhæret, nisi eam torrens aliquis per declive provoluar.

Tertiò: Cur impetu tanto exhalatio aërem secat, cum aqua gravitate longè eam superet?

Quartò: Cur ab eodem cœli cardine tot aliquando diebus aut septimanis cadunt & effunduntur?

Ultimò: Venti passim omnibus dicuntur leves;

————— *Fugit ocyor aurâ*
Illa levi. —————

Ovidius
Met. 2.

Hæc aliquando visa mihi difficilia; sed non ob quæ veritatem deseramus.

De primò respondeo, obliquitatem illam venti effici ab exhalationibus aut vaporibus, aut partibus aëris levioribus, quæ perpetuò in sublime scandunt, ut statuatur æquilibrium inter partes Mundi Elementaris: cum enim venti exhalatio, propter ipsas sibi obvias, non possit statim rectâ deorsum præcipitari, moræ impatiens, motum obliquat in latus, Quò etiam conferunt quædam
P exhalationis

exhalationis partes, leves & nondum satis refrigeratæ, quæ permixtæ & intricatæ vento graviori, deorsum vi detrahuntur. Denique aër multâ & latâ exhalatione decidente percussus & resistens, eam declinat & excutit potius in latus, quam sinat rectâ deorsum ferri: unde etiam quia aër juxta terram est densior, motum venti magis obliquat, quam in sublimi: grando verò, aut guttæ pluviales exiguitate & rotunditate sua obstantia facile secant: etiamsi tamen ob easdem causas, ut equidem existimo, earum casus paulisper abeat à rectitudine perpendiculi.

Ad secundum: Ventus post casum non statim quiescit; quia mobilitate suâ à terra resilit, & alia exhalatio à tergo præcedentem delapsam in obliquum urget ac propellit. Juvat etiam, quodd exhalatio fugientem ante se aërem prosequatur, ut vacuum repleat: potissima tamen causa consistit in impulsione sequentis exhalationis: quæ si frequentetur plaga plagæ superveniens, in longissimū spatium urgere & extendere spiritum potest.

Ad tertium respondeo, ventos, qui tantas vires ostendunt, & arbores ac ædificia sternunt, sæpè non ordinarios esse, sed procellosos: qui ab iisdem causis moventur quibus fulmina, ut libro 2 enarrauimus. Deinde, ordinarii etiam, qui à refrigerio exhalationis nascuntur, maximum impetum colligere possunt, & ab insigni gravitate, & à multitudine materiæ cujus una pars alteri superveniens impulsum addit, & intendit motus celeritatem: ut enim illa acies maximo impetu ruit, & hostem facile rumpit, in qua posteriores præcedentium tergum urgent & propulsant: ita in vento fit: unde ubi exhalatio prior exitum non reperit, aliâ à tergo premente, sæpè per obstantium stragem viam effringit. Sic Paschate illo ventoso anni 1606. & morte Justi Lipsii nostri famoso, ventus Occidentalis aræ & porticibus Illustri Monasterii S. Gertrudis Lovanii inclusus, nec ab Oriente exitum inveniens, magnam & novam ædificii molem arietavit, & tandem impulit in plateam. Aqua tamen (fateor) gravior est vento; sed etiam majori impetu cælo

cœlo decideret, si conferta, & non guttatim dispersa, pro-
rueretur. Aspice vires torrentium, qui non tantum domos,
sed integros aliquando pagos, aut regiones proluunt, &
mecum dices.

Quarti ratio est, quia quod principium exhalationis in-
cubuit, & viam secuit, eò ceteræ partes sequuntur. Durat
verò pertinaciter tanto tēpore unus ventus, vel quia ex-
halatio ibi sunt refrigerata, multa est, vel quia alia & alia
ē terra aut aqua eodem jugiter ascendit, statimque fri-
gore correpta & condensata, eādem semitā defluit, quā
præcedens, & aër in illam partem incitatus, ducit. Prio-
ri modo, ventus velut ē lacu: posteriori, velut aqua fon-
tana ē cavitare subterranea aërem aut vaporem in aquā
perpetuò densante, fluit.

Ex dictis etiam sequitur, quod notat Theophrastus,
ventos initio, & ubi origini propinquiore, magis densos
& confertos esse, & frigidiores: ut enim halitus efflatus
ore animalis, aut fons in rivum aut flumen se exonerans,
in principio compressior est, deinde dispergitur: ita est in
vento: frigus autem augetur densitate & vicinitate frigi-
darum partium exhalationis: nisi fortē ardentes aliquos
spiritus contineat, qui motu excutiantur; & ita ventus
refrigescat in cursu.

De ultimo, nulla difficultas. Aura & venti dicuntur
leves, sicuti aves; quia celeres: unde etiam finguntur pen-
nati. Silius lib. 1. de Boreā:

Nunc ipsas alis frangit stridentibus Alpes:
Et Juvenalis Sat. 5.

— Dum se continet Auster,

Dum sedet, & siccat madidas in carcere pennas.

Hinc Ælius Verus Cæsar, teste Spartiano, cursoribus suis
alas apponebat, & unum Boream, alium Notum, & cete-
ris nominibus ventorum appellabat. Quidam tamen
venti leviores aëre inferiori sunt, ideoque ad terram non
perveniunt, sed per mediam regionem aëris, vel supre-
mam partem infimæ discurrunt. Testantur id mihi nu-
bes, quæ quandoque ventis agitantur, nullo tamen apud
nos flante. Item duplex sæpè earum in contrarium, ab

Oppositis ventis, agmen est; cùm tamen unicum hîc flatum experiamur.

Lucret.
lib: 5.

Nonne vides etiam diversis nubila ventis

Diversas ire in partes, inferna supernis?

Alter ergo illorum ad terram non descendit.

Scio tamen multis incredibile fore, tantam in vento gravitatem esse, quæ tam validum impetum deorsum faciat. Sed talibus corrigenda imaginatio est, quâ sola corpora opaca insigniter gravia reputant. Hi nunquam credant, truncû arboris aquâ fluidâ & pellucidissimâ levio-rem esse, nisi vidissent supernatantem: aut aquam marinam, omni fontanâ pellucidio-rem, & tamen longè propensio-rem, nisi vocassent ad examen: neque hodie etiam adduci possunt, ut mecû affirment, aëra infimæ regionis transparentem & invisibilē, plus ponderis quàm opacas mediæ regionis nubes habere. Vitrorum etiam ac crystallorum perspicuitatem, & una gravitatem cogitent; & minùs utramque junctam mirabuntur in vento, fluiditas enim non repugnat cum pondere, ut aqua, & metalla fusa faciunt fidem.

C A P. III.

De causa formali ventorum.

DE causa formali nihil ferè præcedentibus addo. Forma enim venti substantialis eadem est quæ exhalationis, & vaporis, si quis vapor permixtus est exhalationi: unde quia vix aut nunquam ventus purâ exhalatione constat, multiplex est forma ejus substantialis: prout scilicet, terræ, & aliquorum mixtorum exhalatio, vapor & aër, confusè in uno agmine venti fluxerint. Forma venti ut meteorum est, statuitur vulgo, cursus circa terram ille transversalis: hic enim compositum accidentarium, quod ventum vocamus, constituit & consummat. unde ventus non movetur nec currit accidentaliter & tanquam subjectum cursûs; sed prædicatione

ne essentiali : quomodo sedes v. g. figurata dici potest ; quia figuram essentialiter includit. Cum ergo ventus exhalatio appellatur, prædicatio causalis est, huic (sedes est lignum) similis, Nisi tamen quis malit ventum in recto significare exhalationem, & in obliquo connotare solum motum illum transversalem. Verum sic motus non erit propriè forma constituens venti ut meteorum est ; quia non componet id quod in recto denominatur ventus : quod à receptâ loquendi formulâ abit. Hinc non ineptè prorsus & ἀφίλοσοφῶς versus istos Virgilii admorder Seneca :

— Hic vasto Rex Aeolus antro

Luctantes ventos, tempestatesque sonoras

Imperio premit, & vinclis & carcere frenat.

Non intellexit, inquit, nec id quod clausum est, esse adhuc ventum ; nec id quod ventus est, posse jam claudî. Nam quod in clauso est, quiescit, & aëris statio est. Omnis in fuga ventus est : Sic ergo nec Ulysses habuit unquam ventum in utre.

CAP. IV.

De causâ finali ventorum.

Finis ventorum, eorum utilitas est, quæ multiplex. Primò, aërem contra situm & putredinem exercent ; & hinc causas morborum, & pestem discutunt, cui regiones stagnantes, obnoxiae sunt, nec perflatae ventis. Notum etiam olim, è cista diu clausa, & aperta, pestilentiam latè sparsam Babylone. Et Cardanus lib. I. Varietat. cap. 9. narrat, omnes in Vico quodam juxta Mediolanum intra triduum expirasse, qui adfuerant, dum duæ cistæ, 30. annis metu bellorum reconditæ, reserarentur, quique res inclusas, etiam dudum post, contrectavissent. Tantam pestem & noxam contrahit silens nec ullis auris exercitatus aër.

Nubes deinde è mari, lacubus, fluminibus elevata,

& supra pendula, ad partes Mediterraneas flatu adducuntur, ut repluant & terram irrigent. unde si absque ventis foret, necesse esset maximam terrae partem sterile scire. Respirationem etiam animalium refrigerant: & iactatione sua, plantarum radices, ut altius defigantur, & liberius ac laxius eliciant alimentum, juvant. Ut enim Aristoteles lib. 7. Polit. c. ult. suadet, pueris permittere ploratum, quia id meatus corporis diducit, & facit ad incrementum: ita arbores ventis agitatae patentioribus venis, & avidius terrae succum bibunt, spatiosiusque adolescunt. Brevis, nihil certius, quam celi terrarumque temperiem maxime regi per ventos, hocque unicum serere esse serenitatis, aut hiematuri mox aeris, signum: Commercium etiam humana permiscet, Oceanumque & totum terrarum orbem pervium venti faciunt. Molas, deinde, quas Veteres olim tanto brachiorum labore, circumagunt. Præterire, ait Cardanus lib. 1. Variet. cap. 10. non possum, quod adeo est admirabile, ut antequam viderem, credere nec potuerim. In Italia multis regionibus & in Gallia passim molendina fiunt, qua ventorum flatibus circum vertuntur: atque adeo vehementi impetu, ut tres equos cum equitibus circumagere possent: adeoque presenti utilitate, ut modios 8. Mediolanenses in singulas horas, id est, libras circiter mille frumenti malere possint. Rationem deinde conficiendi ex Hieronymo Giravâ Hispano docet; quam, longum & nimis mechanicum, hic attingere.

In tanta tamen ventorum utilitate, noxae quaedam & tam graves sunt, ut Seneca dicere veritus non fuerit: Quod de Cæsare olim majore vulgo distitutum est, & à T. Livio positum, In incerto esse, utrum illum magis nasci Reip: profuerit, an non nasci; dici etiam de ventis potest. Obellè! sed veluti seditiones toties repetitæ Tribunorum Plebis, & factiones Optimatum satis significabant utiliorem Romanis futuram Monarchiam; ita venti plus commodi, quam noxae habent.

CAP. V.

De numero ventorum.

ARTICULUS I.

Quot, & quibus nominibus recensiti venti.

Scriptura sacra sæpe quatuor ventorum meminit. Dan. 7. *Quatuor venti pugnabant in mari.* Zachar. 2. *In quatuor ventos cæli dispersi vos, dicit Dominus.* Et Veritas, Matth. 24. *Congregabunt electos ejus è quatuor ventis.* Hi autem quatuor venti cardinales sunt, à quatuor Mundi cardinibus (utroque scilicet Polo, Ortu & Occasu) flantes: preter quos, alii collaterales interjiciuntur. Et quidem, quia infinitæ lineæ à circumferentia horizontis, ad centrum, in quo nos sumus, trahi possunt, infiniti etiam venti Mathematicè diversi, per alios & alios spirationis axes. Spirare ad nos valent: ad disciplinā tamen & distinctionem in certum numerum redigi debuerunt. Athenienses olim inter utrumque cardinalem, unicum laterionem inmiserunt; ut facerent octo universim ventos. In turri etiam marmorea octangulari Tritonem æreum versatilem collocarunt, dextrā manu virgam porrigentem: qui contra flatum consistens, supra imaginem flantis venti, lateri turris insculptam, indicem virgam teneret: fuitque hoc Andronici inventum, ut lib. I. c. 6. narrat Vitruvius. Numerus deinde ad duodecimum auctus est; quem recipit Aristoteles, & passim Philosophi: alii tamen valdè concinne sedecim statuunt: ita ut inter quoslibet duos cardinales, tres alii laterales interlocentur; qui numerus abundè sufficit ad observationes & usus ventorum in terra. Nec tamen etiam ferè minor esse potest: quia inter duos cardinales, manifestè fiat aliquis, qui pari intervallo ab utroque est diffitus; quem tamen Aristoteles neglexit, contentus duobus la-

teralibus. Nautæ verò, quorum valdè interest, quo præcise flatu impleant sua vela, in plura segmenta horizon-tem dissecant, & in pyxide sua duos & triginta ventos notant, & observant. Inter enim duos quosque cardinales, septem collaterales interponunt. Nomina putantur à Carolo magno inventa; & Belgica sunt: utunturque omnes pænè Europæ nationes, Germani, Angli, Hispani, Galli (etsi parum in pronuntiationem suam frangant) præter Italos.

Nomina eorum apud Latinos varia, & perturbatè leguntur, dum alii Cæciam alii Boream vocant Aquilonem; quidam Eurum cum Subsolano, quidam cum Vulturno confundunt. Nos nomenclaturam Phavorini apud Agellium lib. 2. cap. 22. Plinii lib. 2. cap. 47. & Senecæ lib. 5. cap. 16. ferè sequimur.

Itaq; Aristoteli à polo Arctico flat Boreas sive Aquilo, ab Antartico Auster sive Notus, ab Ortù æquinoctiali Eurum, sive Subsolanus, ab Occasu æquinoctiali Zephyrus sive Favonius: Atqui hi quatuor vocantur principales & cardinales, quia à principibus Mundi cardinibus spirant. Duobus versibus sic eos complectitur Jovianus:

A summo Boreas, Notus imo spirat Olympo:

Occasum insedit Zephyrus, venit Eurum ab Ortù.

Qui Boreæ à dextris, Ithrascias, à sinistris Meses, dexter Austri Phœnicias, sinister Libonotus, qui ad dextram Subsolani Cœcias, qui ad sinistram Vulturnus, Zephiri dexter Atricus, sinister Caurus, appellatur. Aristoteles tamen Libonoti non meminit, Austrumque sine laterone sinistro reliquit. In obscuro causa est: quia forte, ut quidam credunt, non insigniter in Græciam spirabat. Sic Belgæ Vulturnum negligere possumus, quia hîc imbecillis, & rarissimus. Verum inter duos quoslibet laterales, tertius, ut antè monui, inferendus est, Pari distantia ab utroque cardinali. Itaq; inter Boream & Eurum medius erit Boreapeliotes (ut Guil. Casanates vocat, qui 32. ventis nomina Latina fecit) voce ex Borea & Apeliote, sive Subsolano composita: Flandris *Nord Oost*, Italsi

Italica Greco dictus. Inter Boream & Zephyrum Boreo-libycus, Belgicè Nord-West, Italicè *Maestro*. Inter Eurum & Austrum Notapeliotes, quem Belgæ Zuyd-West, Itali Syrocco. Inter Zephyrum & Austrum Noto-sybius, apud Belgas Zuyd-West, Italos Lebecchio aut Garbino.

ARTICULUS II.

Quomodo Indices ventorum describendi.

IN descriptione ventorum, primò invenienda est linea Meridiana, decurrens directè à polo Arctico versus Antarcticum; cujus inventio facilis est ex Vitruvio lib. I. cap. 6. per observationem umbræ gnomonis solaris aliquanto ante & post meridiem. Vel certè potes sic ruditer. Observa longitudinem umbræ, quæ cum datur signum horæ meridianæ, quæ apud nos est duodecima, vel certè umbram stili alicujus tenuioris; ac per eam mediam, ducito lineam à radice stili versus Septentrionem. hæc enim meridiana erit, nisi horæ perperam regerantur. Aut noctu adspice stellam polarem per cuspides duarum, si vis, hastarum, aut baculorum in terram intervallo aliquo defixorum. Linea enim iterum inter utrumque protracta, erit Meridiana. Alia deinde per hanc mediam ad angulos rectos, ab Ortum ad Occasum ducenda, & habes jam quatuor puncta istarum duarum linearum extrema, à quibus fiant versus centrum seu punctum intersectionis, quatuor venti cardinales. Deinde pro ventis collateralibus aliæ lineæ, quæ priores ad angulos obliquos in eodem puncto interfecent, protrahendæ, ut una à puncto medio inter Boream & Eurum, quæ a Boreapeliote, inter Zephyrum & Austrum cadat, id est, in Norolibycum. Et ita in ceteris sic ut pro quoque pari oppositorum ventorum una tantum linea ducatur, quæ sit axis spirationis ipsorum, & à cujus extremis punctis fiant in ora mutua, & reflent. Hæ autem omnes lineæ circulo uno circumscribendæ sunt, qui imaginem horizon-

horizontis habeat, & cujus centrum sit punctum illud in quo omnes ventorum lineæ se decussant.

Talem circulum in villis suis ab agricolis deformari, suadent Scriptores rei rusticæ. Vel potius, Andronici illius Atheniensis imitatione, duodecim, aut magis sedecim angulorum turriculam concinnet, angulo quoque, prospectante in suum ventum; Tritonemquæ, aut gallinaceum in culmine, qui rostro angulum ostendat, & inde flantem ventum. Vel si id nimium habet operæ, curent saltem operum publicorum præfecti; ut cruces Templorum ita collocentur, ut una pars transversalis subiaceat loci Meridiano, cornuæque protendantur versus utrumque polum. sic enim altera necessariò monstrabit Ortum & Occasum: habebuntque ab extremis illarum linearum punctis quatuor ventos cardinales, quorum supersedens gallinaceus index erit. Collaterales etiam inter cornuum intervalla, mente designare, difficile non fuerit.

ARTICVLVS III.

A quo horizonte sumendam initium ventorum:

Vitruvius lib. I. cap. 6. horizontem, unde ventos rectâ lineâ ad nos spirare imaginamur, facit maximum terræ circulum: sive est ei horizon naturalis, qui terram in duo hemisphæria æqualia secat. unde, qui octo tantum ventos statuit, dat unicuique in circulo horizonis amplissimum spatium, scilicet octavam circuli terrestris partem, quæ secundum ipsum & Eratosthenem est, inquit, *ter millies mille & novingenties trigesies septies mille, & quingenti passus*. Verum necesse non est tot millaria uni vento tribuere; præsertim cum numquam, puto, eveniat, ut aliquis idem ventus à lineâ horizonis naturalis, id est, per totum terræ quadrantem, ad nos usque fluat. Alii ergo melius, lineam visibilis horizonis in terra sumunt, & inde lineas & axes spirationis ventorū, ad nos, id est, ad centrum horizonis adducunt. Quanta

autem

autem sit semidiameter horizonis visibilis in terra sive
linea ab oculo nostro ad punctum terræ remotissimum,
quod ablatis omnibus montium, ædificiorum, impedi-
mentis videre possumus, est. adhuc incertum. Proclus
existimat esse 1000. stadiorum, id est, 125. milliarium
Italicorum, sive ferè 42. Belgicorum. sed hæc longitu-
do est quintuplo major iusto, si oculum non è monte,
sed è superficie terræ spectantem accipiamus, ut statim
parebit. unde etiam Daniel Barbarus Viruvii lib. 8:
cap. 3. nimis liberalis est, cum ad 500. stadia extendit.
Longè parcior lib. 2. Theat. Bodinus, qui 14. tantum mil-
liaria donat: quosque (putat ipse) apes, cum longissi-
mè ab alveari ad florilegia & labores. evolant. Macrobius
lib. 1. in Somnium Scipionis 180. stadia statuit, id est,
milliaria Italica 22 & Belgica plus 7. satis consentien-
ter Alhazeno lib. de Crepusculo, qui, cum videns, inquit, est
*super aequalitatem terræ, non pervenit visus ejus, nisi
quasi ad 23 milliaria ab omni parte.* Nautæ tamen no-
stri parum minuunt, & intra sextum milliare Belgicum,
demum emergere summa vela navium in mari referunt.
hos ergo, ut duces certiores, sequamur. Itaque tota dia-
meter horizonis visibilis erit 12. milliarium Belgico-
rum, sive 36. Italicorum. quæ longitudo triplicata effi-
ciet circiter circumferentiæ ambitum, 36. Belgicarum leu-
carum. In quo si 12. Aristotelis venti ordine disponan-
tur, quisque tres spatii leucas, si sedicim, duas & ampli-
us, si triginta duo (quot solent à nautis) unam, & quod
abundat, obtinebit.

Quæ tamen non sic accipe, quasi omnis ventus à cir-
cumferentiâ horizonis illius visibilis inceperit, flare &
versus nos recidere. Multi enim è longinquiori veniunt,
alii etiam juxta nos orti sunt, extra illum terminum. om-
nium tamen flatus in aliquam lineam & axem spiratio-
nis, qui ab illa 36. leucarum circumferentiâ ad nos rectâ
protenditur, incidunt, & indidem venire censentur. Idem
etiam ventus de unâ lineâ in alteram transire potest. ut
qui iniussu secundum axem Boreæ, directè à Septentrione
spirabat, in via, & antequam ad nos perveniat, in axem
Thraciæ

Thraſciæ vel alterius collateralis deflectere. Montes enim obje&i, & difformitas aëris ſecandi, exhalationem hæc illæc detorquet, & motum ejus, inſtar torrentis, turbidum facit & inconditum.

Sed è quanto intervallo, inquires, poteſt exhalatio eadem ad nos pervenire? Macrobius lib. 2. cap. 5. Somnii Scip. putat, Austrum gelidum, & Boreæ noſtro ſimillimum, eſſe in ſuo ortu, fervorem autem contrahere longo per Zonam torridam trajectu. unde cenſet, eundem ventum ab uno polo ad alterum, per 180. gradus poſſe tranſvolare. Sed hic campus eſt nimis magnus. probabilius Ariſtoteles, qui Austrum Græciæ ſuæ, circa Tropicū Czncri credidit exoriri. Cum enim ex ipſo antè docuerim, ventos inſtar fluminū & torrentium per aërem gravitate ſuâ delabi; conſequens videtur, ut non ex quantolibet intervallo in nos poſſint recidere. Duplici autem de cauſâ fieri poteſt, ut alius alio longiùs feratur: vel quia gravitas exhalationis minor eſt, vel quia locus originis eſt altior. Prima enim cauſa facit, ut linea ſpirationis ſit obliquior, & tardiùs tangat terram. major autem gravitas per lineam breviorẽ, & perpendiculari viciniorem, detrahit halitum. ſic lib. 2. Meteor. cap. 4. dicit Ariſtoteles Austrum longiùs fluere, quàm Boream. Si etiam exhalatio è loco eminentiori decida; plus ſpaciũ (cæteris paribus) conficere debet, antequam petingat ad terram. Ex utrâque cauſâ venti Australes prolixiùs quàm Boreales, ſpirant. gravitas enim eorum minor, quia calidiores & rariores ſunt: & quia exhalatio rarior altiùs ſcandit, idèd excelfiori mediæ regionis parte cadunt: niſi tamen vapores multi permixti ſpiritum ſupprimant & prægravent. unde venti Occidentales, qui ab Oceano Flandrico nobis ſpirant; majori pondere Brabantiam premunt, quam Subſolani, qui à vaſtiſſimis illis & mediterraneis Germaniæ regionibus veniunt. Poſtquam autem exhalatio in terram cecidit, non ſtatim componitur & quieſcit, ſed per multas adhuc leucas aliquando ab aliâ ſuperveniente propelli poteſt. In vento enim valido, & per totam aliquâ Provinciam generali, imaginari

imaginari oportet, unam partem exhalationis in unam urbem, aliam in alteram sequentem obliquè incidere. ut si pars venti Occidentalis cadat in Brugas, altera in Gandavum, fortè ruet, tertia in Bruxellaw, quarta in Lovanium. ita tamen, ut exhalatio illa prima Brugenſis, ab iis quæ per totam spatium medium decidunt, protrudi valeat usque Lovanium. quæ enim inter Brugas & Gandavum, verticem Brugenſem radendo, cadit, eam ante se, aut secum agit usque Gandavum; Gandavenſis deinde utramque fortè excipit, & rapit versus Bruxellam. Dices. hinc sequi, ventum semper in remoto quàm in propinquo esse longè ampliorem & validorem. Respondeo, plerumque saltem id esse verum, & ab Aristotele lib. 2. Meteor. cap. 4. assertum; ubi docet, flatus initio invalidos, supplementa & vires, ut flumina influentibus rivis, colligere in progressu. Bona tamen pars exhalationis deciduæ hæc illac diffluit, aut montibus, ædificiis, arboribus, aliisve obstantibus heberata, alterius cadentis impulsu non sequitur. unde accidit, ut aliquando longitudine viæ non fiat ei magna accessio. Ibi autem exspirat & immoritur ventus, ubi ultima exhalatio delapsa aliquamdiu voluta fuit per terræ superficiem.

Ex his patet, non posse certò definiri distantiam terræ, è cuius vertice in nos decedit, aut quousq; prolapsa evolvatur exhalatio. quod significatur Esdræ lib. 4. cap. 4. *Vade, pondera mihi ignis pondus, aut mensura mihi flatum venti, aut revoca mihi diem quæ præterit.* Mensura enim longitudinis axis per quem spirat, reverà non potest à nobis sciri. unde Salvator Joan. 3. 3. *Nescis unde veniat, aut quò vadat.* Quia tamen Ætnæ cineres, Plinio teste, ad 150. millia pass. inde recidunt: & apud Dionem lib. 66. Vesuvius Campaniæ mons, sub Tito, cinerem Romam usque, imò trans mare in Ægyptum & Syriam ructavit; nec videtur cinis vento adjutus ad hæc omnia loca, quæ contraria sunt, pervenisse: ventus è supremâ mediæ rationis parte (ubi Ætna verticem habet) tam procul etiam recidere potest, quia sæpè non est gravior

gravior cinere. unde cum 150000. pass. colligant 50.
 leucas Belgicas, patet, ventos sæpius oriri ultra hori-
 zontem nostrum visibilem, cujus semidiametrum tantum
 fecimus 6. leucarum, & hinc venti & nubes vi-
 dentur nobis supra horizontem ascendere: cum tamen
 neutri reverà scandant, sed nubes circulariter agantur,
 & venti potius cadant. Imò origo & fons eorum longè
 ultra 50. leucas Belgicas abesse potest: quod hinc licet
 æstimare. Ad fluxum enim facilem & satis prorum fluvii-
 alis aquæ, sufficit alveum intra mille passus uno passu de-
 vergere, & ad terræ centrum inclinare, ut docuimus Li-
 bro sequenti. pone ergo fontem venti in suprema parte
 mediæ regionis æris, quam Libro primo diximus 4. cir-
 citer mill. passuum à terrâ distare. hinc si pari cum aquâ
 illâ fluviali inclinatione in terram defluat, necessitò
 4. millia milliarium in aëre conficiat antequam attingat
 terræ superficiem, sed tamen ventus sæpè est magis præ-
 ceptus, maximè qui stat à gelido aut humenti cardine. ho-
 rum enim, ut sic dicam alveus rectior & magis præruptè
 decurrit in terram. adde, vix unquam tam altam esse
 ventorum originem: cum summas illas nubes, plerum-
 que aspiciamus tranquillâ à ventis, uti & vertices illo-
 rum montium, qui attingunt circiter mediæ regionis fi-
 nem. Itaque è media statione nubium, aut etiam proxi-
 mâ, quæ dimidio tantum milliari abest à terra, ut pluri-
 mum venti decidunt, quod maximè verum, si à nubibus
 deorsum repelli deberent. Si autem à demidio mill. deflu-
 at, divergendo per singula milliaria tantum uno passu,
 post decursum transversalem 500. milliarium in aëre,
 tandem veniet ad terram: quia sunt 500. passus in di-
 midio milliari. Quidquid sit, vix mihi dubium, quin hu-
 mido illi & frequentes Zephyri & Africi nobis ex Oceano
 Flandrico, & Gallico surgant, id enim & qualitas indi-
 cat, & assiduitas: quia facilius Sol è mari & humentibus
 spiritum, quàm è siccis, resolvit. De Austro etiam proba-
 bile est, aliquando è mari Mediterraneo huc usq; perve-
 nire, nisi tamen (quod, puro, sæpè accidit) è Provincia,
 & viciniori Galliâ, imbris propinqui utriusque maris,
 Oceani

Oceani scilicet & Mediteranei, humectâ, spiritus ille pluvius surrexerit.

ARTICULUS IV.

An eodem vento navis totum Orbem circumnavigare possit.

Resolutio negativa clara est ex jam dictis, si de eâdem numero venti exhalatione res sit, unus enim & idem spiritus sæpè lassitus concidet, & exspirabit, priusquam Orbis totius ambitum decurrerit. Sed difficultas est de vento eodem, id est, qui ab uno eodémque horizontis puncto venit, Petrus Medina lib. 3. cap. 6. Mundi sui, de omni vento, sine discrimine, affirmat: Jo. Bapt. Benedictus Epist. ad Andreâ Provanam, de solis cardinalibus. ait enim. *Fieri non posse, ut navis ab aliquo loco ad alium, brevissimo intervallo ire possit, per gyrum circuli majoris sphaera, uno tantummodo vento eâ impellente, praterquam in Aequatore, vel in aliquo quovis Meridianorum.* Itaque venti qui per azimutha navem ducunt, quales sunt collaterales, non poterunt iidem navem circa totû aquæ Orbem circumvehere; sed unus per unû azimuthi segmentum, alius per aliud impellet. Sed id non videtur verum. Si enim Boreas per eundem Meridianum subvehere navem potest, & Subsolanus aut Zephyrus Zonæ torridæ, per Aequatorem; cur non etiam Cæcias per azimuthum suum, quod per Africum, sive ab Ortus æstivo per Occasum hibernum transit? Quod sic ostendo. Cæcias & Africus tam sunt oppositi, quàm Boreas & Auster: ergo sicut isti ideo navem sub eodém perpetuo Meridiano propellant, quia per eandem lineam rectam Meridiano subtenfam spirant & respirant; ita Cæcias & Africus sub eodem azimutho propellent, quia linea spirationis eorum est similiter subtenfam azimutho. Deinde, Meridianus ipse inter azimutha, seu circulos verticales qui transeunt per zenith & nadir polos horizontis, numerari debet. imò azimuthum quod jam ducitur per Cæciam & Africum, Meridianus fieri potest, si, terrâ & aquâ immobili manente,

nente, Deus cœlum sic transferat, ut poli statuuntur in punctis imaginariis unde jam flant Cæcias & Africus. Sicuti ergo tunc venti isti navem circa totum Orbem, sub uno eodémque Meridiano per polos Mundi transeunte, impellere possunt; ita nunc sub eodem azimutho poterunt, qui non est Meridianus ideo tantum, quia per polos Mundi nō transit quid enim ad hoc refert, quod Boreas ab illo puncto imaginario, ubi polus Mundi realis est, spiraret, non autem Cæcias, aut alius collateralis? nihil profecto (quantulum videre valeo) cum terræ & aquæ globus undique pariter sit rotundus. Demonstratio Benedicti longa est: & eadem operâ conficeret, navem eodem vento numquam sub eodem azimutho, valere propelli ab uno Meridiano ad alterum etiam vicinissimura, quod palam, credo, est falsum. Assentior tamen, non posse id fieri sub parallelo qui non sit æquinoctialis; quia venti per circulos majores, qui Orbem terræ in duas partes aquas dividunt, spirare describuntur: omnes autem paralleli, circuli minores sunt, excepto Æquinoctiali. igitur nullus idem ventus ab ortu aut Occasu veniens, nunquā circumcurrit totum ejusmodi minorem parallelum: sed omnes, excepto Subsolano & Zephyro, intersecant Æquinoctialem. An ergo, inquires, omnium ventorum exhalatio relabitur per circulum majorem? Respondeo: Omnino faceret, nisi medium quod ipsa sulcat, inæquale & non uniformis resistentiæ, eam detorqueret: grave enim etiam si oblique cadens, brevissimâ tamen quàm potest, lineâ, centrum gravitatis quærir. quod agendo, sub aliquo segmento circuli majoris motum suum dirigit. unde etiam flumina sic fluunt, nisi obliquitas alvei, per circulum minorem, cursum depraveret & abducat. Igitur eadem exhalatio detorta, & à circulo majori aberrans, navem sub parallelo minori ducere valebit, inquires. Respondeo: Verum est. sed una eadem, que exhalatio huc illuc se torquens & palans; à diversis horizontis punctis rectâ adspirare videtur; ideoque variorum ventorum rationem induit.

CAPUT. VI.

De Ventis anniversariis.

Ventus generaliter in procellosum, & non procellosum, dividi potest. De procelloso Lib. 2. circa materiam fulminum diximus. Non procellosus est, qui vulgariter appellatur ventus, & ab Aristotele definitur, *Exhalationis siccae copia per terram currens*. Hic vel anniversarius est, vel non talis. Anniversarius, à Græcis Etesias dictus, fiat statis quibusdam & solemnibus anni temporibus. In Græcia quidem & pleræque Europæ regione, æstare à Septentrione. unde Aristoteli, Plinio, & aliis Etesia passim dicuntur venti Septentrionales. Non ubivis tamen indidem spirant. Scaligerum Exercit. 47. audi. *Hic in Gasconia*, inquit, eos (Etesias Aquilonares) numquam sensimus, sed Austros, tum crebros, tum perniciosos. Quin etiam in ora Carnorum ad Adriaticum, eorum nullum sensum cepi, sed potius Subsolanos, qui secundo Sale flant, ut loquitur Nigidius, id est, ut observavimus, Solem comitantur. Ubi paullisper etiam resisto super isto Nigidianæ phrasæ interpretamento: verba ejus sunt ex lib. 2. de Ventis, apud Agellium lib. 2. Noctium cap. 22. *Et Austri anniversarii secundo Sole flant*. ubi considerandum, (ait Agellius, nec resolvit) quid sit, secundo Sole. Non ergo de Subsolanis, sed Austris, loquitur Nigidius: qui flant secundo Sole, id est, ut existimo, Solem comitantur, ad nos motu proprio à Brumali Tropico revertentem. Etesia enim Australes & Ornithia spirant, ut statim dicam, post hiemale Soltitium. sic dicimur secundo flumine navigare, id est, aquâ obsecundante, & comitante navem.

ARTICULUS I.

Tempus Etesiarum.

ETesiæ Septentrionales flare occipiunt, inquit Aristoteles, post Solstitium Æstivum, circa exortum Canis. De Cane verò minore sive Cāiculā intellexit lib. 2. c. 47 Plinius. Dicit enim : *Ardentissimo æstatis tempore exoritur Caniculæ sidus, Sole primam partem Leonis ingrediente : qui dies decimus quintus ante Augustas Kalend. est. Hujus exortum diebus octo fermè Aquilones antecedunt, quos Prodromos appellant. Post biduum autem exortus, iidem Aquilones constantiùs perflant diebus 40. quos Etesias vocant.* Ubi tamen nonnihil memoriâ lapsus est. anno enim veteri Juliano, Sol, non 15. Kal. Augustas, sed 18. ingrediebatur primam Leonis partem, die scilicet 14. Julii, quando ipse Plinius lib. 18. cap. 28 dicit in Ægypto Prodromos incipere; quos tamen, ex sententia Cæsaris, decimo demum Kalend. Augusti sentiat Italia. Itaque opinione Cæsaris, in Italia non antecedunt, ut antè dixerat Plinius, Prodromi diebus octo exortum Caniculæ, sed sequuntur. Verùm, ut est ventorum inconstantia, præcedere aliquando, & aliàs sequi possunt. Sed stemus, si placet contra Cæsarem à Plinio, & octo diebus ante ortum Caniculæ Prodromorum flatus statuamus incipere. Cùm ergo Lovanii in elevatione Poli fermè grad. 51. Canicula circa 5. Leonis gradum manè ascendat cum Solè, Prodromos juxta hanc legem sentiemus primùm circa diem 21. Julii, quando Sol est in fine Cancrì. Quod verò addit, post biduum exortus, spirare constantiùs Etesias, non intelligit, credo, post exortum Prodromorum (quod putat in sua Ifag. Maginus) sed ipsius Caniculæ, ut videlicet decem totos dies Prodromi suos Etesias præcurrant, Etesiæque 31. Julii, id est, ultimo ipso mensis diè, nobis afflent. Quod quàm sit affine vero, ex hac Tabellâ Anemologicâ à me olim cōcinnata discite. Etiā mne tu tam vacuus, inquietis, ut poteris

tueris in hac ventorum perpetuâ curâ esse? Tacere. Tam citò hoc potuit subnotari, quàm vos nasum emungere,

Tabella Anemologica Etesiarum anni 1614.

A Primâ Iulii ad undecimam, venti Occidentales flarunt sereni.

Undecimâ, lenis & rorans Aquilo.

A duodecimâ ad 17 Auster pluvius.

A 17 ad 20 molles Aquilonares Etesiae, five mavis Prodrumi, qui vix valuerunt reddere serenitatem,

A 21 ad 24 Notolibycus, inter scilicet Africum & Libonotum, serenus, intercurrente tamen frequenti nubilo.

A 24 ad 27 Favonius cœpit, & deinde Caurus, Thrascias, Boreas, Meses, in orbem flatus sibi traderunt.

A 27 ad 1 Augusti, Etesiae affluerunt, cum effuso in fine nimbo, fulmine & tonitru, praesertim nocturno.

Die 2 Augusti, Favonii cum pluvîâ diurnâ & pomeridianâ.

A 3 ad 8 Africus pluvius, & subinde tonans.

A 9 ad 11 Etesiae rorantes.

A 12 ad 13 Zephyri primum, deinde statim Libonotus atrocior, & effusè pluens.

Dubitarunt hîc Etesiae, an redire vellent; sed se compresserunt.

A 14 ad 15 humentes Zephyri.

A 16 ad 19 Austri sereni ac ridentes, & verè Leuconoti.

A 20 ad 29 Notolibyci, qui inter Austrum & Zephyrum, & in Belgio frequentissimi omnium validissimi.

Die 30 Etesiae respirarunt.

A 31 ad 8 Septembris regnavit Auster.

Dies notavi; nox, quia dormiendum erat, sine observatione fuit: sed non puto eam longè abluisse à die.

Ex illa autem Anemologiâ patet, à 21 Iulii, quan-

do, lege Plinianâ, aspirare deberent Prodromi ad 8. Septembris quando exspirat Etesiarum tempus (post enim 10. dies Prodromorû, dixit Etesias constantius perflere 40. diebus) Etesias non fuisse valdè pertinaces, sed varîe interpolatos, & raros: imò Zephyros, & qui quadrantem horizontis ab Æquinoctiali ad polum Austrinum tenent, sæpius flatus frequentasse: longissimûmque Etesiarum tempus, sex dierum perpetuorum, 27. Julii ad 1. Augusti fuisse.

Sed ut similitudinem aut discordiâ annorum intelligamus, juvat, nisi tibi qui leges molestum est, alium experiri.

Tabella Anemologica Etesiarum anni 1625.

- D**ie 1. & 2. Julii Caurus nebulosus & subinde pluens.
 Die 3. Zephyrus Cauro similis.
 4. Boreas & Meses, stillantes & humecti.
 5, 6, 7. Africus cum pluvia intervallari.
 8. Caurus.
 9. Zephyrus.
 10. Caurus.
 11. Thrascias effusè pluens.
 12. & 13. Dies primi æstivales, cum Boreapeliore, inter Cæciam & Mesen, sicco & fervente.
 14. Eurus urens.
 15. Zephyrus stillans & tonans.
 16, 17, 18. idem, sed serenatus.
 19. Aquilo Etesias, clemens, fervidus, & nocte tonans.
 20. Zephyrus in nubilo.
 21. idem siccior & fervens.
 22, 23, 24, 25, 26. Thrascias, Boreas, Meses, Etesia, calidi.
 27. Zephyrus ejusdem temperiei.
 28. & 29. idem, sed pluvius et fulgurans.
 30. Africus pluens, tonans, et multâ grandine delapidans.

31. & 1 Augusti, Zepherus amœnus & ridens.
2. Augusti, Etesias pluens, & statim siccans.
3. Eurus serenus, et subito Zephyrus pluens.
- 4, 5, 6 Zephyrus similis præcedenti.
- 7, 8. Thraſcias Etesias, serenans.
9. Boreas & Meſes Etesia, pluvii & tonantes.
- 10, 11, & 12. Zephyrus serenus, aut nubilus, & quandoque deſtillans.
13. Caurus serenus, ſed intervolute núbilo.
- 14, 15, 16, 17. Africus ſiccus, aut ſubinde guttans.
- 18, 19, 20 Zephyrus ei non diſſimilis.
- 21, 22, 23 24, 25. Zephyrus & Africus ſerè alternis, & qualitate prioribus affines.
26. Caurus.
- 27, 28, 29. Zephyrus per lucida intervalla nebulosus.

A 30. Auguſti ad 24. Septembris, pertinaces, & vix alio brevi ſubinde ſtatu interpellati Etesia. qui etiam Lovanii 7. Septembris incendium latiffimè ſparſerunt. Cùm enim celebri illo Encæniorum die, imprudens aliquis igne bombardario ſtramineum tectum incendiſſet, Etesia Aquilonares in adverſam & Auſtralem plateæ regionem ſcintillas diſſlaverunt, et integram duarum & triginta circiter ædium inſulâ, cum horreis multis plenis, funditus & ſine remedio abſumpſerunt. Nos enim hîc, ut ſcias, velut in viridi illâ & ſuburbanâ Platonis Academiâ habitamus, & (ut Lipſius noſter in ſuo Lovanio) *Rus in urbe habemus.*

Ex hac porrò hujus, in quo ſcribo, anni 1625. ventofâ Tabellâ colliges, Julio & Auguſto iterum Zephyros, & qui inde ad Auſtrum deſcunt, conſtantiores fuiſſe Etesias. Prodromos tamen ſtatutâ ſerè die aſſuiſſe, ſed ſtantùm diebus tenuiſſe, à 22. Julii ad 26. Etesias verò tentari non ſemel ſubſequi, ſed invalido conatu, donec tandem toto pænè Auguſto à Zephyris pulſi, Septembrem longè invaſerunt. Cauſam ejus facti, Articulo ſequenti reddere conabimur.

Præter Etesias Aquilonares, ſunt alii uſque Auſtrales, quos

Aristoteles λευκονότεις, id est, albos Austros, alii ὀρνιθίας seu Aviculares vocant. Leuconotas quidem, quia sereni & innubes, inquit Theophrastus. Auster enim tenuis & invalidus, quales verni illi Etesiae, solet serenare. Aviculares autem, quia procreandis avibus maximè faciant, ita ut aves solo eorum afflatu ova concipiant, ut Vico-mercatus (non ego) credidit. vel potius ab adventu avium, ut Plinius. aut etiam, quia venti Australes circa initium veris, aves imbecilli & brevis volatûs (quales coturnices, philomelæ, aliæque è peregrinis) ex Africa & locis Zonæ torridæ vicinis, reslant in Europam. unde quia lato Maris mediterranei tractu, multæ viribus defectæ, & in mare deciduæ, aquis suffocantur, accolæ quotannis piscationem coturnicum instituunt, si credimus Bodino. Hinc à me observatum, anno 1619. rarissimas apud nos fuisse coturnices, quia toto vere Aquilones in Africam respiraverunt. Ornithiæ post Solstitium brumale, ut Etesiae post æstivum, incipiunt flare; sed tardiùs, & septuagesimo demum die, inquit Aristoteles: flatu etiam invalidiori, & sæpiùs interpolato. Circa ergo initium Martii nobis redibunt.

ARTICULUS II.

Causa efficiens Etesiarum.

Aristoteles & Theophrastus docent, Etesias Aquilonares esse à liquatione nivium & glaciei sub ultimo Septentrione. Toto enim medio anno suæ noctis plurimum nivis decidit, & mare sic glaciatur, ut Hollandi, dum nuper viam illac in Sinas quærunt, in ipso Solstitiali die glaciem totam marinam 6. pedes altam reppererint. Non statim autem à Solstitio Etesiae adspirant; quia longâ morâ Solis (præsertim quia radius ibi ejus valdè obliquus est & inefficax) tanta concretio debet dissolvi: ideòque non primo statim accessu sideris, sed paullo postquam incepit abire. Canis, & Canicula etiam, quibus tunc jungitur, fortasse aliquid in commune conferunt

runt ad illam nivium & glaciei-tabem. Ex spiritu ergo nivali in altum sublato, & deinde post refrigerationem relabente, est illa materia Etesiarum. Notavi tamen non uno anno, & præsertim proximis istis 1624. & 1625. Etesias istos Aquilonis, non semel tantum, sed bis, velut ad constitutum, redire, & pertinaciter satis edurare. Primò, mense Maio, deinde Augusto aut initio Septembris, ut antè vidimus, Causa videtur esse, prima tabes & liquatio summorum aut rarissimarum partium nivis, quæ diu tolerare nequeunt Solis teporem. aliæ vero densiores & compactæ, tardius obediunt, & aliquantò post Solstitium. Nec enim verum est, quod lib. 5. cap. 11. Seneca, mense Julio dispoliata esse omnia, aut pauca adhuc jacere ibi sub nive Hollandi enim dissentiunt: cum præsertim plurimi etiam alibi montes se toto anno vix exuant. Et sint, etiam sanè omnia dispoliata nive; ex aqua saltem illa multa & nivali, quæ terra illa computruit, resolvi possunt Etesia. Causa verò inconstantia eorum, rejicienda, ut facit Theophrastus, in liquationis & resolutionis dissimilitudinè, aut quia certè exhalatio aliorum avertitur. ipsa enim in sublimi pendula, diffuere in orbem potest, & in quamlibet Mundi partem. pronius tamen è Septentrione versus torridam recidit; quia aer hic rarior & solutior, & exhalationi se dividere conanti, facilè obediens. dubia ergo exhalatio quamam defluat, potius inclinat, ubi inventura resistantiam minorem. undique enim exire & se exonerare tentat, impellitque partem infirmiore.

Delicati autem & somniculosi à nautis Etesia vocantur, ut ait apud Senecam Gallio, quod manè nesciant surgere. ut enim lib. 2 cap. 47 Plinius, noctu desinunt ferre, & à tertiâ diei horâ oriuntur. Somniculosi ergo sunt, quos tribus integris horis prævertit Sol exorians. Sed cur potissimum interdiu spirat? Quia, inquit noster Aristoteles, internoctu aquæ concretæ non liquefcunt, nec exhalationes funduntur, sed aliquot horis (quando etiam siccantur, & diffugiunt rores) post Solis ortum. Sed ecce mihi scrupulus, & lapis totus, ubi omnia plana rebar.

tebar. Sol enim sub polo, toto illo medio anno numquam occidit; cur ergo etiam nocte nostrâ, quæ ibi dies est, non expirantur e nivibus illis, & in nos recidunt Etesia? Dic ergo, eos qui die tantum spirant ex vicina, v.g. Holladiâ, non ab ultimo polo nobis advolare. Cum enim veni Aquilonares, ut Aristoteles etiam & Theophrastus nos docuerunt, graviores & propensiores sint ceteris, non longè cadunt: unde sæpius in terram decidere oportet exhalationes sub polo elevatas, & denuò resurgere, ut tandem in nos recidant. Venti enim postquam in terram delapsi, in superficiem ejus effunduntur instar invisibilis aquæ, ibique hærent; aut certè, si paulò leviores, in aëre tamen infimo penduli oberrant & fluctuant. hinc autem radio surgentis Solis isti, denuò in sublime retrahi, & in nubibus refrigerati, longius recidere possunt. Aliàs enim fieri non potest, ut à polo arctico, spatio trium aut quatuor horarum, per gradus ferè 40. pervenire ad nos Etesia, languidi præsertim, ut solent, & remissi, valeant. Dupliciter autem Sol exoriens ventorum affluxum adjuvat. aut excitando materiam, quæ statim in sublimi densetur & defluat; aut aërem nocturnum tenuando, ut facilius in illam partem exhalationi delabenti cedat. Tam citò autem, inquires, exhalatio scandens refrigerescit & densatur, ut statim recidat? Ita. Et ne mireris; vide halitum hieme in aërem frigidum exspiratum ore animalis, subito sic addensari, ut palàm sit visibilis, & lumen reflectat; cum tamen æstate propter raritatem nemo eum videat. Ceterum Ornithia Australes tardius & interpellati spirant, inquit Aristoteles; quia circa Solstitium hiemale Sol nimis à nobis abest, nec per hiemis rigorem, sat multas exhalationes ex locis circa & citra Tropicum Cancrî jacentibus, ad ventum saltem constantem, excitare valet. Itaque Ornithia differuntur ad initium fermè veris.

CAP. VII.

*De ventis Provincialibus, Apogæis,
& Auris.*

Ventus Provincialis est, qui Provinciam aliquam specialiter, non alias vicinas, perflat. Talis Japix sive Atabulus in Apuliâ, Circius in Narbonensi Galliâ, Olympias in Eubœâ, Sciron Ahenis. Plavorinus apud Agell. lib. 2. cap. 22. Japiga, pulchro argumento, existimar esse Caurum; quia Virgilius Cleopatram è navili ad Actium prælio in, Ægyptum Japige vento fugientē facit. Fallitur ergo noster Lemnius lib. 3. de Occult. miracul. qui *West Zuyd-West*. inter Zephyrum scilicet & Austrum, medium putat. Circio autē, etiam ædificia quassanti, gratias tamē agunt Narbonenses, ait Seneca, tanquam salubritatem cœli sui ei debeant. Templumque illi, ut benefico, Cæsar Augustus, cum in Gallia moraretur, & vovit & fecit. Hodie etiam & nomen & vehementiam retinet, ut in Notis ad Senecā testatur. **M** Ant. Muretus. Hic quoque Caurus, aut prope ipsum est: qui in Occidentalibus etiam Nortwegiæ & Islandiæ litoribus omnia evertit, ut scribit Olaus. Galli P'cardi, teste Bodino, excoriatorem vitulorum appellant: nomenque idem, ut jam intelligo, apud rusticos nostros habet; quia per Martium aliquando debacchans, vitulis frigore necem affert, & corium detrahit. In Hanoniâ & Artesiâ passim ventum Scotum nominant; quia à Scotia pænè iis venit.

Subsolantus etiam toti Zonæ torridæ dici potest quodammodo Provincialis: circa enim totum anni circulum molliter spirat: adeo ut Jos. Acoſta, diligens rerum Americarum Scriptor, censeat non esse exhalationem, sed aërem motu primi Mobilis in orbem circumventum. sed raptus cœli, ut Libro primo docui, usque ad terram non descendit

Causæ

Causæ ventorum Provinciarum, imprimis sunt montes, qui à vicinis Provinciis avertunt flatus. Ita Circium arcet modicum jugum, ut lib. 2. cap. 47. ait Plinius, ne in proximam Viennam penetret: sic etiam ab Olympo & Ossa Aquilo ita reflectitur, ut sibi ipsi reflect, & nubes inferiores agat in Septentrionem contra seipsum directum, ut docet Theophrastus. Ventii autem sic in se reflexi. Tropæi, aut Versorii appellantur.

Angustiarum deinde regionis quam perflat ventus, fieri cum possunt magis insignitum & Provinciale. Inter enim montes v.g. spiritus densior & torrentior est, ut fluxus aquarum in angusto. Pari modo, ventus per rimulam fenestrarum in cubiculum inspiratus, apposita manu, densius & frigidus sentitur, quam si toto ostio admittas. Denique, vicinia terrarum fungosarum, aut perpetuo humentis, item maris, aut insignis alicujus lacus, ventum inde pertinaciorem & ferociorem, in illam Provinciam expellit.

Apogæi, quos Plinius Altanos, Apuleius Terrigenas vocat, sunt venti à certa Provincia nati, & in eam recedentes.

Auræ verò, molles quidam & humentes ventuli, à mari, lacubus aut fluminibus vaporati, & in vicinum refluentes.

Manè autem potissimum exoriantur, humore in altum, tepore primi Solis, exsucto, & deinde frigore superioris aeris, leniter densato, & sic per aëra leviolem relabente, ut Theophrastus & Aristoteles verissimè. Si verò spiritus à sinu aliquo profiliat, Encolipas, quasi Sinualis, vocatur; ut docet Auctor Libri de Mundo.

CAPUT VIII.

De proprietatibus Ventorum.

Varia, perplexa & confusanea pleraque ab Auctoribus de proprietatibus & qualitatibus ventorum.

Ratio mihi esse videtur; quia quisque patriam suam aspicit, era quæ non ubique experitur eodem temperamento ventum ab uno eodemque cardine venientem, Fabr. Paduanus Philosophus Forolivienſis affirmat, Eurus in Italia esse calidum & humentem, & Austro nostro similem: Fracastorius, Vulturum & vicinos Syrocos, effusè pluviosos, qui hîc sæpius aridissimi sunt: & Plinius: *Auster Africæ serenus, Aquilo nubilus est.* Josephus Acoſta narrat, inter Æquatorem & Tropicum Capricorni, Austrum esse Hispanico Boreæ, frigore cognatum. Itaque, ut omni confusione & perplexitatibus me expediam.

Dico primò: Naturales qualitates omnium ventorum, quæ exhalatione constant, frigus et siccitas; quæ vapore, frigus et humiditas sunt. Ratio est, quia probabile est, exhalationem adhuc retinere formam terræ, et vaporem, aquæ; illæ verò qualitates, terræ et aquæ naturales sunt.

Dico secundò: A terrâ tamen et aquâ aut aliis corporibus, vnde resolvuntur, item ab aëre, et locis per quos trahuntur, varias alias peregrinas qualitates contrahere possunt. Patet, quia hæc omnia contagione suâ alterare et inficere valent exhalationem.

Dico Tertio: Omnis ventus simpliciter frigidus est. Testor experientiam, & causam efficientem; quâ antè docui, esse frigus mediæ regionis aëris, condensans & prægravans, ut decidat in terram.

Dico Quarto: Alii tamen aliis frigidiores; vel quia per loca algentia, ut Aquilonares, transeunt; vel quia è mari sublatis, & insuper nubes inde vehunt, ut Occidentales; horum comparatione. Orientales & Austrini, calidi dici possunt & Aristotelem volentem in hanc mentem adduco; cum Aquilonibus frigus & siccitatem, Austris calorem & humiditatem, Subsolanis calorem et siccitatem.

siccitatem. Zephyris frigus & humiditatem, id est, singulis alicujus Elementi naturales qualitates & sribuit. Aquilo enim terreus, Auster aërius, Subsolanus igneus, Zephyrus aqueus sic erit.

Dico quintò: Uenti omnes qui exhalatione constant, reverà sicci: qui vaporem trahunt humecti sunt: unde qui à mari vel, aquosis, multum humoris; qui, à mediterraneis & arenibus affluunt, multum sicci habent. Sed de singulis manifestius aliquid autumemus.

ARTICULUS I.

Ventorum Septentrionalium qualitates.

Aquilones ubique ferè in Europà celebrantur argentes & sicci: quia frigida loca permeant, & ex subtilissima & aridissima nivium frigida Zonæ parte resolvuntur: hinc etiam sereni, & corporibus humanis salubres existimantur. Homerus Odyss. E.

Καὶ Βορέης αἰθρηγενέτης μέγα κῦμα νοτίνδων:
Et Boreas serenator ingentem fluctum volutus.

Experientes in Belgio Archiecti eum in cæde lignorum observant, & magis eos qui paulisper declinant in Ortum. Non minus enim contra teredinem, venti siccitatē quàm Lunæ, putant referre. Serenat autem, ut equidem, existimo, & quia frigore aërem densat, ne faciliè coire, et in unam guttam majusculam, quæ sat ponderis ad relapsum habeat, confluere vaporis minimæ particulæ valeant: & quia nubes è longinquo, multas & confertas adducit: cùm enim præcipiti casu, tanquam gelidior & densior, in terrā se exoneret, nec in longum, ut Auster, spiret; in latus etiam nubiū non incurrit: sed vel origo ejus infra ipsas & prope terram est, vel si est supra, perpendiculari propemodū lapsu eas incidit, nec inde aspellit procul. Hinc in regionibus à Polo remotis, & ferocia & frigore longe sibi dissimilis est: et Plutarch: in Sertoriocausā temperiei Fortunatarum Insularum potissimam in Aquilonē retulit; qui eò fractus et elūbis, et rigore per spatia calentioram mollito, pervenit: hincq; Sertorium sumpsisse impetum

tum, ut relictâ Romanis Hispaniâ, in beatas illas Insulas demigraret, molliorem fortunatamque extra bellicos tumultus interq; blandimenta regionis exacturus vitam.

In Belgio tamen Aquilo cardinalis nō semper serenitatē, imō sapiissimē nubes adducit et humorē; uti docuit me longe et certa experientia. Ratio, sine dubio, est; quia à mari Deucalionæo et Hollandico nos hīc afflat, unde nubes ē vaporibus illis Oceani concretas, in verticem nostrum propellit. Manifestiūs tamen id Thrascias & alii ad Occasum inclinantes faciunt; quia ab ingentibus Oceani Scotici spatiis, ubi Sol etiā præsentior plures nubes evaporat, adspirant. His ventis Boreolibycis annus nuper 1624. et præsens 1625. aliosus, et perpetuò per multos dies profusē pluens fuit, circa æstivum Solstitium; adeò ut Solstitiali ipso die frigore pænē diriguerim, dū inter Duacum et Valencenas curru fortē vehor.

Longè verò sicciore, & unci ferē serenatores nostri sunt, Mese, Boreapeliotes, Cæcias; qui scilicet arcum illum obsident inter Boream & subsolanum; quia nobis à sicco fermē et terreno flant.

Salubres etiā Aquilones, ubi frigidi et sicci, sunt: quia purum sine nebula aërem vehunt, et impuros Austros abigunt: frigore deinde cutem animalium stringunt, et calorem naturalem in interaneis & partibus vitalibus, quæ coquunt alimentum, continent. Et abhinc Septentrionis populi salubriori corpore & vivaciori sunt: adeò ut vegeti et robusti ad ann. 80. ait Asclepiades, faciliē perveniant: ubi Æthiopes an 30. senescere incipiunt; quia carne rariori, & calor regionis aperit poros, effunditq; spiritū et calorem naturalem. Nec enim quod Hispami, Itali, et Meridionales salaciores Belgis, majoris caloris est argumentum. Lepores enim longè prouiores in Venerē, quàm leones sunt, & tamen multò minùs fervent: humor ergo melancholicus magis, quàm calor acrimoniâ suâ videtur acueret & sollicitare Venerem. Abundantiâ autem melancholiæ in Meridionalibus affirmat tanta furiosorū in Africa multitudo, quibus ubiq; publicè domus constitutæ sunt, ut ex Leone Afro ostendit c. 5. Methodi Bodinus: et Antuerpiæ profectio

profectò plures in furiosa illa domo, Hispanos, Italos, hypocondriacos et furere videas, quàm Belgas, qui molliter potius dementiunt, quàm furiis agitentur. Irascuntur etiam facile Meridionales, sed non ab excessu caloris, at frigore magis, id est calore modico, ut feminæ; quæ Hippocrati ὀξύθυμοι, non θυμώδεις; feroces, non animosæ, appellantur, ut lib. 8. cap. 2. pulchrè docet Laurentius, vel certè à frigore & siccitate in unam complexionem melancholicam colligatis. Salubritatem Aquilonis etiam egregio exemplo M. Varro ille rei Rusticæ Scriptor ostendit. Cùm enim Corcyræ per classem, et exercitum grassaretur mirum in modum pestis, immisso fenestris novis Aquilone, & obstructis pestilentibus, januaque permutatâ, suos comites & familiam incolumes reduxit. Magnus etiam Hippocrates pestilentis illi famosæ, quæ totam pænè Asiam ab humano cultu vastam fecit, plurima mortaliû millia, simili arte eripuit. Unde Varro l. 1. c. 56. dere rerusticâ, *Triticû, inquit, condi oportet in granaria sublimia, quæ persentur vento ab exortu, ac Septentrionû regione, ad quæ nulla aura humida ex propinquis locis adspiret*

Vitruvius quoque lib. 1. c. 6. dispositionem urbis Mitylenes damnat. In insula Lesbos, ait, oppidum Mitylene magnificenter est edificatum & eleganter, sed positum non prudenter. In quâ civitate, Auster cùm flat, homines ægrotant; cùm Corus, tussunt; cùm Septentrio, restituntur in salubritatem: sed in angiportis & plateis non possunt consistere propter vehementiam frigoris. Similem errorem in ædificatione Hordei novi (oppidum est Vene-torum) castigat. Dan. Barbarus: quia studios è sic factum, ut singulæ plateæ ad singulos dirigantur ventos, excipiantque omnes. Præcipit ergo Vitruvius, *Directiones vicorum ita convertendas à regionibus venturum, ut advenientes ad angulos insularum frangantur, repulsique dissipentur* Maximè tamen omnium admittendi Aquilones (aut in Belgio, qui inter Aquilonem & Ortum Æquinoctiale sunt) & Sublolanî. Quod prudentissimè et affabre servatum in dispositione fori urbis Tornacensis nuper vidi: ubi malignis Austris alta & perpetua ædificia obje-

Et sunt, admissis per magnam platearum amplitudinem Aquilonibus & Subsolanis.

Sed nihil etiam Aquilo nocet? *Tussim movet*, ait. lib. 2. cap. 1. Celsus, *fauces exasperat, ventrem astringit, urinam suppressit, horrores excitat, item dolores lateris & pectoris*. Addit tamen. *Sanum tamen corpus spissat, & mobilius atque expeditius reddit*. Noxas tamē illas per accidens solum, & in corpore humoribus tumido creat, ut ad Celsum Ronssæus docet. Dum enim per poros se insinuat, & humores siccare nititur, ac sollicitat ad expulsionem, nec tamen valet expellere, corpus frigore suo adstringit, & humorem à capite in fauces & thoracem exprimit: vesica quoque facile frigore læditur & contrahitur, quia ex sanguis: alvum etiam suā siccitate indurat: aliquando tamen etiam exprimendo humores in sentinam illam corporis, citat & præcipitat: unde Plinius lib. 12. cap. 23. gregem contra Aquilonis flatum pascere vetat. *Clodunt enim*, ait, *lippiantque ab afflatu, & alio citâ pereunt*.

Licet etiam sæpius leniat aut extinguat; aliquando tamen etiam incendit pestis ardorem. Miratur enim lib. 2. cap. 2. Cosmocr. Cornelius Gemma in acerrima illa anni 1564. Aquiloniâ hieme (quâ etiam *passim*, inquit, *pauperioribus aures, pedes, manusque decidebant*) pestilentiam Bruxellæ aliisque Belgii locis nil remisisse, sed sæviisse atrocissimè: quia, ut existimat, nimia frigoris adstrictio impedivit sanguinis humorumque transpirationem. In Britannia etiam Scal. Exer. 200. negat esse vinum vernaculum; quia egressum è Leone Solem excipiunt frigidiusculæ Etesiarum auræ, quæ non sinunt uvæ perducere ad maturitatem. Et hoc anno 1625. omnem vini spem, aliosque illi circa Solstitiū Aquilones, et Etesiz deinde per totum præne Septembrem secuti, extinxerunt.

Certum quoque est, et à Columella notatum, cortices arborum Septentrioni obversos, duriores esse, ideoque in transplantatione, rubricâ signari, et P. Æta lib. 2. Georg.

Quin etiam cæli regionem in cortice signant:

Ut quo quæque modo steterit, quâ parte calores,

Austrinos

Austrinos tulerit, quâ terga obuerterit axi.

Restituant: adeò in teneris consuescere multum est.

Sed quâ vi Aquilo omnia sic adurit, & congelat? Non frigore & siccitate, ut vulgus Philosophorum existimat, aiunt Chymici, sed vi quadâ aliâ opiativâ & frigorificâ, quæ non sit formale frigus. Et Quercetanus: *Non quia siccus & frigidus glaciât, sed quia ejus proprietates vitriolatæ, acetosæ, & berberizatæ sunt. Ut res, sic verba mira.*

Verum, stultum est, inquit alicubi Aristoteles, sensu relicto, sectari velle rationem: hoc enim est eruere sibi oculos, quod olim fecit Democritus, ut solâ imaginatione utaris in tenebris: quare ergo volumus Boream, ut opium & cicutam, frigefacere, & non magis, ut aquam vel nivem? frigore ergo, quod in eo sentimus, refrigerat & addensat. perinde, ut ignes calore dissipat ac rarefacit: indurat etiam & glacie incrustat, si siccitas insignis frigori adsit. Indicat hoc Sapiens ille Eliud Jobi 37. *Ab interioribus* (id est, Austro: sic enim mihi interpretatur ipse Iob cap. 9.) *egredietur tempestas & ab Arcturo* (id est Septentrione, ubi sidus Arcturi) *frigus*: & volens significare effectum frigoris Aquilonis, subjungit. *Flante Deo concrescit gelu, & rursus latissimè funduntur aqua.* Idem innuitur Psal. 147 *Mittit chrysellum* (id est glaciem) *(suam, sicut buccellas: ante faciem frigoris ejus)* (à quo scilicet aqua mollis & fluens in lapideam glaciem sic duratur) *quis sustinebit?* Quod etiam satis apertè experientiâ probatur: quia expulso per calorem ignis frigore; glacies, nix, metalla etiam pleraque tabescunt & liquantur. Igitur frigore tenebantur antè, & figebantur in isto rigore, ne diffunderent partes. Doctiss. nihilominus Valesius lib. de Sac. Philos. cap. 50. perleverat negare, Boream astringere aquam frigore, sed efflando ex aqua ignem, quem putat tenuissimo spiritu permixtum omnibus corporibus; illumq; esse, qui liquores omnes fluxos efficiat. Itaque stat & concrescit aqua, inquit, quia Aquilo ignem è poris expellit, qui partes ejus fundebat, Sed difficulter persuadebit. Sic enim alii venti, et si mi-
nus

nus frigidi, passim etiam gelabunt, quia & ipsi se insinuare intra meatus, & flabellare ignem illum spiritale valent: deinde, substantia venti non tam altè in aquam, quam congelatio, descendit; & glacies sæpè aquã infrã profluentem sibi frigore alligat, vento ultra summã ejus superficiẽ non penetrante. Denique cur ignis ille levior, aquã non exspirat; aut cur in eum non collabuntur, & extinguunt partes illæ aquæ fluentes?

Sed ne longitudo ista frigore me percutiat, & extinguat gratiam, vento alio me calefacio ferventiori. Pulso igitur Aquilone, Austrum induco.

ARTICULUS II.

Ventorum Meridionalium qualitates.

Auster, & qui circa eum proximè, vulgò calidi audiunt & humentes. Calidi, id est, ut autumnio, minùs frigidi: quia ex locis Zonæ torridæ propinquioribus rectã ferẽ & brevissimã lineã spirant; ideoque exhalatio & vapor quem vehunt tepidior, tanquam potentiore Solis calore resoluti; & deinde aliquid etiam frigoris posuerunt, longo sæpè per calidas regiones & obliquo transcurso. Cũ enim obliquiores cæteris sint, necesse etiam est, ut diutius per infimam & tepentem aëris regionem moveantur, antequam ad terram veniant. Et hinc etiam *Austro*, inquit Plinius lib. 2. cap. 47. *maiores fluctus eduntur, quàm Aquilone: quoniam ille infernus ex imo maris spirat, hic summo*: Humidi verò sunt, quia & multo vapore è mari Mediterraneo & alijs aquosis elevato constant, & maximè, quia plurimas nubes, longo illo transversali volatu, imbrium fecundas colligunt, quæ in capita nostra repluentes, ventum aliàs fortè satis siccum, ceu nimis madentem infamant. Ventum enim humidũ appellamus non solum qui in se humectus, sed etiã qui aridus humorem secum affert: sic pincernam, humidum dicere possumus, qui portat humoris amphoram. Unde eleganter D. Hieronymus Austrum vocat. *Pincernam pluviarum*:

Plautus, *Imbricum*; Ennius, *Imbricitorem*; omnes passim, *Imbriferum*. Nec satis habet, advehere ipse nubes, sed convectas ab Aquilone, vel aliis, molli suo tepore regelat, & resolvit in pluviam: sic nubes quæ à Borea fortasse exsufflata, sicca pertransivit nostrum verticem, dum redit, & ab Austro reflatur in Septentrionem, recidit & exonerat humorem. Ratio est, quia, ut aliàs dixisse memini, parvulo illo quem habet tepore relaxat mediæ regionis aërem, ut minutissimi vaporum atomi in grandiores guttas confluere possint: deinde etiam aërem infimæ regionis fundit & diducit, redditque istâ rarefactione, humore nubium leviolem; ut proinde, juxta æquilibrii leges, necesse sit decidere. Omnia contraria facit Aquilo: frigore suo aërem infimum stringit & gravat, & eum qui inter particulas & guttulas pænè indivisibiles vaporis mediæ regionis interjectus est, sic densat, ut guttulae leves & invalidæ jungi, & perrumpere ad mutuum contactum non possint. Hinc in Belgio, ubi Boreas non rarò pluvius, stillicidia tamè ejus plerumque maligna & minima sunt. Austro verò flante imber improbius, & guttæ pleniores sunt, inquit Seneca. Et ut intelligatis hanc causam esse: Auster hiemalis longè minoribus, quàm æstivus, guttis depluit: insignes enim illi plenissimarum guttarum & pænè ovalium nimbi, cælo tantum calidiore, & ferè tonante, id est, aëre prorsus in raritatem dissoluto, fiunt.

Tepore etiam Austri manifestè se prodit, cum hiemata & glaciata Aquilonibus aquam, tam citò & subito refundit. Quod inter cetera Dei opera admiratur Psalter Psal. 147. *Ante faciem frigoris ejus quis sustinebit? Emitteret verbum suum, & liquefaciet ea: flabit spiritus ejus, & fluent aquæ.* Auster verò specialiter dici solet, spiritus Dei, & Meridies sæpè in Scriptura, sedes Dei; ut aquilo & septentrio, diaboli: quia Dei spiritus, similis est Austro: corda enim hominum calefacit, & igne Charitatis accendit, quæ diabolus Aquilonis sui frigore stringit & indurat: unde meritò sponsus Cant. 4. abigit aquilonem, & invitat austrum: *Surge Aquilo, clamat,*

*Q*ue veni Auster : perfla hortum meum, & fluant aroma-
ta illius. D. August. epist. 120. ad Honoratum, Spir-
tum, ait, invocat gratia, flantem de Meridie, velut a
parte fervida & luminosâ, ut fluant aromata. Adspirat
etiam nobis blandus iste & graciosus Spiritus tuus, Do-
mine Deus meus. Pervolet rorantibus alis aridum mentis
nostræ horum, ut fragrantia virtutum germinet aro-
mata, quæ tibi molliter spargant odorem suavitatis. Hic eti-
am ille Charitatis auster est, quo in portum salutis na-
vigatur. Spiritu enim amoris ad te itur, Domine. Panda-
mus, obliquemus & hac, & istac, & illac, & undique ve-
la, mortales, ut spiritum istum tam secundum & leniter
ferentem colligamus. Ex omnibus, inquam, sororibus
creaturis, Patris nostri communis & benignissimi mate-
riam admirationis & amoris colligamus. Nullâ propter
se, sed in universis Auctorum disfluamur. Ab omni-
bus, & undique in cœlum exsiliamus : unde humana, &
terrarum Orbem, quem velut ingentem hîc suspicimus,
tquam punctum Lunâ cœlisque, uti brevi pyxide, in-
clusum, despiciamus : in qua longa illa, ut putamus, ven-
torum flabra, angustissimo & indivisibili poenæ ambitu
circumcurrunt. Non hoc punctum, neque quidquam in
Mundo hoc inferiori, pro magno, præter vanitatem, ad-
miremur : clamemusque istud tantum :

— *Quantum est in rebus inane ?*

Sed à cœlo devolemus rursus in terram. Et de austri
nostri noxis, loquere tu Hippocrates Latine, Auster aures
hebetat, sensus tardat, capitis dolores movet, alvum solvit,
totum corpus efficit hebes, humidum, languidum. Hinc à
Græcis auster *καρφαλαειδής* caput gravans dictus : grave-
dinem autem istam, & distillationes humore partim, vel
calore facit, quo corporum sanguinem, pituitam, bilem,
& omnes humores regelat, fundit, & intendit. Unde ho-
mines passim tristiores & morosiores eo flante cernimus.
Magna enim omnino vis venti in corporum temperiem
est, cum per minimos poros in secretissimas latebras se
penetrent, qualitatemque suam invehant : & auster hoc
magis, quod calore suo meatus laxiores faciat, sibi que

aperiat viam. Lepidum est, quod incola quidam Flan-
dricarum Insularum, quæ vulgo Azores, mihi narravit.
Ibi Austro spirante homines manifestè morosissimos
ambulare; pueros tristes & lugubres domi desidere, nec
solemnēs ampliùs eorū lusus aut cœtus apparere in pla-
teis: qui Boreâ reflante statim in alacritatem redeunt, &
in publicum læti refunduntur. Hinc etiam fuso & rare-
facto humore podagrici altiùs clamant, phrenetici ma-
gis frendent; præsertim si una accesserit Lunæ plenitudo.
Lemnius noster lib. 2. cap. 3. de Occult. mirac. multi-
tudinem in Belgio epilepticorum, qui passim in *compitis*,
inquit, ac *triviis miseranda spectacula hominum oculis*
exhibent, frequentibus Austris tribuit. Cornelius Gem-
ma tamen lib. 2. cap. 2. Cosmocrit. asserit, propter hu-
moris assuetudinem, vel quandam sympathiam, inter
pluvias hîc commodiùs degi: nisi quod tunc feminæ &
pueri, tanquam humidiores, vermibus sint obnoxii: si-
bique, ait, sæpè expertum, ita esse. In *diurnis* tamen,
addit, *squaloribus præsertim si adsit vehemens calor, aut*
frigus, tum demum Medicorum messis uberrima. Paræus
quoque lib. 10. negat, Narbonenses ceteris Gallis ala-
crite, agilitate, & sanitate corporum esse similes, ob
Austrinas ibi tempestates, quæ vigorem & motus corpo-
rum tardent. auditum gravent, vertigines faciant, oculos
heberent.

In res quoque inanimas exerit se vis Austri malefica:
Granaria putri mucore, et curculionibus implet: linthea in
ædibus, locis etiam secretissimis, lodices, chartæ, flacce-
scunt, carnes marcescunt in putredinem; ferrum etiam
ipsum, teste Theophrasto, limæ faciliùs obedit. hinc hie-
mes Australes pessimæ; quia indulgentiâ cœli fruges et
arbores citò nimis in germen evocantur: sequiturque
deinde alia florescendi exinanitio, ut inquit Plinius:
quæ si per plures annos continuetur, exhaurit & enecat
arbores. Sic anno 1427. hiems nulla in Belgio fuit,
passimque Novembri mense arbores floruerunt. De-
nique sub finem mollis hiemis, sæpè erruunt repenti-
na frigora, quæ adurunt germinationem nimis festina-
tam.

tā. Sic factū profecto hoc anno 1625. post enim desperatam ferè hiemen, Favonius mense Februario profusissimam nivem sparsit; securæ deinde gelidissimæ aliquot leni Boreâ spirante dies, & præsertim ultima ipsa Februarii, quæ totius anni hyemantissima, & intolerabili pænè frigore fuit; plurimarumque arborum, & maximè juglandum nimis properantes ramos, ad ipsum usque truncum sideravit, annonamque totam in eas, partim saltem (nam aliæ etiam postea causæ accefferunt) angustias adduxit, in quibus eam videmus.

Hoc etiam de Austro observant venatores: à canibus, eo flante, meliùs & certius vestigari feras: quia spiritus illi odoriferi quos spargunt, calore fiunt fragrantiores, liberiùsque commeant per repentem, & laxatum aëra: ubi contrà, Boreas frigore odorem hebetat, expirationes alligat, aut pigras reddit.

Sed quî potest, inquires, ut aër calorem Austri tam facile sentiat, cum frigidū potiùs experiamur, & antè docuerimus frigore densatum in terram delabi? Respondeo, calorem aliquem secum vehere, sed non satis ad absolutam denominationem calidi (ut Philosophi loquimur;) quia plus frigoris habet: calorem verò ejus vix sentimus, quia tactus exuberantias solùm percipit, & qualitates intensiores similibus quas in organo habet: calor autem organi & cutis, plerumque major & intensior, est illo, quem affert ventus. Aër tamen gelidus statim eum sentit, & de rigore multum remittit, quia frigus exhalationis in aërem sibi similem non agit, sed calor solus: qualitas scilicet efficax & actiuosa, præsertim in subjecto satis denso, qualis est ventus: vel si densum negas: dico, calidum etsi rarum, posse valere in insignem etiam calefactionem, si multum & amplum sit, ut ventus. Causa est, quòd licet singulæ venti partes, aliquod patibile ad lambentes & prætervolantes, parum in eo suæ qualitatis relinquant: multæ tamen sibi succenturiatæ, plurimum valent. Hæc etiam mihi causa esse videtur, cur aquilones, aliquot etiam horarum spatio, terram sic & aquam quandoque incrustent: quia, inquam, & exhalatione satis densâ (etsi

perspicuâ & transparente) constant, ideoque frigus in ea acriter agit: & maximè, quia venti partes seie catenatim sublequentes, singulæ aquæ superficiem spississimo agmine distringunt, & brevî, aucto ad certam summam frigoris cumulo, congelant. Quod autem aliquando, nullo vento spirante, gelet, fieri existimo (ut firmabo alibi) ab aëre mediæ regionis frigerato, & pondere suo molliter, & sine sensu nostro, ad terram subsidente, ut videmus in nebula. hoc enim mihi certius, quam ad Saturninas quasdam siderum in fluentias confugere.

Ceterum quàm citò calore, etiam pusillo, aër tangatur, egregiè ostendit fistula illa vitrea psychologica, index crementi & decrementi frigoris: si enim vel minimo digito fistulam extrinsecus attingas, statim aër qui intus est funditur & rarescit, aquamque deorsum premit. Hoc attende, & mirari minues, aërem sic leni Austro liquefcere. Hoc etiam in mantissam accipe. Cur olim in proverbium abiit.

Οὐποτε νυκτείνδς Βορέας τρίτον ἵκετο φέγγος;
Tertia lux nunquam nocturno Aquilone laborat?

contra verò, Auster nocturnus pertinacius spirat? facit & hodie nostri nautæ. Et celebris ille Andreas Auria, classis olim Genuensium Prefectus, Carolum V. Cæsarem, paratum jam nocturno Boreâ repentinè exorto, prospero & ferente, in Africam classem trajicere, monuit, brevi & intra triduum destituendum à vento. Aristoteles Sect. 26. Problem. has rationes tentat: quod Aquilo nocturnus sit imbecillis, quia ab imbecilli calore ortus: vèti autem omnes, inquit, imbecilli intra tridui tempus exspirant & finiuntur. Ideò etiam fortasse, ait, quia tertius dies est decretorius: aut denique, quòd more ecnephiz & procellæ universim, non particulatim, è nube prorumpit. Nolo Magistrum refellere. Quid si tamen fortassis hoc etiam sit? Exhalatio aëre nocturno & densato, in sublimi, tanquam vallo quodam circumdata, dubitat quâ potissimum cœli regione se exoneret: & quia aër ille pari ferè densitate undique in orbem resistit, exhalatio pluribus simul locis se hic illac effundit, adeoque in unam

unam partem parcius & interruptè fluit. Imaginem huius rei in lacu aliquo tumente & inflato habes: cujus aqua, si canalem certum non reperit, undique se superfundit. Boreas verò diurnus, quia aërem versus Meridiem rariorem calore Solis invenit, illac se statim eiicit diutiusque durat, quia totus exhalationis, ut sic dicam, lacus, per illam unam partem longo agmine se profundit. Austri est alia causa. Sol enim die exhalationem ejus sæpè nimis rarefacit, reliquoque aëri refundit & permiscet: quæ nocte demum refrigerata, densitatem & pondus ad labem accipit. Stet ergo firma satis regula nostri Aristotelis: unâ etiam hæc Plinii: *Noctu Austrum, interdum Aquilonem esse vebementiorem.* Ego ad Ortum me convertō.

ARTICULUS III.

Ventorum Orientalium qualitates.

Ventos ab Ortu calidos & siccos adspirare, vulgò existimant: sed lex ista perpetua non est. Blondus enim & Jovianus, Campaniæ Subsolanum, humentem faciunt, & Austro nostro cognatissimum; quia scilicet à vicino mari flatus ejus in Italiam sunt. In Asia tamen, et nobis, omnes Orientis venti siccissimi; quia ex aridis et speciosissimis Germaniæ regionibus orti, per nullum etiam mare aut insignes lacus ad nos spirant. Semper ergo ferè toto anno sicci, æstate calidi, hieme gelidissimi apud nos sunt. Nulli enim omnium magis gelant & acrius stringunt: præsertim Cæcias, qui deflectit ad frigidum Septentrionis axem: sic enim cum siccitate insigne frigus conjungit in unâ crasin. Hinc liquet, calorem qui ventis Orientalibus tribuitur, non tam eorum esse, quam aëris; quia flant per æstatem: habent tamen etiam ipsi aliquid ab æstivis & ardentibus solibus, qui exhalationem resolvunt: refrigerantur tamen in media aëris regione, ut cetera: licet tantum frigoris & ponderis non postulent, ut per aërem æstate tenuem & raram decendant, quantum per

densum & hibernum. Quod autem affirmat Plinius, Ventos Ortivos diuturniores esse Occiduis. nescio quid viderit in Italia; certè in Belgio, omnium pertinacissimè flant ab Occasu, ut ubique solent à mari.

Flumina quæ in Ortum cursus habent, salubrioris aquæ putantur; quia subsolani sicci, & æstate ferventes, adversi & reflantes, eam discutunt, coquunt, & perducunt ad laudabilem tenuitatem. In istos etiam ventos, villarum ostia & fenestras dirigunt, Rei rusticæ Scriptores. imò Plutarchus narrat. famam esse, urbem suam natalem Chæroneam, quæ olim occidentem solem spectaverat, à Chærone iussam transferri in ortivum. Sed quid est, quod Plinius scribit, *Observatum à meridianis partibus ad Occasum Solis pestilentiam semper ire: nec unquam ferè aliter nisi hieme, nec ut ternos excedat menses?* Et licet legem istam tam generaliter & affirmatè non lim recipere; alii tamen, & experientia ipsa, adfuerunt, plerumque ab Ortum versus Occasum, aut ab Austro versus Septentrionem lucem incedere, & in illas partes latissimè & atrocissimè se spargere. Famosas illas duas sub Antoninis Principibus, & veteres alias non memoro, adspice truculentissimam istam anni 1450. quæ in Asia exorta, per Dalmatiam & Illyricum, in Italiam, Germaniam, Galliam, Hispaniam se effudit, sicque grassata, ut tertia vix mortaliū pars ei superstes fuerit. Causæ fortasse aliæ reperiri poterunt: hæ mihi obviæ, & inventu faciliores, Longiores sunt, quia obliquiores ob calorem, & levitatē, Subsolanus & austri flatus, ideoq; longius aëra pestilentē eventilant. Calore deinde suo, humentem ante à diutinis fortè imbribus putrefaciunt, & auferunt in Occasum aut septentrionem, quo spirant. Subsolano à dextris, id est, ab Ortum Solstitiali, spirat Cæcias: qui Aristoteli & Theophrasto, hoc est, in Græcia, dicitur reflexè & per lineam arcuatam stare, cujus concavū spectet in cælum: quia scilicet exhalatio jugo montis fortassè offensa, & in proximas nubes resiliens, eas versus Ortum & in venti originem reducit: & hinc Græcis adagium, inquit Aristoteles:

Lib. 7.
cap 50.

Κακά ἐφ' ἑαυτὸν ἔλκει ὡς ὁ Κακίας νέφος,
Mala ad se trahit, ut Cæcias nubes.

Hic, ut anrè monui, in Belgio aridissimus, & hieme ge-
 rantissimus est. vehementiam tamen non habet, nec con-
 fertim venit, sed dissolutus, & laciniatim in plures quasi
 rivos dispersâ exhalatione. sic enim serè solent, qui è sic-
 co: nam vapor implet, & intendit præcipuè pondus ven-
 torum. Odoratiorem fieri putat Democritus arboris fru-
 ctum, si propendeat in hunc flatum. In hunc etiam opi-
 liones gregem pascunt, cùm concipi mares volunt: nam
 partus masculinos calore & siccitate creditur adjuvare.
 Simili de causâ Aristoteles in Politicis, jubet, Boreâ aut
 alio sicco spirante, nuptias celebrari; & Bonum factum
 si Luna etiam sicca, sit in interlunio, & Solis cœtu, hu-
 mor enim abundus calorem hebetat, & femellarum est
 pater.

Ad Subsolani sinistram, et ab ortu hiberno. Vulturnus
 est. In istum apiaria, & vineas Italiæ, Galliæ, spectare
 docet Plinius. Ipsi etiam Cannensem & famosam illam
 cladem imputant Romani. nam secundùm eum tunc for-
 tè flantem, aciem direxerat Hannibal, verteratque in ora
 Romanorum. Post Livium & Senecam, audite silium
 querentem:

*Sternuntur tellure & miles, & arma, tubaque,
 Atque omnis retrò flatu occursante refertur
 Lancea, & interdum Rutilis cadit irritus ictus.
 Atque idem flatus Pœnorum tela secundat,
 Et velut amento contorta hastilia turbo
 Adjuvat, ac Tyrias impellit stridulus hastas.
 Ipse caput flavum caligine conditus atrâ
 Vulturnus, multâque comam perfusus arenâ,
 Nunc versos agitat tergo stridentibus alis,
 Nunc mediam in frontem veniens clamante procellâ.
 Obvius arma quatit, patulôque insibilat ore.*

Lib. 9.

ARTICVLVS IV.

Ventorum Occidentalium proprietates:

ZEphyri nomen, omnium post nata nomina, molli-
 mum, & blandissimum existimat Cardanus: talis est
 ipse ventus, ubi per æstatē aut ver, & procul à mari Oc-
 ciduo spirat: nam nobis nimis vicinus & feroculus est, in
 quos primum impetum statim, ab Oceano frangit aut he-
 betat. Frigidus, ut plurimum, & humectus est, utrumque
 potissimum à marino vapore, quem multum secum tra-
 hit. Frigus ejus mollius longē Aquilonari: mitigatur
 enim tepore occidui Solis. calor tamē ei remissior, quā
 Subsolani, quia copiā vaporis suffocatur. Favonius au-
 tem à fovendo appellatus, putatur. Vere enim novo flare
 consuevit, subindēque pluens primum Solis fervorem
 temperat, & humori aprissimē ad generationem miscet.
 Poëta Georg. 3.

*Parturit almus ager, Zephyrique tepentibus auris
 Laxant arva sinus: superat tener omnibus humor.*

Hanc causam Alcmaeon habuit, cur Zephyrum faceret
 patrem Cupidinis. Zephyri vespertini, aut horis pomeridi-
 anis, frequentius spirant, exhalatione & vapore relabi
 jam incipiente propter abscessum Solis: Subsolani verò
 sub auroram aut manē; quia vapor nocturnus, pondere
 suo circa terram desidens, resurgit ictus radio Solis, &
 paulò post refrigeratus, defluit deorsum versus Occasum,
 ut Sect. 29. Problem. docet Aristoteles,

Zephyrus humore suo appetentiam cibi comprimit;
 & magis Auster, qui præterea calore suo dissolvit ventri-
 culum. unde Plinius: *Minus esurire eo spirante credun-
 tur animantes.*

Ova etiam quædam hypenemia & Zephyria vocan-
 tur, quæ à gallinis, columbis, &c. generari putantur solo
 Zephyri inflatu, sine alio mare. unde irrita sunt, & sine
 pullagine. quin etiam equas juxta Olyssiponem in Lu-
 sitania, à Favonio vitalem spiritum accipere, & inde
 partum

partum gigni perniciosissimum, sed triennium vitæ non excedere, lib. 8. cap. 42. constare scribit Plinius. & Virgil. lib. 3. Georg.

*Ore omnes versa ad Zephyrum flant rupibus altis,
Exceptantque leves auras: & sæpè sine ullis
Conjugiis, vento gravida, mirabile dictu,
Saxa per & scopulos, & depressas convalles
Diffugiunt. ———*

Verè mirabile dictu: sed verum hodie negant Lusitani, quia tam perfecta animantia gigni nō valent, sine mixtura seminum utriusque sexus. Ova etiam illa hypenemia probabilius imaginatione maris formari existimabis, ova enim pullorum tantum semina sunt: imaginatio autem seminare potest.

Zephyro à dextris & ab Occasu hiberno flat Africus, creber procellis, ut ait Virgilius. & hīc egregiè experimur, nullus enim turbulentior & majori strage Belgiū incurrit. Nam ut singulorum pænè annorum damna sileam, anno 1558. & iterum nostrā memoriā 1606. arbores, domos, templa passim diffavit aut evertit. Nullum etiam Lovanii esse frequentiore flatum, vel ex famosa turri *verloren-cost*, quam Nannius noster *frugiperdam* vertit, intelliges. ab Africo enim fatiscere & solvi incipit. deinde arbores omnes in aperto in oppositum Cæciam inclinant, omnesque agrorum nostrorum arborum; nisi Etesia ante messem quandoque in Austrum avertant.

Porrò venti Occidentales hieme nivales sæpè sunt: & quia nubilosi ac molliti frigore floccos ingentes ac decumanos (uti etiam Australes solent) & verè *nivem sicut Psal. 147. laniam*, nobis spargunt. Boreas vero, Subsolanus, & quicumque cum frigore acri & urente siccitatē habent, minutori farinā urbem cribrant.

Præter autem qualitates istas generales ventorum, aliæ sunt quibusdam in tractibus propriæ & peculiæ, quas afferunt exhalationes ex elemento aut mixtis, unde extrahuntur. Quidam enim in America, mordaci qualitate ferrum etiam, ut testis Jos. A. Costa, exedunt, ferteosque fenestrarum

fenestrarum clathos brevi tempore decinerant: alii pulices infinitos per mare, per continentē spargunt. Quædam præterea sunt, quæ dici de ventis possint: ut oppositos invicem à se sterni, nisi unus depressior, alter sublimior in contrarium fluant: meridiē aut pluviam sopiri; dissolutam videlicet nimio æstu, aut impeditam, ne latissimum guttarum pluvialium agmen perumpat, exhalatione. Sed hæc, et id genus, facilia sunt, intelligique, nisi fallor, ex principiis nostris possunt. Aliqua etiam vana: ut istud Eudoxi: *Easdem ventorum vices exacto quolibet quadrienno redire*. Cetera fluxa & incerta, nec in unam legem & disciplinam (quidquid Veteres conati) alligari possunt. Itaque ab eo, si tamen etiam ventis istam laciniam adtexam, quæ de terræ motu.

CAPUT ULTIMUM.

De terræ motu.

Terræ motum omnes ventis subjiciunt, tamquam eorum effectum, aut exhalationis, simillimam illi quæ est materia ventorum. Olim tamen causa ejus tam in abdito fuit, ut Romani, ubi terram movisse senserant, & ferias supplicationesque edicto imperabant; nomen Dei, uti solet, cui ferie servandæ, non exprimerent: ne alium pro alio nominando, falsam religionem populum alligerent, inquit Agellius lib. 2. cap. 28. Noct.

ARTICULUS I.

Qua causa efficiens terræ motus.

Nulla nobis jam questio de motu, quo terra, opinione Pythagoræ & Copernicanorum, cottidie circa centrum, & quotannis circa Solem revolvitur. neque de libratione, quam fortasse perpetuo titubat, ut gravitatis suæ centrum, accedente hinc aut inde novo pondere, restituat in medietatem Universi. Depulsu ergo,
aut

aut tremore illo agimus, quo concutitur, ut homo in febris.

Antiquissimi Græcorum, hunc motum à fluctibus aquarum in terræ cauis vndantium esse, opinati sunt: id eoque Neptunū *ἰννοσίγαιος* terra quassatorem, & *σείχθονα* terra motorem, appellaverunt. Sed frustra. aquæ enim subterraneæ fluctuatio par esse nō potest tantæ concussioni, quæ urbes aut montes evertat, vel novos erigat in plano. Deinde, maximè post ingentes pluviarum eluviones, quando aquæ subterraneæ redundant auctæ cælestibus, existerent terræ motus: quod non videmus. Denique, ignis potius quàm aqua ex hiatu emicat, cum terra tremore discessit, unde facilè etiam rejicitur Thales, qui terram instar navigii putavit in aquis natare, & nutare cum unda fortasse eam inclinasset in latus. Fundamentum præterea ejus falsū est, cum gravius non supernatet leviori, et deinde terra semper tota moveret, ut navis nō partim, sed integra agitur aut impellitur à fluctu.

Alii malunt, specus subterraneos, et totos aliquando montes incidere, & terræ tremores inde existeret.

Et meritò, quoniam plaustris concussa tremiscunt

Testa, viam propter, non magno pondere, tota:

inquit Lucretius. Sed hæc etiam causa nimis imbecillis est et angusta, ut terrā tam latè concutiat, sæpè enim tota Germania, imò tota pænè Europa simul tremuit, Nec pondera plaustrorum valdè juvant Lucretiū. Si enim via terrena, nec silice strata sit, ut in pagis; plaustrum pertransiens, tremor è nullo vicino ædificio incutit; nisi fortasse cameratio plateæ sublit, quæ usque ad ædificii fundamenta pertineat. In oppidis verò tremunt aliquando propinquæ domus, quia strata platearū perpetuo silice contigua sunt ædificiis. rota ergo unum aliquem lapidem premens, & in alium vicinum & attiguum protrudens, omnes deinde catenatim in ædificii murum propellit. Postremò, domus malè nixa, et in aëre pendula, facilè vibratur, quod in terra, præsertim tam latæ et vastæ molis, locum non habet.

Bodinus, ut breviter omnibus universim molestiis defungatur

fungatur, & Aristoteli, suo more, calcem impingat, recurrit ad dæmonias *ἐννοσιγὰς*. Ratio unica est, quia alia nulla causa est probabilis.

Dico ramen Primò: Sententia Aristotelis, & verissima est, spiritum subterraneum causam esse terræ motus effricem. Probatur: quia quoties terra pulsu pertunditur, aut dehiscit, evolant halitus aliqui, sæpè pestilentes; ignis etiam aliquando, & cineres. ergo ille fuit, qui terram rupit, & eam suffodiendo concussit. Idem patebit post ex omnibus terræ motus effectibus. Sed accurrit Bodinus: Non posse sic valere tenuem spiritum, ut urbes totas quandoquæ & montes in altum excutiat. Deinde, in locis planis, aquosis & irriguis, qualis Ferraria in Italia, accidere aliquando maximos terræ motus. Tertiò, hieme, quando terræ pori gelu constricti, futuros præcipuè, cum tamen Aristoteles asserat plures vere & autumno.

De Postremo respondebimus, ubi tempus terræ motus examinabimus.

Ad Primum: Certum est, potentissimas vires esse spiritui. probâtque Aristoteles exemplo febricitantium, qui extra morbi accessionem debiles & invalidi; ubi tamen spiritus per corpus & nervos diffusi, vix ullis vinculis possunt coerceri. Huc etiam flammæ pyrii pulveris in cuniculis & tormentis, fulminis in nube, vires & impetus admirabiles possunt afferri. ubi enim halitus intra angustias inculcatus rarescere, & se ultra non capere, cœpit, metu penetrationis proxima quæque remolitur & jactat, & quando aliter non valet, effractâ viâ per vulnus exit.

Pro Secundo, fateor. Ferrariam, quæ anni 1570. tremore ita vexata & lacerata fuit, innumeris pænè rivis & fluminibus irriguam: sed non ideo solo ejus subesse non possunt plurimi frequentes & conferti spiritus. imò verò tot rivi per abdita subterlabentes. aut aqua plurifariam alveo excidens, & cæcis cuniculis se condens, terram illam potiùs fistulosam faciunt, & capacem spirituum. Sed à qua causa spiritus illi resolvuntur?

Dico Secundò: Magna sæpè eorum pars ab ignibus subterraneis est. Probatur: quia montes, & loca ignivo-

ma maximè tremoribus obnoxia sunt: ut Sicilia, Lipara, Campania, item loca thermis naturalibus tepentia; quales in tota Italia sunt, Bodino teste, facile eo. ut proinde non tam impensè mirari debuerit, movisse Ferrariam à subterraneo spiritu. præsertim cùm præter Campaniam in agro etiam Florentino, Mutinensi, Bononiensi Ferrariæ còtermino, crateres quidam ignivomi sint, ut lib. de Thermis cap. 5. fatetur Fallopius. Igitur vero simillimum est, spiritus illos quassatores latentibus istis ignibus exhalare. unde Aristoteles, qui parcissimè aliàs eorum memint, disertè asserit, halitum terræ motorem esse *ὑπὸ τῆς ἁλὸς καὶ τῆς ἐν αὐτῇ πυρὸς*, a Sole, & in eo, qui in ipso est igne. Hujus etiam rei evidens signum est, quòd vix unquàm montes rupto vertice eructent ignes, nisi præcedente terræ motu. Patuit in conflagratione famosâ illâ Vesuvii sub Tito, quæ Plinio Majori fatalis fuit: patet in plurimis Americæ montibus flammivomis, de quibus Acosta scribit, & Auctores fatentur. Siciliam olim, ante effractum Ætnæ carcerem sæpius tremuisse, quàm nunc, ubi viam laxatam habent quâ se exonerent subterranei ignes & spiritus.

Dico Tertiò: Sol etiam halitibus à se resolutis aliquid confert ad terræ motus. Ita Aristoteles plurimis locis. Reclamat tamen Georg. Agricola lib. 2. de Ortu subter. Sol enim, inquit, exhalationes è terræ superficie extrahit; nō resolvit in ejus visceribus. Contrà, lib. 2. de Terræ motu anni 1601. Keckermannus, vultque vim Solis altius in ipsas venas metallicas, penetrare. Saturnum etiam, spiritu multo intra magnæ matris viscera generato, plurimùm motum intendere. Verùm hæc mihi in incerto & fluctu sunt. & influentias illas occultas stellarum differimus in Libros de Cælo. Demus ego Agricola, Solem è dorso solùm terræ, & quatenus vis radiorum ejus calorifica ingreditur, exhalationes. resolvere; nego tamen, omnes extrahi & in aërem venire. multæ enim non satis leves, aut poris non satis hiantibus præpediuntur, vel ventis aut aqua super veniente in abscondita repelluntur. Deinde, per me licebit, in aë. & sublime attrahantur, ab eaque in

in ventos. modò prostremò recidant, & terræ poris, aut meatibus grandioribus sese infundant, atque in viscera ejus redeant,

Certè enim Aristoteles non uno loco ventos terræ motores facit. ut cùm Boream auctorem excidii duarum Achaïæ civitatum, Helices & Buris, affirmat. pugnat enim, inquit, cum Austro, paulò antequam terram moveret, & victus intra cavernas terræ se abstruserat: quærénsque deinde regressum; nec reperiens, duas clarissimas urbes effracto chasmate obsorpsit. Non prorsus ergo vana Boreæ jactantia apud ingeniosum Poëtam lib. 6. Metamorph.

*Idem ego cùm subii convexa formamina terræ,
Supposuique ferox imis mea terga cavernis,
Sollicito manes totùmque tremoribus Orbem.*

Eadem sententia Callisthenis, nobis Philosophi, quem Alexander Magnus, æterno crimine, inquit Seneca, quod nulla virtus, nulla bellorum felicitas redimet, occidit. qui etiam addit, terram aliquando spiritu extrinsecus accidente quassari, sicuti nos vento frigido subitò perstricti, quatinus & inhorrescimus. Verùm terra animal nō est, ut spiritu algido in poros penetrante, horrore se contrahat. Sed quā viâ exhalatio terram ambiens, eam intrat? Seneca lib. 5. Nat. cap. 25. negat id per poros & tenui illa foramina posse fieri. Nam in nostris quoque corporibus, inquit, cutis spiritum respuit: nec est illi introitus, nisi per quem trahitur. Agricola ampliùs audet: & ne quidem per laxos illos fossarum metallicarum hiatus, ingressum concedit. quia scilicet Metallici in Germania ingentes folles & spiritalia organa fabricare coguntur, ut supernum & recentem aërem venis subterraneis ad valitudinem inspirent. Sed fallor, aut uterque fallitur. Seneca quidem, quia etiam per invisibiles cutis nostræ meatus aër intrat: ut cùm vacuam vesicam, spiritus externus, propter periculū vacui, se insinuat, & horrore membra concutit. pori etiam terræ, æstate præsertim, satis aperti & hiantes sunt, ut aërem admittant, corpora enim ista fluida, & tenuia per minimas etiam rimulas & mæandros, timore vacui

vacui, in omnes recessus penetrant. Do etiam Agricolarum organis pneumaticis sæpè invocandum in fossis metallicas recentem aërem: non do tamen, numquam eousque decidere venti exhalationem, aut aërem infimæ regionis graviolem: hic tamen citò corrumpitur, & à spiritu metallico aut alio subterraneo, pigro & silenti, noxam contrahit, ut meliora pejoribus faciliè vincuntur: unde novum & purum identidem inspirare oportet, ut multitudine sincerioris supprimatur inquinatio. Non raro tamen, fateor, subterraneus aër nostrate crassior & ponderosior est. quo evētu noster cadere sponte in fossas & cavernas non potest, sed viribus reluctantem oportet inigere.

Sed spiritus retrocedet itinere quo incessit, inclamant, non erumpet foras cum tantâ strage obstantium. si enim per fossæ v.g. metallicæ patentem hiatum insusus est, ubi premi se senserit, illac redibit in libertatem. Minimâ enim rimâ, pulvis in cuniculis nostris bellicis perdit, aut relaxat impetum. Hoc argumentum me vincit, ut asseram, principalem causam terræ moventem, esse spiritum sulphureum & igneum è terræ visceribus resolutum, non ventum aut aërem supernè per meatum insusum. probarique potest ex profunditate sæpè ingenti causæ illius motricis, quæ sub fundo maris & radicibus Insularum, imò tam altè aliquando defossa est, ut fornicem alicujus subterranei specûs arietando, subsilire faciat integram regionem: aquæ etiâ puteanæ sulphur resipere solent ante terræ motum, permixtionem, scilicet spiritus, qui ignibus illis evaporatus, scandit sursum.

An ergo retractamus quod ante Aristoteli concessum? Minimè verò. Juvant enim venti & exhalationes à Sole excitatæ terræ motum, & aliquando etiam fortasse, efficiariùs, solæ faciunt. ideo enim vere & autumnò, & sopitis conditisque flatibus, ut postea ostendetur, crebrior. Nam exhalatio quæ supernè terram ingreditur, alteri confusa & permixta quæ ex ignibus subterraneis ascendit, ubi concalescens & rixando & fervore ejus fuerit, vires in unum confert, & impetum ad effringendum intendit,

intendit. Non regreditur autem & reciprocatur per viam quâ se intravit: vel quia casus aliquis (ut v.g. terræ labes) apertos antea meatus sepsit, vel quia per lōgos, angustos, & sinuosos tramites, spiritus se in alveum quemdam & locum capaciore expressit: ubi multâ luctâ & conflictu rarefactus, capi amplius tam brevi spatio nequit: nec regredi tamen id quod abundat, per tortuosos illōs & angustos amfractus, tam celeriter valet, quin totus antè spiritus, inflatus ibi & intentus, ac moræ impatiens, viam laxiorem facere tentet, & vicina concutiat. Unde falsum etiam est, pulverem cariturum effectu, si rimulâ alicubi cuniculus dehiscat. nam aliâs flamma bombardæ hærentem glandem numquam excuteret; quia spiraculum pervium, quâ ignis injectus est, habet, illâque se tota refunderet potius, quàm ejacularetur per tubi orificium.

ARTICULUS II:

Species terræ motûs.

Auctor Libri de Mundo, & ex eo D. Damascenus, septem species accidentarias terræ motûs fecit. Primus est Epiclintes, sive Inclinator: qui ad angulos acutos latera cavernarum tundit, & superposita more navigii in unam partem inclinat. Secundus, Brastes, seu Effervescens, dictus à similitudine aquæ bullientis. hic terram angulis rectis in altum identidem attollit & deponit. Tercius, Chasmatias, hiatum apperit. Quartus, Rhestes, viam effringit. Quintus, Ostes, uno impulsu evertit id quod incubuit. Sextus, Palmatias, vibrat. Ultimus, Mycetias, cum mugitu venit. Aristoteles tamen duabus speciebus, Pulsu & Tremore, contentus fuit. sed tertiam, Inclinationem, optimè Seneca adjecit. Pulsus est motus, quo terra, instar arteriæ animalis, diastole & systole, vicissim erigitur & subsidit. vel generalius: est qui terram succutit. unde à Senecâ vocatur Succussio. Tremor enim concutit & vibrat: Inclinationem verò in unam solum partem

totum

totum onus suspendit. Sufficientia divisionis hinc facil probatur. Quia spiritus intra claustra fremens, vel rectâ sursum se ejaculando, fornicem cavernæ pulsât & succussionem ac pulsum habes. vel latus utrumque alternis & celeriter tundit & retundit; sicque vibratio & tremor erit. vel denique ita unum latus arietat, ut ad alterum usque non resiliat; & inclinationem habemus. exhalatio autem (quod restabat) solo tantû modò cavernæ illisa, vix terram, sicut ad sensum nostrum perveniat, mōvere potest. Septem autem aliæ species, à diversitate effectuum sumptæ sunt, & ad tres istas possunt revocari.

Ceterum pulsus Rhectes & effractor, omnium sine dubio est perniciosissimus. deinde, longa & undans inclinatio, quæ parietes & fastigia ædificiorum extra fundamenti perpendiculum suspendit. Brevis autem & crispans tremor partem inclinatam statim contrario motu in sedem restituit, prævenitque lapsum. unde Plinius lib 2 cap 82 tutissima ædificia censet; in quibus fornices, anguli, parietes alterno pulsu resistunt. *Latere etiam facti parietes, minore noxâ quatiuntur*, inquit. quia, credo duriores lapides, quales nostri Namurcenses, prementibus nihil cedunt: idcōque unus aliquis facilius ædificii jactatione eliditur, trahitque cetera in ruinam. Docet etiam fornices tremoribus resistere, quod abnuat tamen Keckermannus, exemplo terræ motûs anni 1601 quo omnium pænè templorum in Helvetia cameraciones rimis affirmat dehiisse. Sed nec ignoravit Plinius fornicum commissuras tremore, præsertim tam valido, posse laxari. ut tamen homo varicus horizonti insistens, difficilius in hoc aut illud latus, quàm si compressus esset feminibus, impellitur: ita divaricatio illa parietum, impositâ fornice bene colligata, firmior est adversus lapsum. pars enī una curvaturæ alteri obnititur, partemq; oneris ejus sustinet, illamque rejicit in adversi parietis perpendiculum.

ARTICULUS III.

Qua loca obnoxia terra motibus.

ARistoteles, Seneca, & plures alii consentiunt, terram littoralem esse maximè obnoxiam tremoribus. Causa est in meatibus & venis subterraneis, quas aqua ubique excavat: sicque spiritui viam quàm se insinuet, concavitatesque spatiosas, quò multus in unum confluat, facit. Hæ tamen venæ & cavitates non nimis laxæ & hiantes esse debent, quia per eas itum reditumque liberum & innoxium spiritus haberet. hæc enim causa esse putatur, cur media Cycladum, templo Apollinis & mercatu olim celebrata Delos, sola terræ motum non sentiat. cavis enim rupibus imposita est, si Callistheni credimus, quæ exhalationi deprehensæ facilem dent exitum, quamquam tamen, cùm Darius exercitum in Græciam duxit, & semel aliàs concussam, prodiderit Mucianus. Audi lib. 2. cap. 82. Plinium. *Oppida minùs quatiuntur crebris ad eluviam cuniculis cavata, multoque sunt tutiora in iisdem illis quæ pendent: sicut Neapoli in Italia intelligitur, parte ejus quæ solida est, ad tales casus obnoxia* ubi enim omnia cuniculis & aquæ ductibus perforata sunt, spiritus laxiùs discurrit, nec exitum difficilem & perplexum habet, unde in bellis nostris cuniculi agi ab hoste contra cuniculos solent, ut via aperiatur, quàm flamma pulveris, per istos canales innoxia se evolvat. Itaque breviter, concavitas quidem exhalationis capiens ad terræ motum, sed tamen sine exitu facili, esse debet. obstruuntur autem meatus, vel limo, vel ruinâ terræ quam aqua labefactat.

Non omnes tamen maris oræ, aut insulæ æquè tremunt: quia non ubique idoneæ subsunt cavitates. deinde, quæ ignes solo subjectos habent, in majori & præsentiori sunt periculo. igneus enim spiritus præcipuè, & maximo impetu movet. sic in Campania, ubi Vesuvius & totâ naturâ tepidi fontes, in Peruvia, in Sicilia, in Æolis, Moluccis,

Moluccis, & Flandricis Insulis, frequentes motus. Hoc verò mirum, quod audiui de Flandricis istis seu Terceris: solemniter ferè quotannis agitari, & universas tremere. quod signum est, spiritum motorem fundo eidem solido subesse, cui omnes impositæ. Aër tunc etiam ruber & veluti flagrans, satis significat ignem periculi auctorem esse. Keckermannus nullas in tota Europa urbes magis quàm Constantinopolim & Basileam, existimat obnoxias. Hanc, quia ad ripam Rheni sita, & fundo lapideo inædificata, igitur sub terrâ absconditi nō procul inde: quandoquidem juxta Badenam Helvetiorum Thermæ ebulliant, quæ Basileâ absunt unius diei itinere. Ægyptus omnium regionum turissima creditur, quia Nili, ut putant, se superfundentis limo, fluido primùm, deinde in solidum se densante, & sic inarescente, sine venis & cavitatibus crevit. Argumento, quod apud Homerum *Odyss.* 4. Menelaus Telemacho narret Pharum tantùm à continenti Ægypti abesse, cui jam adhæret, quantum navis diurno cursu plenis velis metiri potest, quod Plutarchus etiam de tēpore quo Homerus, tot scilicet post bellum Trojanum & Menelaum annis, vixit, intelligit, nisi ergo Homerus vanus, facilè 36. nostratum leucarum distantia ista fuit; etiamsi duodecim tantùm horarum navigationem accipias. singulâ enim quâque horâ navis tumente velo ternas leucas emetiri valet; ut ego ab Oceani nostri nautis accepi. consentitque Brodæus, qui fide in mari supero inferoque navigantium 8. milliaria Italica unâ horâ decurri secundo flatu affirmat. Igitur Ægyptus terræ motus non sentit, non quia nimis patentes, ut Delos, meatus, sed quia nullos, habet. Agathias tamen de Bello Gothico, Alexandriam, cùm ibi Juri operam daret, tremuisse narrat, rem tamen pro prodigio fuisse, quia nemo tam senex erat qui alterius exempli meminisset.

Simili de causâ Belgium nostrum, & præcipuè quod in Septentrionem & Hollandiam spectat, rarissimè movet. aggeratione namque Oceani surrexisse putatur, olimque vulgata traditio habet, mare aliquando Tongros

alluisse. fitque id profectò, præter alia, verisimile humilitate littorum, quæ non saxea & montosa, qualia Natura fluctibus objicere solet, sed mollia, terrena, aut glareosa, & plerumque facta manu, ad submovendum, aliàs inundaturum, pelagus.

Lib. 2. Cos-
mocrit. c. 1.

Sæculo tamen elapso, ut terribilium nihil deesset, Belgium etiam non semel agitatum fuit. *Rarum est*, inquit, noster Gemma, regionibus nostris terrarum motus persentiscere, neque ab annis pluribus quidquam de his majorum industria designavit. *Vehemens tamen concussio fuit anno 1554 primùm 21 Martii horâ 12 noctis*: ut multis locis vasa in sublimi constituta deciderint. erat, ut resse memini, cum tremore mugitus ingens, ac velut ab enem clangor multorum currum, qui concitato agmine præterirent. Alter successit 22 Martii, hora quarta post meridiem, his validè subsiliente solo. multis metu ferè sanguis obriguit. *Quamquam fortius iterùm 30 Aprilis, hora quinta pomeridiana usque ad tres vices continuas.* Iterùm ad annum 1569 post acre gelu *Secutus est*, inquit, è vestigio terra motus 14 Martii, circa 12 noctis, cum raucò murmure. Itaque loca aliàs minimè fistulosa quati etiam quandoque possunt, à spiritu præsertim in altissimis cavernis deprehenso: quo modo etiam ipsum mare ebullit aliquando & fluctuatur, exhalatione succutiente ejus fundum. Licet enim fortasse terra Belgica, perinde ut Ægyptus, ad aliquantam altitudinem, quam superfluis quotidie & oblimans æstus fecit, satis firma sit, & exhalationum respuens, alii tamen fundo, lapideo scilicet & cavernoso, inædificata est, qui spiritum capere, & tremere possit. Leodium verò in Belgio nostro raro vacillat, eâ ratione quâ Delos; quia tot discurrentibus venis carbonariis nimis laxè cuniculosum, libero ferè ubique exhalationis meatu. Itaque propius fortassis est alteri, id est, suffossionis, periculo. Sic enim M. Varro narrat oppidum quoddam in Hispania à cuniculis, alterum in Thessalia à talpis suffossum; cur non idem meritò à suis carbonariis metuat Leodium?

Ex antè dictis, facilis est intellectus Aristotelis, ubi docet,

docet, terras fungosas, ut Hellespontum, Achaïam, Sicili-
am, frequentius sentire motus. non enim capiendus est
de nimis laxè fungosis. Ubi etiam mare longè ex æstu-
at, inquit, facilis tremor esse solet. quia videlicet exituri-
entem per oræ littoralis venas & poros spiritum æstus in
viscera terræ repellit.

ARTICULUS IV.

De magnitudine, & duratione terræ motus.

Sed per quanta terrarū spatia unus idēque motus de-
currit? Seneca lib 6 Nat cap 25 definit. *Numquam,*
inquit, *per ducenta milliaria, id est, ferè 67. leucas Belgi-*
cas, motus extenditur. Ecce hic qui implevit fabulis ur-
bem, nō transcendit Campaniam. quid dicam, cū Chalcis
tremuit, Thebas stetisse? cū laboravit Aegium, tam pro-
pinquas illi Patrias de motu nihil audivisse? illa vasta con-
cussio, quæ duas suppressit urbes, Helicē & Burin, citra
Aegium constitit. Similiter Dion lib 66 narrans horri-
bilem illam alteram Campaniæ quassationem sub Tito,
quæ Herculanium & Pompeios evertit, Vesuviūque in-
cendit, affirmat aliquot antè diebus, fumum & cineres
ardentis montis Romam, quàm tremoris & tantæ cladis
famam, implevisse. Spatium tamen à Seneca circum-
scriptum nimis angustum est, ut possit omnibus exem-
plis sufficere. Nam lib 3 cap 26 Histor. Indic. Jose-
phus Acolta scribit, in regno Peruano motus frequenter
ad 160 leucas, imò ad 300 à Meridie in Septentrio-
nem excurrere. Item circa annum 369 sub Valentinia-
no Cæsare, & anno 1116 totus pænè terrarum Orbis,
denique anno 1601 Asia, Hungaria, Germania, Italia,
Gallia, uno ferè momento feruntur tremuisse. unde nec
perpetuè verum est, quod quidam asseverant, terræ mo-
tus objectu magnorum fluviorum terminari & stare, Igi-
tur nihil certò & affirmatè hīc dici potest; sed multitudo,
vires, profunditas exhalationis moventis, firmitas etiam
terræ superstantis, inspiciendæ. Spiritus enim multis
locis

locis dispositi latius movent: etsi difficulter possint simul & eodem temporis articulo, nisi aut concavitas continua sit, vel per angustias aliquas detur spiritui accenso & ignito mēatus ab una in aliam. sic enim alter ab altero flammam & impetum accipiet. Halitus etiam crudus non tam validè & latè ferit, quàm incensus & rarior. profunditas deinde cavernæ facit, ut idem spiritus uno ictu maiorem partem subfilire faciat superficiei terræ. Cum enim lineæ à circumferentia ad centrum terræ deductæ, parallelæ non sint, sed magis magisque appropinquant, quò altius descendunt; necesse est, partem terræ inter utramque interceptam, perpetuò cuneari & abire in arctum, latissimamque esse in terræ superficie. unde caverna, cujus latitudo quadrantem milliariis non excedat, modò non procul à centro & regione Inferorum sit, sustinere potest totam Europam. verùm vires & energiam spiritus propè incredibilem esse oportet, ut emoveat, aut sollicitet tantam molem. Itaque cum tota v.g. Europa contremescit, sæpius fit ut non una, sed plurifariam dispositæ exhalationes sint, nec unico ictu, sed pluribus varias ejus partes concutiant, flammâ unius cuniculi, ut statim antè imaginabar, in vicinum per aliquam rimam se effundente. Vel, ex mugitu illo huc illuc discurrente, quis existimet eundem spiritum, ceu fulmen quoddam subterraneum, per longissimas terræ cavitates diffugere; sicque minimo tēporis intervallo diffitissima loca tentare? Ne autem tam longas & perpetuas subterrâ venarum decursiones mireris, cogita tot ibi aquarū receptacula esse, & infinitos fluminum per abdita labentium alveos.

Durities denique & soliditas terræ incubantis multū adjuvat, ut vicina, quæ spiritus non suffodit, tamen etiam contremiscant. Molle enim solum si succutiat, dividit se, nec impellit quæ circumstant. Hinc etiam fit, ut subterraneum fulmen hac illâ cuniculatî oberrans, & exitum quærens, alicubi quatiat tantum, aut surrigat vano conatu; alibi, quia mollior & infirmior, effingat impositam molem.

Non

Non de nihilo etiam quidam terræ motus dicuntur finiri occurſu fluminum; nempe illi, quorum ſpiritus profundiores alveis fluviorum non ſunt: ripa enim una agitata, alteram aquâ interfluente diviſam concutere non valet.

Keckermannus denique probabile exiſtimat (ſed nullo argumento probat) terræ motus, ut Plinius dixit de peſte, diffundi ab Ortū in Occaſum, aut à Meridie in Septentrionē. Tentavi an venti, aut Marinus æſtus, qualitate regionum, firmam mihi aliquam rationem afferre poſſent; ſed nihil pro voto effecerunt. Hoc ſaltem eſt verum, per Marinas oras, quæ ſententiâ Ariſtotelis, & ſatis expertâ, facillimè tremunt, longiſſimè excurrere terræ motus. Oræ autem iſtæ, vel ab Ortū in occaſum, (ut in utroq; maris Mediterranei littore vides) vel à Meridie in Septentrionem (ut in Hellespontis, Euxino, Mæotide, Oceano etiam noſtro, Africano item & Americano) extenduntur. Sed an à Meridie cœperit aliquis motus, & in Septentriones ſe ſparſerit, an retrò, quis nobis ſatis dicet? præſertim ubi eodem præne temporis articulo littus univerſum concutitur. Poſſemus tamen ex mugitu exhalationis, in quam partem ſe convolvat, aliquid diſcere: perinde ut è tonitru, quo ſe per nubes agat fulmen, ſolemus intelligere. Sed ſicuti fulmen nullâ certâ lege in omnes cœli regiones diſcurrit, ita de ſpiritu terræ motore, eſt pronum ſuſpicari.

Duratio terræ motus incerta etiam eſt & inconfans. Aliquando enim momento præne abſolvitur, aliàs per menses totos, aut annos edurat. Maximus ille anni 1601. qui ab Aſia ad Oceanum Gallicum, id eſt, per totâ Europæ longitudinem ſe effudit, ultra quadrantis horæ ſpatium non ivit: niſi quod trigefimo poſt die Helvetia reliquias ejus aliquas ſenſit. Pugnante & vincente apud Traſymenum lacum Hannibale, Italia tota cum multis paſſim ruinis quaſſata eſt; ſed intra pugnæ breve tempus concuſſio ſterit: unde neutra acies ejus motus ſenſum accepit. Anno 1538. Italia iterum, 15. diebus, Fallopio teſte; anno 1570. duobus integris ânīs, Fabrico Paduano, agitata

agitata fuit. Averroës Hispaniam suo tempore totos tres annos vacillasse dicet. Aristoteles & experientia affirmat, 40. dies sæpè solemnes fuisse. Ubi tamen tam diu durat, motus non continui, sed ut plurimum interpolati sunt, ut solent in nube fulmina. Ratio est, quia non statim & unico ictu exhalatio tora erumpere, aut ita dispergi, ut non iterùm reliquæ coëant & vires resu- mant, potest. Secundi tamen ictus debiliores ferè sunt: nisi aut parum spiritus primo impetu defluerit, aut ra- rior longè & intentior agitatione factus fuerit: alias e- nim terra primis ictibus quassata plerumque se laxat, & venis ac meatibus de spiritu largiter bibit: hæc enim causa est, cur sæpè citra ullum manifestum chasma aut hiatum cessit terræ motus: quia, inquam, terra poris cau- sam ejus efficientem accipit & consumit.

ARTICULUS V.

Qua anni tempora maximè sentiunt terra motus.

OMnia sine ullo discrimine, inquit, lib. 4. de ortu subter.

Georgius Agricola. Ratio ejus, quia à solis ignibus subterraneis (quidquid Aristoteles ad Solè referat) effici putat terræ motus: ignes enim isti toto anno evaporant motores spiritus. Ita etiam Bodinus, qui dæmones *εὐνο- σιγδνς* facit. Nec reverà destituuntur exemplis. De ve- re & autumno res controversiâ non habet. Sed Senecam audiamus. Pompeios in Campania terræ motu defedis- se ubi affirmavit: *Et quidem diebus hibernis*, (inquit, nempe Nonis Februarii) *quo, vacare à tali periculo ma- jores nostri solebant promittere*. Famosus etiam ille Olyf- siponensis motus, anni 1531. quando Rex & totus po- pulus desertâ civitate, octo diebus, quibus duravit, in campis egit sub pellibus, in Februarium incidit: & tem- pore Alberti Magni Longobardia concussa est ipso bru- mæ die. Nec æstas etiam caret tremoribus. Anno 1586. in Regno Peruano terræ motus nonâ die Julii per ora maris Pacifici 160. leucarum longitudinem cucurrit: & hoc

Lib. 2.

Nat. 1. 1.

hoc anno, inquit Agricola, qui vigesimus Imperii Caroli Quinti est ipso Solstitio Misnia contremuit.

Sed nequidquam in Aristotelem & veriatem pugnat Agricola. Infinitis enim exemplis certissimum est, terram sæpissimè movere autumno aut vere. Belgium sæculo elapso, ut ex Gemma nostro Articulo 3. retuli, ter movit, bis Martio, semel Aprili. Sed plurimi tamè in omni memoria facti autumno. Quo tempore Augustus Antonium ad Actium vicit, Palæstina tremuit: pugnatum autem est 4. Nonas Septemb. ut ex lib. 51. Dionis patet. Vesuvius arsit, & Campania titubavit sub Tito, quando curiositas visendi miraculi Plinium perdidit a fumo enim & cinere incendii suffocatus est vir ille maximus) extremo autumno, teste eodè Dione. Constantinopolim sæpissimè conquassatam, sed dirissimè anno 1509. legi, & semper mense Septembri. Italia año 1538. spatio 15. dierum tota vacillavit, inquit Fallopius, & Septembri. Motus ille anni 1601. tam celebratus, Europam pænè totam, die 7. Septembris inter primam & secundam nocturnam, agitavit. Clariss. Academiæ nostræ, & famam scriptisque celeberrimus Medicus, Thomas Fienus, mihi de eo aliquando hæc narravit. Sereniss. Ducem Bavarix Maximilianum, à cuius tunc cubiculis Medicus erat, motu exterritum, cum putaret vim Palatio fieri, aut omnia corruere, gladio stricto exsiliisse, familiamque inclamasse. Fieno interim altissimo somno sepulto: & cum mane negasset se quidquam sensisse, plures dies deriso decachinnatoque à suo Principe. Sed et istud extra oleas è Keckermanno, linguæ Hebraicæ in Academia Heydelbergensi tunc professore, adjiciamus. Natus inquit, paulo antè hunc terræ motum potentissimo Galliarum Regi filius primus. Delphinus: natus item potentissimo Electori Palatino, sub ipsam terræ motus horam, terrâ adhuc velut tremente, filius tertius. Utinam cum terræ motu ad Ecclesiæ & Reipublicæ quietem uterque Europa a Deo donatus aliquando intelligatur? Utinam posteritas experiatur, contremuisse coram utroque Principe Gallia ac Germania hostes! Utinam de utroque ve-

ram illam vocem ac præconium possit usurpare: Heroicorum animorum magnos esse, facilesque motus!

De Christianissimo Rege Ludovico XIII. iudicium non interpono, & posteritas videbit. De tertio illo Palatino vanissimum Keckermanni vaticinium erit, nisi publicæ Quietis magis quam frater litaverit; qui illo suo Bohemico ambitu, Germaniarum, & totius præe Europæ, Statum conturbavit.

Admirandus denique ille Ferrariensis motus, anni 1570. primos assultus dedit mense Novembri, ipso festo die D. Martini. Et ne infinitus sim, animadvertite tu cum historias leges, & intelliges, quod dixi, exempla plura autumnum aut ver incidere. Et hinc facile conjectamus, Solem aliquid afferre ad terræ vibrationem. Si enim penes solos subterraneos ignes causa, ut Agricola & Lydiatus volunt, esset: hieme sæpius, quando frigore omnes pori & ignium spiracula clausa & adstricta, spiritu scilicet deprehenso & circum sua claustra fremente, terra tremere. Autumnos autem & ver, quia modico & repenti Sole fruuntur, exhalationes reddunt, quibus algidæ hiemes carent; nec fervore nimio consumunt, quod æstas solet, pigre ergo illæ exhalationes circa terram sæpè hærent, & facile relabuntur in ejus meatus, miscenturque ignium subterraneorum halitibus. Pluvia etiam regredi in terræ penetralia compellit, & dehinc post largos imbres, inquit Aristoteles, non raro terræ motus. Plures deinde & majores nocturni, quam diurni sunt; & antelucani, quam vespertini: quidquid iterum Aristoteli resistat Agricola. Ratio est, quia veluti extremum hiemis gelidius est initio, & hiemat acrius: ita quod noctis circa dimidium est, magis tepet à reliquiis nondum extinctis diurni caloris; quod verò ultra ad Auroræ decurrit, magis alget à vaporibus in naturam aquæ perfecte restitutis, & causis aliis refrigerantibus in longiori absentia Solis. Nocturnum autem frigus spiritum interdum resolutum intra terram adigit & continet. qui si satis altè descendat, ceteroque spiritui subterraneo misceatur, implere mensuram causæ potest, quæ movendæ terræ sufficiat.

Hanc

Hinc etiam facile intelligitur, Lunæ aliquid imputari posse in terræ motibus. Plena enim & tumens, spiritus calore suo multiplicat; sed tamen etiā terræ poros non nihil diducit: sicca verò & illunis, meatus nō laxat, cum in facie ad nos spectante, lumine indigeat; sed neque spiritus resolvit. Dignum etiam notatu duxit Aristoteles, in Solis & Lunæ deliquiis aliquando exortos terræ tremores, spiritu scilicet subito calore destituto, & condito in subterraneos specus. Imo motum anni 1601. geminæ eclipsi, Luna 6. Solis 19. die Julii Septembrem illum præcedentis, in parte Keckermannus tribuit.

ARTICULUS VI.

Quæ signa antecedentia terræ motus.

Primum est, si aquæ puteorum aut fontanæ subito turbentur, & tingantur sapore sulphureo: hic enim est halituum e terræ secretariis in libertatem suspirantium, & in transitu aquas inficientium, effectus. Sic Pherefides Præceptor Pythagoræ haustu aquæ putealis terræ motum instantem denunciavit.

Secundum est, si mare sine flatu & fluctu derepentē attollatur & intumescat. Ita Posidonius, ut Strabo lib. 6. narrat, æstivo Solstitio, sub Auroræ crepusculum, vidit mare Mediterraneum inter Æolias insulas (quæ & ignibus flagrant, & sæpè tremunt) subito in immensum surrexisse, desedissequē paulatim, spiritu evanescente.

Tertium, si volucres præter morem sedent impavidæ. Signum enim est, ventos & omnes auras sopitas esse: libentius quippe volant aves levi aliquo flatu adspirante. Malaciam autem & aëris insolitam tranquillitatem fo-
lere terræ motum antecedere, omnes fatentur. Quia, inquit Seneca ex Aristotele, *vis spiritus, quæ concitare ventos solet, in inferna sede detinetur. Nunc quoque cum hic motus in Campania fuit, quamvis hiberno tempore & in quiete, per superiores dies aër stetit.* Potest tamen, ut vento uno spirante, alter sub terra tumultuetur: quia

Lib. 6.
cap. 12.

quia aliquando duos simul etiam in aëre, conspirare, ex agminibus nubium in diversa tendentibus, intelligimus, inquit Aristoteles. Sed hæc causa tam statæ ferè tranquillitatis ante terræ motus, mihi mentem non implet. venti enim non semper (imò fortasse rarò) sunt terræ motores: deinde plerumq; qui in nos recidunt, Apogæi non sunt, & apud nos nati; sed ex longinquiori, ubi frequentius nullus est terræ motus, veniunt. Existimo igitur, flatus eorum sustineri, aut aliò averti ab exhalatione, quæ multa & conferta per terræ meatus, ante tremores, in altum transpirat: unde aves etiam nonnunquã exterritæ avolant & fugiunt terræ motus: quia hilitus ille præcursor eas abigit.

Quartum signum ex Aristotele est, linea nubis in longum & directum porrecta: hoc tamen, uti & accidens, immediatius tranquillitatem & statum aëris, quàm terræ motum significat. Et ego centies ejusmodi lineares nubium tractus vidi sine terræ motu. Ut enim tranquillo mari fluctus longi & recti ad littus veniunt, ait Aristoteles, quos in tempestate contorquet ventus: ita inturbatione aëris, magis sinuosa sunt nubium volumina, toimpellentibus hac illac flabris. Hoc igitur signum tenue est & remotum: quod tamen etiam Gemma noster, anno 1562. respondente eventu, æstimavit. *Vidi, inquit lib. 2 Cosmocrit. cap. 2. ipso die Nativitatis Domini, horâ tertiâ pomeridianâ, Sub sole lineam tenuem, nigram, quæ in raram longitudinem exporrecta diu permansit. Sol autem in nube equali, densa, radios nigerrimos spargens, interdum velut subsilire videbatur, credo ex vaporibus interjectis. Secutus est, uti tum præsagieram, terræ motus 17. Januarii anni 1563. cum fulminibus, quæ post ventos atrocissimos, tandem in maximas ac diuturnas pluvias eruperunt.*

Ultimum, & omnibus facilè anteferendum, est, Mugitus subterraneus: ut enim vix unquam fulmen sine tumultuante antè tonitru emicat; ita rarissimè terra movet, quin antè mugiat; compertumque id est per omnes historias. Exemplum unicum, sed insigne, ex Dione, in concussione

concussione illa Campaniæ, & Vesuvii conflagratione sub Tito, sumamus. 56. Sonitus, inquit, tum subterranei tanquam tonitrua, tum super terram mugitibus similes fuerunt: dein mare simul fremere, cælum unâ sonare, ingensque & repentinus fragor quasi montes simul corruerent, exaudire. Tum exsilire primum immensi lapides, &c. Mugitus autem & ululatus iste, exhalationis per cava aut aspera cavernarum se versantis et frangentis, effectus est; similisque est tonitruum in nube: nisi quod allisio ad dura & concava (quæ exhalatio non reperit in nubibus) sonitum illum ad ululatum canum propius, quam ad bombum illum tonitruorum, sæpè deflectit.

ARTICULUS VII.

Effectus terræ motus.

Qui terræ motui vulgò tribuuntur effectus, potius exhalationis sunt. imputantur tamē illi, quia per terræ motum exhalatio eos producit.

Primus est, ædificia succussatione sternere: ubi enim superiorum pondus extra fundamentorum perpendiculum diu inclinatum est, tandem procumbit. Sic itemor Campaniæ sub Tito duas urbes, Herculanium & Pompeios populo sedente in theatro, penitus obruit. Sic diu antè, circa initia Principatus Tiberii, duodecim Asiæ urbes simul collapsæ nocturno motu: quò improvisior graviorq; Lib. 2. pestis fuit, inquit Tacitus, neque solitum in tali casu effugium subveniebat in aperta prorumpendi, quia diductis terris hauriebantur. Secutus deinde alter miraculo plenissimus, Christo patiente, anno circiter decimo octavo Imperii ejusdem Principis, ut ex Scriptura constat meminitque Phlegon Adriani Cæsaris libertus: & Didymus: *Mei Christi tempore*, inquit, *non privatus aliquis terra motus, sed tota terra conquassata, & centro convulsa fuit.* Divinam ergo aut Angelicam virtutem, causam habuit: nec dubium, strages multis locis editas esse, qualem in Nyssena urbe, ex Phlegonte narrat Eusebius

Eusebius: aut fortasse vibratio brevis, non inclinatio longa fuit, quæ statim omnia prona in ruinam, in libramenta sua restituit. Miserabilis etiam facies terræ motus Antiochiæ, Trajano P. incipe; ubi omnes pænæ domus in pulverem comminutæ, & ipse P. princeps, qui tum forte ibi hiemabat, per fenestram vix evasit incolumis. Anno 1509. tredecim hominû millia Constantinopoli obruta, anno 1531 Olyssiponæ 1500. everis ædes, anno 1570. Ferraria miserrimè tota dilacerata fuit.

Secundus effectus est, montium in plano excitatio: hæc autem fit motu qui Braſtes sive Bulliens dicitur, estq; similis illi effossioni, quâ talpa terræ metam in altum egerit, : vel

Ovidius
15. Met.

— cen spiritus oris

Tendere vesicam solet, aut direpta bicornis

Terga capri. —

Tumor ille postea permanet, & ævo indureſcit. Tali motu, anno 1538. in agro Puteolano, è cineribus & pumicibus mons altitudinis integri milliaris, qui ideo Novus appellatur, excitatus fuit: pari modo plurimæ insulæ è mari emerſerunt; ut Delos, Rhodos, Anaphe, Nea, Alo-ne, inter Cycladas Thera, Therasia. De hac Seneca: *Therasiam nostræ ætatis insulam, spectantibus nautis in Aegæo mari enatam, quis dubitat, quin in lucem spiritus vexerit?* denique Plinii ævo, Thia.

Lib. 6.
cap 21.

Tertius est, montium suppressio: motu enim Rheete, sive effractore, in abruptum aliquando hiatum montes, urbes totæ cum populis, aut insulæ etiam hauriuntur. Ita perierunt famosæ illæ Achæiæ civitates Helice & Buri, de quibus Aristoteli aliisq; tam frequentata mentio, quarum illa 12: stadiis, hæc 40. à mari aberat. & tamen Seneca dicet suo tempore super eas navigari; Plinius, quædam adhuc earum uestigia apparere in alto: cum terrâ enim & hiatu qui eas condiderat, à mari statim absorptæ sunt. Similis exitus magnæ illius Atlantidis insulæ, de quâ Plato in Critia & Timæo, unicâ enim, ut narrat, nocte terræ motu plurifariam discissa, & Oceano Atlantico hausta evanuit superstitibus tantum velut naufragii

hinc

hinc inde dispersis tabulis, Fortunatis & alijs aliquot illius maris insulis, Tertullianus Apolog. cap. 40. *Memorat, inquit, Plato, majorem Asiā & Africā terram Atlantico mari ereptam, Vacillat tamen libro de Pallio. Inter insulas, ait, nulla jam Delos, arena Samos; & (si Plato non mendax) Aeon in Atlantico, Libyam aut Asiā adquans, quaritur nunc.* Mendacem tamen Platonem censet Keckermannus lib. de Terræ motu anni 1601. & Josephus Acosta lib. 1. Histor. Indic. cap. 22. Primò, qui in Oceano illo inter Asiā & Americā cautæ vix ullâ bolide reperiunt fundum: igitur nullæ ibi sub mari reliquæ insularum, Deinde, fateretur Plato, inquit Acosta, se à Critiâ puero id accepisse, qui inter pueriles cantuunculas, hanc etiam de Atlantide solitus minurire. Lipsius tamen noster lib. 2. Physiol. cap. 19. rem factam, non fabulam existimat. Pamelius etiam in cap. 40. Apolog. Tertulliani, narrationem Platonis partim fabularem, partim compertæ veritatis affirmat. Christophorus enim Columbus, inquit, anno 1492. 3. Nonas Augusti ex Hispania solvens, per Oceanū herbidum, & veluti in pratis, multos dies navigavit; sed nullos scopulos qui submersæ insulæ darent indicium, reperit: undecimo tamen post die, insulas illas alias, Cubam scilicet, Hispaniolam, Jamaicam; per quas Plato transitum in continentem (Americam) esse dicit, invenit. Sed profectò nescio cur soli scopuli, & non etiam herbe ille mari enatæ, suspicionem facere possint virentis alicujus insulæ prolutæ fluctibus: quia enim molli terreno, nec benè hærenti compage fuit, ideo tam facile unico terræ motu dissoluta in cœnum aut Arenam diffuxit. Sed Oceanus ibi altissimus est, inquis. Nego, ubique, quis enim tam curiosè scrutatus fuit? Verùm & aliud demus. Portasse, inquam, insulatorū hiatum nō implevit, qui eā sorbuit: vel potius, insulæ lutū æstu & fluctibus aliò evectū est, & fundo maris ubiq; refusū, aut gurgites opplevit Nec id etiam tantū à puero aliquo somniantre, aut dementiente, acceptum; alias enim divinus ille Plato nimisquā puer sit (& quis etiā puer tali ingenio, ut hæc tã ingeniosa fingat?) sed ab Agypti sacerdotibus

sacerdotibus, Philosophia & omne genus scientia canis-
audierat, cum apud eos peregrinaretur, Solon; à Solone
Critias major, à quo tandem Critias nepos, ut pater
à Immo.

Franciscus denique Gomez Parte 2. Histor. Indic. as-
serit, memoriam adhuc aliquam demersæ cuiusdam in-
gentis illic insulæ apud Indos superesse. Sed super omnia
me, ut in hanc Platonis sententiam labor, movet, quod
sine miraculo & transportatione Angelorum, nesciam
quâ viâ lupi, ursi, tigres, leones, & cætera animalia hu-
mano generi noxia, ex Arca Noë in Americam pervene-
rint; nisi hæc aut perpetuo continenti, aut per insulam
saltem aliquam, similem Atlantidi, cum Africâ ferè co-
hæserit. Imò nec etiam est, ut ipsi hominis (nisi, forte
tempestate ejecti) sine acûs nauticæ usu, qui non ita pri-
dem repertus, ex Africâ per illam Oceani, quæ nunc est,
vastitatem trajiciant in Americam. Aliqui tamen per ma-
re glaciale Septentrionis, & nives Polo subjectas, homi-
nes & bruta huc sponte transgressa credunt. sed cogita
horridam illius cœli faciem, & multa animalia asiosa,
& intolerantia frigoris, non accredas, Sed sat, procul à
scammate abivi.

Quartus terræ motus effectus est, terrarum cohærenti-
um discidium. Sic Britannia à Gallia, Africa ab Hispa-
niæ contextu avulsa putatur. Sicilia ab Italiâ rejecta,
Ossa ab Olympo recessit, &c.

Quintus, montis, ædificii, arborum, &c. in alienum
locum translatio: Id autem accidit, quando spiritus mo-
lem in altum ejaculari non valet: elevat tamen, & exi-
tum per latera quærens, asperitates aliquas resistentes in-
venit, quarum impulsu onus quodammodo succollat &
vehit. unde Albertus hunc motum, *Vectiōem* appellat.
Ita supremo Neronis anno prata & oleæ Vectii Marcell-
li, Procuratoris Neronis, in agro Marrucino, in contrarias
viæ publicæ sedes transgressæ, ita dudum antè, in agro
Mutinensi, duo montes, ait lib. 2. cap. 83 Plinius, inter
se maximo crepitu concurrerunt, assultantes recedentes-
que. Sic etiam anno 1575. collis in Angliâ (quæ tamen
rarissime

rarissime sentit terræ motus) cum vicina planitie permutavit locum, & anno 1586. mense Aprili in Hibernia iuxta fluvium Barum, arbores cum spinetis, ut cap. 6. Apocal. narrat Franciscus Ribera.

Sextus est, fontium aut fluviorum insolentibus locis perpertas terræ venas erupitio; siccantur etiam, aut alveum mutant aliquando vel in scaturigines suas refundunt. *Amnes retrò fluere*, inquit Plinius, *& nostra ætas vidit, Neronis Principis supremis sicut in rebus ejus retulimus.* Nec dubium, quin aliquo terræ motu; & fortasse eodem illo, qui oleas, Procuratores Neronis, supremo etiam vitæ ejus anno transtulit. Idem factum seculo nuper elapso in Americâ Josephus Acosta lib. 3. c. 26. affirmat. Conimbr. Tract. II. Meteor. cap. 8. terræ motu illo admirabili sub Emanuele Lusitanæ Rege, *Tagus*, inquit, *diffugientibus in utramque ripam undis, siccus in media vada ostendit, omnibus qui spectarent, terrore & stupore percussis.* Nec opus in re certa & comperta pluribus exemplis.

Septimus, & omnium pessimus, est pestilentia, solennis enim hæc est, post omnes ferme terræ motus: idque per infinita exempla doceri potest. *Nec id mirum est*, inquit Seneca; *multa enim mortifera in alto latent.* Exhalationes ergo terræ moventes, sulphure suo, aliisque qualitatibus, sæpe letales sunt, vel ipse saltem aer in cavernis illis pigritiâ æternæ noctis, aut culpâ terrarum, corruptus, quem disscisse hiatu, vel per laxatos ut minimum poros, exhalatio secum in auras nostras expellit. Hinc campano illo motu, gregem sexcentarum ovium, peste statim insegurâ, in regione Pompeiana exanimatum, narrat Seneca: redditque pulchram rationem, cur brutâ facilius hanc a terræ motu lucem, quam homines, sorbeant, quia videlicet, prono capite, & in terrâ respirante sunt. homines verò ex cælo, aut parallelum ferè horizonti spiritum ducunt. Simili etiam halitu Avernus, Charonæ, & plurima alia loca avibus supervolantibus pestem afflant: qualem se Hierapoli vidisse, & periculum in quadam avicula fecisse, lib. 68. narrat Dion. Is Spiritus, ait, omnibus animantibus pestilens est, præterquam castratis

Lib. 2:
cap. 103.

Lib. 6.
cap. 27.

hominibus Cujus causam equidem asserre nequeo: ea tantum ut vidi audivique refero. Rogavi Clarissimū Medicum & Phylotophum Thomam Fienum, ut vellet Dionī subvenire: sed negavit statim se fabulis respondere. Si aliqua tamen causa est, in frigore castratorum debet inveniri: spiritus enim illi pestilentes, sæpè fervidi sunt, & multitudine ac calore suffocant; cui fortasse potentius resistit castratorum frigus: sed id genus miracula non raro vanitatis quàm fidei pleniora sunt. Vel certè Galli illi Matris Deūm, antidoto præmuniti, aut spiritum tantisper continentes, innoxii antrum illud inspectabant, quod fama deinde sparsit ad omnes castratos: quod indicat Strabo. Cardanus etiam lib. 1. Variet. cap. 9. quatuor ordine opifices, qui in caveam subterraneam, ubi ipse intererat, descenderant, exanimatos scribit, nec tamen ideo credo, quia nimis erant viri. Non omnibus tamen, aut omni tempore æquè nocent. Charonia scrobs Plinio, hodie Antrum canum, in agro Puteolano, hominem confestim necat, bruta sopit tantum: excitanturque merfione vicini lacus. Pighius nihilominus in eo innoxius ambulavit, ultra æstum, nihil expertus. Turcæ tamen quidam aliàs immissi statim extincti sunt.

Ultimus, & utilissimus omnium effectus, est timor Numinis: qui simul etiam est finis ejus principalis.

ARTICULUS VIII.

Timor Numinis, causa finalis terræ motus.

Eccles. 3. Ita dico Nam licet omnia opera sua fecerit Deus, ut timeatur: nullo tamen ferè majori terrore id assequi potest quàm terræ motus: unde Aristoteles lib. 3. Ethic. cap. 10. dicit Celtas intrepiditate excedere, vocatque *μαρμαίρους*, insanos: quia non timeant terræ motus. Quam enim latebram prospicimus, ait egregiè Romanus Sapiens, quod auxilium si Orbis ipse ruinas agitet: si hoc quod nos tuetur ac sustinet supra quod urbes sitæ sunt, quod fundamentum quidam Orbis esse dixerunt, descendit ac titubat? quid

*Seneca.
l. 6. c. 1.*

quid tibi esse non dico auxilii, sed solatii potest, ubi timor fugam perdidit? Non perdidit tamen: & Deum habemus, quò confugiamus: ideo enim hæc & paria terriculamenta ostendit, ut perituris inhaerentes ad sui respectum convertatur: ut quàm instabili vestigio humana omnia, in quibus pendemus, n. tantur, intelligamus: quandoquidem etiam terra, quæ firmissima & in æternum stare dicitur, pedibus mortalium se subducatur. Heu, quò anchorum jaciemus, si ubique tam lapsans & infidelis fundus? In te, Domine Deus meus, Tu enim solus immortalis & immobilis es, *habitans aternitatem*. Tibi ergo soli infigamur, qui firmare nos potes. Mortalia omnia circa nos diffluunt aut cadunt, nosque pariter cum ipsis, quia miserrima particula eorū sumus. Cui igitur manus injiciam? quid arripiam, ubi omnia mecum labuntur, & eodem agmine tendunt in mortem? In Te me rejiciam, *in quem projectus sum ex utero, qui de ventre matris meæ Deus meus es.* Per Fidem, Spem, & Amorem Tibi inhaerebo: imò pleno me saltu in pelagus illud intransmutabile mittam; ubi tamen nihil de me reperiam, nisi nihil, & nihil, & ex toto nihil. Sed nihilum tamen meum adhærebit dulci Toti meo: aut in ipsum, ut guttula roris in mare magnum, dissolvetur, eritque aliud in ipso, atatemque sic feret, imò aternitatem.

Isaia 57.

Psal. 21.

A Kemp.
lib. 3. c. 14.

Sed quid ego frigido pectore, tam ferventes & alienos, non meos, sensus effutio? Repræsentata tamen hoc votum Dominè Deus meus!

Terræ motibus etiam excitare vult nobis Deus memoriam illius magni terræ motus, & calamitatum quæ supervenient universo Orbi, de quibus Luc, 21. Quando convulsionemur fundamenta terræ: quando confractioe confringetur terra, contritione conteretur terra, commotione commovebitur terra. agitatione agitabitur terra, sicut ebries. quando deflagante Orbis incendio, chasmate ingenti dehiscet terra, & cineribus permixtas hauriet vitimas illas divinæ Justitiæ piaculares: quando infernus dilatabit animam suam, & aperiet os suum absque ullo termino: & descendent fortes ejus & populus ejus &

Isaia 24.

Isaia. 5.

Sap. 5.

Apoc. 20.

Isaie. 14.

Apoc. 14.

Isaie 33.

sublimes gloriosique ejus ad eum: quando dicemus, Quid nobis profuit Superbia? aut divitiarum jactantia quid contulit nobis? Transierunt omnia illa tanquam umbra, & tanquam nuntius præcurrens & tanquam navis quæ pertransit fluctuantem aquam: cujus, cum præterierit, non est vestigium invenire, neque semitam carina ejus in fluctibus: quando miserabile corpus cum infelici anima mittetur in stagnum ignis, & in profundum lacu: unde fumus tormentorum ascendet in secula seculorum. Quis poterit habitare de nobis cum igne devorante? quis habitabit ex nobis cum ardoribus sempiternis? O æternitas! O abissus temporum impenetrabilis! O breve verbum, sed longæ significationis, cum ardoribus sempiternis! quanta, quàm infinita debet esse illa Majestas, in quam momentaneus, nec satis expressus contemptus: suppliciiis tam diris vindicator & sempiternis!

ARTICULUS. IXI


*Comparatio Cuniculorum nostrorum militarium
cum terræ motu.*

Magna omnino affinitas est Cuniculorum istorum cum terræ motu, qui Rheetes seu Effractor appellatur ut ars hunc videatur traxisse in exemplum. Ut enim tormentis nostris Jovem fulminentem, ita Neprunum, aut Plutonem terræ quassatorem pulvere cuniculario imitamus. Hujus tam atrocis inventi auctor fuit, inquit Cardanus in a. Subril. Franciscus Georgius Senensis: docuit hic hispanos arcem Lucullialem juxta Neapolim, quàm Galli tuebantur, nunc quum vocatam e veteres ade ejus sacra cum Gallis qui intus erant, etiam in mare ex monte translata. Guicciardinus tamen lib. 6. inventionem tribuit Petro Navarro Cantabro: & Joivus de navarra sibi familiariter cognito affirmat famam tota Orbe (cum antè quiles tentum esset gregarius consecutum, in excavandis cuniculis, per quos ammissit tormentari pulveris fomenti, adeo terribiles intus flammæ excitare edidisset,

ut

ut obstructis spiramentis, violentia obluclantis intus flamma, non mœnia modo sed imposita etiam rupes exscinderentur. Et deinde : expugnata apud Neapolim Ovi arce stupendo suo artificio usque adeo mirus extitit, ut Galli ejus portentosa machinationis metu, reliquis presidiiis facile excederent, cum abripi in sublimē propugnacula Megaris insula scopulis imposita, & furentibus flammis cuncta tremere, hiscereque & perfringi cum ruina multorum mortalium prospexissent. Manuc. Biringuccius Senenses, qui etiam sæculi lapsi initio vexit, concerraneum suum, Franciscum Georgium repertorem, sed navarrum in arce Ovi sumplisse primum experimentum affirmat, supposito in tribus partibus pulveris, negatque ullum postei cuniculum saltasse felicius.

Receptaculum pulveris, quod in capite seu fine cuniculi est quatuor orgyrum, sive quatuor & viginti pedum altitudinis, duodecim verò pedum latitudinis, fieri suadet Biringuccius. Cuniculi vena, sive viâ quâ ad pulveris cavum pervenitur, tortuosa & aliquot amfractibus sinuata esse debet, ne lapides & cæmentum, quibus obstruitur, flamma pulveris excutiat, atque ita se per cuniculū, non per verticem & molem superstantē, exoneret. Illac enim sine dubio se ejicit, quâ facillimè potest. Itaque viæ omnes aliæ cum curâ sepiendæ & firmandæ sunt, ut per incum bentem molem erumpere cogas. Funis autem igniarius sulphure illitus, à loco pulveris ad orificiū cuniculi inter cæmentum deducitur, per quem ignis serpat usque ad pulverem: pulvis verò sumitur tenuissimus, ut totus ferè simul flammam rapiat. Sic enim violentior est, & majorem stragem dabit. Sed rudem ejus speciem, si placet, Subjicio oculis:



A est concavitas capax pulveris, cui moles excutienda superstat: ubi ignis ad finem funiculi in **G** pervenerit, pulvis in flammam momento præne rarefactus, claustra sua ad exitum molitur & tentat igitur lapides & camentum obstructi cuniculi, à **G** in **B** angulo recto repelluntur, sed terra inter **B** & **E** interjecta impetum retundit. Itaque pars ejus in **C** declinat: ubi iterum hebetatus, & tertio in **D** tandem in **E** planè frangitur & expirat: unde flamma angustiarum & moræ impatiens, per **H** quando aliorum non potest, viam effringit. Sicuti autem spiritus terræ motor molem aliquando valido primùm conatu attollit, deinde fatiscens incolumè deponit: ita lapè in cuniculis usu venit. Exemplum iterum à **P. tro** Navarro petemus. Is cum Bononiam à Gallis defensam oppugnare, actò sub mœnibus cuniculo, magnam eorum partem, cum imposito etiam Sacello sic elevavit, ut plateæ urbis per hiarum obsidentibus conspicuæ essent: sed flammâ nil ultra valente, ingens illa moles aliquamdiu pendula, molli relapsu tandem in vestigia sua & apertum foramen ita recidit, ut nunquam emota videri posset: unde res divino miraculo tributa fuit. Similis planè effectus terræ motus anni 1116. in flumine Pado; hæc enim Chronicon Hirsang. in Notis Reverendi & Amplissimi Divi Johanni Chapeavilli Canonici & Vicarii Leodiensis;

Guicciard.
lib. 10.

diensis, ad caput 18. *Ægidii Aureæ Vallis. Horrendus,* inquit, *terra motus per totum panè Orbem terrarum factus est. quo civitates, castella, villa, cum hominibus absorptæ sunt, montes scisci, flumina deglutiente terrâ exsiccata. Padus, unus de quatuor Europa majoribus fluviis, è terrâ elevatus in modum fornicis, ut inter terram & aquam via pateret transeuntibus. unde extare extremus dies credebatur. Et de Mosâ etiam nostro, ad Chronicon Sigeberti Robertus narrat, eodem tempore juxta Abbatiam quæ Sustula dicitur, quasi penderet in aëre, fundum deseruisse.*

Verùm in concavitate pari, pulveris cunicularii vires longè majores, & plura moliuntur magisque ferociunt, quàm spiritus terræ motor unde ars hîc non tantùm Naturam imitata est, sed etiam superavit. Ratio est, quod spiritus cavitatem influens & replens, multis partibus sit rarior pulvere: ideòque licet motu, vel ab aliâ causâ, in igneam etiam raritatem intumescat, pauciores sunt partes ejus quæ talibus angustiis capi nequeunt, quam pulveris in flammam tantò se majorem dissoluti. Cape id paulò enucleatius.

Pulvis ejusdem ferè densitatis est cùm terrâ, spiritus terræ movens raritatis fortasse paris cum aëre. Terra, *Aristotelis* opinione, decuplo quàm aqua densior est, hæc decuplo quàm aër, aër decuplo quàm ignis. Hinc sequitur, terram sive pulverem pyrium millecuplâ densitate superare ignem & flammam: cùm tamen aër & spiritus motor decuplâ tantùm excedant. Igitur quando spiritus ignescet, in decuplo ampliorè tantùm locum se spargere tentabit; pulvis verò latius & ad millecuplum unde claustra sua magis indignabitur, tundetque fortius. Adde jam, proportionem illam pulveris ad flammam nimis magnam esse. *Snellius* enim affirmat se comperisse, granum unum pulveris reddere flammam centies vices quiniès millies se amplioreem.

Ceterùm tamen terræ motus, aut quia spiritus, profundior est, aut pluribus locis suppositus; latius, quàm cuniculi,

cali, terrorem spargit : estque (licet forte non erumpat) succussione illā nocentior, qua plurimorum ædificiorum compages laxat, aut impellit etiam in ruinam. Hoc autem in cuniculis est imprimis sævum. Homines qui cum superposita mole in altum volant, citius ferè quàm terream illam aut lapideam molem, quæ majorem cepit impetum, deferi, antèque relabi. sic enim fit, ut qui forte incolumes recidunt, à superveniente terrā vivi sepeliuntur. Itā nuper, dum mœnia civitatis Mosæ. Trajectinæ à Vigilantissimo Gubernatore, & armis inclyto illo Heroë, illustrissimo *D. Claudio de Lanoy, Domino de la Mottry*, in meliorem belli usum reformantur, effusus est aliquis Centurio an Tribunus, cataphractus, clypeo sinistræ inserto, cæterisque armis munitus, pedibus insistent, ac veluti in præliarem statum compositus, torquet denique aureo & fulgente insignis, qui annos 46. ab illo scilicet 1579 quando civitas ab Excellentiss. Principe Parmensi Alexandio Farnesio expugnata, sic cuniculo conditus & sepultus steterat.

Verum non in terra jam solum, sed in mari etiam (tam in sui perniciem ingeniosa est mortalitas) repertus quodammodò cuniculorum usus : nec ut hostem, sed se interimant, ne veniant in ejus potestatem, in quos proinde regeri potest, quod olim in Fannium Martialis :

Hostem cum fugeret, se Fannius ipse peremit,

Hoc peto : Non furor est, ne mori, mori ?

Hoc tamen mortis paulominus quàm Saguntinæ genus in Oceano nostro jam frequens. ubi ingentes navium moles, ardentium urbium imagine, se in nubes ejaculari (utinam quos vehunt in cælum ejiciant !) videbis.

Simili ferè artificio igniaræ naves ab obsessis Antuerpiensibus fabricatæ, quarum fulmine admirabilem illam Principis Parmensis supra Scaldim pontem disjicerent. Naves enim ingentibus & sepulchralibus lapidibus inædificabant, pulvere deinde implebant, & nullo gubernante demittebant secundo Scaldis æstu : ubi ad pontem defluxissent,

defluxissent, ignis per fomitem serpens pulverem incidebat: ibique tanto impetu naves, lapides, ceteraque missilia differebat; ut ingentem illam pontis machinationem tot trabibus, pontonibus, catenisque decumanis devinctam firmatamque unica navicula dissiparet, plurimosque in unâque ripâ mortales sterneret, contereretque. Innumeri enim novitatis ignari ad ripas confluerant, studio vivendi ridendique naves marino æstu, nullo alio rectore delabentes. Mirabilem etiam stragem à pulvere passa urbs Mechliniensis anno 1546. profecto D. Laurentii. fulmen enim altissimam quandam turrim, in quâ 700. circiter erant cadi tormentarii pulveris, percussit. ubi turris momento temporis radicitus abrepta, partem murorum oppidi, & totum parietem ipsum dilaceravit, plurimosque mortales exanimavit. fluvium ipsum, qui juxtâ fluebat, ebibit, piscesque tostos aut ustulatos per agros disperlit. *Porta dissiliens*, (ait Corn. Gemma, qui tunc adolescens in Ludo ibi litterario agebat) tanta fuit eruptio, ut stragem latissimam dedevit, disjectis aedificiis pluribus 300. oppressis hominibus supra 500.

Lib. 2,

Cosmocris.

c. 2.

Granatorum etiam artificium propius ad cuniculos, quàm tormenta nostra ænea, venit. dissiliunt enim instar ferè cuniculorum: Pilæ metalicæ sunt, palmaris diametri, inquit à Porta (nostræ jam tamen majores, & pedalis, aut amplius sunt:) quæ clavo ferreo transiguntur, ut ipse describit, alliganturque ferreâ filâ, quæ singula 300. taxillos ferreos insertos habent. ideoque Granata vocantur: qui scilicet, missilibus, quibus inferciuntur, malorum Granatorum similitudinem expriment. Hæ pilæ optimo pulvere tormentario replentur: quæ ubi per canaliculum immissum ignem acceperint, in mille dissiliunt partes, omniâque ventris missilia tam valido ictu jaculantur, ut intabulas & muros palmum subintrent, & ducentos sæpè simul saucient. Audivimus nuper narrantem urbis Bredæ incolam: vidisse se cum horrore, hac obsidione anni 1625. unicum Granatum à nostris

à nostris in urbem coniectum, talibus furiis agitatum, ut
ferè sit incredibile dictu. Tanto enim impetu supru
aiebat, ut integram domum funditus cum parietibus,
trabibus, tabulatis, tecto, diffregerit, comminuerit, diffra-
veritque.

Ante Ostendam denique ratio reperta, pulveris Gra-
natorum sic medicandi, ut eo afflati in vertiginem da-
rentur aut epilepsiam.

LIBERTI



LIBERTI FROMONDI
 METEOROLOGICORVM
 LIBER QUINTUS:
 De Meteoris aqueis.

CAP. I.

De Mari.



Uis vapor, aqueorum meteorum materia est, & è mari cæterisque aquarum confluibus hauritur, de his antè, Aristotelis exemplo, dicam. prius tamen de mari, ut parente minorum aquarum.

Aque verò generaliter, aut sub terrâ latent, aut in superficie ejus sunt. Illæ aut per occultas venas discurrunt, vel in abyſſo magnâ (ut S. Scriptura Genes. 7. & 49. vocat; Plato verò in Phædone Barathrum, Poëtæ Tartarum appellant) desident & stagnant. Similiter quæ in terræ superficie, in fluentes & stagnantes dividuntur. Fluentes sunt, quæ canali suo totæ & continenti agmine elabuntur. ut flumina, rivi. Stagnantes, quæ sic alveo se continent, ut non ita totæ effluant. Hæ vel fontes, vel putei, vel lacus, vel paludes, vel mare sunt. Fons à puteo, solâ profunditate & distantia à superficie terræ differt. aquâ enim puteana ex profundiori hauri debet. *Libro 4. de Linguâ*
cus, inquit M. Varro, est lacuna magna, ubi aqua contineri potest. Sed hæc definitio est continentis. Pro contento *Latine*
 verò,

verò, Est aqua magna stagnans, quæ cæterarum origo non est. Hoc addo, ad arcendum mare à definitione, aliud enim mare pro ingenti quodam lacu potest haberi: nisi locutionis insolentia prohiberet. *Palus*, eodem Varro ne auctore, est paululum aqua in altitudinem, & palam latius diffusa. Major ergo laci, quam paludis profunditas esse debet.

Mare finiri solet, communis aquarum congregatio, origo cæterarum, quæ definitio est integri & unici maris in toto Mundo. Nam mare Mediterraneum, v.g. quæ pars est illius totius integralis, non est cæterarum aquarum origo. Mare Galileæ, & Caspium, lacus potius, quam maria sunt, nisi hebræo more, qui maculam quamcumque aquam mare appellitant.

Sed nonne igitur, inquires, mare aliud Adriaticum est, aliud Tyrrhenum, &c. Ita, sed per synecdochen, quæ totum usurpatur pro parte. Sic Poëta etiam hiemem, frigidum annum vocat. Sophista hic super quidam flagitabat excludi pisces à definitione maris: urgebatq; non oportere excludi; quia continerentur desingio. Sed aliud est, contineri ut in loco; aliud, ut in eo quod ipsi per prædicationem tribui potest. Fretum est mare coëstibus littorum quibusdam cervicibus compressum. Tale Britannicum, Herculeum, Magellanicum.

ARTICULUS I.

Quæ origo, & quanta magnitudo maris.

Pythagorici mare Saturni lachrymas, alii terræ urinam, Anaxagoras & Empedocles sudorem, idèque salum, dixerunt. Nec longè id hodie spernit Io. Keplerus, qui terram, magnum quoddam animal ab ignibus subterraneis æstuans credit, & marino sudore diffuens. Sed nugæ istæ fabulares sunt.

Mare igitur, cum cæterâ omni aquâ & Mundo nascente, terræ undique circumfusum, creatum est, Tertio verò Mundi die, ad vitam & commoditatem animalium,

part

pars terræ erecta, suusque mari, quo se reciperet, cavatus
alveus, cavati fluminum canales, rupulis, collibus, monti-
bus plurifariam excitatis.

De magnitudine superficiei maris, nondum satis liquet.
Quidam, inquit, lib. 2. q. 1. Thimon, putant, ut in parvo
Mundo homine, facies solum & manus nudae sunt, cæ-
teris partibus abditis intra vestem: ita in magno Mun-
do, ampliorem longè latèque tractum aquis contegi, &
micantibus hinc inde sparsim terrarum insularum aut
continentium particulis. Sed falluntur, fallitur & Scali-
ger Exercit. 38. qui unicam tertiam telluris partem nu-
dam, reliquas duas docet obrutas aquis. Propius verita-
tem est, quod curiosè dimensus Piccolomeneus plus ali-
quanto terræ nudatum, quàm suppressum mari, lacubus,
fluminibus. Nimis tamen exerat Auctor ille Apocryp-
phus libri 4. Esdræ, cap. 6. Tertia die, inquit Creatoris,
imperasti aquis congregari in septima parte terræ: sex ve-
rò partes siccasti, & conservasti, ut ex his sint coram te
ministrantia seminata à Deo & culta: itaque verè simil-
limum est, quod affirmat Bodinus, tantam ferè maris,
quantam terræ esse superficiem. De Orbe nostro loquimur:
nam aquæne an terræ sub utroque Polo lateat, nondum
comperimus.

De profunditate maris, antiquorum Geometrarum
sententia fuit, teste Plutarcho, parè esse altitudini mon-
tium. Ideo fortasse, quia existimarunt montes à Deo ex-
aggeratos ex parte illà terræ, quam effodit excavando
maris alveo. Sed difficulter hoc esse potest: quia, ut Libro
primo ostendi, montes non pauci 4. millaria Italica har-
bent perpendiculi; cum tamen maxima Oceani profundi-
tas ad dimidium milliare non perveniat, ut mihi asserue-
runt; inquit Baptista Benedictus Epistolâ ad Horatium
Mutum, Hispani multi, & Lusitani præstantissimi nautæ,
tum Venetiæ, tum Parma in Aula Serenissima quandam
Principis inter quos Venetiis fuit Illustris Rodericus Guz-
manus, D. Franciscus Lopez, D. Garzias de Sevilla,
multique alij. In gurgitibus tamen quibusdam altitudo
ad totum milliare, & ultra decurrit. alibi etiam nullâ

bolide reperiri valet fundus. quod nuperâ navigatione Indicâ, circa plerâq; insulas maris Pacifici, experti sunt Hollandi. Imò lib. 1. O laus tantam circa plerâq; Norwegiæ montosa littora altitudinē Oceani esse scribit, ut funibus, quantis maxima navis impleri valet, non attingatur fundus. unde etiam certum non est, an profundissimi gurgites, altissimorum montium non adæquant perpendiculum. Montes tamen universi detrahi, & in mare abjecti, non replerent totum alveum, cum superficies alvei æqualis propemodum sit superficiei terræ montosæ simul & non montosæ:

Concludo igitur, terram longè videri majorem aquâ, quod ita potest ostendi: Pone, quidquid aquarum vides in superficie, habere profunditatem parem cum terrâ, & ad centrum usque decurrere: tunc solum aquâ mole utrumque Elementum erit, cum in superficiebus eorum statuamus paritatem. quoties ergo jam aqua minor est, quæ comparatione semidiametri terræ est tam brevis & vadosa? Nihilominus incomperta est vastitas & altitudo subterraneæ abyssi. Nam quidam putei metallici in Germania (ut in Bermanno Agricola docet) ad 500. orgyas (mensura est sex pedum) seci perveniunt; alii immensum alibi, in pari altitudine, aquarum Barathrum inveniunt. Deinde omnes lapides & metalla, imò etiam inferorum & Plutonis regnum, in terræ molem compingimus. Hoc tamen cavum igne & sulphure, non terrâ, est opletum: diametrumque ejus, unius Belgici miliaris, Eruditissimus Lessius lib. 13. de Moribus divinis cap. 24. statuit. longè tamen ampliorem Franciscus Ribera cap. 14. Apocal. ubi his verbis, *Et exivit sanguis de lacu* (iux Dei, id est inferno) *usque ad franos equorum, per stadia mille sexcenta*, putat significari longitudinem diametri concavitatis inferoræ circa centrum terræ: quæ sit 1600. stadiorum, id est 200. miliarium Italicorum, Sed nimis improba tamen est, inquit Lessius, hæc vastitas: nam diameter unius leucæ cubicè multiplicata, sphæram efficiet, quæ capiendis octingentis millibus millionum corporum damnatorum (dando cuique

sex

(sex pedes in quadro) abundissime sufficiat; *Cum tamen*, inquit, *certum videatur, factâ subductione, non futurum centies mille miliones damnandorum.* Sed tamen imaginemur, quidquid aquarum in terræ visceribus est, retrahi in mare, & obruere undique terram; ascendet fortasse aliquantò altius, quàm in diluvio illo generali, quando 15. cubitis superfudit se verticibus altissimorum montium. Infletur itaque ad 10. imò 100. imò 500. miliaria supra terram; complanentur deinde omnes montes, repleanturq; terrâ omnes alvei & cavitates subterraneæ abyssi, reddaturque terræ facies quam habuit ante tertiū Mundi diem; tota semidiameter globi aquei & terrei simul erit circiter 3500. mill. Italicorum. cum igitur aquæ profunditati 500. miliaria dederimus, in terrestri semidiametro 3000. remanebunt, unde terra erit adhuc quàm aqua duplo ferè major: habebitque se ad eam ut 12. ad 7. ut ex proportionem semidiametrorū & sphaerarum Benedictus ostendit. Si autem veram aquæ quantitatem, quæ in toto Universo esse putatur, æstimemus, credit quinque mille cuplo facilè à terrâ superari. Detrahenda terræ tamen cavitas infernalis; quæ modica est ad spectu ceteræ molis. lapides verò & metalla, terræ relinquenda sunt; ut ossa suo corpori.

ARTICULUS II.

An terræ & mari idem sit centrum.

Negare videtur D. Thomas 1. part. quæst. 69 art. 1. ad 2. Ambrosius Catharinus, Paullus Burgensis, Bodinus, & alii. Docent enim, mare altius esse terrâ, & efficere quemdam in dorso ejus veluti gibbum. Si quæras, cur gibbus iste seu tumor aquarū in subjecta litora non se effundat, obruatque terram: aiunt retineri divinâ manu. Hoc enim significari videtur Jerem. cap. 5. *Posui arenam terminum mari, praeceptum sempiternum, quod non præteribit: & commovebuntur, & non poterunt: & intumescunt fluctus ejus, & non transibunt illud.*

Et Proverb. cap. 8. *Legem ponebat aquis, ne transirent fines suos.* Iobi cap 38. *Et dixi (mari) Usque huc venies, & non procedes amplius, & hinc confringes tumentes fluctus tuos.*

Deinde, Rex Ægypti Ptolomæus, maris rubri alveum in Nilum deducere aggressus, deteritus est à Mathematicis inundationis metu, excelsiore tribus cubitis Rubro mari comperto, quàm terra Ægypti. Simili terrore Demetrius Rex, Julius, Caligula, Nero, Cæsares, Corinthiacum Isthmum destiterunt velle perfodere. Ad quam altitudinem Ægæi & Ionii maris alludere mihi videtur Poëta celsus :

State
Theb. 4.

— quaque objacet alto

Isthmos, & à terris maria inclinata repellit.

Nuper etiam Hispani cogitaverunt de incidendo Isthmo Americano inter Panamam & *Nombre de Dios*. Distantia enim illa 7. leucarum inter Oceanum nostrum & mare Pacificum, plus negotii, transportandis mercibus per circuitum 18. leucarum inter montes, facessit, quàm reliquum maritimum iter, quo 2300. leucarum navigatione, pervenitur in Peru. Sed Ptolomæi & Demetrii, ceterorumque exēplo, & periculo inundationis totius Americæ, consilium abjecerunt.

Tertio : Aqua effusa in pulverem, item nocturni rores in guttarum globulos se colligunt, quorum peculiare centrum est, & diversum à terræ centro. Igitur & mare tale centrum affectat: cùm eadem natura sit totius & partis.

Quartò : Numquam fontes per altissimorum etiam montium vertices emicarent, inquit Bodinus, nisi terra immersa esset aquæ altiori. quia locus unde fons exsilit, non potest excelsior esse primæ origine aquæ.

Quintò : Ideo montes ubique ferè littorum, mari objecti sunt, ut ipsum defenderent ; ne obrueret terram depressiorem.

Planè tamen verum est, terram eminere supra mare, & utrumque elementum corrotundari in unum & singularem globum. Ideo enim mari, excavatus est alveus ; ut
veluti

veluti in utre cavo, & depresso terrâ litorali, contineretur. Deinde, flumina palàm humiliora sunt ripis; igitur & mare litoribus. Tertiò, quò longius mare à terra recederet, eò profundius foret: quia ibi altissimum punctum aquei gibbi esset. quod tamen est compertæ vanitatis. Quartò, non par esset elevatio Poli sub eodem parallelo, in littore maris, & alto mari. Major enim cerneretur elevatio è vertice illo aquei tumoris in medio mari. Quintò, mare flumina intra suos alveos repelleret. Sextò, venti gibbum illum maris flatu effunderent & complanarent. Septimò, naves solventes è portu, contra clivum aquæ obluſtari oporteret, & magno molimine ascendere: in portum verò, nullo flatu aut æstu secundo, lapsu pronissimo defluerent. quod rident nautæ.

Denique demonstrat pulchrè utrumque elementum in eandem sphaeram & centrum conspirare. Archimedes, & Petrus Aliacus Cardinalis, & Dominus Cameracensis cap. i. Sphaeræ, quæst. 5. quia experimur guttas pluviae decidere in terram ad angulos rectos: ergo petunt directè & affectant terræ centrum. Item, aquam in loca decliviora & terræ cetro propinquiora naturaliter defluere cernimus: igitur cacumen tumoris illius marini, gravitate suâ etiam à se effundet, late aque supprimet, ut diffundant se in globosam & undique æquali intervallo à centro terræ distantem superficiem. Pulcherrimè itaque & verissimè Plinius ait: *Totæ innique ex parte aquæ vergere in centrum; ideòque non decidere, quoniam in interiora nitantur. Quod ita formasse artifex Natura credi debet: ut cum terra arida & sicca constare per se ac sine humore non posset, nec rursus stare aqua, nisi sustinente terrâ. mutuo implem jungerentur: hac sinus pandente, illa verò permeante totam, intrâ, extrâ, supra, venis ut vinculis discurrentibus, atque etiam in summis jugis erumpente.*

Lib. 2:
cap 65.

Jam ergo videndum, quid adversæ opinioni reponamus. Atque in primis Scriptura sacra planè est à nobis, quæ Psal. 23. ait, Deum formasse terram super aquas. &

Psal. 106. qui descendunt, inquit, in mare in navibus. Igitur altior est terra, è quâ in mare descēdimus. Scripturæ etiam initio productæ, pro nobis loquuntur, nam significant Deum excavasse mari alveum, & terram circūjecisse undique eminentiorē; ne si aqua altior foret, terræ se superfunderet. De illis qui ob altitudinem maris, non audent perfodere Isthmos, dic à Geometris fuisse deceptos: vel certè, cur cœpto desisterent, aliam habuisse rationem. Ægyptii enim metuerunt aquam Nili (aiunt quidam apud Plinium) infuso mari corrumpere. Hispanos verò deteruerunt maximi, durissimi, & omni ferro impenetrabiles illi montes, quos Deus fluctibus utriusque maris opposuit, ut Jos. Acosta narrat oculatus testis. Esse etiam potest, ut partes aliquæ Regionum mediterraneæ, reverà mari depressiores sint, & periclitentur admissio longius Neptuno. præsertim Ægyptus, Hollandia, Zelandia, quæ marino limo putantur primùm increvisse, & postea induisse. unde etiam manu, & aggero artificiali oportet ibi fluctus submovere. quia Deus olim ibi littus non constituerat; sed quod sub aquis erat, assurrexit paullatim cumulante limo, & mari depulso, in libertatem se vindicavit. Indicant id marinæ conchæ, quæ ex mediterraneis Ægypti effodiuntur.

Ad tertium, Fracastorius cap. 9. de Antipat. & alii passim, docent guttas colligi in globos, quia metuent inimicam siccitatem, seque rotundando, unicum quasi punctum ferendum ei obijciunt. Deinde partes sic plures melius & æqualiter ab aliis adjuvantur in agendo; cum extremæ omnes pariter recedant à centro. quæ enim in angulos excurrunt, minùs opem centralium sentire possunt. Sed tamen mirum est, cur venter guttæ utrimque pendulus, non effluat, eumque sua gravitas non exoneret. Respondebit fortè Poëta vetus & amœnissimus in *Pervigilio Veneris*:

Gutta præceps orbe parvo sustinet casus suos.

Ita est, quia orbis parvus, ideo casû sustinet. hoc est, gravitas ventriculi modicè protuberantis, non sat virium habet, ut partium mediarum unionem rumpat. hinc quò
guttula

guttula minor, eò rotundior est, & si plenitudinem ei addas, tandem eo usque inflabis, donec se disrumpat: aquæ enim majusculæ non ita se erigunt, ut globentur: tumidior namque ventris aqualiculus faciliè prolabitur, & viscera ipsis effundit. Itaque argumentum à gutta ad situlam aquæ, nihil concludit: quomodo igitur mare totum hinc corrotundare contendis?

Ad quartum Bodini, infra de origine fontium respondimas. Major quippe maris altitudo fôtes in juga montium non exprimit, aliàs omnium, unde fontes scaturiunt, montium cavitates oporteret aquis redundare.

Quintum solum ostendit, Deum scopulos, promontoria, montes objecisse fluctibus, qui ventis & tempestate propulsi affiliunt, & terram molliorem, etsi altiorrem, proluerent, aut deterrerent paullatim: aliqua tamen etiam maritima sunt sine littoralibus scopulis, ut totum Belgii latus à freto Britannico ad Daniam, & ultrâ; quod Oceanum æstuariis accipit, aut arcet aggeribus. Nec diffiteor, etiam valles multas, & loca quædam humiliora in Mediterraneis, superficiẽ centro terræ propinquirem habere, quàm mare. Ideo enim Hollandi quandoque Principi suo minantur, ultimâ desperatione, perfossis aggeribus Neptunum dominum accipere, & inscens navibus, cum aris & focus ad Garamantas & Indos, extra Solis cælique vias, enavigare. Nec planè fallitur antiquus ille Thomas Bricot lib. 2. Meteor. Re. itat Buridanus, inquit, se audivisse à pluribus Scholaribus de Zelandia, quod maxima pars patriæ eorum est multò bassior mari: & ideo oportet continuè artificialiter, laborare contra mare ad expensas patriæ, faciendo ripam obstantem mari. Hinc meritò Belgium Neder-landt, & Pays bas, appellatum. Paucae tamen regiones tales, & tam suppressæ. & ecce campi Venetorum, & Ferrarienses, & ora Apuliæ, montibus & aggeribus contra Adriam carent, ut testis mihi Scaliger, & tamen inundationum securi sunt.

Sed cur ergo, inquires, nautæ è mari littora se videre depressiora, imò facilius in portum relabi, quàm in altum

provehī, affirmant? Conimbricenses, & passim, respondent, littora è longinquo apparere nigriora, quàm undas maris virides aut albidas: nigra verò deprimi & recessisse videntur. Sed quid facimus Angliæ littoribus, cretatis & candicantibus, quæ Caleto, per 50. millia passuum, cernimus tam humilia, ut quis judicet linthea esse suspensa ad sepem? Addendum igitur, distantiam imprimis minuere excelsitatem montium littoralium. deinde tumor maris interjectus vel totos celat, vel eorum partem. Ob similem telluris curvaturam, nubes ventis infra horizontem propulsas, descendere existimamus, cùm tamen agantur in circulum. ex propinquo autem littus manifestâ & verâ specie superficie maris altius est; et si sæpè non ipsâ navi: ideoque dicimus descendere, aut exscendere (verbo T. Livio familiari) in littus è navi.

Verùm nōne igitur navis è portu vehens, scandere perpetuò, leni saltem clivo, per aquæ tumorem videtur? Ita nautæ & ratio Optica affirmant, & sic etiam apparet, licet maris superficies esset complanata. In templorum enim pavimentis, & amœnâ istâ viâ Heverlensi præpositum nostrum hoc Lovanium, ita à Magno Lipsio prædicatâ, extrema semper planities altior, & paulatim asurgere apparet molli clivo: quia remotiora altioribus radiis, & cœlo vicinioribus, cernuntur. Sic ergo majori ratione, summum & ultimum punctum aquei tumoris in mari, excelssimum judicamus: et eâ re fortè mare longè à littore recedens vocamus altum. Igitur (instabis) littus quoque elevatius, & per lineam altiore è longinquo, in oculos se ingeret. Dico futurum verum, nisi terra littoralis & mediterranea attriora sint mari. pars tamen littoris quæ è superficie maris emicat (causas jam antè dixi) necessariò demissiore, & magis suppressam habet speciem.

Navis verò in portu onustior apparet, gressumque difficiliorem molitur in altum: quia aqua circa portus minùs profunda est, inquit Problem. sect. 23. Aristoteles; ideoque onere oppressa magis cedit: major autem in alto profunditas

funditas pondus facilius sustinet levâtque, ut ventis, æstus remis expedire huc illuc agi possit. & ab hac profunditate verosimilius mare illud *alti*, ut & *profundi*, nomen accepit. Impetum ergo primum in aqua vadosa difficulter & morosè initio navis capit; concitato verò & per profundum collecto; celerius in portum refluit. Jam qualitates maris explicemus.

ARTICULUS III.

De Salsedine maris.

MARE à salsedine, salum; & ab amarore, mare appellatum putatur: saporem enim ex falso & amaro, ut Aristoteles Problem. sect. 23. notat, permixtum habet. Non omne porro mare perinde salum aut amarum est. Haustum Caspii dulcem esse, Alexander Magnus, teste Plinio, prodidit; & M. Varro talem perlatum Pompeio juxta rem gerenti Mithridatico bello, magnitudine ac multitudi- Lib. 6.
cap. 17. ne haud dubiè influentium annuum victo sale, Ab eadem causa Pontus Euxinus mitescit, còque animalia adquantur, stringiturque gelu: adeò ut anno 756. sub Imperio Copronymi, centum miliarium glacies plaustra tulerit, altitudine (quod pænè incredibile) triginta cubitorum aqua congelatâ ad ipsû alvei fundum. Gyllius etiam semel & iterum, dum Byzantii ageret, Bosphorum Thracium incrustatum vidit. Id autem dulcedinis signum est; cum salissimum illud mare, sit incongelabile. Oceani tamen ultimi Septentrionalis glaciem, æstate etiam Solstitiali, sex pedum crassitudine, nuper invenerunt Hollandi. Sed Zonarum frigentium Oceanus minus salis habet, crescitque senlim amaritudo, quò propius ad torridam accedis. deinde immensum illud & pertinax Polorum frigus, in aquam, cogi aliàs contumacè, valere potest.

Sed de causâ marinæ salsedinis magno dissensu rixantur Philosophi.

Empedocles mare salsum dixit, quia terræ sudor sit.

sed licet pro Poëtâ (rem enim Naturæ carmine Græco scripsit, ut Latino Lucretius) id fortè satis sit, inquit Aristoteles ; non pro Philosopho, qui meraphoras veritatem infulcantes devitare debet. reverâ enim mare sudor non est.

Itaque Aristoteles pensiculans animalium urinas & sudores, item aquam per cineres aut calcem colatam, spiritu multo fervente & adusto, humori crudo se permiscente, falsugine infici, argumentum ad mare traxit. Item humor operculis adhærescens, per quem sæpè fumus transit, salem resipere solet, inquit Meurerus.

Mare igitur salsum est, mente Aristotelis, duabus de causis. Et quia terrestres adustæque exhalationes in ipsum recidunt, sèque illi confundunt, & quia Sol summam ejus superficiem continuò populans, tenuissimum & dulcissimum in vapores, relicto crassiori & amarulento, extrahit. Unde Ægyptios olim tam Philosophos fuisse, scribit in Sympol. Plutarchus; ut nocte semper, antequam Sol exorians levissimum & optimum vaporaret, aquam è Nilo ad totius diei potum soliti essent haurire. Hinc autem duo sequuntur. Primò, mare autumnò, quando scilicet plurimæ exhalationes in mare recidunt (æstate enī fervidâ absumentur à Sole, hieme non educuntur) salissimum esse. Secundò, summum aquæ marinæ tergum amarius esse fundo. Primum Aristoteles, & ex eo Plinius, asserit : Lemnius tamen, doctus ille & experiens Zelandus, ab æstate maximè saliri mare dicit. Nec, credo Aristoteles negaret posse id evenire ; quando Sol exhalationes non satis dispergere valet, vel earum major adustio copiam autumnalium ampliorem compensat. quò enim halitus torridior, & magis ambustus est, eò salsedinem insigniorem facit. Nam ideo sub torrida mare salsius.

De secundo, ingentem video inter expertos etiam (ut videri volunt) rixam. Pro comperto veròque habetur, inquit Exercit. 91. Scaliger, in fundo maris aquas esse dulces, superficiem non dulcem : quia dulce est in levi, leve autem à Sole absimitur. asseritque deinde, urinatores vitreis

vitreis vasculis aquam è fundo extulisse. Sed vide, ut eludit Patricius. Scaliger, inquit, vir fuit sanè acutus; sed qui pro Aristotele contra manifestam veritatem etiam pejerare lubens sustinuerit: addat: que id eum ex Aristotele potius, quàm ullo experimento didicisse. Ipse verò contrariâ experientiâ, mare Creticum in fundo pari salugine cum superficie (demisso per summam malaciam vase, cujus operculum fune in aquis aperiretur) præsente Philippo Mocenico, invenisse, se tradit. Et profectò si maris fundus dulcis, cur aliquando siti emoriuntur in Oceano (ut Tantalus in mediis aquis dulcibus) nautæ? Jâ enim modum hauriendi didicimus à Patricio. Deinde, aqua salsa gravior est, sine dubio, dulci: igitur leges æquilibrii sequitur, defluitque, alterâ supercandente: sic enim Aristoteles Problem. sect. 25. aquam Ponti summam dulcem affirmat, salso fundo. Idem in Ascanio lacu videre licet, & Achilleo, fonte Miletensi, apud Athenæum lib. 2. Sal enim, test Bodino, propensior est quàm terra, pondusque ejus ad ipsam se habet, ut 106. ad 92. unde partē aquæ permixtam sale necesse est in fundum subsidere: atque hanc etiam causam reddit Aristoteles, cur mare juxta littora vadosum, minus salcedinis habeat: quia aqua salsa, tanquam gravior, in gurgites & profunditates à littoribus defluit.

Dum hæc ergo aliquid Aristotelis loca expendo, hic videtur ejus intimus sensus: Summum mare, quia insolutum & percoctum magis, esse salsius, quamdiu aqua illa in superficie manet; verùm gravitate propensiori, statim eam in fundum delabi; idcoque plurimum ibi futurum salis, nisi perpetua maris agitatio omnia sursum deorsum permisceret: sicque D. Thomam in 2. d. 14. q. 2. art. 1. interpretor, ubi desertè mari asserit dulcedinē in fundo. Et profectò confessa est satis potentia Solis in gignendo sale, infuso in salinas mari, aquaque in eum excoctâ duratque, ut in in Africa, Hispania, Gallia, factitari solet. Burdigalenses verò & Burgundi fontes salso igne ad sallem perducunt: & de vicinis nostris lib. 13. Annal. Tacitus, *Indulgentiâ numinum*, inquit, *illo in amne* (Hermunduros

duros *Cartosque interfluente) illisque silvis saltem prove-*
nire, non ut alias apud gentes eluvie maris arefcente un-
dâ, sed super ardentem arborum struem fusa, contrariis
inter se elementis, igne atque aquis concretum.

Sol igitur terga maris inurens, salire etiam ipsa potest. Sed quam materiam incoquit? non enim simplicem aquam coagulare in salem valet. Terrestrem exhalationem, putat Aristoteles: sed unde illa in mare venit? certè enim Solis radius ad fundum maris non penetrat, ut inde per mediam aquæ profunditatem in superficiem, eam extrahat. Itaque ex insularum terreno, locisque mediterraneis educi oportet, ac deinde frigore aëris redens atam defluere molliter, aut cum impetu & vento præcipitari in mare. Verùm sic non nisi post multorum annorum tempus potuit mare saliri, cum tamen plurimi piscium marinarum durare non valeant extra salinam.

Dico igitur primum: Tertio Mundi die, cum Deus aridam nudavit, mareque alveo suo infudit, addita ei falsedine ad piscium vitam, & contra aquæ, alias stagnantis, putredinem, factum autem id mixtura infinitarum pænè exhalationum, quas Deus è terræ, alumine, nitro, bitumine, subito elicuit, & in aquas sparsit. Probatum: quia veluti nudatio terræ animantibus terrestribus; ita illud salacitæ debebatur, & filiis ejus, marinis piscibus, quibus vita invita, aut nulla est, extra salem.

Dico secundo: Exhalationes quas Sol è terrestribus resolvit, sufficere non videntur ad conservandam diu, & in pari semper gradu, contra tot fluviorum diluentiam incursum, vaporumque repluentium infusionem, maris falsedinem. Probatum; quia magnam partem dulcium vaporum, qui eo extrahuntur, recipit, & plurimas exhalationes tam calefactione Solis, quam exoneratione aquarum & fundi sui salissimi in apertas & hiantes venas, quæ emulgent ipsum & educunt in subterraneam abyssum, amittit: exhalationes verò aliæ, quæ cum ventis aut aliter in ipsum relabuntur, non videntur esse copiosæ, cum terra majorem earum partem recipiat: deinde, quod caput est, ventosæ exhalationes non sunt tam adustæ, quam cineres,

cineres, quibus comparari solent, ut tam insigniter inficere aquas marinas valeant: cur enim aliàs tot perennes lacus, quos pro magnitudine sua & proportionem, tot quot in mare, venti & halitus incidunt, falsedinem non sentirent? cur Oceanus Septentrionalis medio anno quo nox ei perpetua incubat, perseverat in sapore, cum tot nives & flumina in ipsum liquecant, frigeantque tam longâ Solis absentia terrestres omnes exhalationes? Dices quia flumina incurrentia sale suo vincit, tanquam fortior, non vincitur. Belle enim Seneca lib. de Providentia cap. 2. *Quemadmodum tot amnes, tantum supernè dejectorum imbrum, tanta medicamentorum vis fontium, non mutant saporem maris, nec remittunt quidem: ita adversarium impetus rerum viri fortis non vertit animum. Manet in statu; & quidquid evenit, in suum colorem trahit.* Magnificè hæc quidem: sed falsum utrumque, & de Sapiente, & de mari. Nullus enim, ne ipse quidem Zeno, tam firmus & defixus, quem incurrentia mala non inclinent; & si non evertant, conturbant tamen statum: vultu meracissimum etiam vinum diluant tandem & castrant sæpius infusæ lymphæ: ita tam abundi & undique influentes in mare amnes, saporem ejus remittent, nisi largiter aliunde dispendium sarcitur. Licet etenim falsugo evincat dulcedinem; non tamen sine pugna, in qua vulnus etiam accipit, & detrimentum. Sic etiam calor in nobis naturalis alimentum domat & conficit; sed ita ut heberetur etiam ipse paulatim; & debilitetur in senectutem.

Quidam ergo cernentes, exhalationes supernè in mare relabentes non satis falsamenti habere, ad flumina recurrunt: dicuntque limum mari injectum, partem falsedinis facere. Sed frustra: si enim limus saliret, lutum etiam apud nos esset falsum: aliud foret, si fundum aut ripas falsas flumina abluerent: quod pleraque non faciunt: nam aliàs ipsa salem etiam respererent.

Hoc etiam meritò Aristotelem turbare potest: quòd exhalationes à terra elevatæ & vaporibus nubium confusæ, aut per eos in supremâ regionem se transcribantes, pluvias,

pluvias, nives, aut grandines nullâ salsedine inficiant. Rarissimū enim est, & in miraculis à Plinio positum, Ter accidisse in Bosphoro, ut imbres falsi desiderent, necarent. que frumenta: toties & Nili rigua pluvias amara fecisse, magnâ pestilentia Aegypti. Neque hilum proficit Scaliger: A nimbis, inquit, subsalsas aquas aliquando fuisse demissas, non solum auditione accepimus, sed etiam tum lectione, tum sensus captu compertum habemus. Id enim in solens; cum nunquam non tamen terreni halitus nubibus permisceantur: & id haud dubiè, non simplicis terræ, sed sulphuræ, aluminosæ, aut bituminosæ, exhalationis miscelâ factum: quod etiam Scaliger non diffitetur. Si igitur ordinariæ exhalationes, quæ in vapore nubium extinguuntur, & deinde in mare recidunt, imbres passim non tingunt ullo sapore; vix scio, quomodo tantum in marinas aquas valeant.

Dico ergo tertio: Aut sub maris fundo fontes vel montes salis sunt, ut lib. 2. Subtil credit. Cardanus; aut (quod magis censeo) ignes in sulphure, nitro, alumine, bitumine ibi ardentes (quos ex insulis flammivomis, & aliter lib. 1. c. 4. asseruimus) hunc saporem, ex falso & amarulento mixtum, concinnant; halitus enim per mare transpirant, qui in ipso extincti amarore perfundunt. Probitur: quia mare in salsedine sua retineri, ad finem Mundi, debuit: nulla verò alia causa certior & plenior potest assignari. Deinde, fontes, & lacus falsi, similem salsedinis causam habent, ut v.g. Mare mortuū, quod Scriptura sacra Numer. 38. Josue 12. & 15. vocat falsissimum, à bitumine ibi copiosissimo saporem illum contraxit; veluti etiam densitatem, similem & majorem marinā, quā pleraque injecta sustentat, & in superficie expuit. Galenus enim affirmat, aquam lacus Asphalti, seu Mortui maris, tanto ob inculcatam copiam bituminis, marinā vulgari spissiore esse, quanto hæc superat fluvialem. Et licet flos bituminis supernaret, non tamen gravior ejus & limola pars, ut docet experientissimus Agricola. nā alias aquæ Asphalti circa fundum densitatem tam concretam non haberent. Deinde, alumen & nitrum merguntur, non

non natant; hæc autem sub mari & in gurgitibus esse videntur, saporemque suum una cum bitumine aquis marinis vulgant. Nam nitrum adeo subsalsum est, ut Ægyptii, qui Nilum in nitrarias immissum sole in nitrū decoquunt, eo vice salis utantur. Aqua deinde marina pinguis & viscida est, mixturamque bituminis palam refert: uti etiam pleraque purgamenta maris, ut halcyonium & succinum, quod Agricola ostendit ex candido bitumine concrevisse.

In summa igitur statuamus, bitumen, nitrum, alumen mari subesse: & hinc etiam causam promamus tam variz colorationis aquarum: Oceanus enim Flandricus subviridis, Hispanicus cæruleus, & paulò ultra subrufus est: bitumen autem, omnis præne coloris reperitur.

Sed in quo præcisè subjecto ponimus salsedinem? In ipso halitu maximè, aquis confuso & humectato: sapor enim ex mixtura calidi, humidi, & sicci resultat, in harum qualitatuum subjecto. Jam verò aqua non tam illas qualitates habet, quàm ipsa exhalatio. Hinc lana è navi in mare dependens, exclusâ densiori & falsâ exhalatione, dulcem & sincerum succum bibit, ex quæ eâ ad potum exprimitur. Similiter per tennes vasis cerei meatus aqua potui idonea transudat, non secuto, per angustias nimis arctas & conniventes, sale: substantia tamen etiam aquæ, etsi remissiùs, simili sapore tingitur: recipit enim ab exhalatione, & à se partim, talem primarum qualitatuum temperiem, unde resultat illa amaritudo, temperies tamen citò evanescit absente exhalatione, & unâ sapor.

Verùm danda jam aliqua ratio, quæ non in expedito videtur, cur æstate & sub Torridâ mare salius, si falsura à fundo venit. Dic, Solem aliquid etiam calore suo huc afferre, tergòque maris bituminosos spiritus aliòsque incoquendo, salsedinem intendere: hoc enim, ut minimùm, vincunt, quæ antè produximus pro Aristotele. At enim continerurne etiam formaliter, ut loquimur, sal in marina? Ita putat Bodinus: quia Sole, vaporante levissimam
ejus

ejus partem, in salinis sal reliquum manet. Sed facile defendi potest, materiam solam salis in marina esse: & inde ipsum, tam cocturâ Solis, quàm suppositi fundo ignis, conformari. Materia ista, spiritus ardenti bitumine, nitro, alumine, & id genus, exhalantes sunt, & aquâ commixti. Cadavera etiam piscium infinita, aut eorum excrementa, aliquid (vel fallor) in salituram conferunt.

ARTICULUS IV.

Cetera aqua marinae qualitates, & effectus.

MAre pinguem à bitumine, aliisque succis, ac densam habet aquam: unde ardet quodammodo in igne, minusque extinguendis incendiis idonea est, inquit Aristoteles. Illustre nuper hujus rei exemplum legere memini in Dione; dum in famosa illa pugna navali Actiaca, milites Antoniani situlis parvis, & ut in trepidatione, semiplenis, ignem navium à Caesarianis injectum, marinâ restinguere conantur: magis enim flammabant, & pabulo hoc irritabant incendium. Docet idem Plinius, marinas aquas tardius gelari, celerius accendi. Cur verò tam contumaciter mare congelascit non est promptum dicere. Movit hanc quæstionem apud Agel. lib. 17. c. 8. Noct. Taurus Philosophus, sed non dissolvit. Fortè, quia bituminis, & alii calorifici spiritus è fundo per mare diffusi, hieme magis fervent; & in eo, ab antiperistasi frigoris superioris aëris, continentur. Aristoteles enim, Plinius, & experientia affirmat, mare hiberno tempore, quàm æstivo, magis effervesce. Vel certè, vim occultam glaciationi (ut acetum, quod maxime frigidum est, & tamen incongelabile) resistantem habet.

Densitatem marinæ probant onera navium, quæ majora & facilius à mari sustentantur, nec immerguntur tam altè. Hinc navis quæ sine periculo enavigavit mare, in flumine succumbit, aliquando & submergitur. De densitate maris Adriatici juxta Venetias, lib. 2. de Ortu subter-

Agricola.

Lib. 50.

Lib 2.
cap. 103.

Agricola. Cùm essem Venetiis, inquit fortè scapha in trirēmē impēgit, & Monachum excussit: mare, quāvis mistum, ut cetera salsa, hominem non recepit; sed eoque fluctuavit dum proximā scaphā exciperetur.

Scribit etiam Volaterranus, Hieronymum, Florentinū quendam doctorem, à creditore, colligatis manibus, ex Antiatum turri in mare præcipitatū; & totā nocte aquis sustentatum manē in litus evasisse: ac deinde contra creditorem facti habuisse quæstionem.

Si autem marina densior est fontanā ac fluminali, graviolem etiam esse necesse est: gravitas enim, densitatis est perpetua comes.

Sed mirum est quomodo corpus tot diversissimarum rerum miscela corruptum, tam claram & digestam servet perspicuitatem: ad maximam enim profunditatem sæpè sese in oculos effert fundus maris, decipitque ignaros narrantes, dum ob refractionem, superficiē valdè admotum credunt: sed se immergentes ut aliquid ex fundo rapiant, mirantur tantam altitudinem esse, cogunturque non raro reverti, quia animam tam diu continere, donec eum attingant, non possunt. Ob hanc densitatem & unā translucētem perspicuitatem, pulchrè Poëtæ mare, vitreum marmor appellant. Et Bodinus lib. 2. Theat. Cùm procul à litore, inquit, navigamus, navis videtur vitreum lapidem fulcare. Curtius etiam lib. 3. vitreas undas Mar-syæ repræsentans, *Color ejus, ait, placido mari similis*. Et hinc ecce novum argumentum mihi succurrit, ut credam, non ab exhalationibus terrestribus adustis, limosis & opacis, existere ejus salsedinem; sed à bituminosis & nitrosis, probè digestis, qualibus etiam glaciatur & coalescit succinum.

Mireris etiam, aquam marinam in vase servatam adeò citò putrescere, cum mare totum non sentiat putredinem. Argenterius in Artem Galeni cap. 89. id refert in continuam agitationem, quā se purgat ab excrementis; ut proinde aēr & spiritus inclusus facilè inveniat exitum: halitus etiam semper recentes & novi è fundo spirantes multum arcere valent putredinem.

Aërem

Aërem porro marinum, & deinde Belgicum totum, maximè insalubrem & noxium lib. 17. c. 96. de Variet. existimat Cardanus. Ubi enim te per Belgium peregrinatum dixit, & vidisse mœnibus ædibusque formosissimas Brugas: fluminibus, hortis, spatio viarum, ceteroque omni cultu speciosissimum Gandavum; famosum studiis, amœnūque hortis & rure nostrum Lovanium; patriam Vesalii sui, situ ædibusque jucundam Bruxellam; platearum amplitudine munditiæque ac ædificiorum elegantia hilarem Mechliniam; & super omnia, miraculum Orbis, in quo, quidquid opum, inquit, uterque mundus ultra citraque Aequinoctialem habet, Antuerpiam: tamen omnibus his in civitatibus, ait, tria cū sint tantum elementa, omnia desunt: propinquitas enim maris, & montium distantia facit, ut nullibi gentium aqua sit deterior: aër insalubris, ratione satis apertâ, cū dulcibus aquis salsa immisceantur: locus verò humilis & Occidentii expositus: cœlum quoque frigidum atque nubilosum: terra cœnum; neque enim aliter tot alendis hominibus sufficeret. Terra quò minùs nullum deesse possit elementum non facit: cū mare eā in parte supra illam tantum extollatur, ut nisi per aggeres, quin efflueret, obstaretur, jam tota sub undis periisset. Quò rerum devenimus miser Belgæ qui etiam extra elementa jam vivimus? Terra nostra, non terra, sed cœnū; aqua, non aqua, sed muria & salsamentum; aër, non aër, sed nebula & vapor; ignis, minime ignis, sed glacies & frigus merū, hoc enim, credo, elementum est, quòd palam deesse nobis affirmat. Verum nescio quid avorū nostrorum ævo hic videris Cardane; certè hoc solum nostrum tale jam est, in quo Germani, Poloni, Galli, Hispani, & Itali etiam tui salubritatem & delicias inveniunt. Terra à se & industriâ colorum tam ferax, ut gravissimas bellorū civilium impensas diutius toleraverit, quàm ulla Gallia, ulla possit Italia. Ridiculum est de aquis omnium nationum deterimas esse: non vidit, credo, tot fontibus irriguam Bruxellam; non Spadanos, & toto illo Ducatu Limburgensi, ubique ferè rupium colliūmq; emicantes, saluberrimi haustus

haustus, quò etiam ex Italia & omni ferè Europa affluunt, latices. Verum tamen est communem aquam durior, nec adeò Sole percoctam, ut in Italia: sed idèò nec crudam bibimus, sed ignibus remollitam in cerevisiam. De aëre etiam non valdè conquerimur: hieme asperior, quàm in Italia est, sed æstate longè tolerantior: circa littora Oceani solùm pronus (& id tantùm nobis mediterraneis, & in assuetis) in noxam: nam vapore multo crassescit, & etiam aspergine salis inficitur: nam, ut Lucretius:

Denique in os falsi venit hamor sæpè saporis,

Cum mare versamur propter.

De igne nostro; ad soles ætivos, silvas, cespites, & carbones Montenses, Leodienses, appello. Sed nāttamus Cardanum.

Inter effectus maris insignis est illa nausea, quā insolentes navigationis vomunt, & in ventriculum demissa remetiuntur. Id autem partim à marino halitu repente venit (unde etiam aqua tepida hausta, provocat vomitum) partim agitatione: & hinc omnes etiā nautæ, in magna & iustabunda tempestate stomachū non continent. Bodinus tamen tam durum se fuisse scribit, ut nihil unquam se moverit, etiamsi septies in Oceano, & mediis turdibus, ubi alii sanguinem etiam vomebant, navigaverit credo, cū in Angliam procatum, pro Principe suo; Hercule, Duce Alenconio, ad Reginam Elizabetham itabat, quando pro Bodino solebat eum Regina Magistrum Joannem Badinum appellare. Jactationem etiam ad vomitum conferre inde potest ostendi: quod debiliores ventriculi, agitatione etiam currus, non rarò se exonerent.

Ob halituum etiam marinorum calorem siccitatemque evenit, inquit Aristoteles, ut in mari navigantes edaciores fiant, tam enim vomitu, quàm propria illa sua qualitate, cibi appetentiam exacuunt.

Aqua marina contra moriūm rabidi canis, ait Lemnius, bibitur: item, ad purganda corpora, bilemque atram, aut sanguinem concretum, ab alterutra parte reddendū,

ut lib. 31. c. 6 docet Plinius: quidam etiam in quartanis dederunt. Ut autem sine injuria stomachi sumi possit, aservari, donec vetustate deponat virus, præcipiunt. Aliqui tepescantam clysteribus infundunt, torminaque & choleram sic sedant. Difficilius etiam refrigerant marinam calefacti. lendes & terra capitis animalia, pecorumque scabies, hac curantur, liventia ad colorem reducuntur, ferroque celerrimè rubigo exteritur. Et ne tam amplo & salutari remedio mediterranea destituerentur, inventa est ratio, ait Plin. lib. 31. cap. 6. quam sibi quisque aquam maris faceret. Sextarius enim salis cum quatuor aquæ sextariis, salissimi maris vim & naturam implet. Scio etiam, qui in periculo & accessione pestis, hujus marinæ artificialis haustu malum depulerint. Inter effectus etiam maris, halcyoneum, è spumis, aut lanugine quadam marinam concretum, item absinthium, quod aliqui seriphium vocant, aliaque infinita ejus excrementa, numerari debent.

Mari etiam passim tribuitur vis: quædam se purgandi, quam cadavera, & res naufragas in litus eructat: hinc Exodi 14. Israelitæ statim a submersione Ægyptiorum, cadavera eorum viderunt in littore maris Rubri. An autem in mari virtus expultrix sit, ut in magnete quodam qui ferrum non trahit, sed respuit, dubitari potest. Non videtur tamen: quia sine ullo discrimine omnia non nimis gravia, ut tabulas etiam navium, & merces demersas, expuit. Æstus igitur tantum, fluctusque, naufraga versando propulsiandoque, tandem ad litus appellit, ibique destituit: quia majori impetu unda in litus venit, quam redeat; ideoque sæpè revehere non valet quod deposuit: hinc etiam altissimo mari, longissimeque à litoribus, depressa revomi non facile quisquam videt. Eadem est causa, cur flumen aut mare exundans littora & vicina oblimet: quia, inquam, impetu limum eructat, quem refluxus imbecillior abluere, & reducere in alveum non potest. Ventus enim, aut vis alia externa valida & vincens renisum gravitatis, fluctum expergit, ac superfundit; qui deinde solo & spontaneo gravitatis relapsu, aut resultu

resuku à littore, qui ictu directo tardior semper & fractior esse solet, redit.

Mare denique herbas innatantes, exhalatione aquis temperata, alicubi alia, vagâ ac fluctuante, nec ulso fundo conceptâ radice. Aqualitatibus maris, pedem amplior ad ejus motus. Varii sunt, sed primò.

ARTICULUS V.

De motu æquationis maris.

Maris motus, alius spontaneus & à natura est, alius à vi externa impellente, aut trahente. A natura est motus deorsum, quo propriâ gravitate ad loca humiliora & viciniora centro defluit: alius est motus, qui secundum Aristotelem & omnes pene etiam recentiores (præter unum Valesium, c. 50. Philosophiæ sacræ) mare pronò alveo à Septentrione ad Meridiem delabitur: vocaturque hic motus, æquationis; quia eo fine fit, ut superficies aquæ undique cœquetur, & pari intervallo distet à centro gravitatis.

Motus ab externo movētes tres solent enumerari. Motus raptus ab Ortu in Occasum, libratio à littore uno in adversum litus, & æstus, sive reciprocatio illa quotidiana, congruens periodis Lunæ. Fluctuatio enim quæ hæc illac venis sine lege impellitur, insuper haberi & negligi solet.

De æquatione etiam, est lis & controversia. Valesius putat, mare non defluere in Austrum; sed ideo pronius in illam partem à Septentrione navigari, quia venti Boreales, frigidi & densi, facilius in æren fervidum & tenuem Zone torridæ inclinant, illacque effluunt, quàm Austri æra Septentrionis (pissum) & resistenter perirebrent. Hinc, ergo fiet, ut naves è Hispaniâ secundo maris defluxu in Hispanias delabi videantur, quia Boream frequentius à puppi aspirantem habent.

Sed non longè evadit Valesius reprehendi statim po-

est, & retrahi in mediam difficultatem. Nam non tantum secundo flatu, sed etiam aduerso, mare in Meridiem inclinatur, æstusque in illam partem faciliores sunt & concitatiores. Ratio est, quia fundus maris in Septentrione altior est, ut ego Aristotelem lib. 2. Meteor. c. 3. interpretor, quidquid Vico mercatus renitur. Strato enim apud Strabonem lib. 1. & alii testantur, plurimum arenæ in Mæotim & Pontum Euxinum à fluminibus invehiri: ideoque fundum vadosum, nec aquam capere quæ influit, sed deorsum in Propontidem & Ægæum refundere. Hinc Aristoteles Mediterraneum affirmat profundius Ægæo & Ponto, imò Oceano, qui extra Herculis columnas, quasi limus per fretum Herculeum ei inuectus fundum ejus elevet, gurgitesque omnes repleat. Verum tamen res non ita habet. Oceanus enim Atlanticus, & circa insulas Flandricas, altissimus, ac fundi plurisariam inexplorati est. Incertum etiam est, quod Strato contendit: Mæotim fluminibus tumentem effregisse Bosphorum Cimmerium, & miscuisse se Ponto: Pontum deinde, viâ vi etiâ factâ, per Bosphorum Thracium in Propontidem, ac tandem effractis Hellepontis angustiis, Ægæum irrupisse. Lapidei enim illi, & rupibus incisi canales, satis affirmant, se artifice Dei manu, & cum Mundo ipso factos esse: uti & de freto Herculeo verisimile: nec enim auscultandum Eratostheni, qui Trojano bello Hispaniam ab Africa divisam fuisse negat: cum antè Hercules illac ad Hesperidum, in Oceano Atlantico, insulas enavigaverit; & probabile sit, Menelaum longa illa octo annorum peregrinatione, eductum Mediterraneo in Oceanum classe, Africam circum navigasse.

Credunt autem quidam fundum maris Septentrionalem fluminum se invehentium limo & arenis attolli. Scribit enim Polybius ab hac causa in Mæoti suo tempore septem solas aquæ ulnas superfuisset. Sed causa dubia est; quia Petrus Gyllius, diligens littorum illorum inspector & scriptor, eandem hodie profunditatem perseverare ait: nisi affirmemus, arenas, quas flumina exonerant, in Euxinum & Propontidem defluere.

Si autem nolis fundum Septentrionis paulo elatiorem,

& clementi devexitate in Meridiem & Zonam torridam declinare, causa defluxus in Meridiem exit, multitudo fluminum, & nivium, ceterarumque aquarum, quæ uberior in Zonis frigidis proveniunt coactæ rigore cœli. Ad-
dunt aliqui, Solem sub torrida Oceanum sic depopulari, ut lacunam in eo faciat, aquis ab utroq; Polo defluen-
tibus supplendam, ut æqualiter centro mundi circumfun-
datur superficies maris.

Admirationem etiam meretur, quod in Enchirid. lib. 4. cap. 8. narrat Bartholinus Philosophus & Medicus Da-
nus, mare Balthicum, cui Oceanus inter Daniam & Norvegiâ se infundit, non solum à Septentrione in Au-
strum, sed vice versâ aliquando ab Austro in Septentrio-
nem defluere: unde nautæ nostræ, inquit, tempus unum
Nordenwasser, alterum *Sudenwasser* appellant. Id autem
fieri ideo existimat, quia nunc Oceanus à Septentrione
in Meridiem fluminibus Norvegiæ, Finmarchiæ, Islan-
diæ, Gronlandiæ, &c. maximis & rapidissimis incitatus,
Balthicum influit; nunc contra Balthicum infinitis à
Germaniâ, Livoniâ, Lithuanîâ, Osiliâ, Churlandia, Fin-
landia, &c. aquis auctum & intumescens, postquam ali-
quamdiu in æquilibrio, sustentato Oceani fluxu, dubium
pendit, tandè se superfundit, & totâ mole victor Oce-
anum in alveum suum retrò agit. Quò tempore etiam
neesse est, totum Oceanum Deucalionium, & Flandri-
cum (etsi in tanta vastitate id fortè non sentiatur) paulò
incitatus delabi in Meridiem. Aquæ enim Balthicæ Oce-
ano confusæ, molem exaggerant, quam succumbere o-
portet, & defluere à Septentrione.

Itaque hic vides, non tantum à Maxoride in Mediterra-
neum mare à Septentrione devolvi, sed etiam Oceanum
Deucalionium abire simili motu in Torridam: causam
que unam eandemq; præcipuam esse, incursum fluminum
à septentrione, alveique ab eo Mundi axe devexitatem;
hanc enim etiam inter causas retulit Bartholinus illarum
Regionum incolæ: riderque Telesium, qui odio Aristote-
lis affirmat, *Terram Borealem nusquam excelsam, nullis
distinctam montibus, uni versamque humillimam.*

ARTICULUS VI.

De Libratione, & raptu maris.

Librationem vocant motum, quo mare perpetuò à lit-
tore uno in oppositum alternis vacillat. Est ergo velut
oscillatio quædam, similis ferè illi, quæ lances æquo
pondere se attollunt deprimuntque. Causa ejus, incur-
rentia utrinque flumina sunt, venti, & repulsus ab
uno litore in alterum. Unde tantum in fretis & an-
gustis hæc libratio deprehenditur. Omnes etiam qui
in insulis & maritimis habitant, sentiunt, in summâ etiam
thalassâ, nulloq; vel tenuissimo flatu, mare tamè perpetuò
flecti diuq; assillere & flagellare littora. Causa nò videtur
in promptu. An fortasse, quia una parte maris mota cete-
ris omnes, etiam in longinquo, vibrari & sollicitari ne-
cesse est? Ita enim docet Philosophus Problem. scilicet. 23.
Non enim est aqua similis aëri, qui minime ferè im-
pulsu contrahi & densari potest: ipsa enim quia crassior
& densior, magis etiam contumax, unde pars una fluctu
impulsa, aliam deinde loco summoveat, & hæc iterum
consequentem, & ita catenatim: ut una parte baculi mo-
ta & cedente loco, alteram etiam exire est necesse. Itaq;
motus in distans, & ubi vestri aliquid turbatum ciat,
procul inde & in tranquillum referri ac pervenire potest,
nisi motus alius ei veniat obviam, qui hebetet aut repel-
lat in contrarium.

De motu raptus ab Ortù in Occasum, licet Card.
Contarchus, & plerique eum fortiter asserant, est tamen
quod dubitem, siquidem de Oceani motu sit quæstio.
Nam palam est, Mediterraneum ab Ortù versus Fretum
Herculei in Occasum ferri. Colligunt id naturæ celerio-
ri navigatione. Ocyus enim, secundo & æquè valente
flatu, Alexandria in Hispaniam reditur, quam ex Hispa-
nia eò navigetur. Causa est continuus, & instar fluminis
agminis, Mediodis, Euxini, Propontidis, in Egzum &
Mediterraneum defluxus, ut Gyllius testis oculatus
scribit:

scribit: moles igitur ista aquarum in littora Africae decumbit; & inde repulsa, quia directà sursum & adversus fluxum redire non valet, oblique versus Adriaticum, Siciliam, Sardiniam, Italiam, Gallias, & Hispanias se in Occasum retorquet. Unde etiam necesse fuit dari mari mediterraneo exitum in Oceanum per Herculei angustias, ne aquae à Septentrione affluentes, Africam, aut Europae littus submergerent. Pars tamen aquarum freto non evolvitur; sed à littoribus Hispaniae iterum ad Africam reflectitur: atque ita magna Mediterranei pars quasi circulatim ab Ortu per Septentrionem in Occasum, & deinde in Meridiem contorquetur: similemque in Adria circulum est cernere: ascendit enim per littora Illyrici & Dalmatiae Venetias usque, & deinde in Italiam recumbit, & secundum Apuliae littora refluit in Ortum.

Simili motu credunt plurimi, Oceanum Indicum raptari continuo ab Ortu ad Occasum: putantque raptu primi mobilis id fieri: deo etiam motum raptis appellari. Sed unde hic motus intelligitur? Quia, inquiunt, ex Hispania in Occidentem & Americam navigantes, intra singularem mensem cursum absolvunt; cum tribus aut quatuor, contra renisum aquarum, vix redire valeant. Sic Lusitani, superato Bonae Spei Promontorio, difficile & morose in Moluccas & Ortum eluctantur; cum tamen facili & praecipiti lapsu revertantur in Occidentem. Unde Exercit. 52. Scaliger, *Sub 98avo parallelo*, inquit, *Australiacet insula Madagascar, cum ingens, tum opulenta: ad quam 20. diebus circiter ex Moabar India perveniunt mercatores: atque ii, equali ventorum vi reditum comparare nequeunt celeriores, quam qui tribus mensibus perficiatur*. Igitur Oceanus ab Ortu in Occasum, in Zona torrida usque ad Tropicos, ubi raptus primi mobilis est concitior, circuire terram cum caelo videtur.

Verùm neque effectum admitto, neque si faciam placeat talis causa: coelum enim tantam aquarum mole per-movere non potest, licet totum aërem à Luna ad superfi-

ciem maris raptaret secum in orbem. mollis enim & fluxus aer aquarum superficiem molli & lubrico lapsu destringeret. non ei injiceret manus, & traheret in sequelam. Adde jam, raptum primi mobilis non pervenire (quod lib. 1. ostendimus) ad nubes & mediam aeris regionem. Itaque ad influentiam occultam coeli aut siderum Torridae impendentium, quae Oceanum proxime, non sollicitato aere intermedio, in orbem deducat, id est ad nugas, erit recurrendum. Tolerabile namque id esset, si aliqua certa coeli pars, aut stella ducem se illi motui praeberet veluti Luna manifestè æstus gubernat. Sed nihil simile apparet. Igitur vel totum coeli inter duos Tropicos spatium, influentiam istam possidet, vel ipsa in cerebro tantum imaginantium est, quod existimamus.

Sed nec etiam Oceani perpetuum ab Ortū in Occasum sub Torrida, aut alibi, fluxum damus: facilioris enim ab ortu quam Occasu, navigationis causa, non est, quam Columbus & primi illi Indiarum repertores confinxerunt, Oceani in Occidentem raptus; sed Subsolanorum ibi toto anno molles, & vix unquam interpolati flatus. Hoc enim à posterioribus nautis, curæ hujus & veritatis diligentioribus, didicimus: idem disertè affirmat Ios. Acosta lib. 3. Histor. Indic. colligoque manifestè ex Diario nautico Hollandorum, navigationi s in Javæ & Orientem anno 1595.

Hinc igitur classis Indica, cum ex Hispaniis in Americam navigat, rectissimo cursu ad Insulas Canarias sive Fortunatas, ut brevissimam lineam Tropicum Canceri & Torridam intret, contendit: quia statim in limine excipiunt eam ab Ortū adspirantes Subsolani, qui continuo & lenissimo flatu in Occasum & Americam exhibent. Unde ab eâ revastissimum illud Oceani inter Canarias & Insulam S. Dominici æquor, à placiditate *Golfo de las damas*, *Mare Domicellarum*, appellitant. Cum verò eadem classis repetit Hispaniam, viam init planè contrariam: nam quamdiu potest, in Occidentem versus Novam Hispaniam, ut tantisper saltem fruatur beneficio Subsolanorum, vela obliquat, exitq; demum Torridam

ridam & Tropicum Cancrī juxta Havanam. Ibi statim à 27. gradu elevationis Poli ad 37. regnant & afflant ab Occalu Favonii, qui vela in Hispaniam implent. circa verò quadragesimum elevationis gradum, omnes venti suis vicibus spirant, tantā inconstantia in mari, quā in terra, ut docet lib. 3. cap. 7. Histor. Indic. Iosephus Acosta.

Verū quæ causa esse potest, quæ Subsolanos in Oceano intra Torridam adeò pertinaces facit? Iosephus Acosta credit flatus istos non exhalationes ventosas, sed aër em infimo regionis raptu cœli circumvectarum. Probari potest; quia natura ventorum instabilis est, nec tam diu (saltem non circa totum annum) conturnax in eadem partem. Deinde Auctor idem narrat, in locis mediterraneis Torridæ variare flatus, nec eandē esse Subsolanorum constantiam, quæ est in mari. quod accidit, inquit, propter montes, quibus aër infimæ regionis circumactus occurrit. repellitur enim ab iis versus Ortum, aut hac illac dispergitur: quod in patenti Oceano non usu venit, ubi montes nulli.

Assentiri tamen nequeo, raptum cœli ad terram usque pervenire. Aër enim infimæ regionis, etiam extra Tropicos, etsi paullo fortasse segnius, sentiret hunc motum: nubesque (nullo saltem insigni vento flante) semper raptu illo agi cerneremus in Occasum. Deinde. cum eorum confessione, similes auræ tenuis & molliter adspirantis sint Subsolani Torridæ; causa investiganda erit, cur exhalationibus ventosis non aliquando retrò in Ortum agantur, cum tam facili obnifu vinci & repelli possint. In cujus inventione perinde erit laborandum, atque in reperienda alia causa, diversa à cœlesti motu, quæ Subsolanorum exhalationes tantā pertinaciā effundat ab Ortu.

Itaque Subsolani isti, legitimi venti, non aër infimæ regionis actus in orbem, sunt. Causa eorum obscura est, ejusque inventio à situ & qualitate earum Regionum pendet. veluti etiam causa Favoniorum, qui toto ferè etiam anno (etsi paullo frequentius, quam Subsolani Torridæ,

Torrida, interpellentur) à 17 elevationis Poli gradu, ad 37 perfiant. Ut tamen aliquid etiam dicam, antequam tu vel ego abeamus, ad scientiam locorum & causæ, tam longè extra Europam peregrinatum, venit in mentem rationis quam problem. sect. 26. reddit Aristoteles, cur Subsolani sub auroram, & manè solesni adspirare. Quia videlicet aërem infimum nocturno rore gravidum primis radiis rarefacere, & ante se extimulante versus Occasum consuevit. Deinde, terra etiā torida, & recenti Sole icta, vaporem & exhalationem mixtum in altum respirat; quæ in media regione statim refrigerens, in ventos versus Occidentem defluit, quia aër infimæ regionis ante Solē fugiens, in illam etiam partem, dubiam et pendulam exhalationem deducit.

Eandem causam solennibus illis Torridæ Subsolanis reddamus. In primis enim, quia noctes ibi pares toto anno aut supparet diebus, largissimo rore diffundunt, ut inter omnes Scriptores constat. nam sat longum tempus, quo refrigerant recidantque, habent; plurimamque eorum materiam è terrâ & marique Sol diurnus tã præsentipotenti que radio elicit. Igitur manè aër in Occidentem, Solis rarefactione fusus, teneros & rorantes Subsolanos, exhalatione et rore, terræ aut aëri circa terram & mare incubanti, natos, et ex alto refluentes, in Occasum secum deflectit, et abducit. Deinde, flatus in eandem partem toto die contiguantur, circumducunturque quodammodo à Sole ab Ortū ad Occasum; quia una exhalatio alteri præit, càmque ducat. Sol præterea aërem versus Occidentem rarefaciendo pergit, facitque maximâ dissolutione, quâ eum continuo laxat, ut faciliorem & magis præcipitem illac delapsam exhalatio reperiat. Huc etiam valdè iuvat, quod raro turbines (nisi in mediterraneis, aut circa Oceani littora) et magnæ tempestates Zonam torridam incurrant, quæ Subsolanos illos lenes in ortum refundant, aut ad Polos declinent. Ratio videtur, quod, et à Sole magna pars terrestris exhalationis nimis, ut in flatus recidere possit, attenuetur; et id quod reliquum est, circa insulas et terram, unde extractum, perflet,

perfleret, aut saltem non magnis sed lassatis viribus in altum mare perveniat. Hinc præcipua materia Subsolanorum Torridæ, ænulis & marina exhalatio est, mixta marino itidem vaporis; partim etiam ipse ær calore Solis sparsus & effusus abactusque ante eum in Occidentem. Hæ verò causæ omnes simul & universæ, extra illam Zonam locum (si perpendas) non reperient, uti nec in mediterraneis ipsius Torridæ, ubi & montes flatibus obstant, & turbidæ è terrestribus exhalationes ærem infestant.

Sed ecce hoc etiam retrahit abeuntem, dum cogito. Non diurni tantum, sed etiam nocturni sunt flatus isti Subsolanorum. Scribit enim Jos. Acoſta lib. 3. cap. 4. & 8. navem Limesem anno 1580. spatio duorum mensium, Februarii & Martii, quando Sol pænè imminebat vertici (ima namque urbs capitalis Peruvia 12. gradibus in Austrum declinat ab Æquatore) confecisse sub eodè semper parallelo leucas bis mille septingentas in Occidentem, eodem semper clementi & gelido, die nocteque Subsolano à pappi adspirante: nec ullâ in toto illo vastissimo maris Pacifici trajectory sensisse tempestatem aut procellam. Pari felicitate, & vento Alvarus Mandana ex Peru etiam ad Insulas Salomonis, sub uno parallelo, spatium mille circiter leucarum decucurrit. Quomodo ergo Subsolanis, quos Sol per diem ab ortu ad Occasum circumducit, etiam noctem perspirant? Nescio, aut hoc est: Quia nocturni flatus diurnorum viam sequuntur. versus Occidentem enim ær vesperti ob propinquitatem cadentis Solis rarior est, quàm retrò ad Orientem. igitur haustus in regione superiori refrigeratus, & ab ære occiduo laxiori & facile cedenti ad defluendum illac invitatur, & ab ære ortivo, frigidiorè, & à Sole longius remoto, seq; continuò addensante, eodem etiam exprimitur.

Sed contraho vela, & in nodum colligo quod jam diu sparsi. Nullum scilicet esse Oceani raptum ab Ortum in Occasum; & in ventis Subsolanis, non in ipsa aqua esse fluxum, & navigandi facilitatem à Sole ortivo in occidentem.

dum. Sed nonne tamen Scaliger antè mihi citatus disertè affirmat, *equali ventorum vi* reditum in Orientem esse difficiliorem & tardiorè? Facit. sed deponere quidlibet audeam, id non ab ulla nautarum experiètiâ, sed à se accepisse; quia necesse id videbat, ad concinnandum Oceano illum raptum. nam aliàs venti, nunc aduersi & reflante, snunc secundi & ferentes, efficere poterant (& res, ut jam antè vidimus, ita habet) illam diuersitatem.

ARTICULUS VII.

Historia marini æstus.

HOC unum ex abditissimis Naturæ arcanum est: & quod Aristotelem ita obstupescit, ut in tot de mari Problematis, & Meteororum libris, ne quidem ejus facere sustinuerit mentionem. Tædio enim difficultatis abstinuisse, Uicomercatus & Auctores passim credunt. Nam nescivisse (quod quidam autumant) an mare æstus ille reciprocus sollicitaret, cras, cum M. Varrone, fortasse credam, hodie nihil. Nimis curiosus & omniscius fuit, ut hoc propemodum unum, & quidem tam insignè, eum lateret. Non adeò procul mari Illyrico Athenæ fuerunt: & classè Alexandri Oceani Indici æstu periclitatam audivit, ex illis castris, unde ei pleraque scribebantur, quæ in historiam animalium consarcinavit. Deinde Plutarchus, eum in Solem retulisse æstum scribit. Primum autem historiam æstus; quàm verissimè poterit, ut inde nobis certior sit conjectura causæ, dabimus. Sed hunc tamen antè tibi scrupulum fortè eximo; Quomodo non compugnent, seque in eadem aquâ compatiuntur, tot differentes, & in diversa eam distrahentes motus. Dic, veluti in eodem Planetâ, raptus primi mobilis, & motus in Zodiaco, corripiantur inter se, nec se tamen jugulant; ita fieri in mari. Juvant ergo concitantq; se mutuò, cum fortè tendunt in eandem partem; retardant verò, cum obluantur in adversum. Sed ad æstuationis historiam.

Inprimis,

Inprimis, Mæotis, Pontus Euxinus, Propontis, Ægæum, Caspium, nullo, qui sentiri possit, æstu reciprocantur. Hæc olim confessa, hodierno experimento comprobantur. Mæotis enim in Pontum, manifesto, Caspium occulto, ut putant, meatu, Pontus in Propontidem, & Ægæum, more fluminum delabuntur, nunquam sursum refluxo mari. Mediterraneum tamen æstuat: didicique olim à Plinio, ubi ait, multos tranquillo mari nullo velorum impulsu, tertio die ex Italiâ Uticâ in Africâ pro-
 vehi, fervente æstu. Fretum etiam Siculum bis singulo *Exerc. 32.*
 quoquo die naturali, alternat æstum, ait lib. 1. Strabo, ad Oceani & Lunæ legem. In orâ tamen Italicâ, Gallicâ, Hispanicâ, inquit Scaliger, aliisque, vix nisi obscure intelligi potest, evidenti tamen ad littus Africæ cremento decrementoque. Suâ etiam curâ aliquid elevationis depressionisque in Massiliensi portu deprehensum ait Scaliger: & de Hispanicâ orâ, est quod aliquid amplius suspicer. Nam ex obsidione Carthaginis novæ in Hispaniâ, libro 6. dec. 3. apud Livium intelligo, Mediterraneum moenia urbis inaccessa facere affluente æstu, nudaque recedente, & id perquam opportunum fuisse oppugnantibus Scipioni. Adriaticum verò Venetias usque, satis manifestè, & ad duas orgyas etiam, ut quidam referunt, attollitur, suppressitque. Jam mari interiori in Oceanum exeamus. Hic quacumque latissimè in Ortum, Occasum, Boream, Austrum patet, rarissimâ exceptione, tumescit, detumescit, etsi non in eandem altitudinem ubique. In toto Septentrione nostro, Norvegiâ, Daniâ, Hollandiâ, Flandriâ, Angliâ, æstus est cum maximè insignis. ad-
 ut supra Britanniam octogenis cubitis intumescere, auctor sit Pythias Massiliensis, inquit Plinius. Unde hoc meritò & valdè mirû, mare Balthicum, cui se inter Nor-
 vegiam & Daniam infundit Oceanus, ne quidem tantil-
 lum æstu, ut scribit Bartholinus Danus se movere.

In littore etiam Africæ, à freto Herculeo ad Cancrî Tropicum, exiguus, ut referunt nautæ, est fluxus. ultra verò, juxta Nigrû fluvium, vulgò *Rio grande*, satis notabilis, & quantus in Lusitania: ad Insulam S. Thomæ,
 sub

*Lib. 2.
cap. 97.*

sub ipso *Æquatore*, qualis *Venetis*. In littore *Mexicano*, *Cuba*, & vicinarum insularum, vix se erigit; cum *Oceanus Pacificus* ad *Panamam*, ad duas etiam leucas excurrat. Circa *Terceras* aliquantus est, sed inferior *Hispanico*. In freto *Magellánico* sat altus: in quo etiã utriusque *Oceani* æstus sibi obviam veniunt, ut à nautis accepisse se narrat *Jos. Acosta*. Denique *Oceanus occidentalis* majori æstu se inflat, quam *orientalis*. adeò, ut regem illum fluviorum *Maragnon*, sive *Amazonum*, in *America*, cujus ostium latitudinem maris *Mediterranei* superat, ad 100. leucas supingat, & sursum reflectat. In *Indiis orientalibus* tamen ad *Patalam*, quæ nunc *Cambaia*, in ipsis faucibus *Indiamnis*, maximus est & insolens æstus, qui flumen ad 30. etiã leucas retrò agit, in modum rapidissimi torrentis, quæ res ignara olim *Alexandro*, subitam & magnam trepidationem classi ejus iniecit. describit *graphicè* lib. 9. *Curtius*. *Jam æstus*, inquit *totos circa flumen campos inundaverat, tumultis duntaxat eminentibus, velut insulis parvis: in quos plerique trepidi omisis navigiis enare cœperunt.*

Alibi etiam multis locis flumina retrocedunt versus fontes suos cum marino æstu: ut plurima in *Lusitaniâ*, *Scaldis*, in *belgio*, *Bæris* in *Hispania*, *Garumna* in *Aquitania*: *Tamisus* in *Anglia* etiam ad 50. milliaria repellitur.

Quantum verò ad tempus & legem, quam servant plerique omnes æstus, notat *Plinius*, aliique pænè à calvo ad calvum omnes, resq; in *Oceano nostro Flandrico* est pro compertissimâ: attollente se supra horizontem *Lunari* sidere, mare paullatim intumescere, donec pervenerit ad *Meridianum cœli* fastigium: tunc verò toto ad horizontem usque occidentum descensu residit: ubi statim iterum inflari incipit, nec cessat, nisi cum *Luna Meridianum* & punctum mediæ noctis attingerit. ibi secundo sorbetur & detumescit, quousque sidus ad *Ortū* se reduxerit. Itaque bis die uno naturali, & quod excurrit, affluunt maria, bis refluent. *Luna* epim intra 24. horas ad horizontem, unde exorta, se revocare non potest, cum

interca

interea temporis 13. circiter gradibus motu proprio in Ortum reciprocaverit, quia adjiciendi 24. istis horis. Sex igitur paullo amplius horas turgescunt, desiduntque totidem. Hæc regula communis, quam paucissimæ infringunt exceptiones. Tres tamen sunt. Primò, Scaliger Exercit. 32. attulerat, Garumnæ Oceano Aquitanico septem horis intemescere, cum quinque tantum derumescat.

Secundò, Oceanus juxta fluvium Nigrum in Guineâ Africa, medio inter Equatorem & Tropicum Cancrispatio, quatuor horis instar rapidi torrentis affluit, octo refluit, Aloysio Cadamusto fido mihi teste.

Tertiò famosus ille inter Aulidem & insulam Eubœam Euripus dicitur septies die naturali reciprocare. Livius tamen lib. 8. libet. 3. *Proterum Euripi*, inquit, *non septies die, sicut fama fert, temporibus suis reciprocatur: sed temerè in modum venti nunc huc nunc illuc verso mari, velut monte præcipiti devolutus torrens, rapitur.*

Sed contra audiamus etiam de eodem. Per Gyllium, in illis locis non ita pridem peregrinum. Equidem in Chalcidem cum venissem, ait, Livii sententiam probare non poteram cum nullo flante vento certis temporibus contemplerer modo ferri ab Ortusolis, modo ab Occasu, tanto impetu, ut ventos contrarios & plena navigia contra navigantia secum asportaret: molasque multas ab eo versari vidi aliquot horas ab Ortusolis ad Occasum Solis. Cum autem ipse à mœlitrinariis qui ex molarum motu accessum & recessum omnium maximè animadvertere habent necesse, percunctatus essem: quoties & quot horas nunc huc nunc illuc converterentur motæ, responderunt communiter, intra 24. horas cursum quater mutari solitum esse; sex horis ab una parte accedere totidem ab altera recedere. Cum autem adjungere inciperent, esse quoddam tempus, cum has certas vices non observaret. & ipse nimium attento vultu & animo excipiens illorum sermonem, & rei veritatem scire cupiens, quanam essent illa tempora, inquirere aggressus, deprehensus à quibusdam Corycæis, & repente correptus, ut explorator, atque amicus in custodia

dia retentus sum. Male sit illis Corycæis nebulonibus, egò jam scientiam istam devoraveram, quam è fascibus eripuerunt.

Molitorum tamen istorum in Euripo testimonio liquet, quater solùm die naturali, non septies, (nisi fortè quandoque, quod Gyllius ex ipsis, nimis avidè, & extento collo, audire cupiebat) redire motus: ideòque bis fluere, totiesque refluere, secundum Oceani leges. Aristotelem in Euripo periisse, Justinus Martyr. S. Gregor. Nazianzenus, Procopius affirmant; cùm Chalcidem, quæ Euripo alluitur, Athenis clàm profugisset, impietatis ab Eurymedonte Hierophantâ accercitus, ut inquit Laërtius. Ibi enim Euripi reciprocationem admirans, nec causam ejus satis capiens, insiliit post hæc verba, inquit. *Ἐπειδὴ Ἀριστοτέλης ὕχ' εἶλε τ' Εὐείπον, Εὐείπον ἔχεται τ' Αἰσοτέλῃν.* Quandoquidē Aristoteles nō cepit Euripum, Euripus capiat Aristotelem. Sed non credo Principem nostrum tam fuisse vesanum, uti nec Hermippo, qui scripsit, anno ætatis septuagesimo Chalcide bibisse aconitum. magis Apollodoro, qui anno tertio & sexagesimo, climactere, ac naturali morbo, &, ut alii, debilitate (à studiis & meditatione, ut opinor) stomachi defecisse: quo etiam tempore Demosthenes in Calabris discessit.

Aliquando etiam à causis naturalibus, aut divinis, accidunt insolentes æstus, ut inter prodigia anni 1550. sub Edovardo Angliæ Rege puero. refert lib. 2. de Schismate Anglicano Sanderus, ad xvi. Cal. Januarias, Tamesim juxta Londinum ter intra novem horas fluxisse ac refluxisse. Hoc etiam in risum accipe. *In mari Erythreo* ait Exer. 52, Scaliger, *tantus est æstus, ut osiores Sacrarū litterarum temerè mentiti sint, Moysen in sicco transmisisse, nactum refluxionis occasionem.* Quod tamen, inquit, fieri non potuit: propterea quòd ad Sues usque (est oppidum) quod intimo in recessu jacet, mare operit littus illud; neque unquā regrediens ita nudat, ut inferiores partes, quæ transierunt Hebræi, suâ decessione aperiat. Locus enim trajectus, milliaribus Italicis ferè 5. à summo littore distat,

stat, ut ex Adrichomio nostro colligi potest. Deinde Exodi 14 expressè afferitur, undam pro muro transcurrentibus fuisse à dextris & sinistris: ubi miraculum divinum, sine effugio, apparet.

ARTICULUS VIII.

Sententia aliquot belliores, de causâ efficiente marini æstus, rejecta.

QUod ubique clamare soleo, nos. nihil scire: maxime convenit huic disquisitioni, quæ tractat maris motum, clamat Exercit. 52. Jul. Scaliger, & reverà in abditissimo Democriti puteo hæc veritas, si quæ alia, latet. Quam tamèn Philosophi omni ævo variè conati extrahere. & belliores aliquot probabilioresque deducemus in pompam. Plato & Stoici, hodièque Io. Keplerus Mathematicus Cæsarius lib. 4. cap. 7. Harmonicæ, terram ingens animal esse credit, quod immanibus pulmonum foliis marinas aquas per intervalla visceribus inspiret respiretque. Additque præter alia, quibus terræ animam adstruit (& quæ in libris de Animâ, Deo dante, refellimus) Scaldin nostrum apud Antuerpiam, antequam, ait, frequentia illa mercatorum Urbem defereret, uno toto die æstum stitisse; quia scilicet animus eam deliquio & spiritus defecisset. Fortè etiam anno illo 1550. tussiverat, cum Oceanus Britannicus ad Tamesim, novem horarum spatio, ter reciprocavit. Et miraculum illud Scaldis, inquit Keplerus, non mediocriter Antuerpiam exterruit.

Verum, terram fabulosum tantum esse animal, ubi ostendemus. De deliquio Scaldis, olim in oculo illo Urbium, & compendio Orbis, Antuerpiæ habitavi, annis 1607. 1608. 1609. in Illustri, Religiosissimo juxta ac Eruditissimo S. Michaëlis, Canonorum Præmonstratensium Monasterio, Philosophiam professus; nec ego, aut alius, credo, fando aliquid similis monstri unquam accepit, Clarissimo etiam Medico Thomæ Fieno, mirabilem,

Y

omnium

omnium qui sub cœlo sunt, curiosissimo Antuerpiano civi, rem proposui; qui nil, præter risum, reposuit. Exundationes tamen Scaldis & Oceani atroces, Flandri, Zelandi, Hollandi, Brabantisæpè experti sumus: ut anno 1521. Sanctorum omnium festo; anno 1564. 1582. & novissime 1624. circa festum Epiphaniæ, liquatis subitâ & ingenti eluvione nubibus. *Nostrâ, & patrum memoriâ*, ait lib. 2. Theat. Bodinus, *Batavis Oceanus centum amplius millia jugerum dissipatis aggeribus eripuit. Nam 70. circiter pagos obruit, quorum adhuc aliqua turres emicant ex undis.* Et Lemnius lib. 2. cap. 41. de Occult. dicit suâ, id est, avorum nostrorum memoriâ, Oceanum minimo temporis intervallo quarum hibernis menses, in immensam altitudinem extumuisse, miserandâ Belgii clade. Vides ergo, ut animal illud Keplerianum, spiritum non sustinere, sed nimis liberaliter in nos effundere soleat.

Altera sententia cruditissimi cujusdam Mathematici, nuper hîc Lovanii, nunc verò Romæ, est, qui æstulare mare existimat, quia Angelus aliquis terræ motor (dubitat sub quo zenith) globum terræ attollit supra centrum aliquot cubitis, totidemque infra deprimit, certis & modulatis intervallis. cum terra in altum levatur, siccantur aliquousque vada; quia aqua in oppositum hemisphærium, tamquam ad loca jam depressiori, & centio gravitatis propinquiora, defluit: cum verò deprimitur, mare hîc tumet, quia ex altero hemisphærio ad nos affluit.

Verum hæc imaginatio aliquantò plus ingenii habet, quàm probabilitatis.

Primò, Quia nulla sic ratio solida reddi potest, cur non semper æstus sint æquales. cum tamen constet plenilunio & novilunio abundiores esse, sicciores in quadraturis.

Secundò, Cur cum Luna sex horis pleraque maria surgunt, totidemque resorbentur? An quia Angelus vocando & relaxando aquas cum Luna consentit? nugæ. Tertiò, Pone, si placet, Angelum istum aquarium Amstelrodami

stelrodami in mediâ Hollandiâ, cum terram elevabit, non tantum Oceanus Deucalionæus in Galliam & Lusitaniam defluet; sed Scaldis etiam totus Cameracum usque & ultra, item Mosæ relabetur versus suos fontes, aut saltem, si elevatio non sit tanta ut alveum in fontes pronum efficiat, cursum tamen frenabit, aut retardabit. Scio effugium esse in loco & horizonte, per cuius axem Angelus iste centrum terræ adducendo reducendoque librat. Statuamus igitur eum in Palæstinâ Ierosolymis (huc enim doctissimus ille ~~per~~ inclinatur) sed tunc ecce in Jordane, Nilo, Tigri, Euphrate, Meotide etiam & Euxino, æstus advertere incipit, & universum omnes aquæ etiam dulces, lacubus solum, qui alveo non egrediuntur, excipuis, reciprocationem & æstum persentiant. Alia congeri possunt, quæ jam longitudinis verens subterhabeo.

Tertia sententia etiam in Angelos causam æstus rejicit: qui tamen non terram librando, sed ipsum immediate aquæ elementum fundendo revocandoque, reciprocationem faciat. Sic nuper hic censebat Eruditissimus P. Leonardus Lessius, multosque hodie pronos video, quibus non vacat diu in hanc rem speculari, & cerebrum impendere. Probant tamen, quia Apoc. 16. Angelus quidam nominatur aquarum; ideo, vero simili conjecturâ, quia ei à Deo data provincia est æstu reciprocandi mare, cur enim non tam mari assignati spiritales motores, quam cœlis?

Sed argumentum nimis imbecille est, ut rem tantam sustinere possit. Legenti enim cogitare locum Apocalypsis, Angelus aquarum statim intelligitur ille, qui effudit phialam suam super flumina, & super fontes aquarum. Vnde à cura illa inficiendâ quas extremo illò tempore, non ab officio movendi & regendi, videtur non esse accepisse, quod etiâ inde adfirmatur; quia de Angelo singulari loquitur: cum tamen unus non sit, qui universa flumina, fontesque gubernet, Imò Angelus iste aquarius distinguitur ab alio Angelo maris (hic enim secundus est, ille tertius) qui effudit phialam suam in mare.

Huic ergo potius incumbet munus movendi maris. Sed iterum, cum unus sit, maris Angelus appellatur, non quia mare æstu ducit ex officio ac reducit (tot enim, & tam diffica Oceani membra unus Angelus reciprocare simul non potest.) sed quia cura penes ipsum erit, corrumpendi aquas maris. Non renuo tam è, Angelos quosdã fluminibus & mari esse præsidēs: verum ii non efficiunt naturales eorum per alveos motus; sed insolentes quasdam, ad stragem mortalium, inundationes, admirabiles, que alios præter ordinem Naturæ effectus, ut motum aquæ Probatice piscinæ &c. Lib. 4, circa causam ventorum efficientem diximus.

Juan. 5.

Si enim Angelis aurigantibus regitur æstus maris, cur aquæ etiam dulces non sollicitantur? cur Rhenus & Mosæ ad scaturigines suas perinde ac quidã alii, non refunduntur? certè enim manifestam hinc utilitatē prospicio: & magnis laboribus defungantur homines, ac miseri illi caballi, qui naves ex Hollandia Mosæ Trajectum & Leodium, adverso & oblectante flumine, pertrahunt. Cur deinde Angeli aquarii secundum Lunæ periodos urnas suas effundunt? Vt nautæ e cœlo signum æstus & navigationis haberent, respondebam olim. Sed cur potius non aspiciunt Solē, sidus omnium notissimum? sic enim utilitas signi ad plures spargeretur. Deniq; nemo non statim videt, asylum hoc ignorantie esse: quo sine ratione, ac cum injuriâ Dei & Naturæ confugiunt. Imò verò cum magna in Deum, inquires, pietate, qui Angelicam etiam huc usque manum demittit. Nego tamen quia dum effectus istos in tam confesse potentie causas rejiciunt, detrahunt admirationem: & non paulò profundius in sapientia divina Potentiaq; obstupescā, quæ causis etiam istis corporeis dare potuerit tam admirabilis effectus virtutem.

De motu cœlorum, diversa longè ratio est, ut Lib. 4 circa causam motricē ventorum est explicatum. nec ibi indicia alius causæ habemus; quæ hinc palam se ostentant, Et hinc etiam satis refelluntur, qui solū Deū sine ullo causæ secundæ cœtu, æstum creare existimant.

Quarta

Quarta opinio Philosophorum Saracenorum est, nec aspernatur Mirandulæ Princeps lib. adversus Astrol. 3. cap. 15. Putant mare unū in litus excurrere, ut alteri se naturali appetitu conjēgat. melius enim & tutius adversus contraria se protegent, si confluxerint, viresq; confunderint in unum. Verum, si tantus foret in aquis conjunctiois amor, & duo vicini lacus intumescerent, & medio quo interpolantur terræ spatio se superfundere conarentur. Et cetera quæ jam diximus, hanc opinionem sitis respuunt.

Quintus exeat Rogerius Bacon, qui in Epistola ad Clementem V. gloriatur, se causā marini æstus unicū & primum reperiorem. Luna, inquit, præcipuè & partim Sole rarefcit, & spiritu multo inflatur mare; quo exspirante & consueto denuo conflaccescit. Consumitur autem maris spiritus, cū Luna ad Meridianum venit, qui radio perpendiculari, & angulis rectis, qui fortissimi sunt, superficiem aquæ percutit. In ascensu verò, cū radius obliquè incideret, ad resolvendas & commovendas non obsumendas exhalationes, valebat.

Sed quantumcunque placeat sibi Bacon, mihi satis displicet, Cum enim Luna à fastigio cœli ad Occasum defluit, pari angulo & obliquatione marie despicit, atq; dū in primo cœli quadrante clivum inter Ortū & Meridianum ascendit, cur ergo etiā tunc spiritus inflantes non resolvit? Deinde, quis credat, meridianæ Lunæ radium, qui non altè infra aquæ superficiē penetrat (Solis quippe radius, tantò fortior, vix ad 15. cubitos pervenit) tot & tam celeriter spiritus absumere, cum extra pleniluniū vix ac ne vix calorem, aut vim aliam rarefacientem experiamur, quæ insigniter tactum afficiat: et denique, quo modo spiritus illos hīc dispellit, ubi oppositum cœli verintricem & antipodum Meridianum tenet?

Sextus igitur amplius non paullò ingenii habet, Thomas Lydiatus, Anglus, & Baconis conterraneus. Is nobis sub tundo maris, ut olla quadā ingenti, vastos bituminis ardentis ignes accendit, quorū exhalatione mare subinde ampullatur & tumescit. Ita enim facilis erit

causa, cur sola salsa exæstuent: quia nempe idem bituminis spiritus, qui salsedinem (ut nos quoque antè censuimus) etiam æstum facit. Dissolvetur deinde sic non difficulter Gordius & inexplicabilis ille nodus: quâ ratione Luna ex altero hemisphærio mare nostrum æstu attollit, quia scilicet altissimi quidâ in mari gurgites sunt pleni ardenti bitumine, qui terram totam (licet non per medium & diametrum) ad antipodes usque perforant; per quos unda de hemisphærio in hemisphæriū perpetuo commeat & rebullit. Nec fabulosos esse tales sine fundo gurgites, ex lib. 1 Rerum Septemter. Olai ostendi potest, ubi plurima loca Oceani Norvegici, circa cautes præsertim & scopulos, fundi, per infinitas propemodum funium spiras inexplorandi esse scribit & de quâdam ibi voragine; quam *Mostastrom* appellat, *Mare*, inquit, ibi intra cavernas accedente fluxu inflatur, & refluxu reflatur. quanto maximo impetu deferuntur torrentes vel rapidi fluctus. Navigatur hoc mare periculosissimum, eventum, quia iniquo tempore navigantes subito rapiuntur in voragines circulares. Verosimile igitur hanc, aliasque multas Charybdes terram in adversum hemisphærium pertendere.

Sed licet vultu admodum probabili hæc sententia statim occurrat, inspecta tamen non est similis suæ fronti.

Primò, Quia valdè efferverescere aquam oporteat, & æstū penè adurere, si ardente spiritu Ita rarefiat & turgescat; olla enim, nisi longè ultra teporē incalescat, non aliè inflatur & ebullit. nemo tamen insigniorē marinæ calorem æstu tumentes, quàm sicco, percipit. nec fluxus ille, idcirco æstus appellatur, quasi mare in eo reverà æstuet & ferveat; sed meraphoricè solū, & quia surgit & ebullit, ut olla suppositis ignibus, solet.

Secundò, Naves pleno & inflatissimo æstu altius, pari onere, deprimeretur; quia in aqua rariori æqualis gravitas magis succumbit: inde enim est, ut navis in mari, quod est aquæ densioris, non tam profundè, quàm in flumine descendat.

Terriò, Totum Oceanum, in orbem circumquaque perforatum

perforatum usque in adversam terræ partem, non in Septentrione tantum & raris quibusdam gurgitibus, esse oportet. Nam in quocunque paralleli sui puncto centrum Lunæ consistat, mare semper in opposito hemisphærio ebullit & æstuat. Neque foramen unum in mari Norvegico, v. g. sufficit ad implendum æstu totum Oceanum nostrum usque ad Hispanias, dum Luna ab Occasu ad punctum mediæ noctis scandit. si namque tota aqua ab inferiori hemisphærio per foramen illud mari nostro infundi debet, prius in Norvegiâ, quàm Hollandiâ, Flandriâ, Britannâ, intumescet æstus, paulatimque tumor, & sat longo post tempore ad littora nostra perveniet: quod tamen compertissimum vanitatis; quia Norvegicus, Hollandicus, Britannicus Oceanus sub eadem longitudine & Meridiano simul assurgit.

Denique, Periodica ista constantia æstus satis impressè asserit, se non in incendio aliquo incerto, & sibi læpè, quâ magnitudine quâ fervore, dissimili, causam habere. Ignem enim quicunque sub montibus aut mari, pro affluxu aut penuriâ materiæ ac pabuli, plenius aut malignius aluntur: apparebitque, sine dubio, similis inconstantia in æstu. Ut quid etiam surgente Lunâ reviviscere incipiunt illi ignes, & spiritum spargere quo, undas attollant, ac deinde consopiri statim, ubi sidus à Meridiano in Occasum descendit, idque certâ semper & immobili lege? Quia Luna, reponit Lydiatus, incendia calore suo exluscitat. Nam licet bitumen flagret in aquis, ab externa tamen causa accendi oportet, aut mole aquarum semisopitum recreari. Sed profectò magis id à Sole, quàm Lunâ, ἡλιὸς αἰτιῶν, Sole quodā imbecilli, ut vocat Theophrastes, fieri & deinde radii Lunæ aut Solis non trajiciuntur ad fundum usque maris: nedum est, ut calorem tantum importent, qui bitumen, etiam altissimorum gurgitum fundo parietibus illitum, flammæ.

Ex his denique non valdè æstimari potest lib. 2. q. 2. Meteor. Thimon, qui Solem aquarum rarefactione evocare æstus credit. Sol enim nec tantum valet, ac sub Torridâ magis abundaret æstus, nec cum Lunâ, sed Sole

maximè congrueret ejus periodus. quæ omnia experimentum longè respuit.

Andreas Cæsalpinus tandem, veteri Seluci Mathematici paradoxo agmen claudat. Maris æstus, terræ motus Pythagorici & Copernicani effectum sentit. Sed non potest, licet Solem stare, & terræ motum istum diurnum in orbem, & fabulosum, pro vero demus. Nam, vel mare æquo passu, ab Occasu in Ortum, cum terrâ, spatio 24. horarum, circulum circa terræ centrum absolvit (& ita ab hac causâ nullus æstus apparebit;) vel si assequi terræ motum non valeat (quia fortè lubricus & instabilis liquor parem cum terrâ impetum capere non potest) in occasum tantum refluat, perpetuûsque in illâ partem inclinabit. quia scilicet motus terræ circa centrum, ab occasu in ortum semper incedit. Deinde non solum mare, sed universa flumina & lacus, in occidentem retrò fluent; quia à motu terræ relinquentur, qui celerior in orientem eos prævertet.

ARTICULUS IX.

Luna princeps causa marini æstus. Sol tamen etiam in partem aliquam venit.

SI ex effectu, de causâ conjunctio valere potest, tam compertum videtur, æstus effici & gubernari à Lunari sidere quàm calor à ignibus effundi, aut lumen à Sole. Unde enim Solis illuminationem intelligimus? quia, haud dubie, quoties surgit, lumine omnia perfundi oculis cernimus. Ita quoque, cum Lunâ ascendente mare in fermento esse & intumescere sensim incipit; eaque lex constans est, & inviolabilis, ut omnium nautarum & curiosorum fide constet. Ideo etiam est, ut singulis diebus unâ ferè horâ seriùs affurgat æstus; quia Luna motu proprio reciprocatur in ortus, & una etiam ferè horâ tardius, quàm præcedenti die, ad horizontem venit. Nec valdè refert, quod rarissimis quibusdam exemplis, & fortasse vanis, quidam nitantur adversus hanc legem.

sufficit

sufficit enim ut pleraque maria, & totus noster Oceanus, eam sequantur; & exceptiones quæ in fretis quibusdam, & alibi evenire possunt, in locorum iniquitatem, & impedimenta cetera, rejicere debemus. Nec etiam, quamvis aliter, contra infinitos alios clamantem, Picum Mirandulæ Principem, lib. 3. cap. 15. adversus Astrol. audimus. *Non respondent, quæ respondere sit necesse: ut cum aucta lumine Luna, cum velocior cursu, cum propinquior terra, cum declinans ad Aquilonem à via Solis, cum in signis Aquilonaribus posita, tunc uberiores fiant maris accessus: contra, tenuiores, cum se aliter habet.* Hæc enim partim falsa sunt: aliorum, cur non ita accidant, rationem postea ostendemus. Verissimè etenim de Provid. cap. 1. Zeno Romanus: *Unda ad horam ac diem subeunt, ampliores minoresque, prout illas Lunare sidus elicit, ad cujus arbitrium Oceanus exundat.*

Alios sine numero & sine subterhabeo. D. Thomæ sententia est, 1. p. q. 105. a. 6. alibique: D. Ambrosii lib. 4. Hexaëmer. cap. 7. D. Basilii Hexaëmer. Homil. 6. quæ Diariis & Ephemeridibus omnibus nauticis satis affirmatur. Ut enim ex Thesaurο marino Lucæ Aurigarii Hollandi, Claudio Duræto, aliisq; & experiētiā ipsā liquet; præterquam quod singulis diebus, ut ante monui, ferè unâ horâ sive 48. minutis, æstus tardius, ob rectum proprium Lunæ in Zodiacο, inflare se incipit; ab interlunio etiam, sive Lunæ cum Sole conjunctione, paulatim minuitur ad primam quadraturam, sive semilunii tempus, septimo circiter ab interlunio, die; quādo siccissimus, aut nullus est fluxus: idēque nautæ mare mortuum, *Venetī acqua stanca*, tunc appellant. Ab hac quadratura ad plenilunium, sensim increbescunt rursus & implentur æstus, addē ut plenissimus incidat in decimum quartum, & ipsum diem oppositionis. Hinc iterum ad ultimam quadraturam quotidie perpetuò relanguescunt. Ubi iterum inanes, & pænè nulli sunt: quod circa 21. à conjunctione diem evenit. Unde natum proverbium Venetis:

*Da vent uno à venti due,
L'acqua non vâ ne su ne giu.*

A quo

A quo tēpore pedetentim denuò se promovent, usq; ad interlunium & conjunctionem. Ex qua lege & periodo discimus, interlunio & plenilunio altissimos fieri æstus: cum hoc tamen discrimine, quòd, omnium nautarum testimonio, plenâ Lunâ sint aliquantò pleniores, quàm siccâ & silente, id est, in conjunctione. Unde meritò plenilunio & interlunio, mare vivum, in utraque quadratura, mortuum vocare solent.

Qui hujus etiam rei diligentiores fuerunt, totum cœli ambitum ab Ortum ad Occasum in octo puncta dividerunt, quatuor scilicet fluxûs, & totidē refluxûs: quorū bina fortia, alia duo, debilia appellant. Quòd ut capias, totum cœlum, & parallelum quem Luna motu primi mobilis spatio 24. horarum & 48. circiter minorum circumcurrit, in quatuor quadrantes secare oportet. Primus arcus ab horizonte Ortivo ad Meridianum & cœli culmen tendi debet: alter à Meridiano ad horizontem Occidentem decurrit: tertius, hinc ad punctum mediæ noctis: quartus, inde ad Ortum redit. Singuli autem arcus continent 90. gradus: cùm sint 4. segmenta æqualia totius ambitûs cœli, qui gradus 360. habet. Cùm autem Luna per primum arcum ab horizonte ad Meridianum ascendit, intrumescit æstus, & initio quidem parum se movet, deinde medio inter horizontem & Meridianum spatio, ac in puncto quod 45. gradibus ab utroque circulo distat, vehementiùs; usque dum Luna ad meridiani culmen enisa fuerit, ubi stat fluxus. Hinc igitur punctum in quo parallelus Lunæ horizontem interfecat, vocant punctum debile fluxus; alteram verò, forte, quod 45. gradibus ab horizonte, & culmine nostri hemisphærii distat: quia scilicet cum Luna eò pervenit, robustior longè & incitator fit æstus. Luna deinde à Meridiano paulatim in Occasum, per secundum cœli quadrantem, delabente, detumescit, molliter in principio æstus (ideoque hoc meridiei punctum, vocant punctum debile refluxûs:) sed celeritate manifestâ torrentior fit, ubi Luna ad medium inter Meridianum & Horizontem punctum descenderit: quod eâ re appellant punctum forte refluxûs. Ubi autem Luna

Occasum

Occasum attingit, cessat refluxus; rursusque mare secundo aestu erigere se incipit, duratque incrementum, donec tertium cœli quadrantem, usque ad Antipodum Meridianum, sidus decurrerit: & inde ad ortum nostrum, toto scilicet ultimo quadrante, secundo supprimitur & tumorem ponit. Et puncta fortia ac debilia in nocturno illo paralleli arcu statuenda sunt similia diurnis.

Vnde puncta fluxus debilia sunt, ortus & occasus: fortia verò, punctum medium inter ortum & meridiem, & medium inter occasum & punctum mediæ noctis: id est puncta media duorum illorum cœli quadrantum, in quibus mare fluit. Puncta debilia refluxus sunt, punctum Meridiei, & mediæ noctis: fortia, punctum medium inter Occasum & Meridiem, & inter ortum & punctum mediæ noctis, id est, puncta media duorum quadrantum quos cum Luna pererrat, aestus detumescit, præter autem varietatem illam duplicem fluxus & refluxus, quotidianam scilicet, & mensuram, quam jam enarravimus, est & tertia, annua, quam Posidonius lib. 3. apud Strabonem à Gaditanis se accepisse dicit. Non enim circa totum annum sunt pares aestus. Verum quippe illud Taciti Annal. lib. 1. *Sidere equinoctii maxime Oceanum tumescere*: id est, cum Sol initio Autumni & Veris Æquinoctialem ambit: circa Tropicos verò mireseunt aestus, sive potius, circa æstivum solstitium: nam hieme tota, & quoties abundantiæ, aestus quoque tunc nobis abundiores. Quanquam Pinius lib. 2. c. 97. affirmatè dicat, *Æquinoctiis maxime tumentes, & autumnali amplius, quam verno: inanes vero brumâ, & magis solstitio*. de solstitio facile dederim; de brumâ, propior sum abnuenti. Lunâ Aquilonia etiam inquit, & à terris longius recedente, mitiores sunt aestus, quam cum in Austros digressa, propiore nisu vim suam exercet. Cui pronius non paulo credo quam. Gemmæ nostro, in Astrolabio suo, c. 91. docenti, Lunam in Apogæo, vel etiam in superiori Eccentrici portione, plus facere ad concitandos maris impetus, ob motus triplices minime differentes: scilicet Epicycli, Apogæi medi, atque orbium qui augem Eccentrici deferunt.

omnes

omnes enim moventur contra Signorum seriem : id est, ab ortu in occasum. Addit tamen deinde, *cum vultu propiore terras perlustrat*, in infima videlicet parte Eccentrici & Epicycli, *ad exaugendam aquarum molem*, potentio- rem esse, licet in movendis fluxibus non nihil juris amittat. Sed reverà, si propior, & ad mota terris, in aquarum incrementa valet, etiam in fluxum & æstus validior tunc erit: cum præsertim aquarum molem magis inflando, quàm novâ partium aliquarum generatione, augere videatur.

Ex quibus refellitur, quod initio objecit nobis Princeps Mirandulanus. Nam Luna propinquior terris (nisi quid aliud vim ejus eludat) æstus abundiores facit: quod disertè paulò ante confitebatur Plinius: licet tamen fortasse incrementum non tam evidenti discerniculo in oculos incurrat. Transgressa etiam eclipticam, ad partes Zodiaci Aquilonares, etsi radio directiore maria nostra feriat, non intendit tamen insigniter æstus; quia tunc circa Eccentrici Apogæum longiùs refugit à terris: limes enim ejus Boreus elevatior est Austrino. Deinde, vis illa magnetica, quàm Luna in mare jaculatur, non est fortè instar luminis, quod retunditur & reflectitur à corpore opaco, & reflectione ad angulos rectiores se magis multiplicat; (quemodo Sol in Signis Borealibus, cum à vertice nostro propiùs abest, affluentius nos illuminat & calefacit:) ed opaca juxta ac transparentia, rara, densa, sine discrimine penetrabilis & irretorta permeat: ut latius statim diducemus. Quod etiam in semiluniis magis, quàm noviluniis, languent æstus, cum tamen illo tempore Luna austior sit lumine in facie imminente terris; non ideo ostenditur ab ea non moveri æstus, sed Solem in conjunctione influentiam ejus adjuvare: quod etiam pro comperto habemus: quandoquidem pro vario Solis aspectu intendat aut relaxet vehementiam fluxûs: item interlunio, cum in eodem cœtu est utrumque sidus, tumidissimus (si plenilunium tamen excipias, quando paulò adhuc altius turget) est æstus. Sed omnia hæc explicatiora fient sequentibus.

ARTICULUS X.

Quâ virtute Luna æstus moveat.

Lumine, inquiunt aliqui; omnem, præter lumen, influentiam astrorum occultam respuentes. Sed defendi id vix potest: quia interlunio, cum Luna in parte obversa terris, sicca est & illunis, grandes tamen æstus attollit.

Dico tamen primò: Lumen æstus stimulat, & in majus extollit. Patet, quia plenilunio abundantissimi sunt, quando facies sideris terræ impendens lumine turget; item interlunio, cum lux solaris, Lunæ adest, & summam saltem aquæ cutem diducit, inflat, & ad æstum præparat. Nihil etiam compertius est, quam medullas animalium & omnium plantarum, plenitudine Lunæ turgescere. Unde etiam qui capite inoperto ad Lunam ambulant, humores cerebri commoveri sentiunt, & meninges cum dolore intendi. Sed esse tamen in lumine principem vim motricem, & ex æstu tempore interlunii jam probavi, & ex Oceano Torridæ ostendi potest, qui & à Sole & à Luna maximè Luminatur & calefcit, & tamen infra Deucalionem & Hollandicum nostrum æstuat. Deinde, Sole, Lunâ, & omnibus sideribus nubilo conditis, pares, atque sereno, fiunt æstus: igitur non siderum lumine, quod tunc tenuiter & malignè per nubium obstacula in mare se transfundit.

Dico secundò: Vis ista Lunæ, per rarefactionem, mare non attollit. Ita videtur, contra Laurentianos Colonienfes Albertistas, in Commentariis anno 1491 editis, Valesium lib. Sacræ Philos. c. 52. Baconem, Contrarium, & sine fine alios. Prob. tamen, quia, in primis, estu fervente navis altius in aquâ rarefactum deprimerentur, submergerenturq; plurimæ; ubi præsertim ad duas tresve orgyas estus intumescit. Sic enim anno 1531. in magno illo Lusitanæ terræ motu, mare ibi multo & fervente spiritu tumidum & rarefcens, multarum navium oneri succubuit, haussitq; in profundum. Nam ut onus in aqua nater, oportet

oportet levius esse aquâ parâ cum eo dimensionis, ut de humido vehentibus docet Archimedes. Aqua verò antiè densior & gravior pondere navis, rarefactione discerpta & explicata, levior efficitur; & id eò magis, quò raritas est amplior & dissolutior: amplam autem satis esse oportet, ubi ad duas orgyas, id est, duodecim pedes, aut altius æstu pleno mare ascendit. Secundò, raritas, vel motu locali violento corpus densum dissipante, vel caloricâ alteratione (nec enim aliam causâ experimur hîc) efficitur. Priori modo Lunâ mare non rarefacit, igitur posteriori: sed hic etiam refellitur: quia Sole, magis calórico, quàm Lunâ, regerentur & tumerent æstus. Deinde, ratio nulla solida esset, cur aqua marina salinis infusa, vel vase hausta, & radiis Lunaribus exposita, non æstuar: calefieri enim, aut intepescere faciliùs longè, quàm totum mare, potest. Aistate etiam, quàm hieme, aliùs ebullirent æstus.

Dico tertio: Nec etiam mare subiectum, tumore quodam, vi magneticâ, Luna suspendit. Sentire tamen id lib. 2. c. 97. cum Lunare sidus vocat, *ancillans trahensque avido hanstu maria*, videtur Plinius: consentiuntque, præter alios innumeros, Ludov. Coronellus lib. 7. Physic. Lemnius lib. 2. c. 41. de Occult. Tartareus lib. 2. Meteor. Scaliger Exercit. 52. & in 2. d. 14. q. 3. ex Albumazare optimè explicat Scorius. Hæc olim opinio mihi etiam displicita non est, nunc non valdè placet. Sunt enim quædam quæ me avertunt.

Primò, si altissimè sub Lunæ centro mare tumet, & in cumulum istum aquarum undique, ab ortu, occasu, aquilone, austro contrahuntur undæ, ergo oceanus noster omni æstu versus Zonam torridam, & mare Lunæ directè subiectum, confluet, quia illuc à sidere illo ancillante seu trahente advocatur: nec unquam littora Septem subiecta trioni implebit.

Secundò: In torrida & locis vicinis quos supermeat Lunare sidus, inflatissimi erunt æstus; cum ibi sit vertex montis illius aquei, qui pari cum Luna passu orbem circumambulat. Secus tamen est: & Flandricus noster

noſter Oceanus non paulò tumidiùs, quàm America-
nus, æxeſtat.

Tertiò, Vix nautas in Oceano navigantes fallere
poterit hic aquarum tam altus tumor & gibbus.

Quarto, Cardinalis Contarenus, univerſos ejuſdem
maris portus, ad quos ſimul Luna ſpectare poteſt, uno
tempore compleri affirmat: & Iosephus Acosta à ſido
nautæ accepiſſe dicit, maris Pacifici & Oceani orientalis
æſtus ſibi in freto Magellanico occurrere: quod manife-
ſtè vincit utrumque pelagus eodem momento intume-
ſcere. Nam ſi Luna exoriens Oceanum v. g. Molucca-
rùm, aut Madagaſcar, in tumorem aqueum contraheret,
undas ex freto Magellanico & mari Pacifico verſus or-
tum alliceret, & utriuſque maris æſtus in eandẽ Mundi
partem, id eſt, in orientem, inclinaret, nec unus alteri
obviàm procederet.

Quid ergo nos amplectimur, poſtquam alios omnes
rejecimus? Decevi pænè nihil, & complicare manus.
Arcanum enim naturæ magnum eſt marinus æſtus: de
quò faciliùs quam cauſam reſpuat, non quam admittat,
videre poſſis.

Diu tamen fluctuatus, in hanc imaginationem ferè
delabor.

Primò, Vim illam Lunæ, citra inſignem rarefactio-
nẽ, ſpiritus in fundo maris demerſos evocare in ſuperfici-
em. hi enim ſũ qui aquã inflant, & hæc illac diffugientes
diſcerpunt. Prob. quia hac via incommoda rarefactionis
evitantur, nec diſſiciliter intelligitur, quomodo duo ejus-
dem maris portus, quorũ unus ad ortum, alter ad occa-
ſum, uno eodemque fluxu compleantur. Deinde, Conta-
renus Adriatici æſtum è fundo bullantem dicere ſe de-
prehendiſſe: quia mediũ mare jam intumeſcere incipit,
ſiccò adhuc Venerorum portu; & inde tumor in littora
& portus decumbit. Signum igitur eſt, non rotam a-
quam una inflari; ſed illam primũ, quæ ſpiritibus
fundum gravitate ſuã & madore, quò onerantur, obſi-
dentibus, ſupereſt & incumbit. Nam ſi univerſa alveia-
qua ſimul turgeſceret, illa quæ littora allambit. non ſe-
riùs

rius quàmquæ medium alvei tenet, insurgeret. Sic etiam utcumque fluctum illū tranquillo, qui me semper iactavit: cur aqua è mari hausta vim etiam Lunæ non perinde sentiret, atque refusa in alveum: quia (jam inquam) spiritu illo multo ac conferto qui è fundo sursum ebullit, non sustentatur, & tollitur in altum, cum in vase eam tenemus.

Hinc confectaneum est, non aquam maris præcipuè, sed spiritum illum (ita voco, quia substantia quædam natura sua fortasse aridior est, etsi humore nequaquam levior, & aquam quodammodo animat) à Luna tolli citari, & in aërem attrahi, aut expelli. Et inde rationem sumo cur flumina & insulsi lacus, aut maria quædam non æstuent: quia scilicet spiritu isto motore copioso destituuntur: aut certe fluminū & aquæ dulcis affluentia virtus aut qualitas illa hebetatur vel extinguitur, quâ se in obsequium Lunæ spiritus movet, aut ab ea movetur, Et hinc multitudine fluminū diluta maria, ut Caspium, Euxinum, Balthicum, sunt sine fluxu.

Quòd deinde Oceanus Aquitanicus septem horarum æstu Garumnæ influit, recipitque se quinque solis horis in alveum, causa penes copiam spirituum, aut tarditatem qua se difficulter & serò aquis expediunt & in aëris libertatem veniunt. haberi debet: aquarum etiam inter scopulos huc illuc, ex illusione, reciprocatio, devexitas, & inæqualitas fundi, denique venti quibusdam locis solennes & fere perpetui, ac flumina incurrentia. hanc & similem aliam, ut in Euripo, Guineâ Africanâ, irregularitatem facere, aut adjuvare possunt. De ventis, Flandri nostri suo sæpè malo experiuntur, quantum Circii & Cauri incitent Oceani fluxum, & in continentem urgeant ac propellant:

Sed cuius substantiæ sunt, inquiet qui omnia volet scire, spiritus illi motores maris? Aliquis putet è bitumine esse: quia marinum bitumen, nuper decernebamus præcipuam causam salædinis, maria autè nulla, nisi insigniter salsi, æstuant: & huc etiam me nonnihil impellit, quod legere his diebus memini apud Andream Libavium,

Libavium, magnetem allicere ad se ferrum spiritu quodam bituminoso, cujus aliqua vena tam magneti quam ferro contemperata est, Videtur ergo spiritus bituminis appetitum aliquem & pronitatem habere ad sequendū vim illam ancillantem & tractoriam. Hoc tamen me retinet quod Asphaltites sive mare mortuum bitumine stans & plenissimum, æstū tamen non sentit. Oportet ergo aliter temperatum esse bitumen, ut ad Lunam se moveat: nam aliàs sincerū omne bitumen æstuarēt. Nec, si quæ in magnete & ferro bitumineæ venæ sūt, reverà retinēt adhuc substantiam & formam substantialem bituminis: sed materiam tantum & aliquas ejus qualitates, quibus superinducta est forma ferri aut magnetis. Hoc etiam fortasse aliquid nos adjuvabit. Scribit alicubi Swingerus oleum quoddam vitreoli esse quod tumescit cum Luna, & detumescit: quid si igitur similis substantiæ, aut qualitatis. id est vitriolatæ, ut loquuntur nostri Chymici, spiritum marini alvei fundus obtineat?

Quidquid sit, spiritum tamen esse, vix jam ampliùs mihi in dubio; cum que esse, qui à Lunari sidere præcipuè sollicitur. Sol tamen calore suo, quo aquam mollior fundit, & halitum illum marinū iritat, in parte adjuvat rarior enim paulò & mobilior redditur isto tempore. Et inde est, ut interluniis, quando sol in eodem cū Luna cœru est, incrementa sumant æstus: uti etiam pleniluniis quando sidus integro & tumente orbe maria despiciunt: ex aliis enim effectibus certū est, lumen tunc potentissimum esse, quando quidem arborum & animalium medullas, conchyliis, & infinita alia humore turgescere faciat. Vis enim ejus in aliquantulum humoris, & præsertim spirituum raritatem, non dissipationem, valet. In quadraturis autem siccissimi sunt æstus: quia nec Sol Lunam satis juvat, cum ab ea distet 90. gradibus (tunc enim oriente Luna Sol meridianus est; aut contra, ortivo Sole ipsa jam medium cœli culmen attingit, æstumque primi quadrantis finivit) nec adhuc sat luminis adepti sūt ut totos impleat æstus.

ARTICULUS XI.

Qua virtus occidente Luna æstus apud nos faciat,

Scot. in 2.
d 14. 4. 2.

Hæc una ex quæstionibus est, quibus maximum ludibriū debet humanus intellectus. Vi comercatus & universi terè agmine huc eunt, ut dicant radios Lunæ ab opposito cœli fornice reverberari in nostrum mare: & hætenus etiā tota Scoti subtilitas stetit. *Videtur, inquit quod radii Lunæ non possint penetrare terram. & ideo videtur quod eundem effectum, quem causavit per radios incidentes dum esset in quarta Orientali supra terram eundem causet tunc per radios suos reflexos à Firmamento, dum est in quarta Occidentali sub terra.*

A Firmamento autem? Spatium est nimis immane & immensum. Deinde, cū Luna toties globo terrestri minor sit non totum ejus hemisphærium illustrat. Vnde quo radii terram distringentes longiūs protrahuntur, eò latius à se abeunt & divaricantur: & proinde si à cœlo, ut speculo quodam, reflectantur, non in mare nostrum recident sed retro in Antipodes nostros, ubi tunc lucet Luna. Tertio, cum cœlorum Orbes diaphani sint, difficulter radiū, præsertim per tantū intervalli retorquere valent. Quarto retorqueant sanè imbecilli tamen erunt & ferè nulli æstus à radio longissimā illā reflexione debilitato & evanescente: quod non experimur. Itaque olim, cum solidos Planetarum Orbes, & Eccentricos Ptolemæi retinerem, sic me expediebam: punctum Antiselenæ, sive partem Eccentrici Lunæ, quæ ei per diametrum semper opponitur, simili virtute, spirituum marinorum motrice imbutam credebam: neque dū fidem istam abjicerem, nisi Cometarum motus mihi fregissent quidquid ibi fuit Eccentricorum. Sic enim occidenti Lunæ vicaria ista Antilene surgebat abortu, & mare virtute suā attollebat. ipsi verò Occidente, redibat ad Ortum Luna, excipebatque mare jam relapsum & destitutum ab Antiselene: sicque in oppositis quartis se semper gyran-

do movendi ac inflandimarinos æstus sibi invicem lampada tradebant. Sed quid facimus jã, si nulli sunt in cœlis Orbis Eccentrici? Fingimusne Antiselenen & Planetam aliquem invisibilem, qui ex adverso semper, licet Orbe nullo terram ambiente devinctus, aspiciat Lunam? Tot sunt enim jam in æthere palantes novitii Planetæ, Medicæi Borbonii; cur non & quasdam, fortassis Austriacos, adjiciamus, qui cum Luna mare, aut fortè etiam cum Sole regant Orbem terrarum? Quare igitur inquires, non lucent? Quia forsitan materiam opacitate respuentem, aut pellucido transmittentem sine reflexione radii Solis, habent. Aut si id displicet; quantulum peccabimus, si annulũ solum aliquem circa totum Orbem terræ concinnemus, in cujus parte, Luna oppositâ, fixa sit illa Antiselene? Talis enim Cometarum supra Lunam ascensum non impediet, cum annulus unus totum hunc Mundum undique concludere non possit, relinquatque intervalla per quæ detur in superiora transitus.

Duo igitur astra (& quis scit, an etiam plura?) ceu totidem gemmas, Lunam in Antilunam, sive Antiselenen, gestabit iste annulus. Sed hæc à somnio tuo & imaginatione sunt inquires. Et nonne etiam Eccentricos & Epicyclos, ex ascensu & descensu Planetarum, Ptolemæus somniavit? quàm sæpè & ferè ubique, ex effectibus causas somniamus! Si alter æstus marinus expediri, nisi per alia somnia non potest, cui *Atlantem esse jubes, & ve- * *Altiances*
as somniare? Et ecce tibi aliud argumentum, quod satis *Africa po*
lerè impressè Antiselenen istam affirmat. In plenilunio *puli negan*
non tantum primus æstus, quem Luna oriens vi magnetur *somni*
ica & Lumine suo præsentem inflat, est abundantissimus *are.*
& maximè insignis; sed etiam secundus, qui assurgere
incipit Lunâ plenâ Occidente, Antiselenene verò cum Sole
exoriente. Quam autem causam abundantia ista habet
Non Lunæ plenitudinem, qui lux post occasum, influ-
entiam tractoriam Lunæ hinc juvari non potest; cum ra-
dius luminosus per terræ opacitatē transadigi usque ad
maris fundum infernè nequeat: Ergo Soli cum Antise-
lene

lene surgenti tribuere oportet: sic enim etiam Sol inter-
lunio, Lunæ silenti, & lumine in facie terris obversâ de-
tectæ conjunctus, æstum plenum & abundantem facit.
Verum, sine ulla etiam Antiselenæ, alium huic nodo un-
guem admoveamus.

Quid si influentiam Lunæ occidentis per totam terræ
diametrum penetrare affirmemus? Nam lumen quidem
per opacum trajici non potest; sed magnetica vis potest:
cùm si magnetem sub mensa moveas & agites, cultri qui
in superficie jacent, sequantur & subsiliant. Similis ergo
Lunæ virtus, nullo terræ obstaculo offensa & hebetata,
ex altero hemisphærio ad maris fundum pervenire quid-
ni potest?

Sed vide quàm multa turbent hanc sententiam, quæ à
nobis utcunque componenda erunt.

Primò: Æstus nocturni quadrantis, sive qui à Lunæ
statim occasu incipit, imbecillior & siccior semper erit;
quia tota terræ diametro Luna à mari longius distat,
quàm quando per quadrantem diurnum ad Meridianum
nostrum scandit: agens verò quò longius à patente dissi-
tum est, eò languidius in ipsum agit. Respondeo tamen
diametrum terræ, in tanta Lunæ & terræ intercapedine,
non esse tam insignis longitudinis, ut evidens discrimen
inter unum & alterum æstum faciat. Quod similitudine
hac ostendi potest. Luna cùm perigæa est, seu proxima
terris, una & quinquaginta terræ semidiametris, ex sen-
tentia Copernici, à superficie maris distat; apogæa verò,
sive cùm longissimè à terra refugit, septem & sexaginta
semidiametris: id est, sublimior est, quàm aliâ, octo
terræ diametris. Nec tamen ista distantiae varietas evi-
denter se in æstu ostendit: Mathematicè tamen rem æsti-
mando, discrimen aliquod esse oportet. Deinde, spiritus
fortasse illi æstuum motores, ex altissimis gurgitibus &
ipsâ abyssu subterraneâ evocantur; nec totâ terræ diame-
tro longius absunt à Luna Antipodes, quàm mare no-
strum, illuciente.

Hanc profunditatē principii marini æstus admirabili
comparatione significat Illuminatissimus ille Thaulerus
Serm.

Serm. 2. de S. Joanne, ubi cum fundo animæ, in quo Deum nostrum delitescere dicit, & reperiri componit. *Ad hunc fundum, inquit, vel mille milliarius vires attingere nequeunt. Quæ varò latitudo in hoc sese fundo manifestet, imaginis, & formæ, & modi expers est: & neque Hic, neque Illic habet: sed immensa quedam abyssus est, quæ fertur in semetipsa absque fundo: velut fluxus maris, qui modo in ima merguntur, ita ut nulla quasi illic aqua fuisse videatur: post horulam verò magno cum impetu prorumpunt, quasi omnia sorbere velint. Sic & hic fundus in quandum tendit abyssum: in ipsoque propriè est habitatio Dei multò veriùs, quàm vel in cælo, vel in omnibus creaturis.*

S cundò: Vis illa Lunæ magnetica trahit, non repellit motores spiritus: igitur post occasum in gurgites & abyssum potius eos revocabit, inflabitque subjectum sibi apud Antipodas mare, nostrum verò resorbebit nudatis vadis aut suppressâ ubique aquarum altitudine. Argumentum hoc, fateor, me acriter urit. Et video rarefactionem aquæ & spirituum futuram hic commodissimam: raritas enim rem aliquam quoquo versus in orbem laxat & dispergit. Verùm nullam insignem rarefactionem, nisi à calore hic experimur. calor verò Lunæ aut Solis ad quindecim cubitorum profunditatem intra superficiem maris non penetrat. In hac enim altitudine, piscatores unionum juxta Panamam, mare illud, maxime tamen æstuosum, gelidissimum se experiri affirmant, & alia jam antè contra istam rarefactionem ostendimus. Quid igitur facimus? Scio quosdam esse magnetes qui ferrum non alliciant, sed respuant: quid si talem virtutem Lunæ adseramus? sic enim spiritus maris nostri, cum ipsa apud Antipodes est, revomet & in altum rejiciet. Sed ecce dum de æstu illo nocturni quadrantis sollicitus sum, diurnum omni jam causâ destituo. Nam si repellit spiritus & mare Luna, igitur assurgens supra horizontem non inflabit, sed siccat æstum compulso intra gurgites & abyssum spiritu.

Itaq;, si vis Lunæ ancillans, ut loquitur eleganter Plinius, sive

sive tractoria est, censeo retinendam esse Antiselenen, ex rationibus jam antè adductis. Vel si quadrantis nocturni æstus etiam à Lunâ jam occidente & demersâ esse mavis, dico virtutem ejus non esse propriè tractoriam, sed instigantem & impellentem spirituum, ac humoris qui eorum qualitatem bibit. Lunâ igitur exoriente, fundo maris, & parietibus gurgitum & cavernarum illi duntur magnâ vi motores spiritus, resiliuntque in altum, & quoquo versus disperguntur usque ad maris superficiem.

Et hujus ecce rei insignem imaginem in Lucretio, dû fortè librum ejus sextum aperio. Loquitur de magnete ferri inimico & abactore, qui ramenta seu scobem ferri in æneo vase suppositus exagitat, & in furorem ac æstum agit.

*Fit quoque, ut à lapide hoc ferri natura recedat
Interdum, fugere atque sequi consuetæ vicissim.
Exultare etiam Samothracia ferrea vidi;
Et ramenta simul ferri furere intus abenis
In scaphiis, lapis hic, magnes cum subditus esset.*

Hanc porrò ramentorum turbationem & ebullitionem æstum appellat: bellè, & pro æstu nostro maris.

Sed cur, Lunâ à culmine cœli per secundum quadrantem delabente, recidunt maria, quandoquidem sidus non longiùs absit, nec alio radiorum conjectu adspiciat, quàm ubi scanderet primi quadrantis clivum? Præter hoc nihil habeo: Quia plurimi spiritus agitatione illâ in aërem expulsi sunt, qui mare antea attollebant, aut certè laxiùs per aquam & sparsim vagantur. Deinde, tumor ubi ad summum venit, suppressi debet, quando causa quæ eum inflabat, aut suspendebat, debiliior efficitur. Directus autem radiorum Lunæ, sive influentiæ illius maris, conjectus robustior est, ubi superficiem maris angulis rectis fodit; & spiritus fortasse tunc directè fundo impacti, confertiùs & altius in superficiem rebulliunt.

Non est etiam insigne & evidens discerniculum tumoris inter æstum diurni & nocturni quadrantis, in pleniluniis: quia etsi lumen sideris infra horizontem depressi illuminare mare nostrum nequeat; aqua tamen ex lumine

mine & tepore: quem jam ante immediate à præsentia Lunæ accepit, mobilitatem aliquam & raritatem, quæ spiritui impulsori magis obediat, retinuit.

Verum, cur non æstus nocturni quadrantis, inquires, in marini alvei devexitatem, an aliâ figurationem, cum Contareno rejicis? Quia, inquam, nullus video, quâ ratione mare, quod defluente in occasum Lunâ se forbuit, iterum à figura alvei revomi & retumescere possit. Nâ clivus aut pronitas fundi, tardare, aut celerare ac præcipitare æstus valet; alia tamen debet esse causa principalis, quæ ipsos faciat.

Sed hoc etiam Contarenum valde perplexum habuit; Unde æstus aquas illas reperirent, quibus se ad tantam alvei plenitudinē inflant idē enim confugit ipse ad rarefactionem. Sed non fuit necesse: Nam ex abyſſo subterranea partim, aut ex cuniculi occultis veniūt, quibus maria inter se aquas communicant: sic multi Oceanum D. ucalioneum in Adriam latentibus venis influere credunt cetera quæ de æstu difficultia, in occultam (& nonne centies alibi faciendum est? influentiæ istius Lunaris indolēm conjicienda sunt fatendum: *Mirabilia o- Eccl. 11. pera Altissimi, & gloriosa & absconsa, & pio illi Regi Psal. 123. acclamandum: Quam magnificata sunt opera tua Domine, omnia in sapientia fecisti.*

CAP. II.

De fontibus.

Distinguenta hæc vocabula & res, fons, flumen, fluvius, amnis, rivus, torrens, Fons est aqua jugi fluxu è terra manans: aut certè, si fontes etiam comprehendere voles, qui in rivos non effugiunt, sed instar puteorum, quas suas resobent fons est aqua è superficie terræ jure ebullans Flumen & fluvius synonyma sunt, & à fluxu nomen habent. Flumen enim est aqua majuscula, perēniter alveo defluens. Amnis, inquit

Ovid.
Met. 1.

M. Varro, est flumē quod aliquid circuit. Nā ab ambitu dicitur Amnis, Amnes igitur sūt omnes mæandri, qui
In mare deducunt fessas erroribus undas.

Flumen à rivo magnitudo discernit, ait Vlpianus, aut circumcolentium æstimario. Re enim vera definita magnitudo statui non potest, quam flumen flagiter; & apud quosdam rivi appellantur, quia alibi, ubi aquæ penuria major, nomen ferre possent fluminis, Nulla verò aqua mihi dignitatē istam mereri videtur, quam homo passim saltu, nullo baculi adminiculo, transmittere valet,

Rivus ergo est aqua tenuior è fonte in alveum infusa, & jugiter decurrens. Pro alveo igitur rivum continente accepit rivum Vlpianus, cū finit, *Locum per longitudinem depressum, quo aqua decurrit*, Similiter M. Varro fontē pro loco scaturiginis, ubi inquit, *Fontem esse, unde funditur è terrā aqua viva*. Vbi aqua viva, dicitur talis à motu continuo ut Mercurius argentum vivum.

Ovid. de
Remed.

Ceterum multi rivi in unum corrivati mensuram implent iusti fluminis.

Flumina magna vides parvis de fontibus orta.

Plurima collectis multiplicantur aquis.

Ovid. de
Remed.

Rarum enim est, ut fons in totū statim flumen erumpat.

Flumen & rivum à torrente separat perennitas.

Flumine perpetuo torrens solet altius ire:

Sed tamen hæc brevis est, illa perennis aqua.

Torrentem definit Festus. *Fluvium subitis imbris concitatum, qui siccitatibus exarescit*. Torrens enim à torrendo deductum, quod propriè significat, siccare: unde Veteres aridum, torrū, & torridum vocabant, & nos etiamnum æstatem siccam, torridam. Quia verò torrentes ex aqua cœlesti, aut nivibus, Statius vocat

— *Nubigenas è montibus amnes.*

Græci verò *χειμάρρως ποταμὸς*, hiberna flumina: quia hieme maxime liquatis nivibus, aut pluviis, quæ tunc plures & pertinaciores, colliguntur.

Ex dictis intelligi potest, fontem, flumen, &c. constare aqua, ut materia; eruptione verò è vena subterranea, aut lapsu per alveum tanquam forma.

ARTIC.

ARTICULUS I.

Unde materia fontium.

Flumina & rivi palam fontibus eliquantur : occultior, & in abdito est fontium materia. Quidam sub terrâ cavitates amplissimas, quibus pluviales & nivales aquæ toto anno colligantur, constituunt; & inde haurire fontes existimant. Sed refellit Aristoteles, quia tantum aquæ circa totum annum, terræ venis effunditur, quantus est totus terræ globus: igitur terram ad summam usque cutem excavatam, & aquis plenam esse oporteat, ut tot fontium & fluminum perennitati sufficere possit. Verum, quia vis argumenti hujus evitari potest, si statuas, aquam quæ toto anno effluit, non simul contineri venis subterraneis; sed parte unâ in scaturigines fontium effusâ, supplementum à pluviis novis aut nivibus venire: addi potest & Senecâ altera ratio; Quod aqua cœlestis intra primam terræ crustam consumatur, nec in inferiora descendat. Nam ego, inquit, tibi vinearum diligens fossor affirmo, nullam esse pluviam tam magnam, quæ terram ultra decem pedes in altitudinem madefaciat. Deinde, quædam flumina erumpunt laxis & montibus, quibus parum conferre valent pluvix, quæ per nudas rupes deferuntur, nec terræ molliciem, aut rimas inveniunt, in quas se insinuant. Et tales nihilominus toto anno aliqui, pleni & abundantes ire solent. ut de Langiâ Nemeæ sylvæ fluvio, lib. 4. Statius :

Lib. 3.
Nat. c. 7.

——— *Langiaperennes*

*Servat aquas. solet & rapidi sub limine Cancrî
Semper, & Icarîi quamvis juba fulgeret astri,
Ire tamen.*

Non viderur tamen hæc æstimasse P. Leon. Lessius lib. 1. de providentiâ. *Flumina, inquit, ex nive & imbribus, qui in mediterraneis & montosis locis decidunt, colliguntur & perpetuantur. addique, per saxorum commissuras ad radices montium, & in scaturigines fontium per-*
venire.

venire. Unde, ait, si duobus vel tribus annis nihil vel pluvia vel nivis caderet, necesse esset omnia flumina, & omnes penè fontes inopiâ materiæ deficere. & ego profecto siccitatibus perpetuis torridæ illius æstatis anni 1619, plurimos fontes adverti exaruisse, aut tenuissimo & siti-enti latice profluxisse.

Sed rem hanc dubiam facit Georg. Agricola, rei metallica diligentissimus ut Scriptor. Nam rimæ saxo-ũ montanorum, plerumque vix octavim, inquit, digiti partem latæ sunt. raræ etiam commissuræ sunt, venulæque rariores, quæ centum sæpè pedibus à se distant. quomodo ergo tantum aquæ illac montium alvis infundi potest? Deinde, major pars vaporum in mare repluit, antequam venti in terram abduxerint: & quæ in terram cadit, ab ea, bona etiam in parte, sorbetur in alituram plantarũ; tantumque in cavitates subterraneas effundit, quod supra desiderium cecidit, nec poris combibere valet. Denique Ecclos. cap. 1. disertè, *Omnia flumina intrans in mare, & mare non redundat: ad locum unde exeunt flumina revertuntur, ut iterum fluant.* Si autem flumina ex mari: igitur & fontes inde hauriunt; quia per fontium scatebras, flumina in alveos se evolvunt. Scio respondendum: fontes ac flumina mari exire, quia vapores & aquæ nivales, ac cælestes è mari calore Solis extrahuntur, quæ postea in fontium & fluminum materiam refluunt & reliquantur. At tamen Scriptura magis indicat quendam aquarum per venas subterraneas circuitũ, quo è mari in fontium scaturigines veniant, & inde revolvantur in mare; ut eodem iterum redeant. Genesis etiam cap. 49. Iacob benedicit filio Ioseph *benedictionibus cæli de super*, (fundentis scilicet temporibus suis pluviam) *benedictionibus abyssi jacentis deorsum.* id est fontibus fluminibusque subministrantis materiam, ad irrigandam terram, quod reperitur Deuteron. cap. 33. distinguiturque manifestè duplex irrigatio, quarum una supernè è nubi- bus, altera infernè ex subterraneâ abyssu venit. Innuit etiam ille Apocryphus rogans, *quanta sunt habitationes in corde maris, aut quanta vena sunt in principio abyssi* aut,

Lib. 4.

Esdra. c. 4,

aut quanta vena sunt super firmamentum? Homerus quoque Iliad. 9. expressè in Oceano omnium fontium fluminumque originem ponit. Quod Plato in hunc sensum explicat: Oceanum venis quibusdam in Barathrum, seu Tartarum, & abyssum subterraneam combibi: quæ deinde agitatione quadam aut reciproco tumore se in fontium scaturigines superfundat.

Aristoteli nihil horum placuit, sed aquam fontium ex aëre subterraneo, frigido, stagnante, & suffocato immediate gigni. Quem tamen deserunt plerique Peripatetici, imò Jul. Scaliger etiam, qui rarissimè, aut nunquam alibi solet. His præstructis,

Dico P. imò: Pluviae & nivales aquæ plurimum conferunt fontium abundantiae & perennitati. Satis id evincunt, quæ antè ostendimus. Et hæc etiam ratio est, cur arboribus vestiti montes pluribus venis scaturiant, aut uberioribus, quàm investes illæ & nudæ cautes; quia scilicet arbores umbris suis defendunt aquam imbrium & nivem, ne Sole vaporata (quod in locis campestribus & apertis evenit) in altum rehalentur, antequam in cava montium per poros & venas distillent: ut scitè lib. 8. c. 1. notavit Virruvius.

Dico Secundò: Subterranea abyssus sola multos Fontes alit, & plerisque omnibus aliis suppeditat aliquam materiæ partem. Id ante ferè satis firmavimus. & inde fit probabile, quòd ubique sub terra venæ uberes siccissimis etiam locis inveniantur, in altitudine non decem tantum aut centum pedum, quò fortè cœlestis & collectitius humor pervenit; sed etiam orgyarum quingentarum, ut in Bermanno testatur Agricola.

Ex hac ergo aquarum ibi abundantia parabilem fontium materiam habemus: & unâ optimam rationem, cur illa abyssus, aut mare, non redundet; quia videlicet, mare venis transcolatur in abyssum, abyssus vero in fontes se partim exonerat. Unde eleganter Rupertus lib. 2. de Trinit. cap. 24. & 29. Abyssum hepati animalium comparat, unde per venas & tubulos se sanguis per totum corpus dispergit, imò affirmat hunc esse fontem, ex quo fluxerunt

Gen. c. 2.

fluxerunt quatuor flumina Paradisi: qui etiam matrix est, & mamma, inquit, ceterorum omnium. Ostendam quoque Articulo sequenti, Aristotelem ab hac mente vix latum unguem abesse. Sed ingens difficultas & rixa est.

ARTICULUS II.

*Quæ causa aquam fontium in scaturigines pellat.
Malè à Bodino Conimbricensibus, Scaligero,
Valesio assignatam.*

Suppono, omnem aquam natu à gravem, & sponte suâ Sursûm per aërem se rariorem non scandere. Hinc sequitur quod Aristoteles, & experientia aquilegum docet: fontes nunquā aliûs è terrâ spontali impetu emicare, quàm sit origo, unde aqua primum cœpit defluere. ut si in verticem montis deducere aquam velis, montem alterum paris aut excelsioris altitudinis, & in cacumine ejus fontem reperire oportet; quem deinde tubo demisso, & in verticem alterius montis reflexo, infundas. sic enim tubus totus implebitur, & aqua per mediam vallem eousq; ascendet (modò tubum tam longum habeat) donec superficiem suam in eodem circulo terræ centrum ambiente, cum superficie scaturiginis, componat. quia, ut Epist. ad Paulum Capram docet Bapt. Benedictus, aqua una premit alteram, & tantum sursum elevat, quantum ipsa est elevata. Hinc vanitatis mihi suspectus Stasirates ille Alexandri Mathematicus, qui gloriabatur se ex monte Atho statuum deformaturum, quæ sinistra oppidum decem millium hominum sustentaret, dextrâ fluvium ingentem in mare effunderet. difficulter enim flumen istud in altitudinem illam attraxisset.

*Plutar. in
Alexand.*

Hoc igitur dari volo: aquam ex subterranea abyssu, non nisi à vi externâ in ora fontium attolli. alias enim fieret quod in Proverbio est, & Aristoteles, Platoni objicit, *ἀνα ποταμῶν, sursum flumina*. Sed quænam illa vis est? Poëtæ Nymphas urnis haurire, & effundere
in

in scatebras fabulantur:

*Caruleæ per stagna agitant liquentia Nymphae,
Alternisque implent undantes voribus urnas.
Alternisque simul effundunt.*

Jovian.

Et video, quibus Angeli fortè haustores, abactis Nymphis, substitui non displicebit. Sed quæso, humaniùs paulò philosophemur.

Jo. Bodinus lib. 2. Theatri, putat terram intra mare, ut navem, vi deprimi: fontèsque emicare, ut aqua per rimas è fundo navis, aut per cribrum vi adactum, sursum ebullit. Sed fundus hujus opinionis falsus est: nempe mare gibbo altiori esse quàm terram. Item, non tantùm in montibus & vallibus, sed è plano etiam sæpissimè, aquà vi terræ tergum dirumpente, exsiliunt fontes. Denique, omnes terræ specus redundarent aquà, & tota terra undique scatebris diffunderet; veluti sanguine corpus, abruptis & apertis undique venis.

Conimbricenses Tract. 9. cap. 5: Meteor. credunt aquam corporum cælestium influxu in scatutigines attrahi: & adjuvari insuper vi quadam tractorià ipsius terræ, quæ more spongiæ humorem sursum prolestat. Idem Philosophi Parmenses in Thesis quas nuper legebam, & accedit Lud. Molina in Opere 6. dierum disput. 11. ad 8. asseritque similitudinem panni, qui aquæ partim immersus, humorem altius evocat extra aquæ superficiem.

De astris illis aquariis, in primis non placent: quia hoc est imbecillitatem fateri, statim tam procul & usque in cælum fugere. Deinde, cùm eadem astra per totum eundem terræ parallelū circumferantur, ubique in illo tractu vim illam attracticem ostendent; quod est falsum. Cur etiam aquæ situlam sub diem expositam stellæ illæ aquariolæ non exhauriant?

Vis etiam magnetica aquam emulgens & sursum invirans, per fugā difficultatis, & sine magno (apud me equidem) colore, asseritur aut allinitur orificiis fontium.

Primò, quia sic nunquam venæ in cælum exsiliunt, sed aqua ubi ad summum labrum prevenisset, aut ibi vi illà

illâ magneticâ adhæreret, veluti fixa & gelata, aut in venam suam resorberetur.

Secundò, cum ubique montium, collium, & terrarum nasci possint fontes, vel ubique sine delectu, vel nusquam statuendæ sunt vires illæ aquarum ancillantes & magneticæ.

Tertiò, manifesto experimento deprehendi possent. Nec enim tantum ex alvo suo & cavitatibus cacumen montis attraheret aquam, sed foris etiam per superficiem ejus, è subiecto flumine aut lacu subiret humor.

Quartò, ubi semel tota sentita, quâ humor ab abyssu subterraneâ ad scaturigines ascendit, immaduisset, non amplius attraheretur illac aqua. ita enim in calce, pane, panno, (ad quorum experientiam nos vocant) videmus humorem non ultra scandere, ubi pori saturati, & siccitas expulsa fuerit.

Sed tamen, nec vim magneticam in calce, & id genus siccis & porosis (quidquid alii donent) concedimus. Vingtinti amplius sententiæ inter se rixantur (quas alibi diffundemus) quâ vi aqua per pannum, calcem panem, partim immersum, subeat in partem siccam, & suspensam extra humorem: ut videas quàm in minutis etiam istis, ne superbia nos inflat, ingenia humana inveniant ludibriû. Quidquid sit, non placet tamen à siccitate per vim traſtoriam humorem, id est hostem, sursum evocari, in propriam necem. Obiter verò & in transcurtu hoc, censeo tenuiores partes humoris suapte levitate insinuare se in poros. Unde evidensior est ascensus, ubi aqua calida est & fumans: item in vino, & humoribus vaporulentis, quàm in aquâ. In pannum enim frigidum, aquam algidam, expertus sum ne hilum quidem per totum diem subisse. In panem verò nostrum biscoctum, quo secundis mensis utimur, raptim satis aliquousque scandit vinum: sed spiritus vini præsertim id faciunt. nam spiritali aliquo humore statim & facilè panem istum resolvi pater, quia illicò flaccescere solet flante Austro. Spiritus autem illi partim sponte vino exhalantur, partim modico reponere, quo panis in vinum agit, resolvuntur. constat enim,
vinum

vinum etiam gelidissimum, postquam à pane, etiam à furno aut ab igne non recēti, combibitum est, intepescere. Sed unde vires illæ pani? Dic, sicca ista & porosa, spiritus quosdam calóricos, ubi plures confluxerint ab humore compulsi, continere. / quod in viva calce evidentissimum: in ceteris & paucitate & virium imbecillitate non ita se produnt.

Jul. Scaliger Exerc. 46. viam aliam est muginatus. Ut aqua putei, à lapide aut rotundâ tabulâ, quæ æqualis sit cum putei latitudine diametri, compressa, in altum per tubos exsilit: ita, putat, aqua subterranea ab aqua maris aut alio pondere supernè pressa, eliditur & emicat in ora fontium. Miror ingenium Scaligeri potuisse hîc acquiescere. Aqua enim illa putealis exsilit per tubos ei immersos, quia maximâ vi supernè à ponderosissimo lapide in puteum demisso premitur, nec alius, nisi per tubos apertos, exitus ei datur. Quid autem perpetuò sic lacus subterraneos premit? Si enim saxum fortè aliquod ingens in gurgitem cadat, aquam simul & semel in altum elidet: sed quis iterum elevabit, ut denuò recidat, ut aquam sæpius & toto anno in scaturigines expellat? Mare verò, si humilioris orificiis plurimorum fontium est, ut nobiscū Scaliger supponit, nunquam tam gravi pondere in abyssum subterraneam decumbit, ut in altiore, quàm ejus superficies est, locum exprimat. maximè cum non totâ mole ei proximè incumbat, sed per longos sæpè & tortuosos meatus tantum se infundat.

Hinc Valesius cap. 63. Philol. sacræ, ad æstus & fluctus maris recurrendum existimat. Fontes igitur ei scatent aquâ abyssi, quam æstus quotidiani, & fluctus tempestatum, qui sidera tangere & extinguere pænè videntur, convulsque attollunt. Sed iterum frustra. Nam æstus ad decem solos aut quindecim pedes, non ad altitudinem montium, ubi scaturiunt fontes. intumescit. tempestates autem & decumani illi fluctus non sunt tam solennes, ut fluxum diu pari semper abundantia continuare valeant. Itaque ubi tempestas & turbatio erit in mari, fontes statim uberius prefluent; flaccescent verò cum fluctu & venam

venam tenuabunt, si non siccent. Deinde, ubi mare minime tempestuosum, quale Pacificum, nulli in Regionibus circa, excelsis locis latices exsiliunt.

In re igitur tam perplexâ, & ubi tot & tanti Philosophi perdiderunt acumen, non mirum, Lipsium etiam nostrum lib. 2. cap. 16. Physiol. aberrasse. Censet enim, superficiem maris juga montium, unde se expergunt fontes, adæquare.

Finiamus hunc Artic. cum Plinio & Vitruvio. Volunt (& cum iis D. Basil. Homil. 4. in Hexaëmerum, ut jam video) aquam abyssi, spiritu in juga montium adigi, Et patere inde existimat Vitruvius; quia si latius circa venam fodiatur, aqua residit, & refluit deorsum in naturale libramentum; ut aqua in ollâ tumorem ponit, sublato operculo, & diffugiente qui eam inflabat spiritu. Verum, spiritum istum confertum & vehementem esse oporteat, qui tam altè aquam succollet, & tam uberim impleat fontium venas: ut proinde afflarum ejus facile percipere sit, si quis scaturiginibus apponat manum. quod tamen vanitatis est compertissimum. Deinde, ut spiritus tanto impetu aquam sursum afflaret, necesse foret, subterraneam venam esse tubum aliquem undique clausum, & aquâ plenum; ut scilicet ventus infernè inspiratus, non aliorsum effugere posset, quàm aquam ante se agendo, & expuendo sursum. Tales autem subterraneæ venæ nullæ sunt, aut rarissime. Tertiò, quæ causa spiritum illum elevat, & tantâ vi in venas adigit? Et (quod caput est) unde illi tanta constantia, ut toto etiam anno per eandem semper venam sine interpolatione spiret? flatus enim tam pertinaces esse non solent, & sæpissimè interpellantur. Respondere oportebit, lebetes quosdam & lacus supra scaturigines fontium esse, in quos per intervalla inspirantur & attollantur aquæ, quarum de fluxu perpetuentur fontes, etiam cum cessat spiritus ille, haustor ex abyssu. Verum, tales nullos lebetes, altiores fontium orificiis, inveniunt metallarii, ut testis mihi Agricola. Cur autem effossâ latius humo, resorbeat se venâ, facile ex sequenti Artic. intelligitur.

Sed hoc pænè omiseram. Fortasse quis existimet aquā ex abyſſo in venas subire metu vacui. Sed cave hoc etiam credas. Non enim potest esse vacui periculum, ubi tanta venarum laxitas est, nec ita plenæ, quin plurimum ubique aëris admittant. ipse etiam ē: per omnes terræ poros, velut in spongiā insinuatus, & in omnem vacui occasionem paratus, libera taquā ab illa se movendi, ad depellendum vacuum, sollicitudine. Unde licet aër creari possit tale periculum vacui, ut aqua per tubum undique conclusum ascendat, exſucto aëre; id tamen exemplum in venis subterraneis locum invenire vix & ne vix potest; quia nec est qui exſugat; aërem; &, si sit, alius per parietes venarum facile ei succedet, qui rimosi sunt, & ubi respirant.

ARTICULUS III.

*Vera causa qua aquam fontanam deducit
ad scaturiginem.*

Dico Primò: Aquæ pluviales plerūque gravitate suā in ora fontium influunt. Sunt enim altiores, quia superne in hiantes saxorum rimas insinuatæ, visceribus montium colliguntur, & inde pondere suo ad radices defluunt ubi frequentius scaturigines ebulliunt, Idē est in aquis nivium, quæ canis montium capitibus in viscera liquantur & distillant.

Dico Secundò: Aquæ altera portio, quæ non ē cœlo sed ex abyſſo & humili in ora fontium venit, subit per vaporationem, Prob. quia nullam aliam viam fecimus reliquam. Secundo, experimento metallariorum, qui supra capita fontium, nil nisi roscidos lapides, & terram vapore humectam reperiunt.

Tertiò? Aquileges signum venæ sublatentis habent, si manē vaporem tenuem ē terrā scandentem viderint, quē lib. 8, cap. 1. deprehendi docet Vitruvius, mento ante ortum Solis æstate (Augustum mensē ceteris præfert Palladius) in terram procumbente, oculisque ad Orientem

verſis & ſuperficiē terræ aſpectu radentibus, ubi vapores tremulos & colludentes aſpexerint, ibi fodiunt. Similiter tuſſilago, & aliæ quædam herbæ quarum radices vaporem illum avidè bibunt, indicium latentium aquarum præbent. Cùm igitur fumos iſtos vaporulentos jugiter ex aquis ſubterraneis ſcādentes habeamus, quid ni juxta terræ ſuperficiem, & in capitibus montium, ſtatuiſmus ſi-
gore redenſari refluere in origines fontium? Et hinc ecce optima ſe mihi ſuggerit ratio, quare hinc nec nivali nec imbriferâ, fontes aquam tamen largiùs, quam æſtate (niſi valdè pluvia ſit) vomant. Plures enim à ſpiritibus repentibus, & incluſis terræ per hibernum frigus, vapores ex abyſſo, & aliis aquis ſubterraneis, gignuntur; qui venas proinde fontium uberiores faciunt.

Quartò, Thermarum, & fontium repentium aquæ à ſubterraneis ignibus vaporantur, ut Art. proximo oſtendimus: igitur verſimile eſt ex iſdem fumis refrigeratis, & excuſſo longis per venarū anfractus erroribus fervore cæteros fontes lymphas ſuas colligere. Et hæc intima cauſa videtur, cur montes præcipuè ſint ſcaturiginofi. quia inquam, ſæpiſſimè ignes ſuppoſitos habent; etiamſi ob profunditatem, vel exiguitatē, à nobis non intelligatur. Mons igitur inſtar capitis Alembici in diſtillationibus Chymicorum eſt, in quo vapores a lento ſuppoſito igne in altum expulſi, refrigerantur, & tam ab internâ formâ aquæ, quàm rigore ambientium ſaxorum, ad naturalem denſitatem ſe reducunt: guttatim quidem primò ſed plures per modum imbris in unum torrentem confluentes, & proluxiore circuitu incrementa colligentes, plenâ tandem venâ ebullant. Ex quo liquet, fontium generationem imbribus planè eſſe affinem, ut non immeritò (huc niſi mentior, alludens) dixerit Poeta illa animoſus,

Stat,
Theb. I.

..... ſummiſ cognatos nubibus amnes.

Vel etiã ſi hæc imago allubeſcit: quod in homine, lacrymæ & catarihi, frigore cerebri, in cranio deſati & repluentes ſunt, id in montibus fontanæ aquæ caput ergo mons eſt oculique, fontium ſcaturigines & oriſcia:
juxta

juxta illud Ieremiæ cap. 9. *Quis dabit capiti meo aquam, & oculis meis fontem lachrymarum?* Lachrymæ tamen salæ, fontes plerique dulces sunt; quia illæ per loca argenia & angustissimos terræ poros non transcolantur, nec longis ambagibus in oculos è capite defluunt, ut fontes in scaturiginem solent. Hæc enim causa aquis fontanis falsedinem ponit, si quam fortè initio (quod tamen rarum) habuerunt. eadem etiam longâ agitatione spiritus excutit, qui faciebant ei reporem. Quandoque tamen evenit, ut statim, & recentes adhuc ab ignibus, gelidæ tamen aquæ ebulliant: ut in Aquitania & Pyrenæis, ubi tenui discernente intervallo frigidæ juxta calidas emittant, teste lib. 31. cap. 2. Plinio. Verosimile est utraque ab eodem vicino subterraneo igne vaporari: sed calidæ laxiorem fortasse venam invenerunt, frigidæ arctiorem, & earum fervor per adstrictos & conniventes poros colatus, strangulatur antequam in lucem erumpant, & extinguitur.

Ex his etiam sumitur ratio quare fontes quandoque exarescant, Vel scilicet, quia vena collabente terrâ obstructa, avertiturque, aut retro agitur humor; vel quia siccat, sine novo supplemento, aqua, unde ascendit vapor, ut igniculus vaporans suffocatur. Hinc enim, quia calidi fontes ignem in materiâ multâ ardentem habent, nec subterranei lacus in quos agit, facile deficiunt, magis æternæ & quodâmodo æterni sunt: Rarissimè quippe, ait, lib. de Thermis cap. 2. Fallopius fontium calidi fiunt, exiuntque, inquit, à 2000. annis memoria Aponinæ aquæ. de istis certè à 1600. paullominus annis, lib. 7. Lucanus:

———— *Aponus terris ubi fumifer exit,
Atque Antenorei dispergitur unde Timavi.*

ateretur etiam Goebelius, Thermas Annæbergenses in Misnia pari semper ubertate venæ, æstate, hieme, à tot annis profluere.

In hanc etiam de origine fontium opinionem facile decipi potest Aristoteles, cum subterraneum aëra in fontium latices cogi affirmat. Vaporem enim sæpè aërem

vocat : & reverà totus hic circa & intra terram aër, continus ferè quidam vapor est ; cùm totius elementi aëris sit quoddam sedimentum , & in ipsum omnes superiorum regionum humores paulisper gravitati decumbant. Ac quàm minimo penè frigore statim aquescat, patet ex superficie exteriori vitrorum , quæ infuso vino aut aquâ gelidâ, subito rorat, & veluti pinguedine quâdam illinitur, aëre scilicet ambiente, frigore liquoris infusi , in rorem coacto. Non enim doctissimo Mercuriali accredo, qui liquorem transudare credit : cùm multis experimentis mihi constet, vitra minimè porosa esse, aut non tam laxè , ut momento transmittant tam densum humorem.

Eccle. I.

Non tamen existimo, solum aërem subterraneum sufficere perennitati tot fontium & fluminum : quia brevi tempore totum pænè elementum aëris oporteret in cavernas subterraneas defluere, ut perpetuò convertatur in aquam toties aëre densiorem. Deinde, Scriptura sacra, è mari, non ex aëre, generari fontes & flumina significat : quia scilicet mare venis terræ illapsum , ignibus deinde & spiritibus illis viscera magnæ Matris calefactantibus, & quassantibus quandoque, in capita montium vaporatur. Certè enim vaporationem hanc necessariò interponendam, iam antè, aut fallor, ostendi. nec alius modi mihi in mentem venit, dum altitudinem locorum, unde emicant vivi latices, contemplor. Ecce, ut alia infinita insuper habeam, fons Marisæ amnis *ex summo montis cacumine excurrit*, ait lib. 3. Curtius. In oceano juxta Scotiam summum excelsissimi scopuli culmen aquam dulcem largissimè vomit , magno inquit, Naturæ miraculo. In suprema etiam altissimorum montium Peruvianorum planitie frequentissimi lacus sunt, non ex nivibus collecti, ut Joseph. Acosta lib. 3. cap. 16. ostendit, sed naturali, & toto anno æquali abundantia, infernè eos alente venâ. & ut intelligâs, ignium (qui sub illis montibus satis certi, cùm crateribus plurifariam se in auras exspuant) effectus esse ; quidam eorum sunt calidi.

Quispiam tamen pertinax, qui in aëre subterraneo
lat

sit esse materiae in fontes, sine aquarum vaporacione, defendere perseveraret, exemplo hoc, quod nuper in Cardano cum voluptate & admiratione legebam, juvari potest. Anno 1481. quidam æger in Italia, urinæ libras singulo quoque die 36. reddebat, cum in cibum potumque simul non plus 7. libris insumeret. Unde urina 29. libris superabat. idque sic factum spatio 60. dierum. quo tempore colliguntur libras urinæ 1740. ultra cibi potusque substantiam, cum tamen totum ægri corpus vix 150. libras pondere æquaret. *Quæsitum fuit à Jo. Mariano, inquit, unde id contingere posset? respondit, aërem qui in arteriis ubique contineretur, in substantiam aqueam converti, eaque ejectâ alium succedentem similiter in aquam converti; atque ita multiplicari.* Verum tamen licet similis conversio subterranei aëris juvare possit generationem fontium, non tamen implere; ut antè satis probatum.

*Lib. Variet
8. cap. 44.*

ARTICULUS IV.

Unde calidi fontes qualitatem illam habent?

FONTES aut puri sunt, & nullo sapore infecti, aut medicati; qui scilicet peregrinâ aliquâ qualitate, & sapore presertim, adulterantur. Inter medicatos, calidi maxime insignes sunt. Vocantur etiam à plerisque, metallicis quia metallum aliquod ut plurimum, ait Fallopius, respiciunt. quidam tamen communi frigidorum, aut nullo sapore sunt, ut thermæ in agro Lucensi & Pisano. quidam etiam tam grato, ut quis præ iis, ait lib. 8. cap. 3. Vitruvius, non desideret fontem Camœnarum extra portam Capenam vel Martiam viâ Prænestinâ, quem Plinius clarissimum vocat toto orbe fontem.

Quidam credunt, radiis solaribus aquam subterraneâ ferveri. sed illi ad istam profunditatem non perveniunt. nec aquas quidem Soli expostas sic calefaciunt.

Alii agitatione ventorum sub terrâ fontium malunt. Sed major longè tempestas quâ venti marinas exercent

& iſtant, non creat tantum fervorem. Deinde, ubi ſub terrâ ſilentium erit à ventis, thermæ egelidæ ſtatim aut frigidæ profluent.

Bodinus alluſione qua ſe ad rupes & angulos ſubterranearum cavernarum frangunt, ſic enim equiſones putealem aquam agitatione, contra equorum tormina, rumpunt & reſefaciunt. Sed iſti nil juvant Bodinum. rareſcere quippe aliquantum iſtâ diverberatione poteſt aqua & ſpumare non ita accendi, Metallarii etiam ingentibus præcipitiis frangi aquas ſubterraneas, frigidas tamen inquit Agricola experiuntur. Denique ſapor & odor ſatis plerumque indicant materiam ignium quibus incaluerunt.

Dico igitur *Primò*. Nulla alia cauſa probabiliſior fontes ſerveſcit, quam ignis ſubterraneus. Probi, quia plerique omnes nitrum, bitumen, ſulphur olent, & reſpirunt, id eſt, ignium pabulum. Deinde maximè in Regionibus ubi montes & alia loca flamivoma ſunt, ut in Campania, & novo Orbe, calidi fontes manant. In Peru, ait Ioſ. Acoſta, ita quidam fervent, ut nemo etiam ex certamine, ſpatio Salutationis Angelicæ valuerit in iis continere manum.

Sed ubi ignes iſti ardent? ſub fundo, & circa canales extrinſecus, an in iſtis aquis, quæ per canales labuntur? Agricola timet lapideos etiam? canales brevi corrumpendos igne, ſi hic iis ſupponatur: itaque ignes aquis iſtis intra tuborum & meatuum cavitatem permiscet

Dico tamen *Secundo*: Thermæ nullo exotico ſapore corruptæ, circumjecto canalibus igne, ut in lebetes, aut dracones, videntur caleſcere. Veteres enim, ut teſtis mihi Seneca lib. 3. Nat. cap. 24. æreos dracones pluribus ſpirarum voluminibus tortuoſos conficiebant. quibus aqua, ſuperne inſuſa, & circumcurrens, ſepiusque & identidem ſuppoſitum ignem per multas ſpiras ambiens, tepore primum in ſummis voluminibus concepto colluctoque deinde in ceteris fervore, calida vomebatur. Canales autè illi ſubterranei non tam citò ignibus violantur, aut quia materia contra ignes contumax eſt aut quia hi repentes tantum,

tantum, nec flammâ vorace ardent aqua etiam ipsa intra tubos eos in parte tutatur. Si autem aquæ bituminis aut sulphuris ignes lavarent, spiritu ipsorum, at sapore tingerentur.

Dico Tertiò: Frequentius tamen ignis in ipsis aquis flagrat, & adhæret parietibus canalium. Ita Agricola, Fallopius & alii qui materiam ejus solum bitumen esse sciscunt quod tantum abest ut ab aquis extinguatur, quin etiam acrius diutius in ipsis alat flammam. Vnde etiam aqua Phermarum in agro Parmensi, ait Fallopius, statim ad se rapit visum ignem, nec potest, nisi vento aut panno extinguui, idque ob bituminis & naphthæ copiam.

Bartholinus tamen & alii quidam, præcipuam materiam in sulphure, non bitumine esse constituunt, quia thermæ plæreque omnes sulphur rariores bitumen sapiunt. Bitumen etiam solum aquarum, quibus innatat, superficiem flammâ sua lambit; non ardet intra aquam.

Falsum etiam videtur quod sumit Agricola, solum bitumen in aquis servare flammam. Nam ignes artificiales è sulphure passim concinnantur, qui sub aquis vivunt & Livius Dec. 4. lib. 9. *Matronas*, inquit, *Baccharum habitu crinibus passis, cū ardentibus facibus decurrisse ad Tiberim demissasque in aquam faces, quia vivam sulphur cum calce inesset, integra flamma extulisse.* Et licet aquis exstingueretur ardere tamen in fornicibus cuniculorum quibus allinitur, extra aquæ contactum, posset, & inde eam præterlabentem vaporare.

Seneca verò non tantum ardere sulphur in aquis, sed aquâ affusâ accendi ut calcem, existimat, quem tamen experientiâ suâ refellit Fallopius. *Sulphur, ait, in aquam projectum siue aqua sit calida siue frigida, non efferves-* Lib. de Thermis
cit. hoc expertus sum sæpius in vena sulphures in agro Volaterrano, & alibi in quocunque sulphure, vivo, & non cap. 4.
vivo.

Anselmus Boetius tamen lib. 2. cap. 293. de Gemmis, affirmat, *oleum sulphuris verum si aqua misceatur frigida*

frigida, tam calidum in vitro reddi ut id manu vix teneri possit. Vnde oleum istud nonnihil à natura sulphuris oportet abivisse.

*Verum, unde tantum subteranei sulphuris & bituminis, quod alendis uno loco pertot annos ignibus sufficiat? Respondet Fallopius, sulphur & bitumen perpetuo regenerari nam constat, ait quatuor annorum spatio, locum sulphure effosso, terra repletum, iterum ad naturam sulphuris reverti, idque satis expertum, esse in agro Mutinensi. Carbones etiam Leodiensium, & metalla etiam, licet tardiùs, regenerantur. De ferro certè in Ilva sive Ætholiâ, maris Mediterranei inter Corsicam & Italiæ continentem insulâ, lib. 5. auctor est Strabo. & etiamnum hodie effoditur ibi copiosum. magno Ducum Florentiæ proventus. credunt autem Metallarii, mille tantum annorum circuitu terram in ferrum redurari. Salem etiâ fossilem apud Indos regigni dixit olim Clitarchus & Agricola Parium marmot. Plin. lib. 36. cap. 15. *Inter plurima alia Italia miracula, ipsa marmora, in lapicidinis crescere auctor est Papyrius Fabianus Natura rerum peritissimus. Exemptores quoque affirmant compleri sponte illa montium ulcera Quæ si vera sunt, spes est, numquam defuturam luxuriam. Diu autem in eodem loco aut propinquo adherent thermarum ignes: quia absumptio aut liquato sulphure vel bitumine, aliud affluit in locum præcedentis sequiturque, ut in lampade, alimentum flammam. Ignis etiam illi malignè (ut inter aquas & contraria debilitantia) ardent, ideòque pabulum suum non citò & voraciter absumunt, & hinc pluribus Regionibus fontes calent, ubi nulli tamen crateres ignivomi sunt. Verumtamen alio etiam modò, sine igne Sennertus fontes nobis calefacit. Spiritus enim vitrioli & oleum vel sal tartari, item aqua fortis & tartarum; denique butyrum antimonii & spiritus nitri, etsi frigida, confusa tamen ad fervorem se adducunt. Quid si ergo in venis aquarum permisceantur?**

ARTICULUS V.

Unde frigidi medicati qualitatem illam traxerunt ?

Consentiunt omnes, fontium istorum aquas, venas metallicas, aut salē, alumen, nitrum, sulphur, bitumen, & id genus fossilia perlabi: id enim ex colore, odore, sapore intelligi satis potest. Dupliciter autē aqua ab iis quæ prætervehitur infici & tingi solet: spiritaliter, aut corporaliter, ut loquuntur Chymici: spiritalem tantum tincturam rapit, quando spiritus metalli aut mineræ sic ei se permiscet, ut ramenta aut succum nullum deradat, & secum devolvat: corporalis verò tinctura erit, si mineræ substantiam secum trahat.

Inter fontes medicatos famosissimi sunt aciduli illi, quales Spadani nostri, quos natura in calculi & omnium obstructionum remedia fluere jussit, aliaque beneficia, quæ apud Clarissimum Medicum Henricum ab Heer Tongrensem legere in Spadanis ejus potes. Talis olim fons ille Tongrorum, de quo l. b. 31. c. 2. Plinius: *Tongri civitas Gallia fontem habet insignem plurimis bullis stellantem, ferruginei saporis, quod ipsum non nisi in fine potus intelligitur: purgat hic corpora tertianas febres discutit, calculorumque vitia.* Hic autem aut exaruit, aut trahi ad Spadam nostram potest, quam fortè olim æger aut ditio Tongrorum complexa fuit. Acidulas autem istas chalcantho sive vitriolo abundare censet Bartholinus. Verumtamen non unicam venam, sed plurium confluentem plerumq; continent, ut ostendit noster Henricus ab Heer: & Spadanus Geronster præter alia, sulphur odore, & alvi (quod etiam experti sumus) citatione evidenti prodit.

Multi etiam medicatorum, etsi frigidi scaturiant, initio tamen caluerunt, & longo meatu fervorem ac spiritum exhalaverunt. Hinc Fallopius existimat Aquirianam, quæ ex Italia in Germaniam & Galliam passim defertur, ac per centum etiam annos incorrupta perseverat, in origine calidissimam

calidissimam fuisse & ignem perfectissimam hanc & pæ-
nè indissolubilem mixturam fecisse.

Fontes qui auri aut argenti venas lavant, ramenta & scobem metalli sui fluminibus etiam sæpè invehunt. Sic auriferi olim Pactolus in Lycia, Hermus in minori Asiâ, Tagus in Lusitaniâ. In Tago tamen nihil hodie auri reperiri intelligo: sed corollorum ibi tantum esse piscationem. In Indiis Occidentalibus, ut in Hispaniolâ, Balloventâ, Cubâ, in Regno Chilli, Quito, Granatæ, &c. sincerissimi auri arenulæ in pluribus fluminibus iuventur; sed propter difficultatem separationis parum inde redit ad Hispaniarum Regem.

Fontium etiam & fluminū color, à metallo & minerâ quam lavant, aut terrâ venit, quam admordent. Sic in Umbria.

Sulphureâ Nar albus aquâ.

alibi à creta, lactei quidam fluunt: quandoque etiam non aquæ, sed fundi est iste color. Talis non uno loco apparet Danubius: & Andreas Corsalus Florentinus narrat, Oceanum inter Mozambicum & Indiam Orientalem lactescere, quia cretacei fundi rapit speciem: sic quoque Peneus in alveo virorem simulat, cum exhaustus splendorem habeat argenteum. Quidam etiam atramento se infuscant, ut Ganges in India, Galesus in Italia; sed Al- lera in Germania, & quidam in Hispania Nova, omnium atramentosissimi & nigerrimi sunt. Est in Regno Peruano tam ruber & miniatus, ut mero sâguine dicas profluere. Rhenus subviridis, Moenus & Tiberis ab arenis flavi, Mosa meus argenteas undas declinat paulisper in cæruleum.

CAP. III.

De Fluminibus.

ARTICULUS I.

De Fluminum alveis.

Flumina è fontibus & rivis unum alveum capaciorem influentibus oriri, antè diximus, & essentiam eorum in aqua, & jugi illo per alveum defluxu consistere.

De hoc ergo fluxu, tanquam ipsorum forma, & alveis, per quos incedit, aut præcipitat, item de quibusdam aliis proprietatibus, aliquid paulò explicatiùs enarrandù. Alveos fluminum tertio Mundi die excavavit, & ad fluxum in mare inclinavit eorum devexitatem Omnipotens manus: quod certissimum est in alveis quatuor illorum fluminum *Paradisi*. Sed plurimi etiam alii in reliqua parte Orbis ejusdem Artificis sunt, præsertim qui inter montes & lapideas ripas decurrunt. Montes enim ab initio statim creationis rerum excitatos, duratosque, ut essent veluti ossa magnæ matris Telluris, satis innuit Sapiencia Prov. 8. *Necdum montes gravi mole constiterant: ante colles ego parturiebar: adhuc terram non fecerat, & flumina, & cardines Orbis terræ.* Ridiculum enim est quod asseverant nostri Athei, universos montes fortuito hîc aut ibi à spiritu subterraneo in auras subvectos esse: rarissimi enim alicujus molis colles sunt, quos spiritus ille terræ motor excutit: & stultum id credere de Aethio, Olympo, Atlante, Alpibus, & duplici illâ catenâ montium Peruanorum, cœlo pænè minantium, quæ per 500. leucarum spatium à Septentrione in Austrum, perpetuis jugis decurrit. Verissimè igitur ad Dominum suum Psaltes divinus: *Ascendunt montes, & descendunt campi in locum quem fundasti eis: & minimè fabulosè ille fabulosus:*

Addidit

Psal. 103.

Ovid. l.
Met.

Addidit & fontes & stagna immensa lacusque,
Fluminaque obliquis cinxit declivia ripis.
Fussit & extendi campos, subsidere valles,
Fronde regi silvas, lapidosos surgere montes.

In mare autem maxima fluviorum pars se refundit, ut irrigatis per longos & ambitiosos errores, quas lavant, Regionibus, quod superest aquarum, mari, ceu, fonti suo reponant; ut pro tot emulgentibus sub terra venis, & nubibus deinde, abundantia semper ei suppetat.

Tacit. lib.
II, Annal.

Licet autem plurimos alveos Deus initio concinnaverit; aquæ tamen etiam, in molli præsertim terreno, multos sibi ipsæ narraverunt, non paucos denique humana industria fecit: & Aristoteles lib. I. c. 14. Meteor. septem ostia Nili manu facta videri, excepto solo Canopico affirmat. Drusus Celar contra incursiones Hollandorû, Rhinû in Iselam (quo hodie suam tutantur Velaniam) oeduxit, Corbulo Romanorum in Germaniâ sub Claudio Dux, ne miles otium exueret, inter Mosam Rhenumque, trium & viginti millium spatio, fossam produxit, quâ incerta Oceani vetarentur.

Lucan.
Lib. 2.

Ceterum plurimorum fluminum alvei in Aquilonem aut Austrum undas suas exonerant; in Orientem tam pauci, ut dicere audeat Poëta iste Hispanus:

Quâ colitur Ganges, toto qui solus in Orbe

Ostia nascenti contraria solvere Pbæbo

Audet, & adversum fluctus impellit in Eurum.

Verum Danubius etiam & Padus in ortum se detorquent: Tagus in Lusitaniâ, & Africæ Niger in Occasum: imò Ganges magis defluit in Meridiem, quàm Solem ortivum.

Certamen autem est de principatu inter alveos fluviorum: Aristoteles noster Indo videtur dare palmam, quia alicubi amplitudine 50. stadiorum sive 6. amplius mill. Italicorum se dilatat. Arrianus tamen Gangem ei præfert. Virgilius Eridanum seu Padum fluviorum regem nominat, Diodorus Siculus Nilum potius coronat. Sed controversiam fluvius Amazonum sive Maragnon in America diremit, qui latitudinem ad 70. etiam leucas diffundit,

diffundit, mare veriùs, quàm fluvius. Suppar deinde ei fluvius argenteus, vulgò *Rio de la plata*, quem non adæquent Nilus, Euphrates, Ganges, confusis in unum alveum & communicatis aquis. Proximus est in eadem America fluvius S. Magdalenz, qui tanto impetu Oceanum invehitur, ut intra decimam leucam, sale victo & undis, dulcedinem & fluxum servet, duarum leucarum aquæ latitudine.

Rapiditas fluviorum ex alvei devexitate præcipuè oritur : quanto verò fontes oporteat esse altiores ostiis, video non convenire inter Geometras, Cardanus lib. 1. Variet. cap. 6. dicit antiquos in aquæ-ductibus sesquipudem in centenos pedes constituisse : sed nostra, inquit, atate, subtiliore ratione, sed ad irrigandum solùm opportuna, in singula spatia pedum 600. solùm pollicem unum declinamus : ut ergo aqua rapidius decurrat, & naves, facile deducere valeat, majorem inclinationem alveus habebit.

Si ad Mathesin res ista vocetur, incile aquæ-ductus (ita Jurisperiti vocant locum, unde incipit incidi canal) in millenos passus, uno pede altius emissario esse oportet. Atque ita consequenter, fluminum alvei post millenos quosque passus, ut aqua molliter diffuat, devergere ad unum pedem debebunt. Ratio hujus mensuræ est ; quia linea recta Orbem terræ contingens, post 1000. passus ab illo puncto contactus, dodrante pedis, sive 9. unciiis, id est, tribus quartis, à subjectâ terræ circumferentiâ distat, si totum ambitum terrestrem 5400. miliaribus Germanicis circumscribas. Aquam igitur, aut pilam, in fine istius lineæ si statuamus, decurreret per eam usque ad punctum quo terram contingit : idque paulò pronius faciet, si in fine ad totum pedem à terra elevaveris. Hinc sequitur, finem alvei in longissimis illis fluminibus longè centro terræ propinquiorè, quàm fontes eorù esse, etiam si per singulum milliare alveus, ad unicum solum pedem descendat. Ut licet Nilus lineâ rectissimâ per circulum terræ maximum à Tropico Capricorni ad ostium Canopicum, id est per 54. gradus sive 3440. miliaria Italica, in

Mediterra-

Mediterraneum mollissimo lapsu aquas suas deduceret : initium tamen alvei, quod circa Tropicum Capricorni, non procul Promontorio Bonæ Spei est, 3440. (quis credat?) pedibus elevatius à centro terræ, quàm fundus ostiî Canopici juxta Alexandriam, foret. Fluvii autem rapidiores ad 3. 4. 5. aut plures pedes ad centrum terræ per singula milliaria declinant. Si verò ad 6. pedes, cursus tam rapidus & torrens erit, ut regendis in eo navibus fiat incommodus, inquit ad cap. 6. lib. 8. Vitruvii, Daniel Barbarus.

Ridiculum etiam est, quod lib. 1. cap. 6. Variet. docere videtur Cardanus: Imò fluviorum superficiem quæ fûdum tangit, inclinationem tantùm habere, non verò summam, quæ aërem stringit. Sic enim perpetuò, quò longius à Scaturigine recederent, fluminum profunditas intumesceret, & altitudo brevi spatio elevationem fontis superaret.

Sed verumne est illud, quò altius est flumen, eò rapidius esse? Experientiâ id constat, si de vexitas alvei eadem sit, aut par. Nam hibernis torrentibus inflata incitant magis naves, & velocius deferunt quidquid natat in superficie. Causa est in abundantia aquarum, quæ magis se premunt & invicem præcipitant. Ita etiam liquor è pleno vase, detracto epistomio, emicat longius, & majori impetu.

Quo magis etiam flumina à centro terræ distant, hoc celerius, pari impulsu, circa terram gyranur; quia circulû majorem circumcurrunt: ut circumferentia rotæ rapidius in orbem se agit quàm modiolus, qui exiepit axem.

Ex dictis jam patet, causam efficientem defluxûs fluminum esse propriam aquæ gravitatem, quæ per alvei devexitatem centrum quærit, & ad propinquissima, quàm potest, loca defluit: unda etiam succedanea antecedentem sæpè urget; & hæc deinde illam, ratione & jure continuitatis, blanditer trahit & vellicat.

ARTICULUS II.

*Quâ de causa Nilus, Niger, Melas, Argenteus,
aliique fluvii sic exundant?*

Quæstio de Nili inundatione omnium antiquorum ingenia exercuit. Sesostris & Philadelphus Ægypti Reges, Cambyfes Persarum, Alexander Macedonum, quosdam in ultimam Æthiopiam miserunt, ut Nili fontes, & incrementi illius quotannis statim causas, vestigarent: qui omnes incerti redierunt. Novissimè Nero Cæsar, ait lib. Nat. 6. c. 8. Seneca, ut *aliarum virtutum* (ô si scias, qualis brevî futurus!) *ita veritatis in primis amantissimus*, Centuriones duos misit: qui, ut idem se ab iis audivisse narrat, ad immensas tandem paludes pervenerunt, quatum nec incolæ exitum sciebant. Iul. Cæsar etiam apud Lucanum lib. 10. super cœna illa Cleopatræ post cœsum Pompeium, ex Achoreo, sacerdote Ægyptio, de Nili incrementis, tam ab aliis curis securus est, in illo rerum æstu, ut multa quæreret. Sed scire legem exundationis antè oportet, quam causam investigemus.

Primò: ut narrat Leo Afer, & qui hodie colunt Ægyptum, circa 17. Junii diem, id est, 27. nostro jam stilo, incipit intumescere, statim scilicet post solstitium, durat verò incrementum ad quadragesimum diem, secundum Strabonem, totidemque decrementum: totaque periodus ambit dies octoginta: etsi Herodotus extendat ad centum. Legem verò aliquando non servasse constat, ut decimo & undecimo Regni Cleopatræ anno, alveo se continuit: quo interpretati, nec vanè significatam Imperii Antonii & Cleopatræ defectionem. Sub Theodosio etiam aliquandiu stetit: quod idcirco factum calumniati sunt Gentiles, quia Imperator ei vetuisset amplius sacrificari. Sed ecce statim abundissimè se superfudit, & fertilitate insigni egregiè pensavit antecedentium annorum sterilitatem, verum ne sic quidem compressa calumnia; & publicitus

publicitùs in theatris cum risu clamabant, *senem Nilum quidquid jam aquarum habuisset eminxisse.*

Porro tam spatiosa est inundatio, ut valles & campi lateant, oppidaque cum collibus quibus inædificantur, more Cycladum insularum extent; nec ullum in *Ægypti* mediterraneis, nisi per navigia, sit commercium.

Ad modum autem incrementi, anni sequentis fertilitas respondet. *In 12. cubitis, ait lib. 5. cap. 9. Plinius, famem sentit, in 13. etiamnum esurit, 14. cubita hilaritatem afferunt, 15. securitatem, 16. delicias. Maximum incrementum, ad hoc ævi fuit cubitorum 18. Claudio Principe, minimum Pharsalico bello, veluti necem Magni, prodigio quodam, flumine averfante.*

Nec longè abludunt quæ scribit Leo Afer, qui *Ægyptum* oculis, & habitatione *Africam* usurpavit; conversusque à Mahumete ad Christum, à Leone X. Pont. Max. nomen in Baptismo accepit: Scriptor, ut mihi videtur, non infidus.

His præstructis, Thales, Plinius & Alexander, in Etesis causam inundationis ponunt; qui à Septentrione reflantes contra cursum fluminis, aquas sustinent, quæ ab aliis à tergo affluentibus pressæ, ripis se superfundunt,

Sed non magnæ operæ est refellere. Etesis enim venti lenes sunt, qui aquæ cursum sic frænare non valent: nec iisdem & tam statim anni temporibus, ut libro 4. vidimus, semper spirant.

Senecio etiam ille Achoreus lib. 10. apud Lucanum perperam docet Cæsarem, Nilum influentiâ Mercurii intumescere, ut Lunæ Oceanum. Nec enim Nili periodus Mercurium adspicit, ut æstus Marini Lunam.

Fracastorius rem istam in Epist. ad Io. Bapt. Rhamnusium cum cura tractavit, & credit à torrentibus pluviarum, quæ Sol circa Tropicum Cancrilevat, Nilo infusis fieri hoc incrementum. Verùm imbres isti in *Æthiopiam* recidunt, 600. miliaribus à Cairo *Ægypti*, ut fateatur ipse Fracastorius: cum tamen eodem tempore ad Cairum Nilus sentire incipiat inflationem, nec aqua per tantum intervalli, in momento, quasi, trajici possit in *Ægyptum*

Ægyptum. Vidit hoc Fracastorius, & responder, octo aut decem diebus, torrenti alveo, facile eousque defluere. Sed est incredibile. Nam sic milliaria 60. quolibet die transvolaret, etiamsi rectissima linea decurreret. Alteram igitur responsionem tentat: scilicet, ut lapis in aquam directus, eam in circulos impellit, & intumescere facit; ita torrentes *Æthiopici Nilum* in *Ægyptum* usque propellant; antequam ipsi eo pervenerint. Sed in vanum. Non enim ideo flumen se sic inflabit, sed impulsus celerius tantum alveo se evolvit. Deinde, aqua *Nili* turbida satis indicat, incrementum esse à torrentibus & aquis adventitiis se illi permiscerentibus.

Dico **Primò**: Magna pars incrementi *Nili* ex tabe nivis *Atlantis* montis venit, quā *Sol* ab *Æquatore* ad *Cancer* rediens, & vires suas canis illis montium, qui *Tropicus*, aut circa, subjacent, verticibus admovent, fundit. Hoc mihi *Poëta* significare visus:

Sic ubi se magnis refluxus suppressit in antris.

Nilus, & Eux liquentia pabula brumæ

Ore premit, fumant de fertæ gurgite valles,

Et patris undosi sonitus expectat hiulca

Ægyptos, donec Phariis alimenta rogatus

Donec agris, magnumque inducat messibus annum.

liquentia enim pabula brumæ sunt tabes nivium. Fallitur enim vehementer *Fracastorius*, qui *Atlantem* nivalem se negat. Nam *Leo Afer* tantum nivium unā etiam nomine circa sæpè defluere, ut arbores & domos tantum non peliat, seque propemodum, cum iter illac faceret, ab eis suffocatum affirmat. Unde lib. 75. *Dion* dicere audent, ubi pro comperto esse, *Nilum* hanc aquā nivali auctum perfundi, quod inquit, veteribus *Græcis* ignarum fuit. Verba etiam utriusque *Mauritanix Rex*, litteris tamen, quāvis *Regnis*, non paulo clarior, ut ait *Plinius*, asserit, prout in *Mauritania* nives imbresque ceciderint, ita *Nilum* increfcere. *Niger* etiam *Africæ* itidem fluvius, *Hispanis* hodie *Rio grande*, qui medio inter *Tropicū Canceri* & æquatorem intervallo in *Oceanum Atlanticum* se vomit, eodem tempore & lege, quā *Nilus*, exundat:

tantâ verò rapiditate mare tunc incurrit, ut intra quadragessimum milliare ruborem aquarum, & limum retineat. **Fontes** autem in radicibus nivaliû istorum **Africæ** montium habet: quanquam, non nemo sit, qui **Nili** ramum esse conjectet, quia **Crocodilos**, & **Hippopotamos**, ceteraque quæ in **Nilo**, videant in ipso præternavigantes. Verùm nuperrimæ **Orbis** delineationes manifestum discerniculum interponunt inter alveum **Nili**, & **Nigri** fontes.

Dico secundo: Non solæ **nives** **Atlanticae**, sed **pluviae** etiam, quæ circa **Tropicum Capricorni** & **Nili** fontes, **Martio**, **Aprili**, **Mai**o, recidunt, inſtant **Nilum**. Hæc **Aristotelis** sententia est: indicatque **Homerus**, cui **Odyss.** 4. **Nilus Διίπτης ποταμός, fluens à Jove**, id est, aqua cœlesti, **fluvi**us. Prob. quia **Franciscus Alvarez**, olim per **Abyssinorum** Regna peregrinus, scribit lacus quosdam in ultima pæne **Æthiopia** vidisse pluviis vernalibus tumidos, solitos superfundî; Ndumque illis in locis, longè ultra **Atlantem**, istis aquis inturgescere. **Josephus Acoſta** lib. 2. c. 4. **Hist. Indicæ**, circa **Tropicum Capricorni**, & ultrâ usq; ad **Promontorium Bonæ spei**, affirmat, ubi **Sol** **Arietem** intravit, imbres largiter depluere: prout etiam in **Regno Chilli Americano**, quod eadem latitudinem & polielevationem cum **Promontorio Bonæ spei** habet, usu venit. Ratio est, quia tunc apud eos autumnus, & imbrum tempus incipit, quando ver nobis. Omnia enim contraria ipsis eveniunt; quia ultra **Capricornum** colunt, & **hiemem** habent, quando nos æstatem, & **Sol** **Cancro** se admovit: autumnatque ibi, cùm vernat **Europæis**. Etiamſi autem **Pluviae** per **Martium** aut **Aprilem** ibi cadunt; tardè tamen, & **Iunio** solùm mense, tot circuitibus fessum, & insulis hebetatum, agmen aquarum in **Ægyptum** pervenit. Ex his patet, paludes illas, quas sub quarto parallelo, **Antidiámetro**es, inter **Æquatorem** **Tropicum Capricorni** statuit **Ptolomæus**, non esse (quod putat) primos **Nili** fontes, quos novissimæ **Hollandorum Tabulæ**, extra **Capricorni** circulum, cum **Lunæ** montibus, in ipsam pæne **Africæ** cuspidem rejiciunt.

Ceterum

Ceterum, undecunque irruant, certum est ex limo quem vehit torrentibus incitari, ut cetera flumina, & intumescere Nilum: ideo enim oblimatione istâ campos quibus aliquamdiu & altus inedit, secundar. & in Scriptura sacra, turbidus aliquoties appellatur. Ios, 13. *A flu-
vio turbido, qui irrigat Aegyptum: & Jerem, 2. Quid ti-
bi vis in via Aegypti, ut bibas aquam turbidam?* Ubi ta-
men arenæ & limus in sedimentum defluxit, limpida &
suavissima est, quia percocta Zonæ torridæ caloribus, in-
quit Diodorus Siculus. ideoque Aegyptii usitantur in potu:
& in convivio Cæsaris & Cleopatrz lego lib. 10. apud
Lucanum;

————manibusque ministrat

Niliacas crystallus aquas.

Tam magnæ autem & delicatæ manus limpidissima a-
qua solent abluui. Imò in tantâ gratia & dignatione apud
eos erant Nili aquæ, ut Ptolomæus Philadelphus, Poly-
bio teste, ad filiam Berenicen, Antiocho Regi Syriæ col-
locatam, ut solam eam biberet, solitus sit missitare. Me-
las etiam Bæotiz fluvius, teste in Sylla Plutarcho an-
nuo cumento Nilum imitatur, haud dubiè ex causis si-
milibus.

Argenteus deinde, vulgò *Rio de la plata*, in Americâ,
aquâ etiam cœlesti, & montium Peruanorum tabescen-
tibus nivibus inflatus, semel quotannis tribus mensibus
ripas indignatus, mediterranea submergit: quo tempore
accolæ scaphis, & partim natatu, quo, ritu piscium feri-
mè, valent, vitam tolerant.

ARTICULUS III.

Quenam aquarum in usu laudatissima,

Saluberrimam aquam breviter & scitè definit Plinius,
quæ aëri simillima est, id est, pellucida, levis, insipida, Lib. 31. c. 3.
inodora: talis enim maximè sincera & impermixta erit:
exhalationum quippe & ceterorum opacorum mixtura
claritatē illam interpellat: levitas autem ex raritate na-

leitur, & cum turbida opacitate consistere etiam potest: aqua enim cœlestis, levis est, quia ex vapore nubium levi & paulò antè in aëre pendulo, subito & perfunctoriè condensata; & tamen unà, ab exhalationibus quas vapor, implicat, & secum devolvit, se turbat, & lucem suam confundit. Hinc licet aquæ pluviales levitate & tenuitate suâ multū laudentur, cæque magis, quæ inter fulmen & tonitru ceciderunt, quas in dulcedinem aliquam percoctas, bruta avidissimè bibunt; celeriter tamen, ob exhalationum permixtionem, putrescunt, & aliquantam inde noxam trahunt.

Unde etiam grandinum, quæ ex guttis pluvialibus coagulantur, aquâ ab eadem exhalationum miscelâ, pestilentissimam Plinius vocat. Spiritus enim illi qui humori nubium se confundunt, non solum ex terra, sed variis etiam mixtis & plantis aliquando venenatis, in altum extrahuntur, ut lib. 2. diximus, circa materiam fulminum.

Hinc errant etiam quidam apud Athenzum lib. 2. qui nivalem aquam saluberrimam contendunt. Hippocrates enim, Aristoteles, & Plinius, ut inquinatissimam damnant: & reverà terrestre illud, quod in ea subsidit, satis indicat in sinceritatem. Nec verum est, quod aiunt, frigus, quo gelatur vapor nubis in nivem, exprimi halitum; sed includitur potius, & in eisdem floccos cum vapore alligatur. Unde Agellius lib. 19. cap. 5. cum in illa plurimorum hæresi esset, bibendi nivalem, scribit se ad meliorem sententiâ reductum à Peripatetico quodam, & auctoritate Aristotelis asseverantis ἀπὸ χιονος καὶ κρυσταλλῶν ὕδατα φαῦλα εἶναι, aquas è nive & glacie vitiosas esse. Non malè igitur Nero Princeps, cetera ferè pessimis, invenit artem decoquendi, vitroq; in nives demissam refrigerandi aquam: ut sic voluptas frigoris, sine vitiis nivium, contingeret: coctura enim halitus expellit, & rarefactione aquam laxat ac tenuat, ut citius & penetrabilius externum nivis frigus accipiat.

De noxa aquæ glacialis, non videtur perinde certum. Nam glacies ex summa & levissima parte aquæ coagulatæ:

atur: purissima etiam, ut apparet; quia terrestre quodcunque & facutinum succumbit in fundum. Fortè tamen deo Aristoteles condemnat, quia exhalationes perpetuò ex aëre in terram & aquam subsidentes, circa supremā aquarum cutem hærent, seque ei confundunt. Hinc etiam intelligitur, fontium illos esse deteriores, qui labris suis, & rivorum quos influunt alveolis aliquid allinunt, aut musco investiant; hæc enim alicujus impuritatis, etiam si oculis statim non sentiatur, indicia sunt.

Porro raritas & tenuitas aquæ non unâ ratione exploratur. Hippocrates tam quæ igni promptè obedit, celeriterque postea deponit fervorem, tenuem & laudabilem dicit. Quæ enim corpulentiores sunt, frigus pertinaciùs retinent; sed ubi semel etiam incaluerunt, segniùs ad naturalem rigorem, calore contumaciter in densitate illa hærente, redeunt. Palladius ad incolarum adspicit valetudinem. Si sanis pulmonibus & thorace, renibus & vesica sunt, salubrem indicat aquam, quæ per illa corpora trajicitur. Talis igitur nostra Spadana: nam in eo pago multi seneciones integrâ valetudine decrepiti, sicci etiam & adstricti, & castigatissima corpulentia plane lignei visuntur.

Si viscera etiam & hypochondria citò deserat, tenuitatis est signum. Nam tenue penetrabilius est: & Aristoteles affirmat ideò in mare demersos tardiùs, quàm in flumine, suffocari; quia fluminalis tenuior est marinâ, ocyusque in omnes corporis sinus & angulos se insinuat.

Quæ etiam valdè rara est, speciem corporis submersi, ut v.g. lapidis, aut baculi, minimè inflat & refringit; sed ejusdem molis & figuræ apparet, quâ in aëre. Talem aquam se inter Paduam & Vincetiam, in loco, qui cubalus dicitur, vidisse asserit Vicello lib. 10. theor. 42. Fluvii deinde qui onera navium non ferunt, ut Silas in India, insigni, sine dubio, raritate sunt. Uti etiam Borysthene, cujus aquæ alteri fluvio Hypani supernatant.

Pondere denique, densitatis & tenuitatis discrimen deprehenditur. Sic Pirene, fons ille Musis sacer, omnium qui in Græcia levissimus & tenuissimus repertus

ab Athenæo. Cotyle Attica Eulei fluminis drachmam unam minus olim, quàm aqua Tygris aut Euphratis, pendebat : & ob hanc dotem, Parthorum Reges Euleû & Choaspen bibebant, eosque, quamvis in longinqua, plaustis comitabantur. Snellius noster lib. 2. cap. 5. Eratosthenis asserit, aquam pluvialem graviores esse distillata in cubo pedali, duabus uncis & granis sexcentis duodecim : putealem verò propensorem pluviâ, uncis septem & granis trecentis septuaginta. Aqua etiam post brumam, gravior à diligentioribus reperta est: ubi scilicet spiritus illos subterraneos in se extinxit, & inde crassamentum sibi fecit. Unde per clepsydras olim diffluens, hiemales horas paulò longiores reddebat æstivis, exitu tunc ob crassitiem tardiore.

Ceterum, flumina rapidiora, & scopulis multis, aut insulis assilientia, magis frangunt & laudabiliores reduunt suas aquas : ideoque Avicenna præfert civitates & loca quæ talibus alluuntur : imò Plato libro de Legib. vetat civem suum in urbe pernoctare, in qua aut leges exulant, aut nullus fluvius currens : illud enim animum inquit, hoc corrumpit valetudinem. Renuat fortassis igitur Insulis Flandrorum hospitari, ubi fluvius, qui Contracum non fluit, sed repit testudineo gradu, pigerrimus est, ac ob minimam alvei inclinationem, pæne stagnans; qualisque omnino Ticinus in Italia apud Poëtam Consularem:

Sil. lib. 2.

*Vix credas labi, ripis tam mitis opacis,
Argutos inter volucrum certamina cantus,
Somniferam ducit lucenti gurgite lympham.*
Alveus igitur magis præceps fodiendus, ut torrentior sit unda, & exercitio tenuetur.

ARTIC.

ARTICULUS IV.

*Quid censemus de variis miraculis aquarum, quæ à
Scriptoribus passim aut sparsim jaçantur?*

X Anthum annem irruere, Cratim & Celsiphum fontes candorem, Penium nigritiam pecori facere, affirmant multi: & de Clitumno, in agro Falisco Propertius:

*Quæ formosa suo Clitumnus flumina luco
Integit, & nivios abluit unda boves.*

Quidni autem cum Theophrasto accredamus? qualitas enim aquæ per corpus nostrum infusa movere temperiæ valet: nonne etiam senectus, nonne ingens unius etiam noctis sollicitudo & animi anxietas, multis canitiem extemporalem fecit?

Sic quoque fons unus in Bæotia memoriam, alter oblivionem, violato cerebri temperamento, adducere potest. Nam & quendam aquam melissæ vino albo infusam, & per distillationem iterum extractam, memoriam correxisse, lib. 2. Subtil. Cardanus est auctor. In Cilicia esse fontem, qui sensum bibentibus acuat, in Cea insula, qui hebetet, doctissimus Romanorum M. Varro dicit; nec habeo, cur refellam: tantumdem enim facit, vinum modicè, aut largiùs sumptum. Nec hoc magis mirum: Clitorium in Arcadia, vini creare fastidium: audi illum ingeniosum:

*Clitorio quicumque sitim de fonte levavit,
Vina fugit gaudetque meris abstemius undis.*

Ovid. 15:
Metam.

Ova etiam noctuarum eodem valere narrant. A visco quodam stomachi parietibus aut orificio adhærente credo fieri hanc nauseam: sic etiam qui multis ovis se semel aut iterum inferciunt, eorum in posterum amittunt appetentiam.

Sed quid de quinta essentia Cardani, sive aqua illa distillatitia, quam ætherem vocat, viresque corporis, & vitam in longissimum tempus producit, existimamus? In Boniæca etiam insula, non procul ab Hispaniola novi Or-

bis, fons è vertice montis salit, qui senes ad juventutem revocet, etsi canitiè non aboleat, nec impleat rugas. Cujus rei inquit Cardanus præter perseverantè famam, locuples testis Petrus Martyr Angerius Mediolanensis, Regis, Hispaniarum olim à secretis, in suis orbis nuper inventi Decadibus Et confirmari potest, succo fructus arboris vitæ Paradisi, qui ex sententia D. Thomæ, & magis accepta, vim naturalem habuit corrigendi vergentem jam in senium ætatem, & humidum, ut vocant, radicale instaurandi. Quidni igitur humor aliquis sit, è terra, naturali fonte scaturiens, aut Chymica & distillariâ arte præparatus, qui partibus fortè quibusdam heterogeneis constet, quarum aliquæ vi purgandi, & recrementa humorum quæ partibus singulis animalium allinuntur, & calorem naturalem suffocant, abstergendi, polleant; aliæ verò optimo succo præditæ, in substantiam viventis, sine ferè pugnâ, facessant, humidumque radicale largiter instaurent?

Verùm, etsi non facilis sit refutatio naturalis talis succi; non credo tamen adhuc repertum: nam cur aliàs Cardanus tam citò finitus est, si æthereum illum succum habuit, qui ad nostrum hanc eam ætatem, & per tot annorum circulos circumducere potuit? succi ergo hætenus cogniti, excellentia solum quædam medicamenta, aut alimenta sunt, quæ lapsantem, aut delapsam valetudinem restituere aliquoties, non in perpetuum (etiamsi sæpè repetantur) valent: senes autem etiam tardant, & aliquandiu sustinent, nunquam ad carceres juventutis, ut iterum decurrat, revocant. Illud etiam satis credibile, Lyncesti fluminis Macedoniæ aquam temulentos facere. Naso lib. 5. Metamorph.

*Hinc fluit effectu dispar Lyncestius amnis,
Quem quicumque parum moderato gurgite traxit,
Non aliter titubabat, quàm si mera vina bibisset.*

Plin. lib. 2.
cap. 103.

Hanc autem ab acore quodam, acidulam vocari asserit Plinius. Unde in parte, acidulæ nostræ Spadanæ est similis: quam etiam expertus sum largiùs potam cerebrum paulisper tentare, & invitare somnos. Minus tamen longè, quàm

quàm Lyncestus, qui spiritalior, & halitu aliquo minerali plenius fumat.

Fontes plurifariam esse, quorum aqua in rivum effusa stet statim & lapidescat, compertum etiam est. In Peru, calidum quemdam vidit Jos. Acoſta, qui brevî in rupem se durat : unde ferro exciduntur lapides idonei etiam ædificiis, & similimi, quantum conjicio, flaventibus illis & mollihus nostris Mosæ-Trajectinis. Aquam etiam Stygis in lapidem coagulari multi tradunt, & mortiferâ *Sen. lib. 3. cap. 25.*

esse, quia alligat viscera. Plinius tamen frigidissimam, & omnia vasa perrodere, præter muli ungulam; idque ab Aristotele nostro repertum, & sic venenum illud ab Antipatro datum Alexandro affirmat, magnâ, inquit, Philosophi infamiâ. An igitur alumni sui necem machinatus cum Antipatro Aristoteles? Non credo Plinio. Curtius certè de Antipatro tantum, & filio Jollâ famam sparsam fatetur; de Aristotele silentium. Credidit tamen Cæsar Caracalla : qui, quòd Alexander videri vellet, Aristotelis libros abolere statuerat ; quia is propinati Alexandro veneni videretur auctor. Plutarchus etiam in Alexandro scribit, à quibusdam suspectatum Aristotelem : sed magis in eos inclinat, qui negant toxico interiisse, quia corpus ex animum multis diebus, nullo balsamo aut odoribus conditum, fervido & torrenti cœlo, sine tæbe, livore, & ullis veneni indiciiis permansit.

Illam autem vim Stygiam omnia vasa perrodentem, non in valdè miris Agricola ponit; & aquam metallicorum, quâ argentum ab auro secernunt, parum aut nihil acrimoniâ abesse dicit. Ad conciliandum verò aquæ, frigus intolerans, plurimum confert profunditas venæ, deinde Mercurii sive hydrargyri, aut etiam nitri mixtura. Nitrum enim ex utroque contrario spiritu, calido & frigido, sed isto uberius, contextum docet Bartholinus. Unde si aquæ hîc admisceas, promptissimè totam refrigerat, idem ergo fieri credendum etiam in subterraneis.

Fontes autem qui lapidescunt, plurimum gyphi ac tenacis luti vehere certum est, unde lapidibus materia.

Sunt

Sunt quoque qui injecta in lapides mutant. Talis vis Anieni, Italiae fluvio. in quo, cadaver à latrone demersum, & radicibus arboris implicitum, lapideum repertum ferunt. item nuces & amygdala in eum decidua, lapidescere vulgò notum est; appellarique à propinquo Tibure, bellaria Tiburtina. Nec opus plura exempla aggerare, quæ à Plinio & aliis satis celebrata. hoc tamen etiam addam. Albertus Magnus ætate suâ prope Lubecam extractum è mari ramum, cum intexto nido pullisque purpuri coloris scribit, quæ omnia in lapidem diriguerant. Aquæ igitur istæ aut reverà saxificæ sunt, & injectorum temperiem mutant, aut gypso solummodò incrustant.

Hoc etiam jam nimis est vulgare, Asphaltum, five mare mortuum in Iudæa, onera pleraque immerisa respuere. periculum in hominibus Vespasianus & Trajanus Casaries fecere: qui pedibus manibusque colligatis injecti fluitabant innoxii. miraculi causa, ut alibi diximus, est in densitate permixti bituminis.

Cyzici etiam fons quidam Cupidinis appellatur, à quo amantes (ô salutarem Meridionalibus, & omni genti amariæ fontem:) frigerari & amorem ponere, credidit Mutianas. & quid ni etiam faciamus? certè frigore, aut aliter consumendo genituras, id fortasse potuit. Hoc tamen merum fabulamentum est; in Andro insulâ, fontem Liberi patris Nonis Januariis semper vini sapore fluere. nisi tamen Genii cujuscumque mali artificium id fuit. Istud autem naturales causas propius accedit; in Dodone fontem Iovis esse gelidum, qui cum faeces immerfas extinguat rextinctas tamen accendat, si statim admoveantur. Nam spiritus sulphurei, quos exhalat, in facem recens extinctam & adhuc fumantem incidentes, flammari facile valent, & rursus facem animare. Alia præterpropter innumera congeri possunt: sed abstinuo, ne paritas ista Philosophis nostris, & quicumque morosioris palati, fastidiû faciat. Tales enim ferè in æmœnitates illas historiarum despuere solent. sed hæc, si placet, saltuatim, aut omnino non attingant; & ignoscant, quia non ipsis solis & unice scribo.

Onerabo

Onerabo etiam nauseabundos istos hoc auctario. Scriptura sacra sæpissimè gratiam illam quæ animas sanctificat, appellat aquam. *Qui sitit, veniat; & qui vult, accipiat aquam vitæ gratis: Apoc. 22.* Hinc S. Petrus epist. 2. cap. 2. impios vocat *fontes sine aqua* : quia gratiâ carent; cujus capacem naturam habent. sed super omnia pulchrè & disertissimè Christus Dominus Ioan. 4. ad Samaritanam : *Qui biberit ex aqua quam ego dabo ei, non sitiet in æternum : sed aqua quam ego dabo ei, fiet in eo fons aquæ salientis in vitam æternam.* Fons enim gratiæ salit in vitam æternam ; quia per actus quos aut effundit, aut quibus dignitatem suam affundit, visionem Dei, & vitam æternam promeremur. In multis autem analogia est inter gratiam divinam, & aquam. hæc sordes corporis, illa animi eluit : hæc æstum ventriculi, illa iræ, libidinis, & cæterarum perturbationum mirigat, aut extinguit : hæc arentes fauces. illa sitientia animæ desideria humectat, & mollit. Tria verò ista, à totidem aquæ qualitatibus proveniunt. abluit enim, quia cum densitate fluida est; frigerat, quia algida; humectat, quia humecta. In substantia etiam aquæ, gratiæ analogiam invenit. illa enim terræ infusa & permixta, salutarem succum in omnium plantarum venas & fructus transfundit : gratia, animæ infusa, & in eodem subjecto habitibus supernaturalibus confusa, per eos in actus supernaturales, ceu quosdam spirituales fructus, influit. Merito igitur S. Theresia, ut in libello quodam ejus legere nuper memini, aquam omnibus elementis in amore prætulit, & omnes divinos in animâ illapsus, per fontes, rivulos. & tubulos semper explicavit. Petamus nos, & cum Samaritana dicamus : *Domine, da nobis hanc aquam, ut non sitiamus.* Omnis enim Philosophia nostra, & universæ scientiæ humanæ, imò divinæ flaccidæ, marcidæ, exsuccæ, & arentes sunt, nisi in hunc gratiæ & charitatis humorem radices demittant. aut, si virêre in quibusdam & florêre videantur, plenitudinem illam & decorem inflante vanitatis ventro mentiuntur, scientia namque, divini amoris & gratiæ succo vacua, turgida & inflata est, nôsque similes sibi facit.

Procurasti.

Lib. 7.
Confess.
cap. 9.

Procurasti, clamat D. Augustinus ad Deum, *mihî per quemdam hominem immanissimo typho turgidum*, quosdam *Platoniorum libros ex lingua Græca in Latinam versos*. Tales plerique omnes *Platonici, Peripatetici, & cujusvis farinae æ sectæ Philosophi*, veræ Religionis & gratiæ exortes. in oculis suis vasti, grandes, & cothurnati. Felices nos, qui in tempora ista postuma incidimus, & habemus Christum, qui tot verbis & factis tumorem nostrum premit, exprimitq; ventos, & cogitationes, in quibus majores nostri evanuerunt in altum, unde relapsi præcipites in infernum. quos ne sequamur, miscenda

Matth. 11. *Ratio est: Discite à me, quia mitis sum, & humilis corde.* Corde, ait, non externo solum cultu: quomodo olim Cynici per summam superbiam, summisionem animi, & rerum humanarum contemptum profitebantur. Audiamus etiam discipulum istum Magistro consonantem: *I Cor. 1.* *Non judicavi me scire aliquid inter vos, nisi Jesum Christum & hunc crucifixum.*

Cur non etiam nos tanto, illo nescientiores, idem adjudicamus? Sed mirum, quàm difficulter superba nostra ignorantia in hoc iudicium & confessionem adduci possit.

CAPUT IV.

De Rore, pruina, melle, manna.

Finita aquarum, unde meteora aquea materiam sumunt, tractatione, ipsa jam ingredimur. Initium à rore, &c. facimus, quia in infima regione, & loco generationis, propinquissima sunt terris. Servabimus enim hic, quod antè in igneis: ab imâ aëris regione scansum ad superiores perveniemus.

ARTIC.

ARTICULUS I.

Qua causa roris.

Materia roris, vapor est; forma, mollis ille ex vicino aëre in terram relapsus. Causa efficiens à multis nocturna astra putantur. Poëta vetus, & amenissimus in pervigilio Veneris:

Humor ille, quem serenis astra rorant noctibus;

Manè virgines papillas solvit humenti peplo.

Sic Luna, roris mater, & roscida, à Poëta Georg. 3. appellatur. Verùm licet Luna, tepore molli vapores educendo, aut aërem laxando, ut guttulæ facilius in unum confluant, & se degravent, rorationem adjuvare possit: causa tamen efficiens præcipua, est nocturnum frigus; & forma substantialis vaporis, quæ ad frigus & densitatem, ac postremo ad gravitatem, materiam suam reducit.

Relabi autem rorem ex propinquo, inde liquet; quia compertum altiores montes parcissime irrorari; & humiles plantas, quàm altissimarum arborum folia, plenius inebriari. Causa est, quòd humilibus major aëris profunditas superstet, unde ros decedit. & hinc etiam calcei ambulantium in sicco, roscidâ nocte, amplius quàm caput, humectantur. Refluunt tamen etiam rores in colles, & montes, qui non excelcissimi: ut in montē Gelboë, 2. Regum c. 1. & in montem Sion, Psa. 132. Ex toto igitur à terrâ ad nubes intervallo relabuntur rores in altitudine viginti graduû ab horizonte, ut lib. de Cometâ anni 1585. credit Rothmannus; quia per tantam elevationem, sidera nocte surgentia, aut cadentia, evidentem refractionem patiuntur, multiplicatis intra totum illud spatium infinitis rorantium guttularum vaporibus.

Tempus ergo rorationis est nocturnum. quando scilicet vapor à Sole eductus, & ab ipso occaso destitutus, refrigerat se ac redensat, fitque jam aëre illo gravior, in quo antea levior natabat. Hinc sub auroram, cum plurimum noctis exivit, plures generantur, & magis frigent rores:

&

& in Zona torrida, ubi noctes toto anno duodecim circiter horarum sunt, nocturnus aër à longâ & gelidissimâ roratione frigidissimus est, ut de Africâ, Francisc. Alvarez, de Americâ, Ios. Acoſta, experti testantur. Et hæc causa est, præter cæteras, quæ zonam illam temperat, & præsentiam diurni Solis lenit.

Non abſtineo etiam, quàm bellatulam aliam rationem Io. Bapt. Benedicti, Epistolâ ad Adr. Panetium, huc addam, quâ ostendit, cur aër sub auroram gelidior & densior, quàm reliquâ parte noctis. Hoc enim frigus & densatio extremam partem noctis magis rorisfluam efficiet. Duo autem supponit, quæ vera sunt. Primò, umbram terræ, sive noctem, jaci semper in partem Soli adversam. Deinde, aërem inumbratum condensari; & eò arctius, quò Sol vicinum umbræ aërem magis calefacit & tenuat: nisi radii multi & conferti reflectantur in umbram. Ita flagrantissimâ æstate, umbras arborum gelidiores experimur. nec existimo id solùm ita videri, ex comparatione ardentioris circumstantis æstus: sed reverà plus frigoris (undecumque veniat) in aëre umbrâ perfuso tunc esse. Ratio est, quia ob rarefactionem vicini aëris quem Sol illustrat, ait Benedictus, aër alter in umbra se contrahit; quia aliqua aëris illustrati partes, rarefactione in umbram propelluntur, & unâ cum cæteris ibi colliguntur in unum nodum, quò autem major & diffusior est rarefactio, eò plures partes incurrunt in umbram, & à reliquis ibi refrigeratæ constringuntur.

Sed à quâ causâ, aër inumbratus, subito sic refrigeratur? Quia, inquit Benedictus? *naturaliter calor sequitur rarum, rariam calorem, & frigus densum, ac densum frigus, ut unicuique sana mentis patet.* Sed nullus Philosophus, qui paulò altius, intropicit, hîc acquiescet, Alibi profundius nos in hanc rem demitemus. Dico jam in transcurso; aut aërem naturâ esse frigidum, aut hunc terræ circumfusum, vaporibus plurimis mixtum & intextum esse, qui à radio calefaciente & diffundente liberati, ad frigus & nonnullam densitatem, per antiperistasin se reducant.

Hoc constituto, probat benedictus, aërem ante auroram magis densari & frigescere, quia à mediâ nocte, pyramis umbræ terræ, perpetuò recedit ab Oriente, & retorquet se versum Occalum; sic ut radius Solis manè radat & distringat aëris nostri umbram, quia igitur tunc infima regio quæ nobis impendit, & unde in nos refluunt rores, propinquior est radio surgentis Solis, quàm mediâ & concubiâ nocte; ideo densius cogitur, & se, ac unâ vapores ad rorationem magis refrigerat. Vespertino vero crepusculo, quia umbra terræ Solem versus Occidentem sequitur, aër noster perpetuò à margine umbræ, versus axem seu medium ejus, elongatur.

Omni tempore anni gigni possunt rores; sed facilius & affluentius autumno & vere. quia & vapores in materiam tunc suppetunt, & Sol nimio ardore non consumit. In nube etiam & flatu, ait, ex Aristotele nostro, ut pleraque solet, Plinius, non cadunt rores. Ventus enim paulò violentior materiam, ne coëat, dispergit: in nubilo autem, vel non attrahitur vapor rorifluus, vel certe non rorat, sed pluit.

Inter ventos, mollis Auster rores provocat; quia aërem ad guttularum confluxum laxat, & tepore insuper vapores elicit. Contrà tamen evenit in Ponto, Asiæ minoris Regione, inquit Aristoteles: quia Auster cò lassus, & excusso, longo volatu, tepore pervenit. Unde nec calore vapores provocat, nec antiperistasi insignis frigoris. Aquilo verò, ibi cum Regio Septentrionalis sit, gelidissimus per antiperistasin, exhalationes diurno Sole calefactas sic in unum compellit, ut vapores circa terram, aut in ejus poris hærentes, intepescant, & ascendant in materiam roris. Quod non solum in Ponto, sed omni Aquilonari Regione, ubi par Aquilonis & Austri qualitas, verum esse debet. Ex suprâ enarratis definies rorem: vaporem tenuem, in infima aëris regione, vi nocturni frigoris densatum, minutissimis guttulis in terram relapsam.

ARTICULUS II:

Effectus Roris.

MEL, & manna, effectus roris sunt, ut causæ materialis, ut statim dicemus. crucæ etiam, ac araneæ, & infinita insecta, à rore materiam sumere putantur. cum enim hic multas siccas exhalationes permixtas habeat, tepore Solis materiam utramque percoquente faciliè dispositiones concipit ad generationem imperfecti animalis.

Conchas etiam marinas, oscitatione rorem sorbere, & eo concipi gigni; in ipsis margaritas, multi docent post Plinium. Sed egregiè confutat Anselmus Boëtius lib. 2. cap. 37. de Gemmis. qui apertis plurimis gemmantibus conchis, deprehendisse se scribit, uniones eodem, quo testæ, animalis succo, concreescere. Cujus rei magnum indicium est, quòd ubi margaritæ fuscae sunt, aut alio colore tinctæ, interior conchæ testæ sit concolor.

Ros etiam ovibus & capris aliquam noxam affert. alvum enim iis citat, & auget bilem, aufertque aliquando vitam. unde prudentes opiliones non summo manè per roscida educunt gregiem, sed diem adultum expectant, donec Sol rorem resorbuerit.

Ambulatione quoque sub arboribus rorifluis quandoque contrahitur scabies aut lepra: ut ex Plutarcho docet Mercurialis, quia scilicet ros morficat & scarificat cutem, tam propter exhalationes admixtas, quàm quod superficiebus foliorum arborum, quas colliquat, deraudit. Nimis tamen superstitiosè delicati sunt, qui statim occidente Sole,

*Virgil.
Georg. 3.*

— *cum frigidus aëra Vesper*

Temperat, & saltus reficit jam roscida Luna.

sub testæ recurrunt, clauduntque curiosè fenestras: quas etiam manè non nisi serò aperiunt, domique se continent, metuentes roris relapsum. minimis enim istis, duranda cutis & valetudo est; ut respirare majora pericula valeat, quæ passim totâ vitâ incurrunt.

Rores

Rores etiam corpulentiam consumunt. Hinc alicubi feminæ crassulæ rore se lavant, aut etiam bibunt ad gracilitatem. Unde Theocritus in Thyrside, de vitulâ macrâ :

— — Μη πρῶνὰς σιτίζεσθαι ὥσπερ ὁ τέττιξ ;
Rorène vivit, more vicada ?

Observant deinde venatores, odorem ferarum obtundi nimiam roratione, unde plenilunio, cum maximè rores multiplicantur, difficulter canes olfactu feras assestantur.

Species quædam rubiginis, & vitium morbus, roratio appellatur : quâ acini, priusquam crescant, in callum decoquantur. Id autem accidit, cum deflorescentibus vitibus ros impluerit, non aqueus & fecundus, sed aridus, & permixtus noxiâ multâ exhalatione. Hæc etiam, ficcato vapore, instar farinæ, arborum folia respergit, adurit, & necat. Mannam rustici nostri vocant ; lupulūque salictarium maximè hæc lues infestat. & ab hac causâ, proventus ejus incertissimus est, maximè variante pretio.

Rubigo verò, sive robigo, in frugibus, & præsertim frumentaceis (legumina enim minùs eam sentiunt) est putrefactio quædam : cum exceptus spicâ ros aut pluvia non defluit, sed Sole ibi calefactus putrescit. Propter robiginem Robigalia sacra, ad eam avertendâ, Numa olim Romæ instituit : celebrabanturque tempore Plinii vii. Kal. Maii, quando seges maximè obnoxia robigini. Floralia verò deinde instituta ex oraculis Sybillinis, 55. Kal. Maii, ut feliciter omnia deflorescerent. In locum autem Robigalium & Florarium, Ecclesia Catholica dies Rogationum & Supplicationes illas amburbias & ambaruales die S. Marci, & tribus ante Ascensionem Domini diebus, substituit.

ARTICULUS III.

Pruina causa, & effectus.

PRuina fit, inquit eleganter & scitè Apuleius, si mollitia roris matutini frigoribus incanuit. Aut potius sic
C c finiri

finiri debet: Vapor in infima regione, priusquam in rorem convertatur, congelatus. Ita ergo ad rorem, ut nix ad pluviam, se habet. Causa materiales, est vapor; formalis, congelatio: per quam à rore differt. Efficiens, est hibernum, aut autumnale frigus. Duobus enim illis solum anni temporibus, & cœlo gelante provenit. Aliquando tamen etiam vere, imò æstate: certâ segetum lactescentium aut florentium pernicië. Ita anno 1607. & nupero 1635. pruina solstitialis, natantes in lacte suo spicas plurifariam in Belgio adussit.

Respergitur autem pruina per herbas instar raræ cuiusdam nivis. filatim etiam arboribus dependet: quia multæ vaporis & exhalationis sicciore mixtim guttulæ, in longum & catenatim succenturiatæ ac nexæ, si igore sic con- crescent; ut pyramides illæ glaciales dependulæ è sug- grundiis testorum.

Virgil.

Stiriâque impexis induruit horrida barbis..

Pruina verò hæc capillata, nebulam frequentissimè comitem habet: quia exhalatione multâ tenebrosâ & nebulosâ opus ad ejus generationem.

Finis & effectus principales (nam semper effectus aliquis, est causa finalis meteororum) pruinæ, est contractio spiramentorum terræ, ut circa plantarum radices, & in visceribus ejus contineatur spiritus, caloris vehiculum.

ARTICULUS IV.

De filiis illis qua D. Virginis appellantur.

PRUINÆ capillari affinia quodammodò sunt fila, quæ autumno maximè per agros, instar telarum araneorum, volant; multique in Belgio filia Divæ Virginis vocant. De quibus nil unquam me legisse memini.

Falluntur autem, qui retia araneorum vento abrupta & arrepta credunt. Non enim tot hîc sunt agrestes aranei, nec eorû fila tantæ longitudinis & crassitie sunt, & quod caput est, vix valido vento araneorû retia (in agris enim

enim retiarii ferè, non textores, quales in domibus habemus, aranei sunt) tenuitate filorum imperum fallente, & per intervalla transcribante, diffilari valent. fila tamè illa Virginea, tranquillo tantùm nascuntur & volant, sine valente ullo flatu. Itaque ex vapore percocto, & terrestribus ac viscolis exhalationibus contemperato, concre-
scunt. Temperatura autem similis est humori illi & excrementitio visco, quod aranei filatim è visceribus, aut, ut Aristoteles credit, è superficie corporis, in retia aut telam perpetuam deducunt.

Vere etiam tantùm & autumno gignuntur, quia calorem temperatum & siccitatem postulant. Autumno tamen maximè; quia aër tunc exhalationes siccas æstatis reliquas adhuc habet, quæ necessariæ ad hujus metecori temperiem.

ARTICULUS V.

De Melle.

Plinius lib. ii. cap. 12. inclinât ut affirmet, mel cœli sudorem, aut quamdam siderum salivam esse. queriturque ac dolet, plurimum fordium contrahere, & taminari, tam longo, à cœlo ad terram, delapsu. Sed si hoc esset, non æstate magis quàm hieme decideret. multos etiam annos in via consumeret, tam lento in terram defluxu. Denique sidera non salivant, nec vaporibus aluntur, quod credit Plinius.

Nascitur ergo apud nos mel, & instar rosis è vicino aëre delabitur. Dubitat tamè Seneca Epist. 84. inveniantne ipsum in floribus apes, an succum tantùm quemdam, quem spiritus sui proprietate, ut loquitur, & adhibito quodam veluti fermento, in melleam substantiam densent & coagulent. quod postremum placuisse videtur Erasmo in Dialogo, Ciceronianus. Non statim mel est quod adferunt, inquit: fingunt ore visceribusque suis liquorem, ac in ipsa transformatum, rursus ex sese gignunt. Sed tamen liquorem, & succum illud dulcem, siue spiritus à melle

apum jam elaborato differat, (quod satis probabile est) five non, mel in Meteorologicis appellamus.

Materia ejus, vulgò exhalatio terrestris putatur aqueo vaporì permixta, & unà fermentata. Sed magis probem, exhalationes siccas, plantarum simul admisceri; & ab istis esse præcipuam dulcedinem. Nam certum est, halitum florum & plantarum, in quas humor ille decubuit, incitare aut hebetare suavitatem mellis. Nec de nihilo Poëta :

Mellifer electis exercitiis obstrepat herbis.

Eclog. 5. Herbas enim reverà eligunt; quia non omnes parem dorem affundunt melli: ex floribus autem odoriferis, & jucundi spiritus, qualis thymus, mel laudatissimum : ideoque talibus delectantur apes,

Ovid.

——— *Et olentia nacta*

Pascua: per flores, et thyma summa volant.

Contrà, herbæ venenatæ spiritu pestilenti mel inficiunt, ut auctor Plinius, & Dioscorides. & præsertim flos acniti, & napelli cucullatus, ut affirmat Amatus in Dioscoridem. apes etiam Sardiniaæ amarum colligunt ex absinthio. Signa mellis venenati sunt: si non densetur, & protinus moveat sternutamenta. tale etiam ponderosius est innoxio. Ex his faciliè intelligitur, cur non ubique mel sit ejusdem dotis. quia scilicet non ubique flores sunt unus halitus. vapor etiam in Regionibus calidioribus melius digeritur; & ideo Hispanicum præstat Belgico. In Russia tamen. Regione Aquilonari, excellentissimum nascitur; quia æstivi dies longiores sunt, & radii solares, etsi obliqui, spatio tamen ad percoquendum valent. Aliquam etiam laudis partem ferre oportet qualitati herbarum: apibus deinde. Nam ideo in Peruana Regione mel prævum & dilutum gignitur, inquit Cardanus, quia apiculæ tantum sunt muscis simillimæ: Tali fortasse victitavit S. Jo. Baptista in eremo. Inter mella, Dioscorides, Cardanus, & Medici passim rutilum præferunt: sed Amatus asserit, candidum hodie palmam habere, si à calore natum sit istum colorem, quale Olysiponense & Æthiopicum, quod nivibus nihil cedit de candore. In tota Italia præstat,

præstat, quod ex Cephaleniâ, maris Jonii insula, advchitur. quod dulcius saccharo expertum se. Cardanus dicit. Triplex autem est genus mellis; Anthinum, sive vernum, quod legitur è primis floribus. Horæum, sive æstivum, sic dictum à tempestivitate præcipua: colligitur enim post solstitium; per dies ferè 30. Syrio ardente. Tertium, vocatur ericæum, sive autumnale, ericâ florescente, omnium minimæ laudis.

Mel vim exsiccandi, & calorificam in secundo gradu (id est in quarto, apud nos Philosophos) obtinet: & pituitosis putatur perquàm utile. à calida verò complexione vertitur in bilem, à putredine etiâ præservat, *Græci Plutar. Medici dabant olim ebriis panem melle illitum contra Sympof. ebrietatem, dum irent cubitum, quia frangit vini vires: lib. 3. q. 7.* quod mirum, cum mulsum, sive hydromeli nostrum, tam potenter inebriet. Veteres hydromeli ex melle & aquâ pluvîâ, aut nivali purâ, temperabant. Aristæum primum omnia n apud Thraces docuisse artem miscendi mel vino ad œnomeli, auctor mihi Plinius.

Cantipratanus Belga ait, circa solstitium tantum in Belgio, & modicâ quantitate mel defluere: noxiûmque ovibus ac capris; ideoque opiliones tunc cavere, ne citò manè, antequam Sol roscida & mella vaporaverit, educant greges. Plenilunio plurimum mellis gignitur, sed ubertas roris ipsum facit dilutius.

Quousque ad mellificationem avolent ex alveari *Lib. 11: apes, incertum videtur. Operantur, ait Plinius, intra cap. 8. sexaginta passus, addit tamen, subinde consumptis in proximo floribus, speculatores ad pabula ulteriora mittunt, Bodinus verò ad 14. etiam miliaria, evagari credit, id est, ejus sententiâ, ad longitudinem semidiametri horizontis visibilis, sive quousque oculus noster videre valet in superficie terræ.*

Hoc etiam à multis celebratum, vinum optimum esse in medio, oleum in summo, mel in imo. Ratio est, inquit lib. 17. Subtile, ex Macrobio & Plutarcho Cardanus: quia vinum summum ab aëre circumfluo, infimum à face patitur. supremum autem in oleo pinguisimum, quia levissimum,

levissimum, est. mel verò imum, quia gravissimum & densissimum, præcipuam dulcedinem habet. Hinc non immeritò Alexion apud Plutar. lib. 7. q. 3. Sympos, ridet Hesiodum, qui suadet strenuè è vino bibendum, dum vas aut plenum, aut se è vacuum est; parcendum verò, cum ad dimidium decrevit. quid enim stultius, inquit, quàm optimo abstinere, donec expiret & evanescat.

Ladanum non diversum à melle meteorum, sed species ejus est, in Cypro præcipuè nascitur, villisque ac barbis caprarum, pastibus matutinis, adhæret, dum rorulenta est Cyprus. Sed tandem adverte, hæc, & id genus alia quæ in meteoris habentur, reverà tamen non esse: si mel, manna, &c. formam substantialem corporis mixti (quod est vero simile) non elementi habent. concrescunt tamen ex vapore, ut ros, & legitima alia meteororum aqueorum.

ARTICULUS VI.

De Mannâ.

Manna apud Græcos & Latinos veteres, micæ quædam thuris sunt. Plinius lib. 12. cap. 14. *Micas concussu* (in vindemiâ thuris) *elisas, mannam vocamus*. Hinc merito ubique Galenus de mannâ, ut medicamento adstringente, mentionem facit: cum meteorologica nostra manna, inter laxantia sit. An verò Galenò cognita fuerit, dubitationem habet. Affirmat Amatus: et esse quod, non mannam, sed *α'ερόμελι* & *δ'ερόμελι*, *mel aëreum* & *rosacidum*, appellat. aitque in monte Libano copiosum nasci, ac pellibus per terram expansis, arboribus decussum excipi. Vix autem differt manna à melle, nisi corpulentia & concretionem, unde etiam quandoque in granula quædam se colligit: quæ si minora sint, granata; si majora, mastichina manna appellatur. Est ergo manna succus dulcis, pinguior & densior melle, ex rore et exhalatione percussus, & in infima aëris regione, nocturno frigore

frigore concretus. Meurerus existimat, specie à melle, non solo accidente, distingui: quia manna purgat bilem, mel auget. Sed mel crudum, ut Amatus docet, tantumdem valet, alvumque subducit: licet calida corpora id vertant in bilem. In Syria & Indiis uberrimus mannæ proventus: Cardanus tamen in Calabria laudatissimam nasci affirmat; Amatus etiam in Lusitania, Meurerus in Germania: imò Lemnius in lib. de S. Scripturæ plantis, narrat se tranquillo manè hinc Lovanii invenisse circa exitum veris, in mœnibus

Dubitant S. Scripturæ Interpretes, An manna, quæ 40. annis Israëlitis in deserto pluit, ejusdem speciei fuerit cum vulgari meteorologiâ, Francis. Valesius lib. de Sacra Philos. cap. 57, affirmat. Repugnant tamen alii: quia corpora, inquiunt, nimis laxa & fluxa fuissent, tam longo veluti pharmaci laxantis usu. Deinde, Num. c. 11. faciebant ex manna tortulas saporis quasi panis oleati. quod in mannam nostram non competit. Sed alia pro Valesio reponi æquè & probabilius possunt: quòd sapor *Exod. 16.* ordinarius fuerit quasi similæ permixtæ melli, quòd albi coloris, quòd evanesceret incalescente die, quòd figurâ seminis coriandri. Nam hæc universa mannæ nostræ, præsertim Polonicæ, satis assident. *Vidi ego grana (mannæ, quæ serenis Junii & Iulii noctibus in Polonia cadit)* inquit Cornel. à Lapide Comment. in Exod. *suntque instar millii; sed longiora & rubicunda: pultesque inde confectas gustavi. sapor est, qualis est pulvis ex panico.* Nec valde movere debent, quæ alii contrà rejiciunt. nam certum est, multa accidisse supernaturaliter mannæ Hebræorum, quæ assumi non possunt ad arguendam speciei diversitatem: ut quot 40. annis depluerit abundissimè, quòd non ampliùs in sportula sua inveniret qui plus quàm qui minus collegisset, quòd saporem ad arbitrium sumentis videret, ut sapientiæ 16. legimus. carnes enim in ea gustabat, qui vellet; aut si mallet, pisces, &c. Sic igitur potuit & esse ejusdem speciei cum nostra, & solidam tamen, non fluxam & marcentem alituram præbere. Vocatur autem Psal. 77. panis Angelorum: quia

maturinum rorem & halitus colligebant Angeli, & inde mannâ pinsebant, & fermentabant, & activa passivis componendo.

Lib. 2. de
Incendio
amoris.

Figura etiam Eucharistiæ nostræ fuit, quæ verè panis Angelorum, & omne delectamentum in se continet. Non pluit amplius, sterili hoc sæculo, apud Sacramentarios nostros, cœlestis hæc manna: nec cæci & miseri intelligunt, quanto & quàm inenarrabili bono careant. *Quàm mira dulcedo*, inquit D. Laurent. Iustinianus, *& stupenda jucunditas*, ut quem non meremur nominare, possimus mastigare! Sed manna absconditum est, nec omnes voluptatem illam exsugere sciunt, etiam qui sumunt. Sacramentarii blandiantur sibi quantum velint: nullum sub cœlo eos majores infortunium incidere potuit, quàm non agnoscere tantum benignissimi Creatoris beneficium. *Venite Fratres mei Catholici, exultemus nos domino, jubilemus Deo salutari nostro.* Effundamus in altaria nostra, & coram illo corda nostra. Res ab initio Ecclesiæ disputatissima, certissima est: in hanc Fidem intellectum sine hæsitacione præcipitemus; in amorem, quàm possumus profundissimum, voluntatem abjiciamus. Miraculum sine dubio, omni stupore dignum est, quomodo divinum illud corpus, sub tenui superficie sic delitescat, & tã altè, ut sic dicam, defossum sit, ut nullius oculi, nullius intellectus acies ad ipsum penetrare valeat. Sed alia opera Dei, quæso, metum considera: dispeream, si ullius etiam minimæ rei fundum reperiās. Certè dum cogito hunc totum Mundum nusquam antea fuisse, & tamen jam esse factum; dum in plantis & animalibus, conformationis artificium; dum arenulæ unius è partibus infinitis compositionem: & uno verbo, dum omnia universim circumspicio, nescio quò præcipuè defigere debeam admirationem. Sed comprimō calamum, plura in partem istam tam beatam blandamque scripturientem.

Sed non teneo tamè, quin etiam hoc adjiciat, quod Te, Illustr. & Reverend. Tornacensium Præsul, Maximiliane Villane, magno animi sensu, nuper audiivi narrantē. Sacramentari rideant aut ringantur, silentio perire res tanta non debet.

Redidas

Redibas olim, ante Episcopales istas Insulas, ex Italia: & dum Divioni, quæ urbs est Ducatus Burgundici capitalis, aliquantulum hæsitas, inaudisti foris, Sacramentum ibi postero die populo ostendendum, in quo visibili se specie quorundam oculis Christus Dominus ingereret. Et dum dubitas placeatne etiam visere, ad Ludovici Francorum Regis exemplum, qui oculos olim à simili spectaculo avertit, ne experientia, Fidei carperet meritum: ivisti tamen, sed alia mente: Ut hinc aliorum infirmitati peteres & subjiceres aliquod fulcimentum. Et ecce dum oculos acrius paulisper in sacram Hostiam defigis, cæteris se quidquam, præter orbiculum illum candoris, cernere negantibus, Tu puerorum omnium, quotquot unquam cælum tulit, formosissimum, purpureâ & talari tunicâ decoriter amictum, rosâ & renidenti facie hilarem, defluentibus per lacteam cervicem sufflaventium crinium globis amabilem, ætate & magnitudine duodécim circiter annorum, vides. Et dum stas subito oculorum & animo raptu aliquamdiu attonitus, & innarrabili simul voluptatis effusione ecstatiens, puerilis illa species in imaginem Dominicæ Resurrectionis, & virum sepulchrali spelunca emicantem repente se figuravit: & sensim deinde evanuit.

Similitudo memoriam mihi suscitât divini illius Viri, Thomæ Cantipratenfis, qui Lewis. S. Petri prope Bruxellam nostram ortus, primùm Canonicus Regularis S. Augustini in Illustri Cantipratenfi juxta Cameracum Abbatia, deinde Ordinis S. dominici, Lovanii Supprior, & sacrarum Litterarum Lector, denique Cameracensis Suffraganeus, in toto Belgio circa annum Christi 1260. eruditione & sanctitate clarus fuit. Is Libro Apum 2. cap. 40. interfuisse se Duaci in Templo S. Amati, simili spectaculo scribit. Historia longiuscula est: sed cui rei melius attramentum & chartam impendemus?

Videant nobiscum hæretici nostri, & rideant, si ita pervicaciæ collibitum: nos infiniti illius Numinis bonitatem admiremur, cui deliciae sunt, esse cum filiis hominum.

Postquam

Postquam Auctor narravit Miraculi exordium, *Hæc*, inquit, cum audissem fama vulgante, veni in oppidum Duacense: accessi ad Decanum Ecclesiæ S. Amati, cui optimè, notus eram: petii videre Miraculum: annuens ille, præcepit ut fieret: aperta est theca, concurrunt populus, moxque ubi pyxis revolvitur, clamant omnes: Ecce jam video, ecce conspicio Salvatorem. Stabam ego attonitus, nihil videns, nisi tantum speciem panis albißimi: nihil quidem conscius mihi, quare sacro-sanctum Corpus cum cæteris non viderem. Nec diu mecum ista volvebam, cum ecce vidi faciem, in mensuram ætatis plenitudinis Christi, spinæam habentem in capite coronam; & duas guttas sanguinis de fronte ex utraque parte nasi per faciem descendentes. Mox igitur genibus flexis, cum lacrymis adoravi. Surgens autem, nec coronam in capite, nec sanguinem vidi: sed faciem hominis super omnem effigiem honoratam; conversam ad dexteram, ita ut vix dexter oculus videri posset. Nasus erat admodum longus, directus valdè, supercilia arcuata, oculos simplicissimos & demissos habebat, casariam longam super humeros descendentem, barbam intonsam, & sub mento curvatam, exterminatamque sub rictu jocundissimi oris: ex utraque parte menti, nudas propè a pilis habebat valliculas, ut in juvenibus apparere solet, qui à puero barbam nutrierunt: frontem latam, macilentas genas, & collum longum, cum capite parum inflexum. Hoc schema, hic decor benignissima faciei. Eam autem diversi diversimodè sub unius hora spatio videre solebant. Alii in cruce extensum, alii quasi ad iudicium venientem, plerique, & hoc ex magnâ parte, sub pueri formâ viderunt.

Dicent alii quod volent; ego impudentes eos, qui tam sincero narratori non credent.

ARTICULUS VII.

De Saccharo.

Saccharum vox Arabica est: res Veteribus etiam cognita, recensetque Dioscorides inter species mellis: sed nesciverunt

nesciverunt coquere, ut hodie faciemur. Est autem succus quidam dulcis, quem Indi, & alibi experimuntur ex arundinibus.

Quique bibunt tenerâ dulces ab arundine succos.

Lucan.

Cocuram tamen etiam non ignaram eis fuisse, censet noster Lipsius Epistol. Seneca 84. diciturque Papinii versu :

lib. 3.

Et quas percoquit Ebusia cannas.

Rudimentum tamen hodiernæ coctionis fuisse credo, quam satis nuperam, docet Amatus. Quidam Antiquorum, saccharum salem Indicum appellant : quia pars succi, calore Solis evocata, concrevit in superficie arundinum, specie resina, & splendentis salis.

Materia sacchari hodie copiosissima Antuerpiam, & in Belgium, ex insula S. Thomæ, Canariis, & maderâ advehitur. In insula S. Thomæ, sub ipso Æquatore, molunt cannas, & quod superat expresso succo, objiciunt porcis, qui inde in tam miram teneritudinem pinguescunt, ut carnes de bonitate cum capis Hispanicis certent, denturque vulgò ægris & ventriculis invalidis, ad facilem concocturam.

Saccharum gignit sitim, spiritusque calidos ac lucentes continet : unde si cultrum ei affrices (quod sæpè sum expertus) in tenebris, lucem velut igneam excuties, idem nullo ferè irritò & frustrante. Albius minus calorificum esse, censet Amatus. Saccharum autem reverà meteorum non est, quia corpus perfectè mixtum : imò verius est, non è vapore aut rore in cannas deciduo gigni; sed esse humorem alimentarium, radice è terra attractum, ac veluti arundinum sanguinem,

CAPUT V.

De nube, & nive.

Materia nubis est vapor, multâ exhalatione contaminatus, ut ex aqua pluvix, & nivalis impuritate liquet. Forma, est concretio & densatio in medio, aut circiter, aëris regione.

Materia verò nivis est nubes; Forma, congelatio. Refrigerescit autem vapor & exhalatio à formâ istorum habituum substantiali, vel frigore aëris, à vapore aliquo præcedente refrigerati; vel denique, quia ipse fortasse aër naturâ suâ frigidus & frigorificus est. Congelatio verò nivis, à gelidâ & siccâ venti alicujus nubem perstringentis, exhalatione est. Libro enim tertio docuimus, omnem congelationem & gelu à talibus ventis alligari & concrecere.

De altitudine nubium à terra, respice ad cap. 1. Libri primi, ubi quantitatem regionum aëris definimus. Libro etiam 2, cap. 3, a. 17. ostendimus, ex distantia more inter fulmen visum & tonitru, colligi posse intervallum nubis fulminatricis à terræ superficie. Nubem sic defines: Vapor exhalationi mixtus circiter mediam aëris regionem, frigore citra congelationem densatus, & hærens.

ARTICULUS I.

Qua causa nubes in media aëris regione suspendat.

A Sole, vi quâdam magneticâ suspendi, Antonius Berga, & Scaliger, Exercit. 79. credunt. Sed perperam: quia sic nocte universæ nubes reciderent in terram, desertæ à Sole occidente. Sol enim apud Antipodes lucens, vequit hemisphærii nostri nubes in aëre sustentare. Meurerus non dissolvit, sed unico ictu abscindit difficultatē, dicitque à Deo sustineri. Sed Deus tales effectus non so-

let

let sine causis secundis producere. Secundam autem inquirimus, quæ cum ipso *ligat aquas in nubibus.*

Job. 26.

Dico primò: Non aliter nubes suspenduntur à Sole, quàm quia ab ipso taretur humor, & levitatem ad scandendum, & in sublimi consistendum, accipit. Patet ex dictis, & jam dicendis.

Dico secundò: Æquilibrii leges, quibus graviora in medio liquido succumbunt levioribus, tenent nubes in aëre. Probatur exemplo omnium quæ aqua vehuntur. Lignum enim, & universa quæ natant, ideo non merguntur, quia æquale, aut minus ponderis obtinent, quàm humidum paris extensionis, in quo sustentantur. Nam hinc est, ut calculus exiguus defluat in aquæ fundum, non trabs ingens, infinito pænè illo propensior: quia calculus, inquam gravior est aqua illa, cujus præscisè locum occupat, trabs non item: si enim aquæ molem trabi parem, cum ipsa in trutina appendas, aqua sine dubio præponderabit. Idem eveniet, si humores inæqualis ponderis, ut v.g. vinum & aquam, in unum confundas: gravior enim semper subsidet. Si alibi ubique natura servat hanc legem, nubes & aër ab ea exlex non erit.

Sed nubes densiores aëre sunt, ut docent Plinius, Thimon, Scaliger, & plerique ferè, ut video, omnes. Igitur & graviores ipso eodem erunt: cum gravitas respondeat, & sequatur densitatis modum. Probat Plinius lib. 2: cap. 42. quia Solem nobis obnubunt, conspiciunt tamen urinantibus per quamlibet aquarum altitudinem.

Verùm eodem argumento conficeret, esse ponderosiores totâ etiam profunditate maris: quod palam à vero longè diffidet. Igitur in re qualibet opacitas à densitate valde distinguenda est, ut Jo. Bapt. Benedictus Epist. ad Venereum scitè docet. Vitra enim, crysalli, margaritæ, damantes, densissimi sunt; nec tamen opaci: contra, mumices, suber, & plurima genera lignorum rariora sunt, cum opacitate: gravitas autem non opacitatem sequitur, sed densitatem. Nubes ergo plus opacitatis & caliginis, quàm aër infimæ regionis, habent, minus densitatis & gravitatis.

gravitatis. Ratio est, quia aër inferior vaporibus densioribus, sed pellucidis, pinguescit; sive, ut eleganter Aristoteles, *Διὰ τὸ ἀτμίζεν τε, καὶ ἀναθυμιάσειν ἔχει τὸ γῆς*. Propter evaporationem, & quia exhalationes terra accipit. Quidquid enim in nubibus rotulentum est, moliter redensatum, aut continuum, aut guttatum divisum, in aërem subiectum, victo aequalibrio, leniter defluit: alia verò vaporum pars rarior, & tenuiori quodammodò filo contexta, caliginosis terræ & corporum mixtorum fumis permixta, stat in sublimi pendula. Unde opacitas nubium præcipua non in puro aquæ vapore, sed exhalationibus corporum gravium opacorum consistit: quod ex nebulâ intelligi potest, quæ est, sterilis & fumosa nubis portio: hæc enim ad nos usque delapsa, etiam è vicino insignem opacitatem & caliginem ostendit. Nubes autem quò longius ab oculo absistit, eò opacior & tenebrosior apparet.

Tota hæc doctrina per refractiones siderum confirmari potest. Nam ideo orientium & occidentium astrorum refractiones ampliores & insigniores sunt; quia radii, cum sidus juxta horizontem est, per longiorem infimæ regionis aëris tractum, qui aëre mediæ regionis densior est, transit. Unde Tycho, aërem superficiem terræ ambientem, sextuplo densiorem esse colligit illo, qui 30. gradibus à terra elevatur; ubi siderum omnium refractiones evanescere solent. Sicuti ergo rectè colligimus aquâ densiorem aëre, quia res ex fundo aquæ conspecta, speciem sui dilatat, & ut Optici loquuntur frangit. ita idem argumentum ad aërem infimæ & mediæ regionis transferre possumus. Cum enim summus solaris disci limbus horizontem stringit, in aëre etiam quàm potest densatissimo, refractionem esse 34. scrupulorum, Tycho animadvertit: id est, limbus ille tot scrupulis apparet emergere supra horizontis lineam. Diversis etiam anni temporibus refractiones ampliantur, aut restringuntur: hieme enim majores sunt, & quodocunque aër inferior rotulentus magis est; estate, & sereno ac sicco, minores.

Iidem etiam vapores infimæ regioni intertexti, & eam degravantes,

degravantes, faciunt ut nullum, præter Solem & Lunam, fidus ferè unquam à perspicacissimis etiam cernatur ad ipsum horizontis limbum; sed demum post aliquantam elevationem.

Finio igitur ac iterùm inculco, nubes opaciores, sed rariores tamen & leviores esse nostrate in quo respiramus aëre: ideòque in sublimi natate & suspendi, ceu lignum in aqua se graviore. Hinc quo tenuior & rarior est nubium vapor, eò altiùs in cælum scandit, & quousque aërem paris secum ponderis invenit. Et inde etiam est, ut plures sæpè nubium ordines & suggestus cernamus: leviores enim stationem sublimiorem quàm aliæ pigriores obtinent. Unde etiam manè citiùs ab aurora afflantur, & vesperi seriùs retinent crepusculum.

In hanc denique meam sententiam deduco pedibus manibùsque, ut jam video nostrum Aristotelem. Nam lib. 2. cap. ult. Meteor. dicit contra Empedoclem (aliud tamen agens) absurdum esse, pluviam, nivem, grandinem, in nube consistere, antequam excidant: quia scilicet nihil gravius & propensius stare valet & quiescere in medio rariore. Igitur nec nubes ibi penderent, si densiores & ponderosiores forent aëre qui infra est. Hæc audiens, minuet fortasse admirationem suam Plinius lib. 31. cap. 1. *Quid esse, inquit, mirabilius potest aquis in cælo stantibus? At illæ, ceu parum sit in tantam pervenire altitudinem, rapiunt eò secum piscium examina: sæpè etiam lapides subverunt, portantes aliena pondera.* Posterioribus verbis alludit, nisi fallor, ad lapides & pisces pluvios, quos nimis, ut puto, simpliciter, è mari aut fluminibus cum vapore in altum subire existimat.

ARTICULUS II.

Figura nubium circularis est: adversus Cardanum.

Cardanus lib. 17. Subtil nubes in utraq; superficie planas esse contendit. In primis, quia earum dorsum complanatum cernitur ex altissimis montibus. Secundo, etiam inferior superficies æquali semper à terra intervallo abesse

abesse videtur in terræ superficie ambulantis: Tertiò, quia nubium agmen lineâ rectâ, agitur, & exhibilatur ventorum flabris.

Certum tamen videtur, nubes æqualis ponderis in eodem circulo componi circa terram, si tamen aër, in quo una & altera pendet, sit uniformis densitatis: Ratio est, quia nisi densitate dispares sunt, per medium uniforme, æquè altè scandunt à terræ superficie: hæc autem circularis & rotunda est; igitur & nubium circa eam catena debet esse talis. Sæpè tamen nubibus interlucet aër, stantque utrimque veluti alti quidam nubium montes, nec in hiatus illum inter eas medium defluunt, ut rimam faciant, & impleant circulum; quia haud dubiè aër qui rimam replet, æquæ densitatis & gravitatis est cum adstantibus utrimque æquali à terrâ distantia nubibus.

Ad primum Cardani respondeo, Convexam nubium superficiem è monte videri planam, ob curvaturæ amplitudinem? sic enim etiam terræ aut maris dorsum planum & sine gibbo apparet, licet reverà gibberum sit, & assurgat in tumorem.

Secundum à nobis pugnat & nescio quid Cardano venerit in mentem. Si enim orbiculari motu, terræ globo inambulantibus ubique nubes æquali altitudine, capitibus imminet: igitur in orbem etiam dispositæ sunt. Nam si transversim in rectum decurrerent, aliæ sine dubio aliis excelsores forent: nisi terræ superficies, in quâ ambulatio instituitur, simili schemate complanetur.

Tertium etiam, falsum sumit. Venti enim non in rectum, sed in orbem nubes agunt. Si enim lineæ, per quam spirant, esset recta & parallela horizontis plano; quò longius à vertice nostro abducerentur nubes: eò altius perpetuò ascenderent: cum tamen devergere potius & ad horizontem inclinare appareant: quando verò ab horizonte ad verticem expelluntur, scandere quidem videntur; sed revera non faciunt: sic enim etiam fidera attolli dicimus, & deinde deprimi in Occasum, licet pari semper à terra distantia circumagantur. Ratio est, quòd cœli stringere terram, aut mare, in circulo terrestri infra quem nihil

nihil propter globi curvaturā, aspicere possumus, videatur
Et inde est, ut Poëta Auroram & Solem fingant e
mari surgere.

Oceanum interea surgens Aurora reliquit.

Et alius:

*Jam premit astra dies, humilisque ex aequore Titan
Rorantes evoluit equos. —*

Pari modo recidere veperi in pelagus videtur:

Præcipitem Oceani rubro lavit æquore currum.

Et ille adhuc magis mendax, de Solis equis:

Flammiferum condunt fumanti gurgite currum.

Hic etiam ex Anaxagoræ disciplina: qui Solem, ferrum
candens existimavit, stridorem extincti in aquā addit:

*Condiderat jam Solis equos Tartessia Calpe,
Stridebatque freto Titan insignis Ibero.*

Nubes autem ultima quam veluti tangentem terræ cir-
culum, in quo visus noster deficit, cernimus, non impen-
der illi circulo, sed longè satis ultra est. Cardanus enim
lib. 17. Subtil. docet, lineam, quæ ab oculo per punctum
contactus tumoris terræ ad nubem quæ puncto illi atti-
gua apparet, protenditur, sexagies longiorem esse distan-
tiā nubis visæ à terra. Unde, si nubes duobus passuū mi-
libus à terræ superficie absit. oculus 120. millibus passuū
diffitam nubem, quasi horizonti terrestri tamen incu-
pantem, aspiciet. Quia verò nubes humore grävda &
pluens, plerumq; non ultra 500 passus à terra dividitur,
tam, stillicidiaque ipsius, non nisi intervallo triginta mil-
lium passuum, sive decem leucarum Belgicarum, videre
possumus: quòd enim ultra est, infra terræ curvaturam
(nisi à subjecto terræ puncto sit elevatius 500. passibus)
cadit.

Hinc quia alibi experimento & narratione nostrorum
nautarum, diximus, punctum terræ aut maris ultimum,
quod à nobis videri potest, sex circiter Belgicis leucis dis-
tans, punctum esse ab oculo aspicientis, quatuor leucis ultra illud
punctum nubem depluentem cernere valebimus. Id
est, si colliculi omnes, & terræ verrucæ interjectæ de-
planentur, & in circulum telluris redigantur; Lovanio

De

nubem

Aeneid. 4.

*Stat. A-
chil. 1.*

Georg. 3.

Sil. lib. 1.

Auson.

nubem, in verticem Reginz urbium, formosissimæ nostræ Antuerpiæ, & ultra, se exonerantem videbimus.

Ista tamen Cardani doctrina aliquantum à vero delirat. Rem enim 500 passibus supra superficiem tranquillæ & strati maris in aëre suspensam, ex distantia ferè 60. milliarium Italicorum, sive 20. Belgicorum, spectabilem ab oculo natante & mari contiguo, ex regulis tangentiû docemur. Nubes ergo pluviosas & humore turgidas, quæ 500. passibus à tellure avelluntur, ultra vigesimum milliare Belgicum, & in vicinos Hollandos reciduas, veluti horizontis nostri limbum coronantes, oculo in pede hominis elevato, Lovanii cernere vellemus.

Quomodo igitur, inquires, Libro 4. visibilem horizontem intra sextum milliare Belgicum finiri decrevimus, si nubes illas horizontales etiam ultra vigesimum jam rejicimus?

Sed de horizonte in superficiæ telluris, non in nubibus circumscripto, sermo ibi fuit: cujus semidiameter sex solidum milliaria Belgicorum nobis facta, major etiam justo videre potest. Nam oculus sex pedibus (quanta est ferè altitudo justi hominis) à superficie terræ elevatus, & nihil extrinsecus refractione mediæ adjutus, non ultra tria milliaria Italica, sive singulare Belgicû, per glaberrimam etiam telluris curvaturam, mittere aspectum valet. Linea enim recta convexâ terræ superficiem tangens, in tertio milliaria Italico à puncto contactus, sex circiter pedibus à superficie terreni globi discedit. Sed hac præcisione Mathematicâ Libro 4. in definienda semidiametro horizontis visibilis, usi non sumus, sed Physicâ potius, nauticâ & rudi Minervâ: quæ docet, oculum supra staturam hominis in navem sublatum, vel à navium extravidas eminula, & refractione insuper infimi & vapidi aënis elevata, ab octavo decimo Italico milliari, sive Belgico sexto, cernere.

ARTICULUS. III.

De nive & causis ejus.

Auctor Libri de Mundo, & Plinius lib. 17. cap. 2. nivem, *aquarum cœlestium spumam* esse credunt, Nubes enim mutuâ collisione spumare aiunt, & subito deinde rigore spumam istam in nivium floccos gelati. Sed falluntur. Sine etenim ullo flatu, & nubium conflictu, sæpè nives generantur. Non est igitur necesse, spumam fieri ante nivem, sed sola nubis congelatio facit illum candorem.

Brevissimè ergo & scitissimè ab Aristotele nix definitur, Nubes congelata, Unde materia nivis, transiens, est nubes: forma, gelu, quo stat & stringitur: efficiens, acris frigus: finis, stirpium salubritas. Nam qui dixit *hiemes serenæ optandas, non pro arboribus vota fecit*, ait lib. 17. cap. 2. Plinius. unde experientes agricolæ hiemes potius gelidas & nivales habent in votis: exinaniantur etenim plantæ nimio tepore hiemis, languoremque in posteram sibi pariunt festinatâ germinatione. Etsi autem communia arborum frugumque vota sint, nives diutinas sedere, si nimis tamen pertinaces sunt, nimio frigore nocent, & ex matribus ubertatis, novercæ fiunt, ut loquuntur nostri Germani.

Dubitatio hæc, cur ex nube, priusquam in nivem rigescat, non generetur semper pluvia, Vicomercatum exagitat. Magis enim frigus ad stringendam nivem, quàm molliter coëundam pluviam, est necessarium. Cum igitur non congeletur nubes in momento, oportet antè per gradû frigoris transire, qui sufficit ad pluviz generationem, quâ ad ulteriorem & intensiorem perveniat, quo nubes obrigescit in nivem. Respondet, fortasse non eandem esse nubem, nivium & pluviz facundum: nubes enim, ait, sicciore est materia nivis, humectiore pluviz, Sed tam perfunctorio conatu evadere non potest. Nam omnis nubes humorem pluviam continet, aliâ enim mera

esset exhalatio. Deinde, nix ipsa in aquam tabescit. Denique expertum est, ex eadem nube, in montibus ningere, pluere in vallibus: quod accidit, quia nix longiori per repentem infimæ regionis aëra delapsu, liquefcit in pluviam, antequam ad terram veniat.

Nodum itaq; aliter, & sic dissolvo. Exhalationes siccae per omnes vaporis nubilosi venas sparsæ, à subito & improbo frigore corripuntur & extinguuntur (& hinc nulla, aut paucissima fulmina, per antiperistasin frigoris, in nube n. vali gignuntur) & cum vapore aqueo in eandem nivis, ut sic loquar, telam & contextum alligantur: Causa hujus ulterior, ac magis intima est, quòd ideò vaporis minutissimi pulveres & atomi, interjectis exhalationis particulis ubique interpolati, in guttis grandisculas se colligere statim nequeant, ut pluvia ante nivem proveniat. Ad hæc, aër etiam ipse mediæ regionis densus ac veluti rigens, guttularum confluentem distinet & impedit: oportet autem stillicidia ad certam plenitudinem pervenire, ut in formam pluviae refluere valeant. Eadem ferè causa est, cur vapor, rigente hieme, ore humano exspiratus in nivem illam barbarum citius, quam in pluviam concreseat: idque si frigus majus & improbius fuerit: si enim paulò mollius, tunc antè vapor in rorem vertitur, & deinde in pruina duriora aut stiriam glaciæ ob- rigescit; qualem non rarò in barbis rusticorum nostrorum, hieme ad forum confluentium, cernimus.

Dubitationem etiam habet, cur nix, quam pruina, mollior sit, cum frigore asperiori concreseat. Nix enim in media regione argentissimâ, pruina infima, & quidem vapore mollissimo, qui materia roris, coagulatur. Vicomercatus censet materiam pruinae plus siccarum exhalationum continere, quàm nubem, materiam nivis; ideoq; aridiorem & asperiora esse, licet tenuior sit. Verùm licet id nō omnino abiciam; inspicet tamen pruina, multas particulas vaporis jam ante concretionem, ad naturam aquæ rediisse, & postea glaciatas judicabis; indeq; esse præcipuam ejus duritiem; pruina quippe ex minutissima & farinulenta glacie componitur, infinitaque minima

minima specula continet, quibus Solē & lucem reflectit. Cujus rei etiam hoc indicium accedit, quod in pruina sæpè viæ perpetuâ glaciei laminâ loricatæ & gypsata visantur ut calcari nisi lapsa bundo vestigio, non possint. Et hæc etiam videtur causa cur pruina novellas germinationes, magis quàm nix, adurat: glacies enim pertinacius nive adhæret; ut nec Sole statim tabescere nec ventis diffilari queat.

Tempus nivale, hiems est: & licet aliis anni tempestatibus nubes vento aliquo gelante concreescere valeant, dissolvitur tamen facillimè in pluviam antequam terram tangat, minimo infimæ regionis tepore.

Decidit autem per floccas, sive particulas lanarum floccis similes: quia etsi tota & continua nubes frigore dirigerit, frangit se tamen in lapsu, quia floccatim, ut pluvia guttatim, facilius aërem dividit. Alludit Psaltes: *Qui dat nivem sicut lanam.*

Psal. 147:

Venti nivales sunt, qui etiam in gelu frigore & siccitate valent: Aquilonares, & qui ad Ortum vergunt. Flocculi tamen his flatibus, minores & magis farinulenti sunt; pleniores verò Austro, Favonio, & quicunque plus humoris vehunt.

Montes, & omnia loca altiora nivosa magis sunt; ut in Arduennâ nostrâ, & toto Limburgensi Ducatu experimur. Ratio non penes nivalem influentiam aliquam celestem ibi dominantem queri debet; sed quia mediæ regioni aëris propinquiora magis frigent, & nives, quæ longiori lapsu in aquam diffluunt, integras adhuc excipiunt, & retinent diutius.

ARTICULUS IV.

Effectus nivis.

Principalis, est incolumitas frugum: spiritû enim terræ, plantis vitalem, nix continet, & suppressit, ut circa radices hæreat; & ipsa etiam multo halitu salutari turet, quæ cum humore blando & tenui, terræ venis inspirat

esset exhalatio. Deinde, nix ipsa in aquam tabescit. Denique expertum est, ex eâdem nube, in montibus nungere, plueri in vallibus: quod accidit, quia nix longiori per repentem infimæ regionis aëra delapsu, liquefcit in pluviam, antequam ad terram veniat.

Nodum itaq; aliter, & sic dissolvo. Exhalationes sicca per omnes vaporis nubilosi venas sparsæ, à subito & improbo frigore corripuntur & extinguuntur (& hinc nulla, aut parcissima fulmina, per antiperistasin frigoris, in nube nivali gignuntur) & cum vapore aqueo in eandem nivis, ut sic loquar, telam & contextum alligantur: Causa hujus ulterior, ac magis intima est, quod idcirco vaporis minutissimi pulveres & atomi, interjectis exhalationis particulis ubique interpolati, in guttis grandiusculas se colligere statim nequeant, ut pluvia ante nivem proveniat. Ad hæc, aër etiam ipse mediæ regionis densus ac veluti rigens, guttularum confluxum distinet & impedit: oportet autem stillicidia ad certam plenitudinem pervenire, ut in formam pluviae refluere valeant. Eadem fere causa est, cur vapor, rigente hieme, ore humano exspiratus in nivem illam barbarum citius, quam in pluviam concreseat: idque si frigus majus & improbius fuerit: si enim paulò mollius, tunc ante vapor in rorem vertitur, & deinde in pruina duriora aut stiriam glaciæ ob- rigescit; qualem non rarò in barbis rusticorum nostrorum, hieme ad forum confluentium, cernimus.

Dubitationem etiam habet, cur nix, quam pruina, mollior sit, cum frigore asperiori concreseat. Nix enim in media regione argentissimâ, pruina infima, & quidem vapore mollissimo, qui materia roris, coagularur. Vico- mercatus censet materiam pruinae plus siccarum exhalationum continere, quàm nubem, materiam nivis; ideoq; aridiorem & asperiora esse, licet tenuior sit. Verum licet id nò omnino abjiciam; inspicet tamen pruina, multas particulas vaporis jam ante concretionem, ad naturam aquæ rediisse, & postea glaciatas judicabis; indeq; esse præcipuam ejus duritiem: pruina quippe ex minutissima & farinulenta glaciæ componitur, infinitaque minima

minima specula continet, quibus Solē & lucem reflectit. Cujus rei etiam hoc indicium accedit, quod in pruina sæpè viæ perpetuâ glaciei laminâ loricatæ & gypsata consistantur ut calcari nisi lapsu bundo vestigio, non possint. Et hæc etiam videtur causa cur pruina novellas germinationes, magis quàm nix, adurat: glacies enim pertinacius nive adhæret; ut nec Sole statim tabescere nec ventis diffuari queat.

Tempus nivale, hiems est: & licet aliis anni tempestatibus nubes vento aliquo gelante concreescere valeant, dissolvitur tamen facillimè in pluviam antequam terram attingat, minimo infimæ regionis tepore.

Decidit autem per floccas, sive particulas lanarum floccis similes: quia etsi tota & continua nubes frigore diruerit, frangit se tamen in lapsu, quia floccatim, ut pluvia guttatim, facilius aërem dividit. Alludit Psaltes: *Qui dat nivem sicut lanam.*

Psal. 147:

Venti nivales sunt, qui etiam in gelu frigore & siccitate valent: Aquilonares, & qui ad Ortum vergunt. Flocculi tamen his flatibus, minores & magis farinulentissimi sunt; pleniores verò Austro, Favonio, & quicunque plus humoris vehunt.

Montes, & omnia loca altiora nivosa magis sunt; ut Arduennâ nostrâ, & toto Limburgensi Ducatu experimur. Ratio non penes nivalem influentiam aliquam celestem ibi dominantem quæri debet; sed quia mediæ regioni aëris propinquiora magis frigent, & nives, quæ longiori lapsu in aquam diffuunt, integras adhuc excipiunt, & retinent diutius.

ARTICULUS IV.

Effectus nivis.

Principalis, est incolumitas frugum: spiritum enim terræ, plantis vitalem, nix continet, & suppressit, ut circum radices hæreat; & ipsa etiam multo halitu salutari turgens, quæ cum humore blando & tenui, terræ venis inspirat

Existimo etiam, nives nucum avellanarum favere proventui, & hinc copiam nucum, signum minimè mendax esse fertilitatis arborum; ut hoc anno 1626. & alias sæpe experti sumus. Virgilius 1. Georg.

Contemplator item, cum se nux plurima filvis

Induet in florem, & ramos curvabit olentes :

Si superant fœtus, pariter frumenta sequentur,

Magnaque cum magno veniet tritura calore.

At si luxuriâ foliorum exuberat umbra :

Nequidquam pingues palea teret area culmos :

Tempestas igitur quæ Cereri, eadem avellanis est amica. Nix, quia mirificè algida, adhibita olim ad frigeranda vina à delicatis. Invenimus quomodo stiparemus nivem, conqueritur lib. 4. Nat. cap. 13. Romanus Sapiens, ut ea æstatem vinceret, & contra anni fervorem defenderetur loci frigore. Servabant autem, uti & glaciem, inter paleas in subterraneis. Chares Mitylenæus, qui res Alexandri scripsit, narrat, Alexandrum in Indiâ triginta fossas jussisse excavari, replerique nive, superjectis quercuum ramis, nivemque ita diutissimè integram & sine tabe perdurasse. Romæ autem olim, rerum potiente luxuriâ, nivis & glaciei erant officinæ. Pergit in querelas ille Sapiens: *Ardentes boletos, & raptim condimento suo mersatos demittunt penè fumantes, quos deinde restinguunt nivatis potionibus. Videbis, inquam, quosdam graciles, & palliolo focalique circumdatos, pallentes & agros non sorbere solum nivem, sed etiam esse, & frustra ejus in scyphos suos dejicere, ne inter ipsam bibendi moram tepescant. Sitim istam esse putas: febris est.*

Esu etiam nivis, candidos Alpium lepores credidit Plinius. Non solum autem lepores, sed & perdices albas se in Alpibus comedisse, Scaliger scripsit: imò & hirundinem, quæ tamen hîc aut in Italia non hibernat, vidisse candidissimam. Denique in Scythia, Norwegiâ, & novissimis Septentrionis locis, aquilæ, falcones, accipitres, milvi, vulpes, ursi, corvi, candidi inveniuntur, ut Aristoteles & Scaliger testantur. Sed ex esitatione nivis esse illud colorem non existimo, sed phantasiâ & imaginatione matrum.

trum. Nam sic etiam pavones generari albos, multi tradunt: si inquam, locus ubi ovis incubat, albo totus inducatur: jugis enim illa albi imaginatio simili colore aspergit lætum.

Conimbricenses aliq; credunt, crystallum montanum nive liquatâ, & deinde glaciâtâ, constare: quia nullibi, ait Plinius, nisi ubi maximè hibernæ nives rigent, reperitur. Negat tamen Agricola, & noster Boëtius: quibus, magis accedo: quæ enim frigore concrescunt, igne liquefcere solent. crystallus verò cremata, calcem solum ac salern ostendit, humore nullo effluente, ut etiam advertit Fallopius.

Imminente nive, rigor aëris remollescit; quia spiritus aliquis adhuc tepens, constricta nubes deorsum exprimitur: post lapsam etiam nivem, frigus hebetari, manifesto experimento discimus: causa etiam est in spiritu illo, qui inflat, & præcipue inalbat nivem: hic enim nivali tempestate diffluit & spargitur per totum aërem. Lux etiam fortasse illa nivis affundere valet aliquid languidi saltem & fracti teporis. Et ab hoc etiam est, ut jacente nive vestigia ferarum odoratiores sint, ut Theophrastus & venatores nostri adfatentur.

Hoc quoque effectis nivis accenseri potest; defluxu ejus sic sonos obsurdescere, ut vix è proximo colloquentes se intelligant. Ratio est, quia species soni non longè per floccorum decidentium intervalla potest meare; cum alii statim flocci occurrant, qui interpellant, & quocunque deflexerit, semper offendat, & impingat in alios. Sic nuper in bellis nostris, quidam palorum contextus inventi contra moschetorum ictus: ita enim compositi & catenati sunt, ut si glans per primorum intervalla transeat, in alium offendet; & si declinet, etiam alter se illi objiciat: sicque impetus toties hebetatur, tandem frangitur, & ante vulnus exspirat.

Denique mirum est, & tamen etiam in me aliquando expertum; bulimiam non raro corripit, qui diutulè ambulat in nive: Ira olim M. Bruto evenit, cum à Dura Apolloniæ iter faceret nivali die: sic enim subito defecit, ut

misso quoque iam milite, panem ab iis coactus sit petere (nam panis unicum bulimiam laborantibus remedium est) ab iis, qui contra eum in portis excubabant: & humanitatem istam, captam postea Apolloniâ, egregie repperit clementiam in cives insigni.

Agellius lib. 16. cap. 3. bulimiam, seu bulimum, cum fame caninâ, confundit: secutusque Theod. Gaza, versione septimi Problematis Aristotelis Sectionis octavæ. Verum apud Hippocratem, Galenum, Avicennam, aliud esse βούλιμον à fame canina, quæ ὀρεξις κυνώδης appellatur, egregie demonstrat. Iul. Guastavinus in illo Aristotelis Problemate. Est enim bulimia potius deliquium quoddam virium, quàm canina illa voracitas, quæ ex atrabile, vel acidâ pituitâ os ventriculi occupante nascitur, ut docet Ant. Musa: Plutarchus lib. 6. q. 8. Sympos. credit, halitus nivium per poros agitatione itineris & calore dehiantes, in corpus se penetrare, meatusque largius aperire, sic ut calor naturalis multus & confertim exspiret, viresque corporis destituat: unde sudor tenuis & rorans toto corpore oboriri solet: & confirmatur, quod equi ac asini, ficus & poma diu cum fatigatione portantes, huic malo sunt obnoxii: spiritu scilicet etiam istorum fructuum, quem plurimum exhalant, in poros se sufficiente.

Hæc non prorsus contemno, præcipua tamen deliquii causa videtur esse in ventriculo, & reliqua membra per sympathiam cum eo malè affici: hic enim, meo proprio experimento, convellitur, contorquetur, & irritatur ad vomitum: unde præsentissima medela est in acri & profundâ tussi, quâ ventriculus & pulmo spiritus nivales, respiratione attractos, vel aliter se insinuantes, excutiat. Itaque halitus ventriculum inflantes & morficantes, mihi nunc videntur princeps causa bulimiae: panis vero spiritu contrario, benefico & salutari, laborantem ventriculum solatur & recreat. Nec aliter capiendum existimo, quod aiunt quidam, Democritum triduo, solo panis recentis odore pastum, & vitam tolerasse. Non enim ex illo halitu alimentum, quod toti corpori sufficeret, rapere potuit; sed solatio tantum inani ferè ventriculum fallebat.

De

De albedine, an candore nivis, multa hîc altercari animus fuit. magna enim reverà dubitatio est, an alba sit, albore scilicet illo, quem vulgò à candore lucis distinguimus. sed totam hanc rem in Libros de Animâ differre placuit. Hoc certum est, spiritum quo rurescit, causam inprimis esse illius candoris. nam vetustate, & halitu evanescente, rufescit.

De locis nivosis, Bodinus negat sub Æquatore ningere, Fracastorius in Æthiopia, dum Sol est in Cancro, ideoque à tabe nivium contendit non inflari in principio æstatis Nilum. Sed uterque manifestâ experientiâ refellitur. nam juga montium, à viciniâ mediæ regionis argentia, per omnem Torridam toto anno canitiem retinent. Plinius tamen, nives in alto mari nunquam decidere affirmat. An quia halitus marinus tepens ante delapsum eas liquat?

CAPUT VI.

De pluvîâ.

ARTICULUS I.

Quid pluvia, & quatuorplex.

Definitur à Philosopho, nubes in aquam conversâ, & guttatim decidens. Materia igitur ejus transiens, nubes est: forma lapsus per guttas & stillicidia. Conversio autem illa nubis, non est substantialis: vapor enim nubis formam aquæ habet, & eam pluvie tradit. Mutatio igitur accidentaria est, à calore vaporis ad frigus. ex quo alia consequitur mutatio à raritate ad densitatem; ac deinde resultat gravitas, quâ aëri, in quo vapor pendet, præponderat; & denique delapsus. Isque in stillicidia idèò dispersus, quia pronius sic & mobilis aëra dividit. Celerius autem per æstatem, quàm hiemem, defluunt guttæ; quia aër tunc fluxior & dissolutior, nec

nec hibernâ illâ densitate cadentibus resistens. Recta etiam, nisi ventus aut alia causa à lineâ expellat, centrum terræ petunt. Si enim lineæ pluviales parallelæ essent, multæ guttæ non in terram, sed in oppositum hemisphærium reciderent : contra pluviarum finem, qui irrigare terram. Quò ergo guttæ, terræ magis propinquant, eo propius invicem admoventur, & densius cadunt. Sed quomodo verum, quod Wesenbecius noster lib. 8. Digest. de servit. urban. præd. ait, Si jus avertendi stillicidii in arcem vicini habes, licere stillicidium altius tollere, quia *quod ex alto cadit, levius cadit*; & interdum nec directè pervenit ad locum servientem? quo pacto levius cadit, quod vires acquirit cadendo? Verè tamen dixit. Nam aqua canali defluens, in exitu densior & continua est; spargiturque deinde & comminuitur longiori lapsu, minorique impetu & dissipato terram plaudit, si tamen per maximam altitudinem cadendum esset, redierent ad se & jungerentur guttæ.

Guttæ rotundantur, inquit Albertus, ut tutius contra ambientem aër à se protegant : vel quia angulos, si qui sint extantes, detergit ac defricat aër. oblongiores tamen paulò, credo, sursumque fastigiatæ sunt : quia pars vaporis gravior in guttæ basim defluit, spiritu in superiora se recipiente. Nimis ergo ridiculus est apud Aristoph. Strepsiades Socratis ille discipulus, qui credit guttis rotundis pluere; quia Iupiter *στα' νοσσίως ἔπει, per cribrum meit.*

Necesse autem est, ut superficies nubis latior sit, quàm defluens guttarum agmen; contrahitur enim vapor nubis in pluviam: quæ ubi cadere incipit, latissima est, & paulatim restringitur, quò propius accedit ad terram. Hinc intelliges, cæteris paribus, pluviam illam densiorem esse, quæ venit ex nube excelsiori. quod etiam verum de grandine.

Pluviz tres accidentariæ species sunt, stillicidium, imber, & nimbus. Stillicidium non sumo pro loco in quem guttæ è recto destillant; sed (quod multi faciunt) pro pluviam minutissimâ, quam alii vocant pulverulentam diciturque

citurque Græcis *ἰαλας*. sic Poëta vetustus :

Stillicidi casus lapidem cavat. —

quidam etiam simpliciter appellant guttam. Imber, est pluvia plenioribus guttis decident ; Græcis *ὀμβρος*. Nimbus verò grandibus & decumanis guttis proruit,

Stillicidia sæpè hieme, imbres autumnò & vere, nimbi æstate maximè degrassantur. Frigus quippe mediæ regionis hieme improbum alligat aërem, ne guttulæ vaporis plures faciliè confluant in unam grandiore, quod per ver & autumnum lenius est, finitque magis diduci & laxari aëra ad guttularum concursum. æstate, quia diffluit calore inferior aër, vaporisque & exhalationes plus fervoris nubibus inferunt, idè plenissimè in omnes guttas confluant undique greges stillicidiorum. Nimbi, ex nigerrimis & propinquissimis nubibus depluunt: quia humore tam largo & denso gravatæ, altè in aërem etiam sæpè infimæ regionis decumbunt; ubi ejus deinde antiperistasi in aquam & pluviam constringuntur.

Cæterum, dies quidam, apud Belgas, pluviarum atrii & infames sunt: & præcipuè quartus Julii, quem S. Martini Bullientis aut pluvii appellant. Si enim eo pluat, sex septimanas sequentes, inquit, imbres tenent. Sed annus hic 1626. & alii plures ostenderunt vanitatem: Fabula tamen mixturam aliquam habet veri. Si enim venti Occidentales, Belgis maximè humidi & embricitores, initio Canicularium aut Julii flare occipiant, satis pertinaces (quod duobus proximis annis nimium experti sumus) esse solent, & pluvias in medium sæpè Augusti extendunt. Similis ferè causa, diem sancti Marci fecit vitibus calamitosum: non quasi ipse singularis ac peculiaris sit in noxâ; sed quia circa finem Aprilis, intempestivæ quædam pruinæ, velut ultimæ hiemis reliquæ, quandoque concresecunt, quæ tenera vitium germina adurunt. Nec denique caret omnino ratione vulgaris versus de Virginis Purificatione :

*Si Sol splenduerit Mariâ purificante,
Majus erit frigus post Festum, quàm fuit ante.*

Splendent

Splendent enim, & maximè serenantur apud nos dies, Boreâ aut Cæciâ flante. qui si longiusculè Februarium incurrant, acerrimo gelu omnia incrustant: cùm gelidi & sicci sint (præsertim Cæcias, & qui à Boreâ devergunt ad Solem ortivum) & æstatis præteritæ tepentes omnes reliquias, hiberno & longo frigore extinctas inveniant. Hinc extrema nobis hiems hiemantissima & rigidissima sæpè est: solemusque vulgari adagio jactare, Februarium instar scorpii, extremâ caudâ acerrimè pungere.

ARTICULUS II.

[*Quàm altè aqua pluvia penetret in terram.*

Resolvit statim & intrepidè Seneca lib. 3. cap. 7. Nat. Ego tibi vinearum diligens fossor affirmo, nullam pluviam esse tam magnam, quâ terram ultra decem pedes in altitudinem madefaciat. Et video auctores passim magno assensu in experientiam ejus ire. Id verò capiendum de terrâ, quæ nec venas nimis raritate hiantes, nec nimis obstinatè conniventes & clausas habet. Per rimas etiam & commissuras montium, longè altiùs, & in ipsam terræ abyssum decidere pluviz possunt, De terrâ igitur continuâ, & præsertim arabili, intelligendum. Nec ampliùs, aut fallor, voluit Cardanus lib. 2. cap. 11. Variet. ubi pro decem Senecæ pedibus, reponit totidem passus. Nam Typographi, aut memoriæ ejus est error, respexit enim haud dubiè ad Senecam, decem autem pedes, duo tantum Geometrici passus sunt.

Hoc etiam bellum est, & meretur scientiam: arborum procerarû radices, vim calorificam Solis, & aquæ pluviz descensum in terram, ferè congruere; & omnes extendi deorsum ad dentum pedum sive duorum passuum profunditatem. Unde autem hæc congruentia, difficilis fortasse est explicatio. Accipe tamen quod venit in mentem. Prima mensuræ hujus origo videtur esse ab aquâ coelesti. hæc enim pondere suo primum terræ poros ac venas aperuit ad tantam altitudinē, ut ex proprio experimento

ximento sensit ante Seneca, & alii consentiunt. exhalationes præterea, & spiritus quos pluvia in nubibus concepit, tenuitate sua juvant, suntque humori pro vehiculo ad penetrandum, & diducendos terræ meatus: hinc enim aqua nivalis, quia spiritu multo turgida, tam lubrico & penetrabili illapsa eò se insinuat, quò aqua vulgaris sequi non potest.

Pluviam deinde secutæ sunt arborum altissimarum passim radices. Nam ut trunci sui & tot ramorum pondus aptè librarent firmenturque, satis altè oportuit infigi. nec tamen infra limites descensus pluvialis: quia aliàs (nisi casu aliquo humor alius profundior subfit) extremi radicum mucrones non reperient succum quem trahant. Igitur radices se potius undique in orbem spargunt, nec longè à terræ superficie recedunt, quærentes aquæ cœlestis alimentum. Arbores namque *mittere radices ad humorem* dicuntur Ierem, 17. Deinde, cum medulla & axis trunci plerumque in centrum terræ rectè despiciant, tam profundis radicibus non indigent, ut se ibi stabiliant, Unde etiam maximarum arborum radices quæ mediâ illâ trunci base enascuntur, sunt ferè valdè exiles. è lateribus autem crassissimæ obliquis, ut plurimum, & perplexis cuniculis effunduntur. nempe istæ, quæ contra flatus, & ramorum hæc illâc dependentium onus, arboris statum tueri & retinere debent. Ad quem finem, descensus earum infra decem pedes à superficie terræ, plerumque necessarius non est. Fabulosa igitur, aut hyperbolica Virgiliana illa quercus est, quæ

— quantum vertice ad auras

Aeneid. 4.

Aetherias, tantum radice in tartara tendit.

Ergo certè ante villam paternam, ingentem & ramosissimam quercum, ab abavo meo plantatam, ventis illis anni 1606. qui omnia præne in Belgio straverunt, radicitus everfam aspexi: & demiratus sum, exilibus & paucâ terrâ obrutis radicibus, tam immanem molem potuisse tot annos sustineri. terni enim viri expansis brachiis vix truncum fuissent amplexi.

Verùm quid platano ista facimus: quæ, Theophrasto
teste

teste lib.1.cap.11. de Plantis, Athenis olim in Lyceo re-
 perta ad 33. cubitos radices demisisse? Nam Fallopius
 lib.de Thermis cap.4.de descensu radicis per lineam re-
 ctam intelligit. quia, inquit, pro miraculo non fuisset
 (quod tamen affirmat Theophrastus) radicem effusam in
 obliquum ad 33.pedes. Sed Theophrastus non 33.pedes,
 sed cubitos, id est pedes $49\frac{1}{2}$. scripsit. quæ longitudo eti-
 am obliqua admirationem habet, in novella præsertim
 platano; qualem fuisse dicit. Et sic tacitè Theophrastum
 mihi interpretari videtur Marcus Varro lib.1.cap.37.Rei
 rusticæ. *Alia*, inquit, *radices angustius diffundunt, ut*
cupressi; alia latius, ut platani. & affert platanum illam
 Lycei, quam dicit *radices trium & triginta cubitorum*
egisse. egit ergo, sed in latum, non in profundum. Scio
 tamen etiam, quid de loto illâ, quæ Romæ in Vulca-
 nali, dicat Plinius: *radices ejus in forum usque Ca-*
saris per stationes municipiorum penetrasse. Sed miracu-
 lum id fuit. & cogita urbi Romæ arborem illam fuisse
 coævam, ut idem testatur, id est 820.annorum. tot enim
 circiter ab urbe conditâ ad Vespasianum effluerunt, sub
 quo Plinius. Calor etiam Solis non altius decem pedi-
 bus in terræ tergum & quousque aqua pluvialis, & arbo-
 rum radices penetrat: quia eousque terræ pori ferè laxi-
 us dehiscunt, ut aer ibi illatebratus, aut lumen Solis, aut
 saltem calorem ejus in summo terræ tergo hærentis, fa-
 cilius accipiat, & circumjacentium venarum, in quibus
 continetur, parietibus communicet. Laxantur autem po-
 ri in illa altitudine, ab aqua cœlesti, quæ usque cœle
 transcribat. Sed refellit nos, ut jam video, lib.16.cap.31.
 Plinius: *Quidam*, ait, *non altius descendere radices,*
quàm Solis calor reperficiat, idque naturâ loci tenuioris
crassiorisve, dixere, quod falsum arbitror. Apud aucto-
 res certe invenitur abietis (pinum Theophrastus lib: 2.
 cap.7. de Plantis, ex quo sine dubio Plinius sumpsit, pro
 abierte habet) *planta, cum transferretur, octo cubitorum*
in altitudine; nec totam refossam, sed abruptam. Verùm
 adfatemur etiam, altius quandoque aliquarum arborum
 radices agi: præsertim, quæ aprico & humenti solo gau-
 dent,

Lib. 16.
cap. 34.

ent, qualis abies. Excipi etiam specialiter abies debet, quæ unicâ ad ima descendente radice firmatur; quam id-
o profundiorẽ esse oportuit. Nec Plinii ratiocinium
illum ampliùs evincit.

ARTICULUS III.

De pluviis prodigiosis.

PRÆTER species pluviam illas ordinarias, aliæ quædam
prodigiosæ vocantur: non quia semper aliquid por-
tendant, & significant, à Deo præter rerum ordinem cœ-
præcipitata; sed quia aliquando sic est, aut quia vulgus
existimat. Ex his aliæ sunt sanguinæ, aliæ lacteæ,
aliæ carneæ, aliæ laneæ, ferreæ, lateritiæ, lapideæ, &c.
sanguinæ vocabuntur, si aqua rubricata decidat. quæ
mixture à minio, vel rubricâ, quæ cum vapore elevatur,
se potest, sic etiam in Armenia, ab halitu minii permix-
to, rubras nives aliquando decidere. narrat Iliad. A. Eusta-
sius. Sanguinei imbres, omnium prodigiosorû frequen-
tissimi sunt, ut apud Livium & Iul. Obsequentem videre
sotes. Sic pluit Romæ, Dionis etiam fide, ante necem
Neronis. in Westphalia anno 1543. Lovanii anno 1568.
Ido Pentecostes die, si Gemmæ nostro credimus: Sed ad
annum 1571. eum audiamus. In ditione Embdensi, quæ
in Dam vocatur in Frisiis Orientalibus, nocte sanguinem
ruit, copiâ tantâ, ut ad 9. vel 6. miliarium spatium her-
et vestes exposita in apricum, ex albo colore penitus in
purpureum sint mutata. multi ad rei memoriam plenos cy-
bos asservarunt: frustra quibusdam ad cadem boum,
quasque causas physicas, referre volentibus.

In Suevia anno 1534 pluvia vestes rubris crucibus
ficiebat. quod factum, quia fila vestium decussantur in
crucis formam, inquit Cardanus. Sed hoc nimisquam fri-
git. Non enim sola aliqua particula vestis, sed tota est sic
contexta. Deinde, si sanguinem in vestimentum effun-
amus, non illico diffundetur in figuram crucis. Aliquid
ergo divinius, & majoris monstri fuit. quod ex crucibus
illis

Lib. 2. c. 2.
Cosmocr.

illis Germanicis & Belgicis, quæ anno 1501. passim depluerunt in vestes, etiam cistis inclusas. imò corpora etiam ipsa, & cutem hominum signabant: duravitq; toto triennio hoc prodigium. secuta verò anno statim 1502. dirissima lues. Pepla verò feminarum maximè obnoxia erant huic sanguineæ picturæ.

Rem diligenter & cum cura examinavit Serenissimus Leodienſium tunc Princeps Ioannes Horneus. qui de quâdam Leodienſi puellâ, annorum 22. cuius pepla perpetuò mutata, statim tamen iterum sanguinabant, ita scripsit ad Maximilianum I. Cæsarem: *Ad Divum Seruatium*, (iverat enim Mosæ-Trajectum ad Iubilæum) *confessa est magno Theologo. Jussa post hæc ivit in chorum, & propter reliquias deducta est in adituarium, allato ei ibidem peplo nitido. rogata est illud capiti implicare, ne cum tanto horrore per plateas incederet. quod ut capiti admovit, erupit mox ex ipsius pepli parte anteriori sanguinis tantâ copîâ, ut confestim in extremam usque simbriam, ad unius digiti longitudinem, & propè duorum latitudinem deflueret. Unde conspicientes adèò sunt attoniti, ut è Canonicis unus protinus caderit. At illâ inde discedente, visa est publicè in peplo recenti ad scapulam dextram, magna vis sanguinis, in figuram quasi crucis se porrigens atque amplificans.* Hæc Antistes Horneus apud Suffridum Petri.

Quæ circa Passionis Dominicæ & Paschæ tempus peracta, ut opinor, ad crucis suæ, & sanguinis pro nobis effusi, respectum & cogitationem moveret, quem tam contemptim habemus, & toties per scelera nostra quodammodo iterum effundimus.

Ante magnas etiam cædes, olim quoque non inusitatum, præmitti è cælo pluviam sanguinis. Indicat Homer. Iliad. A. ubi de Iove:

— *καὶ δ' ὕψόθεν ἦκεν ἑὲρσαι*
Αἵματι μυδάλλειας ἔξ αἰθέρος ἔνεν' ἔμελλε
Πολλὰς ἰρδίμους κεφαλας αἰδοῖ περὶ αἴψην,

— *ab alto demisit rores*
Sanguine madentes ex æthere, quia erat

Multa

Multa generosa capita Orco demissurus.

Plutarchus verò in Mario affirmat, à magnis præliis, & effuso largiter sanguine, aliquantò post tempore solitos præcipitari cælo profusos imbres: ut utinque post pugnam illam Cimbricam, in qua Marius tot millium Cimbrorum in campis Massiliensium stragem fecit. de sanguineis tamen stillicidiis nihil asserit. vapores enim sanguine & cetera corporum humanorum rabe resoluti, humore nubium diluti, ruborem suum, vanescente temperamento & opacitate, admittere possunt.

Lacteus pluvie color, à cretacea exhalatione est.

Carnes decidere cum imbre, si rana etiam perfecta conformata, quidni possunt? De ranis autem statim. Carnibus pluisse L. Volumnio & Servio Sulpitio Coss. narrat Plinius: nec carnes eas diu poste à perputruisse. siccitate fortasse nimia, & aspersione salis aut nitrosæ exhalationis.

Lana si pluit, vento fortè excussa montibus, ubi inter vepres solitæ oves pasci. Ferrum in Persia cecidisse, auctor mihi Avicenna, & propè Lurgeam massam etiam 50. librarum. Sed hoc ridiculum: Arabes nostri, inquit, ferunt enses Alemannicos, qui optimi sunt, ex isto ferro cælesti fieri. quasi totos hîc dies ferro, ad tot armandos exercitus, pluat. A Plutone, non à Jove, bene vir. ferrum Belgæ & Germani petimus. Argenteam etiam pluviam sub Imp. Severo, Romæ in forum Augusti defluxisse. Dion scribit. O pluviam salutarem, & supparem illi, quæ Jupiter ad Danaën suam penetravit, sed nimis hîc infrequentem. liquies. Sed avaritiam tuam effervescentem infusâ hac frigida confutabo. Rore illo argenteo, addit Dion, nummos aliquot æreos oblivi, mansit color tres dies, quarto, quidquid oblitum fuerat, evanuit.

Lapidatum de cælo Romæ, ut in Italia, singulis pænè annis Livius ad fastidium repetit. Anno etiam 1510. in Lombardia lapides durissimos, colore ferrugineos, odore sulphureos præcipitasse, unumque 120. librarum Regi Galliæ ostensum, narrat Cardanus. Ergo credamus, & posse in nubium fornacibus tam citò ejusmodi corpora

E c

mixta,

Lib. 14.
cap. 72.
Vartet.

mixta, ex vapore, & exhalatione cum fermentante, concoqui, quàm asparagi, ut dicebat Augustus. Unde inter fulminandum, præsertim ab improba, subtili, & penetrante flammâ, lateres illi confici solent & sulphurei lapides, Statim tamen ac materia densari incipit, necesse est delabi, & celerissimo naturæ opere absolvi in ipso casu. Nam quòd Cardanus saxa sua Lombardica. duas totas horas in nubibus pendula, donec deformarentur, adhæsisse miratur & clamat, surdis canit. consistere quippe nequiverunt in aëre, tantò se rario e.

Avicenna vitulum etiam quemdam pluvialem in Scolis nostris celebravit. Sed credite, Philotophi, credula nimis sumus natio. Vituli, animalia tam peffeta, non possunt tam subito, quàm è terrâ fungi, in nubibus figurari. Vitulus ille tam coelestis, & diffamatus, turbine fortassis aliquo è monte pascuo abreptus fuit. ut de pileo suo, cum Apenninum transiret, refert Cardanus. Is, inquit, flatu, velut sagitta scorpione, excussus, si in villas quæ ad montis radices erant cum pluvia cecidisset, rustici iurassent pluuisse pileis.

ARTICULUS IV.

De ranarum pluvia.

Quæ opinio de ranarum pluviis apud omnes inroboravit. Sed pleræque quæ cælo decidisse putantur, è latebris ad dulcedinem cœlestis humoris profluunt. Nam aliàs omnes exanimas aut semivivas aspiceremus, tectis aut terræ illisas ex tam alto loco. Duras tamen & contumax adversus tot Auctores sim, si pernègem in nubibus quandoque generari. Ut ergo alia mixta, sic gyrenuli ranarum, pertinetioriè saltem, ex vapore & exhalatione (Cardanus etiam ova & semen ranarum è paludibus cum vapore, ardore Solis elevatum addit (possunt in aëre crescere. Scaliger certè Exercit. 191. Mirabilem Aquitanie oppidum, suo tempore ranis pluvialibus repletum fuisse; & M. Varro omnes civitatis cujusdam, itidem in Gallia,

Gallia, incolas expulsos, affirmat. Verum alii credunt, non in nubibus, sed in terræ superficie, è pulvere certo, aquæ cœlesti commixto, & fermentato, ranunculos coagulari. Scaliger Exercit. 191. *Nos complutam terram sola aqua, sine ranis gyrinulis* (id est, ranunculis imperfectis, oculis tantum & caudâ insignibus, ut alicubi explicat Plinius) *tamen post semihoram, scatere totam vidimus.* Addit etiam Jo. Maria Ginochius, Doctor olim Patavinus, se mense Julio aquæ cœlestis guttam pulveri allapsam vidisse, quæ illico (ut in ferream illam progeniem dentes Cadmi) in ranæ formam se induerit. Imò Gabriel Fallopius, vir, ut mihi videtur, minimè malus, lib. de Fossil. cap. 9. *Vide, inquit: cecidisse guttas aquæ magnas in pulverem, & statim obortas esse ranulas.* Quid contra tam perfrictos testes facimus? malo credulus, quàm rixosus esse. Imò dum ego conscientiam meam excutio, propè sum, ut idem anno elapso 1625. ad portas Tornacenses expertum me affirmem. rem autem tunc amicis, qui aderant, ostendi, ut mirarentur mecum. Deciduo enim in aridissimum pulverem repentino imbre, tantus subito ranunculorum, per siccum saltantiū, exercitus exstitit, ut undique nihil pænè aliud cerneretur. omnes etiā uniusmodæ magnitudinis, & coloris erant. nec procul apparebat, è quibus latibulis, tot myriades tam repente in arentem, qualem oderunt, terrā emicuisissent. Dicamus igitur, ut ex luto Nili mures ita effigiantur, ut absolutâ primore corporis parte, novissima effigies etiammnū terrena visatur; sic ex spiritu & more aquæ cœlestis pulveri alicui, non omni sine delectu, sed certo, conemperatis, gyrinulos, imò ranunculos perfecti operis, posse extemplò conformari. Sic enim etiam greges murium in Belgio quandoque procreari docet piissimus & eruditissimus Vir, Thomas Cantipratanus, lib 16 de Naturâ rerum, qui nequedum publicam vidit lucem.

ARTICULUS V.

De Diluviis.

TRia ab origine Mundi diluvia famosissima sunt. Generale Noachi, circa annum Mundi 1666. Genes. 7. Duo Provincialia. Primum Ogygis, quo Achaia inundata est sub illo Rege, cum apud Argivos imperitaret Inachus, accidit autem circiter annum 140. ante Urbem conditam, si Orosio credimus: annis vero post Noeticum 540. & anno nonagesimo vitæ Jacob, si cum Paterio calculum ponimus.

Alterum Deucalionis in Thessalia, annis, ut putant, 230. Ogygiano posterius. Hoc lib. 1. Metamorph. graphice describit Naso: sic tamen, ut pleraque competant in generale Noeticum, videaturque e libris Sacris sumpsisse historiam.

Duas causas diluvii universalis affert Moyses, Genes. 7. pluvias cœlestes, & eruptionem aquarum subterranearum in superficiem. *Rupti sunt, inquit, omnes fontes abyssi magna. & deinde: Catarrhæ cœli apertæ sunt.* Lælius tamen lib. 13 c. 6. de Mortibus divinis, has duas causas in unam confundit; & per *abyssum magnam*, aquam etiam nubium, quas catarrhæ cœli suspendunt, non subterraneam intelligit. Ratio ejus est, quia pleno diluvio, & omnibus submersis, dicuntur *clausi fontes abyssi*. quod de abyssu subterraneâ capi nequit, quia solum initio diluvii, aquæ subterraneas erumpere valuerunt; non postea, quando nullus aër in earum locum, per totam superjacentem ipsarum molem succedere poterat. Verum, abyssum ab aquis pluviis manifestè, distinguere videtur Iacob Genes. 49. in benedictione Ioseph. *Omnipotens benedicet tibi benedictionibus cœli desuper, benedictionibus abyssi jacentis deorsum.* Id est, fertilitate aquarum irriguarum lupernè ex cœlo, & infernè ex subterraneâ abyssu, in fontes & flumina se infundente. Ad argumentum igitur respondeo, Vel partem aquæ subterraneæ vi Angelicâ, aut

ut Divina rarefactam esse, & genitum inde vaporem aut etiam aërem, ingruente vacui periculo. quin imò laxatio illa & rarefactio aquæ residuæ in terræ cavernis, ex violenta ceterarum in superficiem terræ expulsionem, conaturaliter sequebatur, si nullos esset aër qui in spacia derelicta posset affluere. Denique aër, qui per omnes terræ meatus & venas se intrinuat, rarefcere fortassis in tantum valuit, ut universas abyssi repletet cavitates. quod non difficulter intelligitur, si continuum partes infinitas continet.

Sed aliud etiam est, quod nos turbat: quomodo aquæ celestis & subterraneæ in unum confluerent, tantam aëris circumferentiam potuerint implere, ut omnes montes excelsos sub uno verso cælo condiderint, altiores quindecim cubitis. Nam licet daremus, tantum aquæ abyssis celari & terræ venis, quantum maris & omnium lacuum ac fluminum simul alveus habet: tamen nondum satis habes, ut terræ & aquæ globum, altitudinis dimidii Italicæ milliariis superfundas. Nam profunditas marina, in maris solùm quibusdam gurgitibus altitudinem illam excedit.

Unde igitur cetera materia, quæ ampliore multò amplitudine, & ad verticem altissimorum montium, qui ultra 40. milliaria habent perpendiculi: orbem terræ exambiat? Suppleri certè enim posse è cælo non aparet cum ibi trium aut quatuor marium abundantia suspensa non sit.

Secundò, unde pluvia illa 40. dierum cecidit? certè enim non è statione nubium & mediâ regione aëris; cum ista citra excelsissimorum montium cacumina finem habeat, quæ tamen unda quindecim cubitis superius obruerat.

Tertiò, unde hausti tot vapores, qui in tam pertinaces & profusos imbres sufficerent? Sol enim nubilo, & pluviente cælo, tam avidè & largiter resorbere non solet. Eugebinus, Oleaster, Bodinus, Lydiatus, ponderi succumbunt, negantque tantum aquarum posse reperiri, nisi aperis Firmamenti sideris catarrhactis & emissariis, vis ingens in Mundum elementarè exciderit, Sed quo deinde

suppresso diluvio, evanuit? Item statim in terram depluit (Scriptura indicat) apertis cœli caterrhactis: centum tamen annorum circumacta, aquæ Firmamento siderco præcipitate, nondum pervenient; sine miraculo divino, ad terram.

Alio igitur ungue nodus hic extricandus est.

Ad Primum dico, immensam præ aquarum abundantiam in abditis venis & abyssis jacere: illiusque, quod contendit Benedictus, cavitates subterraneas esse paris libramenti solum & profunditatis cū fundo maris. altiores sunt; & probabile, tam uberes ibi latices à natura reconditas, quàm ostentat in mari. Hinc æstimabis. Aqua initio Mundi terrā undique profundā altitudine, ut pluribus placet, obruerat, quò tota illa tertio die (quando iussa extollere faciem arida) diffugit? In mare partim, scio; sed æqua, aut melior, terræ venis, & abyssi diluvio fuit combibita. Deinde, post dies 40. clausi dicuntur fontes abyssi, Genes. c. p. 8. Igitur toto illo tempore subterranæ venæ fluxerant, ac proinde gurgites ibi immanes esse oportet, qui necdū siccati fuerint. Aqua et. à tota aliquantulum fortasse laxata per rarefactionem, ut in amphorem se diffunderet locum: non ita tamen, ut onus Arcæ sustinendo non esset. Angeli verò aquarii, qui terræ venas exhauriebant, etiam aquarum molem retinebat, ne eodem revolveretur. Imbres etiam plurimum amplificasse diluvionem, statim intelliges.

Ad Secundum ergo Pererius lib. 12. Genes. di. sput. 9. negat ideo ullius montis verticem ad mediam regionem pertinere; quia scilicet non fuisset, unde super omnium montium cacumina, in fine 40. dierum, pluvia decidisset. Nec constant, ait, sibi Mathematici, dum affirmant, montes (qui habent, ut summum, 4. milliaria perpendiculari) ultra mediam regionem caput extollere, & tamen summos nubium vapores, qui intra mediam regionem coëscunt, ad 52. milliaria scandere. Sed Mathematicos non intellexit eruditissimus vir. Non enim de nubium & pluviosis vaporibus mediæ regionis; sed de altissimis exhalationum fumis, qui in circumferentia supremæ regionis versantur,

versantur, quique auroram manè primi sorbent, crepusculum vesperi ultimi respuunt, accipiendi sunt, ut videbis lib. 10. th. 77. apud Vitellonem. Stet igitur, excelsissimorum montium juga, ut Lib. 1. diximus, attolli supra stationes nubium. depluere tamen in ipsos, etiam cum à quæ diluvii superassent, potuit; quia infimæ & mediæ regionis aër, intumescendo undâ, submoveri paulatim in altum, & cedere locum debuit. & hinc compulso intra elementum ignis (si tale aliquod ibi est) supremæ regionis aëre, huius spatium & spheram infima ac media regio occupare; id est, montium etiam altissimorum cacumina jam satis profundè cœperunt despiciere, & in ipsa repluere. Sed qui vapores tam diu ab universis undiq; cœli punctis recidere potuerunt? Certè enim ubi nubes se semel exponeraverint (quod citò fit, nisi aliunde alias succedaneas stratus adducant) redire serenitas solet, & cœlum digeri. Nec Sol etiam alium statim humorem ex aquis vaporabat: quia talibus pluviis crescere non poterat diluvium; cum tantum in ipsum refunderetur humor ille, quem ei evaporatione detraxerat Solis calor. Cum S. Augustino itaque lib. 3. cap. 2. Genes. ad litteram, dicito, infimæ ac mediæ regionis aërem, à divinâ, si aliter non potuit, manu, in aquam pluviæ condensatum, & istos probabiliter cœlos esse, quos St. Petrus Epist. 2. cap. ult. diluvio dicit periisse. Hinc supremæ regionis aëra iterum oportuit in locum pristinum rarescere, & redire unde defluebant aquæ. Finito diluvio autem Sol partem aquarum rursus tenuavit in tantum, qui infimæ & mediæ regionis spatio replendo satis esset, aërem. Denique, cum tota ista inundatio à Deo fuerit, nil verendū tot admittere miracula, quot necessaria ad historię veritatem.

Tertio argumento suprâ satis est factum.

De diluvio Ogygis & Deucalionis, divinam etiam vindictam, causam efficientem habuerunt. aut certè ruptis tempestate aggeribus, inflatisque aquâ cœlesti, & repentinâ nivium liquatione fluminibus, unda se mediterraneis superfudit. Iam huius anni 1626. mense Februario Bætis in Hispania à similibus causis, & præsertim sex aut

septem dierum perpetuâ nive in immensum auctus, incredibilem, ut jamjam audivimus, in Hispalenses & vicina stragem edidit.

CAPUT VII.

De nebulâ

ARTICULUS I.

Quid nebulâ.

ARistoteles nubis *νεφέλη*, seu excrementû vocat, Nubes enim vapore rorido & humecto, ac partim exhalatione aridâ constat. vapor in pluviam, exhalatio in nebulam sæpè cadit. Lapsus & à gravitate materiæ est, & ab agmine guttarum pluvialium, quod unâ implicitam exhalationem detrahit. Hinc loca excelsiora & propinquiora nubibus, in omni pænè imbre, nebulâ infusantur, quia aliquousque semper cum dillicidiis descendit. Hujus causæ ignari aurigæ, qui Leodio, Vistto, Mosæ-Trajecto merces in Rheni Palatinatum, per ericetum illud vastum Ducatus Limburgensis, vulgò *Fagne*, vectant, existimant veneficio quodam & arte magicâ caliginem in omni pluviam ericeto illi affundi. Tantas enim oboriri tenebras, ipso etiam meridie, mihi affirmarant, ut ultra distantiam 15. passuum nihil, aliquando vix equos suos videant, quo argumento, præter alia quæ alibi sparsim dixi, probare soleo, Ducatum Limburgensem, & præsertim istud ericetum, locum esse totius Belgii eminentissimum.

Definiri ergo nebula, sive caligo (hoc enim etiam nomen habet) sic potest: Superflua, aridior, & caliginosa pars nubes, terræ incubans. Materia igitur ejus, est exhalatio opaca & tenebrosa; forma, situs in infimo aëre. si enim ascendat altius, in nomen & rationem nubis redibit.

Hinc

Hinc nebula, ut multa alia, meteorum immobile est qui situs iste transferri incolumis, & loco demoveri nequit, Densitas nebulae & pondos indubiè majus est, quàm aeris infimæ regionis, in quem decedit. Tenebræ Ægyptiacæ, quæ inter Pharaonis plagas, tam densæ & palpatilis nebulae fuisse à nonnullis creduntur, ut instar aquei elementi tardarent motum localem.

Sed aliud præterea genus nebulae, & ex alia materia est vapor lenta scilicet, quæ propter nimium crassamentum, non imò aëre hæsit, & obnubit terram. Talem sæpè vespere aut manè præsertim vidimus: apparetq; instar aquæ serpentiæ, vicina Lovanio prata, & humentia, undè vapor surgit, inundasse. Si ex oriente Sole ascendat, expectanda pluvia; quia materiam ejus nubibus infert. si ceciderit, serenitas erit, nisi cælum grave nubibus fuerit, aut venti aliunde advehant. Si enim Sol non valet humorem tam tenuem vaporare, imbecillis est, nec poterit aquas maris aut fluminum vicinas, quæ magis defenduntur à naturali suâ densitate.

ARTICULUS II.

Proprietates quedam nebulae.

PRimò, fugere ante inambulantem, & ponè sequi nebula videtur. Ratio est, quia ex distantia v. g. 20. aut 30 passuum opacitas nebulae demum incipit sensibilem lucis reflectionem habere: circa nos verò serenitas apparet (etsi alii aliquantulū diffusi; in media caligine nos aspiciant) quia lumen exhalationi incorporatum, speciem è vicino fortiozem mittit, quæ pupillam oculi, & parietem retinum ita perfundit, ut nulla ab eodem objecto sensibilis umbra cum specie lucis in fundum oculi veniat: ex distantia verò species imbecillior, & transitu per nebulam hebetata, foramen ureæ tunicae tenebris permixta, quas in retina depingit, illabitur. Quæ omnia, & alia plurima: Deo dante, in Libris de Anima explicabimus.

Sed

Sed unde fieri potest, ut res per nebulam visa, longius retraxille se, quam revera fecerit, appareat? Nebula enim ut ante a me dictum, crassior & propensior est. Eae inferior: cur igitur species non refringit, ut vapor solis & aquae refractione aut in, objectum oculo admoveat, non retrahit. Verum aridae & caliginosae exhalationes, ubi praesertim in minimas atomos dissolutae, & decineratae sunt, nihil in refractionem valent: hinc enim aridi etiam illi nubium summi, qui materia nebularum sunt, in media regione, nihil fidei um refractiones adjuvant, nec Solis & Lunae discum insigniter ampliant, ut molles illi & humentes ac pellucidi vaporum rores, qui infimum aetherem & horizontem obsident. Imo vero quia opacitate sua speciem retundunt & debilitant, causa sunt, quare phantasia nostra rem abesse longius dijudicet; quam oculus tam debili ac remissus, & veluti longiori intervallo lassus a specie, cognovit. Ita etiam nocturnis tenebris omnia magis ab oculo distare putantur. Sed ego tamen a mea experientia, adicere hoc possum: Vidisse aliquando, cum nebula radices & imam partem turris ambiat, extante in sereno vertice, summam partem retrorsum reflexam, & caput a me longius abduxisse, protuberante, & manifeste propinquantem parte inferiori, quae erat in nebula.

Itaque distinguenda videtur nebulae materia. Si arida & fumosa, qualis illa, de qua Aristoteles, & nos primo loco diximus; non refringit, sic ut admoveat objectum visibile. Si humore multo & rorulento gravata sit, (de quali secundo loco egimus) refringere, diffundere, attrahere res speciem ad nos potest. Talem oportuit fuisse nebulam, apud Livium Dec. 5. lib. 1, quae Histriorum aciem Romanis multo maiorem, quam erat, ostendit.

Sic etiam extricare posse videor quod de exercitu Caroli VIII. Gallorum Regis, per Romam sub Alexandro Sexto, inter noctem, & Romanorum stuporem, Neapolim tendente, Jovius lib. 2. scribit: *Id, inquit, quoque metum stupentibus addebat. quod viri, equi, vexilla, arma, et passim funalibus inequali splendore incertam praebeantibus lucem, ampliora ac majora vero videbantur.* Pingues etenim

etenim vapores, non solum aridæ & atratæ illæ fuligines, facibus ac funalibus exhalant, qui milium & agmina speciem diffundere valuerunt.

CAP. VIII.

De Grandine.

ARTICULUS UNICUS.

Quid grando, & ejus causæ.

GRando, inquit Seneca, lib. 4. cap. 3. Naturæ est glaciis suspensa. Sed definitio rudis est, & nimis laxa; Scitius Aristoteles: Est pluvia conglaciata. Materia ergo proxima transiens, est pluvia. Forma rigor ille glaciæ qui discriminat à pluvia. Finis rigatio plantarum, ubi se resolverit: etsi non raro à divina vindicta assumatur ad lapidandas fruges. Fallitur ergo ille ingeniosus, cum credit

—nivibus quoque mole rotatis

Adstringi, & spissa glomerari grandine corpus:

*Ovid. 9.
Metam.*

Non enim est nivium flocculis, sed pluriæ guttis, glomerantur grandinis globuli.

De causa efficiente Anaxagoras & Aristoteles litigant, Ille à frigore mediæ regionis, ut nivem, hic ab antiperiæstasi caloris infimæ regionis, concreescere mavult. Primum, quia in montium, qui infimam regionem excedunt, jugavix ulla unquam grando cadit: nec satis fortasse pro Philosopho ille canit.

Quam multâ fiet grandine canus Athos.

*Ovid. in
Ibin.*

Secundò, Grando illa angulosa propè terram, coagulatum inter casum capit, si namque ex tam alto ruina esset, motu & longa gyratione angulos deterfisset.

Tertiò, Sæpe nullo præeunte sonitu maxima grando ad terram venit, sonuissent verò antè collisi inter se globuli, si indurassent in sublimi.

Quintò,

Quartò, Antiperistasis imi aëris sola causa est, cur æstas frequentius grandina, quàm hiems, lapideretur:

Dico primò: Quandoque grandio frigore medietæ regionis congelascit. Talis plerumque est minuta illa & fungosa, hiberna grando. Probat, quia nullus tantus in aëre tunc calor est, cujus antiperistasi possit gelari grando. Quia verò guttulæ vix dū ante glaciacionē perfectē ad densitatem aquæ redierant, multoque exhalationum spiritu turgidulæ sunt, ideo orbiculi leves & fungosi, minimumque à materia nivis aut pruinae distant.

Dico secundò: Quando lapidosæ & consummatæ duritie, antiperistasi caloris infimæ aëris, ut plurimum, coagulatur: Id egregiè adserunt Aristotelis rationes. Sic autem expediri potest, imò, vel fallor, debet, isthæc antiperistasis Guttæ spiritu nubium rumentes, ubi aërem tepidum inciderint, diducuntur paulisper, & se laxando, effluxum spiritibus calentibus aperiant: quibus magnâ parte liberatus humor, subitò, quantum valet, ad frigus se revocat. Sed quare congelat? nam forma substantialis aquæ, materiam suam fluere, quàm obrigescere in glaciem, mavult. Credo id fieri propter siccitatem reliquorum spirituum, qui non expirantur illâ antiperistasi, sed remanent à frigore extincti & deprehensi in grandine. Nam certum est, multam exhalationē unâ cum humore in grandinē stringi: ideo enim ita albet, & fungosior rariorque est, ac opacior quàm glacies alligata ex aqua vulgari. Porro inrer sidera Arcturus maximè grādinolus creditur. Plinius l. 2. c. 39. *Arcturi sidus non fermè sine procellosâ grandine emergit oritur autē, ut ait c. 47. undecim diebus ante æquinoctium autumnii.* An verò id per influentiam sideris, an quia exortus in illam anni tempestatem incidit, quæ ob temperiem, quàm à Sole præcipue accipit, evenit, in Libris de Cælo, si Deus vitam superfluent fecerit, dicemus. Grandinis magnitudo incerta est, & pro modo guttarum, quibus coaluit, Anno 1565. die 24. Julii, Lovanii ceciderunt crassitudine ovali, narrat noster Gemma, Rotunda ferè est, quia labendo, in orbem se terit, vel quia gutta etiam est talis: triangularem tamen

men etiam, & pyramidalem (quæ fortè figura est cadentis guttæ, quia spiritus ejus sursum in conum se recipit) non rarò vidi. Portentosæ etiam quandoq; in eâ formæ visuntur, ut capita humana, porcina calanistræ etiam, & instrumenta varii luxûs feminarum, aut effeminatorum, Hâc nobis admonitione aurem vellicet benignus Pater, qui cæteras omnes creaturas vertit in nostrum bonum, & salutem. Palcæ & quiskulix grandinibus aliquando deprehensæ & intextæ videntur, quas ventus levavit, & in guttas pluviales impegit, differendo per aë. Quidam quoque litteras in iis legunt: sed frequenter, puto, uti quædam figuras quasdam manes in parietibus, aut castella in nubibus sibi fingunt. Ego quandoque grandines omnes glacialibus veluti loculamentis inclusas aspexi: globuli centrales albentes & fungosi erant, ut planè conjectarem frigore mediæ regionis indiguisse: orbis verò satis densus eos ambiens, diaphanus & durior erat; ut materiam perfectè aqueam & pluvialem in casu grandini primæ circumglomeratam, & infimæ regionis antiperistasi ei adstrictam, facile divinasses. Sic ferè renes quidam calculi primò concrescunt in renibus, & per ureteres delapsi in vesicam, novo ibi visco se loricant, tunicasque plures circumvolvunt: & hinc plerique omnes, ut notavit Fernelius, vesicæ calculi, contracti nucleum aliquem in centro ostendunt.

Mirum etiam est, quomodo grando, tantò durior nive, longè tamen celerius, & statim ut in terram cecidit, liqueatur. Sed unâ operâ mirare, unam plumbi libram citius, quàm butyri, calore diffundere. Ratio in plumbo fortassis est, quod ubi pars una fervorem ignis concepit, alteram attiguâ statim accerrimè adurit: quia calor in eâ, ut materia densa, est maximè actuosus: unde experimur, ubi plumbum cœpit liquefcere, cæteras ordine partes festinare statim ad resolutionem. Glacies grandinis etiam densior est nive. Deinde plures particule sicæ & terrenæ exhalationis, vapori nivis ubiq; interjectæ, reditum ejus ad liquorem magis impediunt. Cum autem ignis aut calor grandinem vel aliud corpus gelatum regelet, & in


in liquorem dissolvit : frigus quod partes, ne diffunderent, continebat, tantum expellit : temperiemque certam, ex qua liquiditas, seu qualitas quædam secunda, resultat, inducit. Quid enim aliud philolophemur ?

Grando plerumque die, raro nocte, nisi repente decedit : quia præsentia Solis, caloris in infimo aëre anriperit statim potentiorum interdiu facit,

Cæterum calamitatis præcipuus timor est à grandine, ubi in calamos jam seges stetit. Hoc tamen unum in malo solatiolum est, quod vix unquam latè grassetur, sed quosdam solum feriat tractus : longiorque semper, quàm latior, est strages. Causam existimo, quod æstate præsertim è nimbi, qui breves & uni sæpè tantum campo impendent, grandines illæ proveniant. In longum spargit eas ventus.

Veteres agricolæ, ut Cato & Plinius referunt, carminibus grandinem & calamitatem agris depellebant. Alii etiam modi sunt apud Palladiū: crocodili, aut hiemæ, aut vituli marini pelle per agros circumlatæ, vel cruētæ securi minaciter contra cælum levatæ, vel noctuæ patentibus pennis suffixæ, Sed hæc magica sunt : nec ulla tam deliriana, quæ sine causa naturali hæc esse, non videat : Merito etiam Cleonæos Seneca ridet. *Illud incredibile, inquit, Cleonis fuisse publicè præpositos χαλαζοφύδακας,* *speculatores futura grandinis. Hi cum signum dedissent, ad-* *esse iam grandinem quid expectas ? ut homines ad penu-* *las discurrerent aut ad scortea ? imò pro se quisque ali-* *us agnum immolabat, alii pullum. Protinus autem illa* *nubes alio declinabant, cum aliquid gustassent sanguinis.* Alii etiam digitum suum graphio bene acuto pungebant & hoc sanguine, ne seges vapularet, litabant. Sed unde exiguo sanguini tantæ vires ? ait Seneca. *Quanto expeditius erat dicere, inquit, Mendacium & fabula est ?* Potuit tamen verum : sed ex dæmonis nubem declinantis patratione.

Lib. 4. c. 6.
Natnr.



LIBERTI FROMONDI
METEOROLOGICORVM
LIBER SEXTUS:

De Meteoris apparentibus.



Eteora apparentia verè metcora non sunt, nec in partem objecti horum Librorum propriè veniunt. Non enim corpora imperfectè mixta, sed accidentia tantùm sunt: adjectaque legitimis meteoris ab Aristotele, quia eorum more, in exhalatione aut vapore in sublimi ortum habent.

Scientia eorum jucunda, sed in difficili & arduo est, ut quinquam hactenus culmen attigisse omnes negent: præcipuas tamen difficultates Iris amplectitur: & eâ re Euclidem in Opticis & Catoptricis, Ptolomæum in Speculis, manum ab ea abstinuisse censet Maurolycus: & ipse, vir alias in omni genere Matheseos eminentissimus, Aliquid, ait, experimento consonum vestigando, divinabo. Et alibi: De Irîde sicut multi scribunt, ita nemo satis demonstrat. Meritò igitur Sarrachides: *Vide Arcum, & benedic eum qui fecit illum: valde speciosus est in splendore suo: Gyrauit cælum in circuitu gloriae suæ, manus Excelsi aperuerunt illum.* Opus enim singulare & eximium est divinæ manûs, ut mirum non sit, humanum oculum non aliter in causas ejus cernere. Solem tamen aut Lunam, ut peniculorum

Eccl. 43.

niculorū instrumenta in digitos ad hujus arcūs picturā sumit: quia nisi in siderum istorum luce, nunquam apparet Iris. Cæterorū enim radii satis roboris non habent, ut oppositam nubem terebrent, & evidenti luce perfundant: idque non ex inopia luminis, quod uberius pleraque lunari habent, sed ob nimiam à terra distantiam; hinc enim fit, ut radius spatio lassatus, languidus & exspirans ad nubem perveniat. Iris itaque duplex solū est, Solaris, ac Lunaris. Illa tamen maximè insignis, vocaturque per anonomasiam, & simpliciter, Iris. Ab eā igitur exordium sumemus: cū præsertim omnia ferè, præter causam efficientem, in Lunarem etiam competant, quæ de Solari enarraturi sumus.

CAPUT I.

De Iride Solari.

ARTICULUS I.

Varie Iridum historie.

Historiolas aliquot in cæteræ doctrinæ fundamentum mittere, pro bono duxi: nam lato experientiorum dissensu rem hanc tractare solent Auctores.

Cardan.

Omnes imprimis passim Irides cornibus in terrā dejectis conspiciamus, negantque universi pænè aliter unquam evenire. Sed ecce tamen Cardanus lib. 14. cap. 70. Variet. citse Venetiis anno 1532. die undecimā Aprilis vidisse binas Irides, non cum capitibus descendantibus, sed Soli oppositis: quarum prima citò desit: altera in medio cœli parva constitit horarum duarum & plus spatio: altera velut corona, altera ut semicirculus plano terræ æquidistans, præter aliarum morem. Unde apparet, non universè verum esse, quod omnes jactant: Iridem nunquam toto circulo claudi, nec semicirculari posse cerni ampliorem.

Audi

METEOROLOGICORUM. Lib. VI. 417

Audi etiam nostrum Gemmam lib. cap. r. Cosmocr. *Gemma.*
Septembris anni 1560 die. 25. manè arcus cœlestis insignem speciem vidi, coloris, fulgoris, ac positionis insuetæ. Stabat enim convexa parte Solem versus, concava verò versus cujusdam pærelli sub obscuram typum, qui quasi ad Circium annuebat. Color puniceus ea parte qua Solem intuebatur, sed viridis, qua spectabat Occasum. Cornua igitur non in terram spectabant, sed averfa ab exoriente Sole directâ in Occidentem in intendebantur.

Scio etiam hîc virum quendam eruditum, Jovem lapidem paratum mihi jurare; aspexisse se Iridem supinam, & cornibus infectis in cœlum. Hæc tamen inquit, non è regione, inter oculum & Solem erat, (ecce alterum & novum planè miraculum) sed in eadem cum Sole Mundi parte, summota a liquantulum ad ejus latus.

Imò Scaliger Exercit. 18. num. 10. *Duas, inquit, separatas vidimus Irides in nubibus diversis, alteram ex obliquo ad latus.*

Scalig.

Licetus etiam lib. 6. cap. 2. de Novis astris, *Bis jam, Licet. inquit, vidimus Irides in Meridiano ad Austrum, vel propè, cùm Sol esset in Occasu: & linea recta, quæ à centro Solis per oculum nostrum extendebatur, non ad centrum Iridis ad Austrum, sed longè ab Australi plaga terminabatur ad cœli partem Orientalem.*

Vitello lib. 10. th. 69. affirmat, se Paduæ quatuor simul Irides circumactò perfectè gyro circulares, non è regione, sed ad latus Solis, distantia decem ab eo graduum, olim conspexisse.

Hollandi quoque ex illa ad Zemblam novam navigatione, inter cetera admiranda retulerunt, tres Soles viros ad Austrum, sex Iridum discerniculo à se invicem abjunctos. Hæc & id genus exempla probabilitatem fortè reddent Scaligero, hætenus ab Opticis tantopere improbatum, quod exercit. 80. num. 7. Cardano affirmasset, se in Vasconia quondam admodum ex obliquo Iridem adspexisse. Ita, inquit, dico, ut radius oculi mei ad alteram coronidem propiorem esset decuplo exempli gratiæ, brevior, quàm is qui ad remotiorem tendebitur. Sed non

Scalig.

*Maurolyc. in
Problem.
Perspect.*

credit Maurolycus. Benè dixit, inquit, Hieronimus Cardanus, centra Solis, visus, & Iridis esse in eadem recta linea: & injuste reprehenditur à Julio quodam Scaligero. Adeò facile labuntur in hac Philosophia parte omnes, qui diversa profitentur. Olim etià fuit, cum Maurolyco magis accederem; sed longè elapso anno me repulit rara quædam & insignitissima Iris, in oculos, non meos unus, sed Clarissimorum testium, cælo velut demissa, ut plurima me de natura admirabilis istius *Impæoris* doceret. Rem factam, non fabulam, accipe: & quam oculis nostris nunquam Maurolycus extorquebit; excæcet Scaligerum quantum lubet.

Anno 1625. die Aprilis 9. hora circiter sexta vespertina, Lovanii in amœnis illis inter Thenensē & Diestensem portas mœnibus, cum tam à, scriptis, & eruditione Clarissimis Viris, Medicinæ Professores, Thoma Fieno, & Petro Castellano, molliter & pro more inambulamus, cum subitus imber, Sole interim in Occasu acriter radiante, nos ibi oppressit; secutaque statim ingentis curvaturæ, & coloratissima omnium quas unquam meminimus Iris, in qua dum defixi admiramur, ecce dextrum ejus cornu, quod medio ferme Belgico milliari à nobis aberat, silvosisque illis extra portam Diestensem collibus infixum erat, in subjctam camporum planitiem descendit, & nube densioribus jam paulò ac plenioribus guttis per interlucentes solis radios exonerare se properante, brevi tempore, per medium ibi fortè quendā aratorē & equos ejus (Iride enim involutum & illustrem cernebamur) ad ipsas oppidi fossas, citra 30. passuum distantiam, in nos lineam parè rectā venit: cornu interim altero longissimè à nobis, post celebre illud & illustre Canoniorum Premonstratensium Monasteriū Parsense, pertinaciter adherente. Res, quamdiu pluvia, sic mansit: rarefcentibus verò deinde paulisper stillicidiis, vicinū cornu per eandem quā descenderat lineam, trajectā iterum camporum latitudine, pedetentim in suum se collem recepit. Dum omnia etiam avidissimo & hianti oculo circumspicio, hoc quoque cum admiratione vidi. Secunda Iris

Iris (nam gemina erat) inversis ut solet coloribus, primariam comitabatur, magisque & magis perpetuo se adstringebat, seque ei admovebat, quo propior nobis fierit primaria: similiter in recessu, spatium inter utramque sensim laxabatur, donec in collem suum se restituit. Cum proxima oculo nostro esset, vix decem inter utramque intererant passus; cum remotissima, distantia facile quadrantis Belgici miliaris apparebat. Ex hac igitur historia confici videtur, Solis, oculi, & Iridis centra non in eandem rectam lineam incidisse.

ARTICULUS. II.

An Iris reflectione radiorum Solis, an refractione fiat.

Radius luminosus nil est aliud, quam lineare lumen à corpore luminante in longum emicans. Triplex vero ab Aristotele & Opticis vulgo statuitur: directus, reflexus, & refractus. Directus est, qui lineam rectam per medium uniformis densitatis effunditur. Reflexus, qui occursum opaci in partem oppositam reverberatur. Refractus, qui per media diversae densitatis trajicitur. Radius quem Sol per liberum & uniformem aëra jaculatur, rectus est: qui speculo exceptus, in caelum resilit, reflexus: qui aërem & aquam terebrat, refractus. Rectus, simplex est: reflexus ex parte quae opacum incidit, & alteram quae in oppositum retrò abit, concinnatur: refractus etiam duas habet partes, quae in geniculum quoddam, & veluti poplitis flexuram coeunt: penetrat enim hic radius è medio uno in aliud, sed lineam paulisper deflectit & exerrantem à recto tramite. Non etiam indifferens est, ex utro medio in alterum deinde perveniat. Si è rariori densius, ut ex aëre in aquam intret, fractio versus radium perpendicularem fiet: id est, radii undique se addensant circa illum, qui omnium medius est: hic autem, veluti ceterorum Princeps, inclinantibus mutuam inflexione non respondet; quia in partes oppositas simul (quod fieri nequit) deberet annuere: tergitur itaque & directus perseverat. Si vero radius

F f 2

è medio

è medio densiori in rarius, ut ex aqua in aërem emicet; franguntur omnes circumstantes à perpendiculari, & ab eo se avertunt: id est, radii in medio densiori aggregati, & veluti in fascem collecti, per rarius extenuati disperguntur. His utcumque intellectis,

Vitell. Dico primò: Radius solaris in vapore rorido, in quo solo apparet Iris, necessariò versus perpendiculari è frangitur. Ita Vitello lib. 10. theor. 65. & sequitur evidenter ex jâ præmissis Radius enim ex aëre rariori in densiores vaporis rores se insinuat; unde omnes, præter perpendicularem qui centra guttarum directè perterebrat, ad ipsum se perpendicularem incurvant. Et hinc, quia non unus tantum, qui in prima nubis superficie occurrit, guttarum est ordo; sed alii innumeri sunt per totam nubis profunditatem dispositi: ideò non una solum, primo statim nubis ingressu accedit, refraçtio; sed sine numero frequentantur aliæ & aliæ. Ut cogita seriem quandam & catenâ stillicidiorum à fronte nubis, per profundam, usque ad ultimum ejus dorsum. deinde in prima gutta radios oblique incidentes aggregari ad perpendicularem: hinc vero in breve illud aëris inter primam & secundâ guttam fretum elapsos dissipari & refugere à perpendiculari: postea in secundam guttam impingere, ac denovo ad perpendicularem reconciliari. unde iterum expediti, sparguntur in aëre consequenti: donec tertia gutta etiam diffluens colligat in nodum: & ita deinceps usque ad finem nubis & ultimam guttarum. Si tamen brevissimum fuerit inter utramque guttam aëris intervallum, nulli fiet à perpendiculari radiorum dispersio: quia aliquanto post primam guttam in ipso aëre in unum punctum & nodum concurrunt; ut in vitris sphaericis patet quæ stuppam post se incendunt.

Dico secundò: Radius etiam vaporem illapsus, in oculum videntis reflectitur. Ratio est, quia sine specie lucis, splendor ille Iridis cerni non potest: species autem lucis est ipse radius luminosus, ut in libris de Animâ cū Scotto & Opticis demonstraturi sumus: vel potiùs, quia non ex quolibet situ, sed determinato, ut res in speculis solent, videtur.

videtur. Sed quid igitur in Iride videmus? Luménne Solis incorporatum nubi, ut in aurora & vespertinis crepusculis usu venit, an ipsum Solé tanquam in speculo? Aristoteles hoc affirmare videtur. quia semper *ἡ ἀνάκλασις* per reflectionem, non *ἡ διάκλασις* per refractionem, explicat Iridis generationem: & ita exponit, & acriter propugnat Vicomercatus. Seneca etiam lib. 1. cap. 4. Non dubium, ait, cuiquam relinquitur, quin arcus imago Solis sit male expressi, ob vitium figuramque speculi. Et cap. 3. egregiè sententiam Aristoteles enarrat. Ubi singula pluviae cadentis stillicidia, totidem specula esse inquit, reddique à singulis imaginem Solis: nec aliud Iridem esse, quàm innumerarum ejus modi imaginum confusionem: quæ idè perturbatæ appareant, quia intervalla guttarum, spatio consumuntur & evanescent, ne hinc valeant discerni. Et denique affirmatissimè cap. 5. In eadem, inquit, sententia sum, quàm Posidonius, ut arcum judicem fieri nube formata in modum concavi speculi & rotundi, cui forma sit partis è pila facta: aitque deinde, Solis illam esse effigiem, non similem: conaturque detrahare admirationem faciei illius tam abnormis & procul abludentes à vero Solis filo & schemate, in quo nihil fere simile ejus, quod cernimus in Iride; culpam enim conjicit speculi enormitatem. Non omnia, inquit, specula ad verum respondent. Sunt, quæ videre extimescas: tanta deformitate corruptam faciem visentium reddunt servata similitudine in pejus. Sunt, quæ cum videris, placere tibi viris tuæ possint: in tantum lacerti crescunt, & totius corporis supra humanam magnitudinem habitus augetur. Consentienter his etiam Cardanus lib. 4. Subtil. loquitur: imò Maurolicus in Problem. Perspect. disertissimè: sicut imago rei non colorat speculum. ita colores Irides non imprimuntur stillicidiis: & sicut imago absque jactura speculi, ita & colores absque infectione stillantis aquæ reflectuntur ad oculum. Veluti ergo in speculo non picturam aliquam humanæ faciei, sed ipsam videmus: ita in nube non imago solaris vaporum impressa & inhærens, sed Sol ipse ille.

Qui celsa liquidi spatia decurrit poli,

Vicom.
Seneca.

Seneca.

Seneca.

Cardan.

Maurolic.

radio objectu nubis in oculos repercusso aspicitur.

Demonstrari etiam ex Aristotele. Posidonio, Seneca, & aliis sic potest. Primò quia Iris situm cum Sole mutat, sublimis aut humilis, prout ille se submisit aut iussit, inquit Seneca, contrario motu. Secundò, oculus etiam suo motu transferre videtur Iridis sedē. In ambula enim versus alterum cornu, fugiet ante te, consequeturque; pone alterum à tergo, inueniesque te semper medium inter utrumque.

Addit Posidonius: Si color aut lumen in vapore defixum cerneretur, evidentius è propinquo, ut alibi solet, in oculos se ingereret: secus tamen est: nam si in vallem accurras: in quam brachium ejus dependere vides, nil nisi roseidum, sine pictura aut luce ulla insigni, aërem circa te circumspicias. Hæc autē omnia signa sunt specularis inspectionis; & oculis nostris non tinctur à vaporis, sed rem quæ extra est, imagine à speculo illo repulsâ, occurrere.

Sed vix possum induci ut accedam. Primò, quia quod in speculo aspiciamus, tantum intra profunditatem recessissimè, quantum à superficie ejus distat, apparet: unde si speculo faciem admoveas, imago tibi obviam videtur procedere. Quod ingeniosè P. Æta lib. 3. Metamorph. in puero Narcisso, amore sui in fonte conspecti pereunte, expressit.

Ovid.

Exigua prohibemur aquâ: cupit ipse teneri.

Nam quoties liquidis porreximus oscula lymphis,

Hic toties ad me resupino nititur ore,

Posse putes tangi. minimum est quod amantibus obstat.

Quisquis es, huc exi. quid me puer unicefallis?

Contra tamen omnino in Irade evenit, non instar umbræ, siquentem fugit, sequiturque fugientem. Secundò, illa colorum varietas satis arguit, lumen Solis esse guttularum umbris mixtum, & in colorem medium temperatum. Sic enim etiam in aurora, in prismatibus, sive triangularibus vitris, in urinalibus aqua plenis, in columbarum cervicibus, varios, umbrarum & lucis miscela, concinnari colores videmus. Scio quid reponat Vico-

Vicom.

mercatus, *Falsum est, ait, Solis colorem in arcu non apparere*

vere, apparet enim, etsi non parus: quippe qui in speculo colore infecto, hoc est, in nube nigriori exprimitur. Sed nimis leve & perfunctorium hoc est, ut statim acquiescam, Nam si vultum aut lucem in alt amento aut nigro marmore inspiciam, tenebrescit quidem & infuseatur species; nunquam tamen in purpuram aut colorem alium medium facessit.

Vidcor tamen jam Aristotelem, aliosq; ante laudatos in partes nostras parè posse traducere. Nam propè aut planè verū est, & lumen nubi incorporatum, & unā Solē in Iride cerni. De lumine nubis, mihi fixum jam & certum. De Sole ostendi potest: quia radius Solis primarius reflexus est, qui Iridem nobis deformat, non aliquis secundarius, ut postea dicam, ubi causas anquiram figure illius circularis: radius autem primarius, quique à speculo per angulum incidentiæ parem reflit, objectum representare, & ad visionem ejus excitare potentiam solet. Verū tamen metuo, ne visus ita totus in speculando lumine vaporis (quod apud me equidem, est species ipsissima lucis solaris) occupatus sit, ut actionem suam ad Solem usque, cujus tamen speciem habet, non extendat. Ubi enim species visibilis in aliqua parte medii sic conglomeratur, aut miscetur opaco, ut ipsa objectum sensu comprehensibile concinnet, tunc ei fortasse sic adhæret visus, ut ad primum objectum, quod speciem illam sparsit, exire non possit: quod in libris de Anima magis & enucleatius diducemus.

Ex discursu igitur præcedenti patet, Iridem tam refractione radii intra profunditatem vaporis, quàm reflexione ad oculum gnerari: omniaque in lucem longius extrahentur à dicendis, ubi etiā causas, cur Iris attollente se Sole succumbat, & succumbente se attollat, cur à tequente deprehendi metuat, abeuntem ultrò sequi amet, & alia id genus prodemus.

ARTICULUS III.

Cur Iris circularis adversus Posidonium, Senecam,
Plinium, Scaligerum, Bodinum. & alios.*

Cardan.

HI omnes, aliique plures, quorum Philosophia minimam cum Opticis mixturam fecit, in cavitate nubis figuram istam conjiciunt: imò Cardanus etiam, quod impense mirum, lib. 4. Subtil. idem facit: Auctorque libri de Mundo: quem ne Aristotelem existimes: nihil enim genii & ingenii ejus habet.

Verum, non magno opere refelluntur. *Primò*, quia non semper extremus nubis limbus in rotundum compositus est, quoties apparet Iris ventorum enim flatibus, item vaporis & aëris perpetuo fluctu, in omnem se formam transfigurat. Deinde, cum à cornu uno Iridis versus alteram incedimus, quandoquidem nobiscum transferri videantur, exciderent statim limbo isto circularis nubis. *Secundò*, nulla causa erit, cur non etiam triangulares, quadrangulares, & milleffimo alio schemate depingantur Irides, si illa est fortuita figura vaporis: nam vapor instar Protei in omnes formas detorqueri potest. *Tertio*, Iris artificialis (cui Aristoteles altera, similitudine indolis, componere solet) nata aspersione aquæ in radios Solis, semper in circulum se gyrat, cujuscunque schematis sit humor quem ore exspargimus.

Aristot.

*Alex.
Vicom.
Scalig.*

Hinc liquet, Alexandrum, Vicomercatum, Scaligerum à vero aberrasse, cum inter cornua Iridis inanē concavitatē fingunt, ideoque totum illud spatium vacare, nec impleri imagine Solis, quia nullum ibi sit ejus speculum. Revera enim tantum luminis per totam illam semicircularem aream sparsum & inculcrum est, quantum in ipsa Iridis circumferentia cernimus. Unde id rescire potes, inquires. Ex motu quo alterum cornu, per spatium illud quod inter brachia apparet vacuum, me sequetur, si ad oppositum cornu gradum faciam.

Ammon.

Ammonius, & alii quidam, Iridem circulo circumscribi credunt;

credunt; quia talis est figura Solis. Sed perperam, quia Sole eclipsi in media parte defecto, item Lunâ semiple-
nâ, aliquando apparuit arcus; nec minus, quàm pleno
utriusque sideris orbe, circularis. Nihil ergo refert, cu-
juscumque illuminans sit figuræ.

Itaque gyros ille circularis Iridis, nascitur ex æquali-
tate & similitudine angulorum; quibus radii sideris à nur-
be rorante ad oculum respicientis undique perveniunt.
Hoc enim mecum perpende. Ut radius qui in nubem pe-
netravit, coloratus & evidenter conspicuus in oculû refi-
liat, debet certo angulo reflecti: id est, inter radium Solis
qui directè in nubem jacitur, & illum qui versus terram
retorquetur, certam quandam distantiam & divaricatio-
nem esse oportet: hoc est, anguli semirecti, ut existimat
Maurolicus. ut autem reflexio tali præcisè angulo ad ocu- *Maurolicus.*
lum fiat, non à quavis parte roscidæ nubis venire potest.
non à justo superiori, non ab inferiori, sed aliquâ quæ de-
terminatum ab oculo intervallû habeat. unde ut multæ
partes illo sive pari angulo lumen versus oculum rever-
berent, debent æquè ab oculo distare, id est, in circulum
disponi, cujus centrum sit in oculo, à quo omnes lineæ
ad circumferentiam educæ sint æquales.

Sed aliquot hîc satis perplexæ difficiles tricæ nobis
extricandæ sunt.

Primò, Stillicidia vaporis, corpora gravia sunt: cur er-
go ex illo Iridis arcu non statim excidunt, cùm nihil so-
lidi sit, quod ipsa infernè sustineat? Dico excidere, dis-
solvendumque Iridis contextum, nisi (quod plerumque
aliquamdiu fit) supernè alii rores in spatium decidentiu
defluerent, & in eodem situ, quo præcedentes guttæ, exci-
perent radium. Hinc sequitur, perpetuò mutari Iridem,
etiãsi Solem daremus in eodem gradu immotum per-
manere. Nam ubi diversa specula, & aliud aliudque lu-
minis subjectum est, necesse etiam formam illam tories
variari. Visus tamen id non intelligit: quia gutta gut-
tæ tam promptè supervenit, ut non agmen diverso-
rum, sed eadem & constans acies appareat stantium stil-
licidiorum. Sequitur quoque, Irides pertinaciores esse,
quæ

quæ humilem curvaturam habent, quales depingi solent sublimi Sole. Tales enim majorem nubis roridæ partem suprà habent, diu.úsque circumferentiam illam terræ propiorem depiungere ex alto vapores possunt. Ubi etiam intelligis, cur summa Iridis abis facilius rumpatur & evanescat, quàm ima cornua. superior enim nubes rorem sæpè & humorem totum effudit, cum per ærem terræ vicinum, qui brachia arcûs sustinet, adhuc defluunt stillicidia. Vides deinde causam, cur Sole pariter lucente, frangatur hîc aut ibi catena luminis. quia scilicet una pars nubis citius quàm altera exonerare se & liccare deperat, colorique sustentaculum subtrahit.

Secundò, difficile est enarratu, cur Sole horizontem tangente, radii nubem incidētes non reflectantur potius versus cœlum. Ex Euclide enim & experientiâ constat, reflexionem in speculis semper fieri versus angulū obtusorem. Facile id intelliges, si loco summæ nubis in quâ supremum Iridis gibbum vides, speculum ingens imaginem excipiar. cum enim Sole illuminante & oculo aspicientis altius futurum sit, haud dubiè radium sursum, non deorsum ad oculum retorquebit: quia angulus, quem radius oblique incidens, cum superficie speculi facit, acutior & angustior versus terram est; quâ verò spectat cœlum, obtunditur & se laxat.

R. spondeo, Manifestè hinc evinci, Iridem non generari reflexione imaginis Solis à continuo & perpetuo aliquo speculo; sed ante reflexionem, in infinitis parvis *ἐν ἀπείροις*, live speculis, ut docet Aristoteles, lumen refringi, & veluti in totidem nodos colligi; ac deinde hæc illac, ut in globis cristallinis aut vitreis aqua plenis cernimus, per varia superficiei puncta exspergi. Ex illis autem guttularum radiis quidam cœlo reverteruntur, alii ad terram & oculum perveniunt. guttæ enim illæ lumine turgentes, undique, ut dixi, se exonerant, & radiant in orbem.

Sed ecce jam tertiam, & maximam difficultatem. Cur igitur omnis area Iridis, & universi qui in tota undique rorida

rorida nube guttarum globuli, non fulgent simile luce, si omnes pleni sunt, & undique eam spargunt?

Franciscus Vicomercatus, non malus Aristotelis in. *Vicom.*
 terpres, conatur persuadere, radios à totâ mediâ circuli
 areâ non reflecti, quia fortiores cæteris sunt, tanquâ pro-
 pius distantes à perpendiculari, quem per centrum oculi
 imaginamur & centrum Iridis trajici. Sed ad suspectum
 vanitatis, imò, nisi fallor, satis compertum, infirmâ inter tra-
 ctandos Iridis colores ostendemus, Suppone igitur, quod
 verum: omnes intra extra ambitum arcûs guttas per-
 fusas esse & rumentes sideris luce. Hæc credo difficultas
 Cardanum, Scaligerum, & alios in eas angustias compu-
 lit, ut inter brachia Iridis nullam esse nubem, aut nimis
 reductum & à nobis distitam crederent. Sed fac aliquan-
 do ita esse: quandoque tamen, & sæpius aliter eveniet.
 an ergo quisquam fando accepit, aream unquam Iridis
 simili luce variam usque ad terram apperuisse? scio nun-
 quam factum.

Itaque aliter, & ingeniosè Maurolycus rem hanc com- *Mauroly.*
 ponit, etsi tamen etiam in fluctu me relinquit. In quali-
 bet guttâ ait refractiones multiplicari, & se invicem adju-
 vare, ac deinde lumen conglomeratum undiq; dispergit
 verum radium qui angulo semirecto reflectitur, solum
 idoneum esse qui repræsentet aliquem colorem. qui enim
 acutissimo angulo repercutitur, quia fere contra radium
 directum redit, ab eo obtunditur, & permixtam umbram
 exuit, ne appareat in eo color: qui verò obtusissimo an-
 gulo à guttâ, etiam propter talis radii debilitatem, non
 coloratur. Igitur, qui per mediam distantiam inter radi-
 um directâ & superficiem nubis ad terram redit aptissi-
 mus est, qui rapiat colorem. satis enim fortis est, & sat
 longè abjunctus à radio recto incidente, ne ab eo offu-
 scetur, maxime cum, ut notat, ab octo punctis in superfi-
 cie concavâ cujusvis guttæ æquali intervallo dispositis,
 radius directus octies in radium qui angulo illo semi-
 recto reflectitur, repercutiatur; ut necesse sit tot radiis
 in unum confluentibus, eadêmque via emicantibus, in-
 signiter roborari.

Sed

Sed hæc fortasse, nisi arbitrio oculorum, & proposito è Methesi schemate, non facile intelliges. Rem igitur paulò familiariùs è Vitellone tractemus.

*Vitello l. 10
lib. 66.*

Ex unaquaque vaporis guttulâ tres, cogita, radii ad terram dejiciuntur. Unus per superiorem aërem trans caput tuum cadit, nec demittit se usque ad oculum spectantis Iridem. Secundus, ante pedes tuos in terram decedit. Tertius, inter utrumq; medius, oculum incidit. Hic verò, ut sit satis plenus & robustus, debet non quovis, sine discrimine, angulo, sed certo & determinatæ magnitudinis reflecti. Nec tamen adeò validū esse oportet, ut guttularum & vaporis opacitatem vincat: sic enim nullo se colore tingeret. Huc ergo usque valere debet, ut per obstantem nubis opacitatem regredi, denso satis ad oculum excitandum lumine, possit; ita tamen ut stillicidiorum implexas sibi & intricatas quasdam umbras secum trahat. umbrarum enim ista mixtura necessaria est, ut lucis candor in ruborem, virorem, aut purpuram declinet. Alii verò radii, qui à guttis mediam circuli arcem intextentibus ad oculum repelluntur, non habent istam mediocritatem; ut paulò post enarratiùs explicabo.

Sed estne angulus reflexionis istius perpetuò semirectus, ut contendit Maurolycus? Vix existimo. Nam in illa Iride Lovanienti, quam anno 1625. cum Clarissimis & Eruditissimis Viris, Thomâ Fieno & Petro Castellano, ut Articulo primo reuli, conspeximus, à cornu illo nobis propinquiori, acutiori angulo quàm semirecto quàmque ab altero cornu, tantò longiùs abjuncto, ad oculum nostrum radius redibat. Itaque hoc magis censeo: Radium qui colorat nubem; primarium reflexum esse, qui à corpore illuminante actione reflexa producitur, resilitq; angulo pari, aut circiter, angulo incidentiæ. Et hinc est, ut variatâ Solis altitudine, & consequenter radio directo per aliud superficiæ punctum in profunditatem gutta: ū se mergente, varietur quoq; angulus reflexionis & Iridis altitudo. Cùm enim Sol demissus est, per superficiem penè inferiorem quàm terram gutta despicit, radius intrare debet, ut radii primarii reflexio tangere oculum possit.

unde

unde non nisi ab altissimis, & vertici nostro vicinioribus guttis, talis reflexio esse valet; id est, summa curvatura Iridis maxima supra terræ superficiem elevari debet. Meridiano autem, aut saltem excelso supra horizontem Sole, radius guttis supernè quodammodo supervenit, & proinde non nisi à valde humilibus & horizonti propinquis radius reperi ad nos potest. & inde minima illa arcuum segmenta, quæ apparent adulto, sive dudum ante occasum, aut dudum post ortum, die.

Quod autem de primario reflexionis radio dixi, faciam te, spero, ut intelligas.

Cùm in superficiem speculi, vel lacûs, v.g. radius Solis obliquè cadit, si à Sole aversus in lacum prospicias, ita scilicet ut oculus inter Solem & lacum medius sit, imaginem sideris in illo speculo non vides; & tamen lumen aliquod secundarium à luce per totam lacûs superficiem dispersa in oculum recipis: sed non radium Solis primum, qui versus oppositam lacûs ripam reflectitur ad angulum angulo incidentiæ parens, hic autem primarius est, quia à Sole ipso (non solum à lumine per lacûs superficiem disseminato, & undique etiam tenuiter & subobscurè radiante, ut secundarius) sursum reproducitur. ideoque uberior est, & visum deducit (quod alius non facit) in Solis visionem.

Igitur rem totam in clausulam istam colligo. Iridem in vapore isto cernimus, unde reperi ad oculum radius Solis primarius potest. ille verò certo aspectu sideri opponi debet. A guttis quæ extra gyrû arcûs & vertici propinquiores sunt. radii primarii post tergum nostrû rejiciuntur, à guttis intra areæ ambitum conclusis, ante pedes nostros recidunt in terræ superficiem. Ab universis tamen, intra extrâ arcum stillicidiis, radium aliquem secundarium excipimus; sed iste debiles, & à primâ solum vaporis superficie. non ex valde profundo venit, ac proinde sine coloratione. Cætera quæ tibi hîc occurrere & impedire possunt, sequentes Articuli, nisi fallor, expedient.

ARTICULUS IV.

An centrum Solis, oculi, Iridis, oporteat semper in eandem lineam rectam incidere.

M. Ant.

Vitello, Maurolycus, Cardanus, Vicomercatus, Thimon, & plerique omnes facto agmine in eam sententiam currunt. Infelix etiam ille Spalatensis, M. Antonius de Dominis, etsi non summus, melior tamen non paulò Opticus quàm Theologus, in libello de Radiis visus & lucis, ante apostasiam edito, Immeritò, ait, Cardanum reprehendit Scaliger, quòd lineam unam esse dixerit, in quâ sit Sol, oculus, & centrum Iridis. Hoc enim & Aristoteles, & gravissimi alii Philosophi admittunt, & ratio suadet, & experientia manifestissimè convincit. Nam quòd ipse affert se vidisse propiorem sibi alteram coronidem Iridis, deceptum puto. non enim spatium illud mensuravit: aut illa non fuit Iris, sed alia quaecumque impressio.

Verùm ex verissimis Articuli primi historiis protegi fortasse potest Scaliger. Sed ante omnia video, opus esse aliquâ Iridum distinctione, quas Auctores passim in unam confundunt, cùm naturâ & modo generationis, toto cœlo diffideant. Elicio verò hanc differentiam ex duplici genere Iridum artificialium.

Aristot.

Seneca.

Vitel.

Primæ oriuntur per ἀνακλασιν reflexionem, præeunte tamen, ut Articulo secundo diximus, aliquâ διακλασιν refractione, quâ radius intra humoriẽ cumuletur & densius inculcetur. Tales apparent, inquit Aristoteles, in aquâ remis in guttas dispersâ, item si quis occipite obverso Soli aquam in radios ante se exspuat. Idem videbis accidere, inquit lib. 2. cap. 3. Nat. Seneca, si quando volueris observare fulgonem cùm os aquâ implevit, & vestimenta ridiculis (palis fissilibus) dilecta leviter aspergit, apparet varios edi colores in illa aëre asperso, qualis in arcu fulgere solent. Vitello etiam in præcipitio quodam aquarũ juxta Viterbium in Hetruria, perpetuâ Iridem certo ad Solem aspectu,

aspetu, in aspergine aquæ in aliû salientis, videri dicit, seque in ea multa quæ ad Iridem fuisse meditatam, & Jovianus de quâdam aliâ simili:

*Ac memini, dum castra sequor, Mavortiaque arma,
Quâ præcepit sese Tyburnâ rupe volutus
Fert Anio, multaque cadens aspergine sudat;
Fumosa fulgere super conspergine claram
Irin, & aurato jacentem spicula cornu.*

Jovian.

Hujusmodi Irides, famosæ & solemnæ istius quâ nubilo Sol depingit nubes, germanæ & sorores sunt.

Sed alterum Iridis artificialis genus est, meræ διακλασις & refractionis filia. Talem prismata, & vitra triangulata efficiunt. item urinale, aut vitru etiam vulgare vinarium, simili est in subiecto pavimento affibrè suis coloribus deformabunt, si obscurato nonnihil cubiculo, radium Solis per foramen, aut sub apertam fenestræ rimam admissum, vitreo humore ita excipias, ut non per totam ejus profunditatem, sed tenuem & summam ejus partem se trajiciat. Ita enim radius nimiam opacitate humoris vitæus non obtenebrescet, sed aureo, viridi, purpureo colore hilarescet. Radius, qui tenuissimam & supremam humoris portionem transcurrit, minimû nigri & opaci secum defert, apparetque in puniceum aut flavum digestus. qui verò longius per humorem eunt, densitatem illam egrediè perumpunt, & majori opacitate in virorem aut purpuram adstringuntur.

Hæ autem Irides purâ putâ radii intra humorem refractione fiunt, pingunturque ad modum veri coloris in superficie quam post vitrum incidunt. unde etiam ex quolibet situ & distantia eodem modo oculis se ingerunt. Hanc posteriorem Iridem, ut discrimen aliquod contra confusionem interjiciamus, refractam, priorem reflexam appellabimus. Exemplo refractæ multi viri docti utuntur, inter quos doctissimus Wendelinus noster, & Keplerus cap. 4 P. 1. in Vitellonem, *Materia aquea: inquit, quæ inter spectatorem & Solem est, seu pluvia sit seu pelucida nubes, seu nebula, (vidi enim Irides & in nebula) format & figurat refractiones radiorum Solis. quæ verò*

Wendel.

Keplerus.

post

post spectatorem est, ea excipit hos radios Solis refractos. Nubes autem superflans obumbrat locum, & radios directos avertit. ut colorati radii cerni queant. Itaque non est verum, radios seu Solis, seu visus reperiendi vel frangi in ipso loco nubis, ubi apparet Iris. Afferit tamen, centra Solis visus, & Iridis in eadem lineâ rectâ extendi. Quod non esse consequenter dictum, parebit statim.

Aristot.

Dico primò: In Iride reflexâ, quales solemnes illæ pleræque nebigene sunt, centra Solis, visus, & arcus, in eandem ferè semper omnino, aut pænè lineam rectam cadunt: quæ Iridis axis appellatur. Infinitæ experientia, & Aristoteles id satis probant. Estq; eadem hujus ratio, quæ figura illius circularis, resultantis ex æqualibus angulis reflexionum. Si enim oculis directè medius non esset inter Solis & Iridis centrum, sed propior alteri brachio, imparibus angulis reflecteretur ad eum radii. acutiori enim angulo repelluntur à brachii vicini, & quod propè ad latus spectatur, vapore, quàm ab altero, longo se inde intervallo divaricante. unde necesse esset circulum depravari, & in aliam propinquam figuram detorqueri. Quod tamen aliquando etiam evenire docet Iris illa Vasconica Scaligeri, & nostra Lovaniensis: nec unquam à me Vitello, Matrolycus, M. Antonius impetrabit, ut non viderim, quod sub tam magnis testibus, & tam comperit ac palam vidi. Radii igitur, qui mihi spectanti sinistrum latus ferè radebant, & in mediam fermè Iridis aream cadebant invisibiles cum utrumque cornu aberat procul, multiplicatis in vicino pluviae stillicidiis, manifestè jam inde in oculos repellebantur, colorati umbris & guttatis per quas transibant & refringebantur opacitate. Ubi verò sine pluvia aer ille est, liberè trajiciuntur sine sensibili reflexione radii aut si raræ tantum & dispersæ guttæ, per intervalloꝝ laxitatē se satis expediunt. Reflexio etiam ista, ad angulū angulo incidentiæ parem fieri potest: quod in Iride quæque artificiali usu venit, quæ tantò tamen oculo adspicientis est propinquior. colores autem ejus non sunt tam ardentes & insigniti, quàm aliarū Iridum, etiam si hæ longinquiores sint: quia à paucis guttis ore

ore sparsis radii retroaguntur, ubi in majori ille est magna vaporis profunditate, & per multos guttarum ordines retunduntur versus adspicientem. Hoc etiam non in super habendum: Non paucos esse radios, qui ad oculos non redirent, quia non illo quo oportet angulo primum reflectuntur; postea tamen in aliarum guttarum superficie sic incidunt, ut inde jam aliis radiis mixti & confusanei ad nos resiliant.

Ex dictis colligi etiam potest, Iridem reflexam, figuram eclipticam & ovali posse quandoque depingi. Probatur, quia nostra illa Lovaniensis fuisset talis, si interlucentibus Solis radiis imber similis inter sinistrum cornu & oculum nostrum decidisset, qualis se objecit dextro. Pari enim ratione ab ea parte stillicidia radios interceptissent, adstrinxissent in colore, & denique adduxissent ad spectantem. Cur enim quod in uno cornu factum, non valuit etiam in altero? Suprema tamen arcus curvatura in eadem nube & stillicidiorum altitudine potuit interire & permanere, sicuti revera permansit admoto altero tantum cornu. compressis autem duobus brachiis, nec descendente superiori gyro, necesse non circuli, sed eclipsis aut figuræ ovalis segmentum videri. Rarissimæ tamen sunt tales Irides, & citò se recipiunt ad figuram circularem, vapore deciduo, nec altero paris densitatis in locum ejus superveniente. Deinde, quod caput est, coelo satis dense plueret, nubilatum est, Solem tam uberes radiorum fascis per longam stillicidiorum aciem transverberare, qui sufficient ad colorandam tam propinquam oculo spectatoris Iridem. Idem enim hic, quod in nebula ambulantibus creè evenit. Spatium circa decem aut quindecim passuum, quasi sereno pellucet, sed paullum ultra omnia caligo sepelit. id est, etsi tanta in vicino caligo sit, oculus tamen id non sentit, quia opacitas quæ sustineat & terminet visum non statim ex minima distantia occurrat, cum tamen à proxima caliginis exhalatione in oculos refusum, diluat quæ unà reflectuntur umbras, ut non valeant distincte, & quantum necesse est ad sensum, in fundo oculi depingi. ex distito verò, malignè & tenuiter lux redit, &

tenebrarum sive opacitates claram mixturam in oculos perfert. Ita ergo similiter, in valdè propinquo non satis saepe numero opacitatis & simul luminis est, ut ubi incendatur Iris. Nam (quod frequentius, & ferè solet) aut radius sufficientem illicò ante oculos nostros opacitatè non invenit, aut si est, ipsa lumen suffocat. & extinguit ut jam vires ad inaurandum arcu non habeat. Rem ita habere, mentior, nisi Iris artificialis manifestè adfirmer. Nō enim dicitur artificialis, quasi nō à causā naturali, & Sole generetur; sed quia vomitu & roratione oris, aut alio artificio humor Soli Iride depingendus exponitur. Hæc autem Iris, quia in ardentis Solis radios opacus humor guttatim dispergitur, ob oculos nostros, unius aut alterius, pedis intervallo nascitur. Id autem etiam posset, etiamsi è nubibus in radios distillarent, non ore guttæ vomerentur. Quid enim in illum effectum refert, unde veniant?

Dico Secundò: In Iride refracta nulla omnino necessitas statuendi centrum Solis, oculi, Iridis, in eodem axe, sive lineā rectā. Id veritatis in Iridibus refractis artificialibus compertissimum est. ex omni enim situ, supero, infero, opposito, transversali, & ab oculo extra utrumque cornu constituto cernuntur. nec mirum; quia visio talis catoptrica & specularis non est, sed directā, quali spectantur imagines in tabula depictæ. Omnes igitur illæ Irides Artic. primo memoratæ, quæ ad latus Solis, aut alibi ab oculo longè extra lineam à centro Solis in centrum arcus eductam collocato, aut cornibus sursum inversis, visæ sunt, refractæ planissimè, non ordinariæ, reflexæ, & Aristotelicæ fuerunt. Ad harum autem generationem duæ nubes necessariae sunt: una prior, in cujus vapore continuo, aut guttatim sparso (utro ibet enim modo contexta sit, est indifferens) radii incidentes refringantur, & colorè arripiant; altera posterior, & nigrior, quæ sit veluti paries, in quo radii priori nube elapsi pingantur. Utilis etiā fuit: itertia nubes, quæ parietem illum inumbret, quod monuit Keplerus: nā nimius circumcircā Solis splendor picturam, consumptā omni umbrarum nigredine, faciliè digereret

digeret in sincerum candorem. Prima deinde nubes, altior, aut ad latus esse debet, siue nō interponi inter picturam & adspēctum nostrū; sic enim interpellaret oculi a-
ciem. Rotundam denique, aut propē, esse oportet, quia al-
liās radius per eam trajectus, in pariete posteriori non
circularetur, sed tenderetur rectus, aut (quod solemnius
est) in alia quādam maculosa schemata torqueretur. Sape
etiā quod hīc aut ibi circulo exerrat, ē longinquo tamen
apparet circularē, spatio errores corrigente. Hoc denique
adjiciendum, Irides refractas al. quando integrum circū-
lum supra horizontem ostendere. Patet id ex Iridibus
Cardana & Vitellonis, Articulo primo narratis.

ARTICULUS V.

An Iris videri possit major semicirculari.

DE Iride reflexā & vulgari. quæ per antonomasiam I-
ris, est hæc dubitatio. Aristoteles & Optici consensu
demonstrant, Iridem talem maximam formari Sole Fini-
torem ortivum aut occiduum contingente. tunc etiā esse
semicircularum: quia axis Iridis, siue linea recta à centro
Solis per centrum Iridis ducta, in plano horizontis jacet,
& tam Iridis quàm Solis illa centra supra horizontem
conspicui sunt, apparente verò circuli centro, & Finito-
rem tangente, necesse est totum semicirculum unum emi-
nere, altero suppresso infra Finitorem. Tunc igitur se-
micirculus Iridis videtur, inquit Vitello: nisi fortē tantò
minus, quantum est differentia propter hoc, quòd centrum
visus non est verum centrum universi. In hoc autem non
est sensibilis differentia. & si sit, non est in generatione Iri-
dis sed in visione ipsius. Quæ mihi non videntur satis
circumspēctē asserta. Nam & oculus circumferentiam
Iridis & altitudinem finit ac determinat) à vapore enim
superiori, Iridis absidi circumfuso, & altiori quàm sic se-
midiameter arcus, sit etiā, sed quæ post spectatorem
adat: reflectio) & si Iridis, quàm semicircularem adspi-
cimus, circulus internè clauderetur, longè abest ut inter-

Aristot.

*Vitellio,
lib. 7.*

ciperet in media sua area, terræ & universi centrū. Semicirculus enim, quam infra terræ superficiem demersam imaginamur, nequit esse in jor alterā nobis conspicuā, hæc tamen ultra nubes non tenditur, imò in aterrimis illis & humore multo gravidis, quæ vix ultra 500. passus à terra distant, perumque finitur. Totidem ergo solum possibus occulta altera semidiameter in terram condetur, cū hinc tamen ad universi centrum non sit brevius quàm 860. miliarium German. intervallum.

Unde jam facile intelliguntur extra oleas nimis longè abire, qui docent, Iridem cujus semicirculum videmus, per se sè circulandā esse, si apud Antipodas nubes torida contra eam quam Iride fulgentem cernimus, disponatur. Supponunt enim in imaginationis suæ fundo, centrū Iridis terræ centro respondere, ac totum terrestrem globum Iride sic circumligari, ut ille trajici valeat per hujus aream & circulum. In quā tamen etiam allucinatione, Opticorum non pauci sè videntur. Sed errorem apprehendes, si cogitas tantò majorem esse globi terreni quàm Iridis diametrum; faciliusque fore, camelum per foramen acūs extrahere, quàm terram per Iridis unius, etiam amplissimæ, circulum.

Verum tamen est, centro Solis ad Finitoris limbum depresso, Iridem semicircularem apparere (nisi montes, aut alia in superficie telluris protuberantia imis cornibus aliquid demordeant;) sed non mediani unquam est circuli majoris, qui terræ globū secet in duo hæmisphæria equalia. Ratio autem cur semicirculum totum adspiciamus, optima ab Aristotele affertur: quia axis qui per centra Solis & Iridis transit utrimque incumbit horizonti: ergo etiam centrum Iridis est in ipso horizonte, ac consequenter horizon semicirculum abscindit à circulo per ejus centrum.

Aristot.

Cardan.
Scalig.
Averr.

Sed potè tne quandoque semicirculo major apparere? Affirmat Cardanus, Scaliger os ei baruit, suo more; sed injuriā, ut lex è. Averroës enim lib. 3. Meteor. audivisse se à fido teste, Iridem pænè circularem aliquando visam, narrat: nisi tamen refracta illa, non vulgaris & reflexa fuit.

fuit. Ex monte tamen altissimo talem apparituram, Thimon.
 mon (quo nullus inter veteres illos & siccos Parisienses
 Nominales in re naturæ consultior) Maurolycus, aliique Mauro.
 præter Cardanum asseverant. Possibile est, ait Mauroly-
 cus, Iridem integram apparere, si quis supra horizontem
 tantum exaltaretur. ut alter semicirculus supra horizon-
 tem existeret. Si quis ergo in cacumine montis, aut turris
 excelsa aut arboris existeret, ex Iride plusquam semicircu-
 lum videret. Mons tamen majoris crassitudinis esse non
 debet, quam sit Iridis diameter, sive linea intensa ab
 uno cornu ad alterum: nam aliàs obflaret radiis circu-
 antibus Iridis gyrum. Turris igitur, aut scopulus altus,
 cujus basis, Iridis brachia non impleat, ad id experimen-
 tum maximè idoneus. Bellè Thimon: Si oculi hominum
 possent elevari sicuti oculi avium (ut gruum, ardeum, Thimon
 aut alaudarum) viderent secundum circumferentiam Iri-
 dem completam & rotundam. Id ergo fiet, si avis volatu
 superet Iridis semidiametrum, & aliquis superior in
 media regione nubium ordo sit, qui excipiat supremum
 Iridis semicirculū, inferior enim in infima regione, & in
 toto spatio ubi è plano nostras Iridis cernimus, inverso
 tamen situ, & gibbo terræ innitente, depingetur. Cur
 enim non fiat? Nam tota vaporem sphaera, quæ hinc, ut
 Libro primo finivimus, ad quartū à terra milliarc Italic.
 sursum tenditur, æquat aut superat profunditate integram
 Iridis diametrum. Statue igitur medio hoc intervallo de-
 fixum oculum, in centro Iridis esse poterit, cujus una se-
 midiameter ad duo sursum milliaria, & altera totidem
 deorsum poterit extendi, sed nulla credo ferè unquam se-
 midiameter Iridis tam alta à quoquam est conspecta. Igi-
 tur Iris illa circulus in aëre pendulus erit, terræ nondum
 contiguo infimo arcu.

Tota autem in hoc consumi videtur difficultas, An à
 vapore inferiori, radii ad oculū & centrum circuli perin-
 de & æqualibus angulis, ac à superiori, reflecti valeant.
 Quod possunt. Nam id Iride artificiali egregiè prob-
 atur, quæ toto circulo se circumducit, nisi corporis umbra
 alicubi frangat ejus ambitum. Tota enim ratio, cur

Irides illæ nubium gyri non impleant, videtur in magnitudine esse. Nam quia conus sub quo videtur, ingens est, & circumferentia spatiofissimè se decircinat, non potest tota supra horizontem eminere; sed superficies terræ occurrens partē necessariò defringit, aut (uti magis concipere solemus) haurit & absorbet. Ex certâ quippe altitudine vaporis & pari sei è in orbem angulo, reflecti ad oculum in centro circuli adspicientem radius debet: unde ad cernendum plenum circulum, tantum vaporis infra oculum esse oporteat, quanta est Iridis superior illa, & in superficie terræ erecta semidiameter. Unde quia Iris artificialis modicæ diametri est, sat infra oculum humoris apprehendere potest, ut in eo pro altero semicirculo spatium inveniat.

Sed ecce, quid jam etiam in mentem venit: Iridem aliquā pro pinguam etiam è plano posse segmentum semicirculo majus ostendere. Id intelliges, si imagineris Iridem artificialem perpetuò ampliari & ab oculo tuo recedere. Post aliquantulum enim distantium, inferioris arcus, gibbus ad terræ contractum descender: ubi scilicet semidiameter altitudinē elevationis oculi à superficie terræ adæquaverit, postea verò si undique laxare circulum, & longius aufugere pergat, particulam circuli infimam terra detrahet, exstabitque interim supra horizontem ambitus circularis paulominus integer. Sed insolentes sunt ejusmodi Irides tam vicinæ, quæ insigni coloratione convertant visum. Nam & densissimam guttarum adspersionem, & fortissimam unā (quæ rarò concurrunt) Solis requirunt irradiationem.

Aristot.

Cum igitur Aristoteles negat Iridem adspici amplius semicirculari, ad minutias istas non circumspexit; sed Iridem duntaxat, quæ è plano, & plenâ ac vulgari distantia conspicitur, habuit in oculis. Hanc etiam excusationem Vitello recipere potest. Quamquā, ut de Aristotele suspicionem meam nudem, nescio an ejus sint, quæ tam profuse & mathematicè nobis admeritur de Iride. Prolixitas enim illa, præsertim in figuris illis mathematicis, non ei sollemnis; & inclino, imò parè (nec solus) labor, ut è

ut è Mathematico aliquo veteri, verbatim etiã forẽ, huc transcripta existimem, & cumulat suspicionem, quod difficillimam et impeditißimam viam ingressus, omnia per radios ab oculis in nubem emicantes, & sæpẽ frustra, conatur expedire: cum sententia ejus de radiis lucis & colorum, quæ etiam tunc plurimum aliorum erat, per planiora & proclive potuerit eum ducere. Scio tamen quid reponi possit & soleat; sed me non implet.

ARTICULUS VI.

De Iridis altitudine.

CARDANUS lib. 4. Subtil. docet, Irides, virgas, parcellas, intra 772. passuum millia à terrâ posse generari: hac ratione, quod summi vapores tam altè in cœlũ subeant, imbres tamen affirmat è propinquiore decidere. Sed neque hypothesis vera est (nam supremæ terræ fumi vix, nisi fortasse raro aliquo eventu, ultra 52. passuum millia scandunt; et Nonius etiam ad 43. minuit) & ex eâ mendosè Iridis altitudinem colligit. Nam excelssissimi illi vapores, qui crepusculo primi manẽ, ultimò vesperti purpurantur, aquei non sunt, nec guttati, in quibus tinctura Iridum possit hæere, sed terrestres quædam & refoetidæ exhalationes. Itaque summa flexura arcus non ultra proximas & imbrium fecundas nubes,

Quâ parte debaccantur ignes,

Quâ nubula, pluviisque rores,

exit. in rorido enim, non arido, vult depingi. Itaque maximæ Iridis, quales ortivo aut occiduo Solis radio deformantur, semidiameter, veteri Opticorum sententiâ, est 42. graduum, id est, totidem cœli gradibus videtur subtendi. Keplerus tamen & Maurolycus ad 45. paullominus extendunt. ut scilicet reflexio sit anguli semirecti, & ex medio inter horizontem & Meridianus intervallo. quarta enim pars cœli, quæ à culmine ad horizontem decurrit amplectitur 90. gradus. igitur octava, quæ est altitudo semidiametri Iridis, capiet 45. gradus, aut aliquantò

Horat. l. 3.

Od. 3.

Keplerus.

Maurolycus.

minus, ut instrumentis repertum afferit Maurolycus: quæ defectum longitudini guttarum imputat. aliàs si circumcise orbiculares forent, non dubitat quin angulus reflexionis, semirectus omnino esset, & Iridis semidiameter ad quintum & quadragesimum altitudinis gradum perveniret. Hæc verò de primariâ Iride, quæ proximâ radiis Solis è fundo nubis reciprocantibus efflorescit, nõ de secundariâ, quæ reflexione primæ, in versis coloribus, in vapore superiori resultat, accipienda. hæc enim, cum inferiorem concentricam, nec minimo intervallo, ambjat, semidiameter longiorem necessariò habet,

Aristot.

Vitell.

Sed quid est, quod Aristoteles inculcat, Iridem semicircularem, partem & segmentum esse circuli minoris, minorem verò semicirculari, segmentum majoris circuli? Nempe quod Vitello lib. 10. th. 78. affirmat: Si Iridis, quam semicircularem humili ad horizontem Sole videmus, arcus ille maximus, in circulum totum circumscribatur, hic minor est futurus, quam circulus ex segmento parvæ & summissæ Iridis, quæ apparet alto supra horizontem Sole, circumductus. Ratio est, quia manè exoriente, aut vesperi cadente Sole, fit Iris illa amplissima & semicircularis, cum scilicet aer & vapores nocturno frigore adhuc densati, vel relabente primo sub noctem rore, quos dies laxaverat, comprimi denuò & redire ad coagulum incipiunt. Igitur tunc pyramis illuminationis est brevior, live radii à Sole in aerem & vaporem ultra visum nostrum coniecti: citius densitate medii hebetati deficiunt, & è viciniori ad oculum reflectuntur. elevato autem supra horizontem Sole, fusis calore vaporibus, & extenuato aëre, pyramis illuminationis est longior, seriùsque in aëre & humore rariori offendunt radii, & à magis diffuso vapore recurrunt ad spectantem, Quæ doctrina Vitellonis impressè adfirmat, quæ Articulo proximo diserebamus de Irides magnitudine. Frustrâque Thimon brachia contra suum Vitulonem (ita enim passim barbari illius ævi Scriptores appellant Vitellonem) jactat, contendens in medio densiori diduci & latius diffundi Iridis circulum. Sed fallitur. nã quantò in propinquiori hærent colores,

Thimon.
l. 3. q. 24.

tantò

tantò ambitus cernitur angustior : ideò enim Irides artificialès tam breves diametros habent.

Hinc etiam facilè colligis. Sole etiam ex eadem altitudine aut humilitate vaporè irradiante, non omnes necessariò Irides esse portiones æqualis circuli. Nam plurimæ causæ sunt, quæ vapores densare aut relaxare valent, Iridique ab oculo distantiam variare evidenti Iridis illius nostræ Lovaniensis argumento. Isto etiam, quod aliquando duæ simul, non permutato colorum ordine, Irides visæ, ut infrà referemus ex Vitellone. Igitur utraque primaria fuit: ac ita superior esse sola potuit; & contrà, inferior sine comite superiore. Non ergo una semper & constans est amplitudo Iridis, Sole eundem cœli gradum transvolante.

Hoc deinde non negligendum : Irides minores & ad horizontem depressas, aliquantulâ refractione per vapores densiores & superficie terræ circumfusus dilatari, ideoque segmentum circuli majoris apparere : sic enim duò sidera, v.g. Geminos cùm primùm supra horizontem emergerent, sextuplo longiùs à se distia, quàm ubi Meridianum attigissent, sæpè adspexi. Verùm, parvum inter iridem & oculum nostrum aëris rorulenti interval- lum, vix, opinor, refractionem efficit sensibilem. Aliam etiam causam imaginatus nobis est Cardanus l.4. Subtil. *Cur, inquit, dum Iris modica est, & parùm à Finitore elevatur, eò majoris circuli pars esse videtur ? Causa est, quòd oculus magis distare Iridem, quò humilior est, judicat, quoniam distantiam intelligit : unde latiore etiam existimat : velut etiam dixi de Sole & Lunâ orientibus.* Sed non hæc princeps causa, cur Sol & Luna discos suos ita diffundant in ortu : sed quia reverà sub angulo majori refractè adspiciuntur. Fieri tamen potest, ut intellectus imaginatus supremū iridis gibbum longiùs abesse, quando humilis est & pænè terrā tãngit, arguat per mētis discursum, majorē, & latiùs crura divaricare, etiam si fortè oculus non cernat angulo ampliori. Quod enim æquale alteri apparet, si tamen distare magis existimeretur, intellectus statim illo majus esse facile cõjectabit. Curva-
tura

turam autem arcus longinquiore[m] esse juxta horizon-
tem oculos dijudicat; quia plura in superficie terræ, in-
ter se & supremum illum flexum ad terram ferè depres-
sum, interjecta videt, quàm ubi arduus valdè est, & altè
elevatis supra horizontem. Cum enim aer totus inter
ipsum & oculum medius pelluceat, nihil per integrum
illud spatium visus cernit, unde metiri distantiam intel-
lectus possit.

Sed hic etiam scrupulus, ante abitum, debet eximi. Di-
ximus initio, semidiametrum & altitudinè semicircularis
& laxissimæ Iridis, in primis illis & imbre tumentibus
nubibus plerumq; finiri. Sed ecce diameter, quæ inter
utrumq; cornu in superficie terræ intenditur, id procul
refellit: distant enim sæpè cornua toto milliari Belgico
sive trecentis passuum Geometricorum millibus: ergo
semidiameter 1500. passuum est: & tamen spatium hinc
ad proximam nubium stationem Libro primo quingen-
tis passibus definivimus.

Thimon.

Respondeo, diametrum Iridis rarò videri Belgici ho-
rarii milliariis. Par enim circiter plerumque, aut paulò
major est, quàm oculi & Iridis intervallum: hoc autem,
plurimum, non longè excurrit ultra dimidium milliare
Belgicum: imò Thimone, parvi medi milliariis, asserere
satis fuit: & Gallicum, credo (scripsit enim Parisiis,)
quod aliquando Belgico brevius, intelligit. Cur autè di-
stantiam ab oculo & diametrum Iridis, seu spatium cui
crura ejus varicibus insistant, congruere ferè putem, facile
capiet, imaginando Iridem artificialem continuo recessu
cornua sua, seu crura vocari mavis, diducere, & in natu-
ralem (sic jam appello vulgare & famosum, quam distin-
guimus ab artificiali) abire. Nam pro modo elongati-
onis ab oculo, diameter & crurum varicatio crescet. Igitur
Iridis amplissimæ & semicircularis semidiameter in nu-
bes surrecta, quadrantem milliariis id est 750. passus im-
plebit: undè si tantus arcus perpendiculari statu horizo-
tis plano infideat, caput intra primam nubem (si 500. so-
lùm passibus à terra dispernitur) ad 250. passus abscon-
det, Et sine dubio potest, quia media regio, in qua tota
coalescunt,

coalescunt, & in pluvios rores densatur vapores, vix finitur intra 4000. passuum altitudinis. Verum necesse non est, Iridem altè in mediam regionem penetrare: quia semidiameter ejus non est plerumque directè, & lineà ad centrum terræ perpendiculari, erecta in cœlum; sed summa ejus pars oculo annuit, & in spectatorem inclinatur, ne summus arcus multò longiùs à nobis recedat, quàm infima crura: quod haud dubie eveniret, si recto angulo semidiameter staret in plano horizontis: veluti apex turris, quæ ante nos est, longiùs se ab oculo nostro, quàm infima ejus basis, avertit. Itaque Iridis culmen in aërem etiam infimæ regionis sæpè se summittit; & atra illa nubes in qua hædere putamus, retrò est: pars enim illa Iridis tam ibi sustineri ab aëre rorifluro, quàm brachia quæ ad terram ipsam per infimam regionem demittuntur, potest.

ARTICULUS. VII.

Causa masculosæ colorationis Iridis. Adversus Albertum, Scaligerum, Cardanum, Maurylicum, Vicomercatum, & alios:

TRes, aut summum quatuor, principales colores videri solemne est in Iride, & hyberbole usus hîc Poëta:

Mille trahit varios adverso Sole colores.

Virgil.

Primus in supremâ absidè arcûs Aristoteli est *ποικίλος* & *puniceus*, secundus in media *πράσινος* & *porraceus* seu *viridis*, tertius *αλεγεινός* *purpureus*. Inter puniceum tamen & viridem *ξανθός* *flavus*, quali utriusque commissura intercurrit.

Aristot.

Albertus, & antiqui Laurentiani Colonienſes Albertiſtæ, lib. 3. Met. Scaliger Exercit. 80. num. 4. varietatem colorû discrimini vaporû tribuunt, in quibus pinguntur diverſi arcûs Iridis. Non ab oculo, inquit Scaliger, sed à luce ac materia fiant in Iride colores. Primus: ex luce & terrestri; idcirco *cæruleus* (aut *purpureus*) *nigritæ* propior secundus *leviore materia*, quippe *aquea*; atque ideo *viridis*

Albert.

Laurent.

Scalig.

dis

dis : tertius flavus, aëris lucidi refert similitudinem; ignem quartus, rutilantior. Hoc igitur vult: vaporem quò humilior & propius terram dependet, hoc terrestrem magis & faculentiorē esse, ideoque radium malignius, in eo, ut crasso & turbido lucere. Nunquam alias vidi clari-
us, quàm in præcipiti & prope lapsum *Phylica* sit, nisi rudi saltem aliquâ Mathematicarum cognitione sustentetur: Non enim valdè ludandum, ut refellantur.

Primò: quia brachia terræ attigua, nulla colorum diversitate maculosa, sed unitate purpureâ apparerent: vapor enim in quo puniceus arcus figuratur, non est clari-
or à terrâ, quàm interior qui bibit purpuram.

Secundò: incredibile est, tam angusto intervallo, in tantum semper vaporis crassamentū & opacitatem variari: & quidem æquali, in omni ferè iride, spatio. Cum enim humor, nunc ad 20 nunc ad 30. aut 50. passus. parem crassitudinem habeat: quare in tota hac intercapedine coloris similitudinem toties evariat? disposito enim materię eadem, tincturæ etiam efficere debet unitatem.

Tertiò: in iride etiam artificiali, quæ remorum auroris adspersione nascitur, varietas colorum perinde visitur: vapore tamen toto aqueo, & uniusmodi quaquaversum densitate.

*Cardan.
Thimon.*

Cardanus lib. 4. Subtil. Thimon. lib. 3. q. 15. Meteor. putant, puniceum à radio solari fortissimo, quia pars illa nubis altissima & vicinissima cœlo est, colorari: deinde paulatim per viridem, in purpureū languescere. Sed non difficili iterum refutatione. Nam cum Sol ad limitem horizontis est, non est propinquior uni parti arcus quàm alteri, D inde, Solus iridis gibbus, qui cœlo magis admotus, puniceo tingetur, cornibus purpurascentibus, aut nigrore tantum infectis. Hi tamen Auctores in veram sententiam deduci possunt, si ex diversa nubis profunditate radios censant redire in superficiem; quod parebit in fine,

Tertio loco exeat doctissimus Mathematicus, Franciscus Maurolycus, in erudito libello de Lumine & umbra, theor. 29. qui ingeniosè fingit, radiosâ parte inferiori
Solis

Solis emicantes, in nubem superiorē, à parte verò superiori, in inferiorem impingere: ita videlicet ut ante nubes superficiem radii illi se decussent, & uni in arcu superiori, alii in inferiori depingantur. Sic hominis foris stantis, si per angustum foramen, in cubiculum obscuratum species admittatur, imagines capitis & pedis in foramine decussatæ, diversæ, caput deorsum, pes sursum abibunt; & tali situ inverso, opposito parieti se allinent. Radii autem qui à centro Solis & circa, inquit Maurolycus, exeunt in mediam nubis superficiem evibrantur. Ex quo deducit, plures in superiorem & inferiorem Indis arcum à Sole radios jaci, quàm in medium. Nam à media & centrali parte Solis radii quidam in arcus etiam illos extremos diriguntur (puncta enim omnia faciei Solis undique lineis rectis in orbem, ubi non offendunt in opacū radiant,) & insuper, quia superficies Solis rotunda est & protuberat, aliqui à summo & imo gibbo globi in nubē inferiorē, ubi purpureus est arcus, & in superiorē, ubi puniceus, promicant; qui tamen ad medium arcū pervenire nequeunt, tumore sphaericæ illius faciei prohibiti, & inde averti. Hinc igitur, inquit, supremus arcus puniceo fulget, quia plures radii partem illam vaporis incidunt, & inde ad oculum reflectuntur: medius magis sobriè lucem bibit, ideoque declinat in virorem: infimus, etsi tot radios quot supremus absorbeat, tamen quia angustior est, arctius eos densat, & astringit in quandam nigredinem: & hinc purpureus, non puniceus limbus iste inferior.

Verum etiam si priores duo colores tolerari utcumque fortasse possint, ultimus tamen à me non potest. Si enim tam densus radiorum fascis in infimum arcum, atque in supremum jacitur, nulla est causa, cur non parem etiam lucis ardorem ostendant. Nec refert, inferiorē, angustiorē gyrum habere: quin imò hoc potius afferet, ut puniceus magis & miniatior appareat. In angustis namque ardentius flammant, & se invicem incendunt radii.

Quartus in proscenium veniat Franciscus Vicomercatus, quem libenter Lovanientes plerique cum Eruditissimo

mo suo Bevero sectantur. Is radios solares quadruplici ordine disponit. Aliqui perpendicularem qui centro Solis in centrum nubis directè exit, proximè circumstant. Hi validissimi sunt, & nubem sine reflexione penetrant, alter ordo, & corona radiorum, longius paulò recessit à perpendiculari, ideoque viribus infra priores est, suppar tamen; & licet redeat ad oculum, altò tamen nubem antè penetrat: unde purpureus revertitur, & onustus multitudine umbrarum. Hic ergo vides infimum Iridis arcum. Tertius ordo, secundo iterum debilior, quia minùs profundè se insinuat, viridis reflectitur: hic etenim color, parcius nigro, & mixtura tenebrarum, quam purpureus, se infuscat. Quartus ordo in supremam & puniceam absidem cadit, omnium invalidissimus, quia longissimè à perpendiculari & axe illuminationis se avertit: & hinc in summa quodammodò vaporis cute deficit, ibique hæret, & eam allambit, ac faciem tantùm non penetralia illustrat. Sed id semper mihi creditu difficile visum.

Primò: Quia in tantula distantia purpurei coloris à puniceo, non video, quid ita statim ordines illos radiorum debilitet.

Secundò: Singulæ guttæ in totâ areâ nubis, quia totidem specula à se divisa sunt, radium suum perpendicularem, non integrâ nubes unicum habent.

Tertiò: Totum spatium inter brachia Iridis, ubi nullum cernis colorem, omnibus tamen arcuû coloribus est plenum. Si enim ad alterum brachium accedas, alterum per mediam illam arcum te sequetur à tergo, id est, novum perpetuò brachiû adspicies in aliâ & aliâ spatii illius parte, quod antea videbatur tibi coloribus vacuû. Signa igitur quodcunque voles in nube mihi punctum, quâ penetrat radiû ille quem vocas perpendiculare, negasq; reperi ad oculû, ostendam ibi ab aliquo, qui totâ semidiametro Iridis à latere meo aberit (id est, qui directè contra brachium Iridis adspiciet) in illo medio & centrali intervallo univerlos colores videri. Iris enim ejus meam interfecabit, brachiumq; alterû per mediam arcum & centrum meæ dependebit. Aut nihil hæc intelligo,

ligo, aut hæc experientia sententiam istam Vicomercati funditus evertit.

Itaque omnino, vel propius verum est, colores omnes ab eodem radiorum ordine, sed ex diversis nubis profunditate redeuntium, generari. Ubi ergo radii nubem primam ingrediuntur, color ardentissimus & puniceus est: & simili tinctura tota nubis & vaporis superficies, quæ radii pyramidis illuminationis (sive longius sive propius absint à perpendiculari) veniunt, perfunditur: sed non ex quavis distantia, ut satis antè inculcatum, reflexio pervenire potest ad spectantis oculum. Ubi radius idem paulò altius penetravit, debilitatur, & per inferiorem (sic enim angulus reflexionis flagitat) nubis superficiem multà opacitate & umbris guttarum implicitus redit versus oculum. Tertiò, longius iterum adactus in vaporis profundum, tenuiori adhuc & fuscâ luce, purpureus sive violaceus emergit, per interiorē & infimâ arcus curvaturam. A longinquiori vaporis parte fit etiâ reflexio, imò, quod mireris, si accedes, puniceum ibi videre poteris colorem: sed ante pedes nostros in terræ superficiei cadit, non attollitur usque in oculum. Si tamen progrediare, radium illum jam excipies, & inde spectabis novam Iridem. Et hæc videtur etiam fuisse sententia Vitellonis lib. 10. th. 67. (etsi sæpè evariet, & hanc aut illam viam pro usu demonstrationis ineat) quam per longas meditationes se formasse ait,

Hinc etiam concludes, non solum primâ nubis superficiem & vaporis, à summo usque ad terram, sed totam etiam profunditatem, universos omnium arcuum Iridis colores habere. Nam aut incedendo, aut recedendo, aut in latus abscedendo, omnes in qualibet vaporis parte ac guttâ cernere ex certa distantia valebis. Si universim ubique confusi sint, inquires, quomodo tam distinctè videmus? Quia, inquam, quidam è viciniore reflectuntur, & per minus opaci incedentes, rubicundi solum & puniceantes revertuntur ad spectantem: alii in longius penetrantes, ut antè à nobis explicarum, magis impediuntur & umbris adstricti, virides aut purpurei egrediuntur. Colores

Albert.

res enim omnes illi non veri (quod credidit Albertus;) sed apparentes solum (si vulgares & fixos colores specie à luce distinguimus, quod in libros de Anima reservamus,) luminis & umbrarum miscelâ progeniti. Non insuper hic habeo tamen Eruditissimi Wendelini nostri suspicionem: Colores scilicet Iridis, esse tales in ipso Sole. Verum, Lunam, faces, & candelas simili colore maculosas esse oporteret, quarum aliquando Irides ad modum Solarium colorantur. Astia etiam Borbonia subeuntia Solem. Iridum colores perturbarent.

ARTICULUS VIII.

Quis numerus colorum in Iride.

Mauro.

MAurolycus quatuor principales appingit: Croceum sive puniceum, viridem, cæruleum, & purpureum: tres deinde alios secundarios, qui veluti ferruminant & committunt inter se principales. Omnes enim quâ se proxime contingunt, limbo quodam magis florido, saltem ab oculatissimis, cernuntur.

Transitus ipse etenim spectantia lumina fallit.

Usque adeo quod tangit idem est, tamen ultima distanti: ait Poëta vetus. Sic Olympiodorus refert à Ptolomæo septemcoloram Iridem aliquando visam. Verum limbi illi & commissuræ, præter flavam, tanquam angustæ nec valde insignes, ab Aristotele neglectæ fuerunt: facitque Iridem, & cum ipso alii passim, quadricoloram tantum; præter puniceum, viridem, & purpureum, immisso inter puniceum & viridem flavo. Putant verò puniceum comparatione vicini viridis, tanquam nigrioris in flavû, quâ parte eum contingit, expalescere: id est, flavum ibi revera nullum esse, sed tantum apparere: eâ ratione, quâ vulgare axioma habet, Opposita juxta se posita magis elucescere: flavus autem uberiorem aliquanto lucis mixturam, quàm puniceus, aut certè opaci minus habet. Ex ista etiam nigri compositione docet Aristoteles, aterrimâ nube iridem coloratissimam effulgere, Iridis Lunarioris colores tenebris nocturnis candescere, Phrygiones

Aristot.

giones, qui gemmas intexunt, splendidas, ut acrius radi-
ent, obscurioribus committere. Hæc non refuto: pos-
sunt tamen in rixam trahi. Nam si oculū ita componas,
ut occultato viridi, solum puniceum adspicias, videbis ta-
men inferiorem ejus limbum in flavum dissolvi; nec ta-
men comparatione nigrioris viridis, quæ non vides. Igi-
tur de alia causa paulisper muginatus, hoc tantum reperi.
Radios puniceos virentibus in confinio commisceri; sive
à puniceis illis, & multo veluti minio saturatis guttis,
aliquid in proximam & radiis viridibus perviam viam
aspergi, flavus enim color ex albo & viridi est mixtus,
ut apud Agell. lib. 2. cap. 26. differunt Fronto & Phavo- Agel,
rinus. Et difficulter, credo equidem, probabilior causa
afferretur, cur in iridibus artificialibus urinali vitro aquā
pleno refractis, viridem etiam & puniceum intercurrat
flavus; quā quia inquam, flammei illius vicinitas pro-
ximum virorem diluit, Nec tantum, quod sic appareat,
sed quia reverā facit.

Hoc etiam notavit Aristoteles: totum aliquando puni-
ceum, etiam in summa abside, laxante se nubis opacitate,
& rarecentibus in sublimi guttis, deciduo omni ferè im-
bre, in pallorem quendam flavescere: opacitas enim disso-
luta, aut diducta, nigrum quodammodo evanescere finit,
quod adstringebat in puniceo. Quæres, an colores, viridis
& purpureus, reverā sint in aliquo gyro nubis inferiori,
& viciniore centro terræ, quā puniceus. Existimo, prin-
cipium reflexionis virentium & purpurascantium radic-
um (dixi Articulo præcedenti) non esse infra absidem
puniceam, sed è profundiori solum emergere: apparet
tamen summissior, ut nubes circa horizontem; quæ æ-
quali tamen à terra spatio distant, cum iis quæ vertici
nostro impendent: sic etiam longi tabulati extremum,
propinquius pavimento videtur, etiam si totum sit ei
parallelū. Credo tamen, radios virides & purpureos non
solum in remotissimo illo reflexionis loco adspici; sed et-
iā in toto spatio medio, quæ per obstantes guttarū ūbras
eluctantur, & directè in oculum veniunt nā ibi precipuè
colorātur; & ideo plus nigri contrahitur à purpureo,

quàm viridi, quia per longiores tenebras, & sæpius stilli-
cidiis occurrentibus, hebetatus enititur.

Sed quare tres soli colores principales sunt? Quia res
alibi maximæ, numero ferè ternario clauduntur, inquit
Aristoteles: Thimon, omnem aliam causam frustra qua-
ri, præter rei naturam. Cur, ait, equus equum generat, &
non elephantem? Puniceus, inquam, aliquantâ ni-
gredine intemperatâ statim transit in virorem, hic illic
in purpuram.

ARTICULUS IX.

*Modus generationis secundæ Iridis, Alberti, Scaligeri,
Vicomercati rejicitur*

*Snel.
Bodin.*

IRis sæpè duplex, raro triplex. Snellius tamen in Co-
metâ anni 1618. quinque, imò sex continuo ordine pa-
rallelas, ait aliquando se vidisse: Bodinus septem-
plicem apparere, nec ultrâ posse, affirmat: quia reflecti idem
radius, nisi à septem speculis, non valet; idque arcano
quodam numeri illius septenarii mysterio. Sed funda-
mentum imbecille est, & valde mirabor, nisi radios sola-
ris benè satur & robustus, à decem etiâ speculis resili-
re antequam evanescat, sit satis validus. Fateor tamen, tam
inufitatum esse tertiæ Iridis reflexionem, ut Aristoteles
negasse videatur unquam evenisse. Nubes enim instar
speculi chalybei non est, quod à superficie statim radium
integrum repercutit: sed lumē primò admittit, & in pro-
fundum sorbet, ac deinde parte veluti extinctâ, reliquum
regerit: ut aqua etiam apud nos solet: in quâ ideò Solem,
quâ in se, aut alio duriori speculo, innocentiùs adspicimus.

*Vitell.
Thimon.*

Notandum præterea, duas (etsi rarenter) Irides con-
centricas, sive quarum una alteram undique exambit pari
intervallo & spatiofiori gyro, visas fuisse, non variato co-
lorum ordine. Id enim Vitello & Thimon narrant. Quod
quandoque plures Irides ejusdem sitûs, ait Vitello lib. 10
th. 71. in coloribus videntur, una sub alia; ut primò ru-
beum, deinde viride, & deinde alurgum; & iterum ru-
beum,

beum, & iterum viride, & demum alurgum; hoc accidit propter diversitatem materia in diversis superficiebus, quarum una est ante aliam, & omnes accidit sub uno angulo videri, unde videntur quasi contiguae. Addit tamen intervallum quandoque manifestum inter utramque interjici, si contingat eas sub diverso angulo spectari. Res tota breviter ex principiis antè datis sic potest expediri.

Non omnis Iris formatur in vapore perinde alto; sed aliqua oculo propinquior & ambitus angustioris est, alia longinquior, & brachia latius pandit: quidni ergo aliquando talis vaporis dispositio esse, ut & in humili ob majorem densitatem aut opacitatem, & in excelsa simul, representari, arcus possit? Certè enim artificialem in adspergine, quando aliam in nubibus eodem colorum ordine, à diverso radiorum ordine, sed eodem Sole depictam, videmus. Sed de secunda illa & satis solemni, superiori Iride, quæ inferioris concentricæ colores pervertit, grande inter Opticos & Philosophos discidium.

Albertus pingui satis Minervâ, rem hac imagine deformat. Sume, vitæ tria vitra semicircularia, & ita inter se conjunge ac ferrumina, ut supremum puriceo, medium viridi, infimum purpureo tinctum sit: expone jam Soli: triplices radii simili tincturâ infecti, totidem arcus, sed dilutioribus coloribus, in opposito pariete depingent. Sic ipse existimat, radios per primariam Iridem transeuntes figurare secundariam in superficie postpositæ atræ nubis, creditque se hoc, ut ait, infallibili argumento conficere: quòd secundus arcus subito quandoque evanescat, nulla manifesta, in nube illa postica, mutatione; sed ideo solum; quia crassescente primæ Iridis vapore, comprimuntur radii, ne ad alteram nubem valeant effluere.

Sed non difficile est errorem nudare. In primis enim falsû ei supponit, Colores iridis veros esse, & vitreis illis similes. Deinde, si id esset, secundariæ Iridis colores non forent inversi: quod exemplû etiam vitrorum illorum ostendit, radii quippe multicoloria vitra penetrâtes, simili

Scalig.

Exerc. 80.

Aristot.

Scalig.

Exercit.

eadem.

ferie parietem obvium depingunt. Denique, secundariâ iris, quia in profundiori & remotiori versus horizontem descripta, infra primariam apparebit. Contra tamen est, & secunda laxiori ambitu primam claudit. Loquere jam Juli Scaliger. *Iridem secundam in eadem nube minimè fieri arbitror sed in loco superiore separatâ: quanquam id oculo dignosci nequit, tum ob longinquitatem, tum ob corporum similitudinem. Duas item vidimus Irides in nubibus diversis, alteram alterâ majorem: quo ex judicio solvitur difficillima questio, quæ tam diu torsit Alexandrum: cur media nubes, quæ inter utramque Iridem interjacet, non est punicea, sed nullius coloris inter puniceos circulos duos: ratio est, propterea quòd aer ibi, non nubes est. Sic ergo iste cum cæteris, quos sequenti Articulo examinabimus, iridem secundam perinde ac primam, immediato radiorum solariû refulu effici putat: ac ne continuentur, hiatum aliquem inter utriusque Iridis nubes interfodit. Non fero jam qui tam altè supra Cardanum efferre solent Scaligerum. Plus eloquentiæ, & variæ doctæque supellestilis, fateor fortasse habuit. sed in Mathematicis & aliis quibusdam, quanto eum intervallo reliquit Cardanus! Sed ad diverticulum. Superioris nubis guttæ, doctissime Scaliger, in inferiorem perpetuò depluentes utramque jungent: clamat enim non uno loco Aristoteles, ne quidem momento stillicidia suspendi sine lapsu posse in aëre aquâ leviori. Non æqualis etiam undique secundariæ Iridis à primaria intercapdo esset: sed laxior hic ibi compressior, pro latitudine & modo fossæ quæ utramque nubem intercurrit. Dum etiam in summam curvaturam oculum defixum tenet, cornua juxta terram non aspicit: hâc enim vapor utraq; Iride pictus, æquè propinquus est, & superficiem ejus tangit. Et alia deinde in Scaligerum cadent, quæ statim cæteris objiciemus. Sed quomodo secundæ iridis colores transponat, videmus. Radii, inquit, Solis duas inter nubes evadunt validiores: quare propinquiores partes attenuantur: eâ de causa proportio ibi est ignis, supra eam, aëris; inde aquæ: omnia secundum rationem densitatis. In hoc tamen suo, ut ipse vocat,*

vocat, figmēto, non valdē sibi placet: nec mihi certē valdē potest. Simile tamen aliquid Ammonius & Olympiodorus olim confinxerunt. Radium inquam, perpendicularem inter utramque nubē jaci, & intervallum istud ideō rarefcere ac teuari, summumque colorem infimæ iridis & infimum summæ, tanquam ardentissimo radio proximis, maximē flagrare. Verūm, præter jam dicta in Scalligerum, quæ etiam hoc satis refellunt, loco non suo radium perpendicularem constituunt: is enim potius in utriusque iridis centro, quò ipsum Vicomercatus & alii passim deprimunt. Ac, ut semel dicam, Iris nostra Lovanienfis Articulo primo narrata, omnia hæc frangit & dissicit figmenta, Secundaria enim pari cum primaria passu ad nos incedebat, laterique se ejus apprimebat, cū vicina esset; diducebatque deinde, laxato pedetentim intervallo, cū recederet à nobis, Continuus igitur inter utramque vapor, non puri aëris hiatus, fuit, qui accedentem aut abeuntem à principali, secundarum Iridem exciperet: esque tota ad specularem rationem, & variam inter oculum, speculum, & rem objectam, distantiam & situm deduci debet.

Vicomercatus dubitat ferē tantum, ut sæpē solet, & *Vicom.* in utramque partem Problemata solū & interrogationes jacet. Nisi quòd hoc illi sedeat: Iridem secundam non generari reflexione primæ à superiori nube, sed reverberatione radiorum solarium magis distantium à perpendiculari. Utriusque igitur similis est ortus; nisi quòd à languidiori radio superior depingatur. Sed singulæ guttæ, etiā in altissima nube suos habent radios perpendiculares: nec tantulo inter utramque nubem intervallo, tam manifestè radiorum illa vivax inferiori nube acrimonia, & plenitudo colorū decrescere valet. Deinde cur puniceus in imo secundæ iridis arcu, qui summum primæ gyrum obtinet? Nunquam hanc profectò colorum permutacionem sententia ista explicabit, ut jam ostendam paulo diffusius.

ARTICULUS X.

Nec Maurolycus, aut M. Antonius, in secundaria Iridis explicatione satis placent.

HI etiam ex reflexione radiorum proximè ab excel-
siori vapore secundam Iridem formari acriter de-
fendunt: probantque, quàm alii, enixiùs.

Contendit in primis Maurolycus, reflexionem secundæ Iridis esse ad quinque partes octavas unius anguli recti, id est, id semirectum cum una octava parte: unde angulus reflectionis ejus est octavâ parte obtusior angulo reflexionis iridis primariæ: hic enim juxta Maurolycū est anguli semirectus. Unde colligit, cum semidiameter seu altitudo primæ Iridis erit graduum 45, altitudinem secundæ futuram graduum $56\frac{1}{4}$ & hinc Sole tantam altitudinem adepto, nihil de secundariâ posse apparent. Elegit autem hanc reflectionem circa angulum semirectum & octavam unius recti partem: quia talis valida est, acceditque ad validissimam illam anguli semirecti, quæ primariam & coloratissimam Iridem nobis concinnat. Alium etiâ est, inquit, quod secundariæ colores debilitat: magnitudo scilicet ipsius arcus. Radii enim intra majorem illum gyrum disperguuntur, & maligniùs nubem saturant: in minori, pleniores & magis constipati. Et hanc etiam putat causam inversionis colorum. Nam quia ait, secundariæ Irides inferior ambitus est arctior, lux ibi compressa puniceo cum colore inflammat, quæ per superiores in viridem & purpureum se discingit.

Ingenios è hæc, ut multa, Maurolycus; sed nimio fortè acumine à veritate deerrat. In primis enim hac ratione, etiam in primariâ infimus ambitus, quia brevissimus, deberet esse puniceus. Et respondet, talem futurum, nisi multitudo stillicidiorum quæ ibi conglomerantur, eū in purpuram declinaret. Sed ecce jam, secundæ etiam Iridi idē eveniet. Cum enim guttæ cadētes quod magis centro terræ propinquanti, propius invicem accedant, & compellanur

pellantur in arctius (nam perpendiculo ad centrū ruunt, nisi ventus, aut alia vis interpellet) etiam in imo superioris Iridis arcu plures erunt & densiores, quā in viridi & purpureo qui sunt altiores, & longius secundum Maurolycū distantes à terræ centro. Quod tamen frequentia major guttarum non ita colores evariet (licet admoveere arcum oculo insigniter, ut de nostra Iride Lovanienſi patet, valeat) ex cornibus intelligi potest: ad quæ pauci respicere mihi videntur, dum summæ tantū curvaturæ toti inhærent. In illis enim etiam si trium colorum vapor, terræ adæquè propinqui sint, & eam attingant, tanta atque in summo Iridis gibbo colorum diversitas est.

Quod etiam opere tanto & scrupulos è, de secundariæ Iridis reflectione ad angulum semirectum, cum una octava recti parte, uno hoc argumento satis videtur vanescere: quod secundaria distantiā à primariā non semper unam habeat: igitur angulum reflexionis majorem aut minorem obtinere potest. In nostra etiam Lovanienſi, à proximo cornu secundariæ, quæ unā cum primaria ad oculum nostrū pænè accessit, acutioris anguli reflexio fuit, quā ab altero longissimè abstante à nobis.

Quid tandem M. Antonius? Aliquid hic propius *M. Anton.* veri speciem, quā in suis de Republ. Christianā libris dixit, sed tamen ipsum non tetigit. Ex concavā superficie cujusque guttæ tres radios ad oculum redire sibi fingit: qui per globulicentrum aut vicinas centro partes transit, superior est: & in secundariā Iride ideo purpureus, quia per majorem guttæ profunditatem trajicit, magisque se opaco ejus permiscet: alter radius demissior est, nec, ut prior, per diametrū & centrū guttæ transfodit, sed ita eam quasi dividit, ut pars major sursum, minor deorsum sit: & hic, quia per minus opaci penetrat, est viridis: tertius, qui infimus, minimam à parte i mā guttæ particulum abscindit; & hinc puniceus est, ac parcissimè omnium, nigredine aut opacitate tinctus. Fatetur autem se maximè sudavisse in hac colorum secundariæ Iridis inversione M. Antonius: sed parcere labori potuit: revera enim si quid video, ne hilum profecit. Nam ut totum

quod obtinere pugnat, demus, nunquam efficiet, quin etiam, eadem de causâ, in primaria Iride similis colorum ordo sit. Infimus, inquam, puniceus, viridis deinde, & postremo purpureus. Adde, quod omnia sic explicet, quasi ex unico guttarum ordine tota Iridis reflectio fiat. Nam alias, radius qui per minimû opaci ex gutta aliqua quæ in profundo nubis est, exit, in aliam & infinitas ferretur, antequam totum vaporem evaserit, impingi, quas medius & per centrum penetrare oportebit. Unde perinde atque ceteri tinctus, & confusa umbris guttarum luce, in oculos redibit.

ARTICULUS XI.

Secundariam Iridem reflexione primariâ confirmari.

*Maurolyc.
Aristot.*

Ita sententiæ huic replaudo, quam non ut falsam, sed falsissimam, tanto clamore Maurolycus explosit. Imò attulo hunc esse Aristotelis, quidquid repugnât Alexander & Vicomercatus. Nam ideo probat tertiam Iridem non solere cerni, quia tertia reflexio nimis imbecilla est, & insensibilis: satis innuens, tertiam Iridem pingendam ex reflectione secundæ, ut hanc reflexu primæ. Probatur autem hac ratione. Quia sententia illa probabilior est, cui experientia faventior, facilîusque universis se difficultatibus expedit: talem verò hanc, aut fallor, ostendamus.

Primò enim nunquam Iris secundaria, quæ inversos colores, & puniceum in imo, purpureum in summo arcu habet, sine primariâ visa fuit: igitur ab ea dependet: imò curiosè quandoque notavi, nunquam segmentum primariæ deficere, quin pars proxima secundariæ una evanescat. Si autem conjectu & reflexu immediato radiorum Solis, ut primaria, enascatur, cur non aliquando sola etiam apparet? Reponit Maurolycus: quia Iridis secundariæ nunquam, aut rarissimè (ita scilicet, ut nemo hactenus advertit) causæ concurrunt, nisi cum primariæ

primariæ causis : etsi retrò sæpè evenire possit. Et sic demonstro. Statim atque guttæ rorantes in secundariæ sive superioris Iridis spatio concreverint, momento quasi in inferiorem aëra, & locum primariæ deformandæ defluunt. Unde illicò pro utrâque habes paratam materiam. Contrà tamen, humilis sæpenumerò vapor pro primariâ sive inferiori disponi potest, nullo altero suprà impendente, qui secundariâ excipiar. Sed hoc etsi primâ fronte speciosum, inspectum tamen è proximo, revilescit. Quid enim si (quod non rarò potest) nubecula Solem & nubè inferiorem interjecta, ab Iride primariâ radios defendat, superiori interim radiorum ordine illustra, & summam nubem directè feriente ? Certè enim tum superior sine inferiori Iris apparebit. Quod tamen à vero tam abest, ut si id eveniat, illicò cùm inferiori superior se exstinguat. Quid si deinde nullum opacum post inferiorem & primariæ Iridis nubem positum sit (opacitatem enim à tergo esse oportet, ut, nubes colores arcûs rapiat,) superior verò, quæ secundariæ est sedes, retrò opacata sit ? ecce iterum iris illa altior solitariâ, & sine altera humiliori erit. Tertiò, nunquam ferè Iridis primariæ segmentum semicirculo minus juxta terram, quale Sole elevato solet, absque secundariâ apparebit. Utriusque enim tunc Iridis vapor demississimus est, & in infima aëris regione totus. Denique, nullam unquam penè primariâ sine cornibus saltem secundariæ terræ contiguâ videbimus. Nam infimus aër extra primariæ cornua totus aliquousque est rorulentus. quod inde liquet : quia si ad alterum primariæ cornu inambulabis, ipsam in aërem ulteriorem ante te propelles.

Secundò: Nulla solida causa debilitatis colorû secundariæ Iridis, præter reflexionē à prima, afferri potest. Quod enim vulgò majorem ab oculo distantiam accusant, ne aestimes, tantum quippe inter utramque intervallum non est, ut superior longè sic semper dilutior appareat. Deinde, cornu Iridis illius Lovaniensis secundarium tam propinquum ferè oculo nostro ac primarium fuit : triplo tamen languidiùs fulgebat,

Tertiò:

Tertio: Inversionem colorum altera sententia nullam viam unquam expediet. ego vero sic: Radii qui circa perpendicularem, oblique in singulas primariæ Iridis guttas cadunt, refracti prius, certo angulo rebulliunt, & resiliunt imò orbem eorum aliqui ad oculum Iridem illam spectantis veniunt, alii sursum, aut in latera diffunduntur. Qui sursum à supremo primariæ gibbo sparguntur, tam altè per vaporem nituntur, donec angulum idoneum reperiant (quem Maurolycus quinque octavas partes recti habere; ego incertum, & pro vicinitate aut distantia primariæ ab oculo, variari existimo) quo ad spectatorem redire possit: radii etiam brachiorum refusi extra complexum Iridis in latus, eousque penetrans, donec angulum parem inveniant, unde unam cum superioribus ad oculum revertantur. Id enim plane me arcus ille noster anni 1625. Lovaniensis docuit. Nam ubi propinquior esset principalis, comprimebat se secundarius, & ex viciniore vapore in oculum resiliebat: in recessu autem primarii, abibat ipse etiam una cessim, laxando perpetuò distantiam, id est, à vapore magis ab arcu principali distito reflexio ad nos erat. Non quod etiam tunc radii nulli à guttis colori summo & puniceo arcus inferioris proximè circumfuso, & à toto inter utramque Iridem spatio, reflecterentur: sed illi ad oculum nostrum non perveniebant; quia ante faciem oblique versus alterum cornu trajiciebantur.

Hinc pulchra ratio se mihi objicit, cur intervallum illud utriusque Iridis tinctum non appareat: quod Alexandrum & alios tantoperè torfir. Quia, inquam, etsi inde etiam radii à primaria Iride sparsi reflectantur, angulum tamen ibi non habent talem, quo repellantur ad oculum, aliàs, si mutes locum, inde accipere eos jam poteris, sed primaria Iris etiam translata erit in alium situm.

His præstructis positis, aio colores inverti: quia puniceus qui in prima Iride est summus, cæterique junctis viribus robustiores in vicinum vaporem radios, quam in remotum jaculantur. hinc ergo in imo secundariæ arcu puniceus, sive plenior quàm cæterorum, color est; licet non

non tam splendide puniceo, ut aliquando notavi, quam languide ardeat atrâ quadam rubidine. Hoc jam me etiam incidit. Colores viridem & purpureum secundæ Iridis, longius puniceo ejusdem, ab oculo recedere, ita enim etiam in Iride primâ accidit, Addo, totam secundariam in profundiori parte vaporis, quam primariam depingi. Radii ergo è circumferentiâ primariæ emicantes, profunditatem nubis oblique penetrant, quousque primum occurrat angulus quo reflexi recidant in oculum. hæc reflexio punicea est. Pergendo deinde lineâ rectâ per profundum nubis, & recedendo undique sursum à puniceo gibbo inferioris Iridis, in virorem, ac denique in purpuram deficiunt iidem illi radii. Igitur superior illa nubes, primaria Iride speculum non est, inquires. Non magis dico, quam inferior nubes, est Solis. Si ergo Sol in primaria Iride, non lumen tantum vaporis inhærens vides; in secundaria etiam primariam, imò ipsum Solem, ut in secundo speculo videbis. Verum jam ante docui, magis esse, ut radium sideris nubi intricatum, quam ipsum sidus in primaria cernamuss. unde & in secunda; non Solem, aut Iridem inferiorem, sed lumen novum ab hac undique in arcum superiorem effusum, ibique adhærens videre nos existimabimus.

Ex his etiam manifestum est, cur extra primæ consortium secunda nunquam se ostendat. Nam sine causa necessaria, effectus esse non potest.

Sed cur non magis frequentatur secundaria Iris? Difficulter alii huic nodo cuneum reperient; ego istum: Quia primaria medio milliari Belgico, aut ultra, plerumque abest ab oculo. itaque ut alteram Iridem gignat, quæ ad adspicientem ex tanto intervallo reflectatur, per multum vaporis, & quadrantem facile milliariis, radius à circumferentiâ primariæ emicans transire debet, donec justæ magnitudinis angulum reperiat. Antequam verò huc eluctando perveniat, exstinguitur sæpè, aut extenuatur præ nimis, nisi Iris principalis egregiè saturata sit, & plenissimis coloribus. Tunc enim secundaria nunquam desit, modò sat vaporis circumstet, nec ita densè, ut radium, aliàs

alias à se satis debilem, contumaciter respuat. Unde si contingat primariam tam uberem & propinquam esse, quàm cornu illud nostræ Lovanientis, semper geminabit, nisi circumfusus vapor, qui alteram excipiat, desit. Quia verò aër inferior tempore Iridis, infinitis supernè destillantibus guttulis totus est rorulentus, nec facile ibi deficit materia secundæ Iridis; ideo brachia, ut sæpè notavimus, frequentius geminantur, quàm summa curvatura arcûs.

*Maurolyc.
Vicom.*

Non magno etiam opere nos premunt, etsi maxime putent, Maurolycus & Vicomercatus, cum inculcant, secundariam Iridem cornibus in cælum convergis apparituram, si fiat reflexione radiorum primariæ à nube altiori. Nam id evenire, non magis necesse, quàm capite prono & pedibus in cælum erectis me cernere, cum verior ante speculum. Supponere igitur falsum hoc debent: supra solum primariæ gibbû, non circa etiam brachia, dependere illud speculum, ut scilicet gibbus ille, quia superficiei speculi proximus, vicinissimus nobis, cornua verò, tanquam ab ea superficie remotissima, maxime etiam ab oculo discessisse, appareant, ideoque esse sursum. Sed non ita res habet. brachia enim non supra mediæ curvaturæ gibbum, sed juxta se ad latus speculum suum habent. Denique (& hoc caput est) quod in secundo arcu cernimus, non sunt colores ipsi primi & principalis; sed alii quidam, ut jam antè docui, in orbem & vicinam undique nubem ab ipsis sparsi. Unde visio ista non est absolute specularis & reflexa, sed directâ luminis illius superiori vaporis inculcati, ex loco tamen, in quem certo angulo, & radio uberiori, ac in oculi tunicis se manifestè pingente, repercutitur.

Verum ex hac doctrinâ difficultatem provideo in ordinandis coloribus tertiæ Iridis, putant enim in hanc redituros colores primæ, futurumque puniceum in summa, purpureum in imâ abside. Sed res ista in altiore inadaginem & longiorem paulò mitti debet.

ARTICULUS XII.

*An Iris ultra geminam : & quo colorum
ordine apparere possit.*

NE erat impressè Aristoteles : Οὐδέ, inquit. *δυνεῖν ὅλως* Aristot.
 85 *ἑίδες γίνονται ἅμα.* Neque plures duabus Irides
 sunt simul. & eundem deinde jungit : *Διὰ τὸ καὶ τὸ δευ-*
τέραν γίγνεσθαι αὐταυτῶν, ὥστε καὶ τὸ τρίτῳ αὐτὰ-
κλασιν πᾶμπαν ἀδενῇ γίγνεσθαι. Quia secunda hebeti-
 or est, ita ut tertia reflexio planè reddatur imbecillis. Ac
 cessit Cardanus lib. 4. Subtil. & (mirum in illa ejus de Cardan.
 secundæ Iridis generatione sententiâ) ubique id affirmat
 aut supponit Maurolycus Vicomercatus tamen à quibus- Mauro.
 dam tres, Snellius sex à se, simul visas narrat. Vitello eti- Vicom.
 am lib. 10. th. 69. quatuor se Paduæ quondam spectasse Snell.
 dicit. sed merâ refractione concinnatas, ut in urina- Vitell.
 libus aquâ plenis solent, fuisse existimo. nam & per-
 fectè circulares, & ad latus Solis, non ex adverso
 erant.

Dico Primò: Dux, trésvé, aut plures, primariæ Irides
 concentricæ, ex diversa radiorum reflexione immediate,
 & eâdem colorum serie. apparere, etiam si rarerè simul
 possunt. Id enim Articulo 9. ex Vitellone & Thimone à
 nobis probatum. Fiet autem eo eventu, quo vapor circa
 terram longè, quàm in superiori nubis circumferentiâ,
 densior, ac compressior. radijque tamen per eum tere-
 brantes, satis validi erunt ad colorationem. Tunc nam-
 que cum superiori Iride justæ ac solemnis altitudinis, in-
 terior in densiori & opaciori figurari poterit, Rarum ta-
 men hoc est : quia vapor totus à nube ad terram unius-
 modi fêrè densitatis & opacitatis est, & proinde unicam
 sensibilem, & speculi singularis, reflexionem habet. Ubi
 verò ultra solitum infimus vapor se comprimit, plerum-
 que opacitate suâ radium respuit, aut non satis ubertim
 ad arcus colorationem admittit.

Dico Secundò : Non acutè video cur altera secun-
 dariæ

daria Iris, eodem colorum, quo primaria, ordine, infra, eam & ab ipsa deformari nequeat. Sic enim ostendi potest. Aliqui radii è primariæ guttis in subiectum vaporem, non tantum sursum & in latera, jaciuntur : quidni igitur, ob insignem vaporis inter primariæ cornua aggregatione, reflecti inde & redire ad oculum nostrum illi possint ? Difficilis tamen est eventus : quia serè semper sat procul ante pedes nostros in terram cadunt. Deinde, puniceus, in quo maxima vis geminandi Iridem, longissimè à vapore illo brachiis comprehenso abest.

Dico Terriò : Possunt absolutè etiam quatuor, quinque, & plures Irides apparere, quæ perpetuâ serie colores invertant. Id est, ut prima puniceum in summo, secunda in imo, tertia iterum in summo habeat : & ita deinceps alternando puniceum cum purpureo, viridi semper in medio, & utrumque dividente. Hoc autem eveniet, si omnes quæ supremum arcum puniceum habent, à Sole proximè formentur, singulæque aliam secundariam supra se generent, quæ in proximo limbo puniceæ, purpurascens remotissimo. Sic enim inter duas quasque primarias secundaria, permutatis extremis coloribus, interjicietur, quod fieri posse, dicet qui superiora utcumque intellexit. Sed id jam notandum : Tertiam, quæ puniceum in supremum gyrum restituit, non futuram plerumque remissionem secundâ. hæc enim à primariâ inferiori, & causa debili, illa à radiis immediatè Sole emicantibus, & satis validis, figurata fuit. Propter distantiam tamen, aut quia ex profundiori vel malè temperatâ nube reflexio venit, aliquando maligniùs quàm secundâ fulgere poterit.

Dico Quartò : Secundaria Iris quæ puniceum in ima abside habet, vix unquam tertiam quæ superiorem limbum punicantem ostendat, generare valet. Probatum : quia si primæ radius in colorem purpureum supremi arcus secundæ Iridis deficiat, quomodo ultrâ sic propagari potest, ut post aliquod intervallum, tertiam Iridem, & quidem à calore purpureo paulatim ad puniceum, uberimum in distantia, ascendendo, conformet ? Hoc planè est,

est, quod Aristoteles unquam evenisse negat. *Rarissimo Aristot.*
tamen casu id fortasse accidet, si supra secundam Iridem
vapor ita rareseat, ut imbecilli ejus radio colorari. & su-
premus arcus, quia humor ibi fortè tenuissimus, pallore
tantum quod punicante adspergi possit.

Cæterum, secundariæ Iridis colores non solum lan-
guidiores, sed zonæ etiam ipsæ angustiores sunt, quàm
in primaria: quia à causa debiliori, & radio jam ante in
conformationem primariæ fracto, nec longè penetrante,
progenerantur. Latissimus, etiam primariæ, limbus, puni-
ceus; restrictissimus, purpureus est. *Maurolycus credit, la. Maurot.*
titudinem totius Iridis æqualem esse diametro apparenti
disci solaris. Verum supponit, Irides concinnari ex radiis
superioribus & inferioribus faciei solaris, invicem se an-
te nubem decussantibus, eamque per diversas superficies,
quarum una altior, altera humilior, intrantibus: quod
nuper placere nobis, negabamus. Hoc igitur magis jam
allubescit: Radium tenui & angusto satis gyro vaporem
illum puniceum ingredi, sed longiùs pari ferè robore, &
rubore quo opacum discingit, penetrare; unde partes pu-
niceæ zonæ inferiores, & viridi admotas, ex profundiori,
quàm superiores, spectari. Nec tamen necesse est, linea-
rem solum radiorum coronam, statim ex ipso limine &
initu primo nubis, ad nos reflecti. Ex aliquantula enim
latitudine id fieri potest: quia aliquot radiorum vicini
ordines, eodem angulo (nullo certè tamen discerniculo
sensibili) ad oculum repelluntur. guttæ etiam sibi invi-
cem ultrò citròque lucem reperiunt, & idoneo an-
gulo in adspicientem rejicientes, latitudinem zonæ for-
tassis augere, uti & colores incendere, valent.

ARTICULUS. XIII.

De variis Iridis motibus.

Motus Iridis multi, sed solum apparentes sunt.

Primus, quo Iris occidentalis, Sole manè adscen-
dente, perpetuò videtur deprimi: quia minor minorque
circuli

circuli portio se ostendit, crescente Solis altitudine.

Secundus, quo Iris orientalis magis magisque assurgit, Sole delabente in Occasum. amplissimè enim à sidere horisonti contiguo figurantur. Nequit tamen ullus arcus usque ad zenith nostrum, gibbum attollere: quia sic semidiametrum oporteret esse 90. graduum; cum hætenus altissima non excefferit 45, Igitur medio inter zenith & horizontem intervallo stabit ejus incrementum.

Tertius, est circa horizontem, ut v.g. in Zonis frigidis, Sole 24. horarum horizontem circulante, Iris ex adverso, pari ferè altitudine apparere potest circueire nobis etiam fermè semicirculum horizontis exambire, ut si hieme, cum Sol in Capricorno, manè occidentalis appareat, paulatimque levante se in Meridiem Sole, in Septentrionem, & deinde versus Ortum se gyret, Omni enim, ut statim dicam, horâ diurnâ videri tunc à nobis potest Iris.

Quartus, accessus aut recessus est, per condensationem aut rarefactionem vaporis. ut patet ex historia Iris dis Lovaniensis: quam è primo Articulo, si lubet, perres. Rarefcente etiam vapore brachia diducit, fitque segmentum circuli majoris. inquit Vitello: reclamante Thymone, qui in denso dilatari potius contendit; sed nequidquam.

Vitell.
Thymon.

Quintus est fuga, vel sequela, per oculi propinquationem, aut recessum. eodem enim fermè modo, quo nebula, ante sequentē fugere, & lequi fugientem videtur. In causa est, radii reflexio, qui ex determinato spatio, & certo angulo reverti debet ad oculum, Si ergo accedas apparet effugere: non quòd eadem locum mutet; sed quia aliam perpetuò & aliam vides è profundiori reflexam & remotiori vaporis parte. Nam radii qui prius in oculos incurrebant, jam retrò sunt, & alios excipis qui ante te, jactu ad oculum non perveniente, terram impingebant. Sic etiam, cum fugis, affectari videtur. quia cum pari semper intervallo ab oculo distet, ubi pedem refers, attrahis eam unâ tecum: id est, in vapore citiore novam adspicis,

ubi ante ob proquinitatem videbas nihil. Hinc liquet, oculum priorem & posteriorem, etiamsi in eodem Iridis axe sint, non cernere unam eandemque Iridem. item, non oppidò longè diffitus aliquis videre puniceam zonam, ubi alius purpuream, potest.

Sextus motus, est iterum circa horizontem, si ab uno brachio incedas versus alterum. sic enim arcum circumferes, dum unum brachium te fugitat, alio à tergo sequente. Unde si quis alteri tuæ Iridis brachio propior est, aliam videt, tuam interfecantem. Hinc nec duobus ejusdem hominis oculis suspicari potes, non cerni eundem omnino arcum. Id enim multi credunt, sed nescio, an velim accredere. Utar hoc discrimine. Si vera est sententia Maurolyci & plurium, Solem, non lumen aliquod impressum vaporibus, cerni in Iride, omnes ubique in toto terrarum Orbe oculi eandem semper vident Iridem. Nam veluti eundem in ceteris speculis, ita in isto, Solem adspiciunt Iris autem nil apud ipsos aliud est, quam Sol sic in vapore reflexè conspectus. Si verò Iris lumen est nubi implicitum, & ipsum ibi, non Sol in cœlo cernatur, partim saltem eandem duo ejusdem hominis oculi vident Iridem. aliqua enim lucis partes radiant in utrumque oculum. Ubi tamen oculum in axe Iridis, & ex adverso planè centri, esse oportet, aliqua luminis puncta ab uno conspiciuntur, quæ speciem vibrare nequeunt in alterum. Quia enim duo oculi, totidem etiam axes & Iridum centra sunt; etsi inter utrumque nullum appareat, ob oculorum propinquitatem, adspectabile discerniculum. Itaque non cernunt unam eandemque adæquatè & circumcisè Iridem.

Similis contemplatio etiam in Halonè sive Coronam cadit. Oculus enim in axe circuli etiam est: geminosque axes & centra, & circulos esse, necesse est, ubi oculi gemelli ex adverso constiterunt. Stilo etiam (etsi alieno loco) jam excipiam, ne fortè excidat, quod exemplò cecidet mihi in mentem: Cur Iris tubi Belgico nostro illapsa amittat colorationem. Experire enim: confusane: tum tantum aliquod lumen inspicies, nullâ colorum varietate

tate maculosum. Existimo, priorem illam tubi chrystallum & convexam lentem, radios nimis diducere, & discingere colorantem illam umbrarum mixturam. & largiter etiam adjuvat clara & digesta chrystalli aut vitri perspicuitas.

ARTICULUS XIV.

Locus & tempus Iridis.

IRidis vulgaris sive reflexæ locus in nube contra Solem est. oportet enim spectatorem oculum, inter Solem & nubilum, statutum esse, ut omnes experientiæ probant. Et hinc est, ut nullæ nobis ad Austrum pingantur Irides, quia, inquam, Sol nunquam trans zenith nostrum in Septentrionem digreditur, ut oculus Meridiem adspiciens Solem à tergo habeat.

Sed rem non tantum post tergum, sed etiam inter me & speculum collocatam, in speculo, inquires, cernere possum: quidni & Solum in nube quæ ad Austrum & trans ipsum? Verum interrogatio venit à falsa imaginatione: quod videre hinc nubes valeamus, quæ in Zona torrida sunt. quod longissime à vero abest. Alibi enim ex Cardano docuimus, vix ultra decem milliaria Belgica, nubes infimas & pluentes quæ horizontem tangunt, à nobis adspici. à Tropico autem Cancræ, sive initio Torridæ, Lovanium gradibus $27 \frac{1}{2}$ paullominus abjunctum est: quorum quisque, secundum Ptolemæum, 20. circiter Belgicis leucis, sive 60. millibus passuum constat. Deinde, Iris nulla in vapore, qui ad limbum visibilis horizontis summus est, unquam videtur. Nam maxima distantia Iridis ab oculo, trium milliariū est, ut inquiunt Conimbricenses, ex communi Opticorum sententiâ. imò aio ego, vix ullam ultra dimidium milliare Belgicum, sive 1500. passus, à nobis removeri. Ex quo patet, nimis simpliciter à Vi-comercato, & aliis quibusdam asseri: Iridem plerumque circulo integro claudi, sed alterum ejus segmentū infra horizontem suppressi. Cornua enim quæ videmus, non infra

infra horizontem (etiam visibilem, qui sex ferme Belgicis miliaribus oculo fortassis abest) dependent; sed prope nos in terrā defixa sunt. Irides verò refractæ, non solum è regione, sed ad latus etiā utrumlibet Solis, ut non uno Articuli primi experimento constat, formari possunt. Ad earum quippe generationem duas ordine nubes sic disponi sufficit, ut refractum in priori, & opacitate colorante maculosum radium, excipiat posterior:

Tempus quod maximè frequentat reflexam Iridem, autumnus est, aut ver, Verè tamen præcipuè, & Aprili ac Maio præsertim, cerni in Belgio, non uno anno notavi. Causa est, quòd & nebulosum vaporem, & una interlucentem satis acriter sideris radiū Irides desiderent. hiems ergo nubilo, ut solet, gravis, & invalido Sole; æstus nimis valido, & sæpè innubis, minùs sunt idoneæ. Ver, quia serenius, raro interlabente imbri, aprius est autūno. Ante etiam, aut post pluviam sæpiùs arcuantur nubes: quia pluvii rores molliter, priusquam degrassetur totus & legitimus imber qui excludit Solem, defluentes, aut exoneratā jam nube, residui & destillantes, rapiunt hunc colorem. Hinc liquet, cur quibusdam in locis Iris uisatior. In Italia Lotris, ait Plinius, & in lacu Velino, nullo non die apparet arcus, id est, quantum existimo, valdè frequenter. quo etiam simili moderamine accipio quod addit: Rhodi & Syracusis nunquam tanta nubila obduci, ut non aliquā horā Sol cernatur. Ibi ergo solentissimæ Irides, ubi facilis in adscensum rarus quidam & rorans vapor, qui totam non pellat serenitatem, sed accipiat, & reddat, non exstinguat Solis radium: Hinc fluminibus, aut udis vallibus incumbentia Iridum brachia, sæpissimè videmus.

Plin. lib. 2.
cap. 62.

De terræ climatibus & Regionibus, certæ etiam quædam leges sunt.

Primò: Ubique in toto Orbe manè & vesperi, apparere Iris potest. Manè, cum Sol nondum secundum & quadragesimum, aut quadragesimum quintum (si tantum esse maximæ Iridis semidiametrum, Maurolyco credimus) gradum elevationis attingit: vesperi, cum ad illum

Aristot.

etiam altitudinis limitē à culmine cœli defluxit. Causa est in promptu. quia altissimi arcus semidiameter tot ferè cœli subtenditur gradibus. hæc autem ortivo, aut occiduo tantum Sole, tota supra horizontem est, deprimiturque paulatim, quò altius se in opposita cœli regione levat. Unde ubi altitudo ad æqualitatem semidiametri illius, id est, ad 45. gradum venit, totum arcum necesse est infra horizontem suppressum esse. Aut potius, semorâ imaginatione hac mathematicâ, qua Aristoteles utitur, tunc Iris nulla est, quia in tanta Solis elevatione radii à stillicidiis reflexi, procul ante oculos nostros in terrâ re verberantur, quò si subito transferremur, exciperemus jam quidem, Iridis que videremus aliquod segmentum; sed eo motu mutassemus etiam sine dubio sideris elevationem, essetque 45. gradibus humilior. Hæc tamen de Iride primariâ, & iis quæ magnitudinis ordinariæ & magis solentis sunt, intelligenda esse, faciliè conjectabit, qui legerit præcedentium Articulorum doctrinam.

Secundò: Sub polis, omni horâ longæ illius mediæ anni diei, cerni aliquod Iridis segmentum potest. Cum enim Equatorem pro horizonte habeant, maxima Solis elevatio non est major 23 $\frac{1}{2}$ gradibus, quanta scilicet est distantia Equatoris ab altero Tropicorum,

Tertiò: Sub Equatore degentibus, tribus ab ortu Solis & totidem ante occasum horis, cerni Iris valet. Ratio est, quia ternis ibi horis, gradus 45. pænè conficit. singulis enim horis adscendunt 15. gradus Equinoctialis. totidémque Sol percurrit; nisi quantillum abest, ob renitum proprii motus.

Quartò: Nobis, qui in Zona temperata Lovanii habitamus, omnibus diei hibernæ horis videri arcus potest, æstivæ non potest. Causa prioris est, quia Sol in circulo brumali circitans, non ultra 15. gradus & paucula minuta, etiam meridie nobis est elevatus. æstate tamen, cum in Cancro est solstitialis, 62, gradus & aliquot minuta habet elevationis. Itaque Meridianam illo tempore Iridem nemo hætenus hic adspexit, neque causam hujus rei intimam lib. 1. cap. 8. Nat. Seneca: Aristoteles ait, inquit, post

Seneca.
Aristot.

post autumnale æquinoctium, qualibet horâ diei arcum fieri, æstate non fieri, nisi aut incipiente, aut inclinato jam die. Cujus rei causa manifesta est: quia Sol medio die calidissimus nubes evincit; nec potest ab his imaginem suam recipere, quas scindit. At matutino tempore, & vergens ad occasum, minus virium habet: & ideo à nubibus & sustineri, & repercuti potest. Verùm ipso sæpè Solstitio meridianum cœlum núbilo obduci, & imbres, resistente & intercedente nequidquã radio solari, cogi, & depluere videmus; nec tamen arcum tunc circa diei umbilicum à quoquam conspectum fando quis acceperit. Aliam tamen præter propter causam Seneca adducit, quæ reduci in veram potest. Temporibus, ait, æstivis supra nostrum verticem fertur. itaque medio die excelsissimus terras rectiore adspicit lineâ, quàm ut ullis nubibus posset occurrì: omnes enim tunc sub se habet. Ratio unica igitur est, quòd reflexio à nubibus quas sic ex alto despicit, nimis præceps, sit, & ante nos in terram cadat, non ad oculos perveniat.

ARTICULUS. XV.

Effectus, & significatus Iridis.

IN effectibus Iridis non memoro jam procreationem sui similis, de quâ antè circa figurationem secundi arcus. Alii quidam ei passim tribuuntur: qui tamen non tam ejus, quàm caularum quarundam ipsi coherentium sunt. aliàs enim cùm Iris lumen arcuatum sit, nil nisi sibi simili, & colorem efficere valet.

Aristoteles, Plinius, Plutarchus, & agricolæ nostri à *Aristot.*
calvo ad calvum omnes, aiunt silvas, arbores, frutices, *Plin.*
plantas odoratiores reddi, quibus arcus incubuerit. *Plutarch.*
Tra- dunt, inquit lib. 12. cap. 24. Plin. in quocumque frutice
curvetur arcus cœlestis, eandem qua sit aspalatho suavitatem
odoris existere, sed in aspalatho inenarrabilem quamdam.
Aspalatus verò est lignum aloës Rhodiorum, ut
hodie Officinæ vocant, ait Amatus in Dioscoridè, ex quo
Coronæ ad fundendas Deo & Virgini preculas concin- *Amatus.*
nantur.

Plutar.

Plinius.
Cardan.

Theoph.

Aristot.

nantur. Plutarchus lib. 4. q. 2. Sympos. narrat, ligna, in quæ cornua dejecerit Iris, *ἰεὺς ὁ ὄρνις* à Græcis agricolis appellari: quali in ea arcus cœlestis ceciderit. Terram etiam ipsam suavius halare docet Plinius. Hæc tamen, & id genus lib. 4. Subtil. ridet Cardanus. *Quis enim, inquit, unquam Iridem vidit arbori incumbentem? cùm solâ visus imaginatione consistat.* Ego vidi, Cardane, ac licet visus circumferentiæ limites quodammodò figat, & figurâ illam circulet (ex certo enim intervallo, & angulo, ut appareat, reflecti ad oculum lumen debet.) color tamen ille nubilo permixtus, reverà aliquid, & splendor quidam est, non de genere Chimærarum, aut ens rationis: ut proinde arboribus & plantis vere inniti valeat. Theophrastus tamen lib. 6. c. 25. de Causis plant. ait, loca adusta, Iride decumbente, odoratiora fieri. Ad odorem enim spargendum, media quædam siccæ & humentis temperies exigitur. unde cap. ult. ejusdem libri narrat, vestigia leporum ac ferarum mediis anni temporibus, vere scilicet & autumno, magis odora esse, & isto maximè; quia ver florum & plantarum omnigenæ exhalationis suffitu, satis alias à se odorata hebetat. hiems autem nimio frigore odoriferos spiritus adstringit, æstas colore discingit. & hinc æstivo meridie difficulter vestigant canes, prudensque venator nascentem, aut præcipitem in occasum diem præponit. Siccitas tamen præcipuè odores acuit, hebescuntque manifestè, aut supprimuntur affluentia humoris. unde in Ægypto, quia cœlum plerique anni caliginosum & roscidum, negantur ulli præne esse odores.

Plantis tamen odorem suapte vi Iris non adspersit; sed nubes rorans in qua fulget, deciduis in eas guttis, siccitatem ad fragrantiam juvat & excitat. Unde post longas siccitates, modico impluente imbri, fragrantiora omnia, & violaria manè rorulenta, gratius & latius spirantia, etiam sine ullâ Iride, experimur.

Significatus Iridis, alii naturales sunt, alii ex Dei instituto. De prioribus, post Aristotelem omnes pluvie signi faciunt: aut deciduæ, inquam, aut casuræ brevî. Nam sequi,

sequi aut ante ire imbrem solet. Plin. tamen lib 18. c. 35. *Plin.*
Arcus, cum sunt duplices, pluvias nuntiant, à pluvii se-
renitatem non perinde certam. Nam vapor unus alteri
jam delapso succedaneus esse potest. quia Sol inter Iri-
dem radians, aut humorem maturè resorbet, aut flatus
aliunde adducunt, aut guttæ ipsæ in quibus post pluviam
splendicat arcus, sufficiunt instaurandis imbribus. Alibi
idem: Arcus frequentes, ne pluvios quidem, aut serenos
dies cum fide portendunt. Portendere tamen humorem,
nivem, grandinem, fulmina, aliâque id genus, quæ co-
lum nubilo jacet missilia, graphicè enarrat Scriptura sa-
cra Eccli. 43. Imperio suo acceleravit nivem, & accelerat
coruscationes emittere judicii sui. & post multa: Pulchri-
tudinem candoris ejus admirabitur oculus, & super im-
brem ejus expavescet cor. Olim ideo & hodie creditur
vulgò Iris bibere aquas, & materiam pluviarum in nubes
attrahere.

*Plin. l. 2.
cap. 59.*

Eccli. 43.

— Et bibit ingens Arcus —

ut ait Virgilius noster, inquit Seneca, cum adventat im-
ber, sed non easdem, undecumque apparuit, minas affert. *Virgil.
Seneca
lib. 1. c. 6.*
A Meridie ortus magnam vim aquarum vehet. Et ra-
tione probabili firmat: Vinci enim non potuerunt va-
lentissimo Sole, tantum est illis virium. Si circa occa-
sum refulsit, rorabit, & leviter impluet. Si ab ortu cir-
câve surrexit, serena promittit. Quia fortasse spes est,
vincendum adulto jam & validiore Sole, tenuem istum
vaporem, qui ex oriente die destillare, & brachia arcus
ad terram deducere incipit. Lepidè ad arcum, humo-
rem pluvialem sorbentem, allusit Palinurus apud Plau-
tum, eum anum quamdam incurvam, bibentem largiùs
cerneret: *Plaut.*

— Ecce autem bibit arcus: pluet

Credo, hercle, hodie. —

Eodem adspexit ille ingeniosus:

Nuntia Junonis varios induta colores,

Concipit Iris aquas, alimenta que nubibus affert.

*Ovid. l.
Metam.*

Nuntia Junonis, id est medix illius & humentis aëris re-
gionis, unde decidunt imbres. Hanc enim Poëtæ illi tene-

briones in Junone figurant, uti Jovem in æthere. Thaumantias etiā appellatur Iris, quia reverā *ἑμφαις* admirabilis: in qua tor ingenia stupore defixa adhærent, nec se hætenus satis expediunt.

Gen. 9.

Divina etiam Iridis hæc significatio est: Non futurum amplius generale totius Orbis diluvium. *Cum obduxero nubibus cælum, apparebat arcus meus in nubibus, & recordabor fœderis mei vobiscum, & cum omni animâ vivente quæ carnem vegetat, & non erunt ultra aquæ diluvii ad delendam universam carnem.* Alias quoque Iridis significationis mysticas in cap. 4 Apoc. & 1, Ezechielis, Interpretes excogitant, ut in purpureo Christi carnē intelligi, in viridi animam, in puniceo Divinitatem: & id genus plura piè commentantur. Falluntur deinde, qui ante diluvium Noë, negant visam in nubibus Iridem. Si enim nubes & Sol per 1656. à Mundi exordio annos fuerunt, necesse fuit aliquando Irides, (nisi Deo avertere cura fuerit) generari. Fuerunt igitur ante diluviam arcus; sed nondum assumpti erant ad significationem pacti inter Deum & terram.

S. Thom.
Conimbr.

Naturaliter tamen etiam signum id esse potest, non secuturæ mox ab aquis pluvialibus magnæ eluviones: quia cælo undique nubibus intento & gravi, suppressio que Sole, fingi nequit Iris; ut ex S. Thomâ rectè demonstrant Conimbricenses.

ARTICULUS XVI.

De Iride Lunari.

Aristot.

PLeraque hujus Iridis cū Solari conveniunt. Figuratur enim à radio Lunæ adversâ nubem incidente, sicutque ceteri simillimis de causis. Altitudinem quoque semidiametri parem Solari, instrumentis repertam, Thimon asserit. In duobus tamen maximè hic arcus ab altero discedit, Primum, quia rarior; deinde ferè unicolor. Raritatis causam Aristoteles in Lunam conjicit, quæ nisi plena, & lumine multo tumens, vires ad penetrandam paullisper,

METEOROLOGICORUM. Lib. VI. 473

paullisper, & colorandam nubem, non habet. Plenilunio autem, occidente Sole, Luna surgit: nec statim etiam, si quæ fortasse roscida, ei opposita nubes sit, formare conspicuam in ea Iridem potest, durantibus una aut altera hora, & lucem ejus debilem infuscantibus crepusculis vespertinis. **Albertus** tamē narrat, Lunā nondū imple-
ā & meridianā, à se multisque visum Lunarem arcum in Septentrione. *Nec erat Luna plena*, inquit, *sed amphitrios* (quod *invenit* & dicere voluit) *boc est satis plus quàm dimidia*, aliquantulum deficiens à plenitudine, & erat Luna in Meridie ultra Zodiacum in signo Capricorni, in principio illius signi, Sol autem in fine Tauri, circa initium Geminorum.

Americus autem Vespuccius, ille qui ingenti & invidenda felicitate alteri Orbi nomen dedit, inter admiranda, Iridem Lunæ candicantem, in ipso noctis meridie, à se visam ponit. **Aristoteles** tamen certè, quinquaginta & amplius annorum spatio, bis tantum in eam se incidisse scribit. Ubi obiter insignitum quorundam errorem noto, qui **Aristotelem** admodum adolescentem hæc scripsisse asseverant, **Thimon** nihilominus intra tertium annum bis, & **Snellius** lib. de Cometa 1618. biennio toties adspectam narrat. *Iridem*, inquit, *Lunarem hoc continuo biennio visam memini. Anno. 1617. mense Decem- bri circa plenilunium, & 1618 pro pridie Cal. Januarias à 5. ad 6. vespertinam, dum Hagam iter facerem, Iridem consimilem magna cum voluptate spectavi.* Et **Gemma** notat lib. 2. c. 2. *Cosmocr. ad annum 1569. Iris expressa noctu hora 12. visa est Martii 12. cœlo sereno ac temperato, spirantibus Cauris. Stabat hæc diu suis perfectè coloribus insignita.* Mirum tamen id, cum **Aristoteles** ei coloris lætescentis unitatem tribuat: idque & quia radii Lunaris languor nō altè nubis opacitatē penetrat, sed in superficie solum ejus albente quadam & fractā luce splendicat, & quia color in ea purpureus & viridis candere apparet adspectu & comparatione tenebrarū. Minimè enim lucule cinctæ horrores noctis, acriter adspectum feriunt, & candorem mentiuntur largiter supra verum. Mentior etiam ipse,

ipse, nisi huc adspexit Poëta Hispanus, cum nigram sepul-
to tenebris die describens tempestatem, Iridem panè
unicolorem fuisse fingit.

Lutan. l. 4.

*Hinc imperfecto complectitur aëra gyro
Arcus vix ulla variatus luce colorem.
Oceanumque bibit, raptosque ad nubila fluctus
Pertulit, & cælo diffusum reddidit æquor.*

Densitatem tamen etiam & opacitatem nubium, radio-
rum respuentem, una habuisse in mente, quæ in stylo
non satis apparet, potuit.

*Sennert. in
Epitom.*

Verum ne Gemmam nostrum altero colorata Iridis
exemplo destitutum existimetis, Daniel Sennertus, Wit-
tembergensis & famosus Medicus, anno 1599. media
æstate, post dira fulmina, & pluvias, deserviente jam no-
cturna tempestate, inter Septentrionem & Ortum, infig-
nem omnibus coloribus & Solari planè æmulam, Lunæ
Iridem vidisse, memorat. Credo: quin enim talis colo-
ratio, etsi raro fortasse spectaculo, evenire possit, nihil
equidem addubito.

Est igitur Lunaris Iris, ut semel finiam: Arcus ple-
rumque unicolor, ortus in roscido vapore Lunæ opposi-
to, ex refractione radiorum, & deinde reflexione ad in-
termedium spectatoris oculum. Quæ omnia in Solarem
cadent, si pro unicolore, tricolorem repones.

CAP. II.

De Halo sive Corona.

Apul.

Splendorem illum qui coronare aliquando sidera ma-
juscula cernitur, Multi Halo aut Halyfin, Apulei-
us Catenam, aliqui Armillam; alii Coronam, aut
Aream vocant: quia ferè inquit Seneca, *terendis frugibus
loca destinata, sunt rotunda.* Causa materialis in qua,
eâdem quæ Iridis, nubes rorulenta. Ex qua, lumen
astri vaporibus inculcatum; nisi, ut in speculo cerni astrum
maius, Formalis, figura illa circularis, quâ astrum cin-
git,

*Sen. l. ib. 1.
c. 2. Nat.*

git. Finis, decor Universi, ventorum & imbrium significatio. laus Creatoris. Efficiens, Luminare alterutrum, aut quandoque astrum aliud è grandiusculis. *Apuleius* *Apul.*
de Mundo sic eam finit; *Halysis est catena quadam luminis clarioris, per sideris ambitum in se revertens.* Sed modus generationis ejus in rixâ grandi est, & pari cum ea quâ Iridem jam statim disputavimus.

ARTICULUS I.

Quis modus generationis Corona. Seneca, Albertus, M. Antonius, rejeñti.

Seneca Philosophia nimis paulisper palpabili docet, ut lapis in tranquillum lacum injectus circulos quosdam facit; ita Solis, Lunæ, aut alius sideris radium nubem incurrere, eamque in orbes quosdam à centro in circumferentiam repellere: Sed hoc est, radium corpoream substantiam facere: ac deinde, primo radii conjectâ, angustior esset Corona, lixaretque se paulatim ille ambitus, ut in circulis aquaris usu venit. *Seneca*
Lib. 1.
c. 2. Nat.

Albertum miror tam propè à Seneca abesse. Putat, radium astri perpendicularem, qui omnium fortissimus; in medio tenuare & refundere circulatim in circumferentiam nubem; ubi acervata, in materia densiori plenius bibat & retineat lumen. Verum, sic etiam paulatim diduci, rarefcente vapore, cerneremus Coronam. Secundo, radius Lunæ, quia imbecillus, tardè admodum vaporem sic aperire & dissolvere valet. Tertio, Corona Solaris, lunari semper longè amplior foret. Quarto, & fortissimè, quia alius aliquanto à te intervallo distitus, coronâ circa idem sidus, quæ tuam interfecat, sæpè videt: ergo non unum utriusque centrum, non unus est radius perpendicularis, quæ ad utrumque spectantem oculum venit: sed circa omnia areæ tuæ puncta infinitæ Coronæ circumscribi possunt pro diversis spectatoribus. Unde patet, totum circuli ambitum luce sideris perfusum esse, etsi tu solum extremum ejus limbum candicantem adspicias: prorsus,

prorsus, ut in Iride diximus, spatium quod brachia amplectuntur, colores etiam, etsi eos te celèt, non secus ac ipsum arcus gyrum, rapuisse.

M. Antonius de dominis l. de radius c. 18. contendit, Coronam per meram sideris à vapore ceu speculo reflexionem circinari: unde non lumen nubi intritum, sed ipsum quod in cœlo est sidus, in ea cerni: existimatque à se Aristotelem esse, qui Halo suum non per *διάκλασιν* refractionem, sed per *ἀνάκλασιν* reflectionē maluit expedire, Admittit tamen aliquam in Iride refractionē: quod non oporteret, si constans esset: nam Aristoteles per unam communicationem radii ab oculo in nubem, & deinde reflexionem ad sidus, utramque *ὑμφασιν* explicat.

Probat M. Antonius, quia refractione non nisi parva admodum, ab vaporis tenuitate, in Corona esse potest, & radii ob oppositis circuli guttis refracti versus perpendicularē, in tanta ferè post vaporē distantia, quanta est sideris à vapore, concurrent. Cum igitur spatium astri & nubis intervallare infinitò parè superet modicum illud quod inter nubem & oculum est; clarum est, radios ab extremis diametri Coronæ punctis, tam citò non posse in oculum concurrere. Itaque censet, radios à summa tantum interni lateris guttarum superficie reflecti, & inde angulo incidentiæ pari in oculos decidere.

Dico tamen **Primò**: Radius astri in vapore subiecto necessario ad perpendicularē refringitur. Ratio est manifesta, quia è medio rariore humore densiorem incidit. Igitur prorsus, ut in Iride, oportet in singulis guttulis refractionem evenire: unde sicuti in siccis illis exhalationum fumis non colorantur Iridis, quia radios non frangunt, nec satis aggregant ad perpendicularē; ita etiam sidera nisi in circumfuso volulento vapore, non coronantur. Refractionem verò istam ad oculum etiam pervenire, sic ostendi videtur: quia Coronæ, maximè Solares, non raro iridum coloribus maculosæ cernuntur; igitur refractione ibi aliqua, & confusio radii cum opaco nubis se miscet: si enim à summa solum guttarum cute, non è profundo, rediret ille radius, non esset unde colorem istum duceret.

Dico

Dico ergo secundò: Halo, quemadmodum Iris, fit per refractionem simul & reflexionem: unde non tam sidus ipsum reflexè videmus, quàm lumen ejus in vapore fractum ac multiplicatum, & deinde repercussum ad oculum. Id veri similitudinem, vel ex sola quam cum Iride habet analogiâ capere potest. Itaque pars una radii, inprimis, à superficie extrema guttarum statim reflectitur; altera verò quæ profunditatem earum intrat, post fractionem demum & aucto lumine revertitur. Sic enim evenire solet, ubi radius in corpus partim opacum, & partim diaphanum, qualis humor est, jaciter: aliquid inquam lucis à superficie resilit, aliquid in profundum conditur. Et licet tortasse pars illa, quæ per punctum superfici ei intrat, à quo altera ad oculum reflectitur, quia versus centrum guttæ ad perpendicularè se inclinat, non redeat cum ipsa in eundem oculum; alii tamen radii per puncta superiora in guttas penetrantes, reverti possunt. Deinde radii, qui non tam citò ad axem Coronæ ex quo oculus spectat, reflecterentur, sed ad partem longè remotiorè concurrerent, in alias guttas sæpè offensantes, tandem in aliquem angulum incidunt, quo cum aliis mixtim in oculum compelli valeant.

Quidquid sit, negandum sine dubio, sola refractione, & aggregatione luminis, ut in Luna aut candenti aliqua nube videmus rem istam peragi; aliàs enim ex quolibet situ nec figura necessariò orbiculari, & nubem totam, mediamque ipsam Coronæ aream, luce perfusam liceret cernere. Erravit ergo hîc, ut mihi videtur. Eruditus Thimon, qui reflexionem à Corona repellit, quam tamen Thimon non spernit ab Iride.

Rem igitur totam sic mihi in mente deformat. Radii per omnem Coronæ aream, versus axem, siue lineam quæ à centro sideris per centrum Coronæ in oculum venit, in guttis antè molliter fracti, reflectuntur: hoc tamen discrimine, qui vicini centro Coronæ sunt, statim in axem concurrunt, ideòque eos non excipis, quia ibi non habes oculum; qui verò à centro longinquiore sunt, altius descendunt, & in punctum axis oculo tuo viciniorem, non tamen

tamen adhuc in ipsum cadunt: atq; ita deinde dilatando perpetuò circum; donec ad cingulam illud radiorum venias, qui nec citrà, nec ultrà, sed in te decidant. Faciliùs tamen hanc refractionem & reflexionem ad axem Coronæ intelliges, si à guttis longiusculè satis à centro distitis, & sideri quodammodò contra positis fieri imagineris: sic enim ad axem repellentur eadem ferè quàm in accuratatione. Et ita planè jam censeo accidere. & mecum cogita, radium v. g. à centro sideris per profundum vaporis obliquè jactum, tandem eousq; declivi illo descensu pervenire, ut guttas illas in latus feriat, à quibus angulo tali reperiatur, ut in oculum tam profundè nubi suppositum valeat resilire.

ARTICULUS II.

Coronæ proprietates.

Thimon.

PRima est, figura circularis: eò quòd æqualibus undique angulis radii vaporibus occurrentes reflectantur ad visum; ut diximus circa arcum. Integer verò circulus est: quia vaporem undique sparsum, in quo ambitum totum impleat, habere potest: non ita Iris, cui obstat infernè terra. Hoc autem in valdè miris, & magno Naturæ arcano ponere soleo; diametrum Coronæ æqualem esse Iridis semidiametro. Id enim Thimon experimento constare affirmat, asseritq; Keplerus in Paralyp: ad Vitellonem, cum ait, sidus 22 $\frac{1}{2}$ gradibus semper à circumferentia Coronæ abesse: ista enim est ejus semidiameter: ergo solida diameter, erit graduum 45. quantam antè ex Maurolyco fecimus Iridis semidiametrum. Ego etiam anno 1624. die 24. Martii, Coronæ Lunaris, ex sola cum vicinis fixis comparatione tantam diametrum inveni crassities verò latitudinem circiter obtinebat 5. graduum. Causam qui proportionis istius redderet, nondū reperi. An, quia nubes in qua pingitur Iris, lōgius à sidere, quàm altera distat, in qua circulatur halo? Quispiam id putet, quia vapor coronatus inter sidus est & oculum, cum alter

Iride

Iride cinctus è regione sit, oculo interposito inter ipsum & Solem aut Lunam. Videtur ergo Iris, quàm halo, longius removeri à sidere: & proinde ab hac causa comus illuminationis iridis major & latior esse, quàm Coronæ. Sed hoc inde falsitatis potest argui; quòd in eadem nube Australes cernant quandoque Iridem, in qua nos Coronam, qui post vaporem illum sumus, & habitamus ad Septentrionem. Id enim aliquando fieri, lib. 10. th. 69. docet Vitello. ergo Iris talis & halo æquã ad Solem propinquitate sunt, cùm in nube una appareant.

Vitell.

Thimon.

Adverto tamen in primis, & mecum facit Thimon, non omnium Coronarum diametros, sicuti nec iridum, esse pares. Nam quæ oculo viciniore, angustiores sunt: quod etiam intelligi potest è coronis lucernarum, quæ quò propinquiores spectanti, eò breviori circello flammam circumligant; hinc igitur liquet, non omnium universè Coronarum diametros, quarumcunque Iridum semidiametris esse æquales. In plerisque tamen justæ amplitudinis Iridibus, & coronis, fortassis est prope verum: quia radii nubem penetrantes, citius post eam ad axem Coronæ concurrunt, quam ii qui ex adverso in iride reciprocantur: idè fortè solùm, quia Coronæ vapor, etsi satis excelsus per errorem videatur, submissior tamen longe sit, quàm sit distantia Iridis vulgaris ab oculo. Nam profectò demissimæ illæ nubiù quæ coronis cinguntur, 500. solùm passibus, & sæpè citrà à terris absunt: cùm tamen justa Iridis distantia ad 1500. & ultrà passus tendatur. Confessum autem est, Coronam eam strictioris ambitûs esse, cujus vapor propius impendit spectanti. Inde etiam colligi satis potest, Coronam sæpè numero dependere in infimam aëris regionem, & satis altè infra nubium stationem; quòd Iris etiam ad terram brachia demittat, & eousque sat vaporis inveniat, à quo sustentetur: igitur & Corona succumbere satis profundè in aërem infimum valet, & vaporem cui inhæreat apprehendere. Deinde cùm sidus coronatum, horizonti adnotum est, necesse infimum Coronæ arcum in aërem proximum altissimè demitti. Cur ergo, inquires, non ex propinquissi-

mo,

mo, ut coronæ lucernarum, apparent astra coronata. Quia credo, ceteri aſtorum radii directè per Coronæ centrum & aream in oculus dejecti, repellunt quodammodo & diffundunt Coronæ ambitum: id eſt, non patiuntur tam anguſtum circa ſe Coronæ circellum, ſed diluunt ac infulcant, ſimulque tantum ex longinquo adſpici. Ita Coronas & Irides lucernarum, oculo proximas non cernimus.

Coronas etiam quaſdam non circumciſe circulares eſſe, facile ſuggerunt quæ de Iride diximus. Ubi enim vapor non paris uſque quaque denſitatis eſt, non eſt neceſſe ex pari in orbè intervallo radios in oculum reſilire.

Vitell.

Altera etiam Coronæ proprietas eſt, candor ille & unitas coloris: quo, præter circuli incolumitatem, diſcernitur à Solari Iride, Cauſa hujus candoris iſta molitus eſt Vitello. lib. 10. ch. 68. quod lumen refractum, non ſit umbrarum nigredini permixtum: quia radius deorſum refractus refugit umbram projectam à corpore cui incidebat: quæ tamen eſt modica, quia ut plurimum corona videtur in vapore raro, le viter condensato. Irim autem colorari inquit, quia ſit per reflexionem radiorum, umbras projectas penetrantium.

Verum non dubium, quin per multarum guttarum umbras, Coronarum etiam radii tranſeant, nec ſolidum eſt, interjectum iſtud diſcrimen; quod Irides reflectione, Coronæ refractione fiant: Nam utrobique mixtam refractioni reflexionem oſtendimus. Radius ergo Coronarius à loco refractionis deorſum reflexus, in ſtillicidia plurima vaporum offendit, quorum umbras deorſum ſecum deducit.

Keplerus.

Itaque exiſtimo (& mecum lib. Paralip. in Vitell. affirmat Keplerus) Coronas omnes diſcolores, ut irides ſolent, eſſe. Lunares tamen & nocturnorum ſiderum candidæ apparent, quia & imbecilli radio factæ, & in tenebris tantum, ut de Iride Lunari antè dicebamus, ſe oſtendunt. Solares verò ſemper rubidæ aut univerſis Iridum coloribus (niſi quantum diurnâ & affluentem luce, de nigredine in pallorem diluitur) florere ſolent.

Talem

METEOROLOGICORUM Lib. VI. 481

Talem se anno 1528. item cum Carolus Caesar cor- *Cardan.*
 natus, vidisse circa Solem narrat. Cardanus lib. 14. c. 70. *Plin.*
 Varier. Et Plin. lib. 2. cap. 28: Cernuntur, ait, plerumque
 circa Solis orbem, seu specie corona virficolores circuli:
 qualiter Augusto Casare in primâ juventâ Urbem in-
 trante post obitum patris, ad nomen ingens capescendum.
 De quo eodem Seneca lib. 1. c. 2. Nat. Memoria proditum *Seneca.*
 est. quo die divus Augustus Urbem, ex Apollonia reversus,
 intravit, circa Solem visum coloris varii circulum, qualis
 esse in arcu solet; hunc Græci Halo vocant, nos dicere Coro-
 nam aptissimè possumus.

Ad hæc allusit Arcus triumphalis, inaugurationi Sere-
 nissimorū Principum Alberti & Isabellæ à Lovaniensi-
 bus nostris anno 1599 dicatus. De quo hæc Lud. Alca. *Alcasar.*
 far ad cap. 4. Apocal. Juvat hîc, inquit, obiter referre,
 quod in Ducum Brabantia Cronico legitur, Alberto &
 Isabella Principibus Lovanii ante portam Bruxellensem
 scriptum in hanc speciem.

OCTAVIANI AUGUSTI IN URBEM ADVENTU
 CORONA IRIDIS SPECIE CIRCA SOLEM APPARUIT,
 NOVÆ POTENTIÆ AUSPICIUM
 NOVÆ PACIS
 HANC VOBIS O PRINCIPES NOSTRI
 S. P. Q. LOVANIENSIS
 IN IPSO INGRESSU DEDICAT
 NOVÆ POTENTIÆ AUSPICIUM.
 NOVÆ PACIS
 SOL VOBIS AB HESPERIA FULSIT,
 CIRCUM EUM ET AB EO CORONA
 PROVINCIIS VARIÆGATA IRIDIS SPECIE REFULSIT
 O FAUSTA FIRMAQUE ISTA SINT!
 ET TU ILLE UTRUMQUE ORBEM,
 VOS ISTI NOSTRAM BELGICAM,
 SALUTARI LUCE PERFUNDITE,
 VITAM ET VIGOREM REDDITE,
 HEU BELLIS CIVILIBUS AMISSUM.
 DEUS ET SUPERIOR VOTA NOSTRA AUDITE,
 VOS PRINCIPES OBSEQUIA ADMITTITE,

Quæ FIDELITER ET ÆTERNUM DEFERT
S.P.Q.VESTER. LOVANIENSIS.

In quo Lipsii nostri videor agnoscere ingenium & ma-
num.

Coronæ etiam Lunares quandoque colorum varietate
maculantur: & Collegam hîc in Philosophia nuper ha-
buimus: qui sanctè adjurare paratus erat, visam à se ta-
lem: rarenter tamen id: veluti insolens etiam, Lunæ iri-
dem multicoloram esse. Hoc quoque curiosum, & mere-
tur attentionem: Coronas inverso, nec eo quo primariæ
irides, ordine colorum depingi. Interior enim & astro
vicinissimus puniceus & ardentissimus est, fugitq; dein-
de, & declinat per viridem in purpureum, Ratio tota est
in radio, qui proximū vaporē robustior & uberior pene-
trat, languescitque paulatim, & pluribus intricatus um-
bris, in virorem, & emoritur statim in purpuram. Quod
vehementer affirmat, quæcunque nuper asseruimus circa
Iridis generationem.

Dion.

Geminat etiam quandoque Halo. Nam & nos dupli-
cem Lunarem vidimus: & Dion lib. 45. narrat, janne
Augusti. Antonii Lepidi Triumviratū, Coronā tripli-
ci circumcinctum apperuisse Solem. Unde liquet, non
omnium parem esse diametrū. Modus geminandi facilè
ex Iride intelligitur: nisi quod à sidere proximè verosse
milius, certè tamen sæpius, veniat hujus congeminatio.
Cum enim exterior primæ Coronæ circulus, purpureus
& maximè imbecillus sit, haud faciles in eo vires altera
Corona vaporem magis diffusum adspargendi.

In Coronæ proprietatibus motus etiam ejus apparen-
tes possunt recenseri.

Primum, ab Ortū ad Occasum incedere videtur, in co-
mitatu ipsius astri. Non quia idem Coronæ lumen, lo-
cum migret; sed alia & alia catena germana priori, in oc-
cidentaliori vaporis parte perpetuè concinnatur. Vero
tamen etiam motu abire versus occasum potest, si nubes
& oculus in illam quoque cum astro partē se promove-
ant proportionali passu. Quod etiam iridi evenire po-
test, si ad adscensum, verbi gratiâ, Solis opposita ad
Occidentem

Occidentem nubes, paulatim succumbat & demittatur.

Motu deinde oculi, in Ortum, Austrum, & Septentrionem, Halo potest transferri. Aufugiet denique sursum, si attollat se oculus; sequeturque deorsum, si descendat ad humiliora.

ARTICULUS III.

Tempus, & præfagia Coronarum.

Corona Lunar, Iris Solaris frequentior est. Multum enim & assatim luminis, in densa & Opaca nube, Iridis generatio flagitat; modicum vero tenui vaporum inspersum, qui non statim dissipet: aut nimis diducat, magis pro Coronis est. Non omnium tamen siderum, et si Seneca id affirmet, Coronæ sunt, sed Planetarum duntaxat, & fixarum insignitæ magnitudinis, ut Vitellio l. 10. th. 68. post Aristotelem, conspectius. Sæpè etiam Halo Solaris est, quando non apparet, quia non oculo averso, ut iris. sed in flagrantissimum sidus intento, & ideo in majori luce, caligante adspici debet. Vere autem & autumnò, ut Irides, & oppanso sideribus tenui & quod radii facillè terebrent, velo, solentiores Coronæ.

Seneca.

Lib. 1.

c. 10. Nat.

Vitell.

Aristot.

Imbrem aut humorem præfagiunt, infidâ tamen magis, quàm Iridum, fide. Insigniter, sed Aristoteli nostro consentienter. Seneca, Cum ab una parte cesserunt, illinc ventus est, unde finduntur: si ruptæ pluribus locis sunt, tempestas fit. Nam si ab una parte intercisa est, apparet unde aëra incumbere, & ideo illa regio ventum dabit: cum undique concerpta & lacerata est, manifestum est, à pluribus partibus in illam impetum fieri, & inquietum aëra hinc atque illinc affilire. Si verò facies universa subsedit, & equaliter di lapsa sit. significatur aëris quies, otium, & tranquillitas. Et hinc etiam, non nisi tranquillo ferè, integra aut diu apparet. Nube tamè una transcurrente, altera parvis fili & contextu vaporis succedanea, præcedens Coronam aliquando rapit.

Seneca.

Aristot.

ARTICULUS IV.

De lucernarum Coronis.

*Seneca
Aristot.*

*Thimon.
L. 3. q. 25.
Meteor.*

COgnatæ sideralium, aut tenue quoddam earum rudimentum sunt; ideoque, ut laciniam, ceteris attexemus. In balneis autem maximè, inquit *Seneca*, & vapido aëre, Euro (id est, Vulturno humenti) spirante, ait *Aristoteles*, apparent lucernaræ istæ Coronæ.

Ambigunt tamen quidam, an reverà candelarum flammulas cingant, an oculos ludificent, & in ipsis tantum, non in aëre circumfuso sint. Nam *Thimon* iride in oculi, sive extremo limbo foraminis uveæ tunicæ hæere solum, multis contendit.

Prob. primò: Quia lippi, & quisquis recens à somno expressius eas vident: igitur nascuntur potius ex refractione luminis lucernarum in oculis lipporum unctis & rorantibus, aut vigilantium statim à somno.

Secundò: Non pyramidales, qualis est flamma quæ coronatur, sed circulares apparent: id est, figuræ foraminis uveæ.

Tertio: Non fugiunt propinquantem, nec sequuntur abeuntem, ut *Irides*, & siderum Coronæ solent.

Quartò: In aëre etiam rarissimo quandoque fingi possunt.

Denique: Tales in Sole versicolores Coronæ videntur, si quis radium foramini obscurati conclavis il-lapsum, oculo excipiat.

Aristot.

Hæc tamen *Aristotelē* mihi non excutient, qui has corollas *Iridibus* & *Coronis* sideralibus pariat aut componit. Igitur ut istæ in nube, sic illæ in aëre circa lucernas vapido adhærent. Abhinc enim est, ut balineorum præcipuè, & Austro, sive alio humecto spiritu flante, aut quem flamma allambit, promptissimè se in ista coronamenta induat. Si verò aliqua, vel à flammæ fuligine, vel aliunde, veluti nebula lucem opacans accesserit, tum etià colorari lux illa coronaria incipiet. Id enim experimenta

METEOROLOGICORUM. Lib. VI. 485

& Aristoteles adfirmant. Et si purpurea, inquit, sapilis to- *Aistor.*
a appareat. Viror tamen, addit *Vicomercatus*, quando- *Vicomercatus*
que etiam purpuram variat. Ex quo intelligitur, leviter
lapsum Lud, Alcasar Apocal. cap. 4. ubi negat, igneâ luce
colores Iridis posse repræsentari.

Sed ab argumentis Thimonis, aliquid amplioris lucis
huc affundemus.

De primo; ad fateor, in humore lippientium oculorum,
aut patentium statim à somno, fractionem radios ali-
quam subire; sed aliam tamen antè ab aëre candelam
c. ingente, qui & fuligine flammæ, & aura humente, ut
docet Aristoteles, non raro in tantum pinguescit.

Secundum plus aliquanto molestiæ habet: hoc tamen
me solatur, quod eadem unâ operâ conficias, Coronam
Lunæ cæxæ, aut corniculantis, non oportere videri orbi-
cularē. Regeri hoc etiam potest: nullam Thimoni cau-
sam esse, cur Halo candelæ in summo fractus sit, ubi
flamma se in fuligines erogat, si totus in oculi iride, non
in aëre fulgeat. Apparet ergo pænè circularis, quia flam-
mæ utrinque venter in medio extuberat, & æquali hinc
& hinc longitudine procurrit & radiat. Supremus verò
flammæ conus & apex, in altum Coronam non protru-
dit & turbinat: quia multa, quæ per verticem se exone-
rat, siccâ, opacâ, turbulentâ fuligine, cingulum potius ibi
rumpit.

Ad tertium: Verum est, non fugit, si accedas; sed eva-
nescit: quia non ab aëre longè ultra candelam, sed circâ
reflexio fit: deinde ex propinquo directum flammæ lu-
men pupillam nimis inalbat & Coronæ colorem & sen-
sum diluit. Aliud in Iride & Coronâ siderum est, ubi tota
profunditas nubis infinitas reflexiones habet, & innu-
meris, quarum aliquæ propiores, aliæ remotiores sunt,
pingitur Coronis & Iridibus.

De quarto, nego in aëre tenuissimo posse apparere: non
enim satis habet opacitatis: aliàs semper omnes omnino
flammas coronantes, aut comantes cerneremus.

Ultimò, do quandoque lumen Solis in oculorum ru-
nicis & humoribus refractum, & uveæ limbo, coronæ

modo, circumfufum, apparere in aëre. Ut fortaffe cū post adfpectum diu Solem, aciem ad locum obfcurum vertis: circulū enim quendam in tenebris illis fulgentem cernis: qui paulatim in virorem relanguescit, purpurascit dein vincentibus oculi tenebris, & denique evanescit; fugitivo omni lumine; ut lib. de Insomniis egregiè docet Themistius. Non nego igitur lumen oculi aliquando videri: nam id etiam accidit, quoties pugno in oculum impacto, scintillæ quædam exiliunt. Spiritus enim animales impetu diffilientes, tunicas & humores oculorum tenuiter saltem illustrant. Ita etiā Tiberius Cæsar Plinio & Tranquillo teste, sine ullo etiam oculorū frictu, cū primū à somno patuissent, omnia, ut in luce, cernebat, hebescebantque deinde paulatim. Ac ne Tiberius putaretur in hoc miraculo singularis, sibi quoque juveni id scilicet fuisse, scribit lib. 8. cap. 43. Variet. Cardanus: & in cerebri calorem, spirituumque tenuitatem refert: Id ipsum etiam de se Cælius Rhodiginus, & multis aliis evenisse scio, cū vesperi benè madentes cubitū ivissent, præsertim largiori fervidi Hispanici potu.

Themist.
Plinius.
Sueton.

Cardan.

CAP. III.

De Pareliis, Paraselenis, & Virgis.

Parelius, five, ut mavult Seneca, Pareliū, ale dicitur, quia *παρὰ τὸν ἥλιον* juxta Solem apparet. Ridicula enim est, & ex ignorantia linguæ Græcæ nata etymologia Thimonis & Vitellonis. Parelius, inquiunt, quasi par, five æqualis Soli, Die solū cernitur: noctu verò, Paraselene, juxta lunam: vocantque aliqui nocturnum Solem, Plinio teste. Juxta cetera, quia minus illustra & brevis apparentis disci, sidera, nulla unquam visuntur Parelia. Res enim parva à longinquo speculo videri nō potest, spatio magnitudinem ejus facile consumente: aut certè si appareant quandoque, puncta tantū luminum sunt, ab aliis cœli luminibus, nisi à peritissimis, non distinguenda.

Plin. lib. 2.
cap. 32.

Parelium

Parelium finiri potest. Imago Solis juxta eum in nube visa. Simili exemplo, Paraselene, imago Lunæ est, in nube juxta ipsam apparens. Virgæ, sive bacilli, lumen Solis sunt per nubem ipsum, & radiorum divisione figuram exprimens virgarum. Sed de singulis compressius aliquid & attentius cogitandum.

ARTICULUS I.

An Parelium lumen Solis nubi impressum sit, an Sol ipse visus in speculo.

Suppono, quod in lib. de Anima ostendemus verum, non idolum aliquod rei, speculo inhærens, sed ipsam, quæ ext. à est, adspici reflexè cum quidpiam videmus in speculo.

Keplerus c. 4. Paralip. in Vitellonem, refractione radii *Keplerus.* Solis in vapore nubis conformari credit: colores etiam suos habere, etiam si nō cernantur. Quod ergo cernimus, lumen erit, Solis, nubi infusum, & velut in nodum ibi collectum. Id tamen nulla demonstratione aut ratione probat. Videtur tamen his posse.

Primum: Diximus antè, iridem & Coronam, lumen esse fideris nubi adhæsum, non ipsum, reflexè conspectum *Sen. lib. 1. c. 12. Nat. Guiduc. Galilaus.* fidus. Cur ergo Parelia jam excipiamus? Hinc fortasse apud Senecam quidam non pessimè Parelium definierit, *nubem rotundam, & splendidam, similemque Soli:* sicque eveniet planè, quod Guiduccius cum suo Galilæo affirmat, eadem omnino Parelia à diversis oculis per multa interjecta milliaria divisim adspici.

Secundò: Parelium nihil habet ardoris, ait Seneca, sed hebes & languidum est: non ergò Sol est, flagrantis & accerrimæ lucis, sed lumen ejus fractum & enervatum in profunditate nubis.

Tertiò: Speculum, præsertim magnum & continuum, nullum est in nubibus: cum hæc aëre nostro leviores & rariores sint, ut lib. 1. docuimus, Frustrà igitur lib. 1. c. 11. Nat. sic arguatur Seneca: *Num quis nostrum miratur, si Seneca.*

Solis effigiem in aliquo fonte, aut placido lacu vidit? Non, ut puto. Atqui tam in sublimi facies ejus potest, quam inter nos, reddisfi modo idonea est materia, quæ reddat Clausula salubriter & conspectè adjecta. Verum idoneam istam materiam, circumjectis in orbem oculis quaerimus, neque dum reperimus. Nam densitas & levor fontis aut placidi lacus, à raritate & inæqualitate nubis longè abludit.

Quartò: Radius Solis nubis dorso illisus, in cælum non in oculum infernè spectantem resiliret.

Vellem sententiam istam retinere possem. Sed multa sunt, quæ mihi serè eam extorquere videntur.

Inprimis non esse nubem rotundam, luce infusâ ceu colore proprio albicantē, quod putasse, videtur Guiducius, cognosci ex motu, quo pari passu, ab Ortū ad Occasum, ad latus Solis incedit, potest. Nam nubes non solum sic certâ lege sidus aliquod comitari. Si dicas, radios prius frangi, deinde reflecti, ut in Coronâ & Iride: figura ipsa Parelii rotunda & planè Solaris te, ut videtur, refellit. Nō enim figura luminantis, in lumine sparso expressa apparere solet: figuram subjecti potius induit: ut flocos nubium eâ formâ colorari cernimus, quâ fortè materia ibi suspensa fuit.

Cardan. Deinde, Cardanus lib. 4. Subtil. tres Soles à se visos, tam flammantes, narrat, ut verum à Pareliis discernere non valeret. Denique hæc esse videtur sententia Aristotelis: quam vero propiorem existimare oportet, si utcumque repellam, aut declinare possim ea quæ antè objecimus.

Aristot.

Ad primum: Longè aliud in Iride & Coronâ est, ubi figuram sideris non cernis, sed rotunditatem solum, concinnatam ex radiis undique in orbem pari angulo redeuntibus. Et verte oculos quocunque voles, nunquam, aut valde fallar, luminosum reperies, quod in ulla materia tam graphicè, & ut dicitur, ad vivum, imaginem suam depingat: sed cum ita videtur, semper est res ipsa, non simulachrum ejus, quæ in speculo & alieno situ intrespicitur: si unicum exemplum excipias, ubi radius angustio foramine in locum tenebris infuscatum accipitur;

pitur. Qui modus Parello tamen congruere non apparet: quia minimi & circumcisissimi orbis esse oporteret, si saltem picturæ locus non longè à foramine distet (ita enim, cum Solè in conclave admittimus, experimur,) aut quacumque magnitudine sit, non juxta Solem, tamquam latero & comes, incedet, sed in partem semper oppositâ regredi parebit. Radius quippe in domum foramine aut fenestrâ illapsus, Solè à Meridiano, v.g. descendente, ad partes pavimenti Orientales pedetentim recedit. Stipant tamen Solem Parelia, & Aristoteles in Bosphoro quondam visum cum ab Ortû ad Occasû inter duo incessisse, scribit. Causam igitur vides cur discrimen aliquod inter Irides & Parelia interponamus,

Pro Secundo, Cardanum jam audisti, cujus experientia Senecam confutat. Sed stilo proprio loquentē adhuc audire juvat. *Vidi, inquit, anno 1532. die undecima April. hora diei secunda, tres Soles tã conspicuos ac splendidos Venetiis, ut intueri nequaquam possent. qui ad Solis lævam habebatur, valdè lucidior majorque ac splendidior visus est, versus Austrum. qui verò ad dextram Boream versus spectabat. minor, nec tam splendens. hunc tamen in fine magis perseverantem auctumq; enim advertimus. sic tamen ut ambo simul desisse visi sint. Uterque maximos radios per cœlum & ad terrâ extendebat, colore omnium ad rubedinem declinante. Hac à me visa plusquam 2000. testibus spectantibus. nam A. d. B. Marci aream compleverant cives. Credit autem ipse, hoc Trium viratûs Caroli V. Imp. Henrici II. Gallorum Regis, & Solymani Turcarum Sultani, prælagium fuisse. Ex hac igitur historiâ, præter alia, istud nacti sumus, Parelia non semper adeò esse infractâ & hebeti luce.* Cardan. l. 14. c. 70. Variet.

Tertium me præcipuè urit. Nego tamen, vaporem nubium continuum (qualem huc Aristoteles exigit) non posse sic radios sustinere, ut instar magni speculi, imaginem Solis in oculos rejiciat. Potest enim reverà (etsi res ista primâ fronte incredibilis occurrat) si opacitas aliqua tergo se speculo objiciat. quâ etiâ valdè speculi ab oculo distantia adjuvat: tenebræ enim majores & attriores apparent

Aristot.

Aristot:

Thimon.
Vitell.

apparent è remoto. Sic sæpè manè aut vesperi, Lovani-
ēlia prata, continuā veluti aquā inundata, ut exundasse
Dilia credi possit, adspicimus. vapor tamen tenuis &
quem è proximo nihil cernas, in aëre infimo pendulus
est; qui, obtendente se tergo ejus, terræ opacitate, lumen
Solis, specie candentis marmoris molliter reflectit. In
aëre etiā vicino famosus ille Aristotelis Antipheron, ut
speculo, imaginem perpetuò adspiciebat: etli melanco-
liæ ejus & hypochondriis id reddat Thimon. Vitellio ta-
men certè lib. 10. th. 61. de quodam familiari suo nar-
rat, cum nocte quadam, post aliquot præcedentium vigi-
lias, paludi adæquaret, vidisse alium quemdā, uti puta-
bat, in aëre illo vaporulento equitem, qui cum ipso, tam-
quam ad nutum omnem compositus, moveretur aut sta-
ret. evanuisse verò statim, & in aërē puriorem venit. Ego
etiam profectò in vitris fenestrarum pellucidissimis, no-
cte, candelā in cubiculo accensā, facilè me conspicio; quia
præstenduntur solùm ab averſa parte tenebræ externi &
nocturni aëris.

Dion.

Rothin. in
Cometa
anni 1555.

Quartum etiam me satis intricatum tenet. Nam re-
flexio ista specularis, ad angulos incidentiæ pares fieri
debet. Expedire me tamen utcumq; possū, si non à nube
quam perforat perpendicularis, sed à summotā aliquan-
tum ad latus, ut Coronæ accidit, radius in oculum resul-
tet. Et satis procul quandoque à legitimo Sole Pārelium
abesse, sumo è Dione, qui ante necem Vitellii Principis,
duos simul Soles, unum in Ortū clariorem, alterum in
Occasū heberiorem (id est, meo interpretamento, Pāreli-
um) conspectos scribit. Sed tamen, cūmo vero Soli assi-
det, quid facimus? hoc tamen fortassè sæpius usu venit.
Nec me teneo, quin illustre experimentum Rothmanni
huc protraham. Lucem enim huic rei, & toti Pārelio-
rum materiæ aliquam infunder. Anno 1586, inquit. 2. Ia-
nuarii conspeximus hęc Cassellis Pārelia. Apparebat pri-
mū, antequam Sol oriretur, in aurora (erat enim cælum
circa horizontem clarum) columna erecta ad amussim in
circulo virticali, latitudine ubique tantā, quanta appa-
bat diameter Solis. Incendium alicujus pagi ultra montes
dixisses,

dixisses, si vidisses, erat enim prorsus specie ignea, tanquam flamma: nisi quod ubique ejusdem esset spissitudinis. Paulo post oriebatur in ea columna idolum Solis, non aliter, atque si esset Sol verus. Vix digitus de hoc idolo adhuc sub horizonte latebat, cum in eadem columna oriretur Sol verus: quem eodem modo subsequerebatur aliud idolum, permanebatque columna hac, cum tribus suis continuè sese contingentibus Solibus, semper erecta in circulo verticali, ut quadrans ostendebat. Erantque Soles hi ejusdem formæ, nisi quod intermedius & verus reliquos fulgore antecelleret: durabantque cum ea columna ad quadrantem ferè hora, donec nubes nigra à vertice superveniens, eos obtegeret. Proximè igitur cingere valent Solis latus: & ex valdè diffuso radius ad oculum reflexus rarò satis virium habet ait Vitello, & Aristoteles, ut Solè perfecte in oculo im- *Vitell.* ginet. Propè jam abest, quin expungam & exculcem, *Aristot.* quidquid jamjam antè de reflectione speculari inculcavi. Certè tamen, quin alià longè ratione Parelia sæpiùs deformari existimem. Si enim lateribus veri Solis ita nullo manifesto aut insigni intervallo se apprimunt, à quâ nube radii ad nos redeunt? oportet profectò, ut à proxima centrali, & eâ quæ radio perpendiculari pænè confoditur. atqui id non potest, nisi quis fortasse naso & oculo internè contingeret ipsum vaporem. Cùm enim Sol sit vapore illo superior, nequit à tam propinquâ centro ejus nube, tali angulo imago, ut ad oculum aliquanto intervallo diffusum pertingat, reflecti. Huc ergo tandem, etsi trepidè, quia non video ducem, me abjicio.

Parelia longiusculè avulsa à vero Sole, ut quanta est semidiameter Coronæ, aut quæ in nube contraria, ut Irides, fulgent (quale fortasse illud, quod sub extrema Vitellii Cæsaris illuxisse diximus) per reflexionem forsitan apparere possunt: tam propinqua verò, quàm illa Rothmanni, mentior jam, aut non possunt. Quomodo igitur? Per refractionem, inquam. & venit jam in mentem lentium, sive vitrorum convexorum in Belgicis nostris dioptris, quæ non tantùm colorem, sed figuras etiam rerum egregiè imaginant.

Itaque

Iraque veluti res quæ speciem sui per lentem convexam, foramini obscurati conclavis insertam, in opposita papyro aut candido pariete imaginē suam coloribus universis & figurā expressam depingit: ita suspicor jam Solem, per convexam satis magnæ curvaturæ nubem, radium in fundum tenebricosi vaporis dejicere, ibique ob refractionem ad perpendicularem, quam & densitas continui humoris, & figuræ illa convexitas efficit, idolum quoddam orbiculare sideris appingi. Dux igitur nubes, aut dux ejusdem partes, necessariae sunt ad hanc picturam. Superior, quæ sit vapor continuus (non, inquam, guttatim divisus, sic enim in singulis stillicidiis totius sideris fieret refractione, nec in una aliqua ampla imagine figuram suam explicaret) & ad juvandam refractionem versus perpendicularem, incurvus. Deinde alia inferior, quæ instar parietis sit, qui imaginē excipiat. Inferne autem ex terra Parelia ista, per vaporem & aëra transparentem, ut imagines in cubiculo tenebrato, à tergo chartæ albæ & tralucētis, adspicimus. Columna ergo illa in azimutho, sive circulo verticali qui ab horizonte per zenith nostrum transit, erecta, in qua unum, supra verum Solem, alterū infra, impressum Parelum videt Rothmannus, velut illarum imaginum paries aut tabula fuit, in quam à priori vapore fracti radii, rotundo illo schemate impegerant. Incendium etiam columnæ, partim à vero Sole, partim à Pareliis erat. Non apparent autem tam angusti orbis, quàm Sol per lentem convexā in cubiculum exceptus; quia & convexitas vaporis est major sive amplioris circuli portio, quàm lentis, & secunda nubes longius distat à loco fractionis quàm paries cubiculi à principio foraminis. Non est deinde, ut Parelus ad ortū semper redire necessariò debeat: quod evenire radio ante diximus, qui per foramen in cubiculum incidit. Nam idē Parelus non diurnat, nec (nisi nubes ad Occasum, Solē comitetur) locum mutat; sed alius perpetuò generatur à radiis per diversam subjecti vaporis partem ad nubem inferiorem & inumbratam penetrantibus. Unde non est necesse, ut per angustias alicujus, circumcinctæ opaci, foraminis in profun-

profundum nubis se insinuant, veluti cum cubiculo illabuntur. quæ causa est, cur in pavimento versus Ortum, & aversi à Sole, discedere videantur.

Ex toto hoc Articulo jam liquet, duplicis generis à nobis Parellos, ut Irides, reflexos scilicet, & refractos, asseri.

ARTICULUS II.

Tempus, locus, numerus, proprietates Parelionum.

TEmpus quo magis frequentantur, nubilo gravidum est, valido tamen, & perfringente Sole. unde ver & autumnus magis idonei. Sole etiam ortivo, aut occiduo plures, meridiano rarissimi, sub finem enim & initium noctis roscidus & humectus ær, reflexiones adjuvat & refractiones. Sed nullum frequentius, quàm orientem Solem comitantur.

In omni Climate videntur; sed in Zonis frigidis maxime, si credimus Olao. Causa est in aëre ibi vapore nivali torulento, & quia Sol non altè scandit, sed perpetuò ferè circumcurrit horizontem. Ad latus Solis Australe aut Septentrionale, & ferè in eodè cum Sole azimutho (ut illi visi à Rothmanno) dispositos adspici, magis est solenne: quia vaporem qui antè ad Occasum est, adventu suo sidus sæpè dissipat, aut nimis ad speculum vel refractionem diducit; orientalem verò qui retrò est, statim deserit, inquit Aristoteles. Olaus.

Parelii non raro Coronis cincti apparent. Numerus, ferè binarius est. unde sæpè tres Soles visos legimus in prodigiis, id est, Solem, cum binis Pareliis. tot ante pugnam Philippensem, tot M. Antonii & Dolabellæ Consulatu, ut narrat lib. 2. c. 31. Plinius, & alia exempla ibidè habet. Tres itidem Cardanus, tres Rothmannus, tres nos Plinius. Lovanii anno 1619. mense Maio cum ipso Solis exortu vidimus. Plures simul quàm tres visi, ait Plinius, ad hoc ævi nunquam produntur. Alias tamen, quid impedit, inquit Sen lib. 1. Seneca, quò minùs tot sint, quod nubes fuerunt apte ad exhibendam Aristot.

Sem. l. 1.

c. 8. Cosm.

Arat.

Aristot.

exhibendam effigiem Solis? & sanè anno 1525. cùm apud Papiam à Gallis malè pugnatum, & Franciscus Rex in manus venit Hispanorum, Poloniae Regem sex vidisse Soles, Vicomercatus mihi auctor. & audite etiam nostrum Gemmam. Rex Polonia, inquit, videt sex Soles. Is autem qui ad Occidentem stabat, atra fuligine squalidus apparebat. neque multò, post Galliae Rex Franciscus in acie captus est. Addit etiam presagia & significationes. Nec uspiam spectari solent ejusmodi, quin nova foedera consuantur, aut conspirationes clandestinae, ut quemquam fastigio suo dejiciant, vel dolo, & vel vi, & malis artibus comprehendant. Multum in illis prater numerum, & figuram, ipsa positio ad praedictionis certitudinem facit. an ad latus, an sub legitimo Sole locentur, an Ortum, an Occasum versus, an septentrionem, Austrum, &c. Sed haec vanitatis suspecta, aut Deus quandoque effectuum naturalium occasione utitur ad aliquem significatio. Potest etiam Genii boni an mali in talibus manus intervenire. Certè tamen Parelii id non significant naturaliter, magis tempestates, & pluvias; ut etiam Paraselene, ac Virgæ. Magnæ enim navigantibus formidini sunt: & eos Aratus, Aristoteles, ceterique in signis satis evidentibus turbationum aëris habent. Australis autem certior imbris, ait Aristoteles (quia nubes ab eâ parte, humoris pleniores fecundiores) habet significationem. Sæpè etiam rutili, aut ferruginei, pro opacitate, & qualitate vaporis refringentis, sunt.

ARTICULUS. III.

De Paraselene, & Virgæ.

Plin. l. 2.

c. 32.

PARASELENE figuratur juxta Lunam, uti juxta Solem Parelii. idèdque jam dicta huc non retraho. Luna trina; Cn. Domitio. C. Fannio Coss. apparuere, inquit Plinius: quos pleriq; appellaverunt Soles nocturnos. Vix extra Lunæ plenitudinem visuntur; aliàs mutilo: & invalido ad imaginandum, sideris lumine. Pertinaciòs aliquantò, quàm

quàm Parelii, durant: quia nubes languidiùs radio Lu-
 pari icla, non tam citò dispergitur. Perdere tamē & alio
 modo imaginem potest: si continuitatem discindat, &
 guttatim dissolvatur. In tali enim jam vapore, nec refle-
 xionem, nec refractione, ut antè docuimus, imago inco-
 mnis & tota potest apparere, Sed quomodo hæret, in-
 quies, humor ibi continuus, cùm propensior sit infimo
 nostro aëre? Non est fortasse, et si sit paulò opacior. Nam
 Lib. 5. diximus, nubes nondum deciduas, esse leviores
 infimâ aëris regione. Deinde, ubi vapor incipit plus pen-
 & gravitatis habere. succumbit molliter, Paraseleném-
 que aut Pareliū aliquantum unâ deducit, aut alius è su-
 periori loco vapor succedit, qui imaginem excipiat à
 præcidente destitutam.

De Virgis, M. Antonius de Dominis negat scire se
 quid sint. *Hanc profectè impressionem, inquit, si ego ali-*
quando vidissem, eam aliquo pacto conarer explicare.
Cum autem mihi ignotum sit, quòd sint Virgæ, ipsarum
Propter quid non possum indagare. Afferit tamen, per
reflexionem non apparere: quia non possunt ad unum
unctum in quo est oculus: coire plures radii reflexi, nisi
circulariter dispositi. cuiusmodi figuram non habent Vir-
gæ. sunt enim oblongæ, & linearis formæ. Aristoteles
tamen reflexionis filias esse docet, & figuram illâ in spe-
culorum longitudines & angustias confert. Et Seneca:
Virga nihil aliud quàm imperfecti arcus sunt. nam facies
quidem illis est picta, sed nihil curvati habent. in rectum
acent. Fiunt autem juxta Solem ferè in nube humida, &
tam se spargente. Itaque idem est in illis qui in arcu co-
lor, tantum figura mutatur: quia nubium quoque, in
quibus extenduntur. alia est.

M. Anto.

Aristot.

Sen. lib. 1.
 c. 9. Nat.

Igitur M. Antonio reponi potest, à partibus speculi
 propinquiorebus & longinquis, nec in circulum compo-
 sitis, reflexiones in eundem oculum quandoque redire,
 ut in Iridis & Coronæ latitudine patet. Linea enim
 quædam recta est, quæ crassitudinem metitur totius ar-
 cûs. Deinde, duæ Irides concentricæ à diverso radiorum
 Solarium ordine, & eâdem, ut ostendimus, colorû serie,
 formari

formari possunt: nec arcus tamen superior cum inferiore in unum circulum coalescit, licet uterq; simul in oculum cadat,

Sen. lib 1.
c. 11. Nat.

Vitell.

Aristor.

Fateor tamen alium modum generationis Virgarum magis solentem esse. De hoc Senecâ: Aliud quoque Virgarum genus apparet, cum radii per angusta foramina nubium tenues, intenti distantesque inter se diriguntur: & ipsi signa imbrium sunt. Tales sunt illæ Virgæ, quas sæpissimè Sole surgente, aut succumbente, per rariora quædam nubium intervalla in terram usque trahit, & perpetuò dilatari, ac dispergi cernimus: cum agricolæ nostri aiunt, à Sole aquam & alimenta nubium trahi. Hæ etiam, nisi fallor, Virgæ sive bacilli sunt, quos Vitello lib. 10. th. 81. vulgò funes tentorii appellari dicere. Inæqualitas autem vaporis, cujus partes aliquæ rariiores, aliæ densiores sunt, eas laciniatim sic dispergit: veluti etiam à variâ opacitate maximâ varietate & maculosisimè colorantur. Colores verò isti gratiùs in aqua & reflexè, quàm in cælo directè, inquit Aristoteles, spectantur. reflexio enim omnis debilitat radium, coloresq; nimis aliàs incitatos paulisper comprimit, aut frangit in virorem vel purpuram. Hinc etiam nubes omnes in aqua atriores apparent.

Hoc denique addo: Radios illos & *φάσματα*, quæ Sole occaso, imò extinctâ omni crepusculorû luce, & altâ quandoque nocte, in hæmisphærium revibrantur, posse Virgis (etsi pleriq; Trabes vocent) bellè accenseri. Imaginem enim reverà potius virgarum, linearum divisione, mentiuntur, videnturque esse radii in vapore circa horizontem fracti, & deinde in hæmisphærium nostrum repulsi: licet in altissimo æthere, & inter ipsos Planetas eleventur à Rothmanno.

CAPUT

CAPUT IV.

De Spectris & Phasmatibus.

Multæ præter jam dictas in nubibus tincturæ, tam interdum quam internoctu visuntur, quas Aristoteles *quædamata*, seu spectra appellat. Ex variâ autem radii astrorum, Solis præsertim ac Lunæ, aut exhalationum etiam incensarum, cum opaco nubium mixturâ nascuntur. Umbræ etenim, veluti nigredo, quædam, candori luminis confusæ, medios infinitâ varietate colores repræsentant. Hinc etiam in cervicibus columbarum, & pennis pavonû, ex irradiatione Solis, & miscelâ umbrarum quæ inflexione colli & certarum plumarum objectu resultant, aurum, crocum, purpuram, smaragdum, & omnium colorum amœnitates esse cernere. quò adspexit Nero Cæsar, versu illo quem disertissimum laudat Præceptor ejus Seneca.

Aristot.

Sen lib. v.
c. 5. Nat.*Colla Cytheriacæ splendent agitata columba.*

Hos tamen colores plumis infixos esse censet M. Antonius. Ego, inquit, permanentes esse, & puto, & sum expertus. videntur tamen emphatici, id est apparentes, quia non sunt in tota pluma, sed in ejus particulis : quæ interdum apparent, interdum ex mutatione situs & positura occultantur, exhibitâ versus oculum aliâ particulâ non coloratâ. Sed frustrâ. Non enim sparsim tantum & guttatim per plumarum discreta quædam puncta, purpureæ, aut virides, sed totis etiam cervicibus tales apparent. Unde etiam maris, nunc virent : nunc flaven, ut purpurascunt (nullo tamen haud dubiè vero colore inherente) prout Solem & à vicino fluctu umbram exceperint. Hinc Poëta vetus :

M. Anton.

Furius.

Spiritus Eurorum virides cum purpurat undas.

Item alter:

Ennius,

*Verrunt extemplo placidè mare mamore flavo,
Ceruleum spumat sale confertâ rate pulsum.*

L I

Ubi

Ubi cū flavus color viridi & albo mixtus sit, pulcherri-
mè prorsus spumas virentis maris. flavo marmore appella-
vit, inquit Favorinus apud Agellium.

Angel. l. 2.
c. 6.

Hoc igitur lucis & opaci temperamento, χάσματα
sive hiatus, puteos, sepulchra.

Lucret. l. 6.

Speluncasque velut saxis pendentibus struētas
Cernimus ; —————

varias etiam hiutorum, aut hominum formas, in media
aëris regione. Pars nubis quæ plurimum nigri sive opa-
ci habet, profundior & recessisse apparet; quæ verò a-
bundiori lumine hilarescit, propinquior; nisi intellectus
sensum corrigat. Si profunditas ingens cum longitudine
apparuerit, vocabitur chasma sive hiatus : si rotunda
profunditas, erit puteus; & ita in ceteris. Vnde omnia
ad hanc imaginem definies : Puteus phantasticus, est
meteorum in nube apparens: quod ob variam mixturam
luminis cum vaporis opaco, veri putei habet similitudi-
nem, &c.

Aguilon.
l. 1. Prop.
41.

Verū, ut jam primulū animadverto, Eruditissimus
vir Franc, Aguiloniis, in pulcherrimo juxta ac doctissi-
mo Optico opere, colores istos nubium non phantasticos,
sed veros, & à lumine separatos affirmat, & probat:
quia proprio corpori insunt, nempe exhalationi quæ per-
mixta vaporī unā cum lumine transparet. In Iride tamen,
Halone, Pareliis, similibusque luminis infractionibus,
inquit postea, omnino phantasticos seu apparentes esse co-
portet, cū nulli proprio subiecto insint. neque enim nubi
aut aëri connaturales sunt: sed penduli in medio diapha-
no oberrant, ceu extemporaneæ quædam, uti verè sunt lu-
cis affectiones, ex certa quadam radiorum infractione pro-
gnata. Sed profectò rubedo illa aut purpura nubium,
non est exhalationi naturalis : aliās enim maculosis-
simam, & diversissimis coloribus imbutam esse oporteret,
cū innumeros valeat ostendere. Igitur lumen infusum
exhalationum & vaporum mixtum opaco sunt : nec Sol
eos ostendit tantū, sed facit. Irides etiam vaporī reve-
rà inhaerent, etiamsi non à natura, sed agente externo
resurgent;

Discernicu-

Discerniculum tamen aliquod inter Irides & crepusculorum phasmatumque lumen, antè à me etiam confesum. Nam Iridis & Coronæ ex certo situ cerni possunt, phasmata ex quovis possunt. Ratio est, quòd illæ determinatæ ad oculum reflectione, hæc luminis sideris nubilo impluente, & totū instar legitimi & fixi coloris perfundente, fiant. Unde veteres quidam radium nubi sic confusum non reflexum, aut refractum, sed incorporatum appellant. Talis etiam est radius Solis exceptus Lunæ. Ut autem lux astris aut color in corpore suo defixus, quaquaversum, ubi non se objicit opacum, radiat: ita ejusmodi lumen cum vapore mixtum, & quasi maceratum. Quomodo verò id accidat, an quia partes mutuæ reflectione se roborant & adjuvant, an quia lux simpliciter infusa vim sufficientem habet ad spargendū radios undique in orbem, in Libris de Animæ erit enarrandum. Ubi etiam ambigemus, an colores, qui vulgò veri, reverà à luce distinguantur: quod proximi jam sumus ad negandum, cum Platone.

Non placet etiam in Aguilone, quod jam statim displicebat in M. Antonio: colores illos cervicum columbinarum, genitivos esse & naturales istarum plumarum. Uti nec, aërem naturæ esse cæruleum. nam quod in sublimi & innubi æthere cernimus, non natus aëris color, sed lumen molle sublestri & semidigesto permixtum opaco est.

*Aguilon.
ibidem.*

ARTICULUS I:

An equites discurrere, & acies in nubibus belli similes, lachra ciere naturaliter valeant.

Inter aëria phasmata recenseri solet Eques discurrens. et in peculiari difficultate est hoc meteorum, ob motumque sæpè non vagè tantum hæcillac palatur: sed composito passu aggredi aut impetu videtur assilire hostem. Inardum etiam acies totæ concurrunt,

Ut sæpè ingenti bello cum longa cohortes,

*Virgil.
Georg. 2.*

*Explicuit legio, & campo sterit agmen aperto;
Directaque acies, ac latè fluctuat omnis
Aere renidenti tellus.*

Georg. 4.

*Nec raro etiam adduntur clamores, ac morantes
Martius ille aris rauci canor increpat, & vox
Auditur fractos fonitus imitata tubarum.*

Me lancht.

Snell. de

Cometa

anni 1618.

Innumera talium spectrorum exempla sunt. ut ante bellum civile Marii & Syllæ, ante excidium Jerosolymorum: sed plurima in Germania ab 1524. ad 1548. visa sunt, inquit Phillippus Melanchthon lib. 2. Meteor,

Sed audi ex Snellio, quid non ita pridem viderint Hollandi. Tormenta, tubas, sclopetorum dispositiones, castrorum metationes, atque alia id genus quàm plurima. Id Amortsfortii, inquit, & alibi visum: & quidem haud altè supra ipsa culmina tectorum. Quin adeò, addit, priusquam classis Hispanica nostro & Britannico Oceano infretar Xerxis cuiusdam, vincla & virgas injectura videretur, anno 1588. memini me admodum puerum à notis & familiaribus, qui etiamnum in vivis sunt, audivisse, visas Amstelodami in ipso aëre, paullo ante Solis occasum, navium confictus maritimos, impressiones hostiles, hos victos, illos victores abire tanquam in puerile naumachia, idque unius aut alterius horæ spatio, multis hominum millibus inspestantibus. Denique Sacra Historia lib. 2. cap. 5. Machabæorum, Contiget, inquit, per universam Jerosolymorum civitatem videri diebus quadraginta, per aëra, equites discurrentes, auratas stolas habentes, & hastas, quasi cohortes armatas, & cursus equorum per ordines digestos, & congressiones fieri omninùs, & scutorum motus, & galeatorum multitudinem gladiis districtis, & telorum iactus, & aureorum armorum splendorem, omnisque generis loricatorum. Historiæ veritate sic constitutâ.

Machabæorum.

Dico, Nubes in formas equorum aut hominum naturali casu posse componi; ventis etiam adversis & reflantibus, speciem concurrentium acierum præbere; vel intermicantibus fulgetris & fulminibus, tormentorum nostrorum coruscationes & tonitrua imitari: multa tamen in historiis illis jam narrata sunt, quæ nullus, nisi cerebri & mentis

METEOROLOGICORUM. Lib. VI. 501

mentis egens, casui tribuat; cū Intelligentiæ alicujus directionem & manum nemo homo sanus non videat. Quod etiam significatio ipsa satis asserit. Nam prælia & cædes certo & respondente semper præ eventū præsagiunt. Igitur ex destinato, & à clementissimo Patre nostro veniunt, qui pericula ad terrorem & cœli respectum, consistant, antequam nos involvant.

Sed videte, quæso, Atheorum nostrorum hîc ingenium, quibus una Philosophia & cura est, Deum & omnem creatam Intelligentiam jugulare. Viderunt, acies istas æreas, compositos & repetitos assultos, telorum jactus, & id genus sexcenta, non posse sine stupore in casum referri. quid ergo faciant? homines pennatorum Pergasorum equitatu ibi pendulos & certantes adstruent? Hoc Poëticum nimis est. Tamen, negare Deum & Genios qui hos lusus exerceant, jam ipsis olim certum & fixum est. Voluptatis enim & scelerum interest, non esse, quod videlicet, Numen.

Et metus ille foras præceps Acherontis agendus

Funditus, humanam qui vitam turbat ab imo,

Omnia suffundens mortis nigrore : neque ullam.

Esse voluptatem liquidam, puramque relinquit.

Lucr. l. 3.

aiunt cum illo Epicureo. Ergo nubilosas illas acies veras, & in superficie terræ alicubi & assultare existimant, videri autem in vapore nubium cœu speculo. Quousque humanam mentem à ratione alienat impietas!

Primò: Militem, nisi planè Polyphemum, & qualis illi

Aetnæi fratres cœlo capita alta ferentes.

in nube directè hinc, nemo tam Lynceus est, ut aspicere valeat; quantò minùs reflexè, & debilitatâ specie tanto speculi intervallo?

*Virgil.
Æneid. 3.*

Secundò: Vento, ut solet cū acies illæ concurrunt, spirante, nubes turbant & confundunt suas superficies, ne speculi officium valeant obire.

Tertiò: Non imagines aliquæ, sed ipsæ nubes manifestò in se arietant & mutant locum.

Quartò: Sæpè hæc simulachra visuntur, nullo cente-

n is aliquot circum milliaribus, quod inaudierimus, commisso praelio. nam futuri, non presentis, significationem habent. Ut tamen species è terra in nubes roscidas illas & speculares jactæ ad nos redirent, objectum non longè ultra vigesimum milliare Belgicum, oporteret in superficie telluris à nobis distare. Nam ut alibi è Cardano retulimus, infimæ ad horizontem nubes, non multò longius decem horariis leucis ab oculo distat sunt. Fac ergo species in eas jaci, & totidem milliaribus in alterum proximum horizontem inde reflecti, si possunt: intra viginti igitur miliaria horaria & nostraria stabit tota reflexio. Et licet (quod fortasse verum) nubes horizonti attrigæ aliquantò longinquiores sint; certissimum tamen est, intra centesimum abhinc milliare conflictus omnes tam insignes, nuntiis differentibus, statim spargi; & tamen longè citra hoc spatium, conflictum iniri necesse esset, ut imago ejus à nubibus resliret ad nostrum oculum. Si à vapore etiam horizonti proximo referiretur pugna species, numquam circa verticem nostrum, phantasticæ illæ acies praeliarentur: apparerent enim ubi est speculū. Sed quid in affantiis istis expungendis, quasi in re seris, consumo stilum?

ARTICULUS II.

De Aurora, & Crepusculo.

Phasmatibus nubium adnumerari & crepuscula debent. Crepusculum aut generaliter est lux illa crepera seu dubia (inde enim crepusculo nomen) quæ manè ante Solis ortum nubes circa horizontem colorat, & vesperi post occasum. Crepusculum tamen matutinum nomen proprium Auroræ invenit, generale crepusculi reliquum est vespertino. De quo eleganter Poëta Metamorph. 4.

*Jamque dies exactus erat, tempusque subibat,
Quod tu nec tenebras, nec possis dicere lucem:
Sed cum luce tamen dubiæ confinia noctis.*

Ovid.

Creperum

Creperum verò valuisse Antiquis, quod *dubium*, patet vel de isto Lucretii versu :

Exaequataeque sunt creperi certamina belli.

Lucret. l. 5

Porro subiectum Auroræ & crepusculi, non solæ nubes, sed omnes etiam halitus supremæ regionis, paulò opaciores, sunt. imò altissimi illi halitus, primi manè induant Auroram, & ultimi vesperi exuunt crepusculum. Quò enim altiùs à terrâ eleuantur, eò citiùs manè radius terræ limbū distringens, eos attingit, & sub noctē tardius, quàm nubes inferiores, deserit. Et hinc Optici è crepusculis, excelcissimorū qui terrâ exhalantur spirituum altitudinem mensurant, Huic autem fini describunt circulum quendam, infra horizontem, ei parallelum sive undique æquidistantem, quem crepuscularē vocant : quia, cum manè Sol ad ipsum pervenit, prima Aurora in- albescere incipit; cum vesperi eousque decubuit, novissima crepusculi lampas, & universæ diei antecedentis reliquæ extinguuntur. Ptolomæus, Gemma noster, & plu- *Ptolem.* res 18. gradibus, Alhazen 19. Tycho 17. Rothmannus 24 *Gemma :* infra horizontem, circulum istum deprimunt. Diversitas *Alhaz.* ex eò venit, quòd aliqui citiùs defecisse crepuscula, alii *Tycho.* pertinaciùs mansisse quandoque animadverterint, quòd *Rothman.* imputati vaporibus circa horizontem adhærentibus, & radios, serà etiam aliquando nocte, in hæmisphærium nostrum refringentibus potest, aut halitibus insolentem ætheris excelstatē, non omni exutâ opacitate, scandentibus, ut Lib. 3 diximus circa materiam Cometarum. Unde variant etiam paulisper in finienda maxima Auroræ & crepusculorum altitudine Auctores. Posidonius 50 miliaribus, Alhazen, Vitello, & ferè passim, 52. Nonius, quem Clavius sequitur, 43, Stevinus noster 41. Bodinus, nimis deparcè 3. Cardanus prodigè 772. à terræ superficie elewant. Qui exæsserunt, circulū in terra maximum, sive terræ ambitum, nimis amplum, in suam demonstrationem assumpserunt : quòd Alhazenum & Vitellonem fecisse, notat Gloriosus lib. 2. cap. 2. de Cometis, ideòque potiùs se applicat Stevinio. Gemma autem noster in Supplemento Affrolabii patris, sic terminos

ponit. Auroræ & crepusculi Lovaniensis. Solstitio æstivos horâ primâ noctis & 36. minuto Aurora emergere incipit, horâ decimâ vespertinâ & 24. minut. crepusculum se componit. Solstitium Brumale horâ 6. manè & 4. min. primam lucem fundit, horâ 5. vesperi & 56. minut. novissimam suppressit. Utroque æquinoctio horâ 4. & totidem minut. Aurora fores pandit, vesper horâ 7. & minut. 56. crepusculum claudit. Auroræ & crepusculorum varius & amœnissimus color; sed mirabilior & jucundior Auroræ; tum comparatione noctis jam fugientis, tum quia plures vapores nocte coacti, horizontem & infimum aëra obsident; qui radio Solis primùm icti, fluctuare, laxari, & dispergi incipiunt; & nunc purpureos, nunc virides, puniceos, aut croceos colores, prout opacitas compressior fuerit, aut solutior, repræsentant. Hinc auroram alii purpuream nominant.

Ovid. 2.
Metam.

— etce vigil nitido patefecit ab Ortu
Purpureas Aurora fores, & plena rosarum
Atria — alii croceam.

Virgilius.

Tythoni croceum linguens Aurora cubile.

A similitudine etiam flagrantium & puniceantium in pudore genarum, Nævius pudicorem dixit.

Sed quare vapores & halitus nubium, inquit, non ita interdiu & meridiano Sole, ut Aurora & crepusculo, colorantur? Causa una est quod Sol hæmisphærio nostro jam illatus, pluribus radiis & ampliori lumine, nub.ũ opacitatem dissolvat; unde albæ magis apparent, quàm purpureæ. Altera, quod, etsi radius nubes totas non perterebret, rel quæ tamen dici circumfusi lumen, tenuem vapores purpuram suppressit & offuscat. sic enim etiam tincturas siderum in candorem & reliquam cœli faciem, digerit.

Lucan. l. 2.

Et jam Pleias hebet, flexi jam plaustra Bootæ
In faciem puri redeunt languentia cœli.

Quod inde potest probari: quia ubi Sol jam primùm supra horizon.ẽ totus emer sit, Aurora statim purpuram & pudorem abjicit; & si nubilo purgata sit dies, omnia candent ab horizonte ad Meridianum. & tamen Occidentibus, v. g. Gandensibus aut Burgensibus, adhuc Aurora est,

est, & vapores aliquantum elevatos, quos nos albentes, ipsi purpureos vident: quia radii, quibus Sol cælum anticipat, ut cum Lucretio loquar, suppresso adhuc ipsis infra horizontem sidere, non tam ubertim oculos perstringunt, ut umbras eluant, cum quibus lumen Auroræ ad eos venit.

Lucret. l. 5.

Tertia causa est, quia lux Auroræ per maiorem longitudinem vaporum rorulentorum circa terram hæsitantium, ab horizonte ad nos trajicitur: unde magnam colorationis partem à medio rapit. Hæc etiam ratio est, cur Sol in ortu suo rubicundior, quam meridie appareat, etsi hinc per mediam nubem adspiciatur: quia, inquam, radios terræ superficiem deradens, longam rorantium guttularum aciem pererrat, in quibus sæpiculè offensus & refractus umbris etiam innumeris implicitus, tandem coloratus emicat ad oculos. E Meridie autem, nec per tot aut tam densos vapores in nos dejicitur; ut proinde pauciores umbras colligat, nec tam sæpè refringatur: quæ verò reliquæ, & perinacius inhæserunt, plenâ illâ & abundante diei luce consumuntur. Et hic etiâ libelli nostri labor. In quo si quid à recto abivit, à me detortum; vera & concinna ab eo sunt,

Psal. 93.

qui docet hominem scientiam. Totum igitur istud ei redelemi, ne hilum: non dura autem solum & morosa via, per istas etiam scientiarum naturalium amœnitates, ceu flores quosdam, & semitas virentes, ad Deum nostrum ire possumus; imò debemus: alias tempus & vitam, inter meliora & cœlestibus ac æternis propiora ducendâ, perdidimus. Quid enim putatis? Angelos, & beatas illas mentes, in bonis tantum supernaturalibus, & summis, laudare Creatorem? etiam in naturalibus istis, & infimis faciunt. Imitemur. Ubique enim magnus & Sapientissimus Opifex qui posuit admirationem; & retia retendit, quibus nos ad se rapiat, & in cælum. Per istos etiam oculos, clamat D. Eucherius, in futurum cupiditate magnâ, ex parte raptamur, D. Eucher. admirationem quam ex Mundi contemplatione capimus, Erist. ad detorqueamus in ipsum tantæ machinæ Auctorem: aut si cogitemus quantus in posterum splendor lucis possit luminibus occurrere, cum se nunc rätus insinuet; quâ magnifica fulgebit perpetuis forma rebus, cum sit nunc tam speciosa perituris.

Valer.



INDEX CAPITVM

ET

ARTICVLORVM.

LIBRI I.

De Meteoris in genere.

CAP. 1. Quid, & quotu-
plex meteorum pag. 1.

CAP. 2. De loco gene-
rationis meteororum 3

Art. 1. De supremæ regionis
aëris quantitate ib.

Art. 2. De quantitate me-
diæ & infimæ regionis 8

Art. 3. De figura regionum
aëris 10

Art. 4. Qualitates regio-
num aëris 12

Art. 5. Quomodo radius
Solis directus non impe-
diat nubium in media re-
gione concretionem 15

Art. 6. An superior aëris
regio raptu cœli circum-
ducatur 19

CAP. 3. De causa mate-
riali meteororum 22

Art. 1. An ex terræ substan-

tia etiam resolvi possunt
exhalationes 23

Art. 2. An vapor & ex-
halatio specie differant
ab elementis gravibus,
quibus extrahuntur 26

CAP. 4. De causa effici-
ente meteororum. 28

Art. 1. Georgius Agricola
& Lydiatus nituntur
ignem subterraneum fa-
cere principem auctorem
vaporum & exhalatio-
num. 29

Artic. 2. Defenditur Ari-
stoteles, Agricola & Ly-
diatus rejiciuntur. 31

LIBRI II.

De meteoris ignitis.

CAP. 1. Materia & for-
ma ignitorum 41

CAP. 2. De meteoris igni-
tis infimæ regionis 42

Art. 1.

INDEX CAPITUM.

- Art. 1. De igne fatuo ibid.
 Art. 2. De Castore, Polluce,
 Helena 46
 Art. 3. De igne lambente 47
**C A P. 3. De meteoris ignis
 nitis medix regionis** 50
 Art. 1. De Dracone & stella
 cadente ibid.
 Art. 2. Quis modus gene-
 rationis fulminis 54
 Art. 3. Damones non es-
 se, ut plurimum, causas
 fulminum: adversus Jo.
 Bodinum 57
 Art. 4. De fulgure & co-
 ruscatione 61
 Art. 5. Fulminum divisio 63
 Art. 6. De admirandis effe-
 ctis fulminum ib.
 Artic. 7. De lapide fulmi-
 neo 67
 Artic. 8. Quæ res ful-
 mini obnoxia, aut ab eo
 tuta 68
 Artic. 9. Causa tonitruum,
 *Anaxagora, Seneca, Pa-
 racelsi, Bodini, reje* 71
 Artic. 10. Peripatetica &
 vera causa efficiens to-
 nitruum 73
 Artic. 11. Cur demum post
 coruscationis fulminis, to-
 nitru andiamus 75
 Artic. 12. De effectibus to-
 nitruum 75
 Art. 13. Tempus & signa
 fulminum, ac tonitruum 80
 Art. 14. Tormentorum no-
 strorum, & fulminum
 comparatio 82
C A P. 4. De Procellis 88
 Art. 1. Quæ causa procel-
 larum ib.
 Artic. 2. Procellarum effe-
 ctus 89
 Art. 3. Prasagia procel-
 larum, & tempestatum ib.
**C A P. 5. De meteoris
 supremæ regionis æris** 94
 Art. 1. De Capra, Trabe,
 Pyramide, &c. 98
 Art. 2. De Galaxia 99

LIBRI III.

De Cometis.

**C A P. 1. De loco genera-
 tionis Cometarum** 106
 Art. 1. Cometa quidam coe-
 lestes sunt, ex mini-
 ma quorundam paralaxe-
 ib.
 Art. 2. Argumentum para-
 laxeos frustra elidunt
 Scaliger, Claramontius
 Galileus 109
 Art. 3. Cometa quidam coe-
 lestes etiam esse colliguntur,

ET ARTICULORUM:

- guntur, ex motu proprio
sub eodem circulo maxi-
mo 112
- Art. 4. Ex ortu & occa-
su Cometarum colligi,
quosdam saltem supre-
mam aëris regionem lon-
gè excedere. 116
- Artic. 5. An Aristoteles
Cometas cœlestes, & no-
vitia in cœlo astra quan-
doque gigni existimave-
rit 117
- Artic. 6. Cometas aliquos,
sublunares esse 121
- C A P. 2. De materia Com-
etarum 125
- Art. 1. Materiam subluna-
rium Cometarum esse
terræ & aquæ halitus
ibid.
- Artic. 2. Cometa cœlestes,
sidera non sunt ex illis
mundi cœvis. Adver-
sus Chaldaeos, Senecam,
Cardanum, Fracastorium
129
- Artic. 3. Nec Cometas esse
plurium stellarum se in
unam conglomerantium
cœtus 132
- Art. 4. Non omnium cœle-
stium Cometarum mate-
riam esse terrestres ha-
litus 136
- Art. 5. Neque cœlestium
Cometarum materiam,
esse partem fluidi athe-
ris in nodum contractam
& addensatam 140
- Art. 6. Cometarum cœlesti-
um materiam è sideribus
fortè exhalari 143
- Artic. 7. Quomodo è ha-
litibus cœlestibus concin-
nandi ætherei Cometa
149
- C A P. 3. De causa for-
mali, efficiente, finali
Cometarum 150
- Art. 1. An Cometa aliquid
presagiant, & quomodo
151
- C A P. 4. De proprietati-
bus Cometarum 155
- Art. 1. Causa barbarum
& villorum in Cometis
157
- Art. 2. In qua materia lux
illa cauda Cometarum
sustentetur 161
- Art. 3. Causa curvatura
caudæ in Cometis 164
- Art. 4. De motu Cometa-
rum 167
- Art. 5. De magnitudine,
& duratione Cometarum
171
- Art. 6. Quo tempore anni
plures cometa 173

LIBRI IV.

De Ventis.

C A P. 1. De causa mate- riali

INDEX CAPITUM.

riali ventorum	177	Art. 2. Qui modo Indices	
Art. 1. Materiam venti non		mentorum describendi	201
esse aërem	ib.	Art. 3. A quo horizonte	
Art. 2. Halitum, venti ma-		sumendum initium ven-	
teriam esse	179	torum	202
C A P. 2. De causa effici-		Art. 4. An eodem vento	
ente ventorum	108	navis totum orbem cir-	
Art. 1. Rarefactionem, aut		cum navigare possit	207
condensationem, causam		C A P. 6. De ventis annis	
efficientem ventorū om-		versariis	209
nium non esse. Adversus		Art. 1. Tempus Etesiarum	
Bitruvium, & Jo. Bapt.			210
Benedictum	ib.	Art. 2. Causa efficiens Ete-	
Artic. 2. Motum venti non		siarum	214
propriè fieri repulsu ex-		C A P. 7. De ventis pro-	
halationis à nubibus, ut		vincialibus, Apogæis, &	
plerique existimant	183	Auris	217
Art. 3. Angeli non sunt		C A P. 8. De proprietati-	
ventorum ordinariorum		bus ventorum	219
Æoli. Adversus Bodi-		Art. 1. Ventorum Septen-	
num, & quosdam alios.	186	trionalium qualitates	220
Art. 4. Causam efficientem		Art. 2. Ventorum Meri-	
motus ventorum, non esse		dionalium qualitates	225
terræ pulmones. Adversus		Art. 3. Ventorum Orien-	
Keplerum	190	talium qualitates	231
Art. 5. Ventos gravitate sua		Art. 4. Ventorum Occi-	
in terram defluere, ut		dentalium proprietates	234
torrentes & flumina per		C A P. 9. De terræ mo-	
alveos	191	tu.	236
C A P. 3. De causa formali		Art. 1. Quæ causa efficiens	
ventorum	196	terræ motus	ib.
C A P. 4. De causa finali		Art. 2. Species terræ mo-	
ventorum	197	tus	242
C A P. 5. De numero vene-		Art. 3. Quæ loca obnoxia	
torum	199	terræ motibus	244
Art. 1. Quot, & quibus nomi-		Art.	
nibus recensiti venti	ib.		

ET ARTICULORUM.

Art. 4. De magnitudine,
& duratione terræ mo-
tus 247

Art. 5. Quæ anni tempora
maximè sentiunt terræ
motus 250

Art. 6. Quæ signa ante-
cedentia terræ motus
253

Art. 7. Effectus terræ
motus 255

Art. 8. Timor Numinis
causa finalis terræ mo-
tus 260

Art. 9. Comparatio Cuni-
culorum nostrorum mie-
litarium cum terræ mo-
tu 262

LIBRI V.

De Meteoris aqueis.

AP. 1. De Mari 269

Art. 1. Quæ origo, &
quanta magnitudo ma-
ris 270

Art. 2. An terræ & ma-
ris idem sit centrum 273

Art. 3. De salsedine ma-
ris 279

Art. 4. Ceteræ aquæ mar-
ina qualitates, & effe-
ctus 286

Art. 5. De motu æquationis
maris 291

Art. 6. De libratione, &
capto maris 294

Art. 7. Historia marini
æstus 300

Art. 8. Sententia ali-
quot belliores, de causa
efficiente marini æstus,
rejecta 305

Art. 9. Luna, princeps
causa marini æstus. Sol
tamen etiam in partem
aliquam venit 312

Art. 10. Quâ virtute Luna
æstus moveat 317

Art. 11. Quæ virtus occi-
dente Luna æstus apud
nos faciat 322

CAP. 2. De fontibus 327

Art. 1. De materia fon-
tium 329

Art. 2. Quæ causa aquam
fontium in scaturigines
pellat. Malè à Bodino,
Conimbricensibus, Sca-
ligero, Valesio assigna-
tam 332

Artic. 3. Vera causa quæ
aquam fontanam de-
ducit ad scaturiginem
337

Art. 4. Unde calidi fontes
qualitatem illam ha-
bent? 341

Art. 5. Unde frigidi me-
dicati qualitatem illam
traxerunt? 345

CAP. 3. De fluminibus
347

Art. 1. De fluminum al-
veis ibid.

Artic. 2.

INDEX CAPITUM.

riali ventorum	177	Art. 2. Qui modo Indices	
Art. 1. Materiam venti non		mentorum describendi	201
esse aërem	ib.	Art. 3. A quo horizonte	
Art. 2. Halitum, venti ma-		sumendum initium ven-	
teriam esse	179	torum	202
C A P. 2. De causa effici-		Art. 4. An eodem vento	
ente ventorum	108	navis totum orbem cir-	
Art. 1. Rarefactionem, aut		cum navigare possit	207
condensationem, causam		C A P. 6. De ventis annis	
efficientem ventorum om-		versariis	209
nium non esse. Adversus		Art. 1. Tempus Etesiarum	
Bitruvium, & Jo. Bapt.			210
Benedictum	ib.	Art. 2. Causa efficiens Ete-	
Art. 2. Motum venti non		siarum	214
propriè fieri repulso ex-		C A P. 7. De ventis pro-	
halationis à nubibus, ut		vincialibus, Apogæis, &	
plerique existimant	183	Auris	217
Art. 3. Angeli non sunt		C A P. 8. De proprietati-	
ventorum ordinariorum		bus ventorum	219
Æoli. Adversus Bodi-		Art. 1. Ventorum Septen-	
num, & quosdam alios.		trionalium qualitates	
	186		220
Art. 4. Causam efficientem		Art. 2. Ventorum Meri-	
motus ventorum, non esse		dionalium qualitates	
terræ pulmones. Adversus			225
Keplerum	190	Art. 3. Ventorum Orien-	
Art. 5. Ventos gravitate sua		tialium qualitates	231
in terram defluere, ut		Art. 4. Ventorum Occi-	
torrentes & flumina per		dentalium proprietates	
alveos	191		234
C A P. 3. De causa formali		C A P. 9. De terræ mo-	
ventorum	196	tu.	236
C A P. 4. De causa finali		Art. 1. Quæ causa efficiens	
ventorum	197	terræ motus	ib.
C A P. 5. De numero vene-		Art. 2. Species terræ mo-	
torum	199	tus	242
Art. 1. Quot, & quibus nomi-		Art. 3. Quæ loca obnoxia	
nibus recensiti venti	ib.	terræ motibus	244
		Art.	

ET ARTICULORUM.

Art. 4. De magnitudine, & duratione terræ mo- tus	247
Art. 5. Quæ anni tempora maximè sentiunt terræ motus	250
Art. 6. Quæ signa ante- cedentia terræ motus	253
Art. 7. Effectus terræ motus	255
Art. 8. Timor Numinis causa finalis terræ mo- tus	260
Art. 9. Comparatio Cuni- culorum nostrorum mie- litarium cum terræ mo- tu	262

LIBRI V.

De Meteoris aqueis.

AP. 1. De Mari	269
Art. 1. Quæ origo, & quanta magnitudo ma- ris	270
Art. 2. An terræ & ma- ris idem sit centrum	273
Art. 3. De salsedine ma- ris	279
Art. 4. Ceteræ aquæ mac- rina qualitates, & effe- ctus	286
Art. 5. De motu æquationis maris	291
Art. 6. De libratione, & capto maris	294

Art. 7. Historia marini æstus	300
Art. 8. Sententiæ aliæ quot belliores, de causa efficiente marini æstus, rejecla	305
Art. 9. Luna, princeps causa marini æstus. Sol tamen etiam in partem aliquam venit	312
Art. 10. Quâ virtute Luna æstus moveat	317
Art. 11. Quæ virtus occi- dente Luna æstus apud nos faciat	322
CAP. 2. De fontibus	327
Art. 1. De materia fon- tium	329
Art. 2. Quæ causa aquam fontium in scaturigines pellat. Malè à Bodino, Conimbricensibus, Sca- ligero, Valesio assigna- tam	332
Artic. 3. Vera causa quæ aquam fontanam de- ducit ad scaturiginem	337
Art. 4. Unde calidi fontes qualitatem illam ha- bent?	341
Art. 5. Unde frigidi me- dicati qualitatem illam traxerunt?	345
CAP. 3. De fluminibus	347
Art. 1. De fluminum al- veis	ibid.
Artic. 2.	

INDEX CAPITUM.

- Art. 2. *Qua de causa Nilus, Niger, Melas, Argeus, aliique fluvii sic exundant?* 351
- Art. 3. *Quanam aquarum in usu laudatissima* 355
- Art. 4. *Quid censemus de variis miraculis aquarum, quae à Scriptoribus passim aut sparsim ja-
stantur* 359
- CAP. 4. *De Rore, Pruina, Melle, Manna* 364
- Art. 1. *Qua causa roris* 365
- Art. 2. *Effectus roris* 368
- Art. 3. *Pruinae causa, & effectus* 369
- Art. 4. *De filis illis quae D. Virginis appellantur* 370
- Art. 5. *De melle* 371
- Art. 6. *De manna* 374
- Art. 7. *De Saccharo* 379
- CAP. 5. *De Nube & Nive* 380
- Art. 1. *Qua causa nubes in media aëris regione sus-
pendat?* ibid.
- Art. 2. *Figura nubium cir-
cularis est. Adversus
Cardanum* 383
- Art. 3. *De nive, & causis
ejus* 387
- Art. 4. *Effectus nivis* 389
- CAP. 6. *De pluvia* 393
- Art. 1. *Quid pluvia &
quotuplex* ibid.
- Art. 2. *Quàm altè aqua
pluvia penetret in ter-
ram* 396
- Art. 3. *De pluviis prodigi-
osis* 399
- Art. 4. *De ranarum pluvia* 402
- Art. 5. *De Diluviis* 404
- CAP. 7. *De nebula* 408
- Art. 1. *Quid nebula* ib.
- Art. 2. *Proprietates qua-
dam nebula* 409
- CAP. 8. *De Grandine* 411
- Art. 1. *Quid grando, &
ejus causa* ibid.
- ## LIBRI VI.
- ### *De Meteoris appa- rentibus.*
- CAP. 1. *De Iride Solari* 416
- Art. 1. *Varia Iridum histo-
ria* ibid.
- Art. 2. *An Iris reflexione
radiatorum Solis, an refra-
ctione fiat* 419
- Art. 3. *An Iris circularis.
Adversus Posidonium,
Senecam, Plinium, Bodi-
num, & alios* 424
- Art. 4. *An centrum Solis,
oculi, Iridis, oporteat
semper in eandem lineam
rectam incidere* 420
- Art. 5. *An Iris videri possit
major semicirculari* 435
- Art. 6. *De Iridis altitu-
dine*

ET ARTICULORUM.

dine	439	CAP. 2. De Halo, five Corona	474
Art. 7. <i>Causa maculose colorationis Iridis. Adversus Albertum, Scaligerum, Cardanum, Maurolicum, Vicomercatum, & alios</i>	443	Art. 1. <i>Quis modus generationis Coronæ. Seneca, Albertus, M. Antonius, rejeſti</i>	475
Art. 8. <i>Quis numerus colorum in Iride</i>	448	Art. 2. <i>Coronæ proprietates</i>	478
Art. 9. <i>Modus generationis ſecundæ Iridis, Alberti, Scaligeri, Vicomercati rejicitur</i>	450	Art. 3. <i>Tempus & præſagia Coronarum</i>	483
Art. 10. <i>Nec Maurolicus, aut M. Antonius, in ſecundariæ Iridis explicatione ſatis placent</i>	454	Art. 4. <i>De lucernarum Coronis</i>	484
Art. 11. <i>Secundariam Iridem reflexione primariæ conformari</i>	456	CAP. 3. De pareliis, Paraſelenis, & Virgis	486
Art. 12. <i>An Iris ultra geminam, & quo colorum ordine apparere poſſit</i>	461	Art. 1. <i>An Parelidium lumen Solis nubi impreſſum ſit, an Sol ipſe viſus in ſpeculo</i>	487
Art. 13. <i>De variis Iridis motibus</i>	464	Art. 2. <i>Tempus, locus, numerus, proprietates Parelidorum</i>	493
Art. 14. <i>Locus & tempus Iridis</i>	466	Art. 3. <i>De Paraſelene, & Virgis</i>	494
Art. 15. <i>Effectus & ſignificatio Iridis</i>	469	CAP. 4. De ſpectris & Phæſmatibus	496
Art. 16. <i>De Iride Luna-ri</i>	472	Art. 1. <i>An equites diſcurrere, & acies in nubibus belli ſimulacra cære naturaliter valeant</i>	499
		Art. 2. <i>De Aurora, & Crepuſculo.</i>	502

FINIS.

M m

INDEX



INDEX RERUM

MEMORABILIVM

Aër.

Aeris suprema regio usque
ad firmamentum exten-
ditur Fol. 7. 8.
Media regio, quousque 8. 9.
Cujus figura, secundum ut-
ramque superficiem 12
Infima regio quatenus à
terra sursum excurrat
9. 10
Cujus figura sit 10. 11
Aëris qualitates naturales
in certa 12
Suprema regio ab Ortum in
Occasum ducitur, & à
quâ causa 20. 21
Media regio non semper fri-
gida & humida 13
Frigoris ejus causa 15. 16.
(17
Cur in ea Sol nubium con-
cretionem non impediatur
15. & seq.
Infima regio unde præcipue
caleat 18
Omnes qualitates primas
viciissim recipit 14
Aër an naturaliter carale-
us 499

Inumbratus, unde refrige-
retur 366

Aër inter planetas merito
vocatur ignis 4

Africus.

Africi effectus, & violen-
tia in Belgium 135

Anglia.

Raro fulmina sentit 80

Antipheron.

Quomodo in aëre, ut speculo,
se viderit 490

Aqua.

Aquarum miracula 359. &
seq.

Quanam saluberrima 356.
355

Nivalis & glacialis, in-
salubres 356

Raritas ejus unde explore-
tur 156. 157

Aquarum abyssus in terra
quanta 406

Aqua Gratia comparatur
363

Aquilo.

Non ubique serenus & sic-
cus 221. 222

In cade lignorum obser-
vatur

INDEX RERUM.

- uatur* 230
Qua virtute congelat 224
Salubritas ejus probatur 221.222
Noxas tamen etiam habet 223
Nocturnus minus pertinax est, quàm *Auster* 230
Aristoteles.
An *Alexandrum* ueneno sustuleret 361
Arteria.
Sani hominis quoties hora singulari micet 361
Auster.
Noxæ ejus probantur 228
Flante eo, facilius uenatio 229
Teporem ejus aer ocysimè sentit ibid.
Spiritus Dei cur vocetur 216
- B**
- Bacilli.*
Quomodo fiant 487.495. 496
Belgium.
Halinitro & materia fulminum non caret 37.38
Temperies ejus defenditur, contra *Cardanum* 288
Terræ motum cur raro sentiat 245.246
Cur *Federlandt* dicatur 277
Bombardæ.
Quando, & à quo re-
- perte* 82
Bulimia.
Cur diutulè in nive ambulantes invadat 391
 392
- C**
- Castor & Pollux.*
Picti aliquando in navium puppi 47
Causæ eorum, ac effectus 46
Color.
Cur *cæruleus* appareat in fornice cœli 163
An verus in pennis pavonum, & columbarum cervicibus 497
Cometæ.
Quidam cœlestis 106.107
An *Aristoteli* cogniti 117 & seq.
Quidam etiam sublunares 121. & seq.
Cœlestes solo ferè parallaxeos argumento firmiter asseruntur 115
Probantur tamen etiam ex morâ supra horizontem 116.117
Sublunares ex halitu terræ & aquæ 125
Quidam flammati, quidam Sole tantum perfusi lucent 126
Cœlestes ex quâ materiâ, variæ sententiæ 129 & seq.
Ex sideribus exhalati 143. & seq.
 Non

MEMORABILIVM.

Non sunt causa turbatio-
num sublunarium, per
naturalem sympaltia 155

Color unde, & figura 155

Barba, vel cauda unde 157

Cur à Sole aversa 158

Cur quandoque discissa in
plures ramos 159

Unde curvetur 162

Cauda materia 161, & seq.

Cur autumnno potissimum
visantur 173. 174

Qualis eorum motus 161,
168

Magnitudo, & duratio
quanta 171, 172

Motus cur in fine detortus
instar cochleæ 175

Quomodo species una Come-
ta in aliam transeat 160
Coronæ.

Quanti diametri 478, 479

Quot simul apparere possint
482

Coronæ motus 483

Quorum siderum, & tempo-
rum sint ibid.

Coronarum lucernariarum
cum sideralibus compa-
ratio 484, 485

Coturnices.

Unde anno 1619. in Belgio
rarissima 214

Crepusculum.

Quomodo ab aurora diffe-
rat 502

Subiectum ejus 503

Cur etiam interdiu colora-

tum appareat 504, 505

Circulus crepuscularis ubi
descriptus 503. 504

Cuniculi,

Militares quomodo constru-
endi 263, 264

Comparantur cum terræ
metu 264, 265

Item cum granatis 267

Usus eorum in mari ibid.

Cuniculorum quis inventor
262

D.

Diluvia.

Famosa tria 404

Diluvio generali unde illa
aquarum copia 404. &
sequent,

Dioptricus tubus

Aquo, & quando inventus
135

Draco volans.

Non animal, ut vult Para-
cel. sed exhalatio ignita
50

Ejus motus, & figura 51

Pestilentia signum 51, 52

Dracones veri, quidam
alati, nulli cristati 51

E

Erelix.

A qua causa efficiantur
214. 215

Cur somnulosi ibid.

Interdiu cur præcipue spi-
rent 215, 216

Tabella eorum anemologica
210. 211

Mm 3

Austra-

INDEX RERUM.

- Australes quando flare incipiunt* 214
Eucharistia.
Ejus cum mannâ comparatio: & Christi pecie humana in ea apparentis recens historia 376, 377
Euipus.
Quoties aestuet 303, 304
An in eum se merferet Aristoteles 304
Exhalatio.
Quomodo è terra superficie edueta, ventis & ignitis meteoris sufficiat 35
Ex mari etiam, & terra inunbrata extrahitur 35, 36, 37
F
Filia D. Virginis.
Quid & unde 370, 371
Flumina.
Quae astuent astu marino 302
Quaedam alia exendant instar Nili 353
Erum materia 329
Rupiditas unde 349, & seq:
Alu: quando & à quo excavati 347, 348
Quae, maxima 1b,
Fontes:
De fontium materiâ variâ sententiæ 329
Virior Auctoris 330, 331
Quousque possint emicare 332, 333
Quae cause in scaturigines pellant, variæ opiniones 337, & seq.
Vera causa 337, et seq.
Aqua eorum unde non salsa 339
Vena sublatentis signa 337, 338
Unde aliquando exarescant 339
De eorum origine quid senserit Aristot. 339, 340
Quidam puri & sine sapore, quidam sapore medicati 341
Quidam unde caleant, variæ opiniones 341, 342
Verior 342, & seq.
Frigidi medicati qualitatem illam unde trabant 345, 346.
Auriferi an, & unde 346
Diversus color unde 1b.
Fontis Spadani laus 345
Fulmin.
Ex qua materia 541
Motus & generatio 56, 57.
Unde accendantur in nube 56
An fiant ut plurimum per demones 57, & seq.
Cur tanta impetu è nube erumpant 58, 59
Cur deorsum & non sursum ferantur 59, 60
Vix unquam sine pluvia 60
Eorum

MEMORABILIMUM.

- Eorum divisio 63.
 Mare & varii effectus 63,
 & seq.
 Altiora cur magis feriant 68
 An laurum & alia à qui-
 busdam exempta feriant 69.70
 Dormientes quomodo mi-
 nùs quàm vigilantes fe-
 riant 67
 E fulmine vanum est augu-
 rari 81
 In fulmine & tempestate
 cur campana apud Chri-
 stianos pulsentur 93
 Fulminis & nostrorum tor-
 mentorum comparatio 82.
 & seq.
 A fulgure quomodo disse-
 rant 61.
 A nube fulminante distan-
 tia terra unde mensure-
 tur 76.77
 Fulmineus lapis qualis &
 unde 67.68.
- G**
- Galixia.
 Varia opiniones rejecla 99
 & seq.
 Non est pars Firmamenti
 perpetua & densior, sed
 ex innummerabilibus
 stellulis zona intertexta 101
 Candor in quo praeis è sub-
 jecto 103
 Figura, & cur extra Tre-
- picos amplior, quàm in-
 tra 102.103.104.
 Quaedam segmenta etiam
 aliis coeli partibus extra
 formosum illum circulum
 dispersa 104
 Ei quid simile in capite Ori-
 onis & Praeepis, non in
 Pleiadibus, & cur 102
 Globus.
 E tormento rectè excussus
 quanto tempore ad Fir-
 mamenti fornicem per-
 tingeret 173
 Grando.
 Quid, & ejus causa 411,
 412
 Magnitudo & figura 412.
 413
 Noxa & remedia super-
 stitiosa 414
 Cur faciliùs lique scat, quàm
 nix 415
- H**
- Horizon.
 Visibilis quanta diametro
 203.385.386
 Hortus.
 Possibilis, qui tota etiam
 hieme olera & fructus
 ferat 14.15
- I**
- Ignita meteor.
 Qua materia & forma 41
 Quaedam non vera, sed tan-
 tum apparentia 42
 Ignis fatuus.
 Nomina & causa 42.43
 M m 4 Cnr

INDEX RERUM.

- Cur diu non videatur* 43
Unde saliat 43
Ubi, & quando conspici so-
leat *ibid.*
Unde fugiat, vel sequatur,
vel ad præcipitia ducat
44
Unde sibilat 45
Ignis subterraneus.
Esse probatur 29 & seq.
Quàm frequens & quàm
altè sub terra 33
An potissima causa vapo-
rum & exhalationum
32. & seq.
Ignis lambens.
Quis & cujus ominis 47
Noctu & quandoque diu
etiam apparet 48
Iratos & vinolentos faci-
lè allambit 48
Quandoque apparet sine
flamma & vero igne, &
quomodo 49
Intellectus.
Humanus in omnibus ferè
caligat; non tamen ideo
mortalis 166
Iris.
Ejus cognitio difficilis 415
Iris duplex 416
Ejus varia & pulchræ hi-
storia 416. & seq.
Cur circularis, aliorum ex-
plicatio 424. 425
Auctoris sententia 425, &
seq.
Tota arca, & tota nubes
rorida cur non fulgeat si-
mili luce cum Iride 426
& seq.
Alia reflexa, alia refracta
430
Artificialis quæ 434
Ejus centrum an semper i-
dem cum centro Solis &
oculi in eadem recta li-
nea 430. & seq.
Refracta Iridi quomodo
nubès disponenda 434
Semicircularis apparet
435, 436
An quandoque major semi-
circulo 436, 437
Altitudo quæ 439 & seq.
Colores qui, & unde vario-
rum opiniones 443, &
seq.
Mens Auctoris 447
Ejus colores quot 448. 449
Irides quot simul apparere
possint 450
Iris secunda quomodo gene-
retur, varia sententia
451, & seq.
Mens Auctoris 456. & seq.
Iris secunda cur tam rara
459
An plures duabus, & quo
colorum ordine apparere
possint 461, 462
Varii mtous. 463. 464
Tubo visa cur amittat colo-
rationem 465, 466.
Ejus locus & tempus 466
& seq.
Effectus

MEMORABILIVM.

Effectus & significationes.

469. & seq.

Iris ex refractione & reflexione radii fit. 420.

& seq.

Iridis Lunaris cum Solari convenientia & disconvenientia 472. & seq.

Lunaris cur rarior Solari. 472. 473

Lunaris unicolor, non tamen semper 473, 474

L.

Limburgi Ducatus.

Totius Belgii locus eminentissimus 468

Lumen.

Oculi quando & quomodo videatur 485, 486

M.

Magnes.

Aliquis ferri inimicus an eo vasi suppositus, ramenta ferri in furorem & aestum agit 326

Manna.

Quid, & an adstringat vel laxet 374

Meteorologica an ejusdem speciei cum mannâ Hebraeorum 375

Ejus cum S. Eucharistiâ comparatio 376

Mare.

Ejus & freti definitio 270

Quando & quomodo creatum ibid.

Ejus & terræ superficies in

magnitudine quomodo

comparentur. 271

Profunditas minor terræ 271, 272

Ejus & terra an idem centrum 273. & seq.

Mare salsum, non omne tamen aquè salsum. 279

Fundus an dulcior superficie 280, 281

Salsedo ejus unde juxta Aristotelem 280

Vera causa 282

Salsedo unde tam constanter conservetur. 282. & seq.

Diversus color unde. 285

Salsedo an in aqua, an halitu aquis confuso. ibid.

Mare æstate, & sub Torridâ cur salsius, 285, 286

Marina aqua variæ qualitates & effectus. 286.

& seq.

Marinam aquam quomodo tibi possis facere. 290

Quomodo cadavera & alia expellat ibid.

Motus æquationis quis, & à qua causa. 291. & seq.

Motus librationis quis & unde. 294

Mare an ab Ortu in Occasum motu raptus defluat.

294. & seq.

Mare Balthicum etiam quandoque ab Austro in Septentrionem moveri,

& unde 293

Mediterranei

INDEX RERUM.

<i>Mediterranei motus quasi circularis unde</i>	294	<i>bente</i>	326
<i>Mare sub Zonâ torridâ ab Ortâ in Occasum ferri, unde</i>	296	<i>Mel.</i>	
<i>Marinus æstus.</i>		<i>An ab apibus fiat</i>	371
<i>Cur ejus non meminit Aristoteles?</i>	300	<i>In imo cur optimum</i>	373
<i>Maris in diversa motus quomodo compossibiles. ib.</i>			374
<i>Maria quæ non æstuent. 301. & quæ æstuent. ibid.</i>		<i>Ejus causa, effectus; species & differentia</i>	371 & seq.
<i>Æstus quantum durent. 303. 303</i>		<i>Meteora.</i>	
<i>Æstus insolentes unde. 304</i>		<i>Eorum causa formalis & efficiens</i>	28
<i>Æstus causa obscura 305</i>		<i>Divisio</i>	2
<i>Varia opiniones allata & rejecta 305. & seq.</i>		<i>Locus</i>	3
<i>Veram causa esse Lunam. 312</i>		<i>Etymon & definitio</i>	5
<i>Explicatur per puncta fluxus & refluxus 314 & seq.</i>		<i>Materia</i>	22
<i>In æstu Lunam etiam adjuvat Sol 316</i>		<i>Ascensus à terrâ quousque</i>	455
<i>Æstum quâ virtute Luna efficiat 317, 318</i>		<i>Unde noctu, etiam in sphaera stante appareant. 38</i>	
<i>Sententia Auctoris 319 320</i>		<i>Meteora apparentia quid. 415</i>	
<i>Æstum quæ virtus occidente Lunâ apud nos faciat 322 & seq.</i>		<i>In suprema regione unde fiant 94</i>	
<i>Mare vivum aut mortuum quando 314</i>		<i>Meteori suprema regionis species explicata 94 & seq.</i>	
<i>Maria cur residant Lunâ à culmine cœli per secundum quadrantem dela-</i>		<i>Meridionales populi.</i>	
		<i>Magis melancholici & iracundi Septentrionalibus. 222</i>	
		<i>Milites discurrentes.</i>	
		<i>An naturaliter sic apparent, & contra Atheos, 499. 500</i>	
		<i>Eorum historia ibid.</i>	
		<i>Montes.</i>	
		<i>Altissimi qui & quousque ascendunt 5, 67</i>	
		<i>Mures.</i>	

MEMORABILIVM.

Mures.

Mures & ranas ex pulvere
& aqua cœlesti posse
conformari 401

N.

Navis.

sponte ad Æquatorem,
& dein semper sub eo
feratur 114.115

Nebula.

definitio & causa & spe-
cies 408
proprietas 409
per nebulam res visa, an
& cur remotior appa-
reat 410

Nix.

definitio & causa. 380.
387
cur mollior quàm pruina. 388
tempus lapsus, & lo-
cus 389
effectus 389. & seq.
andor unde 393
frigido vino commodè
estate servatur 390
vivis esu an corvi aut be-
stia candidentur ibid.
cur nubes non semper prius
in pluviam, quam in ni-
vem resolvatur 387.
388

Nilus.

Quâ lege exundet. 351,
352
Exundationis causa obscu-
ra. 351.

Variorum causa, cum veri-
ori opinione. 352.353

Nubes.

Ejus causa 380
Unde in aëre suspendatur.
389. & seq.

Figura circularis. 383
384

Nubes unde videantur as-
cendere, etsi verè non a-
scendant 184

Qua videatur horizonti in-
cumbere, quousque ultra
sit 385.386

Nuces.

Avellanarum copia cur sig-
num fertilitatis arvo-
rum 390

Nuptiæ.

Quo vento spirante cele-
branda ex mente Aristo-
telis 233

O.

Oculus.

Per planam superficiem
quousque possit prospice-
re 385

Tiberii oculi unde in tene-
bris flammigantes 49

Opacitas.

A densitate quomodo diffe-
rat 381

P.

Paradisus.

Ejus planities non supra me-
diam regionem aëris. 13

Paralaxis.

Quid, & quomodo inve-
niatur.

INDEX RERUM.

- niatur* 106.107
Ejus doctrina an incerta. 110
Parasalene:
Quo numero & durat ione. 494.495
Parelius.
Etymon & definitio. 486
Tempus, locus, & nume-
rus 493
Significatio 494
Parelius, an lumen Solis nu-
bi impressum 487
Vel Sol ipse reflexione, ut
in speculo visus. 489. &
seq.
Phasma.
Species & definitiones. 497.498
Unde appareat 497
Ejus ab Iride differentia 499
Pleiades.
An sex, an septem stelle 108
Polares Regiones.
Malè à Valesio temperatio-
res circumjacentibus sta-
tuuntur 39
Pluvia.
Ejus causa 393
Gutta quâ figurâ 394
Species ibid.
Aqua pluvia quàm altè
terram penetret. 396.
397
Prodigiosa, quæ & qua-
les 399. & seq.
- Rubra vel lactea unde.* 390.400
Pluvia quæ cruces rubras
vestibus inuffit 393
Pluisse quandoque carni-
buss, lanâ, lapidibus, non
vitulis 401.402
Potest etiam ranis. 491
Pluviae descensum in ter-
ram, radices arborum,
& vim caloricam So-
lis ferè congruere, &
cur 396
Signa pluviae vel frigoris
diuturni, an festa S. Mar-
tini, Marci, & Purifica-
tionis dies 395
P. ocellæ.
Earum causa 82
Species explicantur ibid.
Effectus. 89
Pruina.
Ejus definitio, causa, & ef-
fectus 369.370
Filatim quomodo ex arbo-
ribus dependeat 370
Pulvis tormentarius.
Unde, & quis quibus tor-
mentis conveniat 84
Pulvis aureus quis & quo-
modo fulminet 86
Pueri.
Cur eis ploratum permitti
suadeat Aristoteles. 198
R
Radii luminosi.
Tres species explicantur. 419
Robigalia.

MEMORABILIVM.

Robigalia	aëre purissimo cur supra appareat 382
Robigalia & Floralia qua sacra, & quorsum. 369	Stella cadens.
Ros.	Quid significet 54
ius causa 365	Quomodo comparetur ad fulmen & nostros ignes pyrobolos ibid.
ex quantâ altitudine deci- dat. ibid.	Cælo sereno, de die non nisi quandoque videtur, ibid.
Quo tempore anni & quo vento decidat. 365.	Cadentis & discurrentis differentia, motus, gene- rationis modus, quanti- tas 96.97.98
& seq. 368	Sonus.
Definitio 368	Soni species cum in tempore ad aures perveniant. 76
Effectus varii ibid.	Subsolanus.
S.	Unde semper spiret in mari intra Torridam 296
Scaldis.	297. & seq.
Intuerpia an uno toto die fuerit sine aestu, ut vult Keplerus 305	Cur sub Auroram & manè spirare soleat 298.
Sum Oceano sæpius exun- davit 306	Sulphur.
Septentrionales populi.	An in aquis ardeat 343
Cur salubriori & vivacio- ri corpore quàm Austræ- les 221	T.
Sidera.	Terræ motus.
Perinde ac cælos materia sublunari constare. 144	Causæ efficientes variæ. 236.237
Eorum exhalationes in plu- vias aut ventos non ab- ire 146	Verior sententia 238.
Eorum gravitas quæ 147	& seq.
Detrimentum & mutila- tionem aliquam patiun- tur 146	Species quæ & quot. 242.
Nova in cælo visa 108	Magnitudo & duratio. 246
Sol.	& seq.
Cur non ita halitus suos ex- spiret ut alia astra 148	Tempus 250. & seq.
Stringens horizontem etiam	Signa futuri 253 254
	Effectus varii cum histori- is 255. & seq.
	Terræ motus ferè semper causa

INDEX RERUM.

causa pestis, quomodo?

259

Effectus optimus & finis
principalis est timor Nu-
minis

260.261

An fornices difficilius sol-
uat

43

Qua loco magis vel minus
ei obnoxia

244. & seq.

Atlantidis insula an eo ve-
rè absorpta

256,257

Tonitru.

Varia causa refutata

71

72

Vera causa

73,74

Divisio & Specierum ex-
plicatio

ib.

Cur serius percipiaturs quam
fulmen

75 76

Effectus ejus Physicus, sola
ejus Species

77

Effectus vulgò habiti plu-
res numerantur & ex-
plicantur

81. & seq.

Tonitru & fulminis tem-
pus & signa

80,81

V.

Vapor.

Unde sursum ascendat

40

Etiā remisse tepesactus
elevari potest.

37

Vaporis & exhalationis de-
scriptio explicatur

22

Vapor humidus extrahitur.

ibid.

Vapor & exhalatio ordina-
riè manent ejusdem spe-

ciei cum corporibus
quibus extrahuntur

Ven:1.

Ventorum scientia

obs

Causa juxta Aristotelem

177. & seq.

Causa remotè efficiens

18

Causa proxima, aliorum
sententiæ

180. & seq.

Quandoque Angeli cau-

ventorum, non tamen

dinariè

186. & seq.

Motus deorsum causa

19

& seq.

Forma

196, 197

Essentialiter movetur,

accidentaliter

196, 197

Utilitates

197, 198

Noxa

19

Venti quot, & unde spiren-

& quomodo nominen-

tur

199, 200

Ventorum indices descri-

bendi modus

20

Ventorum initium à quo bo-

rizonte sumendum

20

Quanto intervallo ad no-

perveniant

204. & seq.

In remoto majores plerum-

que quam in propinquo

& cur

205

Idem an navem per totum

orbem circumvehere po-

sit

207. 208

Aniversarii qui & unde

spiren-


MEMORABILIMUM.

spirent 209
Provinciales qui, & ex qua
causa 218
Apogei & aura qui dicantur
& unde ibid.
Proprietates generales 219
Septentrionalium proprietates
tates 220. & seq.
Meridionales unde calidi
& humidi 225. 226
Occidentalium proprietates
tates 234. 235
Orientalium qualitates &
effectus 231, & seq.
Ventis quadam speciales
proprietates in quibus-
dam tractibus. 235. 236.

Venus.
Anno 1625: Solari & puro
meridie visa primum ab
Antuerpiensibus 53
Urina.
Urina quomodo quidam mul-
to plus reddidit, quam
in cibum potumque in-
sumpsit. 341

Z.
Zephyrus.
Zephyri nomina & proprie-
tates 234
Zephyrina ova, & equa an
sine mare solo Zephyro
generentur. 235. 236,

FINIS.



DE COMETA
ANNI CIO. IDC. XVIII.
DISSERTATIONES
THOMÆ FIENI
IN ACADEMIA
LOVANIENSI
MEDICINÆ,
ET
LIBERTI FROMONDI
PHILOSOPHIÆ,
PROFESSORUM.

*In quibus tum istius motus, tum aliorum omnium
essentia, effectus, & prasagiendi facultas
declarantur.*

*Ejusdem THOMÆ FIENI
Epistolica quaestio,*

An verum sit, Coelum moveri, & Terram
quiescere?

LONDINI,
Excudebat E. Tyler, Impensis
Eduar. Story, 1655.

A. I. H. C. H. C.

1871-1872

EDMUND AT BOSTON

M. J. A. B. O. T.

1871-1872

1871-1872

1871-1872

1871-1872

1871-1872

1871-1872

1871-1872

1871-1872

1871-1872

1871-1872

1871-1872

1871-1872

1871-1872

1871-1872

EXCELLENTIS, ET AMPLIS, VIRO
DOMINO
FRANCISCO PAZ
REGIÆ CATHOLICÆ
MAIESTATIS
ET
SERENISSIMORUM
PRINCIPUM BELGARUM
MEDICO L.M.D.C.
LIBERTUS FROMONDUS.



I Te toto Belgio eruditio-
rem, si arca-
norum Naturæ
curiosiore re-
perissem, Ex-
CELLENTIS-
SIME DO-
MINE, non

haberes hoc è coelo munus; COME-
AM nostrum dico, quem, consenti-
ente,

E P I S T O L A

ente, imò præeunte Clar. Viro Thoma Fieno, Academiae nostræ Archiatro, naturæ cœlestis, & in æthere summo inter sidera Errantia palantem constituo. Vides non meliorem muneris partem, à me esse, & nihilominus tamen, Domino non renuente, imò invitante, interesse gratiæ putavi, etiam alieno tibi placere. Si mea enim spernes; tanti Viri, & cujus alibi ingenium mirificè probasti, non poteris: quæ te etiam sine fine eruditionemque tuam extollit ac differt. Maçti hac virtute Hispani, & non armis solùm, sed ingenio implete Terrarum Orbem. si enim est, Martem vestrum utrique Orbi terribilem ingenioso Mercurio æquatis; & in incerto est, cedatne Eruditæ Armata Pallas. Si enim Theologiam, si Jurisprudentiam, si Medicinam, si Philosophiam adspicio, ubique video penes vos Principatum. Septentrionem corpore, Meridiem ingenio validum fama olim, & res habebat: rare fælicitas, Natura utrumque in vos addensavit, & dotes, quas alibi spargere solet, hîc cumulavit. Tu gent

DEDICATORIA.

gente tua non abis EXCELLENT.^{mc}
 DOMINE : imò illa à te videri po-
 test ; ita inter doctissimos tu planè
 Excellentissimus emicas. Eâ re Mo-
 narcha Catholicus Medicorum suo-
 rum Concilio te miscuit , Sere-
 nissimus Belgarum Princeps etiam
 præfecit : id est , Patriæ fælicitatem
 unà credidit , quæ in illo tota nititur,
 cujus regis valetudinem. Huc artes,
 huc vitalia omnia pharmaca (quod
 facis) congere , ut labentes venas
 corrigas (utinam nobis etiam reco-
 quas , instar Æsonis !) unde nos
 sanguinem trahimus & vitam. Bre-
 via enim , Syrtes , naufragia metui-
 mus amisso hoc Nauarcho. Deus
 illum per Te nobis sospitet, Teque
 ut illum possis, EXCEL.^{mc} DOMI-
 NE : & tot Annalium testibus, imò Or-
 bis Terrarum præjudicio infami CO-
 METÆ, aliquid melioris famæ adspira,
 & tuæ.

Lovanii pridie Calendas

Februar. M. DC. XIX.

LIBERTUS FROMONDUS
CLARISSIMO VIRO
THOMÆ FIENO
IN ACADEMIA
LOVANIENSI ARCHIATRO
S. D.



*Eregrinum nuper istud in
ethere sidus, an ignem vi-
disti, CLARISSIME
VIR; & magnitudinē, mo-
tum, semitam, quā erepsit
in Septentriones, non dubito,
notasti; & cetera, quæ ad ejus ingenium.
Si bene, Te enim novi, non dormisti ad tam
illustre spectaculum. Vetera quippe illa me-
dicinæ columnina, hoc etiam Natura, &
Astroꝝ amore æmularis: nec intra hu-
mani corporis, aut elementorum ambientium
angustias curam contines, sed longius in
cælum mittis. Hoc est, quòd Te potissimum
è totâ hâc studiorum Vniuersitate delege-
rim, ad quem scriberem. & pariter invi-
tabat*

*tabat benignus ille affectus, quem largitèr
in me fundis. Docenos ergo, Magne Magister,*


Vnde rubescentes ferali crine Cometæ.

*Quâ materiâ, & ubi flagrent: quis eos
incitet motus, quid lugubre ferant. Detrahe
ant adauge eis infamiam. Gratiam Galli, Ita-
li, Hispani, & vicini nostri Germani Astro-
nomi & hodie Principes debebunt: & conside-
rationibus suis component, si similitudine
fortè, aut diversitate certam eliciant paralla-
xin, altitudinisque deinde conjecturam, &
cælesti-ne Mundo miscere debeamus, an Ele-
mentari. Philosophiæ etiam veritatis ali-
quis hinc radius affulgebit, & gloriæ Tibi
magnus. Vale magnum Academia nostræ
decus, & ama qui te reveretur, & à virtute,
& eruditione æternum suspiciet.*

Lovanii ex Falcone nostro

3. Idus Ianuarias

M,DC,XIX.



THOMAS FIENUS
D. LIBERTO FROMONDO
PHILOSOPHIÆ

Professori eruditissimo,

S.D.



Alde vecors, & parū curiosus rerum naturalium sim, ERUDITISIME D. PROFESSOR, si eximium illud mundi miraculum, Cometem, qui hisce postremis mensibus, Novembri scilicet, ac Decembri anni præcedentis, & hoc Ianuario anni M. DC. XIX. præsentis nobis

illuxit, & etiamnum adhuc, etsi admodum tenuiter illucet, non aliquando intueri, admirari, observareque statuissem. Itaque aspexi & consideravi frequenter, & ferè toties, quoties per auræ serenitatem licuit: plerumque ter unâ nocte, horâ sextâ vespertinâ, duodecimâ noctis, & sextâ matutinâ. Quid autem circa eum animadverterim, & quod meum sit de ejus motu, essentiâ, loco, ac prælagiendi potestate judicium; libenter, ut petis, perscribo. Rogans, ut cum meum videris, atque examinaveris, tuum quoque communicare non graveris, & quid de meo sentias, declarare. Scribo autem hæc præproperè, levi rudique Minervâ, ac stylo plane philosophico; tum, quia quæstio Philosophica est, & Tu Philosophiæ Professor: tum
etiam,

etiam, quia praxis mea, & quotidiana Professio, & studia medica magis seria, me multum operæ hisce impendere non permittunt, minusq; ornatus ac phaleris adhibendis,

Quo tempore nobis primum Cometa iste illuxerit, non satis constat. Ferunt ruri habitantibus, atque Agricolis, etiam à Septembri, atque Octobri visum esse; quod à veritate est alienum. Etenim si Cometa hic tamdiu apparuisset, à Dodecamorio Scorpii, decimo-quarto scilicet vel 15. gradu ejus, procul dubio processisset: hoc enim reliquus ejus cursus demonstrat. At Octobri Sol in illo signo fuit; quare radiis Solis occultatus, & cum Sole de die super Hemisphærium nostrum decurrens, dubio procul videri nulla ratione potuit.

Ad nostram hic Lovanii notitiam non venit ejus apparitio, nisi circa principium Decembris. Quo præcisè die ego cum primò aspexerim, aut observaverim, non equidem recordor. Cum hoc fuit, scio ipsum infra Arcturum fuisse. Quo itinere eò venerit, ignoro. Cum reliquum ejus motum considero, & quâ rectitudine, ex quo eum diligentius observavi, semper ad Septentrionem perrexerit; verisimile mihi fit, eum, uti dixi, à Scorpione per Bootis dextrum genu venisse. Inde paulatim adscendit quam proximè ad illas stellas, quæ sunt in lumbis Bootis: Inde non longè à stella quæ est in humero sinistro Bootis: Inde valde prope illam, quæ est in sinistro cubito Bootis: Inde medio loco inter ultimam stellam caudæ Ursæ Majoris, & stellas quæ sunt in sinistra manu Bootis: Tandem per caudam Draconis, loco præcisè medio inter penultimam, & antepenultimam stellas caudæ ejus, ad locum qui ferè medius est in rectâ linea inter stellam polarem, & majorem in anterioribus cruribus Ursæ, quæ vocatur Dubbe, iterque ad stellam polarem demonstrat, pervenit. Ubi cum fuit, non amplius sui parvitate, luminisque tenuitate visibilis fuit, sed planè ex oculis evanuit.

Die undecima Decembris, quæ erat dies Martis, mane horâ sextâ, stetit inter Arcturum, & stellam quæ est in dextro cubito Bootis. Cum ad meridianum nostrum venit,

venit, fuerit in altitudine supra Horizontem sexaginta quatuor graduum, remotus versus Austrum à nostro Zenith gradibus viginti sex.

Die decimâ quartâ Decembris mane, quæ erat dies Veneris, fuit paululum supra eas stellas, quæ sunt in humbris Bootis, in rectâ fere lineâ inter Arcturum, & stellam quæ est in sinistro humero Bootis. Cum venit ad meridianum, fuit in altitudine graduum septuaginta circiter cum dimidio.

Die decimâ septimâ Decembris, quæ erat dies Lunæ, distabat à stellâ, quæ est in sinistro cubito Bootis, quatuor circiter gradibus. Veniens ad superiorem meridiani partem fuit in altitudine octoginta duorum circiter graduum, distans à Zenith nostro gradibus octo. Ex quo computando spatium quod confecit quotidie, liquet eum à die decimâ sextâ non amplius occidisse; sed semper supra Horizontem mansisse, totâque nocte, ac vespere visibilem fuisse.

Vigessimâ secundâ Decembris, quæ erat dies Sabbathi, vespere horâ sextâ, visus fuit tenui lumine, & parvâ caudâ præditus, in rectâ lineâ inter ultimam stellam caudæ Ursæ Majoris, & proximam ac infimam stellarum illarum, quæ sunt in sinistra manu Bootis; distans ab ultimâ stellâ Ursæ Majoris tribus circiter cum dimidio gradibus. Veniens ad superiorem meridiani partem, fuit in altitudine octoginta novem graduum: proindeque à Zenith nostro distans non nisi uno gradu. Ascendit autem inter penultimam, & antepenultimam, ut dixi, stellas caudæ Draconis.

Vigessimâ quartâ Decembris fuit in extremitate parvi (ut pingi solet) digiti sinistræ manus Bootis; in rectâ lineâ cum duabus anterioribus stellis caudæ Ursæ Majoris. Veniens ad meridiani superiorem partem, fuit in altitudine octoginta sex graduum cum dimidio circiter, distans à Zenith capitis nostri gradibus quatuor. Exinde non fuit amplius præ luminis sui tenuitate, ut dixi, visibilis; nisi acutissimo visu præditis, & locum, ad quem fere debuisset pervenisse, tramitemque ejus cal-
lentibus:

lentibus: eò minus, quod usque ad undecimam Januarii cælum perpetuò nubibus rectum fuerit.

Undecimâ ergo Januarii fuit iterû à me visus, & apparuit in recta linea inter stellâ polarê, & superiorê stellâ quæ est in natibus Ursæ Majoris. Sic ut cum ad meridiani superiorem venerit partem, debuerit fuisse fere in altitudine sexaginta sex graduû, distans à polo gradibus quindecim.

Adhuc fuit à me observatus decimâ octavâ Januarii, ferè jam invisibilis; tumque fuit in rectâ lineâ inter stellam polarem, & stellam Dubbe; fere medio loco, propinquiore tamen ipsi stellæ Dubbe; illo loco, quò veniens ad superiorem meridiani partem fuerit in altitudine sexaginta & unius circiter graduum: proinde à polo distans decem gradibus. Ex eo tempore ne quidem fatigatissimis oculis cum amplius potui comprehendere: sed visum omnem excessit. Quapropter ei valedixi: promittens, quod proximo, vel ipsius, vel confratrum suorum, reditu, omnem ejus motum exactius essem observaturus. Nunc enim, quia radio Astronomico carui, cujus præcipuus in cœlestium syderum dimensionibus est usus: neque ejus altitudinem supra Horizontem singulis inspectionis horis, neque exactam à reliquis stellis distantiam, neque certum modum irregularitatis motus ejus, ita præcisè potui observare.

Cum primùm nobis apparuit, cauda fuit horrendæ magnitudinis. Nam cum adhuc circa Arcturum esset, tam fuit magna, ut rudi conjecturâ, ferè spacium 45. vel 50. graduum videretur occupare. Paulatim ut ad Polum ascendit, atque à Sole remotior factus est, sicut ipse minus lucidus, ita quoque & cauda ejus brevior evasit. Prout tamen cælum fuit serenum, cauda quoque modo brevior modo longior apparuit.

Qua proportionè defecerit, ideo animadverti non potuit, quod non rarò dies nebulosi, tres quatuorve, imò etiam quindecim, aut sedecim intercurrerint, quibus ejus aspectus nobis fuit denegatus. A die 22. Decemb. ita pusilli luminis, caudæque fuit, ut non nisi acutissimo visu, longo intuitu, & non nisi ab eo, qui locum

cum

cum ejus noverat, motumque quotidianâ inspectione fuerat profecutus, potuerit comprehendere. Motus ejus absque dubio fuit irregularis. Primis temporibus, tres aut duos cum dimidio gradus quotidie confecit: ut deficere cœpit, & languere, pauciores: Adeo ut sub finem, vix unum conficere potuerit.

Atque hæc sunt, ERUDITISIME D, PROFESSOR, quæ ego circa motum hujus sideris potui observare. Qui si bene perpendatur, reperietur, quod à tempore, quo eum observavi, facile confecerit iter 70. graduum; quodque recto tramite motus fuerit, neq. deflexerit; motuque suo descripserit portionem circuli magni; id est, circuli transeuntis per centrum mundi, & sphaeram in duas partes æquales secantis; quodque ferè ab usque Tropicis ad Polum adscenderit, & ab Austro in Septentrionem motum suum direxerit.

Porro quod ad ejus attinet essentiam, & naturam, utique eam definire, tum propter varias doctorum virorum opiniones, atque experientias; tum propter gravissimas rationes in contrarias partes militantes, difficillimum est.

Varii varia senserunt; quorum opiniones partim recensent, partim refutant, Plutarchus libro 3. de placitis Philosophorum capite 2. Aristoteles I. Meteor. capite 6. & 7. Seneca toto libro 7. naturalium quaestionum. Alii qui dixerunt esse corpus coeleste, & sidus aliquod cœli, ut Pythagorici, Hippocrates Chius, Aeschylus, Apollonius Myndius: qui tamen adhuc in sua opinione in diversa abierunt. Alii communem lucem ex concursu Planetarum, in longum productam, ut Anaxagoras, & Democritus: alii esse globum quendam materię coelestis, qui aliquando à Sole illuminetur, & fiat visibilis, ut Cardanus lib. 1. de varietate rerum capite 7. alii exhalationem quandam calidam, fumidam, pinguem, in suprema aëris regione accensam, ut Aristoteles I. Meteor. capite 7. & qui eum secuti sunt Peripatetici plerique omnes: alii esse exhalationem quandam, non quidem igneam, aut accensam, sed Solis lumine perfusam, & sic

fic lucentem, ut Scaliger in Cardanum, exercitatione LXXIX. dixerunt. Mihi omnium opiniones examinare propositum non est: sed hoc solum, An Cometa sit corpus cœleste, & sidus aliquod; an verò meteorum, & exhalatio ignita; & quod in idem recidit, an sit in cœlo, an in aëre? hæc enim se mutuò sequuntur, & conversivè dicuntur. Nam si est sidus, & corpus aliquod cœleste; ergo est in cœlo, & è contra: si est Meteorum, & exhalatio incensa; ergo est in aëre, & è contra: nemo enim dicet corpora cœlestia, vel extra cœlum in aërem descendere; vel exhalationes elementares in cœlum adscendere.

Esse exhalationem accensam, præter Aristotelem tenuerunt etiam Xenophanes, & Epigenes, ut testatur Plutarchus loco citato; Alexander, Albertus, Averroes, D. Thomas, Niphus, alique plurimi. Regiomontanus magnus Mathematicus agens de Cometa anni 1475. conatus est demonstrare illum in aëre, atque infra Lunam fuisse: ex quo sequitur fuisse meteorum, ac ejusmodi exhalationem accensam. Idem legitur demonstrasse quidam Joannes Voghelinus de Cometa, qui luxit anno 1532. Porro ipsum esse exhalationem in aëre accensam hoc argumento videtur probari. Vel Cometa est talis exhalatio accensa, & Meteorum; vel est corpus cœleste: non est corpus cœleste: ergo. Major est vera; sequela est bona. Minor videtur posse probari variis rationibus.

Primò, Si Cometa est corpus cœleste, quale est? estne aliquod corpus distinctum à natura stellarum, & siderum, an verò etiam stella? Si corpus aliquod distinctum, quale est, & unde provenit? si stella, qualis est? Non enim est stella fixa; quia movetur: non erratica, quæ planetæ appellantur; quia tales ab omni ævo notatæ sunt tantum septem: Cometa non est unus ex illis. Insuper Planetæ omnes feruntur per Zodiacum, & ab Occidente in Orientem: cometa non; sed movetur in omnem situm, ad Austrum, Septentrionem, Orientem, & Occasum; ut ex historicis, & descriptionibus Cometarum variis est manifestum; & nominatim nos-

ster hujus anni Cometa ab Austro præcisè in Septemtrionem perrexit.

Secundò, Si Cometæ sunt stellæ; vel sunt stellæ, quæ semper fuerunt in cœlo, & cum mundo sunt creatæ; vel nunc primùm generantur cum apparent. Non fuerunt semper in cœlo ab orbe condito; quia si fuissent, semper quoque, & omni die, sicut aliæ stellæ, apparuissent. Nulla enim ratio esse videtur, quare uno tempore magis apparerent, quam alio: & cur minus quotidie apparerent, quam aliæ stellæ. Non enim potest dici, quod ut plurimum lateant sub radiis Solis, & ideo non videantur; sed solum tunc, cum ex radiis Solis emergunt, ut Pythagorici asseruerunt. Neque potest dici quod lateant in profunda cœli altitudine, & ideo propter distantiam non videantur; sed solum tunc, cum motu suo ad imum cœli descendunt, ut dixit Apollonius Myndius: quia hæc opinioniones, tum ab Aristotele, tum à Senecâ, locis citatis sunt efficaciter refutatæ. Non generantur etiam de novo: quia in cœlo non fiunt generationes, aut corruptiones; neque unquam in cœlo ulla percipitur mutatio. Cœlum enim, ut inquit Aristoteles 1. de Cœlo, capite 3. textu 20. est ingenerabile, & incorruptibile. Denique si stellæ non generantur, neque corrumpuntur, sed in eodē semper statu permanent, & ab orbe condito huc usque perseveraverunt. Quare & Cometæ perseverare debent, si ejusdem cum aliis stellis naturæ essent. Videtur enim quod eadem communis aliarum omnium stellarum natura, & conditio, eis quoque competere deberet.

Tertiò, Cometæ augentur, & minuuntur: hoc non competit sideribus; quia illa in eadem semper permanent magnitudine; ergo. Quinimmo hoc videtur esse evidens argumentum, Cometæ esse exhalationes accensas, & ignem quendam: qui ut primum accenditur, minor est; & prout fomes capit incrementum magisque accenditur, ita paulatim major apparet; & cum iterum fomes incipit deficere, ac materia est pæne exasta, paulatim iterum minuitur, quousque tandem in totum evanescat.

Quartò,

Quartò, Cometæ differunt figura ab aliis stellis; ergo Etenim aliæ stellæ omnes sunt rotundæ; Cometa est longus. Longitudo non est figura competens cælestibus corporibus, sed rotunditas. Imò illa longitudo videtur esse argumentum, quod Cometa sit exhalatio accensæ. Nam ut exhalatio è terrâ in longum adscendit; ita cum accenditur, igne motu suo alimentum prosequente, videtur quod necessariò debeat figuram longi ignis acquirere.

Quintò, Siderum motus est regularis, & eodem fere tenore semper feruntur. At Cometarum motus est irregularis: quia sæpissime animadversum est diversis diebus ipsum inæqualia spacia emetiri; aliis, promoveri ad unum tantum gradum; aliis, ad duos tresve; etiam ad quinque: sicut de Cometâ anni septuagesimi septimi scribit celeberrimus Tycho Brahe 11. Vranix suæ.

Sextò, Stellæ non sunt pellucidæ, ut per eas possit videri; sed per Cometas potest videri; nam per caudam Cometæ videntur stellæ fixæ, quæ sunt supra ipsam: etiam in hoc cometâ frequenter licuit videre stellas per caudam ejus translucentes: ergo.

Septimò, Videtur dicendum omnes Cometas esse ejusdem speciei. nam singulos à se mutuo specie differre gratis, & sine ratione dici videretur. Omnes enim sunt longi, eadem figurâ, & lumine præditi; cum tali capite cum tali caudâ: quæ identitas accidentium videtur indicare identitatem specificam. At si essent ejusdem speciei, non possent habere motus tam diversos. Constat enim unumquemque proprio, ac peculiari motu, ab aliorum motu diverso, fere semper visum esse moveri. At nullum corpus simplex tam diverso motu, & quidem proprio, ac per se præditum esse potest. Quapropter hoc potius indicium est, Cometam esse exhalationem accensam; quæ in quam partem vergit, aut in quam partem ab aliquo Planetâ trahitur, eò igne alimentum sume sequente fertur.

Octavò, Si Cometæ essent in Cælo; cum unus Cometa huc, alius illuc, & unusquisque in diversum situm moveatur

moveatur, sequeretur, quod cœlum esset liquidum; & quod Cometa deferretur per cœlum, sicuti pisces per aquam. Tales enim Cometæ non possunt dici moveri motu alicujus orbis, cui insint, sed solum seipsis. Tam diversos enim orbis, tam contrarios, ac diversos immò etiam irregulares motus habentes statuere omnino absurdum ac ridiculum foret. Atqui falsum est cœlam esse liquidum; nam in sacris literis cap. 37. Job habetur quod cœli sint solidi, sicut ære fusi. Denique sequeretur, quod etiam eodem modo Planetæ per cœlum moverentur, & consequenter quod nulli essent cœli; sed quod esset unum continuum liquidum corpus, à teriâ usque ad inania spatia, per quod sidera vagarentur. Quod doctrinæ Aristotelicæ, & communî Philosophiæ, immò etiam sacris literis, quæ frequenter cœlos in plurali numero nominant, videtur repugnare.

Secundò, principaliter probatur hæc opinio. Multi signes nobis apparent similitudinem cum Cometâ habentes, quos visus noster judicat esse in cœlo, & tamen sunt in aere, & certò sunt meteora, atque exhalationes accensæ, ut Lanceæ, Trabes, fulgura, stellæ cadentes; ergo idem de Cometâ est judicandum.

Hiscæ tamen non obstantibus, opinio mea est, Cometæ esse in cœlo, & esse corpora cœlestia, & minimè meteora aut exhalationes in aere accensas. Hanc opinionem eenuerunt plurimi magni viri, Anaxagoras, Democritus, Pythagoras, Diogenes, Apollonius Myndius, Hypparchus, Hippocrates Chius, Æschylus, alique; ut Plutarchus, Aristoteles, Seneca locis supra citatis testantur. Qui ipse quoque Seneca eam tenuit, & fortiter probavit. Præter hos inter Arabes fuerunt Messihala, Haly super secundum quadripartiti Ptolemæi, & Albumazar, qui anno Domini 844. Cometam à se supra Veneris orbem visum esse testatur. Inter recentiores sunt Tycho Brahe, Mathematicorum Princeps & acerrimus observator, qui libro 11 suæ Uraniæ, tenuit & probavit Cometam anni 77. supra regionem elementarem, atque in cœlo fuisse. Idem ostendit Cornelius Gemma, in sua Physicâ, & Mathematicâ de Cometâ anni 77. apodixi.

Idem Michael Mæstlinus in suis de Cometa anni 80. observationibus in lucem editis. Idem tenuerunt Cardanus libro IV. de subtilitate, Marcellus Squarcialupus Regis Poloniae, & Hagecius ab Hayck Imperatoris Medicus in suis de Cometis libellis, ac dialexibus. Probatur porro ratione. Cometa non est in aere, neque est exhalatio ignita, ergo est corpus caeleste. Sequela est bona. Antecedens probatur variis argumentis.

Primo, Cometa, qui nobis nunc affulsit, affecutus est perfectè motum primi mobilis: ut ex eo pater, quod ab Austro, recto tramite adscenderit versus Septentrionem. Etenim si à motu primi mobilis multum retrò fuisset relictus, non potuisset tam recto tramite ad Septentrionem vergere, sed plurimum ad latus, & ad Orientem debuisset deflectere. Itaque concessio quod non fuisset in caelo; saltem ex eo sequitur, quod fuerit valde propè caelum. Nam quae à caelo multum distant, non possunt vi raptus tam efficaciter & celeriter circumducie: Atqui ad locum tam altum non possunt pertingere exhalationes; ergo. Minor probatur: Nubes ac vapores, ut doctiores Mathematici, tum ex vaporum in crepusculis elevatione, tum ex duratione colorum in caeli nubibus post occasum Solis, ostendunt, non ultra duodecim aut tredecim miliaria Germanica in altum adscendunt; ergo neque exhalationes. Et ut concedatur quod exhalationes ob suum calorem paulò altius adscenderent, tamen illa differentia non potest esse ullius momenti, & non nisi duorum, trium, quatuorve miliariorum; quod nihil facere potest ad illam immensam altitudinem, in qua absque dubio hic Cometa, & multi alii, qui motum diurnum exactè sunt affecuti, fuerunt constituti. Poterit dici ascendere exhalationes tam altè, non virtute propriâ; sed tractas per vim ab aliquo Planeta, aut efficacissimo sidere. Sed hoc verum non est. E enim non à Planeta, quia in hoc Cometa manifestum est, eum à nullo Planeta fuisse attractum: quia à loco Planetarum sive Zodiaco plane recessit versus Septentrionem. Non ab alio sidere: quia si ab alio tractus fuisset, quando ad illius locum pervenisset, ibi permanisset. At hic Cometa recta usque ad

Polum

Polum omnes stellas pertransivit. Ibi autem nullæ magnæ stellæ sunt à quibus trahi potuerit; præterquam quod stellæ quæ apud Polum sunt, tam sint remotæ à loco in quo primùm Cometa exarsit, ut earum virtus usq; ad illum locum pertingere non potuisset. Porro quod sidera non possint tam altè exhalationes trahere, inde manifestum est, quod nunquam videmus tam altè nubes, aut vapores trahi. Si enim exhalationes ab aliquibus sideribus tam altè traherentur, utique & vapores, & nubes eadem ratione ab aliis tam altè aliquando trahi possent. Accedit quod non videatur, quomodo exhalationes calide transire possint mediam ac frigidā regionem aeris, sine eo quod illic alterentur, destituantur, includantur, & in fulmina tonitruaque convertantur.

Secundò, Cum Cometa hic noster fuerit loco tam alto, ut ostensū est, abique dubio ejus cauda debet fuisse immensæ magnitudinis: Nam cū occupaverit in cœlo bene XLV. aut plures gradus debet fuisse multorum millium; imò plus quàm centū mille milliariorum. At non videtur possibile, tantā, exhalationis quantitātē, è terrā in altū potuisse attolli, quæ nō solū vastū illud corpus constituerit, sed etiā ei tanto tēpore pabulū suppeditarit: ne quidē cū tota terra in exhalationes conversa fuisset; ergo.

Porro tanta quantitas fumidarum, ac terrestrium, & viscosarum exhalationum loco illo supremo constituta deberet ibi esse visibilis, & deberet apparere in modum nigræ & opacæ nubis, & deberet sidera quibus subjiciuntur, & ipsum etiam Cometam frequenter obscurare, & offuscare, sicut à nobis videri non possent: maximè, cum, ut dicunt, exhalatio illa primū supernā sui parte accendatur. Etenim inferna pars nondum accensa, quando intercurreret, inter visum nostrum, & partem accensam, frequentissimè ipsam partem accensam adeoque Cometam deberet eclipsare: At hoc nunquam factum fuit, neque à quoquam factum proditur; ergo. Quin è contra manifestum est, quotiescunque dies est serenus, & cœlum nubibus minimè repletum, semper Cometas perspicuum apparere, & loca omnia circa Cometam clara,

& perspicua, nullisque exhalationibus impedita videri; & vicinas omnes, ac circumjectas stellas perfectissimè apparere.

Tertiò, Si Cometa esset exhalatio, cum exhalatio sit substantia mobilis, facile divisibilis; illa pernecitate motus diurni, quo 24. horarum spacio circa totum terrarum orbem vertitur, deberet separari, disjici, dissipari: hoc non apparet; ergo. Cometa enim totus manet semper unitus, eodem modo servans omnes suas partes simul, ac eàdem figurâ; sine eo quod aliqua hac, aliqua illac disgregetur.

Quartò, Si esset exhalatio, non haberet figuram rectâ, sed potius globosam: quia exhalationum, & vaporum est conglobari, ut patet in fumo ignis, candelæ vaporibus, nubibusque. At cauda Cometæ protenditur in longum per rectos raios, & nunquam conglobatur; ergo. Denique, si esset exhalatio accensa, non semper servaret eandem figuram: sed prout ignis modo hac, modo illac excurrit ad suum alimentum, deberet exhalatio illa interdum magis ardere ad dextram, interdum magis ad sinistram; interdum magis in hoc extremo, interdum magis in opposito. Interdum deberet cauda attenuari in hoc extremo, in altero augeri, interdum è contra. Et interdum lumen esset majus in hac parte, & hoc extremo caudæ, interdum magis in opposito. At ita non est, sed semper Cometa sese habet eodem modo, & eàdem figurâ: semper in uno extremo est globus instar stellæ, & nunquam in alio. Semper ab illo globo exit cauda, primò angustior, inde in progressu paullo latior.

Propè globum Cometæ, semper lumen est intensius, paulatim versus caudam extenuatur, flaccescit; ita ut paulatim in nihilum evanescat. Immò hoc est evidentissimum signum, quod cauda Cometæ non sit aliquis ignis; sed sit splendor quidam & radii luminis à Cometâ prodeuntes; sicut infra latius ostenderur.

Quintò, Exhalationes, cum sint valde leves ac mobiles, in liquido, & inquieto, ac naturâ suâ mobili aere, huc, illuc, temerario admodum motu moventur, ac fluctuant;

fluctuant; nunquam quiescunt in eodem loco; modò in hanc, modò in aliam partem deferuntur: At Comets hic noster certo motu semper delatus fuit; ergo.

Sextò, Ignita meteora non diu durant, sed statim tota simul accenduntur, ut inquit Seneca; & brevissimo tempore exstinguuntur. Exhalationes enim ob sui tenuitatem ab igne statim totæ simul inflammantur; ut patet in fulmine, trabibus, virgis, facibus, stellis cadentibus, &c. At Cometæ diu durant. Nam, ut inquit Aristoteles, ad minimum durant septem aut octo diebus; interdum tribus mensibus, medio anno, vel etiam anno uno; ut ex variis Cometarum descriptionibus ab Auctoribus traditis est manifestum. Etenim Cometa, qui supra Hierosolymam apparuit, ante excidium ejus, anno integro duravit; ut auctor est Iosephus libro septimo, de bello Iudaico. Refert Seneca libro septimo quæstionum naturalium capite vigesimo nono, de Cometâ alio, qui medio anno perduravit.

Septimò, Omnis ignis flamma scintillat: quod fit propter partium ejus inæqualem motum, ac distractionem, & inæqualem quoque accensionem, ac inæqualem splendorem: At cometa non scintillat; ergo non est ignis.

Octavò, ignis motu proprio movetur per lineam rectam. Cometa, motu proprio (nam de diurno, cum non sit motus Cometæ per se, sed tantum per accidens, non loquor) movetur circulariter. Hic enim noster jam cœli quadrantem confecit: & ille de quo loco jam citato scribit Seneca, sex mensium spacio, cœli medietatem decurrerat: adeoque in orbem uterque ivit. Affert hoc argumentum Seneca libro 7. naturalium quæstionum capite 23. & quidquid de aliis sit, duo saltem, inquit, tempore nostro sic motum suum in orbem duxerunt.

Nonò, Exhalationes debent prius accendi parte superiâ, quàm infernâ; eò quod illâ parte sint. viciores cœlo, aut elemento ignis, à quo secundum

Peripateticos accenduntur : unde, si Cometa esset ignis deberet semper descendere deorsum, ac versus terram prosequendo pabulum suum quod est ab infra : & ita cum durante ad multos annos Cometa debeant continuè terrâ surgere exhalationes, quæ Cometæ pabulum præstent; deberet Cometa, ut inquit Seneca, aliquando ad terram usque descendere. Immo videtur, quod propè terram semper deberet exstingui; eò quod ibi sit finis pabuli ejus. At hoc non fit; quin potius cum pereunt omnes videntur in altum ferri; ergo. Denique, Cometæ deberent aliquando generari propè terram ac in mediâ æris regione. Nam cum ibi frequenter plurimæ exhalationes congregentur, & accendantur, ut patet in fulmine, atque aliis meteoris ignitis; sequitur quod ibi accensæ exhalationes deberent tam bene Cometæ figuram, ac naturam referre, quam accensæ in supremâ æris regione. Quæ enim ratio esset, cur accensæ in supremâ æris regione magis fierent Cometæ, magisque Cometæ figuram ducerent, quam in infimâ? At hoc nunquam fit. Nam si hoc fieret, talis Cometa nunquam occideret: quia propter distantiam à primo mobili, raptu diurno non moveretur; & sic nunquam moveretur nisi motu venti: & quando serenus, ac tranquillus esset aer, deberet stare immobilis, & non moveri alio motu, quam temerario motu ignis pabulum suum sequentis. Tales Cometæ nunquam sunt visis; ergo.

Decimò, Si Cometæ constarent talibus exhalationibus, per intervalla dierum, ac Septimanarum, deberent esse modo minores, modo majores: prout uno die, aut septimanâ plus, aliâ minus pabuli atque exhalationû è terrâ efferretur. Hoc non fit, sed parili tenore capiunt incrementû, cum exoriuntur; & decrementû, cum intereunt nulla alterna dierum, aut Septimanarum mutatione; ergo.

Undecimò, Si Cometæ constarent exhalationibus, non possent habere longinquum motum; nec possent recedere ab illo loco, seu ab illa regione, super quâ habuerunt originem: quia quando recederent ab illa, deberent statim exstingui; at hoc non fit; quia Cometæ decur-

decurrunt super vertice variarum, ac distantissimarum regionum. Etenim hic noster Cometa decurrit super medietate orbis terræ: Decurrit à regionibus quæ sunt sub Æquinoctiali, usque ad regiones quæ sunt sub Polo; proindeque ad regiones bene bis mille, plus minus, milliaribus inter se mutuò distantes. Cometa de quo scribit Seneca libro 7. capite 29. sex mensium spacio totam terræ medietatem circumivit. Major probatur, quia quando ab illa regione recederent, & decurrerent super vertice aliarum regionum, longe distantium, non reperirent ibi neque præcisè in illa altitudine, qua decurrunt, paratas exhalationes, à quibus possent foveri, & sustentari; proinde deberent extinguì atque interire. Nam etsi, ubi primum fuerunt exorti: fuerit congregata magna quantitas exhalationum, à qua ipsi potuerint generari, ac produci: tamen in aliâ regione ad quam veniunt, & super quâ decurrunt, non erit illa, vel non erit tanta, ut ab eâ possint sustentari, & continuari. Et ut esset ibi adhuc tanta, non esset tamen præcisè ad eam aëris altitudinem elevata, per quam Cometa decurrit, & in quâ posset à Cometa attingi, & absorberi. Nam pone casum, quod ortus, & accensus esset Cometa, super Angola, Congo, Mamcogo, &c. ex exhalationibus in illis regionibus in aërem elevatis; quando talis Cometa cursu suo perveniret in Hispaniam, regionem nostram, aut regiones sub Polo constitutas; non reperiret præcisè eo tempore, quo eò adventaret, paratas exhalationes, à quibus posset sustentari, quasi disposita ibi esset in adventum ejus annona, qua nutriretur, ne miser alimento destitutus, fame moreretur. Non enim eodem tempore, in omni regione, ejusmodi exhalationes semper attolluntur; & quamvis attollerentur, ad æquè determinatam altitudinem attolluntur. Etenim in unâ regione ad quam perveniret, esset frigus, in aliâ calor, in unâ æstas, in aliâ hyems: una humida, alia sicca. Quæ omnes non sunt æquè producendis exhalationibus idoneæ. Immo videtur, quod Cometa non posset, super Oceano decurrere, sed ibi deberet

beret interire: quia exhalationes generandis Cometis idoneæ non ex mari, sed ex terra eleuantur. Hic Cometa decurrit super regionibus verisimiliter, primò sub Æquinoctiali, inde sub Tropico, inde sub circulo Antarcticò & tandem sub Polo constitutis; calidissimis, temperatis ac frigidissimis; in quarum aliis fuit hyems, in alis æstas: super Guinæa, Lybia, Barbaria, Hispania, Germania, Moscovia, Tartaria, Russia, India, aliisque sub Polo constitutis. Quis credat omnibus illis locis, semper & eo præcisè tempore, quo super vertice earum decurrit, paratas fuisse exhalationes, quibus aleretur, ac sustentaretur. Dices forte, exhalationes per modum viatici, ex loco in quo primam habuit generationem, cum ipso rapi, iisque nutrirî, & sustentari; neque necessum esse, ut in singulis ad quas pervenit, regionibus, eas sic paratas, ac quasi prædispositas inveniat. Sed responsio non valet: quia non potest sustentari Cometa exhalationibus iis, à quibus primò est productus: quia illæ statim simul & semel inflammantur, & consumuntur, ut in fulguribus, & aliis meteoris ignitis, quæ uno ictu inflammantur, & statim extinguuntur, est manifestum: sed ad sui sustentationem debet habere novas exhalationes quotidie de novo excitatas ac quotidie de nova à terra adscendentes.

Atque his argumentis videtur evidenter probatum Cometam non esse exhalationem accensam, aut meteorum: proinde sequitur esse corpus cœleste, atque esse in cœlo. Quod etiâ propriis argumentis sic potest probari.

Primò, motus rectus est proprius corporum sublunarium; circularis cœlestium: at Cometa movetur motu circulari, ut supra est ostensum; ergo.

Secundo, Cometa hic noster motu suo describit in cœlo portionem circuli magni, id est, circuli transeuntis per centrum mundi, & secantis mundum in duas partes æquales: talem circulum describere videtur esse proprium corporum cœlestium; ergo. Etenim si animadvertatur, quomodo hic Cometa ascenderit à dextro genu Bootis, per Stellas quæ sunt in lumbis

is Bootis ad usque locum medium inter stellas sinistræ
 manus Bootis, & ultimam stellam caudæ Ursæ Majoris;
 & inde usque medium lineæ, quæ ducitur à stellâ Polari,
 ad stellam Dubbe; invenietur quod confecerit portionē
 circuli perfectæ magni. Idem fecit Cometa anni 77. eoq;
 argumento Tycho Brahe & Urania probavit eum quo-
 que cœlestem fuisse.

Tertio, Hic Cometa exactè assecutus est motum pri-
 mi mobilis; ergo est in cœlo. Sequela probatur: quia si
 esset in regione elementari, non potuisset tam celeriter
 ferri, atque ipsum cœlum. Quia, quod per raptum fertur,
 propter viciniā, & per vim; non potest tam celeriter ferri,
 sicut illud quod fertur primò & per se, & ex proprietate
 naturali: quod autem tam celeriter latus fuerit, supra est
 ostensum. Etenim si non tam celeriter latus fuisset, retrò
 relictus fuisset, & ceterendisset quotidie motu proprio ver-
 sus Orientem. Quod si factum fuisset, non potuisset hic
 rectam lineam ferri ab Austro ad Septentrionem; sed
 semper ad latus & versus Orientem abreptus fuisset. Im-
 mò hoc argumento videtur convinci posse, fuisse supra
 Lunam. Etenim quod perfectius assequitur motum pri-
 mi mobilis, quàm Luna; hoc est supra Lunā; nam si esset
 infra, sequeretur, quod virtus raptus primi mobilis,
 moveret celerius distans, quàm propinquum; quod fieri
 non potest. At cometa hic noster celerius assecutus fuit
 raptum primi mobilis quàm Luna: etenim Luna quo-
 tidie retrocedit ad Orientem, seu post relinquitur à pri-
 mo mobili ad tredecim gradus. Cometa verò noster ad
 Orientem non tetendit, sed rectà ad Septentrionem: &
 sic ne uno quidem gradu post relictus fuit. Immo quoti-
 die proprio motu non promovit, nisi ad duos, tresve gra-
 dus, ut supra est ostensum. Quare etiamsi rectà in Orientē
 latus fuisset, non potuisset ad summum nisi illis duobus
 tribusve gradibus retrò relictus fuisse; quod longè minus
 est, quàm quotidie tredecim retrò relinqui; sicut Lunæ
 contingit. Scribit Seneca libro 7. capite 29 de Cometâ,
 qui sex mensium spacio medium orbem circumivit. Ille
 Cometa,

Cometa, esto quod rectâ in orientem delatus fuisset, non nisi uno gradu quotidie retrocessisset. Cardanus l. bro. 4. de subtilitate scribit de Cometâ anni 1532. quod in septuaginta, & uno diebus non retrocesserit ad 73. gradus: proindeque quod quotidie non retrocesserit nisi ad unum gradû, cum Luna quotidie retrocedat ad quindécim, ex quoque colligit eum Cometâ supra Lunam fuisse.

Quartò, Vidi hunc Cometam una eademque nocte non rarò bis vel ter, ut dixi, nimirum vesperi horâ septimâ, nocte mediâ, & mane horâ quintâ vel sextâ: adeoque existentem demissum ac Horizonti propinquum, & valde sublimem atque ab Horizonte remotum, & tamen nullam in eo potui percipere parallaxim aut distantiam situsque ad stellas fixas sibi vicinas varietatem: nisi solum illam, quam ejus proprius versus Septentrionem motus, (qui à parallaxeos ratione est excludendus) inducit. Hoc autem signum est eum in cœlo fuisse. Quia cum visus noster non sit in centro terræ, sed in ejus circumferentia, si Cometa in aëre ac loco terræ propinquo constitutus fuisset, utique manifestam aliquam parallaxim ac aspectus ad alias stellas differentiam habere debuisset.

Verum non sufficit variis argumentis hanc sententiam comprobasse, nisi contrariæ quoque opinionis argumenta solvantur. Ad ea ergo sic respondeo.

Ad primum, negando minorem. Ad primam, & secundam ejus probationem, dico: rationibus jam in mediū allatis, satis manifestum esse Cometam esse in cœlo, & esse corpus cœleste. Quale autem sit, ego quidem dicere non possum, non magis, quam tot magni viri, qui ante me fuerunt. Quia autem dici non potest quid sit, ex eo non sequitur, quod præcisè sit hoc vel illud, vel quod sit talis exhalatio: multa cognoscuntur negativè, quæ non cognoscuntur affirmativè. De Deo, de animâ, de sideribus omnibus, scitur quid non sint, sed non scitur quid sint. Miraculum verè est naturæ, idoneum ingenio nostro torquendis, quod admirari debemus, cognoscere nunquâ poterimus. Quis scit, quid in cœlo agatur, quæ ibi corpora, quæ substantiæ nobis invisibiles adhuc

sint & quæ ibi quotidie forte fiant permutationes? Omnis notitia nostra de siderum cœlorumque substantiâ & virtutibus, ac permutationibus, excepto motu & Solis, Lunæque effectibus, qui sub sensum cadunt, non est nisi conjectura. Quis scit, an de novo Deus sidus illud creet miraculosè in terrorem hominum & majestatis suæ declarationem? An ibi naturaliter per intervalla temporum, ex materiâ, & efficiente nobis incognitis generetur? An sit stella aliqua fixarum ex altioribus, iisque quæ minus sub visum nostrum atque observationem cadunt, quæ aliquando propter causas nobis ignotas è suis sedibus ejiciantur, migrantes per cœlum, donec iterum vel propriam suam sedem, vel aliam naturæ suæ convenientem repperint: tali substantiæ modo prædictæ, ut per eas magis quam per alias Solis lumen transeat, qua ratione caudam trahant? An verò sit aliud peculiare genus Planetarum, distinctum à septem illis majoribus, qui per altissima cœli loca, circulo orbi nostro excentrico delati, cum ad imum motus, ac prope terram descendunt, sicut visibiles: cum vero iterum in altum adscendunt, caput oculorum evadant, sicque extingui nobis videantur, ut Apollonius Myndius, referente Seneca, ex Chaldæorum doctrinâ asseruit: quique numero plures cum sint, singuli propriis motibus præditi per intervalla temporis nobis incognita, modo hic, modo alius, ad orbem nostrum descendant? Equidem opinio ista non est adeo absurda, ut prima fronte videtur, ac Seneca eam judicat. Plures enim quàm septem Planetas in cœlo reperiri, nihil miri est. Non constituti sunt nisi septem, quia non plurium motum oculus noster advertere hætenus potuit. Sed quid impedit adhuc multò plures eosque parvos esse, qui videri à nobis, quorumque motus observari minimè potuerit. Ita esse tandem quoque sæculo nostro docuit Galilæus Galileius, qui beneficio dioptræ Bataviæ, adhuc tres parvos, ac novos planetas adinvenit, perpetuo circa Jovem decurrentes; quos sidera Medicæ ac Jovis satellites appellavit. Motus irregularis, seu inæqualis

inæqualis Cometarum aliquam fidem huic opinioni
 adstruere videtur. Nam cum Cometa noster maximus
 apparuit, ejus motus fuit celerrimus: ut minor evasit,
 factus quoque fuit valde lentus. An hoc est, quod quan-
 do terræ propinquus fuit, motum habuit transversum;
 quando verò in altum rediit, magis rectum? Etenim
 quæ in transversum moventur, celeriter moveri, & mag-
 num spacium conficere: quæ verò in rectum à nobis re-
 cedunt, vel ad nos accedunt vix moveri, exiguumq; spa-
 cium pertransire; immò quodammodo stare videntur.
 Quod Seneca libro 7. naturalium quæstionum cap. 18.
 huic opinioni objicit, quod sic sequeretur, quod quando
 Comete incipiunt apparere, primùm parvi esse esse de-
 berent, & prout ad nos descendendo accedunt, paulatim
 majores, majoresque fieri; cujus contrarium experientia
 docet; ex eo quod plerumque cum primùm nobis appa-
 rent, statim maximi sint, paulatim minuuntur, nullius est
 momenti. Potest enim hoc ex aliis causis contingere.
 Vel quia cum inceperunt crescere, radiis Solis, vel cæli
 nebulositate tecti fuerint; vel vel supra nostrum Ho-
 rizontem non adscenderint; solum adscenderint de
 die, cum videri non potuerunt; sic ut non prius videri
 potuerint, quàm magnitudinis suæ omne incrementum
 essent adepti. Sed & frequenter paulatim sicut de-
 crementum, ita & incrementum capere visi sunt: ip-
 semet Seneca 7. naturalium, cap. 15. scribit Cometam
 qui regnante Attalo in Macedonia conspectus fuit ini-
 tio modicum fuisse, sed postea ita adauctum, ut se quàm
 latissimè diffunderit, totamque viam lacteam comple-
 verit: Et Jovianus Pontanus super Centiloquio
 Ptolemæi, scribit se vidisse Cometam admodum
 brevi capite, & comâ, sub initium, qui postea in tan-
 tam excrevit magnitudinem, ut 50. graduum spacium in
 cælo occuparet. Interim tamen quid verè Cometa
 sit, fateamur libere nos ignorare; hac solum scientiâ
 contenti, quod non sit Meteorum aut ἀναδυμιάσις ig-
 nita, sed cæleste corpus, & de naturâ siderū. Cælum esse
 ingenerabile, & incorruptibile non est articulus fidei;

sed

sed axioma valde incertum, quod ea facilitate potest negari, quàm ab Aristotele est assertum; eò quod nulla valida ratione possit demonstrari. Neque quidquam est dicere, quod nulla unquam in cœlo permutatio animadvertatur, quia hoc in primis falsum est, & ut verum esset, parum efficaciter cœli ingenerabilitatem, aut incorruptibilitatem probaret. Possunt enim maximæ generationes, & corruptiones, maximæque permutationes in cœlo fieri, etiam si à nobis non conspiciantur. Hoc visus nostri debilitas, & immensa cœli distantia faciunt; nec magis permutationes, aut generationes ullas in hoc mundo inferiore videremus, si in cœlo Lunæ constituti essemus (in quo tamen nunc propter viciniam, & propinquitatem admirabiles quotidie fieri animadvertimus) quàm modò in cœlo videmus. Quod autem falsum sit nullam in cœlo fieri permutationem, docent Cometae, de quibus quaestio est, quos jam tot efficacibus argumentis in cœlo esse ostendimus. Docent insuper & novæ stellæ, quæ in cœlo apparuerunt. Temporibus Hipparchi novam stellam in cœlo apparuisse scribit Pl. l. 11. c. 11. scribit Haly super 11. quadripartiti Ptolemæi c. 9. suo tempore novam stellam apparuisse in 15. gradu Scorpii supra orbem Veneris, quam ipse cum alijs viris sapientibus conspexerit; quæ tantæ erat claritatis, ut tantum super universum Horizontem effunderet luminis, quantum quarta pars Lunæ effundere potuisset, quæque in cœlo quatuor mensibus perseveravit. Anno 1572. in signo Cassiopæ, quatuordecim integris mensibus apparuit nova stella tantæ claritatis, ut omnes alias stellas luminis sui splendore superaret. De quâ Cornelius Gemma Prædecessor noster, aliique libros in lucem ediderunt. Sed transco ad alia argumenta.

Ad tertium ergo respondeo; forte augeri, & minui: fortè non verè augeri, & minui; sed ita solum oculis nostris propter eorum accessum, vel recessum apparere. Ut sit, fateor in Cometis multas reperiri condiciones: ac proprietates alijs sideribus non communes: sed

ex quibus tamen non conficitur, ipsos cœlestia corpora non esse, aut esse Meteora: sed hoc solum, esse cœli miracula, qualia & in terris non pauca reperiuntur.

Ad quartum respondeo; Cometam non esse longum, sed rotundum, sicut aliæ stellæ. Longitudinis apparentiam facit cauda, quæ non est pars Cometæ; nec est substantia, aut οὐσας, sed solum ἐμπασις, & splendor quidam luminis Solis per Cometam diffusus. Quapropter inverti potest argumentum: & quia alias stellas figurâ, lumine, & situ refert, colligi ejusdem cum illis naturæ esse. Quod cauda nihil aliud sit quam radius ac splendor luminis asserit Seneca lib. 7. cap. 26. & probari potest variis modis. Primum sensu: quia visus noster in hoc Cometa valde evidenter potuit judicare caudam illam, non ignem; sed splendorem quandam luminis esse, qualis animadvertitur radius Solis per fenestram cubiculum subintrantibus. Secundò, quia stellæ fixæ transparuerunt per caudam ejus: nam si cauda fuisset exhalatio accensa, videretur quod non potuissent transparenere: quia tanta moles fumidarum, ac terrestrium exhalationum accensa necessario debuisset habere aliquam opacitatem conjunctam, quæ specierum visibilium ipsorum siderum transitum impedire debuisset. Tertiò, quod illud lumen caudæ producat per lineam rectam: quo modo exhalatio se continuò per aërem extendere minimè posset. Quartò, quod in caudâ. & nominatim in caudâ hujus nostri Cometæ diversi, & distincti radii luminum, alii aliis luminosiores, per longitudinem caudæ rectâ decurrentes potuerint animadverti, eodem modo, quo & in lumine Solis per fenestram subintrante, ejusmodi radiorum diversitas animadvertitur.

Quintò, quod hoc lumen apud caput Cometæ fuerit angustius, adæquans Cometæ magnitudinem: in progressu verò magis, magisque fuerit dilatatum: sicuti videmus in lumine Solis aut candelæ per angustum foramen transeuntis: hoc enim apud foramen per quod ingreditur, æquale est magnitudini foraminis, in progressu dispergitur, ac dilatatur.

Sextò,

Sextò, quod illud lumen caudæ apud Cometæ fuerit intensius, paulatim vero in progressu ita fuerit attenuatum, ut tandem suaviter in nihilum evanuerit. Hoc enim proprium luminis est ut apud ipsum luminosum sit intensius, in progressu verò paulatim magis, magisque flaccescat. Quod ita fieri non posset, si cauda Cometæ esset exhalatio. Potuit enim illa inæqualiter orderet, modo magis ab hac parte, modo magis ab illâ; prout uno loco plus, densiusque esset pabulum, quàm alio, necessario lumen inæqualiter intensum, modo intensius in hoc extremo, modo in alio, modo in medio, modo in hoc latere, modo in alio esse deberet.

Probatu. Septimò, & quidem caudam esse splendorem luminis Solis; ex eo, quod cauda semper Sili sit versa: quod ut Cardanus lib. 4. de subtilitate, & Apianus, & Gemma Frisius animadverterunt; ita in hoc nostro Cometa semper fuit animaduersum. Nam cum Sol erat in Oriente, cauda Cometæ vergebat versus Occidentem; cum in Occidente, versus Orientem, ac prout Sol motu suo gyra-^{ba}bar, ita quoque caudam suam in aliud, atque aliud mundi situm dirigebar.

Poterit forte dici caudam Cometæ esse quandam flammam tenuiorem ex ipso corpore seu capite Cometæ tanquam igne quodam densiore ac solidiore evanescantem; eo modo, quo videmus à ligno accenso seu carbonibus flammam evolare, quæ iis per modum caudæ adhæret & in altum assurgit. Sed doctrina non valet. Quia flamma omnis ex natura sua sursum vergit: Cometæ autem cauda sursum non vergit: quia, si sursum ergeret, deberet semper in directum objici oculis nostris, & semper secundum sui longitudinem continere in rectâ lineâ ab oculo nostro tanquam terre centro per Cometæ corpus ad cœli circumferentiam ductâ. Per talem enim lineam, tanquam per circuli medium protendi, est rectâ sursum ferri. At sic cauda non protenditur: quia si sic protenderetur, nunquam in transversum videretur, sed semper in directum oculis opposita foret. Imò sic nunquam esset visibilis: quia tali modo

modo ipsum corpus Cometæ semper deberet esse in rectâ lineâ interjectum inter visum nostrum & suam caudam. Proindeque sua opacitate semper deberet caudam suam nobis occultare ac eclipsare; taliter, quod nunquam nisi crines aliqui circum Cometam sparsi & extra orbitam ejus eminentes, & nunquam ullus caudatus, sed semper omnes criniti Cometæ deberent apparere. Hoc ita non est; ergo. Sed objiciet forse aliquis huic responsioni nonnulla argumenta. Primo, quia si cauda Cometæ esset lumen Solis transmissum, videretur quod & aliæ omnes, aut plurimæ stellæ talem caudam habere deberent. Secundo, quia sic videtur, quod cauda Cometæ deberet esse acuta, & abire in conum: nam cum sol absque dubio sit major Cometâ, necessario ejus radii ultra Cometam deberent uniri, & non dispergi. Tertio, quia sic sequeretur quod caudæ omnium Cometarum deberent esse ejusdem figuræ; at ita non est, quia alii Cometæ sunt criniti: alii barbati: alii instar gladii: alii instar cornu; quorum plures differentias ponit Plinius lib. 11. cap. 25. Quarto, quia ita sequeretur, quod aliquando tota Cometæ cauda posset eclipsari, nimirum, quando terra inter Solem & Cometam interposita esset: at hoc nunquam factum est; ergo.

Sed respondeo, Ad primum, hoc non sequi: diversitas autem ex eo necessario esse debet, quod Cometæ habent autem alium modum substantiæ, quàm aliæ stellæ, & mediam dispositionem inter raritatem, & densitatem sic ut & lumen Solis recipere, & etiam transmittere possint, quod aliis stellis propter majorem densitatem non contingit.

Ad secundum dico, hoc necessario contingere debere propter aliquam radiorum Solis in ipso Cometâ refractionem, quâ fieri potest, ut radii Solis in ipso corpore Cometæ uniantur, & in transitu per ipsum iterum dilatentur, ac dispergantur: sicut in multis convexis vitris & lumen Solis, & species visibiles primum uniri, & postea dispergi, disgregarique videmus,

Ad tertium respondeo, differentias illas Cometarum, quas Plinius ponit non esse differentias veras Cometarum, sed ignotorum meteorum, quæ male Cometis adferibuntur. Etenim Aristoteles 1. Meteor. cap. 7. duas solum Cometarum species facit; crinitum, & caudatum: reliquorum non meminit. De crinitis quia rari sunt, non multum dicere possumus: credo equidem nullos reperiri. Sed qui criniti Cometæ ab hominibus appellantur, vel ad *μυδάρις*, vel ad ignes elementares esse referendos. Sic quia huic diebus nubilo existente aëre circa Veneris stellam corona, seu Halo apparuit, vulgo sparsum fuit, præter caudatum, etiam crinitum aliam Cometam apparere: quod si criniti ulli Cometæ reperiantur, verisimile est tum solum eos fieri, quando Sol directè Cometæ est oppositus. Tum enim cauda ejus in altum spargitur & necessario caput Cometæ in medio lux caudæ apparet: ex quo crinitus videri debet. Tum enim cauda brevissima debet apparere, ex eo, quod non in transversum, sed in longum oculis nostris objiciatur. Sic baculus vel hasta si transversim ante oculos ponatur, longa; si in directum, brevissima; & omnis longitudinis ex pers, ac instar rotundi corporis apparet.

Ad quartum respondeo, idè hoc non fieri, quod Cometa altior sit quàm ut umbra terræ ad eum pertingere possit. Potest etiam ex aliâ causâ id nunquam factum esse; quod scilicet nunquam contigerit Solem ita ex diametro Cometæ opponi. Equidem si Cometæ per Zodiacum decurrerent, frequenter talis diametralis oppositio accidere posset: at cum nunc huc, nunc illuc extra Zodiacum decurrant, non est mirum, talem directam oppositionem, atque Eclipsin nunquam accidisse.

Ad quintum respondeo; verum esse, & hæc, & similia nos rapere in admirationem naturæ Cometarum, sed minime probare eos de natura cœli non esse. Jam ante in responsione ad 1. & 2. diximus modum & rationem, qua fieri forte potest, ut cum Cometa maximus nobis apparet, magna spacium conficere videatur, cum decrescit, paulatim minus.

Ad sextum dico, neque per Cometas etiam posse videri, sed solum per caudam ejus, quæ non est pars Cometæ, sed splendor luminis. Possibile autem est lumen magnum per radios minoris luminis videri.

Ad septimum, quodcunque dicatur, nihil inde contra nostram opinionem infertur. Si sint ejusdem speciei, possunt diversos motus habere. Venus enim, Mars, Saturnus, cum non sint diversæ speciei, diversos tamen motus habent. Homines omnes sunt ejusdem speciei, & tamen unus potest abire ad dextram, alter ad sinistram. Sufficit quod conveniant in genere motus, & omni motu circulari: qui cœlestium corporum proprius est, moveantur.

Ad octavum, concedo Majorem; sed nego Minorem. Etenim cœlum esse liquidum, & pertransibile vel Soli hi tam diversi Cometarum motus, quos tam variis argumentis, atque efficacibus, cœlestes esse, ac per cœlū vehi probatum est, evidentissime ostendunt, præter varias alias rationes efficacissimas, quas hic in medium afferre longum foret: eo quod ipsæ non brevior, quam si hæc de Cometarum naturâ, tractationem requirerent. Ad probationem Minoris ex sacris literis desumptam, & primò ad locum Iob Respondco: non certò posse dici, quid ibi per verbum (solidissimi) intelligatur, & quæ sit proprietas vocabuli Hebraici, quod in verbū (solidissimi) est translātū. Possunt enim cœli dici esse solidi, non quod sint duri & impervi, sed quod sint corporei; constantes trinā dimensione, sicut alia corpora, & sicut quævis corpora tangibilia, imò. sicut æs ipsum, quod maxime est crassum & corpulentū; quodque non sint spacia imaginaria, omni corpore vacua. Vel potest dici quod dicantur solidi, quod etsi liquidi sint, stent tamen suo loco firmiter librari, solo nutu, & imperio Dei: vel potest etiam dici, quod ibi nomine cœlorum veniat intelligendū solum firmamentū, quod quia stellas fixas firmiter continet, firmamentū ac solidum potest vel appellari, vel revera est. Sic Homerus quoque Iliados. 5. & Odysseæ 11. *ἄσπερον πόντον*.

πολὺ χαλκόν, & alibi, *σιδηρεον* hoc est, coelū æreū, & fer-
 reū appellavit; non quia durū, sed quia splendens instar
 æris, aut ferri. Porro quod non sit necessario tenendū,
 esse solidum, ex aliis tum sacræ scripturæ, tum sancto-
 rum Patrum locis, & auctoritatibus colligi potest.
 Esaiæ 4. versiculo 22. habetur: *Qui extendit cælum,*
sicut tenue quid. & versu 6. habetur, *quod cæli sicut fu-*
mus, liquefcent; ubi videtur cælum rei tenui & fluxili
 comparari. Accedit, quod ex sacris literis videtur asse-
 rendū motū adscribit stellis, & non orbibus. Sic 1. Ec-
 clesiastici ver. 5. habetur: *Oritur Sol, & occidit, iterūque*
ad locum suum revertitur. & cap. 10. Iosue ver. 5. ha-
 betur, *quod Sol & Luna steterint.* & Abacuc cap. 3. vers.
 11. dicitur *Deus educere remota sidera,* quodque
 tempore suo Arcturum cum filiis ejus. & cap. 38. Iob
 ver. 3. & Esaiæ cap. 10. vers. 13. & passim variis locis ap-
 parer, quod sacra scriptura apertis verbis, motum non
 cælis, aut orbibus, sed ipsis astris adscribat. Si ipsa astra
 moventur & non orbis: ergo cælū liquidū esse necessa-
 rio consequitur. Id porro non pauci Sancti Patres clarè
 docent, Iustinus Martyr respondens ad 90. quæstionē
 Orthodoxorum, dicit stellas non esse affixas cælo, sed
 propriis motibus moveri. Origenes li. 5. contra Celsū,
 & lib. 1. *de ἀρχαῖς* ca. 7. ait sidera propriis motibus
 gi: nec esse partes cæli, nec secus in cælo esse quam
 sunt in terris animantia, pisces in aqua, volucres in æ-
 re. Idem prodiderunt Eusebius Emissenus, & Diodo-
 rus Tharsensis in exponendo locum Genes. cap. 1.
 vers. 16. & 17. Et Chrysostomus id clarè dicit homi-
 liæ 6. & 13. in Genesin his verbis: *Absit,* inquit,
cogitemus Deum affixisse cælo astra. Cernimus nam-
que ea moveri, & de uno loco in alium transire. In
 omilia ad Populum Antiochenum idem confirma-
 re, nempe, *cælum esse fixum & immobile: Solem au-*
tem cum cæteris astris in ipso quotidie circumferri. Phi-
 lippus Brixienensis in Catalogo Hæreseon asserit, dicere
 cælū per se moveri, & ejus motu unā cieri astra, hære-
 ticū esse, & alienum à fide Catholicā, ejusque assertores

paginæ vanitatis magis, quam Christianæ doctrinæ consortium habere. Et D. Augustinus 11. de Genesi ad litteram dicet; cœlos stare, astra moveri; etiam tenci posse.

Porro, & D. Basilii naturam cœlorum dixit esse *ἀσπλὺν ὡσεὶ καπνόν* id est, tenuem sicuti fumum. Rupertus 1. de trinitate cap. 22. dixit, firmamentum non solidum quid, aut durum, ut vulgò putatur, sed aërem esse extensum. Ad secundam minoris probationem, quâ dicitur, quod inde sequeretur, quod sic non esset nisi unum cœlum continuum usque ad spacia inania, quod sacris literis repugnat: Respondeo, hoc inde non sequi, sed solum quod usque ad firmamentum, seu usque ad locum stellarum fixarum non sit nisi unicum continuum cœlum idque liquidum, per quod Planetæ decurrunt. Quod teneo verum esse. Firmamentum verò credibile est esse solidum, ex eo quod per ipsum nullus motus fieri debeat, cum sit sedes stellarum fixarum; & aliquam videatur requirere soliditatem, ad tam infinitas fixas stellas continendas, & figendas. Quod cœli in sacris literis frequentissime in plurali numero appellantur, nihil est, quia dicit Chrysost. hom. 1. in Genesin, id solum esse ex eo quod nomen Hebraicum quo cœlum appellatur, ex proprietate illius linguæ sit solum pluralis, non singularis numeri; unde in Latinam linguam transfertur nomine cœlorum in plurali numero. Præterquam quod eo seposito adhuc plures cœli essent, etiam si totum spacium Planetarum liquidum & continuum quid esse assereretur.

Porro quod 2. Corinth. 12. D. Paulus in tertium cœlum dicatur raptus, non probat multitudinem cœlorum. Locus enim ille sic est intelligendus; quod pro primo cœlo, quoque capiatur regio elementaris, quæ in sacra scripturâ, sæpe nomine cœli appellatur, ut cum dicitur *Nubes cœli, Volucres cœli*, &c. pro secundo cœlo, cœlum altiferum, seu spacium illud totum in quo sunt astra pro tertio verò cœlo Empyreum, in quod putandum est D. Paulum raptum fuisse. Nisi forte verba illa sensu mystico sint intelligenda; quod seire excedit orbitâ scientiæ, tum Medicinæ, tum Philosophiæ.

Porro declaratâ Cometæ essentiâ, restat ut quid præ-
 agiat examinemus. Communis hominum opinio est,
 Cometam multa mala, ventos, tempestates, terræ-motus,
 æris æstus, siccitatem, annonæ caritatem, pestes, bella,
 mortes Regum ac Principum, regnorum religionisque
 mutationes prælagire. Aristoteles I. Meteororum c. 7.
 licet Cometæ prælagire ventos, & æris siccitatem, cō-
 quod generentur ex siccis exhalationibus, quæ pertran-
 eundo ærem in quo sunt, necessario debent ei suis qua-
 rates communicare. Ptolemæus II. quadripartiti sic
 inquit: *Observanda sunt crinitæ stella, sive illæ Eclipsium*
tempore, sive quancūque conspectæ fuerint: quorum
natura est ea facere, quæ Martis, & Mercurii propria
sunt, bella, æstus, turbulentias, quæque hæc ipsa comitantur.
 Plinius lib. II, cap. 25. vocat Cometam *sidus magna ex*
arte terrificum, acævum Sancti Patres, Damascenus,
 Iusebius, ac multi alii de Cometâ loquuntur, ut de sig-
 no significante iram Dei, & minante hominibus plura
 mala in correctionem peccatorum ipsorum. Poetæ ubi-
 que ut dirum sidus, & tristia omina portendens decan-
 unt. Lib. 3. O. aculorum Sibyllinorum sic habetur:

Sole sub occiduo verò vocitatata Cometa
Stella relucebit gladii mortalibus index,
Et famis, & mortis, præclarorumque virorum
Atque Ducum interitus, magnorum, Nobiliumque.

Virgilius I. Georgicorum loquens de bellis quæ
 post Cæsarem interfectum fuerunt, sic ait:

Non alias cælo ceciderunt plura sereno
Fulgura, nec dirî toties arsere Cometa.

Lucanus lib. 0 I.

Ignota obscure viderunt sidera noctes
Ardentemque Polum flammis cælaque volantes
Obliquas per inane faces, crinemque timendi
Sideris, & terris mutantem regna Cometem.

Claudianus ait:

Nunquam cælo spectatum impune Cometam.

Manilius libro II. Astronomiæ cap. 9, sive in fine
 enumerat effectus Cometarum:

Nunquam futilibus excanduit ignibus aether,
 Squalidâque elusi deplorant arva Coloni:
 Et steriles inter sulcos defessus Arator
 Ad juga mœrentes cogit frustrata iuxencos.
 Nunc gravibus morbis, & lenta corpora tabe
 Corripit exustis lethalis flamma medullis,
 Labentesque rapit populos, totâsque per urbes
 Publica succensis peraguntur fata sepulchris.

et dñinde :

Quin & bella canunt, ignes, subitosque tumultus,
 Et clandestinis surgentia fraudibus arma.

Et paulo post :

Civiles etiam motus, cognataque bella
 Significant.

Præterea historiæ plenæ sunt tristibus eventibus, maximis cladibus, quæ Cometarum apparitionibus successerant; adeo ut fere nullus videatur mundo illuxisse Cometa, quin aliquid magni semper sit infectum. Quin & sacra scriptura variis locis videtur indicare, ejusmodi cœli signa semper Dei iram, & futuram humani generis castigationem indicare, ut 21 Joelis. & Matth. 24. ubi habetur diem judicii judicatum iri ejusmodi, in cœlo, ac stellis, portētis prægressis.

His tamen omnibus non obstantibus, opinio mea est, Cometas nihil prælagire naturaliter, seu virtute naturali. An aliquid prælagiant supernaturaliter, & ex instituto Dei, non est meæ professionis disputare, sed id relinquo Theologis disputandum, & auctoritate Sanctorum Patrum, quam tamen in hac materia magni etiam puto esse momenti, confirmandam.

Quod autem nihil indicent virtute naturali, probatur primò, Si Cometæ ejusmodi futura mala indicarent vel indicarent ea ut causæ eorum, vel ut coeffectus nam ut effectus non possant indicare. Quia quod indicat in ratione effectus, indicat suam causam; & indicat præsens vel præteritum. Cometa non indicat mala

ut suam causam : quia mala subsequencia non sunt
 causa Cometarum : sed potius Cometæ deberent esse
 ipsorum malorum causæ. Et Cometæ non indicant
 præsens, vel præteritum, sed futurum. Præter has sig-
 ni rationes ferè nullæ sunt aliæ. quia nihil fere est
 signum alterius Physicè, nisi vel ut effectus ejus, vel ut
 coeffectus, vel causa. Dico ferè : quia adhuc sunt aliæ
 rationes signorum : sic pars visa est signum sui totius
 ibidem præsentis, &c. Sed similes rationes signorū non
 competunt Cometis. Atqui Cometa neque signum est
 futurorum ut causa; neque ut coeffectus; ergo non est
 signum eorum. Non ut causa : quia Cometa non est
 causa futurorum eventuum. Non ut coeffectus; quia
 quod significat, vel indicat ut coeffectus; illud indi-
 cat alium effectum procedentem ab eadem causâ, à
 quâ ipsum proficiscitur. Sic gracillatio gallinæ est sig-
 num ovi ponendi, quia gracillatio & ovum, sunt duo
 effectus procedentes ab eadem gallinâ: quia gallina est
 causa utriusque : & quando unum effectū efficit, rum
 statim etiam efficit & alterum: & sic unus effectus est
 signum alterius effectus, vel præsentis, vel statim securu-
 ri. Sic magna claritas nocte in aliquo loco, est signum,
 quod in illo loco, ubi illa est, sit magnus calor : quia
 calor, & claritas sunt coeffectus, sive duo effectus ejusdē
 causæ, nempe ignis. At Cometæ, & futuri tristes even-
 tus non sunt effectus, ab unâ, & eadem causâ proce-
 dentes; ergo non possunt se mutuò indicare, vel unum
 non potest indicare alterum in ratione coeffectus. Si
 ergo Cometa in nullâ ratione signi Physici indicat fu-
 tura mali, id est, neque ut causa, neque ut effectus, ne-
 que ut coeffectus; ergo non indicat.

Quod Cometa non sit causa futurorum eventuum,
 robo : Quia, quicunque asserunt Cometam esse cau-
 sam futurorum eventuum, niuntur eo fundamento,
 quod Cometa sit exhalatio fumida, pinguis, calida, sic-
 sulphurea in aëre accensa : & quatenus est talis ex-
 halatio, eatenus dicunt ipsum tales producere in aëre,
 corporibus animalium dispositiones, ex quibus ejus-

modi mala postea proveniant, Adco-ut tota vis præ-
sagiendi Cometis adscripta nitatur eo fundamento, quod
Cometa sit exhalatio accēsa: at hæc doctrina est falsa
ut super est probatum: ergo falsa est quoq; omnis vis
prælagendi, quæ Cometis ex eo capite adscribitur: existē-
te enim fundamento falso, concidunt omnia, quæ
ab illo fundamento sequuntur, & dependent.

Porro quod Cometæ, & futura mala etiā non sunt
coeffectus, probo: Quia non possunt in aliā ratione
Physicæ esse coeffectus, quam quod Cometæ sint effectus
exhalationum in genere causæ materialis: & futura ma-
la sint effectus earum in genere causæ efficientis; adeo-
que in diverso genere causæ. At futura mala non sunt
effectus talium exhalationum ex quibus fit Cometa;
quia Cometa non fit ex talibus exhalationibus; sed est
corpus cœleste, ut ostensum est: ergo futura mala & Co-
metæ non sunt coeffectus, seu effectus ab eadem causa
procedentes. Porro qui de prælagendi ratione Cometa-
rum scribunt, dicunt Cometæ futura mala indicare hæc
ratione. Exhalatio illa, ex qua fit Cometa, inquiunt, est
sicca: si sicca, ergo aërem, per quem transivit, exsiccavit.
Denique est incensa. Si est sicca, & incensa; ergo tam va-
poris flamma aërem excalefecit, & exsiccavit, &
impressit ei calidam, & siccam intemperiem; & vapores
aëris consumpsit, & exsiccavit. Si ita consumpsit & exsic-
cavit; ergo non fient pluviae: si non fient pluviae; ergo
fiet sterilitas agrorum, & aër non depurabitur. Pluviae
enim aërem multum depurant. Si fiat sterilitas agro-
rum, fiet annonæ caritas. Si annonæ caritas; ergo homi-
nes coacti necessitate comedent, pravos cibos. Ex talī
hominum diætā, sequentur varii morbi. Denique quia
aër à flamma Cometæ erit excalefactus, & exsiccatus,
grassabuntur febres ardentes, & morbi calidi: & quia
illa exhalatio est fumida, viscida, sulphurea, ac pravæ na-
turæ, malignam quoque aëri imprimet qualitatem, à qua
simul cum annonæ caritate fient pestes, &c. Porro
quia illa exhalatio fumida non potest in totum esse
consumpta; sed multæ ejus portiones in aëre, per quem
transierunt, & præcipue in infernā aëris regione, ad
quam

quam flamma Cometæ non pertingit, debuerunt esse relictæ, eatenus fient venti; quia ventus est exhalatio calida & sicca. Tales enim portiones exhalationum relictæ à media aëris regione frigidâ deorsum protruduntur, & ab oppositâ terrâ in latus agitantur facient ventum. Quatenus fient venti; eatenus sequentur in mari tempestates; & maris tempestatibus, regionum inundationes. Cû ejusmodi exhalationes generantur, non omnes in altum adscendunt; sed aliquæ etiâ in visceribus, ac cavernis terræ relinquuntur: illæ autem exire nequeunt, terræ-motus excitabunt. Ulterius, quia corpora animalium alterantur à qualitatibus aëris, & aër, ut jam dictum est, à Cometâ est excalescens, & exsiccatus; necessarium est ut in corporibus hominum multiplicentur humores calidi, & sicci, & consequenter multiplicetur bilis: & quia bilis facit homines iracundos, hinc homines fient iracundi, seditiosi: hinc in urbibus ac populo seditiones. Et quia etiam Principes fiunt iracundi; fient bella: & quatenus fiunt bella, & Principum mortes, eatenus sequentur regnorum, regionisque mutationes.

Ex quibus omnibus patet totam vim prælagendi Cometarum, eo niti fundamento, quod Cometa sit exhalatio accensa in aëre. Quod cum sit falsum, nemini non sit manifestum, omnem vim prælagendi Cometarum, falsam quoque, & frivolam, ac ridiculam esse. Accedit, quod licet verum esset, quod Cometa esset talis exhalatio accensa; tamen nulla ratione posset prælagire pleraque eorum, quæ ei adscribuntur. Quod probatur. Etenim talis exhalatio, necessario accendi deberet, loco altissimo, multis millibus miliariorum à nobis distante, uti supra ostensum est, ex eo quod Cometæ motu primi mobilis rapiantur. At exhalationes tam remoto loco accensæ, quomodo possunt aërem hunc infernum afficere? Si exhalationes præter omnes adscenderint in suprema aëris loca; ergo aër infima sui parte est depuratus: ergo nullæ malæ exhalationes hic amplius remanserunt, quæ corpora

Corpora nostra male afficere possint. Et si exhalationes omnes ibi supra sint accēse; ergo sunt exustæ: ergo non amplius sunt, nec ullam malignam qualitatem reservârunt. Ignis enim omnem venenatā qualitatem delevit, & extinxit; ut patet in peste, in qua ignes exstruuntur, ut venenata aeris qualitas exstinguatur. Si dicatur, quod saltem aer est exsiccat, & excalescat; atq; ex eo saltem multa mala cōtingere possint. Primū videtur quod non possit esse calefactus; quia cum ignis ille fuerit tam multis millibus milliariorū à nobis remotus, non potest sic inferiorē aerē multū excalescere, vel exsiccare. Et quomodo potest aer ab eo calefieri? Plerumque enim asserunt scriptores, Cometas fieri in Autūno: Autumnum sequitur hyems: quantum in Autumno aer à Cometā esset excalescat, tamū videtur, quod iterū à subsequēte hyeme deberet refrigerari. Et si aer excalesceret à Cometā, & exsiccaretur, magis calidus esset, cum adhuc ignis; & Cometa durant, quam cum extinctus: sed quis in aere à Cometā sensit calorem, aut siccitatem? Non est dubium quin Cometæ frequenter apparuerint, quando aer fuit maxime frigidus. Accedit, quod inter Cometam, & infimam hanc aeris regionem, intercedat media aeris regio frigidissima, quæ omnem Cometæ in eam activitatem videtur necessario debere impedire.

Porro omnia quæ deducunt auctores communiter fieri à Cometā, per quandam sequelam causarum, & effectuum sunt à suis causis tam remote, tam fortuito, & tam contingenter, ut nullam habeant fiendi vel necessitatem, vel appareutiam. Non enim sequitur, aer est exsiccat, ergo nulli fient vapores, & consequenter nullæ pluvix. Etenim æstare aer est exsiccat, & tamen nihilominus paulo post in Autumno fiunt pluvix maximæ. Non sequitur, relictæ forte sunt aliquæ exhalationes in aere, quæ non sunt absorptæ; ergo fient magni venti: quia forte non sunt relictæ; sed sursum omnes adscenderunt. Et ut aliquæ relictæ sint; non est necessarium quod inde sequantur magni venti.

Porro ut fiant magni venti, non sequuntur prop-
terea

terea necessario, aut frequenter, terrarum, aut regionum inundationes. Nec necessarium est, quod ascendentibus è terrâ exhalationibus, aliquæ in terris remanserint, quæ terræ-motus faciant.

Cur enim multæ remansissent, & non exivissent cum aliis? & ut remansissent, non sequitur, quod illæ terræ-motus statim facere debeant. Fortuitum hoc nimis est & rarum. Frequenter, & singulis annis in terrâ, & è terrâ excitantur exhalationes, & tamen nulli fiunt terræ-motus.

Dicunt, quia Principes habent corpora teneriora aliis, ideo præ aliis, ab infecto exhalationibus aere magis afficiuntur, & à morbis, qui tum grassantur, interimuntur. Ridiculum est. Quare enim Principum corpora sunt teneriora corporibus aliorum, ut magis pravis humoribus prædita? Si Principes sint obnoxii Cometis propter corporis sui teneritudinē; ergo multo magis senes, mulieres, pueri: ergo illorum mors à Cometis esset prædicenda potius, quam Regum, aut Principum.

Dicunt, quia corpora fiunt biliosiora, ideo & ad iram prona: hinc subditi moliuntur seditiones; Principes aliis vicinis Principibus bella inferunt. Longè petiti effectus, & longa series causarum. Aer non multum facit corpora biliosa, sed proprium temperamentum, victus ratio, &c. Bilis aliquod adventitium incrementum non multum facit ad hominum iram. Ab aliis causis iracundia procedit; à biliosa complexionē naturali, non advenientiā, pravā educatione, imprudentiā, injuriisque perceptis. Nec ira Principum facit bella; sed cupiditas dominandi, amor vindictæ, &c. Bella pendent à Principum, & Consiliariorum, aliorumque Principum suadentium liberā voluntate. Quæ autem à libera hominis pendent voluntate, non sunt obnoxia actionibus neque cælorum, neque Cometarum, neque aeris, nisi valde fortuito, & valde remotè. Quorum fortuitarum, & remotorum eventuum nulla potest fieri prædictio, nisi valde temeraria, fortuita, stulta

et atque incerta. Quis Aulicorum animadvertit Prin-
 cipem suum post apparitionem Cometarum solito
 iracundiorum? Si Cometa tali ratione excitaret ira-
 cundiam in Principibus; eadem ratione, & in aliis
 hominibus præcipue stenerioribus, ut mulieribus,
 pueris excitare deberet: at quis unquam paterfa-
 milias animadvertit vel uxorem suam, vel proles post
 Cometarum apparitionem fuisse iracundiores, quam
 ante eam? Julius Cæsar Scaliger exercitatione in Car-
 danum 79. c. 11. asserit Cometas nihil prælagire, ne-
 que ut causas, neque ut signa: *Etenim, inquit, existi-
 mare à Cometa Regem interfici ridicula dementia est;
 tanto minus everti Provinciam. Audiamus tamen &
 nonnulla alia stulta prælagia. Magnus Mathematicus
 Ptolemæus in centiloquio, pronunciato ultimo sic in-
 quit: Cometa quorum intercapedo est undecim signorum
 à Sole, si apparuerint in cardinibus regni alicujus,
 Regem aut Principem, aut ex Principibus regni ali-
 quem moriturum prænunciant. Sin in loco succedente,
 bene se habitura, quæ Thesauri ejus sunt; suum tamen
 administratorem mutaturum: qui si in loco declinante,
 morbos, ac repentinas mortes fore. At si ab occasu mo-
 veatur ad ortum, externum hostem regionem invasu-
 rum, sin non moveatur, Provincialem hostem futurum.*
 Cardanus lib. 14. de varietate rerum cap. 70. sic inquit:
*Cometa Colos dictus, rubens ac splendidus, vel lividus,
 vel niger. Hæ enim omnes pessimæ; argentea, & candi-
 cans nimis formidabilis. diuturna quoque, & magna, &
 plures contrariis sunt deteriores. & quæ frequentant, &
 hyeme, quam æstate, & diurna, quo variores, eo majus
 exitium portendunt. Et juxta Saturnum, pestes, & pro-
 ditiones, & sterilitatem. Circa Iovem, legum mutatio-
 nem, mortem Pontificum. Juxta Martem, bella. Juxta
 Solem, toti orbi magnam cladem. Juxta Lunam, magnas
 inundationes, aliquando siccitates. Juxta Venerem,
 Principum mortem & nobilium. Juxta Mercurium, va-
 ria mala, & multa. Juxta Lyram, deliciosas, & nobilibus,
 Juxta Coronam & in Tropici, Equinoctiisque, Regum
 interitum.*

interitum. Iuxta serpentem, & in Scorpione pestem. Iuxta Trigonum, perniciem ingeniorum. In fixis signis, terramotus. Iuxta caput Gorgonis, & armatas figuras, bella. Iuxta Andromedam, & Cassiopeam, servitutes, & desolationes. Iuxta Eridanum, & Argo, tempestates, & inundationes. Cum deliquiis horrenda, & miserabiles. Mobiles valde, siccitates. & ventos pariunt. Fixa diuturniora mala. Cuspis etiam ostendit locum huic malo obnoxium. Quid stultius his prælagiis excogitari potest? quid stultius me foret, si tempus terere vellem tam stultis, & vanis pronunciatis resellendis, desumptis ex stultâ, vanâ, & superstitiosâ divinatrice Astrologiâ? Aliam prælagiendi rationem habet Plin. lib. 11. c. 15. Referre arbitrantur in quas partes sese jaculetur, aut cujus stellæ vires accipiat quâsq; similitudines reddat, & quibus locis emicet. Tibiarum specie, Musica arti portendere. Obscanis autem moribus, in verendis partibus signorum. Ingeniis, & eruditioni, si triquetram figuram, quadratamve paribus angulis ad aliquos perennium stellarum situs edat. Venena funderet, in capite Septentrionalis Austrinae serpentis. Qui longe stultiora adhuc Cometarum prælagia intelligere voluerit, consulat Haly c. 1. part. 8. de judiciis astrorum. Item c. 32. & 41. par. 8. ejusdem libri. Item Albumasarem lib. 5. de conjunctionibus magnis & in fine Florum & Cardanum lib. 2. 3. & 7. aphorismorum. Porro Cometas nihil mali vel efficere, vel prælagire huic mundo posse, adhuc variis aliis rationibus potest probari.

Probo ergo secundo. Cauda Cometæ nihil agit: quia solum est splendor luminis, ut dictum est. Ergo si est aliqua vis agendi in Cometâ, erit in capite ejus: at Cometæ caput est valde parvum, tam parvum autem sidus nullam potest magnam in hæc inferiora exercere activitatem. Nam si una alia stella sola ex iis quæ in cælo sunt, nihil potest notabile efficere in hoc mundo inferiore: immo si homines stellæ cæli simul sumptæ parum efficiant, exceptis Sole, & Lunâ, à quibus fere omnis, quæ in hæc inferiora exercetur actio, procedere percipitur; quid operabitur tam parvum sidus, transiens.

nullo

nullo loco consistens, & tam exiguo tempore durans?

Tertiò, Ut ita esset, quod Cometa haberet aliquam in hæc inferiora activitatē; qualis ea foret, impossibile esset scire. Nam si scire non possumus, quid aliæ cœli stellæ operentur, ut ex falsitate, & incertitudine Astrologiæ judiciaræ est manifestum: quæ tamen semper, & à condito orbe steterunt, & quarum virtus, jam quatuor mille penè annis potuit observari: quomodo poterimus cognoscere Cometarum vires, qui rarò apparent, statim prætervolant, & eisdem pereunt?

Quartò, Vires siderum modificantur diversimodò propter concursum activitatis tot aliorum siderum, quæ suas mutuò vires frangunt, mutant vel intendunt: & hæc est causa, cur eorum virtus cognosci nequeat: eadem ratione nec Cometarum poterit: multò minus, ex eo quod Cometæ moveantur, & singulis diebus cum novis sideribus jungantur, à quibus eorum virtus variatur, modificatur, determinatur, incognoscibilis evadit. Dices, experienciâ cognoscitur: sed illa cognitio nimis est incerta. Nam etsi multa mala & tristes eventus in mundo post Cometæ evenierint: non ideo evenierint virtute Cometarum: sed vel etiam si nullus Cometa apparuisset, eodem modo provenissent. In hoc mundo tam inconstanti, & ex tam contrariis constante partibus, nihil potest permanere perpetuum: semper novi eventus, hic tristes, & hoc anno: alibi, & alio anno læti. Nunquam tres, quatuor, quinque anni (ad quos etiam multi Cometarum efficientiam extendunt) labuntur, quin aliquâ parte mundi semper aliqua mirabilia, tristiaque eveniant: hic bella, illic mortes Principum: alibi inundationes, terræ motus, annonæ caritas, pestilentia, mortes Regum: etiam si nulli Cometæ appareant. Quam multos vidimus tristes eventus hisce annis, quibus tamen nullus Cometa illuxit? cui, si illuxisset, omnes absque dubio adscripti fuissent. Sicut autem multa tristitia eveniunt, ita & læta: & ideo si quis ex historiis conferret omnia, quæ post apparitiones Cometarum in mundo contigerunt, absque dubio non minora læta, quam tristitia reperiret.

perirer. Nunquam in aliquo loco post Cometam tristes eventus secuti sunt, quin in aliis mundi partibus, vel sæpe in eadē non pauciores læti evenerint, etsi non commemorentur. Ad felicia minus advertimus, quam ad tristitia, & horrenda. Quando fuit, quod trium, quatuorve annorum spaciū non Rex aliquis, magnus Dux, aut Princeps mortuus sit? obiit magnus Rex Philippus, obiit Imperator, Serenissima Hispaniarum Regina, proles ejus, Galliarum Rex Serenissimus Maximilianus; à quo Cometa? nullus apparuit. Certè si apparuisset, miser Cometa homicidiorum omnium reus fuisset. Multi è contra apparuerunt, post quos nihil notatu dignum accidisse est animadversum. Julius Cæsar exercitatione 79. capite 11. jam ante citatis, sic inquit; *Multi itaque sunt à nobis visi Cometae, quos nulla uspiam notā in Europā, subsequuta est. perniciēs mortalium. Et multi clarissimi viri suo fato functi sunt, multi eversti principatus, pessum data familiæ illustrissimæ, sine ulla Cometa indicio.*

Quinto, Si Cometa tantum mali prælagit; cui regi-
ni prælagit? an regionibus à quibus videtur? Atqui
4. horarum spacio hic noster totum mundū circumea-
it; & à toto fere mundo visus fuit; an ergo toti mun-
do minatur? Virtus siderum est universalis, nec ad ur-
am peculiarem determinatur regionem; sed quas par-
tes illustrant, in eas omnes agunt, modo sint receptivæ
actionis eorum; ergo erit & Cometarum. Unde si tan-
tum mali efficerent, & prælagirant, non uni tantū re-
gioni, sed toti mundo, & facere, & prælagire deberent;
quod à nemine proditum est. An verò illis regionibus
tantum minatur, supra quarum vertice fertur? nam in
illas rectis radiis virtutem suam magis demittit. Sed
Cometa delatus fuit super verticibus mediæ partis
mundi; & super verticibus omnium mundi regionū, quæ
sunt eis Æquinoctialē. (Nam ab Æquinoctiali ad mi-
nimum ejus ortum incepisse non est dubitandum.)
indeque super verticibus omnium fere præcipua-
rum mundi partium. Præcipuæ enim omnes mundi
regiones sunt eis. Æquinoctialem; Austrinam mundi
partem fere mare occupat. An ergo omnibus minatur?

Decurrit

Decurrit hic Cometa super vertice totius Asiae, Europae, Mexicanæ, & majoris partis Africæ. Et ut ceteriores, magis notas mundi partes nominemus; super tota Arabia, Persia, Turcia, Barbaria, Maroco, China, Japonia, Hispania, Francia, Italia; Germania, Polonia, Belgio, Tartaria, Catay, Moscovia, Russia, Norvegia, Islandia, Groenlandia, nova Sembla, &c. Super Maroco, & Fessa decurrit die decimâ quartâ, & decimâ quintâ Decembris. Super Hispania, quando fuit circa sinistrum humerum Bootis; nempe decimâ sextâ circiter Decembris. Die decimâ septimâ super Italia: die vigesimâ, super Francia, Turcia; Die vigesimâ secundâ super Germania, Belgio; Die 11. Januarii sequentis, super nova Sembla, Groenlandia, &c. Quibus ergo minatur? an iis super quorum capite diutius hæsit? an iis super quorum capite, majus lumen, majoremque caudam habuit? Si hæc timeant Indi, & quicunque inter Æquinoctialem, & Cancri Tropicum habitant. Si illis, timeant Russi, Moschi, Groenlandi, Tartari; nam super eorum vertice existens tardè processit, adeoque multo tempore hæsit. Simus nos saltem securi, ad quos neutra ratio magnopere spectat; cum medio modo habuerimus circa nostram tranquillitatem: sed nec illi timere debent, quia quibus magno lumine magnaue cauda incubuit, eos citò pertransiit. super quibus diu hæsit, eos exiguitate luminis sui, corporisque languore, & debilitate non multum afficere potuit. An vero minatur iis, ad quos cauda ejus tanquam virga dirigitur, ut Cardanus loco citato & Plinius lib. 11. cap. 25. asseruerunt. Illud dici non potest: quia cauda dirigitur ad omnes mundi partes. Cauda enim ejus semper est averfa Soli. In qua parte est Sol, in oppositam dirigitur cauda ejus. Prout Sol vertitur, ita & cauda ejus. Unde cum Sol quotidie circum meos orbem, necessum est, ut quoque cauda cum ipso circumducatur, & sic 24. horarum spatium ad omnia cœli puncta semel dirigatur.

Sextò, Quo tempore effectus illi sunt à Cometa spectandi? si in multos annos virtus ejus extenditur, quod multi faciunt, non mirum si multi inter-

ristes eventus, in hoc instabili, & perverso mundo con-
 tigerint; non virtute ipsius Cometæ, sed ab aliis causis.
 Seneca libro 7. naturalium questionum capite vigesimo
 octavo, tradit ad annum vim activitatis ejus extendi.

Sed & ad annum, & magis ad tres, quatuor, quinque
 extendi, omnino à ratione alienum est. Nam quomodo
 ger, si perit? videtur quod ejus efficacia maxime debe-
 et elucere interim quam durat. Nam postquam perit,
 evanuit, vel excessit, effectus ejus ab aliorum siderum
 continuâ, ac perseverante activitate, à ventorum interim
 diversitate, ab anni temporum alternâ vari-
 etate, necessario destrui, & extinguì debuisse videtur.

Hæc sunt, cruditissime D. PROFESSOR, quæ de
 proposita mihi à Te materiâ habui dicenda: quæ ut
 qui boique consulas, rogo: cogitans præproperè à
 me, spatio pauculorum dierum in magnis praxeos, ac
 quotidiana Professionis occupationibus esse conscrip-
 tæ; quæ non sunt passæ, me aliquid exactum, limatum,
 ingenioque tuo dignum exarare. Vale Lovanii, ex Mu-
 seo nostro hac decimâ octavâ Januarii, M.DC.XIX.

D

LIBERTI

LIBERTI FROMONDI
COMET

ANNI CIO. IDC. XIX.

AD CLARISSIMUM VIRUM

THOMAM FIENVUM
IN ACADEMIA
LOVANIENSI
ARCHIATRUM.



ESPONSIONEM quâ me dignatus non legi, V I R C L A R I S S I M E, sed spatio aliquot minorum devoravi, ut non avidius cerebrum Jovis. Quî sa- puerit rogas? quod doleam. Et Cometas nihil minari dicis? falsum est. Hic certè Aristoteli nostro, non minas solum, sed exitium tulit. Ut patrem nostrum jugulares te barba illa stimulavit: im- mō me ut arenam tibi & congressum persuaderem cum veteranu isto Lanista, quem non putavi tam miserè cervicem daturum. Ite Peripterici, & imaginarium funus facite vestro Principi.

Cardanum rides, ubi Cometem *juxta Corenam, & in Tropici, Equinoctiisque Regum interitum* ait portendere: verissimum est. Noster hic per æstivum Tropicum, sub

Coronam ac Colurum *Aequinoctiorum* penetravit, hoc *Philosophici Regis* fatum fuit.

Petis tamen etiam sensum meum. Utinam possem ter : à te sum, & sentio. Itaque condonet *Aristoteles*, malo manus, quàm jugulum dare, & desperatis parvus transfugio ad victorem.

Non pugnaciter tamen (ne nimis efferaris) aut mortuus se hîc habuit, ut non succumberet : cap. enim 8.

1. Meteor. attentè mihi lectus, opinioni suæ quasi fidens, negotium hoc *Cometarum* difficile in primis, & abditum; & in quo sit satis docere quid fieri possit non quid fiat. Libentissimè id ab ipso audiui : quia *Peripateticis* suis videbatur fecisse gratiam seorsim aliud à *Magistro* opinandi.

Ibidem etiam pro ratione, cur frequentior generatio *Cometarum* extra *Tropicos*, copiam exhalationû affert, & in supplementû viæ lacteæ abundantius extra *Tropicos*, ubi via longius latiusq; patet, perpetuo affluunt : & etiam materiâ facilius ibi formantur *Cometæ*.

Viden' ut doctrinam suam *Cometarum* struxerit in erâ *Galaxiæ* ? Hæc tamen pridem à juratissimis etiam

Peripateticorum subruta est, & consensu translata firmamentum. Cur non & nos *Peripatetici* persevere, & *Cometas* *Planetis* saltem miscere possimus ? non existimo *Cometas* suos præ *Lacte* dilexisse non *Stagyritam* : imò facilius illos, quam istud dimissum è manibus.

Itaque veniæ securus, & quoniam ita vis; & ridiculam lucernam aliquid tuo meridiei afferrei jubes, nebo. Præsertim ubi similium nos etiam non incuſas, quatenus *Professio* nostra flagitat : & longius etiam quandoque, ubi rei blandimento nos permittimus, nimis evocari. Non enim studium meum dissimulo : *Theologia* plurimum temporis nobis jam impendit ; sed *Philosophiæ* & *Astronomicis* aliquid etiam impendit : & *Theologo* non indignum existimo, à Deo aciem molliter in sidera & cœleste ejus solium quandoque deponere.

Scriptio autem nostra contra confusionem capitata
erit. Immo, quid propriis nuper oculis in cœlo viderim
absolvam; reliqua lemma præfixum indicabit.

CAPUT I.

Apparitio & motus Cometae anni 1618.

Cometa noster, quantum sciverim, Lovanii in al-
titudine Poli 50. graduum & totidem minorum
die 20 Novemb. anni 1618. est primum visus: sed non
à me. 27. tamen Novemb. vidisse se dicunt vicini Hol-
landi, in majori licet elevatione Poli. Et potuerunt, ho-
mines aquatici, & quibus

— *tortâ cannabe fulto*

Cæna & nox est in transstro.

Nobis Mediterraneis arbores, ædificia, montes, &
maxime omnium somnus, eripiunt cœlum.

Die Novemb. 30. bene mane calide ad spectaculum
evolavi: & inspexi per dioptricum etiam tubum sac-
curiosè. Circumferentia capitis maximas stellas primæ
magnitudinis, ut Lyram, Arcturum, Canem faciliè æ-
quiparabat color planè dispar: non argenteus & ful-
gurans, qualis in Cane, sed hebes ac dilutè rubescens.
Erat autem in signo Scorpionis. Stellas circum, qui-
à se nec valde illustres, & nubeculæ insuper infuscant
distinctè notare non valui.

Proportio tamen ad remotiora sidera, fere super
Australem Libræ Lancem mihi collocabar. Scis enim
ut Libræ asterismus Scorpionem antiquis sedibus ex-
pulerit; & omnia signa firmamenti ad 30. fere gradus
priscis temporibus promoverint in Ortum.

Cauda, sive barba potius, (præibat enim, non seque-
batur, & de genere eorum fuit, quos Aristoteles Pogo-
nias, id est, Barbaros appellat) à capite statim in
mento, quæ effundebatur, strictior, sed uberior, & den-
sior crine; deinde paulatim se dispergebat. ut no-

le quidam Ludimagistrorum virgis comparaverit,
 & in manu adstrictæ diffundunt extremitates.

Longitudo barbæ non ad amussim recta, sed quasi
 ovalis. Media convexitas directè Coronam, concas-
 as ad Meridiem spectabat. Ultimi pilorum mucro-
 consumebantur in cuspide dextræ alæ Virginis ad
 illam illam quintæ magnit.

Sequentibus aliquot diebus perpetua nubes cœlum
 curavit.

Quinto tandem Decemb. cum metuerem ne morem
 ineterum, ut quidam alii Cometæ, noster imitatus,
 reciprocando in Ortum se admovisset, occidisset-
 Heliace (ultimo enim die Novembris aliquot
 is Solem ortu suo præverterat:) planè secus, & in
 dia mea vota res recidit. Solem enim multis gradi-
 in Occasum fugerat: barbaque longè quàm antea
 etior, exhibat ad infimam stellam sinistri cruris
 oris.

Dies Decemb. sextus antecedentes superavit. Tunc
 ubi & stellante cœlo, horâ 4. matutinâ vidi Cometæ
 ut infra infimam quartæ mag. in dextro crure Boo-
 tiora adhuc Scorpionem, sed non procul ab egressu
 Distabat verò ab illa in crure Bootis 5. ferè grad.
 quantum circiter Arcturus ab illa lucida tertix
 gnit. quæ tenet sinistrum genu Bootis. Inter
 am etiam & Arcturum barba longissimè ex-
 tebat, ad duas illas Boreales in crinibus
 enices, id est, 30. facile Zodiaci gradus obtre-
 at.

Dies deinceps ad undecimum Decemb. inutiles &
 ulosi.

Undecimo ergo Decemb. horâ quintâ manè, appa-
 jam in libra, & ascendisse ultra Tropicum Cancr.
 t autem supra clunes Bootis: inter scilicet Arctu-
 & illam tertix mag. in coxendice, sub brachio
 tro Bootis.

linea tamen recta ab Arcturo in coxendicem, non
 fixisset Cometæ caput, sed reliquisset ad Orientis

latus. *Lib*erat verò à coxendice Cometa, quantum con-
ficere vili, gradu uno & 30. fortasse scrupulis.

Barba molliter falcata, non ut antè versus Meri-
dem, sed Boream, erat; concavitatemque concavo caudæ
Ursæ Majoris obvertebat, ut redderent firmam
figuram proximam ovali. Nunquam alias prolixior
Inter enim caudam Ursæ & informem illam
secundæ magnit. infra, per Colum *Æquino-*
ctiorum, sub Meridionalis Plaustræ rotas effundebatur
ad sinistram ursæ genu, id est, ad 50. facillimè gradum
Unde barbarior longè hic noster insigni illo Cometa
anni 1577. fuit: cujus caudam longissimam men-
sus Ticho Braheus 22. tantum graduum invenit.

Die 12. *Demb.* alta & concubia nocte miratus sum
conspicuo toto plaustro, de barba ne pilum compar-
ere. Tandem post medium primæ & Sole inferum Meri-
diani arcum elapso, deformari paulatim cepit
in loco eodem quo pridie & pari longitudine: ut plaustrum
matutina crepuscula solent, cum Sol radios quos præ-
miserat, magis magisque implet & intendit, quo prius
pius ad Horizontem scanderit.

Quantulum Cometæ caput promovisset, non
acutè per nebularum tenebras videre fuit.

Decimo tertio die manè de barba parum vel nihil
expletum. Caput duabus illis quartæ magnit. in dorso
Boötis se palam admoverat, distantia forte 30. scrupulorum
paulo minus.

Decimo quarto, manè circiter medium sextæ reliquum
erat duas illas dorsi Boötis ad Orientem intervallo quatuor
si grad. & dimidii, adscenderatque versum sinistram
clivum Boötis.

Dies infecutos intercurrentia nubila turbaverunt
nisi quod decimo sexto manè deprehensus elevasse barbam,
& spargere in eam quatuor rotas plaustræ
ris.

Vicesimo tandem primo horâ 3. matutina
in confinio Libræ & Virginis clarissimè
sas; infra cubitum Boötis duos circiter gradus

ut Benenack in cuspide caudæ Ursæ Majoris, cubitus Bootis, & Cometa Meridionalior, tenerent angulos trianguli, cujus brevissimum latus, à Cometa in cubitum, longissimum, à Cometa in Benenack exierat. Caput Cometæ non longe discolor sideribus, grævescebat, magnitudo aliquantū defecta & senescens. De barba etiam largiter accisum. Ea enim versus secundam stellam caudæ Ursæ Majoris resupinata, & hanc ultima dividens, vix usque ad superiorem e duabus prioribus plaustrum rotam pertinebat.

Vicesima secunda, nihil.

Vicesima tertia circa medium 12. transierat Benenack, & visus supra tres illas quæ manum sinistram noctis stellant, duobus iterum circiter gradibus, barba convexo secundam caudæ Ursæ distringebat. Largiter inserat forficem. Die sequenti horâ 6 manè spectaculum perit nonnihil, sed quod vix oculis sentire, erepserat. Unde satis certum videretur exiguam habuisse parallaxin. Color oris jam palam luridus, & velut expirantis; barba flagrantior, ut ignem forte divinare.

Noctes iterum aliquot quasi ex destinato sidera condita pertinax nubes. Donec 27. circiter medium undecimæ vespertinæ asperi reliquias solum Cometæ & claram fere funus. Caput, cauda minutum quiddam, inerte, & confusaneum erant, nec videndum nisi à bene oculatis.

28. Manè gelidissima & sideria nocte certius aliquid. Supra ferè secundam caudæ Ursæ erat, & penè eandem lineam rectam inciderat cum secunda illa, cum tepenultima caudæ Draconis, & cum inferiore tertiæ agnit. in pectore Ursæ Minoris.

Ab illa hora ad undecimum Ianuarii diem ante 19. cœlum impervium fuit.

Undecimo vidisti, non ego, VIR CLARISSIME. Sequenti die à te epistola excitatus, & locum, non facile alias mihi inveniendum, edoctus, ad pietatem spectavi, purissimo cœlo & universis sideribus illustri.

Itaque 12. Ian. 1619. hora sexta vespertina apparuerunt reliquæ Cometæ, non spectandæ nisi à perspicacissimis, 3. circiter grad. supra ultimam caudæ Draconis; & in eadem linea recta, cum ultima Draconis & illa quæ est in radice caudæ Ursæ Minoris. Penetraverat ergo Cometa circulum Arcticum, & Colurum Æquinoctiorum transierat.

Die 13. Ianu. vesperi hora 11. jun linea recta ab ultima Draconis per Cometam in spatium inter radicem caudæ Ursæ Minoris, & sequentem in cauda medium exhib. Die insequenti vix quod sentiret se promoverat.

Die 15. Ian. hora 9. vespertina triangulum cum ultima lucida caudæ Draconis, & cum altera obscuriore in cauda (ante tamen longè tres minutulas in cuspide caudæ) deformabat. Distabat verò ab utroque polo amplius 3. gradibus versus Polum.

In eadem verò linea dirigebatur cum duabus ultimis rotis majoris plaustris, quæ producta præteribat infra polarem. Linea item recta intendi poterat ab inferiori rota è duabus prioribus plaustris per ultimam lucidam caudæ Draconis, in Cometam. Unde planissimè esse potuit, CLARISS. DOMINE, ut die 18. quando postremum à te visus, rectam lineam incideret inter Alrucabam sive polarem & Dubbem. Ego verò à 15. Ian. nunquam amplius vidi: & vicesima, quando reddita serenitas, sideratissima nocte, nullum toto cœli fornice vestigium, nulla vola Cometæ.

Hæc vita nostri Cometæ, non absimilis longè illi, qui tempore Franc. Vicomercati sub Vindemiatrix in dextra Virginis ali exortus, celeriter in Septentrionem erepsit, & implicuit se voluminibus Draconis.

Duravit autem noster à 27. Novem. anni 1618. quando primum in Hollandia conspectus, ad 18. Ian. anni 1619. id est, dies 52. Exire tamen indubie longius, quia parvitas adhuc spirantis aliquandiu fugere oculos nostros potuit. Defecit autem in fine Cancris, quo ex Scorpione per Libram, Virginem, Leonem, in præcedentia signorum evaserat.

Motus ei in principio concitator, quem sensim remittit. Tale enim fere Cometarum ingenium. In juvena quali vegeti & festinantes, tardantur deinde & conflagrescunt. Noster 6. 7. 8. 9. 10. Decem. confecit circiter 17. gradus: id est, singulis diebus tres gradus & 24. minuta. 11. & 12. junctim quatuor gradus 13. putavi se ad 4. aut 5. gradus incitasse, sed errorem postea deprehendi, similem imaginationi Thaddæi, qui bidui spatio Cometam anni 1577. saltasse putavit 12. grad. in longitudine & 6. in latitud. Itaque 13. Decemb. noster non longe, puto, excessit 2. grad. A 28. autem Decem. ad 18. Jan. an. 1619. id est, 21. diebus confecit 20. circiter grad. id est, non totum unum singulo quoque die. Non tamen æqualiter per omnes dies spargendus graduum numerus est: dies priores quibus incitator fuit cumulandi, & aliquid detrahendum est posterioribus. Longitudo verò ac latitudo ejus colligenda est ex locis, ubi eum singulis diebus signavimus.

Tibi autem, VIR CLARISSIME, astrorum consulto narratiuncula hæc data sit: alias frustra legat, qui sideralem scientiam non attulerit.

Dispiciamus breviter jam de causis Cometarum universim ex nostro hoc, qui plurimum profectò in hanc Physiologiæ partem, si quis unquam alius, contulit.

Sequentia autem capita consumam in aliquot argumentorum tractatione. Et primo, re secutus, contra ætios Cometas, deinde pugnabo pro cœlestibus. Non omnia tua argumenta distincte, in manum resumam; quia id longum, & sæpe dixisti quicquid potest.

CAPUT II.

Argumentum I.

Ab elevatione exhalationum.

ANaxagoræ in primis & Democriti opinio de Cometis satis olim ab Aristotele nostro explosa; ut neminem vix unum & posteris invenerit qui replauderet. Cometas coiri & formari volebant, cum plures Planetæ juncti radios communicassent: ut plures candelæ in fascem compolitæ perdunt ex longinquo imaginem multitudinis, & mentiuntur facis unitatem.

Unde Ioannes Dullaert Gandavensis, Scriptor elapsi sæculi non indoctus. Sine dubio, inquit i. Meteor. quando sic congregantur duo aut tres Planetæ, judicaret aliquis esse Cometam; quia tunc apparet lumen oblongum & continuum sicut coma: & hæc fuit causa deceptionis horum Philosophorum. Et alias aliqui & ego una cum eis propter eandem causam credidimus apparere Cometam, diligenti tamen facta observatione comperimus nos fuisse deceptos: aliqui tamen ex nobis persistebant in suis opinionibus, eo quod secuta est statim postea mors ILLUSTRISSIMI ac SERENISSIMI Comitis Flandriæ Philippi (is pater fuit Imp. Caroli V.) semper Augusti in suo regno Castella. Et etiam quia secuta sunt bella in Ducatibus suis Brabantia & Gelria.

Sodales deinde suos Dullaert solidè refellit. Planetæ enim (nisi fortè retrogradi) non adjuvant in Occasum motum primi mobilis; sed reluctantur, nec deflectunt ab Ecliptica ultra 8. gradus. Noster Cometa, & secundo primo mobili, & 65. facile grad. ab Ecliptica abivit. Et ut verbo eos absolvā, vidi ego omnes Planetas diversis Signiferi partibus dispersos, excepto Mercurio, qui Soli erat vicinus, vivente tamen & vigente alibi nostro; Cometa. Opiniones aliorū, qui Cometas cū Democrito in siderea regione locant, sed colorē alium allinunt, quod

se faciunt probabiliores in finē differemus, quando etiam alicui ex iis sectæ nos applicabimus. Itaque Aristoteles ante omnia inspiciendus.

Aristoteles spretis, uti solet, veteribus, Cometas fere inter primos cœlo detraxit, & ærio Elemento miscuit. Affirmat enim ex pingui & resinosa terræ exhalatione globum aliquem cogi posse & convolvi in ære supra nubes, qui aut motu, aut vicino Elemento ignis, aut radiis solaribus inflammatus, faciat speciem novi sideris.

Hic Cometa propriè erit, si comam in orbem spargat; alias jubatum, caudatum, barbatum, cornatum si-
cus appellabitur: aut si quod aliud nomen materiæ figuratio postulat, Plurimas enim eorum differentias apud Pliniū & alios invenimus: licet Aristoteles comati solum & barbati meminerit, irroboravit jam tamen, ut omnes cujuscunque fidi, vocentur Cometæ.

Post Aristotelem universi fere etiam Astronomiæ Præsides, in quibus ipse Ptolemæus, quasi inventionis jam & veritatis securi abierunt: donec tandem sæculo nuper lapso occasio maximè Cassiopæanæ stellæ plerisque ad respectum veteris opinionis permovit. Quibus autem machinis petitur Aristoteles? Primo, Non ele-
vantur à terra vapores, aut exhalationes conspicuæ tam alte quam est Cometæ locus. Quinimò Jo. Bodinus l. 2. Theatri tribus, ut summum, miliaribus a nobis summo vet supremos terræ halitus, dicitque valde largiter & liberaliter omnes veteres Philosophos intra duo etiam miliaria restrinxisse. Possidonium deinde apud Plin. li. 2. c. 23. quasi secum ad tria tantum miliaria spatium illud relaxantem, adduci: cū tamen Possidonius in vulgatis Plinii exemplarib. 40. stadia habeat tota 5 miliaria. Sed fortasse milliare suum Bodinus extendit ultra mille passus. Vitium tamen in Plinio, & pro 40. rescribendum 400. monet Petrus Nonnius. Possidonius ergo 400. stadiis, id est, 50. miliarib. summos vapores à terra rejicit: consentiente a is Vitelloni li. 10 Theor. 60. qui 52. i. 12. circiter cōmunibus Germanicis.
Rece-

Recentiores jam tamen quidam probabilius ad 15. miliaria Germanica numerum ampliant. Nimis ergo longe absuit Cardanus, cum distantiam illam ad 772. miliaria produxit, i. e. 193. Germanica. Itaque Bodinus juratus ubique Aristotelis nostri hostis, licet nihil in toto ipso fortè justius, quam igniros istos Cometas incessat, imbecillo tamen telo id jam facit, & vana hypothesi elevationis vaporum à terrâ nimis curat.

Sed tamen 15. miliaribus Germanicis in coelum excant terræ & aquæ anhelitus. Cometæ adhuc altius orbem suum ducunt. Nobilem an. 1577. Cometam illi etiam qui Aristotele nostro imbuti intra Lunam depresserunt, unus Andreas Nolthius à mundi centro 8. amplius terræ semidiametris, (terræ vero semidiameter veriori calculo habet citciter 860. miliaria Germanica) Bartholomæus Scultetus à terræ superficie 7188. miliarib. Germanicis, & passibus 1400. removerunt. Georgius Buschius adhuc liberalior 24. semidiametros iis donat. Atqui accurrunt alii, nihil in tantam altitudinem aqua vel terra sursum exhalat: ergo Cometæ non est terrestrium fumorum vertex ibi accensus. Hoc argumentum eludi, sed non longe potest. Si nimirum dicam leviores terræ spiritus quandoq; profundius in cœlū scandere, quā est communis & frequentior eorū altitudo, quam è crepusculis mensuram perspicitur. Posse itaque ultra spatium ab iis circumscriptum aliquando, esse rarenter, exhalationem pinguem & viscosam convolvendo in Elementare sidus tornari. Optici enim earum duntaxat exhalationum elevationem metiuntur, quæ rapere crepusculum possunt, & solari radio se colorant. Tales verò gravitatem, densitatem, opacitatem aliquantam habent, ut lumen sorbeant & reflectant ad speciem, ut etiam ea re non longe infra se pigram illam totam nubium molem relinquant. Spiritus verò alii subtiliores & in confinium Elementi ignis subjecti, crepusculi radios non sentiunt, transmittuntque per suam raritatem irrefractos. Horum altitudinem nullis oculis videre possunt perspectivi; quia non possunt plus.

Ex talibus autem excellissimi illi Cometarum consistunt & densantur Speciem hæc responsio habet, sed introspecte an sit similis suæ fronti. Demus itaque spiritus ibi rariores, & longius fugere, quàm sequi possit humana acies, & exiis confertim stipatis coiri etiam Cometa. Materia tamen ista indubie multitudine gravata & densitate compressa recipiet pondus, & recidet deorsum facile ad nubium circumferentiâ: & hinc contra experientiam Elementaris Cometes nunquam longe apparebit ultra mediam aeris regionem. Veruntamen ut eum ibi sustineas, dices ignem esse, qui levior aere, etiâ illo qui rarissimus est in suprema regione. Si Cometarum ignis purus & sincerus, ac Elementari sub Luna similis esset, argumentum vires haberet: quæ flaccescunt jam ubi ignem qui terrestribus exhalationibus pascitur, magnam densitatem, & multum sæpe proni habere scimus. Deinde habeat Cometa multum rari & spiritalis ignis, qui sit levior toto Elemento aeris: materia tamen quam depascitur nondum est ignis. Ista saltem ergo pondere suo desidet, flamma superiori licet rursus expirante, Si reponant, tenuem & igneam spiritum omnes materiæ poros & venas intendere, & sustinere libratam in summo aere. Respondebo priusnam v. g. viventem & quæ omnibus fibris ignem bibit, recidere sursum abjectam per aerem, tamen apud terras longe densiorem. Et in materia etiam leviori, quæ venis & meandris intratum ignem conceperit, exemplum valebit. Deinde facilius longe est summum Cometæ corticem à Solè inflammari p. i. usquam in viscera ignis penetraret. Quo eventu flamma Cometam extrinsecus allambens, casum ejus sustentando non erit. Itaque ingentes Cometarum sphaeras & totæ Belgio magnitudine pares cœlo præcipitari videbimus, quod invisum hæctenus, quod inauditum, quod falsum. Nullum ergo in spiritali illo igne intra Cometæ venas spirante & luctante contra ruinam præsidium. Videamus an in Asylo hoc ignorantia, cœlesti influentiâ, majus.

Qui

Qui afferunt erraticam aliquam aut fixam à Cometa quandoque criniri sic ut coma videatur adhærere sideri, libenter utuntur beneficio hoc influentiae coelestis, quæ Cometam veluti habena divinctum gubernet, & sub eodem aliquandiu sidere retineat, ne huc illuc diffuset. Influentia vero ista est vis attrahens ipsius astri, qualis est in magnete ad ferrum. Itaque hæc eadem vis quæ Cometam circumducit, potest etiam sursum attollere & suspendere in illo inani supremi aëris. Spectosum id, sed fictum & fucatum plane gratis. Cum enim cuilibet astri spargi possint crines, quodvis etiam habebit vim attrahendi quemlibet Cometarum; cum omnes consent pari & unius temperiei materia: sic enim magnes quodlibet ferrum sine delectu sollicitat & trahit.

Quid igitur accidet? Cometam statim viciniore saltem omnes stellæ ad se rapiunt, diripientque certatim in infinitas partes. Ptolemæus opem hic Saturni contra me forte implorabit, qui Cometarum materiam à Marte potissimum & Mercurio elici putat; densari vero frigore an alia influentia senis Saturni, continerique ne diffuset. Sed nihil juvat bonus senex. Tota cœli quandoque diametro à Cometa distat: & nuper in principio Geminorum erat, cum noster Cometa in Scorpione. Tunc ergo influentia ejus debilior esset, lassata intervallo, laxiusque materiam retineret; quod non experimur. Immo Cometa noster quo propius Saturnum per Scorpionem retro & Libram admovebatur, eo magis materia carpebatur & deperibat. Deinde si à sidere suspenditur contra lapsum Cometes, cur non longius & ad fornacem ipsum cœli Lunæ abripit, cum influentia fortius & impressius trahat è propinquo? sed abjicio hoc telum, & alterum sumo in manum.

CAPUT III.

Argumentum 2.

A natura ignis fluxa & dissolubili.

ARgumentum hoc validum est, ubi præsertim Cometa non solo motu diurno cum primo mobili Occasum fluat, sed alio proprio in Ortum renititur, & elabit in Septentrionis aut meridiei latus: sic enim inter utrumque motum oritur rixa, quæ facile discorrem à se nec bene coherentem ignis materiam dissipat, aut diducet. Hinc Cometæ statim dissolutio, aut, ut minimû, mille materiæ vicissim figurationes, & turbatio profunditatis, quâ perpetuo in capite, nisi jã plane expirâs, notamus. Responderi potest, variari quidẽ capitis formam de orbiculari in quadratam, triangularem, &c. sed à nobis ob distantiam nõ sentiri: sic enim quadrangularis terris è longinquo visa, rotunda apparet, & angulos fuscelat. Sed hoc de nostro saltem Cometa falsum (si, ut volunt ipsi tam immani intervallo sit infra Lunam) nem per dioptricam arundinem sæpe rotundi & circumcisi capitis aspexi: cum per eandem tamen Lunæ verrucas & asperitates facillime deprehendam.

Quid ei go hîc dicent? Hoc forte, aut materiam ad instantino penè visco, ut sic dicã, coherere, aut exhalationes novas supervenire, quæ discidia hiantium rimarum repleant, vel novum etiam aliquando à fundamentis cometam restituant in locum dissipati. Sed, ut acutè **VIR CLARISS.** notatû, parti inferiori & fundo Cometæ immensa exhalationû viscosarû moles, imagedensæ nubis obtendi deberet, unde alimentû & supplementû Cometa trahat; & patiatur etiã sæpe Eclipsin. Reponent, ob rariatem à nobis, nubem illam non aspicio. Nugæ: quasi verò exhalatio uno alterove loco infra Cometam nunquam coeat & densetur, sed

sed solum præcisè ubi attigerit & adhæserit Cometæ corpus.

Bene etiam, CLAUDIO MINE, miraris, cur non latius Cometæ incendium, & in totam circumquaque materiam semel & simul se spargat, cur non etiam in aere potius inferiori incendantur Cometarum ignes. Hic enim certè materia terrestri & idonea ignibus sæpe laborat. Pro quo etiam ecce se mihi suggerit hoc argumentum. Exhalatio, quia corpus leve, volat à centro mundi versus circumferentiam directà linea quantum potest: ergo omnia puncta & atomi exhalationis à distantia æquali longitudine à centro, diversa lineæ cœlum petent, & paulatim magis magisque se laxabunt & dispergent, sic enim duæ circuli lineæ à contrariis etiam & proximè se adhærentibus circa centrum punctis eductæ, latius in diversum abeunt, quo propius admoventur circumferentiæ. Itaque exhalatio etiam quo altius scander, eo sensim magis relaxari necesse erit, & dissolvi in majorem raritatem. Igitur in inferiori regione densius ascendunt exhalationes, & coeunt facilius tenaciusque. In suprema rariores sunt, & calore inferioris regionis magis exustæ. In inferiori quoque & prope aëre, ubi præsertim quies à ventis, nihil est quod cœtum & confluxum prohibeat: ubi contra supra nubes æther in orbem & cœli sequelam incitatus, exhalationem inconfiliat & spargit, & quod etiam aliquid habet refert, exhalatio, nisi forte mole quandoque tardat præcedens non expectat subsequenter, ut possit jungi; velut in rota radius prior posteriorem.

Expectabimus ergo posthac non supra nubium formationem, sed capiti nostro imminentes Cometarum formas.

CAPUT IV.

Argumentum 3.

A scintillatione.

Scintillaret etiam, inquis, Cometes, si esset ignea hypostasis. verissimè. Sic scintillantes videmus ignes fatuos, & universos fere alios omnes. jactat enim se libenter flamma, res mobilis & inquieta. Videtur etiam aliquando vibrari & excurrere, quia pabulum sequitur, & vicina quæque allambit idonea igni.

Scintillationem Cometæ vertigo supremæ æ is ipsam & nubes interlabentes adjuvaret, & omnes illi exhalationum fumi quos circumvehat & ducit in orbem. In genere ergo Planetarum Cometam ponemus; quia simili, id est, quieta & tranquilla luce. Stellæ vero fixæ, tanquam cœlestes quidam ignes, scintillant & vibrantur. ut hoc argumento scintillationis, præter cætera variorum siderum, præcipue Cassiopeæ an. 1572. & nuperum Algolæ an. 1604. affixerint firmamento doctissimi Astronomorum. Acerrimam enim lucem vibrabant: ut etiam cum flagrantissimo omnium Cane contendere possent.

Negotium verò hoc totum scintillationis siderum difficile est, CLARDOMINE, si quid in tota Physiologia, & perplexum. Non Aristoteles, non Vitellio, non Alhazen, nullus ex ingeniosa perspectivorum cohorte ætenuis extricavit, mille tentavi vias, nulla satis ad id proficiam. Tycho Braheus, & nuperior Franc. Aguilonius iterum quorundam opinionem revocare conati sunt. Fixas videlicet in rotundo aliquo firmamenti acetabulo & lacuna perpetuo circum sua centra gyrari; & in crispum illud lumen torquere. Addit verò Aguilonius maculosas forte & lucis inæqualitate asperfas fixarum superficies; ut rapidissimè circa centra sua vertiginando,

nunc acrem & plenæ lucis faciem, nunc plagosam & fractæ nobis obvertant : & inde interruptio illa luminis, & species jactationis.

Planeta verò nullus se sic circa suum centrum rotat : ut de macula patere potest, quam Luna eandem semper ostendit. Scis tamen, quam hoc sententiæ non fa- veat, qui gyrum talem Soli suum centrum adseris, & illa scilicet ejus macula quam circumfert, & videmus migrare locum. Alii parvula quædam astra, & quantu- la forte quaterna illa Galilæi Medicea circa Jovem, vo- lunt circumvolvi Solem, & sublabendo maculare mobi- li & palante Eclipsi. Tu nativa macula & adherent lividum Solem mavis, & cum astro subjecto eam cir- cumagi. Ego si causa illa micationis fixarum non dis- pliceret, in Mercurio, Venere, Marte, qui sæpe etiam crispant suos crines, parem circum sua centra vertigi- nem lubens admitterem : certe decretio illa & accretio Veneris, nec Lunari plane ritu, non eam circa Solem tantum, sed circa proprium etiam centrum volvi satis instant, partesque perpetuo alias aliasque Soli obver- tere, quæ non omnes ad æque rapiant ejus radium. Si enim id non sit, nescio quo modo Galilæus Venerem in maxima à Sole digressionem semicircularem videri cum alias plenam debuisset : sic enim Luna impleta com longissime à Sole discessit. Jupiter apparet tran- quillior; etiam aliquoties vidi Venerem vespertinam in Piscibus nictantem, Jove juxta eam satis constanti & quieto. Saturnus verò placidissimus est, rigidæ plan- & immotæ lucis : ut singulis jam noctibus contempla- licet ex comparatione scintillantis oculi Tauri, à quo non longe abest in Geminis. Saturnus ergo non vide- tur gyron circa suum centrum; si motus iste lucem di- varicat, & speciem facit coruscæ nictationis, & alio- etiam argumentum habeo immobilitatis Saturni : de- cretio illa trium in ipso orbiculorum (de quibus in *Peregrinatione* nostra diximus) quos nunquam mutat perverit.

Itaque si audendum est, extremis Planetarum, Lunæ

& Saturno, ad imam volumen circa centrum : & quietem hanc causam habebo placidæ illius & fixæ lucis. Cæteri vero in medio Planetæ commune hoc habent cū fixis, perpetua vertigine circa sua centra rapi. & inde aliquando radium crispant & speciem præbent scintillantis. Minus tamen id faciunt quam fixæ, quia hæ forte rapidius circa sua centra citantur, & pluribus in orbem superficiei locis sunt inæqualis & plagosæ lucis.

Tentavi sæpe an hæc prima fronte ita blandiens opinio experientiæ & cælo responderet : & vidi difficulter posse. Inter omnia nil me sic alienavit, quam videre multis noctibus omnes fixas, ut Arcturum, Lyram, Canem, Spicam, oculum Tauri acerrime scintillantes circa Horizontem, imò toto fere arcu ascensionis usque ad Meridianum, cum vero huc, aut circa pertigerint, crinem incipere componere, & molli solum neofrequenti nictu vibrare. Video tamen alias an ratio aliqua optica hic non delitescat. Verumtamen si hac atione, siue alia quacumque fiat illa micatio & siderum lascivia, videmur hoc nacti, Cometam non de genere firmamento affixarum, aut ignem fuisse, quia non lubricæ & petulantis lucis, sed tranquillæ & æmulæ quasi Planetarum.

CAPUT V.

Argumentum 4.

A motu

Motum etiam nostri Cometæ advertisti, non pro igne sursum, sed circularem & cœlestem plane. Itaque non solo raptu primi mobilis ab ortu in occasum tractus & vexatus fuit, alias enim retro versus Orientem singulis diebus relictus apparuisset. Iam vero omnia sidera fixa versus Occasum prævertebat;

prævertebat; adjutus scilicet motu proprio à Meridie in Septentriones. Hoc motu Eclipticam & Equinoctialem transivit in Scorpione: & inde sub Serpentem & Coronam, per clunes, lumbos, brachium, sinistram manum Bootis, supra Ursam Majorem, per Cælurum Aequinoctiorum, in circulum Arcticum satis alte se penetravit, & ibi evanuit non procul à Polo. Si verò tota hæc via mente relegatur, inveniemus quadrantem amplius circuli majoris in Sphæra, & medium semper rectius Sphæræ cœlestis nostrum Cometam tenuisse. Similem motum habuit famosus ille Cometa anni 1577. de quo scripsit magister quondam tuus, vir ab eruditione immortalis, D. Cornelius Gemma. Visus enim primo fuerit supra caput Sagittarii 13. Novemb. anni 1577. (licet quidam visum affirmarent die 10.) & inde per manum sinistram Antinoi, & nares Equulei, in dextrum Pegasi armum ereptavit, ibique juxta stellam Scheat consenuit.

Cujus semitæ etiam filum, qui diligenter sequetur, segmentum circuli in Sphæra Majoris, & cælum in duas partes æquales dividendis inveniet. In hoc tamen disparilitas fuit. quod ille anni 1577. ab Occidente in Orientem, more Planetarum, motum obliquabat; noster vero contra, ab Oriente in Occidentem. Qui etiam celerior & incitator fuit, quia diebus 52. quibus duravit, longius multo spacium confecit, quam alter diebus 74. Hic quoque anni 1577. Signiferi limites non transiit: sed natus circa Tropicum Capricorni contabuit paulo citrà Tropicum Cancræ.

Si vero, quod verissimum est, Cometes noster, ut plures alii, à segmento circuli majoris ne vel latum unguem motu proprio exciderit; quis prudenter id existimet in pendulum aliquem, & instabilissimo aëris Elemento fluctuantem ignis nodum posse cadere? Incredibilis etiam est & nugatorius quorundam hic sensus. Putant enim non eundem esse Cometam qui de hoc in consequentem locum migret; sed alium aliumque catenatim renasci, versus hanc aut illam cœli regionem ma-

teriâ invitante, priori Cometa continuo à tergo denascente.

Quasi verò singulis momentis nova materia velut ex compacto sub eodem circuli magni filo perpetuo disponatur, eadem etiam quantitate & forma, ut Cometa eam inflammet, seque in filio per omnia simillimo centies millies amplius regeneret. Cur etiam semper à parte Cometæ anteriori materia præparatur? cur non retro? cur non ad latus? quæ causa veterem Cometam præcisè sic interficit, ut recte aboriatur & dispareat cum exoritur novus? cur non 2. 3. 100. permanent & videntur simul?

Itaque Cometa noster supra totum terræ quadrantem, ut verè C L A. R I R asseris, ab Indiis ultra Æquatorem, per immensa marium spacia, per Gallias, Belgium, Daniam, Nortve. i. m., ad ultimam Thulen & gentes Polo subjectas, idem prorsus, & ipse non per intermedios vicarios pervenit. Hinc si per alia argumenta opinionem Aristotelis retinere liceret, equidem intelligentiæ alicui ex iis quæ Elementaribus præsumunt, necessario huic motui destinarem. sic enim omnia prona fuerint & facilia. Angelus enim occulto fine, vel ad terrorem mortalium & pœnitentiam de peccatis, sub eodem arcu circuli majoris exhalationem agere potest, materiamque continere ne se spargat, aut aliam etiam è propinquo sufficere, si prior deflagrare cœperit. Quia verò subitaneus hic ignis est, & in significationem ac finem non longum assumptus, finit paulatim & minutatim carpi dilabique Angelus; donec more naturæ a libi usurpato, senio quasi contabescat. Verum tamen quæsitum hoc & violens forte videatur, nec satis Physicum. & si intelligentiæ opera placet, probabilius profecto in cœlum Cometam evehemus, ut ibi in siderum æternorum cœtu à cœlesti intelligentia rotetur, solemniter nec tam miraculosè. Non enim bene quispiam exemplum novi sideris huc trahat, quod olim Magos duxit ad locum natalem Christi.

Licet enim Cometam Origenes appeller; ut etiam Poeta ille pius Mantuan.

Hac quoque nocte Magi clarum videre Cometem.

Tamen abivit à lege cæterorum: qui primum Astrologis illis in Oriente conspectus, deinde subito Hierosolymis; unde dux in Bethleem factus. Fuit autem is è materia forte sublunari, aut, ut puto verius, cœlesti, & quali stella anni 1572. cujus etiam instar fulgurabit & lasciviebit flammis. Fuit autem, ut videtur, humilior nubibus, cœlisque detractus, (quod fieri posse cap. 7. patebit) & ab Angelo, divino nec ordinario jussu per aerem gubernatus; si namque in nubibus aut supra constitisset, non facile notari potuit, an stabulum ubi puer jacebat, an quamlibet aliam è toto Bethleemitico oppido domum designaret. Mirum ergo non est, si ab Angelo specialiter circumlatus fuit, qui ad rem tantam factus erat; quique terræ plane propinquus, loco cum nostris Cometis non consentiebat. Adde quosdam S. S. Patrum existimasse non stellam aut Cometem, sed Angelum imagine stellæ sapientibus illis apparuisse: quod forte tamen etiam eodem penè redibit. Quid enim aliud potuerunt velle, quam sphaericum aliquod è materia cœlesti an Elementari corpus ab Angelo de formatum, quod accensum radiis forte solaribus, subiret & veluti animaret Angelus? nisi fortasse etiam, dum cogito, putarint intelligentias esse corporeas, & aliquam divino imperio densasse aereum suum corpus, ut radios Solis plenius biberet revibraretque instar fixi sideris & coruscantis. Quicquid tandem fuit, miraculum grande fuit, nec temere fluctandum in præjudicium naturalis & quotidianæ Cometarum generationis.

vi

CAPUT

CAPUT VI.

Argumentum 5.

A barba.

Cometarum caudas, sive ex barbæ, subtiliores exhalationum crines hactenus cum Aristotele putavimus: satis simpliciter. Siquidem oculos jam satis aperio. Cur enim semper averſæ à Sole, si ita est? Certe exhalatio illa Cometam criniens adversus Solem etiam quandoque erit. Cur enim non poterit? immò facilius id eveniurum: quia latus Cometæ propinquius Sol intentius luminans, etiam rarefaciet, & disperget in crines. ac ita frequentius à parte Solis Cometa caudam aut barbam promitteret.

Aliter tamen prorsus videmus: & doctiss. Petrus Apianus in quinque Cometis ab anno 1531. ad annum 1539. à se visis notavit, caudas semper à Sole averſisse: Solemque caput & caudam Cometæ in eodem circulo maximo disposita fuisse. Idem in octo Cometis eruditiss. Gemma Frisius observavit, & Cornelius filius in Cometa anni 1556. & sequentibus. Idem Fracastorius, Cardanus, Jul. Scaliger, & antiquior, Joan. Regiomontanus. Deinde, si cauda subtilium exhalationum ignis quidam est: sursum potius rectâ lineâ nitetur, quo levitas ducit; non vero exhibet per latus, licenim subtilior flamma rogi directâ in cœlum exhalat.

Si dicant non patere flammæ exitum, nisi ubi materia spiraculum aperuit, ut videmus in fornacibus. Respondet non habere id locum in materia Cometæ, spongiosa & ab igne rara, quæ qualibet se potest expirare. secundo, spiraculum Cometæ non semper esset in latus. tertio, non semper à Sole averſum. quarto, extremitas caudæ semper jactaretur, & tandem sursum resurgeret.

Vidit hoc forte doctiss. Regiomontanus, ideoque caudam sursum semper elatam demonstrare est adnixus; & jacentem apparere fallaciâ visionis. Sed fallitur profecto ipse, & ratione Optica abutitur: quod pluribus persequi longum, nec pro modo scriptiunculæ hujus.

Aliter fortè dici potest, & caudam illam spargi immediate sub concavo Elementi ignis, nec scandere altius; quia ignis alius levior supra est, qui locum illum jure suo defendat. Sed hoc etiam vanum. Si enim Cometa per verticem se exonerat, & igneus illæ caudæ rivus à concavo Elementi ignis levioris reflexus, in longum refundatur, faciliè notabitur ille fluxus, motusque & agitatione continuâ sese proder.

Secundò, Cometæ caput, utpote ob gravitatem caudâ propensius, propinquius nubibus & medix Regioni erit: c proinde portio illa caudæ & thyrsus à capite ad Elementum ignis directus in cœlum erit. Denique si quis unquam alius, hic noster Cometa exhalationes illas caudæ refutavit. Non enim flagrantem in aliqua materia ignem referebat; sed radiorum per caput tractorum claram imaginem; per quos etiam minimas stellulas faciliè sæpe vidimus: ut illas sub Benenack & caudâ Majoris Ursæ, sextæ magnitudinis.

Id etiam clarissimè deprehendi, ubi nocte horâ octavâ, nonâ, decimâ, & porro nullum barbæ vestigium circa U. sam ubi manè videram, apparebat: quæ solum post mediam noctem & Sole in Hemisphæritum nostrum resurgente, formari pallido quodam & tenui radiorum tractu incipiebat: qui magis tamen magisque ex viciniâ Solis adventantis incendebantur. Hoc argumentum vix puto ulla specie posse eludi. Itaque barba illa planissimè radii solares per caput Cometæ transverberati erant, ibique ob materiæ densitatem refracti, & sparsi deinde in barbam. Quicumque ergo
Cometæ

Cometæ post occasum Solem supra Horizontem relin-
quuntur, ut ille anni 1577. alique plures, caudati sunt,
non barbati: quia crinem in Ortum aversum à Sole diri-
gunt, & cum raptu primi mobilis inde ad Occasum
fluant, capillus est retro, ut solent caudæ. Qui vero ma-
ne surgendo Solem prævertunt, comam in Occasum, ut
postea, avertunt, & habent in mento, nisi velit eos quis-
piam cauda antecedente surgere, ut olim in antrum
Cacus tractabat vaccas.

Notandum tamen, immò mirare potius quod eru-
ditiss. Tycho deprehendit. In duobus anni 1577. & 1580.
Cometis caudas non à Sole directæ, sed à Venere fu-
isse averfas. Quod nescio satis, an idem statuere velim
in nostro. sexto die Decemb, quando barbam fundebat
inter Arcturum & sinistrum genu Bootis, Sol erat in
14. gradu Sagittarii, Venus autem circa finem Cap. icor-
ni in 29. ejus gradu, ergo hæc amplius sesquibgno lon-
gius, à capite Cometæ distabat quam Sol. ut ne quidem
sit affine vero, ipsam potius quam Solem, tam densum
radiorum fascem per Cometæ caput trajecisse; præser-
tim in tanta ejus apparenti parvitate; & utut etiam ve-
rum sit, Lunam inter Solem & Venerem mediam, ab
eâ evidenti luce perfundi, in parte illuni & averfâ à
Sole, nec valde etiam refert Venerem 6. die Decemb,
circa Eccentrici perigæum, & terræ vicinam fuisse, quia
in maxima depressione, & ubi visibilem disci diametrum
valde laxat, decimam solum partem visibilis diametri so-
laris adæquat. Itaq; dico, etiamsi barba non directissimè
à Sole averfa spargeretur, radios tamen Solis esse, non
alterius cujusvis errantis aut fixi, qui per Cometæ oc-
ciput cuneati mento aut ore vomebantur. Quod autem
aliquando non recta, ob variam in cerebro, ut sic dicam,
Cometæ radiorum refractionem accidit.

Substantia enim capitis Cometæ non uniformis
densitatis aut opacitatis est, nec perquamlibet circumsc-
rentiæ partem æquè expeigi possunt. velut enim rimis
quibusdam alicubi dehiscit, quas replet materia rarior.
Hæc radii trajiciuntur facilius, quam ubi sese densat.

& inde est, ut divisæ quandoque radiorum lineæ appareant: quæ ita etiam fortè in orbem hac illac à centro exilire & rebullire possunt, ut circumferentiam capitis coronent. Licet tamen non immeritò **VIR CLARISS.** dubites, an comantes undique quis unquam viderit Cometas, & suspicaris sidus semper aliquod fuisse, quod radiis propriis in subiecta nube refractis se coronaret.

Sic Aristoteles olim Caniculæ coxam, sic nos ipsi nuper Venerem comantem aspeximus. Erat enim hæc **Perigæa** & specie ampliori. nubes etiam tenuis suberat, in qua nonnihil inflaverat crines: Quia vero Cometæ nostri tempus, & omnium oculi in cælum erant, quidam qui vix unquam forte alias nocte suspexerant, Cometam alterum diffamant. adeo qui dicebatur vidisse hoc miraculum, peto ubi? quando? Ibi, inquit, ab eo, & rideo Veneris etiam à me visæ fucum. Possunt etiam simiæ & spadones generari Cometæ, id est, sine cauda, & imberbes.

Primò, quia materiæ forte opacitas trajectum radiorum sustinet; sic enim in Planetis videmus, quos Sol altrinsecus illucens, nullas tamen iis caudas annexit.

Secundò, quia à Sole tota cœli diametro distans, ac ita caudas sursum à nobis avertunt. sic enim fit ut caput Cometæ objectum caudæ obstat, ac partim ipsa etiam cauda elatior capite, altitudine oculum fallit. Ita Cometa anni 1585. è regione Solis rotunda facie, & præcisus undique sine cauda aut barba fuit: atque alii anni 1580. & 1582. quanto propius Solem accedebant, tanto prolixius caudas educebant. Aliter tamen longe noster, qui ubi Tropicum æstivum exivit, longius promisit barbam, quam ante, magis tamen admodum Solis. Et hoc vehementer firmat quod statim dicebam. Cometas esse fungosi capitis, nec densitatis uniusmodi. Fieri ergo potest, ut motu tam Cometæ quam Solis variam faciem obvertat Soli. Itaque aliâ hoc tempore viâ radii penetrabunt, & faciliori quaque longius evi-

brentur.

rentur: quod alio brevius tantum poterant & difficilior. Ex hac etiam doctrina forte patere potest, cur nunc recta, alias, & plerumque falcata sit barbarum longitudo: & cur noster principio convexitatem obtraheret Septentrioni, postea vero concavum. omni enim tali verè schemate fortassis exire & inflecti aut dirigere radiorum lineæ possunt.

Quidam tamen rectas omnium universe Cometarum caudas sciscunt, & oculum falli, cum judicat detorqueri, quod ideo accidit, quia caput & extremi barbæ crucrones non sunt in pari distantia à terra. Demonstratio apud Vitell. libro quarto, capite trigesimo primo, quæ longa est, & alias inspiciemus. Exinde etiam colligi potest, non esse valde timendum caudæ ab Eclipsi, si contingerit Cometæ caput è diametro fere opponi Soli. Caudatus enim, quod saltem videre liceat, non erit, aut valde accincte, frustumque illud caudæ altius ipso capite est futurum. Si ergo caput umbra terræ non extinguatur, quod est centro mundi propinquius, minus multo caudæ Eclipsin inferre poterit. Stet itaque ratum fixumque barbas Cometarum caudasque lumen Solis esse radiatum per caput.

CAPUT VII.

Distantia & magnitudo Cometæ.

Quid ergo Cometâ jam faciemus? si non è materia sublunari est, ex qua igitur, & ubi? In primis tecum, CLAR. VIR, materiam cœlestem facio, & pono tamen infra Solem. Illud probatur, quia materiatus erat non ab Elementari, ut tamdiu jam asseritur, ergo à fiderea materie. Istud etiam affirmare possum vel de rudi inspectione per Batavicam arundinem.

Barba

Barba enim valde ad orificium tubi se inclinabat ut Luna fere solet, capite interim satis impertinaciter collis adhærente, uti fermè Sol aut Venus. Hinc autem elicio barbam terris quam caput fuisse viciniorem; hoc tamen infra Solem. Ut ergo barba promitteretur infra caput, Sol excelsior fuisse debuit, ut à vertice fermè per mentum ei radium trajiceret: quod non sic fiat, æquali à terra distantia fuisset, aut inferiori. Eodem argumento caput Lunam superavit: quia, dico, in tubum contumacius se demittebat.

De parallaxi, unde altitudo ejus tenuius inquiri potuit, inopia instrumentorum, non possum certi aliquid non videtur fuisse valde magna, nec quanta in Luna apparet: & si in aëre longe etiam ultra nubes fluctuasset sine ullo instrumento parallaxim aliquot indubie gradus apertissime oculis ingessisset. Itaque hic ego certitudinem aliquam à nostris Germanis brevi expecto quam in subitanea hac descriptione non promisi. Libentissime tamen omnium doctiss. Joan. Keplerum audiam Principem hodie in Germania Copernicanorum, qui Cometam etiam an. 1607. cum injuria curiosorum in scriniis suis tenet, cum jam dudum videre debuisset lucem.

Sed de Copernicanis quid ex te nuper intellexi VIR CLARISSIME? Ab uno aut altero anno damnatos à Sanctiss. D. N. Paulo V? Hactenus mihi inauditum. inauditum tot hodie per Germaniam & Italiam doctissimis & Catholicis, uti puto, viris qui terram cum Copernico volvunt.

Tantum etiam temporis interlapsum nihil amplius rumoris sparsisse? vix credam, nisi certius quid nobis venerit ab Italia. Tales enim definitiones publicanda maximè per Academias, ubi viri docti, quibus talis opinio forte periculum. Nam vulgus non facile adducatur, ut se cum terra rotari, firmamentum quiescere existimet: non etiam si fere Pontifex id constitueret. Cum nuper similis mentio forte in j. etia esset, Rusticus aderat, & audiens à me, esse qui terram rapidissima vertigine spacio viginti quatuor horarum, cum omni-

as in superficie habitantibus, circa centrum torqueri
 Bererent. Ita, inquit, profecto: & nesciebam, cur mihi
 quando sic caput vertiginaret, maximè quando pin-
 ni cerevisia liberalius me invitavi. Simili etiam mente
 Magnus noster Lipsius libro 2. Physiol. c. 19. cum Py-
 rgoram, Philolaum, Hicetam, Aristarchum, Seleu-
 um, Cleanthem Samium, Leucippum, terram movisse
 xisset: *Vides, inquit, deliria. quomodo aliter appellem?*
ut quid in ista inquiram? etsi (tantus paradoxorum as-
or est) etiam patrum avo nobilis Mathematicus (Ni-
ol. Copernicum haud dubiè intelligit) hanc haresim
excitavit, sed cum ipso sepultam. Falleris vir imagne: vivit
 viget etiamnum apud multos. Si tamen Pontifex ter-
 ram stare, cælum circumagi decrevit; & hoc ad spiritu-
 em Reip. Christianæ gubernationem pertinere puta-
 t, credo Scripturam sacram adspexisse, Josuæ præser-
 m 10. & Eccles. 1. Ibi enim Sol cursum primi mobi-
 lis abruptisse dicitur, hic oriri & occidere, & ad locum
 um reverti, gyrare se per Meridiem & flectere in A-
 quilonem. Quo nihil evidentius, si Scripturam in ri-
 gorosissimo sensu accipis. Quid ergo ad hæc possunt
 Copernicani? Dent manus, aut forte hoc. Scripturam
 communibus quandoque hominum conceptionibus
 obsecundare. Dixisse terram stare, Solem gyron; quia
 sic plane videtur. hæc loquendi formula dixit Viigili-
 nus Æneas:

*Provehimur portu, terraque, urbesque
 recedunt.*

Spiritum Sanctum noluisse scriptori sacro naturæ
 hoc secretum revelare, & locutiones si permisisse qui-
 bus tropus aliquis reddat veritatem. Sed talis ego
 interpretamenti non facile sim auctor. quæ enim
 necessitas? præsertim ubi Eccles. capite 1. sic
 de motu Solis loquatur, ut fluminum meatibus;
 qui veri sunt, nec solum apparentes. Hic
 itaque Scripturæ modus acriter Philosophos illos
 Samios

Samios stringit: & speciosius reliqua dissolvam, quæ contra nectimus.

Sed ad Cometam. Dixi jam fuisse supra Lunam, sed quam longe, nec ego nec ullus mortalium facile affirmet. puto tamen ex exiguitate parallaxis semidiametrum terræ, quæ est circiter 860. milliarium Germanicorum, non fuisse valde sensibilem, si compares ad ejus altitudinem. Cometa anni 1577. ab Astronomiæ tunc Principibus 210. forte terræ semidiametris ab oculo spectantis, in initio sui ortus quando terræ erat vicinissimus, dividi judicatus fuit; id est, mill. Germanicorum communibus (quorum scilicet quodlibet 4000 pass. amplectatur) 180600. Erat ergo triplo altior Lunari orbe quam hic distet à centro terræ. Ex veriori enim Copernici mensurâ removeretur fornix Lunæ à centro telluris tantum 52. semidiametris, id est, mill. Germanicorum 4720. quid ergo si dicas cum Ptolemæo removeri solum triginta tribus semidiametris? Deus immortalis quam immani & insano intervallo Lunam deorsum reliquerit! Itaque ultra Venerem orbem suum duxit; licet eruditissimus magister & prædecessor tuus Cornelius Gemma in cœlum Mercurii depresserit. Non difficile tamen aliis conciliari poterit, si omnes Planetas circa Solem convertere suos motus, & respicere per modum centri asseramus: quod affirmant doctissimi plerique, & experientia vehementer consentit. sic enim fieret, ut quia Mercurius proxime Solem, deinde Venus, & denique Cometa ille tertius ambi-verit, Cometa nunc Venere & Mercurio altior, nunc depressior utroque aliquando fuerit. Sed horum intellectus à nova illâ celestium orbium dispositione penderet; de qua alias. Non existimo autem Cometam nostrum illo anni 1577 longe fuisse humiliorem. Caput tamen brevius, nec, ille, septem minuta in diametro visibili habuit, & miliaria Germanica in cœlo trecenta sexaginta octo. Detrahe ergo fortasse tertiam partem, relinques adhuc pro diametro nostri Cometæ ducenta quadraginta tres mill. Germanica.

Longitudo

Longitudo caudæ illius anni 1577. fuit in cœlo terræ semidiametro rum nonaginta sex, id est, triplo major distantia Lunæ à centro terræ, si sequimur mensuram Ptolemæi. Cauda tamen nostri duplo prolixior erat, & adhuc sex gradus adjiciendi.

Quid ergo jam censebimus? Sphæræne Cometarum Planetarum orbibus interseremus, & cum Senecâ in æternis naturæ operibus, nec nasci aut denasci, sed ut reliqua sidera abire, redire ad suum diem Cometas putabimus? Ita plane, si cœli infra firmamentum è solido mihi concreti.

Certè enim id probabilius imaginatione Appiani, qui ex conspiratione radiorum Solis aliorumque aliquot aëtherum se in aliquo densiori sphæræ cœlestis nodo dissecantium vult formari Cometem. sæpissime namque sine Cometa accidunt tales intersectiones: nec hac via Cometarum motus unquam expediet.

Plus aliquantulum coloris habet Cardanus (plenissimis buccis rideat Jul. Scaliger) qui pellucidos materia cœlica globos per alia sidera spargit, ut radiorum Solarium transverberatione accendantur in Cometas, & ducant caudam.

Sitamen probabiliorē huic opinioni speciem quis dare velit, jungenda est prior; & auferendi quandoque in altum extra humanum conspectum, alias inclinandi ad terram illi globi.

Fracaſtorii autem cœlum Cometarum infra Lunam nemo jam retinet, cum hodie & omni ævo Cometæ & sidera alia nascantur supra Lunam. Itaque ego totum à terra ad firmamenti fornicem intervallare spatium tecum, VIR CLARIS, affirmo liquens & nullo solido orbe præter nudos & simplices Planetarum globos instructum. Hoc enim, ut recte à te monitum, vel solæ ipsæ hæ Cometarum ibi generationes impressæ deserunt; præter errantium lascivos & ambagiosos in
athere

æthere illo lusus, quos duplici, triplicique aliquando epicyclo vix satis expediunt.

Obscœnus enim aliquis Cometa & Planetarum simius tanti non est, ut cœlestem sphaeram & cœlum totum natura ei quo circumduceretur, machinata fuerit. Non etiam videtur ad constitutum, ut sidera solent, reverti ullus Cometa, nulla lege oritur, nulla conditur, nunc perpetui aliquot anni talibus monstris infames; alias multi interlabuntur, cœlo nihil minante.

Ab anno 1558. ad 1577. Cometa nullus visus: nam stella anni 1572. fixa fuit, nec de Comerarum classe, postea annis aliquot satis dense insecuti. & nos præter hunc, quod equidem sciam ab anno 1607. nullum adspeximus. Duratio incerta adæque. Nullus tamen citra 7. dies, nullus ultra 180. id est, dimidiatum annum, vitam traxit. Nam flamma illa quam Josephus supra urbem Hierosoly. ante excidium annum totum pependisse narrat, non Cometa indubie, sed prodigium majus fuit. Ut enim certo terræ loco imminere videretur, deprimi valde debuit, immobilis etiam erat: unde in supremo æthere non steterit, secutura alioqui raptum primis mobilis. Igitur citra nubes in materiâ terrestri & exhalatione arsit, quam identidem deficientem subministrato novo pabulo recreabat Angelus. Formam gladii etiam habuit, quod non solent Cometæ; & ut appareat à Deo destinato figuratam, ut de exitio admoneret, & converteret ad poenitudinem.

Itaque de Comerarum orru, parum adhuc explorati hætenus vidimus, & Astrologorum prædictiones in magna vanitate & sæpe fallaces. Habeo igitur quod de stella Sagittarii an. 1604. mense Octobri dubitem, an à conjunctione Jovis & Martis in illo signo fuerit; an altera Cassiopææ an. 1572. à magna conjunctione, cui intra 800. annos similis coire non potest, quæ anno demum 1583. evenit: Pari fortasse ratione, Comeram nostrum conjunctioni Veneris & Jovis 15. Januarii anni hujus 1619. quis referat acceptum. & colorem

res haberet, si immediate prævenisset Cometæ ortū, aut si refecisset senescentē jam plane & defectū. Nihil autē horū fuit. Venus suū Jovē convenit, nec tenuiter spirantes adhuc Cometæ reliquias recreavit, video effugium, in benignitate blandissimorum Planetarum, quibus invisa diritas Cometarum. Itaque conjunctio hæc perniciē potius Cometæ nostro festinavit, & impulit diutius fortassis alias inclinaturum. Sed hæc arbitraria sunt, & quanta plurima quisque pro ingenio non difficulter confingar.

Nihil ergo (iterum dicam) de Cometarum generationis tempore certi, nihil comprehensi. Nascuntur subito, fortuitoque (nec tamen nego stellas huc aliquid adferre) ac deinde statim consenescent, ut multa in his inferioribus. Sed ex qua materia? nam de causa efficiente, dictum ante, potissimum esse Solem, qui radio Cometæ caput inflat & extendit in caudam. De materia præcipua, & immensa difficultas Copernicani, forte dicant ex omnium Planetarum corporibus spiritus exhalari virtute Solis, ut in terra experimur, quam cum Pythagoricis faciunt octavum Planetam. Itaque sicut Copernicus terram circa suum centrum, nubesque & exhalationes, & quicquid cum terrâ & aquâ cognitionem habet, motu circulari & eo naturali volvi sciscit, ita forte omnes Planetas (excepta tamen Luna) cum exhalationibus in circumfusum ætherem ex corporibus eorum elicitis, rotari naturaliter circa Solem, ut suum centrum velit. Imo hoc asserere potes, licet Copernicanam mundi ordinationem non totam probes.

Nam licet terram in centro universi stabilias, est tamen valde verisimile, omnibus Planetis (excipio semper Lunam) circa Solem, motum proprium & naturaliter ire.

Mercurio & Veneri proxime (& hinc tam primum discedunt à Sole, nec eunt circa terram) ut vidit
F olim

olim acutissimus Copernicus : remotius Marti, Jovi Saturno, qui etiam intra limites propriæ periodi terram intercipiunt. Si igitur in Planetis corpora patibilia cogitemus, & quibus aliquid, uti terræ & aquæ, detrahi & exhalari possit, hinc forte materiam reperiemus pro Cometis. Nec enim detrimentum in tanta distantia oculis sentiremus; uti nec terram sub pedibus minui, quæ tot tamen ubique spiraculis, & totis *Ænæ*, Vesuvii, & alibi terrarum caminis in auras se expirat, & quis etiam scit, an paulo minores & breviores orbiculi, quidam Planetarum jam quam olim? quis è vicino arbitratus est, an nihil de spherica perfectione mutilatum? certe exasperatam verrucis, collibus & montibus totis Lunæ superficiem deprehendimus. & de Venere etiam forte an probabile, quam heri 29. die Januar. tecum CLAR. DOMINE ET CLARISSIMIS AC ERUDITISSIMIS FRATRIBUS SEXTIIS, instar Lunæ evidenter corniculantem adspeximus. Cœlestes ergo illæ exhalationes secutæ naturam Planetæ unde sunt extractæ, naturaliter currunt in orbem circa Solem, donec radiis ejus in purum & liquidum æthera dissolvantur. Sed hæc ægroti veteris somnia dicent, & Anticyras me sine capite mittant, quæ una quam à Præceptoribus olim acceperunt, opinione pleni, nec ultra curiosi, rident tantum, si quis novi aliquid audeat pro veritatis inventionem. Et profecto tamen ipse plures difficultates. & remilignes in hac via provideo; quam ostendam. Aliud ergo tentemus. Quod si dicas cum quibusdam ætherem supra Lunam, liquidissimum licet & solutissimæ raritatis, alligari tamen quandoque frigore aut alia influentia velut in nodum qui deinde radios Solis excipiens nec tolerans diu, paulatim relaxetur, & se refundat in ætheriam & liquidam qualitatem. Motus vero circularis ei naturalis, quia æther unde illa materia diversæ speciei est à corporibus elementaribus, & cui proprium & naturale in orbem agi. Sed quid sibi vult, quod Aristoteles, quod alii plures, omnes Cometas, omnes novitias stellas in Galaxia, aut circa

tant primum exoriri? An inde materiam trahunt? Adeo quidam id adferunt, ut lacunam instar semilunæ adverterint in margine viæ lactæ, ubi stella illa anni 1572. fulgebat, in asterismo Cassiopææ; quasi materia ibi abiisset in stellam. & vere cur non plures stellulæ quibus tota stat & distinguitur tenuibus intervallis Galaxia, potuerunt in unam ampliorem confluisse? cum vibrationem acerrimam illius sideris cogito, videtur ex alia materia non concrevisse. Nostrum etiam Cometam non existimo natum, ubi primum vidi, sed longius, & extra Tropicum hibernium in ipsa Galaxia juxta seram & sub cauda Scorpionis: inde enim recta ascendebat. & inde factum, ut in Meridie citius adspici valuerit, quam in Belgio. Hac opinione ponenda est Galaxia non firmamenti pars, sed velut annulus quidam plurimis stellis, ceu gemmis distinctus, in æthere pendens inter Saturnum & firmamenti fornicem. Hæc autem præcinctio solutiles est, & pati alterarique potest à Sole & aliis astris. pars ergo ejus densatur quandoque & gravatur ut in vicinum ætherem defluat, & cum Planetis ibi ducere chorum incipiat.

Corpus enim omne cœleste orbicum motum amat, & puto à propria forma tam naturaliter gyrari, quam lapis ad terram superne præcipitat. Et sicuti lapis etiam ab hac aut illa circumferentiæ cœli parte quacunque linea recta deorsum æque ruit: ita cœlestibus corporibus perinde & æque naturale ab Oriente in Occidentem fugere, quam ab Occidente ad Ortum circulariter reverti.

Itaque illuc feruntur, qua primus impetus inclinavit. Quia vero Cometæ non bene compacti, nec sitis coherentes, paulatim digeruntur radiis Solaribus ac rarefiunt; & tanquam à loco naturali peregrini sursum resurgunt. Experientia enim docuit altiores fieri, quo longius à die sui ortus recesserunt. Et hinc est, cur in initio accelerare proprium motum, tanquam viciniorestriæ, ac deinde circa senium, quia recta fere sursum

76 LIBERTUS FROMONDUS.

reniuntur, tardari videantur. Unde qui solidos iis orbes queis, ut Planetæ ceteri, circumeant, etiam epicylis dignati sunt: quia directi in principio & properantes, deinde stationarii & nil aut vix promoventes apparebant.

Favente ergo generatione Cometarum ego quicquid cœlorum infra firmamentum est natura corruptibile censeo, & factio quandoque aliquid inde eo rumpi. Ut tamen in his Elementaribus quædam metalla & lapides nullis ignibus violari possunt: sic Planetæ tanquam durissimi & excoctissimi à natura adamantes injuriam omnem respuunt & detractationem. Non ita liquidum illud in quo circulantur ætheris æquor, non ita Galaxiæ materies, imbecillæ nec satis cohesæ firmitudinis. Aut certe si ætherem substantialiter corrumpi displicet, da saltem rare aliquando fieri, & ad densari; & nihil ultra pro Cometis postulo. quidni autem alteratio talis in incorruptilibus tolerari potest in cœlo præsertim, ubi partium etiam ejusdem speciei altera rari & tenuioris filii, altera densata in stellæ orbem? Gelatur ergo quandoque in Cometam æther, & pro materiæ alligatione ac densitate longius edurat aut maturius dispergitur. Indidem capitis etiam ac barbiæ tam varia coloratio; prout opacitas radium Solis adstrinxerit, ut resolverit transparentia.

Breviter ergo Cometa peregrinum in Regione Planetarum sidus est, cohesum de substantia ætheris, & circulum in Sphæra, majorem, ut Planetæ à propria forma (vel alliga intelligentiam, si vis) describens.

Non ibo jam longius (videbo quid alias factururus: & redeo ad alia studia quæ hoc labore diu aliquot intercalavi. Fasce etiam longiore me levasti CLARISSIME DOMINE, probandi liquiditatem ætheris usque ad firmamenti cameratationem; quod egregie profecto fecisti immissa etiam satis alte in Theologicam nostram non semel falce.

CAPUT

CAPUT VIII.

Præfagia Cometarum.

DE Cometarum præfagiis largiter à te dictum **CLA-**
RISSIME VIR, ut nesciam quid fere possim adne-
 scere. itaque breviter hic & accincte me habebo.
 Mira Germani, aliique de antecedentium annorum
 Cometis vaticinati sunt, plerumque falso.

De stella illa anni 1572. quam timenda, quam para-
 doxa! alii, mundum ad metam certissimo venisse, &
 Antichristum jam jam è Moscovia adventantem, cui
 stella erat verticalis. alii generalem saltem Reipublicæ
 Christianæ conversionem (& scio id favori Lutheri da-
 tum,) quam tamen soli visuri essent, qui annum Christi
 1532. alii Chymeras alias, & nugas mage majores
 confinxerunt. Totidem de altero novo sidere possumus,
 quod an. 1604. emicuit in Sagittario. Et ut habeant, quo
 sibi placeant tunc nati, doctissimi hodie viri Iovem la-
 pidem jurare audeant, gloriosissimum Monarcham &
 Alexandro Magno, Cæsari aut Hannibali parem, terra
 & celo consentiente exortum simul.

Sed de Cometa hoc nostro quid dicimus? Video, ut
 jam inclinant, majorem belli subitum infamiam,
 quam alterum qui anno 1607. civilium armorum indu-
 cias nobis tulit. Si fixas etiam considero ubi noster diu-
 issime hæsitavit; Urta Major est, & posteriores Draco-
 nis. malignæ omnes, & de crasi Saturni, ac Mutis.

Et ut magis palleas, 29. Novembr. cum primum Lo-
 vanii Cometa visus, Martem in 19. gradu Virginis no-
 avi, directum ac præcipitem, & plane festinantem Co-
 metæ occurrere, aut Colurum æquinoctialem occupare.
 Saturnus etiam in 4. gradu Gemin. sanguinolentus &
 insolenter rubeus radiabat. Hoc tamen me recreavit, vi-
 dere optimum senem retrogradum, & totis quantū ætas
 crebat, viribus à Cometa refugientem. Et si quid ex aliis
 Planetis elicias. Sol in 7. Sagittarii, Jupiter in 29. Aqua-
 ri, Venus in 23. Capricorni, Mercurius in 19. Scorpio-
 nis erant. Vide etiā an nihil hoc ad rē faciat. Saturnus

78 LIBERTUS FROMONDUS, &c.

Astrologis pater Agricolarum, tristium, voracium, mendicorum & infelicium. Jupiter Magistratum, secedotum, divitum, & jurisperitorum. Mars Ducum, militum. Sol regum, Principum, & aulicorum. Venus hominum otiosorum, Musicorum, coquorum, & Poetarum. Mercurius Thesaurariorum, Secretariorum, Medicorum Philosophorum, Rhetorum, & omnium Scriptorum. Luna Nunciorum & nautarum. Quid ergo jam Saturnus à Cometa timidus & regrediens? An Agricolis uti solet, mendicis, ac miseris omnibus præcipue incumbet ista lues? Quid nos etiam in Mercurio nostro sub radiis Solis obscurati latebamus? diæturiebam aliqui premotamen: tu CLAR. VI R, unam unciam veritatis per calcinationem aut sublimationem Chymicam nobis extrahe ex hoc Mercurio; & sicubi tota hac celerari & festinata scriptione lapsus corrige.

Ex Musæo nostro Falconensi 3. Calendas Februarii
as, C I O. I D C, XIX.

Claritudini tuæ devotissimus

LIBERTUS FROMONDUS

THOMAS

THOMÆ FIENI
DISPUTATIO

*An cælum moveatur & terra
quiescat.*

AD GENEROSOS
ET
NOBILES VIROS
D.D.

THOBIAM MATTHÆI
ET
GEORGIUM GAYS.



Cælum moveri, & terram quiescere probatur; primo, auctoritate: nam præterquã quod illud asseruerint Aristoteles & Ptolemæus, eosque unanimi consensu fere omnes Philosophi & Mathematici sint secuti; excepto Copernico, Bernardo Patricio, aliisque pauculis, manifeste testatur sacra Scriptura, duobus saltem locis quos ego vidi. Etenim capite 10. Iosue habentur hæc verba. *Steteruntque Sol & Luna donec se ulcisceretur gens de inimicis suis.* Et mox subicitur: *Stetit itaq;*

Sol in medio cœli, & non festinavit occumbere spacio unus diei, & non fuit antea & postea tam longa dies. Quibus verbis manifeste loquitur Scriptura de motu primo mobilis, quo feruntur Sol & Luna motu diurno, & quo describitur dies; & indicat cœlos, ac primum mobile moveri. Denique Ecclesiastæ 1. sic habetur: *Generatio præterit, & generatio advenit, terra autem semper stat, oritur Sol & occidit, & ad locum suum revertitur.*

Secundo, probatur ratione. Primo, cœli omnes, & sidera sunt facta propter hominem, & propter alia corpora terrestria homini inservientia, ut scilicet ea calefacerent, illuminarent, vivificarent, &c.

Hoc facere non possunt, nisi per motum diversum mundi partibus alternatim applicentur. Atqui verisimilius est illa se applicare per suum motum homini, & loco in quo homo degit, quam hominem se per motum suæ sedis, seu sui habitaculi applicare illis. Nam illi inserviunt homini; homo vero non inservit illis; ergo verisimilius est cœlos moveri, & terram quiescere, quam e contra.

Tertio, nullum probabile argumentum ex Philosophia potest excogitari, per quod videatur prohari terram moveri, cœlum quiescere. Ex Mathematicis etiam non potest desumi. Nam sive cœlum dicatur moveri & terra quiescere; eodem modo omnia Phænomena circa corpora cœlestia salvari possunt. Nam sicut eodem modo omnia in Optica possunt salvari, sive dicantur species venire à rebus ad oculum, sive radii ab oculo ad res objectas; Sic & in Astronomia. Ergo permanendum potius est in antiqua, & communi opinione, quam sine causa nova recipienda.

Quarto, terra est centrum mundi; & omnia corpora cœlestia videntur circa ipsam moveri; ergo debet esse immobilis; nam quicquid movetur, videtur debere

AN COELUM MOVEATUR. 81

debere moveri circa aliquid, vel super aliquo, quod est immotum.

Quinto, si terra moveretur motu circulari; vel moveretur eo naturaliter, vel violente; sive à se ipsa & natura sua, vel ab alio. Non à natura sua, neque à seipso. Nam motus rectus à sursum ad deorsum, est ei naturalis; ergo motus circularis non potest ei esse naturalis. Nam terra est corpus simplex; Uni autem corpori simplici non possunt esse naturales duo motus specie vel genere distincti; Non etiam moveretur ab alio: Nam à quo moveretur? vel enim deberet dici moveri à Sole, vel ab alio corpore cœlesti; atqui hoc dici non potest, quia vel Sol, aut illud corpus diceretur quiescere, vel moveri. Si dicatur quiescere; ergo non potest impertiri motum alteri. Si dicatur moveri; nec sic potest terram movere. Quia deberet movere vel motu simili motui suo, vel contrario. Non simili, quia sic neutrum percipitur moveri; sicut quando duæ naves motu simili moventur, non videntur moveri, sed quiescere; Non contrario, quia nihil potest dare motum contrarium motui suo. Et quia videtur Galilæus dicere, quantum ex D. D. V. V. intellexi terram moveri à Sole; Probo saltem hoc non esse verum, quia motus Solis & terræ deberent esse super contrariis, & distinctis Polis. Sol autem non potest esse causa motus illius, quod moveretur super Polis diversis. Denique terra, neque alterius corporis cœlestis motum sequitur; quia ipsa si moveretur, moveretur in xxiv. horis, alia omnia corpora cœlestia non moventur nisi spacio multorum dierum, mensium, & annorum; ergo. Tandem si terra moveretur ab alio, ejus motus esset violentus; hec autem est absurdum; nullum enim violentum potest esse ordinarium, ac perpetuum.

Sexto; etiam si statueretur terra moveri; nihilominus tamen esset fatendum adhuc, quod vel ipsi Planetæ, vel eorum orbis moverentur: nam alioquin non

non potest salvari diversitas aspectuum Planetarum inter se: non posset dari ratio cur Sol ab Eclipticâ non discedat, Luna recedat: quomodo Planeta possit esse stationarius, retrogradus, altus, demissus, & infinitorum aliorum Phenomenon. Et ideo qui dicunt terram moveri, ut Bernardus Patricius, alique; dixerunt primum mobile quidem quiescere, & ejus loco moveri terram; attamen ipsos Planetas moveri negare minime potuerunt; sed falsi sunt. Et illa est ratio, cur antiqui, & moderni Mathematici, præter motum primi mobilis, etiam peculiarem motum ipsorum Planetarum ponere, & admittere sint coacti. Si ergo faciendum est, & certum sit, illa sidera ac celestia corpora moveri; ergo verisimilius est omnem motum, qui in mundo percipitur, potius esse celestium corporum quam terræ. Nam si reliquis omnibus adscribitur motus, cur non eadem ratione adscribitur motus diurnus potius primo mobili, quam terræ? maxime cum id quodque sensus noster videatur judicare. Qui etsi in aliis similibus motibus aliquando quidem bene fallatur; non est tamen verisimile, æternum falli posse, aut debuisse circa motum sui principalissimi objecti, nempe celestium luminum.

Septimò, probatur experientia. Num si terra moveretur, quando sagitta orthogonaliter emitteretur in altum, non posset unquam recidere in illum locum unde esset emissa, sed deberet cadere in locum multis milliaribus remotum à loco emissionis: at hoc non fit ergo.

Potest, & solet responderi: hoc non sequi; propterea quod aer rapiatur cum terrâ, & sic, quia aer quo sagittam defert, eodem modo vertitur quo terra, idem sagittæ quoque defertur pariter cum eo, & sic recidit in eundem locum. Verum hæc est mera evasio, & responsio, quæ nihil valet; propter multas rationes.

Primò; quia videtur falsum aerem sic moveri, moveri eodem motu quo terra. Nam quid moveretur? Equidem si moveatur eodem motu quo terra; v

debe.

deberet moveri ab ipsa terra, vel ab eodem illo, quod terram movet; vel à seipso. Non à seipso: quia habet alium motum, nempe rectum sibi naturalem, tum etiam quia cum habeat naturam, & essentiam, & qualitates omnes à naturâ & essentia terræ diversas, non potest à naturâ suâ habere eundem motum cum illa, sed necessario debet habere diversum.

Non ab alio illo, quod terram movet; quia illud quod terram moveret, non posset eodem omnino, & parili motu movere aërem. Nam cum aër & essentia, & qualitatibus tam activis, quam motivis, & modo substantiæ diversus sit à terrâ, non posset vim motivam illius agentis, seu illam vim impressam eodem modo recipere sicut terra; & ita non posset eodem modo moveri sicut ipsa: Quia virtutes agentium & moventium diversimode recipiuntur in patientibus pro diversitate dispositionis eorum. Non potest etiam moveri à terrâ: Quia si moveretur à terrâ, dicendus esset moveri per raptum; atqui talis motus per raptum videtur impossibilis; ergo. Minor probatur. Quia, si aër sic per raptum moveretur à terrâ, deberet aër citius moveri quam terræ: propterea quod aër sit major terra.

Nam quod est extra, est majus, quam quod est intra. Quando autem quod est majus, & quod est ab extra æquè cito circumagitur cum eo quod est minus, & quod est ab intra; tunc illud multo velocius movetur: & sic certum est cælum Saturni, motu diurno, multo celerius moveri, quam cælum Lunæ. Atqui est impossibile illud quod rapitur, celerius moveri illo, quod rapit; ergo aër non movetur raptu terræ. Tandem ut ita esset, quod aër moveretur cum terrâ, sive à se, sive per raptum; adhuc tamen remaneret vis argumenti primi: Quia saltem ejus motus non posset esse in totum conformis motui terræ, sicuti ostendi; eo quod aër consistentia substantiæ, qualitatibus, & essentiâ à terrâ sit diversus: sed deberet aër segnius saltem moveri quam terra: Quo posito sequeretur quod sagitta emissa non

non posset in idem punctum recidere: quia terra movetur sicut aerem, propter segniorem motum post se relinqueret; ita & sagittam, quæ devehetur ab eo.

Accedit, quod si aer non tam celeriter moveretur, sicut terra, homo existens in altissima turri deberet in quantacumque aeris tranquillitate, ibi semper sentire maximum ventum, & maximam aeris agitationem.

Nam quando montes, & turres moverentur cum terra, & aer non pari celeritate eos assequeretur, necessarium esset; quod illi præirent aerem findendo, & penetrando, ac sulcando eum: in quâ præitione, & penetratione deberet ventus maximus percipi.

Octavo, si quis staret in altissimâ turri unius, aut alterius miliaris, & collimaret ex illa turri in aliquod punctum terræ oculo perpendiculariter subiectum, & secundum illam lineam perpendicularem sineret cadere gravissimum lapidem, certissimum est, quod ille lapis decideret super punctum collimatum, & perpendiculariter subiectum. At si terra moveretur, esset impossibile, quod ille lapis in illud punctum incideret.

Quod probō primo: Quia vel non æquè celeriter moveretur aer cum terrâ; vel æquè celeriter: si non æquè celeriter; ergo certum est quod lapis in illud punctum non poterit cadere; quia motus terræ præveniet aerem lapidem deferentem. Si æquè celeriter, adhuc tamen non poterit lapis cadere in illud punctum: quia etsi aer æquè cito in seipso moveretur; tamen non ideo posset tam celeriter secum rapere, & deferre lapidem cadentem per ipsum; quia lapis propria gravitate ad centrum tendens, resistet delationi aeris.

Dices; sicut terra movetur circulariter, ita & omnes partes ejus; quapropter ille lapis decidens non solum movebitur circulariter, per delationem aeris, sed etiam circulariter ex naturâ suâ tanquam existens

existens pars terræ, & habens eundem motum
suum eâ.

Verum responsio non valet; quia etiamsi ille la-
pis etiam ex naturâ suâ verteretur in circulum sicut
terra, tamen ejus gravitas naturalis impediret saltem,
quo minus tam celeriter ferretur, sicut aër, aut sicut
terra, quæ est in suo loco naturali; & quæ conse-
quenter sic non gravitat, sicut gravitat lapis cadens
ex alto.

Denique; quia, etsi etiam lapis moveretur in orbem
ex naturâ suâ, sicut tota terra, non tamen ferretur tam
celeriter, sicut tota terra. Nam sicut lapis unius pondo
decidit bene ex cœlo secundum suum motum rectum
ad centrum tanquam pars terræ, sicut & ipsa tota terra
decideret; & tamen non decidit tam celeriter sicut tota
terra: sic etiamsi quoque lapis in orbem ferretur sicut tota
terra, tanquam pars ejus, non tamen ferretur tam cele-
riter sicut tota terra; & ita quomodocunque dicatur,
semper motus terræ deberet præire lapidem, & eum
multis parasangis post se relinquere; & sic nunquam
posset decidere in punctum collimatum, aut pun-
ctum sibi perpendiculariter subjectum: hoc est fal-
sum; ergo.

Nonô; si terra moveretur circulariter, deberet
moveri ab Occidente per Meridiem in Orientem; &
consequenter aër deberet moveri per eandem viam.
At si hoc esset; tum si quis jacularetur versus Ori-
entem, sagitta deberet multo longius volare, quam
si jacularetur versus Occidentem: Quia quando
jacularetur versus Orientem, sagitta volaret secun-
dum motum naturalem aëris, & haberet motum
aëris sibi suffragantem. At quando jacularetur versus
Occidentem, haberet motum aëris sibi contrarium,
& tum sagitta reniteretur motui aëris. At certum
est, celerius, ac longius debere fieri illud, quod motum
aëris habet propitium, quam quod adversum: ut patet
in telis emissis secundo vento; ergo.

Possunt

Possunt adhuc nonnulla alia argumenta excogitari; sed non sunt paris cum prædictis in demonstrando efficacia. Quæ etsi à me volante calamo in lecto ægro corpore, fracto crure, procul à libris sint dictata; tantum tamen mihi videntur habere efficacia; ut non videam quomodo ad ea quis rectè possit respondere. Hæc scripsi Generosi D.D. in gratiam D.D. V.V. occasione confabulationis desuper in convivio vestro nudius quartus habitus; quæ ut æqui bonique consularis, rogo

FINIS.

APPROBATIO

DISSERTATIONES hæc Clariss. Virorum THOMÆ FIENII in Lovaniensi Academia Archidiaconi, & LIBERTI FROMONDI, Philosophiæ ibidem Professoris, super apparatione nuperi SIDFRIS, dignæ sunt, quæ & æstimatione sua, & censuræ nostræ suffragio æquæ adspiciant. Tum quod istius non modo SIDFRIS motum, & essentiam; sed quorumvis etiam Cometarum naturam, & effectus considerent, tum quod plurimum animos portentosa novitate percussos, erudita rationum firmitate componant: Denique uti Christianis non esse metuendum à signis cæli quæ timent gentes, luculenter demonstrant: ita & signorum opificem Deum, quod Eginardo suo Carolus verè Magnus Imperator respondisse memoratur: laudandum, deprecandumque; & portenta in bonum vertantur, suadeant. Idem censeo Epistolica Quæstione ejusdem T. FIENII, super firmitate & motu cæli & terræ. Actum Antwerp. In Sessione Episcopali, Cal. Februarii, M.D.C.XIX.

Laurentius Beyerlinck S.T.L.
Canon. & Archipræsbyter Ant-
werp. Librorumque Censor.

DE CAUSSIS
NATURALIBUS
PLVVIÆ PURPUREÆ
BRUXELLENSIS,
CLARORUM VIRO-
RUM
JVDICIA.



LONDINI,
Excudebat E. Tyler, Impensis
Eduar. Story, 1655.

27
*Seneca in Praefatione libri primi
natural. quaest.*

V I R T U S, quam affectamus, magnifica est; non quia per se beatum est malum caruisse, sed quia animum laxat, ac praeparat ad cognitionem coelestium, dignumque efficit, qui in consortium Dei veniat. Tunc consummatum habet, plenumque bonum sortis humanae cum calcato omni malo, PETIT ALTUM & in interiorem Naturæ sinum venit.

Illustrissimo Re^{mo}

FABIO CHISIO

NERITONENSI EPISCOPO,

ORDINARIO

EXTRAORDINARIO QUI E

Ad Rhenum & Eirenica

VNCIO APOSTOLICO.



Illustriss^{me} Vir, Reveren-
diss. Domine,

Dum explicandis rebus
maximis, MAXIMUM TE
implicat Orbis Christianus :

od ejus est affine, non nisi magnis nunciis
sari aures tuas debere agnoscimus. Ut si
is sit, qui se quidquam ad Te adferre

G 2

posse

posse existimat, rerum leviorum; ne is pa-
rum sobrius sit, et intemperanter sibi met
iratus. Inter quos me ipsum ego numerem
lubens, qui ad T E nuper scribendo sic pecca-
vi; quomodo nunc, dum, hoc ipsum repeto
pecco. Forsan tamen erit venia parabilior
si verso stylo argumentum T E dignum, hoc
est, MAGNUM quid et inexpectatum adfe-
ram, quod superiorem levitatem compenset
Argumentum id erit, quod adfero, san-
quàm memorabile; et sui argumento magni
non nisi MAGNO inscribendum.

Insolita PLUVIA, quia PURPU-
REA (quam prodigiis jam olim adscripta
Miraculi aestimatio, et SANGUINI
inscriptione semper infamavit) quae pridem
Nonas Octobris BRUXELLAM irriga-
vit admirationem omnibus, consternationem
plurimis, differendi copiam multis peperit
eòsque in animis hominum motus excita-
vit, qui ad posteritatem quoque valituri
sunt, utcunque habendi: sive forsitan pro
bulis ad Solis pectines, et Empusae epula-
amandandi, sive pro veris aestimandi, et non
dignis vindice atque, homine erudito.

Nolim ego quidam me hoc titulum
inscribere; ubi tanta est aliorum frequentia
digniorum


digniorum certè, et in publico præcellentium
virorum, et cum quorum facundia non
contenderim. Quia tamen rogor ultrò,
rem totam, sicut Bruxellæ palam est omni-
bus; ita illam clam TE, clam orbe reliquo
non sinere: pareo illis lubens, quorum in me
imperium agnosco volens. Hi sunt, quos
infra subinde nomino, testes mecum ocula-
ti; atque ipsi tam omni exceptione mayo-
res, quàm à cæcitate superstitionibus defæ-
ciores. Si quid ergo refero, sic habe,
tanquam ab illis dictatum; sic lege, tan-
quam à me scriptum. ut penes illos
stet dictorum fides; penes me dictionis
infantia: quam vel idèò profiteor, quia ad
TE, VIR ILLUSTRIS, scribo; qui,
quid scibere sit (præfiscine dico) solus intelli-
gis: simul, qui a verborum simplicitas vero-
rum est sinceritas; quam unicam apud TE
valere, persona quâ sustines loquitur: de qua
et ego apud TE loquendi sumo confidentiam.

GOTTIFREDUS

VENDELINUS

Canonicus Condatis.

Bruxellæ, Id, Octob. 1646.



PLVVIÆ PVRPVREÆ
BRVXELLENSIS
ENARRATIO.



Nno Epochæ Christianæ M.DC.XLVI.
die VI. Octobris Gregorian, sabba-
to manè, statim ab ortu Solis, horâ
circiter septimâ post mediam no-
ctem, Bruxellæ, cum tunc Sol ob-
tineret partem decimam tertiam Li-
bræ, Luna Virginis 9. Mercurius Li-
bræ 18. Venus Virginis 11. 20. Mars

Canceri 21. 3. 4. Jupiter Leonis 4. 47 Saturnus Tauri 17.
2. cœlum, nubibus obductum, cœpit eliquare se in plu-
viam, copiosam quidem illam, sed repore ipso blandam;
quæque frigoris nihil intenderet, quin imò calorem
quoque foveret. Maiore igitur omnia diffluere, & in
plateis ac vicis rivi decurrere: testâ ubique per canales
suos, ac tubos, quas ejiculi.

Testâ hujus urbis pleraque omnia, in ima ora de
more canales habent plumbeos, stillicidio sistendo, &
quò lubitum est, derivando, per tubos in eum usum
compositos: cujusmodi etiam habent P.P. Capucini;
qui de sui Templi testâ aquam deciduam inde, excipi-
unt, suppositâ cuppâ intra subdialam aerem peristylî
destituta & dolii magni capace.

Illo ergo jam commemoratō die, quid alibi sit a-
ctum, aliis in ædibus Sacris, Profanis (non tamen om-
nibus

nibus) non inquirō anxie: apud Capucinos, procedente pluviâ, cum jam cuppa repleta, non admitteret plures aquas, cœpit superfluere, atque abinde rivum per arcolæ viam emittere: quem decurrentem præteriens fortè quidam Patrum, dam (ut sit) adspicit, videt aquam libi, colore aliquantum peregrino, sibi urique insolito, longè (quàm aliàs semper) obscuriore: itaque attentior paulò, defixi que oculis, advertit rubere illum, & Vini speciem æmulari, sive autem Sanguinis profluentis imaginem, fando sibi aliquando auditam. Attonitus novitate spectaculi, Patres ac socios alios advocat, rem narrando præsentem commonstrat: Illi non minùs stupentes, id tinam, unde aqua ista manabat conversi, totam quanta quanta plena erat, rubere vident pulcherrimo purpur flo; quem patellâ adhærente hauriunt, versant, diffundunt, explorant, contemplantur, demittantur, percelluntur. Inditam deinde vitreis lagunculis, vini rubelli purissimum colorem, cùmque satuum referre ob-
stupescunt.

Rumor inde Pluviæ RUBENTIS in viciniam, & ab hac in alios; & fama SANGUINEÆ per urbem; & discursat o popul; & ad Capucinos confluxus; & multitudinis compressio, & laguncularum volitatio, & studium visendo miraculo; & cum amicis ac necessariis, cuique suis communicatio: & digna res visa, quæ nunciaretur adunato (tunc commodum) lætiori Consilio.

Ergo & ad ædes Amplissimi Viri Joannis Jacobi CHIPLETTII, Archia:ri Regii, adcurrit post meridiem Joannes Mommartius, Typographus, deferens ampullam, liquore apud Capucinos accepto, plenam; narraturus, velut in rem præsentem ea, quorum exhiberet fidem. Sedebamus unâ de rebus aliis differentes in Bibliotheca: cùm audirâ mentione SANGUINIS, ad vocabulum proslimus; narrantem, ampullamque exhibentem stupemus; & cum dicto ad Capucinos procurrimus: hoc tamen me priùs meditato, ut de phiala illicò chartam madefacerem, colorem, si quem aqua ista relinqueret, exploraturus, postquàm inadmodum in siccum ab-
iisset.

Delati

Delati ad Capucinos, ibique per confertissimam turbam ægrè moliti aditum, denique intromissi, contem-
plamur omnia : maximè autem omnium ego, qui ante
XXXVII. annos, ac menses XII, dum agerem in Pro-
vincia Massiliensi, Forcalarii, apud Proseneshillum
Andream Arnaudum, meminissem me videre simile ar-
gumentum SANGUINEÆ PLUVIÆ, omnemque illis ratio-
nem plenissimè tenerem exploratam : ut, an quid huic
cum illa esset commune, simul autem an, seu natura, seu
casus quidpiam imponeret, explorarem. Sed adversus
fraudem unum, jam quidem antè cautum fuerat; cum
cuidam Patrum istorum venisset in mentem, ut (ne tu-
bi vel canalium sordes, vel aliud quidpiam ludificaretur)
ad ipsum usque rectum ascenderet, exciperetque il-
lic aquas coelo deciduas, antequam in siphonem (si for-
tè suspectum) deferrentur: deprehendit enim & eundem
dem colorem, fulgoremque purpuræ, utque nihil alte-
ram altera mentiretur. Idem postea intelleximus &
alibi factum, exceptamque lancibus aquam item rubuisse.

Addebant (quod ego æstimatione rudi facile certum
autumo) tinam, ex qua tot jam lagunculæ fuerant de-
pletæ, plus quàm septies potuisse exhauriri, aquæ super-
effluentis copiam, quæ à nemine adservata dilapsa esset :
in quo mihi parum nimis dicere sunt visi; cum pluvia
hec per totas horas octo, à septima matutina in tertiam
pomeridianam continens fuerit.

Cum primùm adverti cœpit, color fuit purpureus, ru-
bilans, rosæ Alexandrinæ, aut vino purpureo rubello æ-
mulus in splendorem, ipsissimùmque jam (si accederet
apor) vinum. De qua tinctura paulatim cœpit remittere
post meridiem, factum abinde dilutius, sensimque fla-
vescens; Diceres manè expressum naturæ torcularibus
vinum; à meridie, loram.

De primis aquis, R. Pater Carolus Arenbergius, sui
Ordinis decus ac columnæ, ampullam impertitus est
D. Philippo CHIFLETIO Abbati Balernensi, Archiatri
atri, undidem ego lagunculam mihi adservo, sed dilu-
toris, quantum oculi judicarent, ruboris;
antùmque non obsoleti : etsi hoc verum non
est.

est. Principalis enim ille color, etsi vegetus est ac satur, atque sui totus, discrimen tamen oculis offert varium, partim pro vitrorum densitate, ac lavore, partim pro liquoris copia: ubi enim multum ejus inditur crystallino, ut vitri purissimi cyatho, sive lagenæ majusculæ; splendidissimè rubet, & fulgorem admissum Solis jucundissimo spectaculo refundit, quovis pyropo rutilantiorem: ubi verò parcius sumitur (utpote in exiguo aliquo vitrillo) luteâ tantùm flavedine, & ad Xerampelinum obsoletâ; languescit in Amethystum.

Et color quidem hic, suis in vitreis durat hæcenus, nonum istam diem nihil mutatur, quod ego quidem queam advertere: sed neque arbitror immutandum, quamdiu asservabitur arctè obturatus. Ad illum quod atinet, quem dixi me chartæ, illicò ut allatus est, ille visse tinxit eam ille flavedine, quæ in exsiccata charta comparet, ut ut exigua, non tamen nulla, & omnino quale se vestigio dilutissimum vinum signaret.

Cæterùm dum apud Capucinos sumus, incessit me cupido gustandi liquoris tam pellacis: sumpsi nonnihil ad experimentum primi palati; sorpsi etiam plusculum. Sapor mihi vix subacidulus, & qui austerum fugiens videretur consuetari: diceres Spadanam aquam jam exortam atque evanidam, aut qualis esset ea in quam fuligo decidisset ex canino aliquo, sive ea in qua lignum putrescens natitasset, quod ego tunc illic tinæ vitio imputavi, nihil culpandæ tamen, sicut mox apparebit.

Satis spectatè, satis exploratum admissi, digredimur inde; quodque officii erat, properamus ad Illm. D. Anton. Bruchum, Abbatem S. Anastasiæ, Jurisdictionis Apostolicæ per Belgium & Burgundiæ Comitatum, cum Nuncii facultatibus Administratorem; commune cum illo facturi quidquid rescissemus. Illum verò invenimus jam horum gnarum: intelligimûsque etiam aliis in adibus per urbem eandem pluviam notatam: de quæ ea collectum atque adservatum, imus ad illatum quasdam, & vera comperimus, quæ ad illustrem virum perlata, imò magis magisque increbescente nuncio, longè plurimam (non

(non tamen universim omnes) domos intelligimus hæc eadem pluviam irroratas: nam & iisdem in tectis partem istam rubentem, pars alteram senserat pluviam.

Denique cum postridie adirem amicum meum Langrenum, inveni ad fistulam compluvialem destitutam cuppam, quæ pridie cum ante meridiem impleta fuisset aqua rubente, & veller ancilla nescio quid cluere; de aspectu sordida judicata, effusa fuerat tota; non sine ventriculi stomacho, quod in canalibus tectorum crederet nocuum sive putamina, sive cortices abjectos, unde aqua virus contraxisset. At horum nihil subsuit; & post meridiem eadem aqua, rubore eodem, sed dilutione jam infecta, demanavit. Eandem ego juxta cum Capucinica exploraturus, libo, biboque largus, & cyathis aliquot ne proluce; Spadanam interpretatus de acore pridiano, mi per omnia respondebat. Audio verò etiam alios idem judicium fecisse; quod gaudeo.

Illud verò gaudeo magis, quod cum diebus aliquot præcedentibus lumborum dolores arguerent suspicionem calculi: post haustam hanc, sicut dixi, aquam, & levementum me sensi doloribus, & facultatem diureticam exsertus sum.

Et hæcenus quidem intra Bruxellam consistit historigraphia; extra quam unum atque alterum diem nihil auditus allatum: sed mox intellectum est, & in suburbiis eandem fuisse novitatem miraculi, & consternationem maximam perculisse oppidum Angiense (quod hinc vicis quinque distat) ubi largiter rivi per plateas rursus undis defluerint, ipsaque pluvia vestes candidas putrescente colore infecerit: sive id ex vero, sive auditu (ut sit) majus famam, terroribus intendendi. De re non amittitur: & qui modicè quoque narrant, plus aliquantulum intelligi, quam nos hic vidi mus, satis alioquinignum.

Historia ergo rei transactæ sic se habet, quomodo oculatus testis exposui: ubi ocularus non sum, & sensusque causas natura in abdito; finem, cui hæc res designantur, Deus in arcano procul nobis habet.

Et

100 DE CAUSSIS PLUVIAE

Et in natutam quidem (cujus nos etiam bona pars sumus) si quid inquiremus familiariter ad veri viciniam, laudem merebimur; si quod vero est affine, ac proximum invenerimus, gloriam: sin autem exerraverimus, apud homines (ego valde homo) spero me peccaturum cum venia.

*Discrimen hujus Pluviae ab alterâ, Anni
M.DC.VIII, falsò credita.*

M Ab me Galatea petit lasciva puella,
Et fugit ad Salices, & se cupit ANTEVIDERI.

Profectò sic mihi loquendum est cum Virgilio, dum venustissima NATURA nos eventuum pulcherrimorum ostentatione ad se allidit; mille ludis nobiscum lasciviatque in sui amorem rapit. Neque tamen sui complexu nos potiri sinit protinus; sed jam jam pressantes, jamque adeò se tenentes eludit, fugit atque longissimè, & post virgulta se abdit opinionum; sic tamè, ut pulchritudinem suam non planè occultet, cum vultus anterioris hoc est, caussarum investigandarum lineamenta patitur adspici; nòsque ea vult ANTE, hoc est, per rationes Priori Physiognomicas contemplari; non tantum per steriganeas fimbrias, sordidas ceno auctoritatum massarum, delurare.

Enimverò virgulta ista, seu Salices opinionum suarum, ac divortia, saligna, mollia, vieta (verbo uno) veritatum ludibria; de similium eventuum malè institutae comparatione lubrica. Dico malè institutas comparationes rerum (quae putantur) similium, causam esse unicam, quae nos à veri frustione abercet: hoc ut in his infinitis verum esse comperio, ita in hoc quod manu est argumento certissimum sic ecce demonstrat. Qui pluviam hanc aut viderit, aut leget: idèmq; get Anno 1608. Sanguine pluissè in Provinciâ Massens; annisq; retrò aliis jam inde ab antiquitate ultionabit consimilia prodigia litteris consignata; non bitate quin omnium una sit ratio: quare ubi se huiusmodi

causas cognovisse existimabit; omnium se aliarum item probè tenere confidet. Quod ego qui jam utrumque prodigium spectavi, ac perspectavi, dico, edico esse falsissimum: Historia enim illa superior sic se habuit, quomodo eam oculatus testis (fors & primus spectator) hic enarro.

Anno 1608. verno tempore; immensa vis Papilionum ex Oriente (quantum intelleximus) ultimo, pervolavit Græciam, Galliam Italiam Cisalpinam, superatisque Alpibus Provinciam utramque Narbonensem, ac denique trans Pyrenæos Hispaniam, donec esse desierunt, hausti (reor) Oceano. Color illorum erat purpureus pulcherrimus, nigellis maculis interstinctus, & cujusmodi non memini me videre pulchriorem. Exercitus tantus fuit, ut Solem nubis instar obtegeret totum ferme unum diem: iidem retulerunt spectatum Augustæ Taurinorum, cum illic nuptiæ celebrarentur Principum Mantuani ac Mutinensis cum Filiabus Sabaudicis. Spectavi hæc ego Forcalcarii oppido, supra Aquas Sextias, ad septentrionem distante leucas decem, ubi tunc agebam in familia Clorissimi viri Andreæ Arnaudi, numquam satis laudandi; ut quo nemo impensius rara naturæ excoluerit.

Sequente Julio ineunte, manè post horam tertiam, ego (pro more tunc meo) progressus extra Oppidum, ad amoenitatem auroræ & studiorum; dum per vineas atque agros nescio quid libri legens, inter ambulandum, ad scopulos lapidesque ne offendam, subinde in viam despicio; video foris guttam unam atque alteram sanguineam in callibus: sed eo nihil æstimato (quod crederem nisi alicujus jumenti fuisse idem iter) pergo legens: atque ubi paululum progressus sum, rursus mihi cæcens à cespitando, despicio; video rursus guttas sanguineas: neque tamen vel hinc animum reflectens, securus interim viæ, lectionem inst tutam prosequor: donec tertium jam despicens, easdem guttas sanguineas mihi obiacentes adverto. Et mecum; Profectò (inquam) jumentum istud, vel quidquid id fuit, vehementer fuisse operet læsum; & complicato libro, totam viam relego. Video

deo non tantum itinere medio, sed utrimque secus in omne latus ac latitudinem jicere guttas innumera- biles, & quæ non potuerint de ullo animali defluxisse.

Progredior deinde longius, & leucæ quadrantem ampliùs, eadem ubiq; guttarum sanguinearum frequentia, eadem facies ac magnitudo. Excedo viâ, & exspatior in medios agros; omnia video sanguineis eisdẽ guttis per- sparsa; nõ colore, nõ magnitudine inter se differentibus.

Hic supra modum attonitus, ac defixus stupore, ubi vix animos collegi, subiit me videre quod audissem ali- as, quodque legissem sæpiùs apud auctores & scripto- res prodigiorum, PLUVIAM scilicet SANGUINEAM. Jam ortus erat Sol; & cum perquam esset duum, libuit expe- ctare tantillum; ut scirem, an ille fulgore suo macu- las istas sanguineas esset deterfurus, atque ut rorem so- let, hausturus. Nihil ejus secutum est: imò istæ gut- tæ tam viscidè inhaerunt suis lapidibus, ut ne quidem affricu potuerim delere.

Nunciaturus hæc Arnaudo meo, sumo lapidem unum guttatum de insignioribus, tollo & alterum; cumque iis redeo in oppidum; enarro illi & exhibeo quidquid ejus possem. Ille, mecum advocatis aliis, prodit in suburba- num suum fundum (LAUSETUM vocant) amœnitate in- signem: ibi omnia perlustrat, miratur, contemplatur. Notat guttas omnes ejusdem magnitudinis, ac rotun- das, diametro pollicari, hoc est, solidum Francicum æ- quantes: observamus etiam singulares, nusquam gemi- nas, & quotquot in lapidibus seu silicibus jacerent, me- dium locum occupare, non item oram deexam.

Jam & occurrebant eadem in cavis murorum seu maceriarum, & foraminibus inter petras, itémque sub prominente rupe, quo certò cerrius erat nullâ pluvia de- latas, nullo ventodeferri potuisse, cū alioquin nulli tunc venti dudum spirarent. Nam si etiam à pluvîâ peteretur causa, illam refellebat, quòd neque in testis domorum ullæ maculæ comparerent, neque ulla loca paulò elati- ora quidquam istiusmodi cœntarent.

Omni bus perpenſis, & judicio interim ſuſpenſo, con- ſeſtim perſcripſit Aquas Sextias, ad amicū Nobiliſſi-

um Peireskium, atque alios, qui & illic postridie simile per omnia spectaculum oculis usurparunt: eandem puritatem, eandem magnitudinem, colorem, singularitatem, visum: ut jam non esset literis credendum, aut nunciis majores fabulas omnia tollentibus; quod in ista forma fieri amat, & tunc factum.

Sed enim quid hic præstiterit Peireskius, restat ceteris in ejus vitâ perscriptum à V. C. Gassendo, non est tamen hic omittendum; cum propter felicitatem ingenii sagacis, causam tunc veram perscrutaturum. propter comparisonem cum hac nostrâ pluv. à instituendam; alteriusque item felicitate ingenii alteram causam incredibili solertiâ nunc quoque consuetari ac placere assueti. Gassendum ergo prius audiamus, in vitâ Peireskii, nunquam de manibus deponenda.

Nihil magis (PEIRESCO) placuit hoc anno 1608. quàm quod observavit, ac philosophatus est circa pluviam sanguineam, quam decidisse rumor percrebuit sub Julii mensis initium: conspicuis nempe maximis guttis, tam in ipsa urbe (Aquarum Sextiarum) ad parietes cœmeterii majoris Ecclesiæ, quod est prope muros, quàm ad muros ipsos, ac rursus parietes villarum, Pagorum Oppidorumque ad aliquot milliaria circumvicinorum. Nam primum quidem accessit ipse ad inspectandum guttas illas, quibus lapides rubeabant; nihilque non egit. ut alloqui posset, quos agricolæ memorabant ultra Lambiscum sic fuisse percussos exidente Pluvia, ut derelictis operis, in vicinas adeis citi fugissent. Deinae cum fabulam esse quod de viris hujusmodi proditum fuerat, comperisset: non plerique illi quod officii referrent; hujusmodi pluviam ad vapores è ruina sublimè evektos, & post concretionē deciduos: quippe caloris eductum vaporem absque colore sursum ferri, vel constare potest ex eo, qui eductus ex ipsis cosis rubeis impidam aquam concrevit. Minus etiam placuit, quod magis ac nonnulli Theologi opinarentur facinus esse demonum strigumve, à quibus fuissent interfecti innocentes infantiuli, scilicet hoc esse meram conjecturam, fortassisque in Dei bonitati providentiaque injurium.

Lib. 2.

Succurrit

Succurrit porro interea, casus ex quo sibi met visus est germanam causam detexisse. Quippe ante aliquot menses concluderat pyxide inventam quandam Chrysalin, magnitudine formæque insignem. Ejus cum amplius non meminisset, excitari bombum inaudit, intra pyxidem; eaque adaperit, apprehendit Chrysalin, deposito spolio, factam ex eruca papilionem pulcherrimum, qui statim avolaverit, reliqueritque in fundo guttam rubeam, amplitudine Solidi vulgaris. Quoniam verò id contigit circiter idem mensis initium, ac per idem tempus observata est Papilionum confertim per aërem transvolantium incredibilis multitudo: idcirco opinatus est Papiliones hujusmodi interquiescentes, parietibus diffudisse illic, quasi excrementum guttas similes, magnitudine videlicet pares. Quare iteratò accessit comprobavitque, guttas illas non supra ædificia, non in devexis lapidum superficiebus existare, uti debuerat contingere, si è calo sanguine pluisset: sed in subcavit potius, ac in foraminibus, ubi animalcula potuerant quasi nidulari. Accessit quòd parietes iis tingebantur, non qui in mediis oppidis, sed qui agrorum vicini erant; neque secundum partes elatiores, sed ad mediocrem solum altitudinem, quantam volitare Papiliones solent. Hac ratione proinde est interpretatus, quod Gregorius Turonensis refert de Pluvia sanguinea, Childeberti temporis conspectà Parisiis in diversis partibus, & in domo quadam territorii Silvanensensis. Itemque quod memoratur temporibus Regis Roberti sanguine pluuisse circiter finem Januarii, adeò ut sanguis qui cecidisset super carnem, vestem, lapidemque, non posset aqua elui, posset verò qui super lignum. Quippe idem fuit Papilionum tempus, & recentior quoque has guttas elui non posse ullà aqua è lapidibus comprobatum est.

Et ad hunc quidem modum magnus ille vir verum pervidit, nosque quod Forcalarii suspicabamur, plenissimè docuit, omnemque adeò dubitationem exemit, cum nuputaremus iis in locis confertissimè à nobis observatas guttas, quæ essent inter macerías humiliora, & velut præpricantibus adversus noctis serenum animalculis

ora: in patulis enim ediisq; minis guttarum jacuit. Hæc ergo illius anni 1608. Historia fuit, hæc causarum indago atque inventio: quam cum ad omnes alias sanguine famosas pluvias voluit pertinere Pareskios, fecisse illum quod potuit, non potuisse quod voluit, hæc postrema luculenter testatum facit; quæ tunc decant, cum neque Erucarum aut Papilionum est tempus, neque guttis singularibus sparsa fuit, sed imbre pleno, ac plenis siphonibus ructata; neque viscolo glutine adhæsit lignis aut lapidibus, sed fluentibus rivulis curret more aquarum: denique colorem non prætulit sanguineum, sed planè purpureum: possûmque de utroque pronunciare oculatus utrobique testis, nihil alteram habere cum altera commune: ideoque neque causam esse communem.

*De causis Pluvie Purpureæ Bruxellensis
Anni M.DC.XLV.*

Admirabilem stant pluviam dum diu, multumque, & nihil non mentevolvendo ac revolvendo contemplamur; ut saltem qualem qualem causam & coloris & saporis indicio excuteremus: hanc ego mecum rationationem instituebam.

Telluris hoc magnum corpus, ex quo prodeunt omnia, sive ea sub terris Metallica sint, sive supra terras plantæ atque animalia, cum terrestria, tum aquatilia, ærea & aërea: denique supra hæc omnia, exhalati fumi, venti, vaporesq; supernè suo spiritu suspensi, densatiq; in nubes, atque abinde pluvias ac grandines cum horrendis fulminibus ac tonitribus; hoc, inquiebam, corpus & colores fundit & saporis certis rebus certos: utique autem & in hac pluvia, utcumque tandem id evenit, colorem purpureum, & sorem bituricum eadem mater genuit. Non aliunde ergo quàm ab ipsa terra utriusque origo repetenda est.

At enim (cogitabam) quomodo hæc tam variarum rerum generatio procedat, cum infinita si, infinitum fuerit
Hicere;

dicere; nec humanarum virium vel cogitare, quæ solus Deus in numero habet. Ergo, quod unum restat, vastum hoc atque immensum contrahamus in se, suumque centrum, quod unum est; ut ab unitate ac centro fiat pro nostro modulo initiū, processusq; disquisitiones.

Centrum hoc Telluris, dudū est, cum eruditi, atq; inter hoc Kircherus primipilaris, adverterunt ignibus circumscriptum a que intra vastam cavernam abiturum; & quantam illam? Ego totos jam XLV annos Lunaris motus stupenda miracula scrutatus, audeo affirmare a centro Telluris ad hanc superficiem, quam incolimus, esse Leucas Brabanticas, sive Austrasias 1000, rotundo numero, ac plasticè definitas; de quibus a centro ad convexum istius cavernæ, æstuantis Leucæ sint 630. Reliquæ deinde 370 sint a proximis ignibus ad nos; quanta est densitas crustæ, sive corticis magnum hoc incendium velut cor atque animam suam complexi undique, sicut poma, nucēsque suas volvulas. Ad intimam (hoc est, concavam) hujus crustæ superficiem jam solidam, Lunæ motus dum sese adtemperat (etenim centriū ipsum Telluris quia solidum non est, prehendere non potest) admirabilem illam Librationem creat minorum 37.30. quam Tycho in 40.30. extendit, alii etiam ad 34.30. contrahunt; proximè verum omnes, pro diversa Lunæ a terris distantia: prout hæc quæque inde pendent alia, nos a libi propediem spero dabimus, ubi per Malos licuerit.

Est ergo caverna hæc, totius globi terreni pars quarta præcisissimè: tantæque est ignium interaneorum moles, & inferni barathri vastitas: cujus etsi sunt Camini passim plurimi: Ætna, Vesuvius, Strongyle, Hecla, Amara, atq; id genus per Tartariâ, Indas, atque Insulas complures memorati alii; non tamen ita igniū suorum impetum emolliunt, quin sub omni cælo, in omni solo, adhuc multum efficaciz suæ propellant: efficiantque ea, quæ miramur ac stupemus Metalla, Vegetalia, Meteora: cuiusmodi est hoc, quo de agimus, in præsentiarum PLUVIÆ PURPUREÆ MIRACULUM. Quod quanquam satis perledignum contemplatione; cedit tamen alteri longe non

longè bigliori, quod jam vulgare est.

Perducta est jam Chymia in id usq; fastigiū, ut etiam aurum convertat in pulverem py. ium, tantò illo altero efficaciorē, quantò aurum est nitro, sulphure, camphorā, carbonibus omnibus præstantius. Denique AURUM FULMINANS passim audit: quod ubi concepit ignem fragore immenso, & fulminis acutissimi, ad surditatis usq; periculum, æmulo; palam quid agit; non sursum in auras abir, aut flammam evanidam, sicut communis ille alter solet; sed violenter terebratis ac perfractis quæ subter se sunt omnibus, immensāvi centrum Tullurus rectā petit; & sine morosis ambagibus in parentem suum ignem subterraneum homogenea pars in totum homogeneum) fertur concitatissimè, omni amore ferventiùs, omni Magnetismo appetentiùs. Jam enim Kircherus nos in suo ~~Magnete docuit~~, Aurum Ignium subterraneorum sobolem esse maximè genuinam: ut vel inde intelligamus, cur etiam ipso colore suam originem referat.

Fulminantis auri mentio fulminis ipsius me admonet, cujus à Chymico isto exemplo petita, eadem est ratio: ut nimirum interpretemur subterraneorum ignium vi excocta tot ustrinæ fossilia sursummittere suos spiritus, qui coadunati, vel in fulgetra exalent, vel intra nubes conclusi, magnā vi ac fragoribus horrendis viam sibi faciant nunquam sanè sursum, semper autem in terras deorsū, & quā pote rectissimā in suum parentem. Dico nunquam sursum, sive in aperam æthera trans nubes displodi fulmen: quòd hoc asserere possum de experimento, Arnaudo illi meo, ubique lucullenter comperto, hoc isto.

Supra Folcalcarium ad Septentrionem Mons est Luvius, omnium illic altissimus, & de cujus ego cacumine Provinciam ferme totam sæpe perspectavi; aliquantulum etiam obductam unā perpetuā que nube, quam ego æternè ac tanto altior magna cum voluptate vidi de claro candicantem. Trans Luerionem, alterum est montium jã Delphinatē regionem terminantiū jugum

ira vallis, & in ea rivus est medius. Valli nomen est
 MIRE VALLES ex re ipsa inditū, cujus Toparchia est
 penes Arnaudos illos meos. Ibi convallis quædam eno-
 fragosa, seu potius barathrum, Solis radiis inaccessū sub
 altissimo Luerione monte jacet; quod Infernariam di-
 cunt. Ea interdum claro ac sudo celo, repente expirat te-
 nue filientū velut de camino consurgētis fumihunc ubi
 videris, nisi te illicō in fugā præcipitas sub tecta, peristi:
 tanta mox tempestas desævit fulmine, tonitru, grandine,
 pluviâ. Simile huic est quod circa littora Monoporapica
 in orâ Notali observant nautæ: illic enim simul ac ma-
 ri elatam vident parvam nebulam, quam appellant *Ocu-
 lum bubulum*, tempestatis certi, salutis anxii, naufragi-
 orum conscii, nihil in vota ac preces cessant. Contigit er-
 go aliquando ut Forcalcario illuc proficiscentibus, dum
 essemus in summo jugo, & descensus initio tota
 vallis unâ nube à monte hoc, ad alterū esset oblecta:
 neque aliud illic in edito, vel conspiceretur, vel audire-
 retur, præter ipsum nubis æquor, claro supra
 Sole, cum tamen infra nubem interim horrenda toni-
 trua & dira fulmina, cum grandine effusissima, necarent
 hominem unum, atque alterum, cum jumentis & peco-
 ribus aliquot; everterent radicitus arbores; perrumperent
 domos, & afflarent odore tetro sulphuris: omnia deni-
 que velluctu vel consternatione implerent. Hinc apparuit
 Fulmina sussum non ferri, nisi quamdiu sunt ad
 hac in rudi materia suorum spirituum, ubi formam ignis
 concepere, statim deorsum tendere, æque (ut de auro
 fulminante jam dixi,) repetere suum parentem, Ignis
 umque fontem, infernum, barathrum.

De horum ergo exemplorum similitudine permotus
 judicavi quidem subterraneos Ignem, qui auro suum
 colorem inderent, aliisque metallis suos adeoque etiam
 plantis ac floribus suos, quâcunque tandem id ra-
 tione fiat posse item in Meteora quæq; colores didi-
 re, ac lubinde pluviis eum impertiri, quo vel Auri vel
 Sanguinis speciem emularentur. At enim cum in pro-
 digiosis istiusmodi pluviis, nunquam legamus alterius
 coloris

coloris fieri mentionem, præterquam rubei (neque enim vel virentis, vel atrii, vel violacei, aut istiusmodi aliorum quidquam me legere memini) non satisfaciebam mihi met ipsi, de causa, non tam illa universalis quam speciali hac sollicito.

Dum e ergo hac de re dissero, versoque rationes attentius cum Chifletio Archiatro: cogitabundus ille aliquantum, erumpit mox in assertionem, quã se putaret veram causam invenisse: atque eam ipsam scripto conceptam mihi traditurum promitteret, quod & postmodum fecit, his verbis:

GOTTIFREDO VENDELINO

JOAN. JAC. CHIFLETIUS.

Utosum Campinæ Brabantinæ solum, locis plerisque pingues & bituminosos igni parando cespites præbe. Agri Leodiensis contigui viscera, nec non & Hannoniensis, carbone turgent lapideo, qui & de bituminum genere est. Uterque quippe tractus, Sylva Carbonaria (antiquis historicis multoties memorata) pars non modica fuit. Sed Leodiensis præterea Chalcantio abundat, quod ad usus varios in vicinas provincias distrahitur. BRUXELLA quam Pius II. PP. vocat Oppidum Brabantinæ nobilissimum in terrarum, quas recensui, medio & arenoso colle sita est, in quam VI. die Octobris, hujus anni M. DC. LVI. multo imbore impluit, sed coloris purpurascens seu vini ex rubro diluti. Si quid autem turbatum est (inquit Seneca) aut præter consuetudinem emicuit, spectamus, interrogamus ostendimus. Adeo naturale est magis nocere, quam magna mirari. Sic de Cometâ: Nemo non igitur est, utrum debeat mirari, an timere. Non enim deest qui terreant, qui significationes ejus graves prædicent. Sciscitantur itaque, & cognoscere volunt, prodigium sit, an fidus.

A me ergo quæris, Doctiss. Vendeline, quid censeam de purpurata Bruxellensis Pluvie causâ. Ut planè satisfaciam, jubente Plinio, rerum naturalium Scriptore diligentissimo,

tissimo, ad soli naturam, ad loci ingenium, ad cæli mo-
res dirigenda solertia est.

Æstate præteritâ, sudo cælo, per plures hebdomadas, So-
lis radiorum ardor (præter solitum in regione) intensissimus
fuit; atque ita siderum Princeps ex Terræ penetrabilibus
in superficiem traxit tam Asphalti, quàm Chalcanthi te-
nuriores ac magis aëreas partes, quæ subsecutis imbribus
madefactæ & nutritæ, vaporibus, qui nubes conflarunt
materiam præbuere. Insuper purpureus color soboles est ca-
loris; unde Aristoteles, in Meteoris, illū componit ex mixtura
Ignei & Candidi unde Purpurâ Iuvenalis Igneam, Valerius
Ardeniem vocant. Hinc vi Sideris, apud Maronem, ducit

—— apricis in collibus una colorem.

Et apud Tibullum, calidior

Annus in apricis naturat collibus uvas.

Hinc etiâ ex Asphaltis, Gagatis, Electris, aliisque bituminibus
per Pyrotechniâ oleū elicitur, obscuriore purpurâ splendens
ex præpingui scilicet materia, quæ ostro illosucco regnans est.

Itaque bituminosi vapores, qui in altum delati nubis
corpus effinxere, intra se continebant recondita purpure
splendoris semina, Astri principis vi torrente excitata. Per
missionem autem Chalcanthicorum spirituum, qui aliunde
sed eodem tempore in sublime fuerant elati suscitatum
latens et abditum in Asphalticis vaporibus purpure lumen
atque in nubem diffusum: quæ collecta undequaque, in nu-
bem medio loco constitutam maximè defluxit.

Illâ porro vis admiranda spirituosæ Chalcanthi substan-
tiæ, experientiâ comprobatur: Si enim Rosas ruboras, ve-
marcidas, vel planè siccas, in aquâ solas injeceris, nullo colo-
re aquâ tingent: si verò Chalcanthici spiritus, arte Chymi-
câ parati guttas aliquot in aquâ, in qua Rosæ macerantur
infuderis, illico Rosarum purpure, quæ penitus videbatur
extincta suscitabitur, & in aquâ diffundetur, quæ purpu-
ra cens tota fiet, & eadē vini colore tincta evadet, quod im-
ber, qui Bruxellam depluit.

His si addas, pluviam aquam coloris purpurei saturatæ
rationis quæ prior decidit, subausteri & ærosi saporis
(instar aquæ Spadensis, quæ Chalcanthi maximè paxicep-
est) multum habuisse, non erit quod dubites de Chalcanthi
spirituum in ipso imbre permissione.

Lib. 11.

C. 4.

Ecl. 9.

Lib. 1.

Ecl. 4

PURPUREÆ BRUXELLÆ. III

Sic igitur prodigiosa Pluvia materiam Asphaltitem
 & Chalcanthicam, ex ipsius regionis solo; videor tibi sub-
 ministrasse; purpureamque tinduram experimento com-
 probasse: ac fortasse felicius, quàm Fabius Antiatres
 antiquissimus Poëta, qui apud Agellium coloris mu- Lib. 18
 tationem in aquis, ad flantē Vulturū retulit isto carmine. c. 11.

Spiritus Eurorum virides dum PVRPVRAT undas.

Purpura denique, quia Regum propria est, eā olim Reg- Lib. 2.
 nis felicitatem portenni vulgò creditū. Vnde Artemidorus c. 3.
 de illā: Cū dignitati conveniat, prælagit honorem, &
 nominis claritatem. Quidni credamus & nos, piis fide- Lib. 2.
 liisque populis purpurascente aquā cœlitus irroratis, lata c. 3.
 in posterum & prospera omnia significari sub optimo &
 benignissimo Rege, cui purpura in Labaris decussatis, belli-
 sique fasciis maxime propria est & peculiaris? Spem auget Lib. 3.
 Seneca jam laudatus, ubi ait: In melius adversa, in dete- n. 4.
 rius optata flectuntur. Ita concipienda est animo varie- prof.

as, non privatarum tantū domuum, quas levis casus
 impellit, sed etiam publicarum. Expende hæc paucula, si
 iubet, clarissime Vendeline; & nos, ut soles, amare perge.
 Raptim scribebā Bruxellæ IX. Octobris, anni M.DC.XLVI.
 Hæc ita ad me ARCHIATER præstantissimus; idemq;
 prout Hispani quidem loquuntur, Nomine; prout verò
 Natura ipsa mecum agnoscit, Re, consummata subtili-
 tatis PROTOPHYSICVS: ut quo nemo illorum, quot-
 quot Meteorologica de prodigiis Pluviis, ac nomina-
 tim SANGVINEIS scribere conati sunt, pressius Naturæ
 (hic laborantis) vultum inspexerit, venas explorârit, sta-
 tum judicârit.

Verissimum est enim. Taxandriam totam, & Scaldi
 ad Mosam, Asphalto substrato incubare, qui pinguiem
 & unctuosam illam materiam, jam inde ab orbe con-
 cito perennem, utili cespiti (TURPHAM vocant no-
 træ Leges Salicæ, Tit XVI II. §. vulgò Turf, & Turbe)
 administrat, per venas suas, ac Lamas, veluti spiramen-
 ta quædam ebullientem, scaturigine inexhaustâ.

Rursum verum est, ubi Taxandriam relinquis,
 & ad remotiora à mari loca, Leodium versus.
 Namurcū atque Hanoniam ascendis jam te

altius quidem solum, & unde flumina defluunt, non tamen aliam substratam materiam deprehendere. Nam & hic Asphaltus totum fundum occupat; neque tamen item hic in cespitem ebulliens, sed sub terris duratus in Lithanthraca, hoc est, Carbonem fossilem. Dicas his in his locis superioribus restare quidquid ejus est solidum; quidquid verò fluidum, id omne subterraneis meatibus in inferiorem Taxandriam eliquari. Quod eò facilius credas, si observes Lithanthraca omnem, quanta is jacet Taxandriæ vicinior, tantò esse deteriorem, ceu succi profluvio sicciorem, magisque emacatum.

Itaque Lithanthrax, quem, regit Hannonia, (Leodino agro certè altior, & à Taxandris remotior) multo quoque est unctuosior; succi quippe sui retinentior; & cui aliquando emissarium non habet in tantum, ut igni adhibitus veluti in picem colliguescat. Namurcensis quidem bonitate cedit nonnihil Leodiensi; sed hoc eò fit, quòd naphtham suam in fontes Ickeris fluminis, Tongros medios secantis didat: qui fluvius nullà unquam hyeme, quantumvis rigente, concrevit in glaciem; æternumque hoc teporis, tunc maximè fumantis miraculum exhibet; mirum nō de hac ipsa bituminosa & percalida naphtha profluens.

Atque hinc indidem fit, ut ex illo terrarum tractu copiosiores exhalationes Asphalticæ & vitriolatæ sursum proscendantur, vi trahentis Solis; frequentioresque illic sint fulminum ac grandinum tempestates, quam locis etiam satis propinquis: sicut & hoc anno, & superioribus aliquot patuit, cum ad Ickerin strages facta est segetum, hominum, ac juramentorum, quam ad Iuceam & Tameram non sensimus.

Quod addit Chiffletius, Chalcanthitâ materiâ, indidemque spiritu abundare Leodiensem agrum, nemo est qui ignoret: itaque non erit jam probandum operosius, ut per intensos atque immensos istos, qui Augusto à Septembri deflagrârunt Solis ardores, magnâ violati sunt, adlubescantibus ignibus subterraneis,

primus

imūm quidem vapores atque halitus Asphaltici, quod
 et igni ardentique Soli solenne ac facillimum; deinde
 rem, ut æstu flagrantissimo perseverante; (quo multi
 omnes ac jumenta sunt profocati) halitus item Chal-
 canthici erumpere coacti, delatique in sublime, pepere-
 nt mixturâ suâ purpureum illum colorem, quem etiam
 Chymico experimento manu tangendum mihi exhi-
 bit. **VIR PRÆSTANTISS.** Cui planè ac lu-
 ens subscibo: Ab ignibus Subterraneis (Solarem
 nem amore quodam magnetico vehementius depere-
 ritibus) proflatos spiritus Asphalticos aërem insedisse
 Belgicum. & nubium vapores infecisse, quomodo Galla
 didit in Aquam. Eodem spiritus Asphalticos, vaporis
 incorporatos, perseverante eorundem ignium sub-
 traneorum æstu fermentatos fuisse, tardius aliquantū
 progressis spiritibus Chalcantonicis; iisque purpuram in
 poribus latentem excitam sic emicuisse, quomodo
 allæ reconditus color, momento in aquâ se prodit, ubi
 am Chalcanthum attigit.

Sic ergo Pluviam istam Purpuream censeo, sentio-
 ne decidisse nunc Bruxellæ: quæ sæpius, atque
 annis ferme Diariis narratur per Germaniam atque
 Hungariam cadere, ubi scilicet ingens est Asphalti,
 Chalcantonicæ copia, miraculorum istorum Offi-
 na.

ASPERIVS GEVARTIUS

JOAN. JAC. CHIFFLETIO.

Nudius tertius sub meridiem, dum jam mensæ ac-
 cubiturus essem, Tabellarius litteras tuas ad me
 attulit, unaque musticum libellum Clari. Ven-
 lini nostri, de Pluviâ Purpureâ, non sine plurimo-
 rum stupore apud vos spectatâ. Equidem continere me
 non potui, quam dilato prandio, (meliores nempe men-
 tis

tis epulas nactus) avidè opusculum illud continuò devorare; adeoque cuius Vino purpureo, & nectari æquàm istam purpuratam prætuli. Nam antè dies aliquot, omnia in majus adaugens Fama ad nos detulerat apud Bruxellenses visa fuisse mira prodigia :

—— NIMBÓQUE minacem

SANGUINEO rubuisse Jovem, puteosque cruore Mutatos.

ut de xvo suo canit Claudianus.

Et me quoque haud parum istis rumoribus perculsum fuisse fateor. Ast ubi rationes & causas, à te in eruditissimam ad Vendelinum nostrum Epistolâ deductas legi, de prodigio isto securus fui.

Solertissimè profectò ex Asphalci & Chalcanthi tenuioribus partibus, per solares radios (quos clapsis mensibus intensissimos experti sumus) sursum elatos, Pluviam istam Purpuratam natam censens.

Constat vicinas Territorio Bruxellensi regiones, Leodiensem, Hinnoniensem, Namurcensem agrum Asphalci & Chalcantho abundare. Si autem (ut è summo illo naturæ Mystâ, Plinio, rectè observasti) ad soli naturam, ad loci ingenium, ad cæli mores dirigenda solertia est nulla sanè probabilior ratio ejus colorati Imbris potius excogitari.

Lib. I.
action.

Itaque jure, Manlii nostri versus, ubi de hujusmodi Naturæ miraculis agit, hîc adferam, Tibique accinam.

Omnia conando docilis solertia vicit.

Nec prius impoſuit rebus finemque modumque,

Quam CÆLUM ADSCENDIT RATIO; cepitque profunda

Naturam rerum cauſſis, viditque quod uſquam eſt

Nubila cur tanto quaterentur pulſa fragore.

Cur Imbres ruerent, ventos que cauſſa moveret

Pervidit, ſolvitque animis miracula rerum.

Certe ratio tua cœli conscendiſſe, ac prodigii istius causas deprehendiſſe, à Phytologis omnibus judicabitur. Planeq; tibi aſſentior, nihil d'σφηνουαυς ſiniſtri omninî pluviam istam purpuratam portendere : præſertim cum eruditissimus Vendelinus noster huiusmodi illam & epuram ſibi ſalutarem fuiſſe, ac d'σφηνουαυς ſui æquæ habuiſſe expertus ſit.

Quin

Quinimò, ut in Germaniâ superiore, post gravissima ab
 exteris Imperio illata vulnera, Tellus ipsa, almæ parentis
 inftar, hoc anno, salutare fontes ac medicas aquas, non
 in loco, ultrò profudit, quibus omne morborû genus
 curari viri gravissimi testantur; Ita in Germaniâ hac In-
 teriore, post haud minores Belgis illatas clades, Purpureâ
 et medicâque Lymphâ, vini æmulâ, Cœlitûsq; demissâ,
 almæ Pacis bona, & speratâ Temporû Felicitatem por-
 tendi auguror. Illam certè à felicibus Excell^{mi} Herois;
 Marcionis Castello Rodericii, Belgii Gubernatoris,
 auspiciis, & providentiâ incomparabili, Belgæ omnes
 merito, sibi pollicentur. Vale; Vir Nobilissime, & Rev^{mo}
 Abbati Belernenfi Clar^{mo} Vendelino, ac reliquæ Fami-
 liæ tuæ litteratæ plurimam à me salutem dicas velim.
 Scribebam Antuerpiæ x. Kal. Nov. M. DC. XLVI.

PETRUS GASSENDUS

GOTTIFREDOS VENDELINOS. 6

LECTO scribo, optime Vendeline; sed ferre nimitum
 diutius non possû, quin quas debeo rependâ grates
 tuo præclarissimo libello. Is per, doctas virûm manus
 poltavit, nec ôque perlegit, qui non sibi habere illius
 exemplû expetierit. Ad me quod spectat, summopere
 gaudeo rem observatam descriptamque à viro amico
 fidei pleno, quia de eâ accuratè explorandam nihil non
 contulerit studii Itaq; non hæreo, quin Purpurea Pluvia
 talè describis, deciderit; alia scilicet à præsumptâ illâ,
 quam à tu edescriptam, in vitâ Peireskii com memorare
 cognatus es, nec sine vestigiis amoris adversum me tui.
 De causâ, fateor dici nihil posse, quod allatam illam
 tolerantissimo Chifletio (cui ipse subscribis non imme-
 ritò) verisimilitudine vincat. Tamen enim, ne ille qui-
 (quo candore est, ac probè memor, quanta sit huma-
 nû mentium circa hæc Naturæ arcana caligo) juraturus
 se haud dubiè ita habere, ut se habere secus non va-
 leat: utamen nemo alius, opinor, facilè quidpiam profe-
 rat, quodcû ipsius ratiocinio videri possit comparandum.
 Nam utcunq; rossit opponi, non rubere ut Rosæ folia, ita
 phalticâ materiâ, quæ macerata intra nubem, ex Chal-
 citicæ affusione ruborè pluviz perindè creet, ac creant
 Rosæ

Rosæ illi aquæ, quâ macerata fuerint Chalcanti oleo superinfuso: Neque sufficere, quod ex Asphaltum eliciatur oleum obscuriore purpurâ splendens, quo arguatur vis rubescendi intra Asphaltum contineri: quoniam eadem Chalcanti oleum nullum ruborem exprimit in aquâ, quâ fuerint folia Senæ macerata; licet ruborem quoque latentem illud videatur arguere, quod ex infuso Tartari oleo exprimatur; utcunque, inquam, si istud, siue aliud quisquam opponit; nihilominus & aliquid semper deprehendetur discriminis, & probabilitas semper sua, ratiocinio simul experimentoque constabit.

Mira sunt præterea, quæ de Igne illo subterraneo ratiocinatis: quanquam et hoc semper ἐπέχω: tanquam persuaderi non potis, posse flammam ullam in loco obdurato aut excitari aut perdurare. Nam quod alioquin Ætnam, similiaque loca, quasi caminos habeas; illa videntur sanè imparia tanto incendio spiramenta: credas, quas flammæ ea loca eructant, non ex imo prorumpere, sed quo momento materies inflammabilis in ære erumpit, creari. Verùm hæc longioris sunt disquisitionis.

Quod habes de Pulvere Pyrio, qui ex auro paratus vocari solet *Aurum fulminans*, facit admonitionem, post quoque ejusmodi pulverem ex Ære atque Ferro, de quibus quò dubites minùs, concludam hisce ex utroque aliquantulum, ut experiri tutemet possis. Tu interim mi Vendeline, benè, imò optimè vale. Parisiis v. Id. Nov. M. DC. XLVI.

JOAN. JAC. CLIFLETIUS

GOTTFRIDO VENDELINO.

Libens legi ac relegi Epistolam, quam ad te scripsit scientissimus Gassendus, qui etsi à sententia meâ non est alienus; quædam tamen modeste proponit dubia, ob quæ florens ejus fama, apud eruditos nostros non mediocriter crescit.

Causa

Causam Pluviae sanguineae (ut loqui solet imperitum
 vulgus, à vaporibus ex rubrâ terrâ in sublime evectis,
 quam Physici passim adferunt, jampridem ille memô In vita
 explosit: Vapor enim qui ex coloratis rebus sursum Peireski.
 eritur, in aquam coloris expertem resolvitur; nisi per-
 icuum illuminatum dicamus improprie esse al-
 um.

Ex Rosellâ solis (singulari velut naturæ prodigio) ful- Anno
 am acerrè aureum liquorem, fuculo distillario aliàs 1625.
 trahi vidi; cujus ampullulam Ser^{me} Infanti Sabellæ
 Dominæ meæ tunc obtuli. Copiosa nascitur in bitumi-
 nosis Campinæ Brabantinæ Ericetis, foliolis ruben-
 tibus, quæ radiatis solibus exiguis similia & instar au-
 scalpii cava purissimi roris guttulâ singula continent
 rvido quantumvis sole & sub ipsis Syrii ardoribus; un-
 è herbulam Botanici *Rorem solis* nuncupant.

Præterea, si ex terrâ rubrâ aquæ mixtâ vapores elati
 olverentur in rubeas guttas ex terrâ etiam nigrâ ni-
 ra, ex albâ albæ, ex flavâ flavæ producerentur; & sic u-
 que variata coloribus pluvia quotidie decideret; quod
 minimè contingit; unde datur intelligi, vapores elatos
 in sublime, ex quibus coloratæ nubes conflatae sunt,
 pigmentum in mediâ aëris plagâ acquisisse, quod, atten-
 dâ soli naturâ, & cœli statum, nō aliter videtur contigisse,
 quàm ex Chalcantlici spiritus cum halitu Asphaltico
 lingui & aëreo fortuitâ permissione; ut illè innatâ
 virtute ex esto, velut ex emarcidâ rosâ, delitescentem
 auricem elicuerit; nempe in quibusdam duntaxat nim-
 i vorticibus & globis, qui oriente Sole, inter subæ-
 queos, in cœlo rubere conspecti sunt, prius quàm totus
 nber in certa loca purpureus & subausterus, in alia co-
 ris & saporis omnis experts decideret.

Addo, Electricis & Bituminosis corporibus inesse In cate-
 acultatem (de quâ fusè Kircherus) attrahendi, & ali- na ma-
 se copulandi; per quam ab Asphalticis halitibus eti- gnetica.
 m Chalcantlici potuere trahi, & quadâm velut sedes
 societate utrique coalescere in purpurascentem a-
 quam; quales in Germaniâ & Hungariâ, seracissimis
 horum

horum mineralium regionibus, persapè decidit.

Ad hæc tamen opponi posse ait humanissimus Gassendus: *Non rubere, ut Rosa folia, Asphalticam materiam; nec sufficere, quod ex Asphalto eliciatur oleum obscure purpurâ splendens, quò arguatur vis rubescendi in Asphalto contineri.*

Obsecro, quod vi Chalcanti ex Gallâ Omphaciatrum, quod vi Tartari ex virescente Senâ rubrū extrahitur; nunquid palàm produunt, sementina alieni colorum rudimenta intra illas contineri? Quidni ergò de Gagâ nigro, de flavo & albo Electro, aliisque Asphalticis, quibus oleum purpurascens extrahitur, idem sentiamus? Mens humana imbecillis ex sensibilibus omnia colligit nec naturæ novit arcana, nisi ab effectis.

Sed addit, comiter more suo, Gassendus; opponi etiam posse, Chalcanti oleum nullū ruborē exprimere in aqua, quâ Sena folia macerata fuerint, etsi latens in Senâ rubor infuso Tartari oleo exprimatur.

Experimento constat Senâ in aquâ simplici, per plures horas infusam, vinoso rubore illam inficere: unde accuratum Gassendum de momentaneâ maceratione loqui existimo. At demus Chalcanti oleum, illud subito non præstare; certum est res naturales habere sua odia, suas amicitias, suam activitatis sphaeram intra quam amicis copulantur, respuunt inimica. Quidni ergò amico Asphalto sociari Chalcanthum possit, idemque cum Senâ habere divortium? Hæc tamen ratio si animum non explet, ostendam ipsâ etiam vi Chalcanti, sed non solâ, ruborem ex Senâ protinus extrahi.

Senæ foliola, dilutiore prasino infecta, (qualia ex Oriente ad nos advehuntur) substantiæ sunt crassioris, siccae ac terrestres, partesque spirituales in se paucas continent, unde vis eorum catartica à calore nativo tardiusculè in actum reducitur, nil rosido melle, aut saccharatâ rosâ adjuvetur.

Exx vini vel recens est, vel indurata: Illi tantum vis inest, (inquit Plinius) ut descendentes in cupa enecet. Experimentum demissa præbet lucerna, quam dum extinguitur periculum denuncians,

Vini *sax* indurata, vulgò *Tartarum* dicta, crusta est, quæ intra dolia, circa costas concrevit: constat illa partibus sulphureis, quarum in recenti *saxe* enecantem vidimus halitum, Constat etiam Chalcantibicis: quas prodit perquam acidus cremoris è tartaro sapor. Illa porro crusta in calcem cremata solvitur in liquorem, quem *Oleum Tartari* vocant, cuius ad cutis vitia sequens usus. Sed & aliud quoque ex illâ vini siccâ *sax*, per vas retortium, vi magnâ oleum extrahitur, eo longè potentius, quod paratur per deliquium.

Quocirca Tartari oleum, quia duplici substantiâ constat, duplicem habet agendi & extrahendi facultatem; à Sulphure nempe & à Chalcantio. Et quia *Sulphuris mira est natura, quo domantur plurima: neque alia est, quæ facilius accendatur; quo apparet igneam vim maximam et inesse*, non est mirum si ejus oleo, quod intra Tartarum Chalcantico junctum est, purpurea Senæ lima repente, quasi tormento, foras extrahatur: id quod solo Chalcanti oleo non perficitur, licet vim suam ad id ipsum conferat, Sulphuri Tartareo permixtum. Cur verò Chalcantici spiritus tenuissimi virtute soboliminosi halitus, qui ruboris semina in se habent, facile pervadi non possint, non video; utpotè pingues, & facile permeabiles, & (ut jam dixi) amici; quemadmodum ex amicâ Rosâ, etsi emortuâ, nativam purpuram elicit: non verò sic è despectâ Senâ, nisi à validiori spacio, sulphure scilicet adactus, ad opus illud simul occurrat.

Extetum halituosam Asphalti substantiam aquæ perstratam, pluvie purpureæ materiem præbuisse, palam est ejus mixti tam arte, quam sponte facta resolutio. Primis enim infuso in infectam rubore aquam, recens tace demissam aceto (cujus ea vis est, ut margaritas Plin. Lib. 9. ab eam resolvat, & ipsa etiam saxa, quæ ignis non domat c. 35. & rumpat) aqua suum colorem statim amisit, petitiq; Lib. 23. c. 1. dum valis pallefcens ex rubro crassamentum.

Deinde purpurascens eadem aqua, quæ bene obturata stabatur in phialis, post vicissimum diem, paulatim per

per sepsam, rubellum ἐνεώρημα colligere cœpit, & ima deponere albicantem ex ostro limum, quibus antea corpus aquæ ex æquo turgebat.

Postremò, liquor idem pluvialis insolito colore infectus, conoidi cucurbitulæ commissas, igne supposito spiritum merè aqueum reddidit, subausteri tamen & vix Spadani saporis; reliquitque in vasis imo fulliginem quæ colore, sapore, & odore Turpham ipsissimam, si bituminosum cespitem referebat.

Ex quibus experimentis concludo pulviæ coloratæ Bruxellensis materiam tenuiorem rectius peti non posse, quam à Chalcanthicâ substantiâ, quâ contigua Eboracorum & Hannoniorum terra dives est: crassiorẽ vero quam ab intrinsicè purpureo & pingui Asphalto, quæ telluris adipe circumjecti Bruxellæ tractus abundante: alioqui vera non esset Pulchra hæc Philosophi de aquarum infectu ratiocinatio: Non mirer si locus atque aquæ *AQVAS INFICIT, similẽsque regionibus reddit, per quas & ex quibus veniant, Pabuli sapor apparet in lacte, & vini vis existit etiam in aceto. Nulla res est, quæ non ejus à quo nascitur, notas reddat.*

Hæc sunt, Doctissime Vendeline, quæ, ut eximie Gassendo satisfacere, breviter scribenda duxi, etiam illis naturæ admirandis certum esse sat sciam, nihil certi. Bruxellæ xxx. Nov. M. DC. XLVI.

PETRO GASSENDO

GOTTFRIDVS VENDELINVS.

QVÆNAM rerum ac qualitatum sublunarium permixtio, quos colores imprimat corporibus compositis, cum Elementaribus tum Vegetalibus, quas partes hinc agat Sol, quas ipsa Tellus, quas utrumque stud corpus in commune conferant; ecquâ scaturigine subinde cælum aquas mittat de purpurisso rubentes, ejusmodi prodigium nuper 27. Sept. Juliani 6. Oct.

Lib. 3.
nat. q.
c. 21.

Gregor. Bruxellæ vidimus, vidit Leodina ditio, vidit
 passim Hannonia, bis mille & amplius jam annos; non
 ignoras, ERUDITISS. GASSENDE, quæri à tuis
 decessoribus, Ac tantum quidem jam sæculorum est, ex
 quo suum posticum pulsari audit surda Natura; ex quo
 nos videmus ante illud obambulantes adhuc Peripate-
 ticos, dum intus conspiciamus in penetralibus directâ
 januâ ingressum Chæletium, recludentem armaria, pro-
 mentem recensita, revelantem arcana, & reducto spa-
 tio Deorum Penatium sacra propalantem, in quantum
 caligo circum pectora mortales visus hebetans,
 intueri permittit. Hoc ego jam inde ex quo ad me
 scriberet sic judicavi. Meum vero judicium tu quoque
 scripto testari voluisti, neque unum me sic de viro sentire.
 Et ille quidem, ad ea quæ objectari posse admonebas,
 respondendo, judicem itidem te sibi delegit; at quan-
 tum! Naturæ Consiliarium. Quo sanè facto & me ad-
 monuit, ut super his quæ mihi lites movere possunt ex
 tibus, ad tuum tribunal provocarem. Multæ sunt illæ
 & magnæ, sed post omnia *Incidentia reductæ ad duo*
principalia: quorum alterum est de Pulvere Pyrio, con-
 fectio ex Auro, alterum de Igne subterraneo.

Ad pulverem illum Pyrium quod attinet, neque ego
 um confeci unquam (nunquam Auri abundus, ac si
 sem collocatus in solida) neque spectavi confectum,
 nisi si quando profusum vidi non semel in sordes &
 penum: & denique quidquid ejus scripsi ex aliorum
 commentationibus descripsi. Legebam in Magnete Kir-
 perii τὸ πᾶν hæc verba: *Omittere non possum, quin le-*
tori curioso admirandum quoddam EX AURO PYRIUM
IVEREM conficiendi secretum pandam: cujus experimen-
um ego primo in Germaniâ apud summum quendam Ar-
chem vidi; postea idem apud doctissimum virum Petrum
stellum in inclytâ Messanensium Academiâ professorem
imperii. Aurum in calcem redigatur Aquâ forti, Sale Am-
oniaco, & Oleo Tartari præcipitati. Hæc calx quampr-
am etiam ad odorem ignis (præsertim si instrumento
quodam excitetur) sponte suâ in FLAMMAM cum INGEN-

TI FRAGORE ac sonitu abit. Exigua enim hujus calcis portio incensa, omnes Pyrii pulveris ordinarii vires & efficaciam & sonitu longè superat, in tantum ut auditivum organum vehementiam suam obtundere videatur. Accedit, quod hujusmodi pulvis à nitrato pulvere discrepat, hoc superna, illo inferna petente, Si enim aureum hunc pulverem alicuius lamina, impositum accenderis, alta non potest; sed Laminam perforatam inferna petet. Eadem fermè suggererat Polamicus scriptor, Gallicè quidem, sed eruditè differens, qui & operosiores hujusdem pulveris conficiendæ methodum tradebat per lixivias, calcinationes, lotionesque varias, cum eadem pollicitatione fragoris, imperius depressionis, aliorumque jam commemoratorum.

Non potui non tam idoneis fidejussoribus fidere, etiam postquam tu ad me transdidisti similis pulveris et Marre, Venerèque confecti plusculum, nosque de utroque sumimus experimentum. Nam etsi ad istorum flammam neque fragor increpuit, neque depressio memorabilis terebravit suppositam tabellam, ut proin neque *ῥευσθόνορις* videatur plus multò præstiturus: dum tamen mecum reputo, ut de Mercurio memini audire citatum aliquando fragorem; cui cum innatent omnia metalla, solum Aurum subsidat, (fieri apud me) saltem potest, ut *ῥευσθόνορις* diversum quid, & supra omnia alios obtineat. Interim autem & dubitare me docuit & fidei plus collocare in *αὐτοψία* quam in credulitate. Quo certè nomine grates gratias exhinc à me habende quo tantum toties, tantum etiam hic meritis quantum ante annos plusculos Doctissimus item PATAVIUS: ad quem (memini) cum scriberem, & nesci quid auctoritate Polybii fulcire vellem, sed Perotto rescribendo ille Polybium ipsum loquentem exhibebat suis verbis re præsentatum, cum hac castigatione illa; *Quem locum miror sic à te versum*. Ita pauculis syllabis, me admonuit mei. Iterum ergo video mihi flaminandum impetum nimis fiduciam.

Venio ad alterum caput, DE IGNE SUBTERRANEO, cujus duo membra sunt expendenda: prius de magna caverna intra tellurem; posterius de corpore, quod immensum

immensum hoc cavum (si quod est) impleat. Et quidem
 cavum istud vastum atque ingens aliquod esse, frustra
 laborem adstruere solis auctoritatibus, five sacris five
 profanis, eò quòd Sacrae paginae vitam erudiant prius
 componendam, quàm earum testimonium ad hæc de-
 ortum temeretur vigilantium somniis : quòdque pro-
 norum nemo plus istorum meipso perviderit. Quid-
 uid ergo seu de Abyssò sacra oracula commemorant,
 quidquid de Tartaro suo Plato extremo Phædone com-
 mentatur, in eam tantùm partem accipio, ut saltem eti-
 am inde sciamus esse tale quid, quale sub manu est : ac
 erò quanta illa sit, cujusque modi moles, aliunde sit,
 neque ratiocinatione colligendum, quam sic instituebam.
 Demonstratum jam est, & laboriosissimè à Kepplero,
 ingeniosissimè à Bolialdo, Planetarum orbitas, quas
 eo cursu permeant, non esse circulares, neque describi
 eorum motu perfectum Circulum super uno centro
 circinatum, sed viam planè Ellipticam, super duobus
 centris seu umbilicis velut ovi formam. Hæc duo pun-
 ta five Umbilici (quos in eadem diametro longiore For-
 os diucent) sic sunt à naturâ collocati, ut alter sit defixus
 in centro ipsissimo corporis Solaris, alter extra illud
 obreretur in æthere velut vacuo vacuus, quâ etiam de
 ussâ ille quidem qui hæret solidè infixus centro Solis
 lido, $\Sigma\lambda\epsilon\nu\omicron\mu\phi\mu\gamma$ ex hinc mihi dicitur: alter cor-
 pore vacuus $\text{Κενόμυμ}\gamma$ Quantum quidem potui pro
 eo captu appositè, novis nominibus inditis, de quibus
 judicabis. Inter hos medium intervallum mensuram
 exhibet, quâ summa Apſis five Aphelium remotius est
 centro Solis, quàm Apſis ima seu Proshelium, istius-
 que intervalli dimidium est ipsa Excentricitas. Qua
 centrum Ellipseos distat à centro Solis. Quæ non tui
 onendi causâ, sed eorum qui multis Parasangis infra
 fortè hæc sunt lecturi dici existima.

At verò Lunarem choream, ego à cæterorum
 planetarum motu plurisariam comperior diver-
 sam. Primum enim (quod nuper ad te scri-
 bere memini) Orbitam suam neque Circularem

decurrit, pro eo ac voluit omnis antiquitas, neque Ellipticam, quod Kepplerus & Bolialdus statuerunt, sed eam plane effigiat Ovale, hoc est, Ellipsin facit circa Apogæum quidem acutior, circa Perigæum obtusior: ita ut ab Apogæo ad mediam longitudinem iter ejus ingrediatur Ellipsin, sitque eatenus Ellipsis inter Circulū & Ovale, media post longitudinem verò mediam, jam Ellipsis ingrediatur Ovale, curratque Ovalis ad Perigæum usque, media inter Circulū & Ellipsin. Idque iis legibus, ut prosthæreses tam super quam infra medias longitudes, æquidistante numero graduum à Linea mediæ motus seu Apfidum, finit exquiritissimè inter se æquales. Hoc est, ut in gradu Anomalix Lunaræ 45. & 315. Prosthæreses ejus sint 3. 32. non autem 3. 19. rursumque in gradu 135. & 225. eadem prosthæreses sint 3. 32 non autem 3. 45 quod tamen Geometrica ratio exigeret; quæ nunc hîc planè destituit, & ad Physicæ nos ablegat, hoc est, quas ego introducebam, Oscillationes, in Lampadæ meâ, intra hoc trienniū revelatas. Quibus scilicet sic habetur Luna extra mediam suam lienam, sive centro propinqua, sive ab eodem remotior; quomodo in Oscillationibus omnia puncta totius chordæ (si paucillò sint propiora, sive remotiora) sub eodem extensæ perpendicularum angulo jactantur. Interim autem hæc Ovalis figura seu Ellipsis alterâ sui parte obtusior non desinit habere duos item Umbilicos, sicut illæ aliorum Planetarum alteræ: quorum Κενόμυχον situm habet in libero æthere nulli corpori hærentem; alter Σπινόμυχον Telluris corpori sit illigatus; non tamen ejusdem centro infixus, sed inter centrum & superficiem medius; eo intervallo, ut si à centro ad nos sint Leucæ Australiæ 1000. (pedes Romani ex postrema Geodesiâ Snellii 19500000) ab eodem Telluris centro ad Σπινόμυχον sint Leucæ 63c. Atque hoc tantum intervallo continuo movetur, creatque Variationem illam Tychonicam minutorum 40. circiter (mihi 37. 30) per quadrantum semissibus, seu Octantibus Lunæ mensuratis is maximam, simulque Apogæi Lunaræ Prosthæresin

resin tunc item maximam graduum 14.28. quæque alia locum alium unâ cum ooidis constructione Geometricâ sibi deposcunt: hoc est, TE, BVLIALDVM, GV-
TIS CONLUM nostrum interpellant.

Hæc ego cum jam olim mecum expendere, sic ratiocinabar. Luna motu suo terram observat, & in illam collineat, corpus in corpus, cum quo & sic se communicat, ut æstus Maris cieat, & miram vim in vegetalibus, imò & saxi (selenite) oculis subiciat. Ru sum autem Tellus in Lunam Magneticum imperium exercere deprehenditur, vel ex eo, quod eadem ejus facies semper in Tellurem propendeat, nunquam verò istam à nobis avertat, ut alterum hæmæisphærium patiatur adspici. Luna est ergo inter hæc duo corpora tractio.

Mutua velut inter homogenea corpora collineatio, sicut inter Magneta & ferrum. Et quia Lunare Systema suum motum exercet circa terras quidem, nec tamen constanter circa ipsum centrum terræ, quin imò longe ultra illud, & tamen intra Telluris finem profectò venit clara voce clamat nihil se invenire in Centro ipso solidi aut densi satis, ad quod se componat, sicut Planetæ ceteri sese ad Centrum Solis dirigunt; sed id deinde invenire leucis abinde 630. ideòque inde tantum ignes Anonalias, ac velut motuum inconstantias sibi se subundas: quod non faceret, scilicet, si centrum censere posset densum aliquod ac solidum, ad quod suum curriculum moderaretur.

Hæc me perpulerunt, Doctissime GASSENDE, ut tot leucis 630. semidiametrum darem vastæ istius cavernæ; quam proin totius globi necesse sit partem esse partem præcisè: & hanc, quia vacuum statuere non deimus, non dubitavi eam plenum subterraneis Ignibus credere; non tamen etiam sic tumultuosis, aut in tantum eratis, ut illis sui canini aliquot non sufficiant, sed perinde illos habui ac in Cordis cellulis latentem obscurem ignem, æcquam ac vitalem, indicè nq̃ manantem, motum ac motum per totum corpus se dispensantem. Quæ etsi efficacissima est totius vitæ officina, san-

guinis arteriosi, spirituumq; scaturigo, suiq; sibi pabul
ministra; nihil tamen tumultuosū habet; nihil compo
tum, aut impulsibus inordinatum, quamdiu constat vale
tudini sui ratio; inspirationi atque expirationi sui mo
tus, *qua* Quemadmodum (inquit Plato) in animalibus
qua semper respirant, spiritus fluens & expirat & inspi
rat sic etiam. illic subvectus unā cum liquore spiritus
vehementes quosdam & ingentes ventos excitat, cum in
grediens, tum exiens. Quem à respectans Seneca, jux
ta cum illo affirmat: Naturā regi terram, & quidem ad
strorum corporum exemplar, in quibus & venæ sunt, &
arteriæ; illæ sanguinis, hæ spiritus receptaculum. In terr
quoque sunt alia itinera per quæ aqua & alia per quæ spi
ritus currit. Et quanquam sunt sub Terrā minùs nota
bis jura naturæ, non sunt tamen minùs certa. Crede infra
quidquid vides supra. Sunt & illic specus vasti, sunt inge
tes recessus, & spatia, suspensis hinc & inde montibus
laxa: sunt abrupti in infinitū hiatus: qui sæpè illapsas
bes receperunt, & ingentem in alto ruinam condiderunt.

Quos hic spiritus Plato ac Seneca loquuntur aquæ per
mixtos, Ignes isti mei sunt (velut in corpore humano
spiritus Vitales) tenuissimi, purissimi, efficacissimi, non
sub conspectum credentes, quæque Hippocrates vocat
τὰ ἐνοσμούυτα, Ignitæ velut substantiæ, animæ cum
corpore vincula, instrumenta imperum facientia per
voluntate quantumvis subitum, quos cum doctissimus
Meteorologo Fromondo Naturam vel ideo reor infer
subjecisse, ne illa stagnaret, imò etiam ita permiscuisse,
quanquam Platoni multa quidem Aqua velut ex
in alios crateres fluat, sintque perpetuorum fluxionum
immensa magnitudines sub terrā, tam calidarum
quàm frigidarum Aquarum: multus tamen sit etiam
IGNIS, & IGNIVM ingentia Flumina: quibus abyssi
illæ Tartarūque omnis ita fervet, candeat, æstet,
inde tot locorum proprietates calidæ, tot scaturigines
Thermarum (tantum non Ignes ipsos Aquis mixtos
Aguas imbrigneas vomentium) regionibus omnibus
cū exundent; ubi quoq; tanto cū fragore, ut Torque
adareferat in Hispaniolā insulā montem quendam
circu

circumquaque inhabitabilem; quod in ejus cacumine
 quæ vasta est planicies, & nuda prorsus arboribus) La-
 s ingens Aquæ obscuræ, atque atramenti instar ter-
 perinde bulliat, ac si omnes totius universi suppositi
 Ignēs: cujus strepitu continuo, etiam è longinquo
 delcant homines, ideoque arceantur. Plura his simi-
 legere est apud Acoſtam, atque alios Ignium infer-
 rum indices.

Talibus ergo Ignibus inferna Abyssus plena est, & si-
 al Aquis immanibus. Quid igitur? nam hæc tam pug-
 antia elementa in unum coeunt. Omnino sanè, & coa-
 cuit. Hic audendus est Aristoteles, de Generat. Ani-
 al. III. *Generantur (inquit) in terrâ humoreque Ani-
 alia & Plantæ: quoniam in Terrâ Humor est; in Humo-
 Spiritus, in toto verò UNIVERSO CALOR ANI-
 ALIS: ita ut anima quodammodo plena sint omnia.*
 Calorem ecce istum Ignis vocabulo alibi designatum
 et rotam hanc molem universi vult effusam ac veluti
 mundi animam constituere. Ut Ignis seu Caloris vivi-
 ci plena sint omnia, tam Terra, quàm Mare, cum suis
 laminibus & Abyſſo, etſi tam Aquis multis permeari
 m audivimus. Imò si sobriè Philosophamur, alibi nul-
 Ignis eſſe poteſt, quàm ubi pabulum habeat. Jam de-
 um enim quaternum elementorum fabula explosa est
 iam Aristoteli, libris illis aureis, tam de manibus Do-
 torum nunquam deponendis, quàm magistellorum
 eutiquam attingendis, quos scripsit de Historiâ, Par-
 bus, & Naturâ Animalium. Nam libro II. de partibus
 p. II. asſeverat, *Naturam Ignis, tale quid eſſe, quale fri-
 us est (accidens nimirum in ſubjecto,) ejusque ſubjectum
 ſe carbonem vel fumum.* Rurſum lib III. de Genera-
 tione Animalium cap. II. poſtquam tribus Elementis
 erna velut genera distribuit Animatorum; Terræ Plan-
 as, Aquis Piſces, & aquatilia: denique Aëri Animalia,
 quæ in ceſſu & volutione moventur: quartum præter hæc
 Animatorum genus nullum agnoſcit, ut nec Elementum
 intra quod degant. *Nam ignis (inquit) quartum quidem
 numeratur corpus; verùm is non videtur habere formam
 propriâ, ſed potius (accidens eſſe) in alio corpore: Aut enim*

Aër, aut Fumus, aut Terra videtur esse id quod Ignitum est. Ac paucis antè verbis, *Mare* (ait) *omnium partium*, hoc (quod intelligit) *elementorum, est particeps, Humoris* & *delicet, Aëris, & Terræ.* Itaque Trium, nec plurium Elementorum assertio vel ipsi Aristoteli probatur, quatuor aliàs vindicanti. Sed jam ævo scilicet & iudicio maturior à seipso juniore diversus abiit: ut agnoscas in opinionibus non sæculorum modò, verùm ætatum quoque suas esse sectas.

Ignis ergo qui sine pabulo esse non potest, alibi quàm ubi alatur cogitandus non est. Et quoniam non nisi humore calor pascitur, profectò in humidâ substantiâ, id est in Abyssò illâ, quam proximus Aquarum Infernarum inveniendus est: & quæ continuâ ustrinâ excoquere, & spiritu cocturâ, in superna preflare cogitandum. Ut prom Aquæ istæ infernæ ignis, sint ipsissima illæ, quas ater ille lacus Hispiniolæ, quis fluvii quidam alii cum ipso Tartarei coloris argumento rep. cernant: in didem quoque profuant, quos Plato commemorat, *Fluvios multos luti liquidi, partim purioris, partim cœnosioris.*

Hoc subterraneorum Ignium Aquarumque coagulum, hanc dico Abyssum, Rupertus Platoni ac Senecæ verbatim fermè accedens hepatis animalis comparat, unde per venas ac tribulos se sanguis in totum corpus dispergat: imò affirmat hunc esse fontem, ex quo profuant quatuor illa Paradisi flumina: *quæ etiam mater sit & mamma* (ut loquitur) *cæterorum omnium.* Quatuor verò Fluminum præcipuorum ex Barathro seu Tartaro sese diffundentium Plato quoque meminit, prædicato jam loco, quod est NOTANDUM.

Enimverò, quod Ignibus istis *Ætnam, Vesuvium*, aliisque per totum orbem terrarum spiramenta censles nimis angusta, quasi majoribus caminis indigeant, tantumdem mihi objicere videris. Ac si dicas corporis nostri spiramenta videri spiritibus preflandis imparis, quoniam videre est interdum corpus hominis capite præciso adhuc erectum & jaculari emigantem alitè sanguinem, vel de fistulis, quod certè spiritus faciunt, hic jam magno impe-

tu erumpentes, qui tamen antè intra corpus placidè atque amicè continebantur nihil illic arctati utpote in loco suo. Sic nimirum & Inferni spiritus atque Ignes, cùm sint in proprio loco ac statione suâ, caminis laxioribus non indigent, nisi si quando velut Febribus quibusdam (cùm voluit Deus) correpta Tellus exæstuat, & horrenda tunc Incendia cum Terræ motibus ac strage mortalium evibrat, maximè circa istos ipsos caminos: quod anni superiores in Italiâ nos docuerunt non semel.

Quæ dum reputo planè cum Senecâ, existimo spiritus istos ignivomos non illic originem habuisse, sed viam, atque ex imis terræ visceribus adeoóque altitudine, infusâ effusos quâ transierunt, cum suis æstibus traxisse materiam obviam, atque in auras inflammata exspersisse. Quod idem jam tecum loquor, & subscribo, materiam inflammabilem non ex imo prorupisse, fortè autem neque centum leucis infra superficiem delituisse: sed spiritus propellentes fontem quacumque de causâ ebullientem ultra solitum effecisse, ut Materia illa inflammabilis corripereetur incendio, simulque effunderetur. Et ego quidem sic mecum ista jam olim meditatus, in tuum, Optime GASSENDE, sinum nuuc effundo, qui te ipsum toties mihi tam effusè impendisti. Vale, VARSUMME, & idem esse perge qui fuisti hæcenus, erga

Tuum Tui plenum GOTTFRIDUM
VENDELINUM. Can. Condat.

Scribebam Bruxellæ,

Calendis Dec.

RENATO MOREAU

ROBERTUS FERVAQUIUS. S. P.

Seriùs quàm debebam Purpuratæ nostræ Pluviæ te certiore reddo, Eruditissime MOREE, sed temporis intercapedinem & ingenuæ rei confirmatione, & solidâ assarû assertionem rependere conabor. Mitto igitur iterò edicâ accuratissimi Vendelini nostri narrationem,

una

unâ cum Clarorum Virorum censurâ, qui causas imbris illius vernaculas firmis rationum momentis ab Amplissimo Domino CHIFLETIO deductas vehementer approbârunt; quibus & ego penitus assentior, abundè intelligens veritati multò magis esse consentaneas, quàm quæ à Physicis obiter hucusque nec satis dilucide fuerunt inductæ. Hæsitârunt illi penè omnes, & dubii oberrârunt in assignandis rubentis Pluvix causis; fateatur ipse Scaliger, *colorum causas atque essentias tam controversas atque obscuras esse intellectui, quàm sunt ipsi visui manifesti*. Primus faciem prætulit CHIFLETIUS, arcanioris naturæ omnis vates scientissimus, atque acerrimo, quo pollet, iudicio, Belgii nostri indolem, suumque perscrutatus, genuina ruboris in imbre principia nobis indicavit.

Gravissimum est à tellure ipsâ sumptum argumentum. Decidit hæc Pluvia sub matutinum primò crepusculum Herkæ, (quod oppidum est in orâ Taxandriæ cespitem bituminosorum feracissimæ) tardius paulò Bruxellis, ac circa Namurcum visa, Angienſe oppidum rigavit à meridie, nonnisi verò postridie. Condari ad Scaldim & adjacentibus sortè in vicis fuit observata, quæ quidem loca omnia vel fuliginosos Asphalci habitus, vel tenuissimos Chalcanti spiritus radiis submitunt solaribus. Vitrioli namque vim magnam Hinnoniæ visceribus includi cuique manifestum erit, qui vel solos Mariæmontii fontes acorem Spadensium aquarum referentes, fundique arenosi ferrugineum ruborem perpenderit. Bituminis verò præsentiam non tantum ab indigenis fossilibus glebis igni fomitem præbentibus sed vel à solo reservatæ Pluvix sedimento colligere licet, quod tenuiore parte vitreis organis educat crassescens, (uti experimento probavit Chifletius Vendelino, meque præsentibus) plissimum, nativumque Turpharum odorem,

Fas vidisse fuit, fas sit mihi visa referre.

atque fuliginosam bituminis substantiam ingenuè referebat. Adde quòd in candidis fortè è lanâ vestibus pluvix expositis, varix subrubentes maculæ inhaerent

Exercit.
325. in
Cardan.

Ovid.
Lar.
Hel.

quæ nullatenus aquâ communi elui potuere, bitumineo ac tenaci succo altius infixo lotiones eludente. Neque opus est cætera repetam argumenta, in quorum confirmationem Græcus ille author de coloribus, quem Simon Portius commentatur: *Conspicimus, inquit, nigra ignita omnia mutari in puniceum: etenim fumosa flamma & carbones quando sunt accensi, cernuntur colorem habere puniceum.* Cui etiam Cardanus congenerem adfert experientiam: *Si lacti fuliginem miscueris, rubeus fit color.* Ac paulò post: *Croceus seu aureus in duplâ ratione candidi ad nigrum consistit, puniceus verò seu Roseus in hemiolia.* Hinc apparet statutâ certaque proportionem naturalibus caussis esse concurrendum, ut varii multumque dissimiles ex eorum miscellâ emergant colores: quod & in arte factis contingere videmus ad miraculum. Nôrunt Chymici certâ ratione stibium unâ cum nitro calcinare, ut vitium inde confletur elegantissimo rubore pollucens, quamvis album sit nitrum, stibium verò cum splendore nigricans. Ex aquâ item aluminosâ ac lythargiri decocto permixtis, insperatò lac (quod vocant virgincum) exsurgit, neutro licet priùs liquorum albicante. Sic & in tartari liquorem injecto Vitrioli acido, subsidet coagulum albissimum degener mixtorum colorum. Quidni ergò & à principiis naturalibus variè tingi pluvia possit? & modò lactis; modò sanguinis colorem referre? dum nempe ex determinatâ mixti materiâ eleuantur vapores, qui proprietate innatâ rubrum candidumve cognato liquori imprimere valeant pigmentum. Sic bituminei halitus, à nigro licet Asphalto oriundi, dum Chalcanti Spiritui copulantur in nubibus, quidni & ostrinam excludere pluviam possint? quàm non facile à rubente terrâ miniove regionibus hisce peregrino provenisse censeas, cum rubentia etiam non nulla album ex se, non purpureum liquorem suggerant; uti Cinnamomum, quod ignis vi lacteam aquâ subministrat: purpureæ verò Iridés, & fusce Rhamni Cathartici baccæ viridem succū præbent, ut pictorie notum est. Quòd si quis arguat nunquam in Belgio

Cap. 14.
lib. 3. de
var.

Fromondus
art. 3. cap.
4. lib. 5.
Meteor.
Lib. 2. c. 2.
Cosmogr.

Cicero pro
Planc. 9.

Virg. 8. Æ-
neid.

visos imbres purpureos, atq; adeo in naturales ac necessarias causas rejici nō posse; fateor libenter monstra illa pluviarum haud frequenter contingere, quia necessaria his in oris agentia rarissimè unā cum intensissimo calore simul ad hunc effectum conspirant. Visum tamen id non semel præcedenti sæculo in hisce ac finitimis locis, speciatim anno 1543. in Westphaliā, tum & anno 1571. in Ditione Embdensi Belgio conterminā, ubi referente Cornelio Gemmā, nocte sanguinem pluit copiā tantā, ut ad quinque vel sex milliarium spatium herbae, & vestes expositæ in apricum, ex albo colore penitus in PURPUREUM sint mutatae. Idem & Lovanii anno 1568. ipso Pentecostes die accidisse memorat. Obscuriores sunt, dicam, an negligentiores fuerunt priorum sæculorum scriptores, quicū sanguineæ lacteæque pluvie passim meminerint de sapore, consistentiā & odore imbris altum silent, tanquam si rubeus candidive nimbi color sufficeret, ut sanguine lacteque pluisse diceretur, rudis & indoctæ vitio plebeculæ, quæ non delectu aut sapientiā ducitur ad judicandum, sed impetū nonnunquam & quādam temeritate. Inde factum arbitror, ut quoties colore ad rubrum accedente tingeretur imber, sanguinem, quoties ad album vergente, lac è cælo cecidisse crederent. Imò & hæc nostra lymphæ sanguinis commentum subiisset apud posteros, ni doctiorum operā ab hac fraude fuisset vindicata. Iam sciet posteritas omnis, non quem casum portenta ferant, sed quibus causis naturā duce, & ordine certo conspirantibus, talem sibi asciverit pluvia colorem; unaque Dei bonitatem ac sapientiā prædicabit, qui non terrorem, sed instructionem hominum naturalia finit agentia mirandos edere effectus; quos tibi, Medicorum præstantissime, significandos duxi, quia nosti ūn interest temporum mutationes, ventos, pluvias, regiones considerare, & quia eximie polles rerum naturalium cognitione, gratissima hæc tibi argumenta futura cogitavi. Benè vale, Parisiensis Academiae decus clarissimū, atque hæc nostra qualiacunque æqui bonique consule. Bruxellæ xv. Decembris, anni MDCLVI.

De Pluviâ purpureâ Bruxellensi.

ANNO CXCXCVI.VI.OCT.

Queritur, An rubeus qui nuper decidit imber,
 Sit Meteorum, vel mage Prodigium.
 Nemo negat variis naturam ludere formis,
 Verum, quid majus denotat istud opus?
 Credite Portentum est; sed latum, quodque futura
 Pacis apud Belgas nuntiat Auspicium.
 Jam satis effusum terrâque marique cruoris,
 Ipsæ testantur, queis pluit, Axis, aquæ.

P.L.W.

EPIGRAMMA.

Alea dum niveo fundenuur Bathea nimbo,
 Portendant Gallis nuntia lata suis:
 Qui rubet AUSTRIACO Pluvius modo Iuppiter ostro,
 Nobis Pacifici fœderis omen erit.

R. F. M. D.

JOANNI JACOBO CHIFLETIO,

F. AMANDUS FABIVS.

Non hoc sine numine Divûm, Vir Ampiusime, cõ-
 que manifestio, ira tibi in mentem incidisse (quippe
 alto veniens, coeloque delapsum,) existimo. Ut, in-
 am, de pluvix sic nuper coloratæ causâ differente te-
 m ac disquirente doctissimo Wendelino, tam eam &
 rtipiceres subito (Mortalium, nisi fallor, primus,) &
 ox literis erudite expositam, aliis quoque exhiberes
 rspiciendam. Proinde, quàm mihi primùm Literas eas
 gendis facta copia, & legi subsiliit gaudio animus &
 ATRI LUMINUM CONDENSE REVELANTI, pio novi lu-
 nis beneficio gratias egi. Nam ille, ut videris, & qui-
 m tam facilè, tam acutè, tam aptè commodèque ex-
 cares, dedit. Ut non minore nunc jure, quàm olim si-
 nariii Magister ille Ludi, Sonorum proportionibus ab-
 cude miro casu edoctus, tu quoque, Vir Clarissime, ex-
 clamare

clamare, possis ac debeas: *εὐγνωστα εὐγνωστα* (monstrante nimirum Deo,) & victimâ, ut Pythagoras ille, cenrenariâ gratitudinem contestari. Tanti (meo sanè sensu) inventio ista, & veritatis eatenus abstrusissimæ de imo Democritici putei caligantis fundo in aperta, lucemque protractio. Abnuant, ut lubet, nescio qui talpæ lucifugi, malintque nocte suâ, quàm adducto per alterum die, frui: Solem ego, undecunque videro exorientem, saluto, & lætus adspicio, eò lætior, quò à propiore vel notiore plagâ.

Felix, qui potuit veram cognoscere causas:

Qui invenire primus, etiam gloriofus. Sed urique in DOMINO gloriâ: de qua uti nunc tibi gratulor, veritot sæculis abditi ignotique Inventori, ita & ab eodem illo solidiorem istam, ac de SUMMÆ VERITATIS, quæ ipse est, inventione complexûque precor æternam. Vale. Ninives Flandrorum, Anni Dominici MDCC. XLVII die xx.

Pruriunt animus mihi calamûsque disertissimum VENDELINUM alloqui: quem meritò virum, squalentibus Campaniæ Brabantinæ cespitibus, invident urbes Belgi principes, Bruxellæ, Lovanium. Ludere existimo, cui sic de ingentibus illis intra Terræ Cavum, circum umbilicum ipsius focis, anquam à Naturâ structis illis accensisque, lubuit, Philosophari: (nam quos ibi, Fidei magistrâ, ardere rogos, discimus, vindices iniquitatis, alii sunt.) Quintum scilicet habeamus jam, idque alterius Elementum ignis; qui contrariâ, quàm supernus iste tendentiâ & indole, deorsum ferri, & infra gravissimæ ponderis molem subsidere, ibique habitare gaudeat. Quò proinde fulminum nubibus excussorum, aliarumque congeneres flammæ velut in gremium matris, directæ ad Centrum universi imperu, redire festinent. Ad eonem ceu ad perpendiculum, eat semper

Ardentis via fulminis deorsum?

Credat Judæus Apella, aliud videmus; & vult Ratio. Nec ad illud abunto minùs: Fulmina è nubibus nunquam sursum erumpere. Una hirundo non facit Ver-

nec una, quâ nititur ipse, experientia istud verum: Immo
oties experimur, ut puto, contrarium, quoties nobis
ic infrâ positus tonat, nec tamen fulminat. Nempe per-
upto tum supernè nubium dorso, & elisis in altum ig-
nibus. Verùm de his nihil ad præsens attinentibus, op-
ortuniùs ac pluribus, ubi cum ipso. En hîc interim à mu-
niente Musâ nostrâ Distichû, alterûmve, quod ad lupi-
nus inventioni.

Ut inveniretur causa, pluit Purpurâ.

Quæret ut causam GODEFRIDVS, redderet aptè
CHIFFLETIUS, nuper MURICE, credo pluit.

In eos, qui dicunt pluisse Sanguine.

Sanguine quod pluerit, vox & sententie vulgi

Clamat; cùm proprior sit liquor iste Mero.

Ille Meri color est omnino, suavè rubentis;

Si tantùm videas, dixeris esse Merum.

Et cùm non habeat quidquam sapor ipse cruentum.

Est aliquid, quo se fingeret esse Meri.

Vertite vos igitur, vox & sententia Vulgi:

Quò minùs erreris, ferte pluisse Mero.

F. A. F.

F. AMANDO FABIO,

PRÆMONSTRATENSI CANONICO,

F. ODO CAMBIERIVS.

ANNO. M. DC. XLVI. die IX. Novembris, feriâ sextâ
(integro mense post Pluviam Bruxellensem)
corâ circiter secundâ pomeridianâ quum aura solio
epidior esset, flante primùm leniùs Cæciâ, nubes
Affigenio, vicinisque impendens locis, in imbrem ro-
tulentum resoluta est. Inde vento vehementiùs spiran-
te, majores guttæ cecidêre, & pluvia copiosior sesqui-
horam tenuit. Quum ita tectis aquæ largiter deflue-
rent, observavit nostrum è cellulâ aliquis imbricem
plumbeum, qui per tubum aquas superioris tecti recipit,
quâ purpurascere. Admirans stupensque, pluviam
sanguineam

sanguineam conclamar, Presbyteros duos forte obvio
advocat, per fenestram prospicere velint, rogar, aliqui
dignum spectaculo esse. Vident illi aquam pallidè ru-
bentem per proximum decurrere imbricem: nec sat o-
culis credentes, propius rem videre ac tangere optant.
In Peristylj hortum se conferunt, ibi sub divo stillicidio
cœlo deciduas veste, manu excipientes, nihil purpuræ
quidem notant, sed ad orientalem dormitorii sug-
grundam progressi, ipsam stillicidii colore rufio,
ex albo purpurascens, ad aliquot passus iunctum conspi-
ciunt. Erat fortè in proximo faber lignarius, qui ad
jussus & arbitrari, rubere quidem aquam, ait, sed vici-
ipsum forsitan soli, quod laterum fragmentis hinc inde
stratum, aquas illas purpurasset. Rectè satis hæc à na-
prolata, si non aliàs sæpius observatum foret, pluviam
eò loci delapsam, temper sui similem nihil peregrini
coloris habere; ad hæc scrupos illos laceritios multi-
guttarum casu silicum more duratos & læves, si un-
dis immergantur nihil illis rubei illinere. Interim dum
oculos istuc non unus Aseetarum pascit, nemini in me-
tem venit aliquid istius liquoris è suggrundâ defluentis
vasculo excipere. Unus Dominus Amandus, quum
rior jam nive commissa decideret pluvia, ad locum de-
latus, sextarium ferè ex stillicidio, quod terra non
imbiberat, collegit.

Sed ubi, & quid tu interea, petes, dum ita plueret
utinam ad fuisset! ut omnia ex amissim ad notassim
Agebam enim tunc apud admodum Reverendum Do-
minum Præpositum, nec antea quidquam intellexi, quàm
quum ad Vesperas ultimùm sonaret. Seriùs tum; De-
divinisque nihil non posthabendum. Simul atque O-
cio finis impositus est, nihil à me factum est prius
quam ut explorarè. Pergo ad Peristylj hortum, nec dum
purpurissi indicia in stillicidio etiam tunc deprehendi
vitri pellucidi cyatho plusculum indo, aëri oppono-
picio, nec fallit color ferrugine us rubro dilutiori
perfusus, saporque subausterus, acidularum aliquo
referen.

Idque magis credere institui, dum collectam alterâ die pluviam cum hac conferre juvat, quæ mihi dictu quantum ab eo colore & sapore abuisse mihi visa.

Facebant igitur omnes, qui Pluviam purpuream (qualis etiam Bruxellæ pridie Nonas Octobris cecidit) aut elevari, aut, quod indignius, risui habent. Illorum ego sensa & dicta vel nebulæ cyatho non ementem: certus magnus Naturæ mystæ D. Chifletio accedere, & istuc totum accredere.

VOPISCO FORTUN. PLEMPIO V. C.

GOTTFRIDUS WENDELINUS S. P.

Cum postremi Decembris die 17. discederem Bruxellâ, magno serio mihi commendaverat Nobilissim. Chifletius, uti salutem tibi abs dicerem. Atque etiam ex te intelligerem quid de pluvâ illâ purpureâ censeret, cujus ipse rationes explicâset, sed judicio quoque tuo vel firmandus vel improbandus. Cujus sententiam præstolaretur de improbo scilicet recitandam. Et ego quidem, pro eo volueram Summus Virorum postridie, qui fuit 18. Decembris, statim à Sacro ad ædes tuas advolavi, sed aberas, commodum (imò sane perquam incommodum) egressus, cum interim me præstolaretur cariss. Distium petiturus omni morâ denegatâ: Sic factum est, ut alloqui te non licuerit. Quod unum ego licet, per literas, ecce te alloquor, & quantum possum oro etiam, ut ad Virum præstantissimum tuis aliquid perscribere, quod cum Clarorum tantum judiciis aliis possit prælo redire. Ac ne hoc

K

ignores

ignores (quod ad rem facit quàm maximè) frequentiore est ista Pluvia in his oris, quàm hactenus quifquam suspicatus sit. Memini ego me valde puerum, hoc est, sub annum 1590. circiter, audire quod publicè tunc memorabant, in ædibus cujusdam Nobilis Toperchæ collectam fuisse pluviam Sanguineam in subdialibus cacabis, in quos noctu abunde depluerat leucâ unâ distat hinc illa domus. Sed & sæpiùs alia in Taxandria idipsum visum narrarunt mihi mei illic avunculi & amitæ, nihil magnoperè talia mirabundi.

Sed & anno 1638. biduo circiter aut triduum summum ante festum omnium Sanctorum, pluvie sanguine isto (ut vulgus amat loqui) largiter Turnholtii & Duissilvæ: rursusque anno 1645. die inter 23. & 24. Januar. Mollæ tam effusè purpureæ de cœlo ruit, ut fluvius illic totus rubuerit, magna admiratione omnium etiam peregrinorum, qui ad mercatum hebdomadarium (die tunc Martis) conveniant. Eodem die Martis mei cives Hercani Hassletum item ad mercatum profecti, mediâ viâ in vicinis Kermpit eandem aquam rubentem notârunt in glaciâ, longæ cujusdam fossæ secus viam publicam. Atque hæc intra paucos istos annos 1638, 1645, 1646. solum nostrum Belgium exhibuit; quàm frequenter ac sæpiùs retro idem contigerit relicto in medium argumentum! Tu quid de his censeas, ad Nobilem Virum perscribas velim, & me in tuo ære numeres, cui scribiturum hactenus debeo.

VOPISCUS FORTUN.
PLEMPIUS,

JOAN. JACOBO CHIFLETIO,

Nobilissime & Ampl. Vir,

Monuit me per literas ex Hercio suo Vendelinus
 noster, te poscere à me, quid de scripto tuo cense-
 am, quo causam & ortum explicas *Pluvia Purpu-*
rea, pridie nonas Octobris ∞. 100. XLVI. cœlo in
 nos delapsa. Parendum est, quia poscis. Utinam
 quod poscis, rectè possim. Consilium certè erat de
 hoc argumento nihil dicere; fidem hanc non impel-
 ere, quod alii clariore voce tinniant, ex eorum gene-
 re & cœtu, cujus vel duo singularia capitula magis
 extimescebat irritare Carolus Maximus, quàm mag-
 num quempiam Regem. Declamitant Medicos ad
 rheismum deflectere, pauca Deo tribuere; pleraque
 naturæ vel expensa ferre, vel referre accepta. Bel-
 lum Hercules, & efficacem à Deo desciscendi rati-
 onem! Quasi vero naturæ contemplatio ad Deum
 non potius nos deducat, quàm ab eodem alioversum
 producat. Quod adeo verum est, ut ex pulchritudine
 operum naturæ, & mirificâ ejus vi notionem Dei
 etiam veteres sese habuisse fateantur: quoquò enim
 insinuabant, ubique scintillæ: clucebant divinitatis.
 Porro sic de Naturâ loquuntur Medici, ut ipsam Dei
 ministram esse semper meminerit: quo sensu quin-
 è plura sublimioraque huic famulæ adscribunt, tantò
 honorificentius de Domino sentiunt. Quid enim
 volunt illi obstrigillatores, ut quisque eventus
 arò incidens soli Deo imputetur? Notum enim
 est, & vel ipsis etiam tunicatis in con-
 fesso,

fesso, Deum O.M.cunctorum effectorem esse, nihilque sine ejus concursu peragi. Sed enim hoc sciunt docti, Deum illum eundem O.M. non agere ordinariè sine consortio causæ secundæ, quæ in Medica quidem nostra republica est Natura. Quandocunque ergo opera aliqua sese offerunt in speciem mira, ea continuè vel portenta esse, vel miracula, ut vocant, pronuntiare; hoc ego quidem anilium fabulationum simile existimo, quas ingenium vegetum, doctrinæ nitore defæctum exculitumque, præcipuè averfatur; atque hoc verè pium dixerim verèque religiosum, causis naturalibus ingenuam suam tribuere potestatem. Delinant igitur Medicomastiges; comprimant accularionem suam, hebetudinis indicem; neque imperitum popellum inanibus terribilamentis percellant, sed Deum cum Medicis in Natura venerari atque adorare verà pietate condiscant. Ego istam admirabilem Dei promam condam, quot diebus magis magisque adspicio & suspicio, nec perspicio. Video tamen multa portenti loco à nobis haberi quæ quotidianis rebus minùs sunt mirabilia: nempe frequentia sentiendi elevat miraculi fidem. Ut in hac ipsa nostra Pluvia: quod buccæ penè crepuerunt quot guttura ad ravim vociferata sunt, frustra laborare Physicos, ut aquam illam cœlestem rubram in causas referant naturales? sed merum Dei iudicium esse, quo nobis monstravit, non nisi sanguine largitus fundendo crimina nostra esse pianda. Sanè verè multa nobis assidue versantur ob oculos, multo istis rubicundis guttis admirabiliora; quorumque sunt causæ reconditiores. Vident motum maris; feriunt vel tractionem vel cursum ad magnetem; sudi celum vel aëris nullo colore præditi cœrulum colorem; sexcentarum rerum sympathias & antipathias; vident glaciem, quæ densata frigore aqua est, aqua liquenti supernatare; fumum in camino, Solis radiis supra illustrato demitti, nec posse caminum evadere

de e; aquam in pannum sibi immersum nullo impellente scandere: nec stupent; quia videlicet obvia sunt. Sed si terra trepidavit; si horrendius tonitru inruit; si alieno colore pluvia decidit, confestim Stentorea voce intonant, & territant plebeculam. Imperite: cum hæc multò minus mirari deceat, quàm ista jam commemorata, & mille alia id genus, quorum causæ nos latent, horum autem rationes dare sit in proclivi. Quin aio mirandum magis esse rosam rubram, vel alium quempiam coloratum florem nasci, quàm rubicundam è cælo cadere pluviam: illorum originem dicere non possumus, huius possumus; & omnino nobis dixisti, atque in apertum protulisti, Vir Amplissime, quod quia probat, & tam efficaciter comprobat *Isaïa* & ille Gottifredus, nescio quis audeat seorsum sentire. Ille quidquid à mortali sciri potest, unus complectitur; demonium hominis, non Taxandæ solum suæ, sed Europæ, sed orbis totius Thaumæ qui fulminante ingenii sui auro non adyta solum terræ invadit & penetrat, verùm etiam tranat cælos. Hic censet saporum ac colorum in vaporibus & exhalationibus varietatem non aliunde quàm ab ipsâ terrâ esse quærendam.

Quod apud me tam est certum, quàm in Natura quidpiam. Tu verò Principum Medice, & Medicorum princeps, generale illud incomparabilis Vendelini effatum contrahis, & quæ speciatim terræ exhalatio hanc Pluviam coloravit, depromis. Nimirum Bituminosi vapores, qui in altum delati nubis corpus effinxere, intra se continebant recondita Purplei splendoris semina, astri principis vi torrente excitata. Permissione autem chalcanthinorum spirituum, qui aliunde, sed eodem tempore in sublime fuerant elati, suscitatum est latens & abditum in asphaltinis vaporibus Purpureæ lumen, atque in nubem diffusum: quæ collecta undequaque in urbem medio

loco constitutam maximè defluxit. Quod ita est Naturæ duce feliciter inventum, atque ita subtiliter excogitarum, ut vel hoc solo nomine Protophyicus audire merereris. Sed alia sunt magis eximia, quæ Rex noster in te honorat, & quorum promissides aliquot jam propinasti, ex quibus utique agnoscimus omnes velut Atlanti cælum, sic tuis humeris jus gentis Austriacæ inniti. Sed redeamus, unde tuæ dignatiosis admiratio nos non nihil divercit. Chalcanthinos spiritus rerum colores elicere, & liquori impertire, omnibus potest constare, si rosas, si gallas, si alias res aquæ immacerent, & chalcanthi spiritum affundant.

Hunc ergo, inquis, sursum à Sole elatum bituminosis vaporibus, atque adeò totis nubibus Purpuræ colorem induxisse. Chalcanthinum autem sive spiritum, sive vaporem admixtum fuisse adserit nobis Vendelinus, qui hujus pluvie vim talem percepit, qualis ab aquâ Spadanâ, chalcanthinis spiritibus perfusa emanare solet: nam acidulum sapuit, urinas movit, lumborum dolores sustulit. Itaque iterum dico, ingeniosissima est hæc tua inventio. Et quis hanc Naturæ speciem tam perspicaciter pervidisti, velim, ut quæ super hanc ipsâ re mihi dubia restant, expedias. Pauca sunt, talia tamen quæ quempiam in sententiam tuam euntem sustinere queant.

Primum est, quod quidem chalcanthum rerum integratum liquoribus immerfarum colores eliciat, & liquores eodem colore inficiat; sed si eadem illæ res sint arte distillatæ, nihil chalcanthum adjectum in colore mutat. Atqui Solis calore in vapores versæ & in sublime elatæ perinde se habent atque arte distillatæ; ergo spiritus chalcanthini, in vaporibus bituminosis, Solis vi quasi distillatis, latentem & abditum purpuræ colorem suscitare nequeunt. Secunda majoris propositionis pars probatur.

batur. Nam aquam vel è rosis, vel quacunque bituminis specie distillatam nihil immutat: diffusum vel inditum chalcanthum; etsi è rosis integris aquæ infusis roseum evocet colorem.

Alterum est: si è bitumine corpulento & integro aquæ injecto, chalcanthum admistum colorem educit; cur fontes, qui aliquot sunt in Taxandriâ, seu Campaniâ Belgica, non apparent Purpurei? cum & isti bituminosi sint, & chalcanthi non sint expertes?

Tertium: cur saltem Spadani fontes non purpurescunt, qui è terra scaturiunt lithanthracis, id est, bituminosi carbonis ferace, & chalcantho scæra?

Quartum: *Purpureus color, inquis soboles est caloris: unde Aristoteles in meteoris illum componit ex mixtura ignei & candidi.* Nec Purpureus, nec quicumque alius color à primis qualitatibus dependet: nam quilibet cum qualibet potest consistere. Atque ut aliis omissis, de purpureo solo dicam, hic in violis se ostendit, floribus frigidis. Itaque quando Naturæ ille atriensis eum componit ex mixtura ignei & candidi: per igneum non intellexit, quod qualitate seu temperamento, sed quod colore seu fulgore igneum est.

Hos æstus meos explica præclaro tuo calamo, Amplissime Domine, & plures pulcherrimæ tuæ opinionis sectarios se profitebuntur. Valè. Scribebam Lovanii vii. Id. Febr. 1647. .170. XLVII.

JOAN. JAC. CHIFFLETIUS.

VOPISCO FORTUNATO
PLEMPIO.

Humanitati tuæ ac doctrinæ singulari multum debeo, Vir clarissime, quòd ex primario Medicæ professionis pulpito, de naturali causâ Pluviæ purpureæ, judicium ferre volueris, mihi quæ plurimum gratulor, quod meæ sententiæ, etsi novæ, iam candidè accesseris, probè conscius, NATURÆ ARCANÆ non promiscuè, nec omnibus patère: *reduſta & in interiore ſacrario clauſa eſſe; ex quibus aliud hæc ætas, aliud quæ poſt nos ſubibit, adſpiciet.* Cæterum ad dubia, quæ proponis, breviter & amice ſic reſpondeo.

Ad primum: Deſtillatione ſimplici, aqua pura & defæcata ex floribus elicitur; remanente, in cucurbitæ, crassâ terreſtri que ſubſtantiâ, in qua ſunt recondita coloris ſemina. Vi autem potentiori maculi Syderis, vapores rapiuntur in ſublime craſſi & impuri, in quibus pigmenti rudimenta deliteſcunt; unde eſt, quod accedente chalcantico ſpiritu foras prodeant: non ſic illo aquæ ſimplici ſtillatitiæ affuſo, in quâ ſubſtantiâ pinguem, colorum imaginibus gravidam haud nanciſcitur. Aquæ autem pluviæ purpureæ impuritatem comprobant experimentis, quæ ad Gaſſendi objectiones ſuprà adduxi.

Ad ſecundum: *Bitumen alibi limus eſt, alibi terra, inquit Plinius.* In Taxandriâ plures ſunt uliginosæ paludes, maximè circa *Mol & Balen*, quæ nunquam conſtringuntur, propter limoſum & ſulphureum, quo infectæ ſunt, Bitumen. Sed aqua

nt expertes Chalcanti, quod in montosis & siccis
ocis nascitur, & plerunque ubi æris fodinæ sub-
cent. Itaque, ob illum terræ adipem, absente Chal-
antho, fontes Taxandriæ Purpurei esse non pos-
sunt.

Ad certium: Spadensium aquarum quilibet

*Fons, est ILLIMIS, nitidis argenteus
undis:*

quo aqua destillata sedimentum instar austeri
alis relinquit. Non enim scaturiunt illæ aquæ ex bi-
uminosâ terrâ; alioqui asphaltico limo infectæ
prodirent, deponerentque nigrum ac splendens
utum, quale in agro Lingonensi Borboniæ
Thermæ.

Quod si Asphalthi vel tantillum Spadanis aquis
admixtum esse velis; id admoto igne, & chalcantico
spiritu suscitatum, rubore tandem se prodit. Au-
di, si lubet, Plinium de Lymphis illis: *Tungri, Ci-
vitas Gallia (Belgiæ) fontem habet insignem, pluri-
bus tubulis stillantem, ferruginei saporis, quod ipsum
non nisi in fine potûs intelligitur. Purgat hic corpora,
tertianas febres discutit, calculorumque vitia. Eadem
aqua igni admota, turbida fit, ac postremo RUBES-
CIT.*

Ad quartum, Sit ita; verbis illis Aristotelis, *ἐκ τῆς
πυρώδους καὶ λευκῆς* intelligantur quæ colore florda,
& lumine ignea sunt: At ista oriuntur à quali-
tate fervidâ; unde ignem & ouoram rubori & pur-
puræ omniscii Poëtæ copulare solent. Virgilius de
Lavinia:

FLAGRANTES perfusa genas, cui plurimus
IGNEM
Subjecit RUBOR, & CALEFACTA per ora cu-
currit.

Ovidius

Li. 2. Met.

Ovidius de illâ solis ac terræ filiâ, & lucis præ-
nunciâ :

————— *Nitido patefecit ab ortu*

PURPUREAS aurora FLORES, & plerumque
rosarum

Atria.

Ambigebat lepidè alter antiquus Vates :

————— *Raperetne Rosis AURORA RUB-
REM,*

*An daret; & FLORES TINGERET or-
dies.*

1. Georg.

4. Georg.
Eclog. 9.

Ego certè, (cui multa sunt, quæ oculos no-
stros & implent & effugiunt) omnia colorum
mina à sapiente Promethei igne, hoc est, à So-
le, in terram adhuc virginem illata arbitror; &
primis Purpurei, sive ignei, quo maturitatem signi-
ficat Poëtarum princeps, ubi segetem jam concoctam
à Sole, *rubicundam Cererem* vocat: eandemque
ob causam Purpureum colorem, pro omni alio, *κα-
ρῶν* usurpat, dum scribit, apes, quæ flores variè
pectos delibant, PURPUREOS *metere flores*, quo etiam
sensu, *Ver*, variegatum floribus, absolutè *Purpureum*
nuncupat.

Violæ flores, quos exempli causâ proponis
quamvis frigidi sint, in se tamen partes habent igni-
neas: ex quibus quippe (quemadmodum è rosis) ar-
chymica elicitur aqua vitæ, sive spiritus ardens, qui
violam tingi existimo obscuriore Purpurâ, quam
Amelli floris foliis observat laudatus Maro; qui
bus ait,

4. Georg.

————— *Viola subluceat PURPURA nigra.*

Ipsam quoque frigidum papaver, purpureis effu-
gens floribus, sulphureo nidore, quo prædictum
est, caput mentemque infestat, ac veterinum in-
ducit.

Sed ecce, Vir maxime, sensim ad ignes nos de- Pl. l. 31 c. 2.
 xerunt aquæ, de quibus Naturæ Mystes ait, nullâ Plin. li. 31,
 parte Naturæ majora esse miracula. Tu de C. 2.
 is frequenter statue, ut ego tibi semper applau-
 dm. Interim bene vale. Bruxellæ x. Febr.
 DC. XLV II.

FINIS.

AP.

CENSURA

Historia prodigiosa Pluvia quæ Bruxæ
decidit. VI. Octobris M. DC. XLV
Eruditiss. calamo Clariss. D. Gotifridi Vene-
lini exarata; Judicioque Amplissimi D. C.
fletii Archiatri Regii examinata atque illu-
strata, utiliter excudetur: ut homines viden-
t Mirabilia opera Domini; & per veram
pœnitentiam ad eum converſi, orent in be-
num monstra illa converti. Actum h
VIII. Octobris M. DC. XLVI.

HENRICUS CALENU
Archidiaconus Mechlin.
brorum Censor.

re
LV
ena
C
ill
vic
rra
e b
h

tu
n.L